

15.9.392

15.5.9

15.5.9





S U M M A THEOLOGICÆ SCOTISTICÆ,

IN QUA

EX FIDEI LUMINE, S. SCRIPTURÆ

Oraculis, Ecclesiæ Traditionibus, & Decretis,

SS. PP. & Theologorum sententia,

& rectæ rationis ductu,

RELIGIONIS CHRISTIANÆ MYSTERIA;

Sacramenta, Dogmata, & præcepta breviter, &

scholasticè explicantur, & propugnantur

ad mentem Doctoris Subtilis,

A P. F. SEBASTIANO DUPASQUIER,

Min. Convent. S. Theologiæ Lectore Emerito,

Doctore, ac Provinciæ Seraphici S. Bona-

venturæ Exprovinciali conscripta.

TOMUS VIII.

Traſlat. XV. de Pœnitentia, Confessione,
& Matrimonio.



Fry
Fernand
Minor




Joannij
Sauro Justij
Pouembual

PATAVII, Typis Seminarii. MDCCVI.

Apud Joannem Manfrè.

SUPER. PERMISSU, ET PRIVILEGIO.



Lectori Benevolo.

ECce tibi, Frater charissime, curriculum nostri Theologici, & Scholastici metam, & quatuor ultimos tractatus in hoc tomo octavo contentos. Utinam tibi arrideant, & profint. Nulli in eis peperci studio, nec labori; sed nescio, an tibi satisfecerit totum hoc, quod in me fuit, & quod tuæ dicavi eruditioni. Jam ab initio monui me Fratribus nostris studentibus scribere, non doctis; absit à me tam enormis præsumptio. Quin potius ab his me profiteor dicendum, ut discipulum, & quæ scripsi, eorum subjeci censuræ, ut si quid peccavi, redarguant, ut dum vita permiserit, retractem. Etenim, ut non semel confessus sum, homo sum, & nihil

humanum à me alienum puto :
omnis autem homo mendax , &
erroribus obnoxius , & in mul-
tiloquio non solet deesse pecca-
tum . Quod si forte , inter satis
multa , dixerim aliquid benè , à
Domino Deo est , cui sit laus ,
& gloria in æternum . Vale , &
pro me ora .

INDEX

TRACTATUM,

Disputationum, & Quæstionum,
hujus VIII. Tomi.

TRACTATUS XV.

De pœnitentiæ virtute, & Sacramento.

DISPUTATIO I.

D <i>E pœnitentiæ virtute.</i>	<i>pag. 1.</i>
QUÆS. I. <i>An, & quid sit pœnitentia.</i>	2
Q. II. <i>An pœnitentia sit virtus, & qualis.</i>	5
Q. III. <i>Ad quod genus virtutis pertineat pœnitentia.</i>	15
Q. IV. <i>De objecto pœnitentiæ.</i>	18
Q. V. <i>De subjecto pœnitentiæ.</i>	31
Q. VI. <i>De necessitate pœnitentiæ.</i>	36
Q. VII. <i>De præcepto pœnitentiæ. An detur præceptum obligans hominem ad pœnitentiam, & quando obliget.</i>	46

I N D E X.

DISPUTATIO II.

D E actibus penitentiae virtutis.	56
Q. I. Qui sint actus penitentiae.	ibid.
Q. II. An actus penitentiae sint supernaturales in substantia.	63
Q. III. Quale, & quantum esse debeat odium peccati in penitente.	69

DISPUTATIO III.

D E contritione, & attritione.	84
Q. I. An, quid, & quotuplex sit contritio.	85
Q. II. De conditionibus perfectae contritionis.	93
Q. III. De attritione. An, & quid sit.	106
Q. IV. An, & per quid differant contritio, & attritio.	109
Q. V. An attritio ex timore pœnæ sit bona, & utilis.	118
Q. VI. An illa attritio sufficiat in Sacramento ad remissionem peccatorum.	123
Q. VII. An, & quomodo attritio fiat contritio.	139
Q. VIII. An contritio sit semper conjuncta	141

I N D E X.

Et cum gratia sanctificante.

143

Q. IX. *In quo genere causæ contritio remittat peccata, & causet gratiam.* 153

Q. X. *Quanta sit efficacia contritionis. An delere possit omnia peccata.* 161

Q. XI. *De peccatis venialibus, an, & quomodo per penitentiam remittantur.* 167

DISPUTATIO IV.

DE Sacramento penitentiae. 173

Q. I. *An sit, & quid Sacramentum penitentiae.* ibid.

Q. II. *In quo consistat essentia hujus Sacramenti.* 183

Q. III. *De materia hujus Sacramenti.* 192

Q. IV. *De forma hujus Sacramenti.* 199

Q. V. *De vero sensu verborum, Ego te absolvo à peccatis tuis.* 203

Q. VI. *An forma hujus Sacramenti debeat proferri deprecatorie.* 208

Q. VII. *An absolutio dari possit sub conditione.* 213

Q. VIII. *An valeat data in scriptis absenti, & an debeat esse verbalis.* 217.

I N D E X.

- Q. IX. *An absolutio sacramentalis valeat data petenti eam in extremis.* 221

DISPUTATIO V.

DE confessione sacramentali. 227

- Q. I. *An, & quid sit confessio sacramentalis, à quo instituta sit.* ibid.

- Q. II. *De necessitate hujus confessionis, an, & qualis sit.* 233

- Q. III. *De subiecto hujus confessionis: Quibusnam sit necessaria.* 244

- Q. IV. *Quando urgeat præceptum confessionis divinum, aut Ecclesiasticum.* 254

- Q. V. *Qualis debeat esse confessio, & de ejus secreto.* 261

- Q. VI. *De integritate confessionis; qualis esse debeat.* 267

- Q. VII. *An ad integritatem confessionis explicandæ sint circumstantiæ purè aggravantes.* 272

- Q. VIII. *De circumstantiis, quæ diversificant, aut multiplicant peccata, & quæ aperi-*
rien-

I N D E X.

- riendæ sunt in confessione, ut sit integra.* 277
- Q. IX. *An aliquando possit dimidiari confessio, & fieri non integra.* 279
- Q. X. *An, & quando confessio sit iteranda.* 289

DISPUTATIO VI.

DE satisfactione pœnitentiali. 292

Q. I. *An, & quid sit satisfactio pœnitentialis.* ibid.

Q. II. *Qualis debeat esse hæc satisfactio, & opera ejus.* 298

Q. III. *An satisfactio pœnitentialis facta extra statum gratiæ valeat.* 309

Q. IV. *An satisfactio sit pars hujus sacramenti, & qualis.* 316

Q. V. *An sit liberum sacerdoti imponere satisfactionem, & pœnitenti eam acceptare, aut acceptatam non implere.* 320

Q. VI. *Resolvuntur quædam dubia circa executionem satisfactionis.*

329
Q. VII. *De effectu satisfactionis sacramentalis.* 335

I N D E X:

DISPUTATIO VII.

DE efficacia, effectu, & necessitate
Sacramenti penitentiae. 339

Q. I. An sacramentum penitentiae re-
mittat peccata, quoad cul-
pam, & penam æternam.
ibid.

Q. II. De necessitate sacramenti, an, &
qualis sit. 344

DISPUTATIO VIII.

DE ministro sacramenti penitentiae :
349

Q. I. Quis, & qualis sit minister bu-
jus sacramenti, an solus sa-
cerdos. ibid.

Q. II. An omnis sacerdos sit idoneus
minister hujus sacramenti. De
clavibus Ecclesiae, & Regni
celorum: an convenient omni
sacerdoti. 353

Q. III. Quis sit idoneus minister pro
reservatis. De reservatione.
An sit in Ecclesia potestas
reser-

I N D E X.

reservandi aliqua peccata .

359

Q. IV. De aliis requisitis in Ministro ,
& præcipue de approbatio-
ne . 364

Q. V. Ad quid teneatur minister hujus
sacramenti , 373

Q. VI. De sigillo , seu secreto sacramen-
talis confessionis . 378

Q. VII. An , quando , & quomodo pos-
sit sacerdos uti scientia , quam
habet ex confessione , salva si-
gilli integritate . 390

TRACTATUS XVI.

De Sacramento Extremæ unctionis .

DISPUTATIO UNICA.

DE existentia , essentia , materia , for-
ma , ministro , subjecto , effectibus ,
& necessitate sacramenti ex-
tremæ unctionis . 395

Q. I. An , & quid sit sacramentum
extremæ unctionis , & de e-
jus institutione . 396

Q. II. De materia , & forma hujus sa-
cramenti . 401

Q. III. De ministro hujus sacramen-
ti .

I N D E X.

- ti.* 407
Q. IV. *De subiecto hujus sacramenti.*
414
Q. V. *De effectibus hujus sacramenti.*
418
Q. VI. *De necessitate hujus sacramenti.*
425
Q. VII. *De obligatione ex parte mini-*
stri. 428

TRACTATUS XVII.

De Sacramento Ordinis.

DISPUTATIO I.

- D**E existentia, & essentia sacramenti
Ordinis. 431
Q. I. *An, & quid sit Ordo sacramen-*
talis. 432
Q. II. *De unitate, & multiplicitate*
Ordinis sacramentalis. 438
Q. III. *De Episcopatu, & tonsura, an*
sint ordines distincti ab aliis,
& quid de Corepiscopis. 441

I N D E X.

DISPUTATIO II.

DE causis hujus sacramenti, materia,
ministro, & subiecto. 449

Q. I. De materia, & forma sacramenti
Ordinis. 450

Q. II. De ministro Ordinis sacramenta-
lis. 455

Q. III. De subiecto hujus sacramenti. 458

DISPUTATIO III.

DE effectibus hujus sacramenti. 464

Q. I. An, & qualem gratiam causeo
sacramentum Ordinis. ibid.

Q. II. De charactere; an omnes, & sin-
guli Ordines imprimant chara-
cterem. 466

Q. III. De obligatione ad castitatem,
& cœlibatum; an, unde, &
quanta sit, & qualis. 469

TRACTATUS XVIII.

De Sacramento Matrimonii . 479

DISPUTATIO I.

D*E existentia , & essentia sacramenti matrimonii . 480**Q. I. An , & quid sit matrimonium .
ibid.**Q. II. An matrimonium sit verum legis novæ sacramentum . 487**Q. III. An matrimonium infidelium sit sacramentum . 496**Q. IV. De materia , & forma matrimonii . 502**Q. V. De ministro hujus sacramenti . 507**Q. VI. An matrimonii sacramentum valeat inter absentes . 511**Q. VII. De consensu ad matrimonium requisito ex parte contrahentium . 515**Q. VIII. De objecto , & fine contractus matrimonialis, an includat consensum ad copulam formaliter . 530*

I N D E X:

DISPUTATIO II.

DE effectibus sacramenti matrimonii . 537

Q. I. Qui sint effectus hujus sacramen-
ti . ibid.

Q. II. De necessitate matrimonii . 541

Q. III. De unitate matrimonii . 544

Q. IV. De perpetuitate , & indissolu-
bilitate matrimonii . 551

Q. V. De divortio , & dissolubilitate
matrimonii . 566

Q. VI. De solemnitate , & publicitate
matrimonii ; an, & qualis es-
se debeat , ut valeat . An, &
quo jure clandestina sint inva-
lida . 573

DISPUTATIO III.

DE sponsalibus . 581

Q. I. Quid sint sponsalia , & quomodo
fiant . 582

Q. II. De consensu requisito ad sponsa-
lia valida . 587

Q. III. De effectu , & solubilitate spon-
salium . 590

Q. IV.

I N D E X.

Q. IV. De aliis causis solubilitatis sponsalium; de ingressu Religionis, & voto castitatis, an per hæc solvantur sponsalia. 595

DISPUTATIO IV.

D E impedimentis matrimonii. 603

Q. I. An sint, & quid sint impedimenta matrimonii, & quo jure sint instituta. ibid.

Q. II. De impedimentis non dirimentibus, an, quot, & quid illa sint. 610

Q. III. De impedimentis dirimentibus, & I. de coactione, & violentia. 612

Q. IV. De impedimento conditionis. 620

Q. V. De impedimento servitutis, seu conditionis personæ. 626

Q. VI. De impedimento erroris. 631

Q. VII. De impedimento clandestinitatis. 638

Q. VIII. De impedimento impotentiae. 645

Q. IX. De impedimento ligaminis, seu polygamia. 653

Q. X.

I N D E X.

- Q. X. *De impedimento consanguinitatis* :
660
- Q. XI. *De impedimento affinitatis* :
667
- Q. XII. *De impedimento publicæ honestatis* . 672
- Q. XIII. *De impedimento cognationis spiritualis* . 676
- Q. XIV. *De imp. cognationis legalis* . 681
- Q. XV. *De impedimento ordinis , & voti* . 684
- Q. XVI. *De impedimento disparis cultus* . 690
- Q. XVII. *De impedimento criminis* . 695
- Q. XVIII. *De impedimento raptus* :
699

I N D E X.

DISPUTATIO V.

DE dispensationibus in impedimentis matrimonii. 701

Q. I. *An in aliquibus impedimentis matrimonii possit dispensari.*
ibid.

Q. II. *An Papa dispensare possit in impedimento voti sollemnis in Religione.* 706

Q. III. *De dispensatione in impedimentis non dirimentibus.* 711

A D



AD RELIGIOSUM
LECTOREM

Monitum.



Abes hîc, charissî-
me Frater, diver-
sos Tractatus in ū-
num Tomum col-
lectos, quos, quia pro aliis
destinaveram, non invenies
fortè satis ordinatè positos
secundum ordinem scholæ:
non

non tamen nimium aber-
rant . Aliquos ex illis de-
stinaveram pro Philosophia
moralì, si eam Scholasticæ,
seu speculativæ, ut optave-
ram , adjungere licuisset :
verùm aliter Deus dispo-
suit , ita ut materias illas
theologicè tractare debue-
rim . Igitur post tractatum
de creatione rerum corpo-
ralium , ac de homine tam
innocente, quàm peccatore,
ac de peccato ejus, quod di-
citur originale, adjunximus
tractatum de ultimo ejus fi-
ne, seu de beatitudine na-
turali , & supernaturali .
Tum de peccatis in genere,
& in specie, ac denique de
virtutibus moralibus , seu
car-

cardinalibus in communi ,
& in particulari .

Porro quia ordo scientiæ
postulat , ut præmittantur,
quæ universaliora sunt , &
velut principia iis , quæ sunt
specialiora , & ad singula-
ria descendatur tractatus
de actibus humanis , de
conscientia , & legibus vi-
debantur præmittendi tra-
ctatibus de peccatis , & vir-
tutibus , quia peccata , &
virtutes sunt habitus , & a-
ctus speciales hominis , &
ex illis regulis generalibus,
tum internis , ut est consci-
entia , tum externis , ut sunt
leges , pendet virtutum , vi-
tiorum , & peccatorum sci-
entia , sive iudicium . Sed

To-

Tomorum distributio ordinem illum parumper invertere coegit . Interim vale , & pro me Deum ora .

SUM.

1

S U M M Æ
T H E O L O G I Æ
S C O T I S T I C Æ
T R A C T A T U S X V.

De pœnitentia virtute, & sacramento.

POENitentia duplici titulo habet locum in Theologia, sc. virtutis, & sacramenti; sub primo poterat considerari cum aliis virtutibus moralibus, sub secundo habet quantum locum inter sacramenta nostra: sed sub utroque de illa hîc agimus, quia sub utroque hîc facit unum: nam in ratione virtutis est pars materialis intrinseca sacramenti. Ideo ab ea sub hac ratione inchoamus hunc tractatum.

D I S P U T A T I O P R I M A.

De virtute pœnitentiæ.

POENitentia viam aperuit peccatum, quod sicut cum homine natum est in mundo, sic virtuti huic facit locum, & eam reddit humanæ salutis necessariam, ut quam singulis momentis perdit gratiam, & innocentiam homo, hanc per pœnitentiam, velut per unicum remedium, recuperet.

Q U Æ S T I O P R I M A.

An, & quid sit pœnitentia.

A Pœnitentia nomen accepit, inquit Isidorus, quasi pœnæ tenentia, dum ipse homo pœnitendo, quod malè admisit. Et August. Nihil aliud agit, quem verè pœnitet, nisi ut quod malè fecerit,
Tom. VIII. A rit,

rit, *impunitum esse non sinat*. Igitur pœnitentia ex vi vocis est quædam *pœnæ tenentia*, seu virtus, qua peccator inclinatur ad pœnam subeundam proculpis suis.

Est autem vel *actualis*, sc. actus ille, quo peccator odit, detestatur, & punit in se peccata sua, vel *habitualis*, sc. habitus permanens in anima, & inclinans ad tales actus. Rursus alia est *interior*, quæ est motus spiritualis animæ, quo peccator inclinatur ad dolendum internè de peccato: alia *exterior*, scil. actus, quo peccator ad extra manifestat dolorem illum, & punitionem internam.

Ad pœnitentiam *internam* concurrunt 1. cognitio intellectus considerantis, & ostendentis voluntati enormitatem peccati. 2. in voluntate odium, & detestatio ejusdem peccati. 3. volitio, seu acceptatio pœnæ debitæ pro illo. 4. ejusdem pœnæ voluntaria permissio. Ad *externam* verò concurrunt 1. externa peccati verecundia, & pudor. 2. actus omnis laboriosus, quo peccatum suum externè confitetur, & subit pœnam pro illo. Quæritur ergo, an detur talis virtus, & quid illa sit.

CONCLUSIO.

Datur pœnitentia, quæ est habitus inclinans hominem ad detestandum, & puniendum in se peccatum. Est communis contra Lutheranos, & Calvinistas, qui aliam pœnitentiam non agnoscunt præter conversionem, seu amorem justitiæ, & morum mutationem.

Prob. 1. ex Scoto, [1] qui pœnitentiæ existentiam ubique supponit, & quatuor de illa definitiones tradit, juxta prædictos quatuor actus. 1. quæ propriè ad hanc virtutem spectat: *Pœnitentia est vindicare peccatum à se commissum in affectu, vel effectu*. 2. est detestari, vel odire peccatum à se commissum, vel displicentiam habere. 1. coincidit cum nostra.

Prob. 1. p. ex Script. Concil. & omnium Patrum, & Theologorum consensu ubique loquentium de pœnitentia.

Prob. 2. p. 1. quia ubique, etiam in Scriptura, fit mentio de pœnitentia sub illo conceptu, sc. doloris,

ac

[1] d. 14. q. 1. S. 15.

ac detestationis de peccato, qui dolor est prima, & principalis pœna ejus. De Israelitis legitur, [1] quod pœnitentia ducti super fratre suo Benjamin, universus Israel valde doluit, egitque pœnitentiam. Et Job, [2] Ipse me reprehendo, & ago pœnitentiam in favilla, & cilicio. Et Joannes in deserto, [3] Pœnitentiam agite... facite fructus dignos pœnitentiæ. Et de Tyriis dicit Christus, [4] In cinere, & cilicio pœnitentiam egissent. Et de Ninivitis, Pœnitentiam egerunt. Et Paulus de Corinthiis, Gaudeo, quod contristati estis ad pœnitentiam, &c. ergo ex Script. pœnitentia est virtus inclinans hominem ad dolendum, seu tristandum de peccato suo, & ad illud in se puniendum.

Prob. 2. ex Conc. Trid. [5] loquente de pœnitentia prævia ad justificationem, cum peccatores moventur adversus peccata per odium aliquod, & detestationem, hoc est, per eam pœnitentiam. Et docet, eam continere non solum cessationem à peccato, & vitæ novæ propositum, & inchoationem novæ vitæ (ut volunt hæretici) sed veteris etiam odium, &c. Et id probat ex Script. & exemplis Patrum: Ex quo facile intelligimus eorum pœnitentiam ex vehementi quodam antea vitæ odio, & ingenti peccatorum detestatione manasse. Et dicit [6] anathema docentibus, duas tantum esse partes pœnitentiæ, terrores scilicet conscientie, agnito peccato, & fidem conceptam ex Evangelio, &c. Et definit [7] contritionem, quæ est primus, & principalis actus pœnitentiæ, animi dolorem, & detestationem de peccato commisso; & dicit eam parari per discussionem, collectionem, & detestationem peccatorum, &c.

Prob. 3. ex Patribus: nam inquit August. [8] Pœnitentia est quædam dolentis vindicta puniens in se, quod dolet commisisse; item mores in melius commutare, & à factis malis recedere, nisi de his, quæ facta sunt, satisfiat Deo per pœnitentiæ dolorem. &c. Et Isidor. cit. Pœnitentia quasi punientia, eo quod homo puniat pœnitendo, quod male admisit... Est dolentis vindicta, puniens in se, quod dolet commisisse... Est pœnitenda non committere, vel admissa deflere. Et Ambros. [9] Pœ-

A 2

ni-

[1] Judic. 2. [2] Job 42. [3] Mar. 3. [4] Luc. 11.

[5] sess. 6. c. 6. [6] sess. 14. c. 4. [7] can. 4. & 5.

[8] de ver. & falsa pœnit. [9] serm. 40.

nitentia est amaritudo animæ, & dolor cordis pro malis, quæ quisque commisit. Idem docent communiter alii Patres; ergo vera pœnitentiæ ratio consistit in hoc, quod inclinet hominem ad puniendâ in se peccata.

Prob. denique: nam ex omnium sensu, etiam hæreticorum, nomen pœnitentiæ significat correctionem perfectam vitæ, sed hæc correctio non est perfecta sine odio, & detestatione peccatorum, & aliqua eorum punitione voluntaria; ergo pœnitentia rectè describitur habitus inclinans hominem ad detestandum, & puniendum in se propria peccata.

Dixi 1. *habitum*; quia hic loquimur de pœnitentia habituali, & permanente; & hinc facillè colligis, quod pœnitentia actualis est actus, quo sic detestamur, & punimus in nobis peccata nostra. 2. *quo inclinamur ad detestandum, & odiendum peccatum*; & id spectat ad rationem genericam virtutis. Nam singulæ virtutes oderunt actus sibi contrarios. 3. *ad puniendum in se proprium peccatum*; & in hoc sita est propria differentia ejus ab aliis virtutibus. Licet enim omnes oderint peccata, & vitia sibi contraria, id faciunt tam in aliis, quàm in ipsis peccantibus, & non curant de vindicta, & punitione, modò vitentur de præsentī, & in futurum: At illa detestari, & punire in ipso peccante proprium est solius pœnitentiæ.

Objic. 1. Pœnitentia dicitur Græcè *μετάνοια*, & significat resipiscētiā; sed hoc non importat ullam punitionem de præteritis; ergo nec pœnitentia. Prob. maj. ex Textull. [1] *Per pœnitentiam nihil aliud intelligitur, quàm simplex conversio sententiæ prioris, quæ etiam sine reprehensione ejus possit admitti, etiam in homine, nedum in Deo, cujus omnis sententia caret culpa. Nam in Græco sono pœnitentiæ nomen non ex delicti confessione ex animi demutatione compositum est; ergo pœnitentia nullam dicit pœnam, alioqui non esset in Deo, ut supponit Tertullianus.*

Resp. dist. maj. Pœnitentia generalissimè, & improprie, conc. specialiter, & proprie, neg. maj. & conf. nam pœnitentia non dicitur de Deo, nisi valdè improprie, quatenus iniquitas hominis dat ei motivum pœnitendi de bonis illis collatis, licet alioqui Deus sit in se incapax talis mutationis. *Evenit enim in bonis factis*
pœni-

[1] 2. cont. Marc. 20.

Disputatio I.

5

pœnitentiæ confessio, ad invidiam, & exprobrationem ejus, qui beneficii ingratus extitit, ait ipse Tertull. At pœnitentia vera significat dolorem intimum de proprio peccato.

Objic. 2. Contritio, & attritio sunt veri actus pœnitentiæ; sed in his nulla est pœna; ergo nec in pœnitentia; ergo hæc non est punitio peccati. *Prob. min. Nam ex August. Pœna est disensio ab his, quæ nobis nolentibus accidunt. Sed contritio, & attritio non accidunt nobis nolentibus, sed volentibus liberrimè; ergo nihil habent pœnæ.*

Resp. 1. neg. 1. min. & dist. 2. maj. quæ nolentibus in se, vel in causa, con. maj. & neg. min. absolutè, & semper, neg. maj. Contritio est de peccato, quod jam displicet; & sic contritio est de re nolita, & quidem summè nolita, & displicens; & sic contritio, vel attritio est pœna in sua causa, sc. in peccato.

Dixi, absolutè loquendo, majorem esse falsam: nam. ex D. Bonaventura pœna potest esse voluntaria. 1. *assumitur à voluntate imperante, ut est pœna pœnitentialis.* 2. *quia sustinetur à voluntate acceptante, ut pœna martyrii.* 3. *quia sustinetur à voluntate tolerante; per patientiam (licet contrarium ametur) ut cum amans sanitatem infirmatur, & patienter tolerat infirmitatem; ergo non est de essentia pœnæ, ut sit omninodè involuntaria.*

Q U Æ S T I O II.

An pœnitentia sit virtus, & qualis.

Suppono ex dictis, quod virtutes aliæ sunt *acquisite*, & *morales*, quia ex moribus, seu actibus frequentatis acquiruntur; aliæ *infusæ*, quia nobis divinitus infunduntur. Istæ vel *per se infusæ* dicuntur, quando nullis naturæ viribus possunt haberi, ut fides, spes, & charitas: vel *per accidens infusæ*, quando non sic absolutè superant vires naturales, tamen in modo eas habendi superant; quia sc. non possunt acquiri tam subito, vel tam perfectè. Aliæ dicuntur *theologicæ*, quia directè respiciunt Deum pro objecto; ut fides, spes, & charitas; aliæ purè *morales*, non tantum ratione acquisitionis, sed ratione objecti, quod

6 De pœnitentia virtute

est quid creatum ; tales sunt prudentia , iustitia , temperantia , & fortitudo . Quæritur ergo , an pœnitentia sit virtus , an infusa , an acquisita , & moralis .

CONCLUSIO I.

Pœnitentia est vera virtus . Est communis.

Prob. 1. ex Scoto . [1] *Pœnitere , potest esse actus virtutis , quia potest esse actus conformis rectæ rationi ... Dico , quod pœnitere est actus natus elici à virtute , vel generare virtutem , quia conformis rectæ rationi , &c.*

Prob. 2. ex Arist. [2] Ille actus , vel habitus est virtus , qui facit bonum habentem ; sed pœnitentia id facit ; ergo , &c. Prob. min. Nam corrigit in habente malum , aufert ab eo peccatum , convertit eum ad bonum , & facit aliquando meliorem , quàm fuerit ante peccatum ; ergo &c. Prob. ant. ex Apost. [3] *facit , ut ubi abundavit peccatum , superabundet gratia.*

Prob. 3. Non dantur præcepta , nec laudatur homo , nisi de actibus virtutis ; sed præcipitur , & laudatur pœnitentia ; ergo &c. Prob. min. Præcipitur pœnitentia , cùm dicitur , *Pœnitentiam agite.* Item , [4] *Pœnitete mihi , & credite Evangelio.* Et laudatur , cùm Christus dicit , [5] *Gaudium eris in cælo super uno peccatore pœnitentiam agente.* Et , ut notat Petrus Dam. [6] *Consuevit Deus honorare pœnitentes magis , quàm innocentes ;* ergo Deus præcipit , & laudat pœnitentiam : quod etiam patet ex Sanctis omnibus Patribus , & Theologis , & omnium consensu.

Objic. 1. Virtus ex Philos. est dispositio perfecti ad optimum ; sed hoc dici non potest de pœnitentia ; ergo nec quod sit virtus . Prob. min. Primus actus pœnitentiæ est ille , quo vellet non peccasse ; sed ille actus non est perfectus ; ergo &c. Prob. min. Est simplex velleitas , & inefficax , quia est de impossibili , quia impossibile est non fuisse peccatum ; ergo &c.

Resp. neg. 1. & 2. min. & ant. nam ille actus est odium peccati præteriti absolutum , & efficax , quo illud detestamur , & nolumus amplius durare ,

Inst. ex eodem Philos. *Nihil est stultum eorum , quæ sunt ad virtutem ;* sed in illo actu est quid stultum ; ergo .

[1] d. 14. q. 2. A. 2. [2] Eth. 6. [3] Rom. 5.

[4] Marc. 1. [5] Matth. 4. [6] Jer. 56.

go &c. Prob.min. Stultum est velle impossibile; sed illud velle est de impossibili: nam impossibile est peccatum, quod fuit, non fuisse; sed illud velle tale est; ergo est de impossibili.

Resp.neg.min. Non enim simpliciter vellet non fuisse peccatum, sed improbat, & dolet, quod fuerit, quia fuit malum, & conatur illud reparare, & vindicare in se, & effectibus ejus mederi, & obviare.

Objic.2. ex Philos. Verecundia non est virtus, quia supponit turpe, ex quo timet infamiam; sed eadem est ratio de pœnitentia, quia nascitur ex peccato, ex quo timet pœnam; ergo nec ista est virtus.

Resp.1.neg.maj. Non enim video, cur non sit honestum timere infamiam; sicut & amare bonam famam, & odisse malum, ex quo nascitur infamia.

Resp.2.dist.min. Verecundia, quæ est pura passio, conc. verecundia quasi activa, & quæ imperatur ex odio, vel horrore actus turpis, neg.maj. nam, ut dicebam, honestum est amare bonam famam; ergo & odisse infamiam, & id, ex quo illa venit. Aristoteles autem loquitur de verecundia, quæ est mera passio.

Resp.3. neg.min. Nam verecundia propriè non odit turpe, seu peccatum, nec illud corrigit, sed potius amat, & vellet committere, si posset, sine infamia; non ita est de pœnitentia, quæ odit ipsum peccatum directè.

Objic.3. Pœnitentia est mera passio; est enim dolor de peccato: sed passio non est virtus; ergo nec pœnitentia. Prob.min. nam passionibus sunt morus purè naturales, & non liberi.

Resp.dist.maj. Pœnitentia passivè, conc. activè, neg.maj. Nam ille dolor imperatur à voluntate ex cognitione, & odio peccati, & inde est liberrimus.

Inst. Ille dolor est potius contra inclinationem voluntatis, nam est illi pœna; ergo ille dolor est pura passio, & non est liber.

Resp.dist.ant. & rationem ejus contra inclinationem quoad affectionem commodi, conc. quoad affectionem justitiæ, neg.ant. Nam sub hoc respectu pœnæ, & labores virtutum amantur, licet ex parte appetitus sensitivi faciant laborem.

Objic.4. Omnis virtus respicit bonum honestum, sed pœni-

8 De pœnitentia virtute

pœnitentia non respicit illud bonum, sed malum oppositum, sc. peccatum; ergo &c.

Resp. dist. maj. Virtus prosecutiva, & per amorem, conc. virtus averfativa, & per odium, neg. maj. & conf. Omnes virtutes habent duos actus, 1. amoris circa honestum, 2. odii circa malum oppositum. Sic pœnitentia amat bonum justitiæ, & odit peccatum, seu malum oppositum justitiæ, & rationi, & illud punit in peccatore.

C O N C L U S I O II.

Pœnitentia est virtus specialis ab aliis distincta: est virtus moralis, non theologica. Est communis.

Prob. 1. p. ex Scot. cit. [1] Pœnitere est affectus virtutis specialis, quia ille actus natus est habere speciale objectum, & speciales circumstantias ordinatas, &c.

Prob. 2. ex Patribus, qui omnes loquuntur de pœnitentia secundum rationem ejus specificam, qua distinguitur ab aliis, & sicut de virtute speciali, ut patet ex verbis, quibus ostendunt ejus excellentiam, & necessitatem, conditiones, & effectus; ergo &c.

Prob. 3. Virtutes, & habitus specificantur ab objectis formalibus, & à fine, & mediis, & circumstantiis suorum actuum; sed hæc in pœnitentia sunt diversa præ aliis virtutibus; ergo distincta est ab aliis. Prob. min. ex dicendis de illius objecto formali, & fine, & de difficultate hunc attingendi, qui est divinæ offensæ reparatio, & Dei offensi placatio, & satisfactio. Hæc enim alia nulla virtus quærit in suis actibus, sed singulæ curant vitare vitia contraria propriæ honestati suæ.

Prob. 2. p. Illa virtus dicitur moralis, & non theologica, quæ non respicit directè Deum in se, in sua essentia, vel attributis, sed aliquid creatum; sed talis est pœnitentia; ergo &c. Prob. min. etiam ex dicendis de objecto ejus; ergo &c.

Confir. ex Scotio, [2] qui eam distinguit à charitate, quia objectum per se charitatis est Deus sub ratione objectiva nobilissima; proprium autem objectum istius est malum vindicabile, seu reus, in quem est vindicandum; & ex hoc patet, quod pœnitentia non tantum non est.

[1] ibid. c. 4. [2] ibid. G. 2.

est virtus Theologica, sed nec virtus nobilissima inter illas, quæ sunt circa objectum creatum, ut virtutes morales.

Confir. 2. ex eodem. [1] Nam tres conditiones pertinent ad virtutem theologicam. 1. est respicere Deum pro objecto. 2. habere pro regula regulam actuum humanorum (sc. ut innitatur voluntati divinæ ut primæ regulæ.) non autem regulam acquisitam. 3. immediate infundi à Deo; sed nulla ex his conditionibus est in pœnitentia; ergo non est theologica:

Obijc. 1. cont. 1. par. Pœnitentia respicit objecta omnium aliarum virtutum; ergo non distinguitur ab eis, sed est omnibus communis. Ant. patet: nam respicit omnia vitia, & peccata contra quascunque virtutes. Prob. conf. nam virtutes specificantur ab objectis; sed pœnitentia respicit objecta omnium; ergo &c.

Resp. dist. ant. respicit sub diversa ratione, conc. sub eadem ratione, neg. ant. Nam, ut dicemus, pœnitentia respicit omnia peccata sub una ratione, sub qua non respiciuntur ab aliis.

Inst. Singulæ aliæ virtutes averfantur peccata sibi opposita; sed pœnitentia nihil est aliud, quàm illaaversio; ergo est communis omnibus virtutibus.

Resp. dist. maj. averfantur sub rationibus sibi propriis, conc. sub ratione, sub qua hæc odit pœnitentia, neg. maj. & min. nam singulæ virtutes oderunt vitia, & peccata suæ speciali honestati contraria: ver. gr. castitas odit luxuriam ut contrariam suæ honestati, & odio continentiae, & sic de aliis: & quidem illud odium respicit illa peccata sive præterita, sive præsentia, sive futura, præscindendo ab illorum existentia; sed pœnitentia odit peccata ut præterita per odium justitiæ punitivæ, ut illa puniat in peccatore pœnitente, quod illi virtuti proprium est, non aliis.

Inst. 2. Odium singularum virtutum de malis tam est nobis pœna; quàm odium de malis à nobis commissis; ergo illud odium tam est pœnitentia, quàm istud, quia tam est pœnæ tenentia.

Resp. neg. ant. Nam pœna propriè, prout spectat ad justitiam punitivam, non est qualiscunque labor, sed ille, quo puniuntur mala commissa; esto odium.

A 5 de

[1] 3, d. 26. q. 1. n. 15.

delectationis veneræ sit laboriosum, & durum appetitui concupiscibili, non tamen est propriè punitio, quia hæc respicit malum commissum, & præteritum. Illud odium est præservativum, istud verò punitivum. Denique sicut labor prosecutionis bonorum, quæ sunt propria singulis virtutibus, non est pœna, ita nec odium vitiorum illis oppositorum. Aliud est de tristitia, & dolore, quem pœnitens sibi imperat pro peccatis commissis contra virtutes; ille est verè pœna, & punitio.

Fateor tamen, pœnitentiam posse aliquo sensu dici communem omnibus virtutibus tam moralibus, quàm theologicis, quatenus sc. odit omnia vitia, facta in illorum materia, & quæ illæ aversantur, & condemnant juxta proprias suas regulas. Pœnitentia punit, & detestatur in pœnitente odium Dei, infidelitatem, desperationem, luxuriam, timiditatem, &c. Quod ut melius intelligas,

Nota, virtutem aliquam dici communem, 1. *prædicatione*, quatenus nomen ejus prædicatur de omnibus virtutibus, ut nomen *justitiæ*. Sic omnis virtuosus dicitur *justus*, & omnis virtus *justitia*, ut cum jubemus *implere omnem justitiam*. 2. propter aliquam dependentiam, aut connexionem, quam ista habet cum aliis omnibus: sic *prudencia* est virtus communis, quia ab ea omnes dependent, velut à regula, præsertim morales, quæ in mediocritate consistunt, ne peccent in excessu, vel defectu. 3. ratione perfectionis, quam aliis tribuit. Sic *charitas* dicitur forma aliarum, quia alias format in ratione meriti, dans illis, quod placeant Deo in ordine ad præmium. 4. ratione materiæ, quia respicit materias, seu objecta aliarum: & hoc modo pœnitentia dici potest virtus generalis, quia respicit materiam aliarum, & emendat, quæ contra eas committuntur; sed hoc non impedit distinctionem ejus specificam ab eis.

Objic. 1. cont. 2. par. Pœnitentia respicit directè Deum, offensum, quem vult placare; ergo est virtus theologica. Prob. ant. Nam ex Apostolo debet esse secundum Deum, & respicit peccatum ut offensam Dei, & ut illi satisfaciatur per punitionem debitam, & ut eum sibi reconciliet; sed nihil aliud requiritur in virtute theologica; ergo &c.

Resp.

Resp. dist. ant. & maj. respicit Deum ut finem extrinsecum; & secundarium, conc. ut finem intrinsecum, & primum; neg. ant. & maj. nam respicit de se, & essentialiter peccatum ut punibile propter se immediate: poenitentia verò christiana: ideo punit in se peccatum, ne à Deo severius puniatur, & ut illum sibi reconciliet, & ipsum peccatum respicit ut offensam Dei, & potest imperari à charitate, aut alia virtute; sed absolute loquendo potest respicere peccatum in se, & suam turpitudine, &c.

Objic. 2: Poenitentia odit actus vitiorum theologicorum; odit odium Dei, infidelitatem, & desperationem; ergo est virtus theologica.

Resp. neg. conf. nam sic pertineret etiam ad morales; sed, ut diximus, odit illa peccata sub ratione speciali, sub qua non respicitur ab aliis, odit ut punibilia, & præterita.

Inst. Intendit placare Deum offensum; ergo respicit directe Deum.

Resp. dist. ant. intendit secundario, conc. primario, & per se; neg. ant. nam primario, & per se. intendit punire peccata commissa, secundario autem vult per illam punitionem placare Deum; per actus sibi proprios.

Objic. 3: Virtus moralis consistit in mediocritate; sed poenitentia non quærit mediocritatem; ergo non est virtus moralis. Maj. patet ex dictis. Prob. min. tum ex Script. [1] *Luctum unigeniti, Fac. tibi planctum amarum*; tum quia offensa Dei non potest nimium plangi, nec potest in ejus satisfactione excedi; ergo &c.

Resp. dist. maj. quoad circumstantias, & modum, & objectum, conc. maj. & neg. min. quoad objectum solum, neg. maj. & conf. Nam quædam sunt objecta virtutum moralium, circa quæ non potest excedi alia, circa quæ non potest peccari ex defectu, vel parvitate; v.gr. peccatum non potest in se nimium odiri, nec plangi; sed potest non satis odiri. Virginitas non potest esse nimia, & in illa non datur parvitas materiæ in peccato, & tamen in iis servandus est modus, & in circumstantiis potest quis excedere, aut deficere.

CONCLUSIO III.

Pœnitentia non est per se infusa, sed acquisita. Est Scotistarum, & aliorum contra Thomistas.

Prob. 1. ex Scoto, [1] qui putat solas theologicas esse in substantia supernaturales; & per se infusas, & in particulari dicit de pœnitentia, quod ex multis afflictibus vindicandi in se iuste reum potest acquiri habitus, qui maneat cum peccato mortali, & posset acquiri ante deletionem peccati mortalis, nisi fortè, quia Deus justificat, antequam possint haberi actus sufficientes ad generationem pœnitentiæ; ergo docet pœnitentiam esse virtutem acquisitam.

Prob. 2. Nam experientia docet hominem recentem justificatum non experiri in se facilitatem, & inclinationem ad actus pœnitentiæ, sicut experitur post frequentatos istos actus; ergo pœnitentia est habitus acquisitus.

Dices, hoc probaret virtutes theologicas esse etiam acquisitas: nam post frequentatos actus charitatis experimur inclinationem, & facilitatem ad similes; sed hoc est contra nos; ergo &c.

Contra, quia hoc probat, quod præter habitum infusum charitatis, datur etiam acquisitus; & nisi fides doceret hos habitus theologicos infundi, ex hac experientia cogeremur dicere illos acquiri. Fides autem non docet pœnitentiam infundi, sicut docet de virtutibus theologicis; idèò dicimus illam esse acquisitam. Hinc

Confir. concl. quia non debent multiplicari miracula, nec habitus sine necessitate; sed nulla est necessitas asserendi habitum per se infusum pœnitentiæ, præter acquisitum; ergo est tantum habitus acquisitus, & naturalis.

Prob. 3. Si pœnitentia per se infunderetur, id fieret per aliquod sacramentum, in quo justificamur, aut per contritionem perfectam extra sacramentum; sed neutrum dici potest; ergo non infunditur per se. Prob. min. Si tunc infunderetur pœnitentia, statim experiremur nos inclinari, & facilitari ad actus ejus: nam habitus agunt naturaliter, Cum infunditur scientia,

vcl.

[1] 4. d. 14. q. 2. X. 29.

vel charitas, statim experimur nos inclinari ad actus illorum habituum; sed nihil tale experimur post justificationem magis, quam ante; ergo tunc non infunditur poenitentia.

Est ergo habitus purè acquisitus, & naturalis in substantia, licet non operetur in nobis fructus sufficientes, & condignos, nisi ex motione, & auxilio gratiæ supernaturalis, ut docet fides; sed tamen voluntas ibi agit cum pleno dominio sui actus.

Dixi autem non esse *infusam per se*, nec supernaturalem *in substantia*: non enim dubito, quin possit infundi, & quin de facto sæpius infundatur à Deo per accidens, sicut & aliæ virtutes naturales, sed quia potest acquiri per actus nostros cum auxiliis gratiæ actualis, dicimus eam per se acquisitam, seu acquisibilem, & naturalem in substantia, sicut aliæ virtutes morales.

Objic. I. ex Script. Nam cum dicit Apostolus, [1] *Ne quando Deus det illis poenitentiam*, satis indicat eam dari à solo Deo. Idem infertur, cum dicit, [2] *Benignitas Dei, ad poenitentiam te adducit*. Et Jeremias, orabat, [3] *Converte me (Domine) & convertar*..... *postquam enim convertisti me, egi poenitentiam*; ergo, poenitentia per se infunditur à Deo, & est supernaturalis in substantia.

Resp. dist. conf. Infunditur, & est supernaturalis ab extrinseco, & quatenus non operatur utiliter, nisi ex gratia, & auxilio supernaturali, conc. ab intrinseco, quasi ex se petat infundi à solo Deo, neg. conf. Non enim rectè infertur ex illis textibus. *Vide quantum sit Dei auxilium* (inquit Hieronymus). *& quam fragilis humana conditio: Ut hoc ipsum, quod agimus poenitentiam, nisi Dominus ante converterit, & nisi Dei nitamur auxilio, numquam implere valemus*; ergo, illa conversio non fit per infusionem habitus poenitentiae, sed per motum, & auxilium gratiæ actualis.

Inst. Si Apostolus, & Propheta loquerentur de poenitentia naturali, non tribuerent eam Dei benignitati, nec ei tribuerent remissionem peccati, quia poenitentia naturalis non ita venit à Deo, nec ita illi placet, ut remittat peccata; ergo loquuntur de supernaturali infusa.

Resp.

[1] 2. Tim. 2. [2] Rom. 2. [3] Jerem. 31.

Resp. dist. conf. de supernaturali ex concursu gratiæ actualis, conc. ex entitate habitus, neg. conf. Nam sicut actus iustitiæ, temperantiæ, & aliarum virtutum moralium sunt supernaturales, & meritorii ex concursu gratiæ actualis, & charitatis, ita est de actibus pœnitentiæ, juxta doctrinam Concil. Trident. [1] definientis, *Non posse pœnitere sicut oportet ad justificationis gratiam sine Spiritus Sancti inspiratione, &c.*

Objic. 2. Habitus disponens ad finem supernaturalem non est naturalis: nam forma, & dispositio ad illam sunt æqualis ordinis; sed pœnitentia disponit ad gratiam justificantem, quæ est supernaturalis; ergo per se est supernaturalis, & infusa.

Resp. dist. maj. Si se sola, & totaliter disponat, conc. si partialiter tantum concurrat, & quasi instrumentaliter, neg. maj. Pœnitentia autem disponit ad gratiam illam partialiter tantum, & quasi instrumentaliter elevata, & mota per gratias actuales.

Resp. 2. neg. min. absolute. Non enim est de ratione intrinseca, & essentiali pœnitentiæ, ut intendat illum finem supernaturalem, sed præcisè punitionem voluntariam peccati in peccatore; cum verò disponit ad justificationem, id facit per motionem, & auxilia gratiæ actualis.

Objic. 3. Pœnitentia supponit fidem in pœnitente, per quam cognoscit peccatum, & conjungitur cum spe veniæ obtinendæ à Deo, & cum aliqua charitate; sed istæ virtutes sunt per se supernaturales; ergo & ipsa pœnitentia.

Resp. 1. neg. maj. Præcisè enim pœnitere possumus ex naturali cognitione peccati, & odio etiam naturali turpitudinis ejus, & tunc erit vera pœnitentia quoad substantiam, sed insufficiens ad justificationem.

Resp. 2. dist. conf. Ipsa pœnitentia erit supernaturalis ex illis principiis, conc. ex se præcisè, neg. conf. nam ex parte voluntatis, habitus pœnitentiæ erit purè naturalis.

QUÆSTIO III.

Ad quod genus virtutis pertineat poenitentia.

Diximus aliàs virtutem moralem, quæ versatur circa actus humanos, dividi in virtutem *ad se*, quæ respicit passiones ipsius operantis, ut temperantia, & fortitudo; & *ad alterum*, quæ respicit actiones ejus in ordine ad alterum, ut adæquent jura illius, ut justitia, quæ dicitur *virtus ad alterum*.

Justitia autem, ut sit perfecta, requirit tres conditiones: 1. est jurium alteritas. 2. compensationis æqualitas. 3. debitum compensandi ex aliquo jure ortum. Si verò desit aliqua ex his conditionibus, non erit justitiæ perfecta, sed imperfecta, & potestativa, ut liberalitas, in qua deest conditio debiti legalis; & religio, seu pietas in Deum, & parentes, cui deest æqualitas in compensatione; & poenitentia, cui deest *alteritas* quoad ipsum poenitentem.

Justitiam divisimus in *commutativam*, quæ versatur circa commutationes, pacta, & contractus; & *distributivam*, quæ occupatur in distribuendis bonis publicis juxta exigentiam, qualitatem, & merita personarum.

Hinc multæ virtutes ad justitiâ pertinere dicuntur, ut partes ejus subjektivæ, de quibus ipsa prædicatur, ut *latritia*, *pietas*, *dulia*, *hyperdulia*, quæ sunt Religionis: *Legalis*, *justitia*, *epikeia*, *benevolentia*, *affabilitas*, *beneficentia*, *veritas*, *amicitia*, *liberalitas*, *reverentia*, *observantia*, *misericordia*, *vindicta*, *gratitudo*, *punitiva*, *restitutiva*, &c.

His suppositis, quæritur, ad quam ex virtutibus moralibus spectet poenitentia, quandoquidem nolumus eam esse theologicam.

CONCLUSIO:

Poenitentia pertinet ad justitiâ punitivam, seu vindicativam. Est communis.

Prob. 1. ex Scoto. [1] *Poenitere non est virtutis appetitivæ ordinantis ad seipsum, cujusmodi sunt tempe-*

[1] *ibid.* q. 2. D. 6.

nantia, & fortitudo; ergo virtutis ordinantis ad alterum, cujusmodi est justitia, &c. quia sc. pœnitens se respicit ut alterum, in quantum sibi committitur à legistatore in istum reum vindicare. Denique pœnitens agit duas personas, sc. ministri, judicis, qui infligit pœnam, & rei, qui eam patitur; ergo ista virtus continetur sub justitia, prout in generali justitia dicitur omnis virtus ordinativa ad alterum.

Prob. 2. ex Script. & Patribus. Nam dicitur: [1] *Anima, quæ tristis est super magnitudine mali, dabit gloriam, & justitiam Domino.* Et August. [2] dicit, quod pœnitentia est quadam dolentis vindicta, puniens in se, quod dolet commisisse. Et alibi dicit [3] eam exerceri velut in tribunali, & ad formam justitiæ, ubi peccator constituit se ante faciem suam, ubi adsit accusatrix cogitatio, testis conscientia, carnifex timor, &c. Et Tertull. *Hæc virtus in peccatorem pronuntians, pro Dei indignatione fungitur;* ergo ex Script. & Patribus pœnitentia pertinet ad justitiam.

Prob. 3. Justitia inclinat ad satisfaciendum, retribuendum, & compensandum; sed hæc facit pœnitentia; ergo, &c. Min. patet ex dictis, & magis patebit ex dicendis de objecto, & actibus pœnitentiæ.

Confir. ex Scoto. Nam virtus inclinans ad puniendam transgressionem legis est justitia; sed hoc facit pœnitentia; ergo &c.

Prob. denique ex Conc. Trid. [4] in quo pœnitentia dicitur tribunal, ad quod nos Deus tamquam reos sisti voluit; & in quo [5] non sine magnis nostris fletibus, & laboribus, id exigente divina justitia, remissionem consequi non possumus. Et monet ministros, [6] ut habeant præ oculis, ut satisfactio, quam imponunt ad prætorum peccatorum vindictam, & castigationem. Vides ubique nomen, & formam justitiæ.

Objic. 1. Actus principalis pœnitentiæ est contritio; sed hæc non spectat ad justitiam, sed ad charitatem; ergo & pœnitentia. Prob. min. Contritio est dolor de peccatis propter Deum offensum, & dilectum; ergo &c.

Resp. diff. min. Contritio ratione motivi, & amoris Dei præcisè, conc. ratione objecti, & finis, sc. puni-

[1] Bar. 3: [2] de ver. pœnit. c. 8. [3] de pœnit.

[4] Sess. 14. c. 2. [5] cap. 5. [6] cap. 8.

nitionis peccati, neg. min. & conf. prob. Nam hic loquimur de pœnitentia secundum se præcisè, & ex proprio objecto, in quo non respicit Deum amatum.

Objic. 2. Pœnitentia non est ad alterum, sed ad ipsum pœnitentem; ergo non est iustitia.

Resp. dist. ant. ad ipsum pœnitentem, quasi ad alterum, conc. quasi ad seipsum, neg. ant. Nam, ut dicebamus ex Scoto, pœnitens agit personam rei, & ministri iustitiæ, & sic quasi virtualiter est alter à seipso.

Objic. 3. Non potest dici ad quam speciem iustitiæ spectet pœnitentia; ergo non est iustitia. Prob. antec. Omnis iustitia est vel commutativa, vel distributiva; sed neutrum dici potest de pœnitentia; ergo &c.

Resp. neg. ant. & min. nam pœnitentia de utraque iustitia participat, saltem imperfectè, & reductivè, sicut non dicitur perfectè iustitia secundum omnes conditiones allatas. Inclinat ad actus compensativos injuriæ, & offensæ secundum æqualitatem possibilem, ut commutativa, & ad actus distributionis pœnæ cum aliquali proportionem, & in hoc pertinet ad distributivam, seu punitivam, & vindicativam. Dico cum æqualitate possibili, & aliquali proportionem: nam rigorosa æqualitas satisfactionis cum offensa, nec etiam exacta proportio non est possibilis creaturæ ad Deum.

Inst. In iustitia commutativa vera requiritur æqualitas dati, & accepti, & in distributiva requiritur superioritas in præmiante, & puniente, & inferioritas in punito, & præmiato; sed neutrum est in pœnitente; ergo nec ulla iustitia. Prob. min. 1. offensa ex parte Dei est infinita, & pœna in pœnitente est finita, & 2. pœnitens non est sibi superior, nec inferior; ergo &c.

Resp. dist. min. neutrum propriè, & in rigore, conc. aliquantulum, & similitudinariè, neg. min. ibi servatur æqualitas possibilis, & pœnitens personas agit iudicis, & ministri, & rei, ad hoc tribunal assistit ut iudex, accusator, testis, & tortor, seu minister sibi imponens, & infligens pœnas.

Objic. 4. Si pœnitentia esset iustitia vindicativa, id esset ratione culpæ, aut pœnæ; sed neutrum dici potest; ergo &c. Prob. min. 1. non culpæ, quia nulla pœna potest illi proportionari. 2. non pœnæ, quia remissa culpa, remanet reatus pœnæ; ergo &c.

Resp. neg. min. Est enim vindicativa culpæ, & commu-

mutativa pœnæ æternæ in temporalem, imò & remissiva, seu satisfactiva partis pœnæ hujus. Deus autem non exigit æqualitatem physicam, aut mathematicam, sed moralem, quam ipse taxat pro sua misericordia simulcum iustitia, quæ in hoc sibi obviat.

Q U Æ S T I O . IV.

De objecto pœnitentiæ.

QUæ diximus hucusque de hac virtute, lucem accipient ex dicendis de objecto ejus materiali, & formali.

C O N C L U S I O . I.

Objectum materiale immediatum virtutis hujus est omnis actus pœnitentis, quo in se punit peccatum; mediatum verò est omne peccatum.

Prob. 1. ex Scoto [1] dicente, quòd objectum est peccatum vindicabile: & quod pœnitere requirit præcognitionem distinctam illius, de quo pœnitet (scilicet peccati) ubi dico, quòd ista se habent per ordinem. 1. imperare causarum proximarum partialium tristitiæ conjunctionem. 2. ipsæ causæ partiales conjunctæ, quæ sunt effectus proximus illius imperii. 3. sequitur effectus ipsa tristitia. 4. sequi potest complacentia tristitiæ, quæ est actus voluntatis habens tristitiam pro objecto. Et tandem gaudium de tristitia; ergo ex Scoto peccatum est objectum materiale remotum pœnitentiæ, & tristitia, seu actus pœnales sunt de objecto immediato ejusdem, quia per istos attingit peccatum, & vindicat illud.

Prob. 2. Illud est objectum materiale immediatum virtutis, quod primò, & immediatè respicitur, & intenditur; sed pœnitentia primò, & immediatè intendit punitionem, & vindictam peccati, & hæc punizio consistit in actibus, quibus pœnitens punit peccata sua; ergo illa punizio, & isti actus sunt objectum immediatum, & materiale pœnitentiæ. Prob. min. Illud primò, & immediatè intenditur à pœnitentia; in quo fundatur immediatè denominatio ejus; sed hæc

[1] *ibid.* q. 2. c. 5.

fundatur immediatè in ipsa punitione, & actibus puniti vis; ergo &c. Prob. min. ex ipso ejus nomine, quod sumitur à pœna, & à *pœnæ tenentia*; ergo &c.

Prob. 2. p. Illud est objectum materiale remotum virtutis, quod illa respicit per aliqua media; sed pœnitentia respicit peccata per actus prædictos; ergo peccata sunt objectum materiale remotum pœnitentiæ. Dico *per aliqua media*: nam si per objectum immediatum materiale intelligatur omne id, quod attingitur à virtute, etiam peccatum hoc sensu erit de materia proxima: nam illud etiam attingitur ab illa, licet per actus doloris, & punitionis.

Objic. 1. contr. 1. par. Actus virtutum non sunt illarum objecta; sed illi actus sunt actus ipsius pœnitentiæ; ergo non bene dicuntur objecta ejus. Prob. maj. Objectum præsupponitur habitui sed actus virtutum non præsupponuntur illis, sed è contra virtutes præsupponuntur actibus suis, ut causa effectui præsupponitur, quia prius est esse, quàm agere; ergo &c.

Resp. neg. 1. maj. & dist. 2. præsupponitur objectivè, & in ordine intentionis, conc. in ordine executionis, & existentiae realis, saltem in habitibus practiciis, neg. maj. nam virtutes sunt habitus practici, & propter suas operationes, & pœnitentia propter actus punitivos peccati.

Inst. Effectus non habet rationem finis; ergo nec objecti: nam objectum, & finis sunt unum, & idem.

Respond. neg. antec. Nam sanitas est finis, & effectus medicinae, & generaliter habitus practici, ut virtutes sunt propter suas operationes, ad quas concurrunt effectivè.

Objic. 1. cont. 2. part. Objectum omnis virtutis est bonum honestum; sed pœnitentia est virtus, & peccatum est malum, & inhonestum; ergo peccatum non est objectum pœnitentiæ. Maj. patet ex dictis de virtute in communi, & quia habitus specificantur ab objectis.

Respond. dist. maj. objectum formale, conc. materiale, neg. maj. & conseq. objectum formale pœnitentiæ est punibilitas peccati, quæ est bonum honestissimum.

Objic. 2. Peccatum veniale non est objectum pœnitentiæ.

sentia; ergo non omne peccatum est objectum pœnitentia. Prob. ant. Peccatum veniale non est offensa Dei, nec dissolvit amicitiam ejus, nec est contra legem; ergo &c.

Resp. neg. utrumque antec. Nam veniale est offensa Dei, & contra legem, sed levis, & displicet Deo, licet ex ejus benignitate non dissolvat ejus amicitiam, ut diximus aliàs.

Inst. Homo non tenetur vitare venialia; ergo nec de illis pœnitere.

Resp. dist. ant. non tenetur sub gravi obligatione, conc. absolute, & quantum licet humanæ levitati, neg. antec. alioqui non esset peccatum. Idem dico ad conf. nam sicut est peccatum, ita & punibile est, & punietur in hac, vel alia vita.

Objic. 3. Peccatum habituale non est objectum pœnitentia; ergo non omne peccatum. Prob. antec. ex Scoto: [1] illud non est, nisi relatio rationis, scilicet *ordinatio, seu obligatio ad pœnam, quæ dicitur reatus*; ergo &c.

Respond. distin. anteced. non est objectum quoad reatum activè in Deo, conc. opus quoad reatum in homine, neg. ant. & conseq. prob. Nam reatus ex parte Dei est ordinatio, qua Deus ordinavit peccatorem ad pœnam; passivè autem, & in peccatore est obligatio ad illam pœnam, quæ obligatio est mala in sua causa, scilicet in peccato præterito, & inde materia pœnitentia.

Inst. Si hoc esset, deberetur duplex pœnitentia pro eodem peccato, scilicet una pro actuali, & alia pro habituali; sed conf. est falsum, quia *Deus non punit bis id ipsum*; ergo &c.

Resp. neg. maj. Nam hoc ipso, quòd dolemus de actuali præterito, dolemus etiam de habituali, quod non est aliud, quàm actuale præteritum moraliter durans defectu pœnitentia de illo.

Inst. 2. In habituali non est distincta malitia ab actuali; ergo nec obligatio ad pœnitentiam distinctam.

Respond. dist. antec. non est distincta malitia quoad substantiam, conc. quoad circumstantiam durationis, neg. ant. & conf. Nam illa duratio est in se mala, & inde pœnitenda.

Objic.

[1] d. 14. q. 1. H. 2.

Objic. 4. De peccato originali non est pœnitendum quia illud non est nobis voluntarium, nec per consequens retractabile; ergo omne peccatum non est materia pœnitentiæ nostræ.

Resp. neg. ant. Nam inquit August. *Corripitur origo damnabilis, ut ex dolore correptionis voluntas regenerationis oriatur.* Illud peccatum facit Deum nobis iratum, & inimicum, & debemus illud odisse, saltem in Adamo.

Inst. Si pœnitentia respiceret originale, deberent ad eam excitari, qui baptizantur; sed consequens est contra praxim; ergo illud non est de objecto pœnitentiæ.

Respond. dist. maj. si respiceret necessariò, conc. si ex congruitate, neg. maj. Nam cum pœnitentia de illo peccato non sit nisi congrua, & pueri non sint capaces pœnitentiæ, non excitantur ad illam in baptismo; bene verò adulti, si hoc illis proponatur æque, ac personalia, quæ ipsi commiserunt.

Inst. 2. Pœnitentia non est nisi de propriis peccatis; sed originale non est proprium posteris Adæ; ergo nec ab ipsis pœnitendum. Prob. maj. non enim pœnitere debemus de alienis; ergo &c.

Resp. 1. neg. maj. Nam David veniam petit pro alienis. *Ab alienis parce servo tuo.*

Respond. 2. distin. min. non est proprium simpliciter, conc. aliquo modo, neg. min. Nam Adamus, cum peccavit, agebat personam procuratoris omnium suorum posterorum descendendum per viam generationis ordinariæ, seu per seminalem propagationem.

Inst. 3. Per originale non lædimus jus divinum, & in nobis non est nisi pœna; ergo non est in nobis materia pœnitentiæ.

Respond. distin. antec. non lædimus propria voluntate, & formaliter, & est pœna supponens culpam aliquo modo nostram, conc. non lædimus in voluntate Adæ, in qua erat nostra, neg. antec. Nam verè peccavimus, & lædimus jus divinum in Adamo, ut dictum est aliàs.

Objic. 5. Pœnitentia nostra non respicit peccata aliena, quia non intendit remissionem, nisi pro ipso pœnitente; ergo non omne peccatum est objectum pœnitentiæ.

Resp.

Resp. neg. 1. ant. & conf. prob. Nam odisse, ac detestari peccata aliena honestum est, & potest intendi eorum remissio pro aliis. Sic Christus *peccata nostra portavit, & pro nobis doluit.*

Inst. Vera pœnitentia est cum retractatione peccati; sed non possumus retractare aliena; ergo nec de illis pœnitere. Prob. min. Retractatio est revocatio propriæ actionis jam factæ, non autem alienæ; ergo &c.

Resp. dist. maj. cum retractatione formali, aut virtuali, seu æquivalenti, con. maj. & neg. min. formali tantum, & de propriis, neg. maj. nam ad veram pœnitentiam sufficit dolor, & detestatio peccati, & ejusdem puniitio quædam; & licet in rigore, & propriè loquendo non fiat de alienis, nisi quodam procuratorio nomine ex imperio charitatis, tamen illa multum placet Deo, & usurpari solet à sanctissimis viris, & peccatoribus impetrat gratias conversionis.

Inst. 2. Fieri potest, ut, dum justî pœnitent, & retractant aliorum peccata, isti non retractent; sed potius confirmet; ergo vana erit justorum pœnitentia, & retractatio.

Resp. neg. conf. nam justî non minùs verè puniunt, & detestantur illa peccata, nec minùs placent Deo tam pro ipsismet, quàm ad impetranda peccantibus validiora auxilia. Unde licet pœnitentia primariò, & ordinariè doleat de propriis, tamen secundariò, & ex abundantia charitatis potest detestari aliena, & utiliter tam pro ipsis pœnitentibus ad augmentum gratiæ, & meritum, quàm pro peccantibus ad impetrationem auxiliorum, & veniæ.

Inst. 3. Idem habitus non inclinât ad puniendâ propriâ, & aliena peccata; ergo nec eadem virtus pœnitentiæ facit utrumque. Prob. ant. actus illi non habent eundem finem, aut motivum; ergo nec sunt ab eodem habitu pœnitentiæ. Prob. ant. actus puniendi propriâ peccata intendit propriam reconciliationem, & venit ex justitia, & amore sui; qui verò luit aliena, id facit ex amore Dei, & proximi, seu ex charitate; ergo sunt ex diverso fine.

Resp. dist. ant. Idem habitus imperativè, con. elicitivè, neg. ant. & conf. nam licet puniitio proprii peccati imperetur ab amore justitiæ, vel Dei, & luctus pro alienis imperetur ab amore Dei, & proximi, ta-

men

utrumque actus eliciuntur ab eadem virtute poenitentiae, quod sufficit nobis.

Objic. 6. Peccata remissa sunt vera peccata; sed ista non sunt amplius de objecto poenitentiae; ergo non omnia peccata sunt de objecto eius. Prob. min. morbus sanatus non est amplius morbus sanandus per medicinam; ergo nec peccatum est amplius dolendum per poenitentiam.

Resp. dist. min. objectum necessarium, conc. sufficiens, neg. min. & conf. prob. nam peccata, licet dimissa, adhuc sunt mala in se, & odienda. Sic Magdalena post remissionem obtentam, de qua certa erat, adhuc de illis doluit per reliquum tempus vitae, & quidem sanctissime: sic de D. Petro, & aliis. Comparatio morbi, & medicinae corporalis non quadrat undique.

Colligis ergo 1. non tantum mortalia peccata, sed etiam venialia esse de objecto materiali poenitentiae; nam haec sunt verè peccata, & offensae Dei, licet leves; ergo & punibilia sunt, & dolenda.

2. Idem est de habituali, & actuali; nam aequè est punibile post cessationem physicam actus, & quamdiu moraliter durat, quam dum realiter existit, & committitur; & tamdiu durat Dei odium, & jus ad puniendum illud, quamdiu non retractatur à peccatore.

3. Idem est de originali: nam in sua radice, & effectibus displicet Deo, & nobis imputatur, & puniatur aequè ac in Adamo, quamdiu non deletur, quia illud commisimus in Adamo, ut dictum est.

4. Idem aliqua ratione de alienis: nam licet in nobis non sint ita punibilia, non cessant tamen esse à nobis odienda, & dolenda; & haec tristitia, & dolor est valde laudabilis, etiam in Sanctis, imo & in Angelis, si essent capaces doloris, sicut sunt capaces odii.

5. Idem de remissis; quia semper sunt mala, saltem objective; ergo & dolenda, deplenda, & punienda, saltem ex superabundantia iustitiae, ut de facto contigit in Sanctis, qui aliquando peccaverunt, & semper doluerunt peccasse.

Quaeres 1. an peccata materialia sint de objecto poenitentiae. Peccata materialia dicimus actus illos, qui de se sunt quidem malis, sed defectu voluntarietatis non

non sunt formaliter peccata, ut homicidium factum à dormiente.

Resp. hæc non esse propriè de objecto pœnitentiæ, quia non sunt verè peccata; ergo nec punibilia.

Quæres 2. *an actus externus peccati sit de se præcisè materia pœnitentiæ.*

Resp. affirmativè. Quia, ut diximus, participat de malitia peccati interni, & est contra præceptum, & debet exprimi in confessione, augetque malitiam actus interni, ut probatum est aliàs.

Quæres 3. *quid de malis pœnæ.*

Resp. quod mala pœnæ, quibus pœnitentia punit peccatum, non sunt propriè odienda, nec pœnitenda, nisi in causa, quia in se sunt volita, & volenda; alia verò mala physica adhuc minùs pertinent ad pœnitentiam. Illa tamen priora pertinent ad pœnitentiam ut instrumenta, & media, quibus attingit finem suum, sc. vindictam peccati.

Quæres 4. *An peccatum futurum, & possibile sit de objecto pœnitentiæ.*

Resp. affirmativè; quia in tali peccato est tota malitia objectiva, & qui in illo sibi complaceret, peccaret de facto; ergo ut tale est odibile, & punibile, saltem ut præveniatur. Unde ad veram pœnitentiam necessarius est dolor de præterito, & propositum firmum non peccandi in futurum; ergo peccata futura, aut possibilia respici debent à pœnitentia, saltem ad cautelam.

CONCLUSIO II.

Objectum formale pœnitentiæ non est compensatio pro Dei offensa, nec jus divinum ut resarcibile, neque pax, vel amicitia cum Deo concilianda.

Prob. 1. ex Scoto dicente, [1] quod actus pœnitentiæ est actus iustitiæ punitivæ, quæ distinguitur contra iustitiam commutativam, & etiam contra amicitiam, &c. Sed compensatio, & resarcitio sunt actus iustitiæ commutativæ, & reconciliatio spectat ad amicitiam; ergo ex Scoto illa non sunt de objecto formali pœnitentiæ.

Porro non negat Doctor, quin pœnitentia intendat ali-

[1] d. 14. q. 2. E. 8.

aliquam compensationem, aut resarcitionem facere Deo pro peccatis, & aliqualem reparationem pro transgressionem legis ejus, & sic reconciliationem in amicitiam, & pacem cum illo; sed tantum negat hæc esse de objecto formali pœnitentiæ, quia censet hanc ab illis virtutibus distingui.

Prob. 1. p. 1. quia ex dictis pœnitentia est species justitiæ pœnitivæ, seu vindicativæ, non autem commutativæ, saltem propriè; ergo non respicit immediatè compensationem, seu satisfactionem pro offensa, nec juris divini resarcitionem, sed vindictam peccati.

Confir. quia vix ullus pœnitens cogitat de illa compensatione, vel resarcitione, imò debet illam putare impossibilem respectu Dei; ergo non est motivum, nec ratio formalis pœnitendi.

Confir. 2. nam gratitudo habet etiam pro objecto compensationem; ergo hæc non est objectum formale pœnitentiæ, prout est virtus distincta ab aliis speciebus justitiæ.

Prob. 2. nam ex adversariis, odium, & detestatio peccati est primarius, & principalis actus pœnitentiæ, sed compensatio non respicit illud odium, quia illa est actus volitionis, & prosecutionis, & respicit illam, ut bonam: odium verò est actus aversionis, & fugæ; ergo principalis actus pœnitentiæ non respicit compensationem. Dico, *ex adversariis*: unde argumentum istud est ad hominem: nam in mente Scoti actus principalis pœnitentiæ non est illud odium, sed volitio puniendi, seu vindicandi peccatum.

Prob. 2. p. quia, ut dicebamus, volunt adversarii, quòd primarius actus pœnitentiæ sit odium, & detestatio peccati; sed hæc non habet pro objecto formali jus divinum, quia istud non est objectum odii, nec fugæ; ergo &c. Prob. min. nam actus directus circa jus Dei est volitio, ut sit illæsum; ergo non est objectum formale, & immediatum odii peccati: quia per istud odium non acquiritur illud jus, nec reparatur læsum.

Dices, odiri peccatum, quia est læsivum juris divini, quod sufficit.

Contra, pœnitentia non est virtus Theologica; ergo non respicit directè Deum, nec aliquid divinum, quale est jus illud.

Prob.2. Si pœnitentia directè intendat resarcire jus divinum, id facere non potest, nisi aliquo medio; ergo immediatius respicit hoc medium, quàm jus ipsum; ergo istud non est objectum formale immediatum pœnitentiæ, sed puniio peccati, per quam resarcitur jus illud. Prob. conf. nam sic jus Dei est finis cui pœnitens vult resarcitionem; sed finis cui non est objectum formale actus, vel habitus, sed est ipsa res, quæ fit, vel datur pro resarcitione; ergo &c.

Prob.3. p.1. amicitia cum Deo spectat ad virtutem Theologicam, & maximè ad charitatem; ergo reconciliatio illius non potest esse objectum formale pœnitentiæ, quæ est virtus moralis, ut probatum est:

Prob.2. quia non solum charitas, sed & omnis alia virtus potest intendere pacem, & amicitiam cum Deo: Charitas quidem directè, & per se, quia hæc amicitia est de objecto ejus formali; aliæ verò indirectè, & per accidens, & ultimè.

Prob.3. quia pax, reconciliatio, & amicitia illa est potius effectus, & finis extrinsecus pœnitentiæ, quàm objectum ejus formale: nam idèo punimus peccatum in nobis, quia Deum volumus nobis reconciliare, & pacificare; ergo prior est pœnitentia, quàm illa amicitia, & reconciliatio; ergo hæc non est objectum formale pœnitentiæ, sed finis extrinsecus, vel effectus ejus.

Prob.4. objectum formale debet conjungi cum materiali; sed objectum materiale pœnitentiæ, sc. peccatum, non potest conjungi cum amicitia Dei; ergo hæc non est objectum formale pœnitentiæ.

Prob. denique: nam sine attentione ad ullam reconciliationem, & amicitiam possum detestari, & odire peccatum, & illud punire in me per actus veræ pœnitentiæ, v. g. attritionis; & per istos frequentatos acquiram habitum inclinantem, & juvantem ad similes; ergo &c.

Obje.1. con.1. p. ex Scoto, per actus pœnitendi fit verè compensatio injuriæ factæ Deo per peccatum; ergo rectè illa potest dici objectum formale pœnitentiæ, & illorum actuum. Prob. conf. illa compensatio pertinet ad aliquam virtutem: est enim per se honesta; sed non potest pertinere ad aliam præter pœnitentiam; ergo &c.

Resp.

Resp. dist. ant. fit compensatio tamquam effectus, & sequela punitionis peccati, con. tamquam objectum, & finis intrinsecus pœnitentiæ, neg. ant. & conf. nam si omnia bona, quæ sequuntur pœnitentiam, dicerentur objecta ejus formalia, aut fines intrinseci, idem diceretur de reconciliatione, de pace, de remissione, &c. quia hæc omnia sequuntur ex pœnitentia; sed hæc prius supponitur existens, & perfecta in sua specie per punitionem peccati; ergo ista puniatio est ratio ejus formalis constitutiva. Ad prob. conf. neg. min. nam compensatio beneficii, vel injuriæ pertinet ad justitiam generalem commutativam, aut gratitudinem potius, quàm ad pœnitentiam.

Inst. 1. Pœnitentia inclinatur ad satisfaciendum Deo pro peccatis, & per illam fit Deo satis, & placatur; ergo objectum formale ejus est satisfactio, seu compensatio: nam idem est finis actuum, & habitus eorum.

Resp. dist. ant. inclinatur, & satisfacit secundario, con. per se, & primario, neg. ant. nam si pœnitens nihil cogitaret de satisfactione, cum dolet de peccato, & illud in se punit, adhuc vera esset pœnitentia.

Inst. 2. Non potest esse actus justitiæ vindicativæ, quin sit compensativæ; sed per nos est actus justitiæ vindicativæ; ergo compensativæ. Prob. maj. puniatio est satisfactio commensurata peccato; sed illa commensuratio est ipsa formalis compensatio; ergo &c.

Resp. neg. maj. nam, ut dicebam, potest quis velle dolere de peccato, & illud in se punire, nihil cogitando de satisfactione, & si hæc ibidem adsit, id contingit per quandam sequelam, aut comitantiam materiam.

Objic. con. 2. p. Pœnitentia est species justitiæ; ergo respicit aliquod jus speciale; sed hoc non potest esse, nisi jus divinum, quia nullum aliud læditur per peccatum, & refarcitur per pœnitentiam; ergo pœnitentia respicit pro formali refarcitionem juris divini.

Resp. dist. ant. species justitiæ vindicativæ, conc. commutativæ, neg. ant. nec enim respicit præcisè, & per se satisfactionem, sed punitionem per penam debitam.

Inst. Non potest respicere penam debitam, nisi pro-

pter læsum aliquod jus, aut legem divinam; ergo semper respicit aliquod jus divinum, & refarcitionem ejus per vindictam.

Resp. dist. conf. pro objecto, & fine extrinseco, con. pro objecto formali, & fine intrinseco, neg. conseq. nam directè respicit pœnam, indirectè autem, & consequenter per illam pœnam respicit Deum, seu juris ejus reparationem.

Inst. 2. punitio illa non habet bonitatem, nisi ex fine, sed ille finis est bonum juris divini; ergo istud respicitur, & intenditur primò per pœnitentiam.

Resp. neg. maj. nam habet bonitatem per se, & ex objecto, velut fine primario, & intrinseco, secundariò autem bona est ex fine extrinseco, qualis est refarcitio juris divini; & hoc motivum, & finis non magis spectat ad pœnitentiam, quàm ad aliam virtutem, & maximè ad charitatem.

Inst. 3. justitia per se, & intrinsecè respicit jus; sed pœnitentia per se est justitia; ergo pœnitentia per se respicit jus, non autem secundariò, & extrinsecè.

Resp. dist. maj. respicit jus aliquo modo, mediatè, vel immediatè, con. immediatè tantum, neg. maj. & conf. nam vindicativa respicit immediatè pœnam peccato debitam, per quam satisfacit juri legis, aut legislatoris.

Objic. 1. cont. 3. p. Omnis pœnitens per pœnitentiam vult reconciliari Deo, & redire in ejus amicitiam; ergo hæc reconciliatio est ejus objectum formale.

Resp. dist. ant. intendit mediatè, & ut finem extrinsecum, con. immediatè, ut finem intrinsecum, neg. ant. nam, ut sæpè diximus, intendit directè pœnam peccati, mediatè verò per punctionem vult placare Deum, & eum sibi reconciliare, reparata ejus offensa per pœnam illam.

Inst. Tollere causam odii divini est per se bonum, & objectum alicujus virtutis; sed non potest esse objectum formale alterius virtutis, quàm pœnitentiæ; & hoc est velle placare Deum, & redire in ejus amicitiam; ergo &c. prob. min. soli pœnitentiæ competit tollere peccatum ut offensivum Dei, & ut causam odii ejus; ergo &c.

Resp. neg. min. & ant. nam tollere peccatum sub tali motivo, & ratione pertinet ad charitatem potius,

tius, quàm ad penitentiam præcisè. Charitas imperat penitentiam ex motivo amoris Dei, ut in contritione perfecta, & illud motivum est illi proprium, & intrinsecum, penitentiae autem extrinsecum.

CONCLUSIO III.

Vindicabilitas, seu punibilitas peccati est obiectum formale penitentiae. Ita Scotistæ.

Prob. 1. ex Scoto cit. [1] dicente, quod speciale obiectum, per quod penitentia dicitur virtus specialis, est peccatum vindicabile. Et quod proprium obiectum istius est malum vindicabile, seu reus, in quem vindicandum est; ergo ex Scoto ratio formalis, sub qua penitentia respicit peccatum, est ejus punibilitas, seu vindicabilitas.

Prob. 2. Sub ea ratione peccatum respicitur à penitentia, sub qua respici potest, & debet ab aliqua speciali virtute; sed peccatum ut punibile non potest propriè, & per se respici ab alia speciali virtute, nisi à penitentia; ergo &c. Maj. patet: nam verè honestum est illud sic respicere. Prob. min. ex August. [2] *fusiisti Domine, & ita est, ut pœna sit sibi quisque peccator*. Et S. Isidor. cit. *Hæc virtus nomen habet à pœna, quasi pœna tenentia, penitentia, seu quasi punientia dicitur, eò quod ipse puniat penitendo, quod male admisit*.

Prob. 2. eadem min. & ipsa conclusio, tum quia nulla alia virtus sic respicit peccatum, tum quia nulla alia ratio potest melius assignari, sub qua illud respiciatur, & per quam penitentia virtus distinguatur ab aliis, ut patet ex præcedenti, ubi rejecimus alios dicendi modos.

Objic. 1. Penitentia est virtus detestativa, non prosecutiva; sed vindicabilitas non est ratio detestativa; sed prosecutiva; ergo non pertinet, saltem non constituit penitentiam.

Resp. dist. maj. detestativa quoad aliquos actus, con. quoad omnes, neg. maj. & conf. detestatur peccatum ut malum, & secundum se, & confitetur, & punit illud, prout est honestum sic illud confiteri,

B 3 & pu-

[1] Ibid. n. 4. & 9.

[2] 2. confess. c. 12.

sentia; ergo non omne peccatum est objectum pœnitentia. Prob. ant. Peccatum veniale non est offensa Dei, nec dissolvit amicitiam ejus, nec est contra legem; ergo &c.

Resp. neg. utrumque antec. Nam veniale est offensa Dei, & contra legem, sed levis, & displicet Deo, licet ex ejus benignitate non dissolvat ejus amicitiam, ut diximus aliàs.

Inst. Homo non tenetur vitare venialia; ergo nec de illis pœnitere.

Resp. dist. ant. non tenetur sub gravi obligatione, conc. absolurè, & quantum licet humanæ levitati, neg. antec. alioqui non esset peccatum. Idem dico ad conf. nam sicut est peccatum, ita & punibile est, & punietur in hac, vel alia vita.

Objic. 3. Peccatum habituale non est objectum pœnitentia; ergo non omne peccatum. Prob. antec. ex Scoto: [1] illud non est, nisi relatio rationis, scilicet *ordinatio*, seu *obligatio ad pœnam*, quæ dicitur *reatus*; ergo &c.

Respond. distin. anteced. non est objectum quoad reatum activè in Deo, conc. opus quoad reatum in homine, neg. ant. & conseq. prob. Nam reatus ex parte Dei est *ordinatio*, qua Deus ordinavit peccatorem ad pœnam; passivè autem, & in peccatore est *obligatio ad illam pœnam*, quæ obligatio est mala in sua causa, scilicet in peccato præterito, & inde materia pœnitentia.

Inst. Si hoc esset, deberetur duplex pœnitentia pro eodem peccato, scilicet una pro actuali, & alia pro habituali; sed conf. est falsum, quia *Deus non punit bis id ipsum*; ergo &c.

Resp. neg. maj. Nam hoc ipso, quod dolemus de actuali præterito, dolemus etiam de habituali, quod non est aliud, quàm actuale præteritum moraliter durans defectu pœnitentia de illo.

Inst. 2. In habituali non est distincta malitia ab actuali; ergo nec obligatio ad pœnitentiam distinctam.

Respond. dist. antec. non est distincta malitia quoad substantiam, conc. quoad circumstantiam durationis, neg. ant. & conf. Nam illa duratio est in se mala, & inde pœnitenda.

Objic.

[1] d. 14. q. 1. H. 9.

Objic. 4. De peccato originali non est pœnitendum quia illud non est nobis voluntarium, nec per consequens retractabile; ergo omne peccatum non est materia pœnitentiæ nostræ.

Resp. neg. ant. Nam inquit August. *Corripiatur origo damnabilis, ut ex dolore correptionis voluntas regenerationis oriatur.* Illud peccatum facit Deum nobis iratum, & inimicum, & debemus illud odisse, saltem in Adamo.

Inst. Si pœnitentia respiceret originale, deberent ad eam excitari, qui baptizantur; sed consequ. est contra praxim; ergo illud non est de objecto pœnitentiæ.

Respond. dist. maj. si respiceret necessariò, conc. si ex congruitate, neg. maj. Nam cum pœnitentia de illo peccato non sit nisi congrua, & pueri non sint capaces pœnitentiæ, non excitantur ad illam in baptismo; bene verò adulti, si hoc illis proponatur æque, ac personalia, quæ ipsi commiserunt.

Inst. 2. Pœnitentia non est nisi de propriis peccatis; sed originale non est proprium posteris Adæ; ergo nec ab ipsis pœnitendum. Prob. maj. non enim pœnitere debemus de alienis; ergo &c.

Resp. 1. neg. maj. Nam David veniam petit pro alienis. *Ab alienis parce servo tuo.*

Respond. 2. distin. min. non est proprium simpliciter, conc. aliquo modo, neg. min. Nam Adamus, cum peccavit, agebat personam procuratoris omnium suorum posterorum descendendum per viam generationis ordinariæ, seu per seminalem propagationem.

Inst. 3. Per originale non lædimus jus divinum, & in nobis non est nisi pœna; ergo non est in nobis materia pœnitentiæ.

Respond. distin. antec. non lædimus propria voluntate, & formaliter, & est pœna supponens culpam aliquo modo nostram, conc. non lædimus in voluntate Adæ, in qua erat nostra, neg. antec. Nam verè peccavimus, & læsimus jus divinum in Adamo, ut dictum est aliàs.

Objic. 5. Pœnitentia nostra non respicit peccata aliena, quia non intendit remissionem, nisi pro ipso pœnitente; ergo non omne peccatum est objectum pœnitentiæ.

Resp.

Resp. neg. 1. ant. & conf. prob. Nam odisse, ac detestari peccata aliena honestum est, & potest intendi eorum remissio pro aliis. Sic Christus *peccata nostra portavit, & pro nobis doluit.*

Inst. Vera pœnitentia est cum retractatione peccati; sed non possumus retractare aliena; ergo nec de illis pœnitere. Prob. min. Retractatio est revocatio propriæ actionis jam factæ, non autem alienæ; ergo &c.

Resp. dist. maj. cum retractatione formali, aut virtuali, seu æquivalenti, con. maj. & neg. min. formali tantum, & de propriis, neg. maj. nam ad veram pœnitentiam sufficit dolor, & detestatio peccati, & ejusdem puniitio quædam; & licet in rigore, & propriè loquendo non fiat de alienis, nisi quodam procuratorio nomine ex imperio charitatis, tamen illa multum placet Deo, & usurpari solet à sanctissimis viris, & peccatoribus impetrat gratias conversionis.

Inst. 2. Fieri potest, ut, dum iusti pœnitent, & retractant aliorum peccata, isti non retractent; sed potius confirmet; ergo vana erit iustorum pœnitentia, & retractatio.

Resp. neg. conf. nam iusti non minùs verè puniunt, & detestantur illa peccata, nec minùs placent Deo tam pro ipsismet, quàm ad impetranda peccantibus validiora auxilia. Unde licet pœnitentia primariò, & ordinariè doleat de propriis, tamen secundariò, & ex abundantia charitatis potest detestari aliena, & utiliter tam pro ipsis pœnitentibus ad augmentum gratiæ, & meritum, quàm pro peccantibus ad impetrationem auxiliorum, & veniæ.

Inst. 3. Idem habitus non inclinatur ad puniendâ propriâ, & aliena peccata; ergo nec eadem virtus pœnitentiæ facit utrumque. Prob. ant. actus illi non habent eundem finem, aut motivum; ergo nec sunt ab eodem habitu pœnitentiæ. Prob. ant. actus puniendi propria peccata intendit propriam reconciliationem, & venit ex iustitia, & amore sui; qui verò luit aliena, id facit ex amore Dei, & proximi, seu ex charitate; ergo sunt ex diverso fine.

Resp. dist. ant. Idem habitus imperativè, con. elicitive, neg. ant. & conf. nam licet puniitio proprii peccati imperetur ab amore iustitiæ, vel Dei, & luctus pro alièis imperetur ab amore Dei, & proximi, ta-

men

men utrique actus eliciuntur ab eadem virtute pœnitentiæ, quod sufficit nobis.

Objic. 6. Peccata remissa sunt vera peccata; sed ista non sunt amplius de objecto pœnitentiæ; ergo non omnia peccata sunt de objecto eius. Prob. min. morbus sanatus non est amplius morbus sanandus per medicinam; ergo nec peccatum est amplius dolendum per pœnitentiam.

Resp. dist. min. objectum necessarium, conc. sufficiens, neg. min. & conf. prob. nam peccata, licet dimissa, adhuc sunt mala in se, & odienda. Sic Magdalena post remissionem obtentam, de qua certa erat, adhuc de illis doluit per reliquum tempus vitæ, & quidem sanctissimè: sic de D. Petro, & aliis. Comparatio morbi, & medicinæ corporalis non quadrat undique.

Colligis ergo 1. non tantum mortalia peccata, sed etiam venialia esse de objecto materiali pœnitentiæ: nam hæc sunt verè peccata, & offensæ Dei, licet leves; ergo & punibilia sunt, & dolenda.

2. Idem est de habituali, & actuali; nam æquè est punibile post cessationem physicam actus, & quamdiu moraliter durat, quam dum realiter existit, & committitur; & tamdiu durat Dei odium, & jus ad puniendum illud, quamdiu non retractatur à peccatore.

3. Idem est de originali: nam in sua radice, & effectibus displicet Deo, & nobis imputatur, & puniatur æquè ac in Adamo, quamdiu non deletur, quia illud commisimus in Adamo, ut dictum est.

4. Idem aliqua ratione de alienis: nam licet in nobis non sint ita punibilia, non cessant tamen esse à nobis odienda, & dolenda; & hæc tristitia, & dolor est valde laudabilis, etiam in Sanctis, imo & in Angelis, si essent capaces doloris, sicut sunt capaces odii.

5. Idem de remissis; quia semper sunt mala, saltem objectivè; ergo & dolenda, deffenda, & punienda, saltem ex superabundantia justitiæ, ut de facto contigit in Sanctis, qui aliquando peccaverunt, & semper doluerunt peccasse.

Quætes 1. an peccata materialia sint de objecto pœnitentiæ. Peccata materialia dicimus actus illos, qui de se sunt quidem malis, sed defectu voluntarietatis non

non sunt formaliter peccata, ut homicidium factum à dormiente.

Resp. hæc non esse propriè de objecto pœnitentiæ, quia non sunt verè peccata; ergo nec punibilia.

Quæres 2. an actus externus peccati sit de se præcisè materia pœnitentiæ.

Resp. affirmativè. Quia, ut diximus, participat de malitia peccati interni, & est contra præceptum, & debet exprimi in confessione, augetque malitiam actus interni, ut probatum est aliàs.

Quæres 3. quid de malis pœnæ.

Resp. quod mala pœnæ, quibus pœnitentia punit peccatum, non sunt propriè odienda, nec pœnitenda, nisi in causa, quia in se sunt volita, & volenda; alia verò mala physica adhuc minùs pertinent ad pœnitentiam. Illa tamen priora pertinent ad pœnitentiam ut instrumenta, & media, quibus attingit finem suum, sc. vindictam peccati.

Quæres 4. An peccatum futurum, & possibile sit de objecto pœnitentiæ.

Resp. affirmativè; quia in tali peccato est tota malitia objectiva, & qui in illo sibi complaceret, peccaret de facto; ergo ut tale est odibile, & punibile, saltem ut præveniatur. Unde ad veram pœnitentiam necessarius est dolor de præterito, & propositum firmum non peccandi in futurum; ergo peccata futura, aut possibilia respici debent à pœnitentia, saltem ad cautelam.

CONCLUSIO II.

Objectum formale pœnitentiæ non est compensatio pro Dei offensa, nec jus divinum ut resarcibile, neque pax, vel amicitia cum Deo concilianda.

Prob. 1. ex Scoto dicente, [1] quod actus pœnitentiæ est actus iustitiæ punitivæ, quæ distinguitur contra iustitiam commutativam, & etiam contra amicitiam, &c. Sed compensatio, & resarcitio sunt actus iustitiæ commutativæ, & reconciliatio spectat ad amicitiam; ergo ex Scoto illa non sunt de objecto formali pœnitentiæ.

Porro non negat Doctor, quin pœnitentia intendat ali-

[1] d. 14. q. 2. E. 8.

aliquam compensationem, aut refarcitionem facere Deo pro peccatis, & aliqualem reparationem pro transgressionem legis ejus, & sic reconciliationem in amicitiam, & pacem cum illo; sed tantum negat hæc esse de objecto formali pœnitentiæ, quia censet hanc ab illis virtutibus distingui.

Prob. 1. p. 1. quia ex dictis pœnitentia est species justitiæ pœnitivæ, seu vindicativæ, non autem commutativæ, saltem propriè; ergo non respicit immediatè compensationem, seu satisfactionem pro offensa, nec juris divini refarcitionem, sed vindictam peccati.

Confir. quia vix ullus pœnitens cogitat de illa compensatione, vel refarcitione, imò debet illam putare impossibilem respectu Dei; ergo non est motivum, nec ratio formalis pœnitendi.

Confir. 2. nam gratitudo habet etiam pro objecto compensationem; ergo hæc non est objectum formale pœnitentiæ, prout est virtus distincta ab aliis speciebus justitiæ.

Prob. 2. nam ex adversariis, odium, & detestatio peccati est primarius, & principalis actus pœnitentiæ, sed compensatio non respicit illud odium, quia illa est actus volitionis, & prosecutionis, & respicit illam, ut bonam: odium verò est actus aversionis, & fugæ; ergo principalis actus pœnitentiæ non respicit compensationem. Dico, *ex adversariis*: unde argumentum istud est ad hominem: nam in mente Scoti actus principalis pœnitentiæ non est illud odium, sed volitio puniendi, seu vindicandi peccatum.

Prob. 2. p. quia, ut dicebamus, volunt adversarii, quòd primarius actus pœnitentiæ sit odium, & detestatio peccati; sed hæc non habet pro objecto formali jus divinum, quia istud non est objectum odii, nec fugæ; ergo &c. Prob. min. nam actus directus circa jus Dei est volitio, ut sit illæsum; ergo non est objectum formale, & immediatum odii peccati: quia per istud odium non acquiritur illud jus, nec reparatur læsum.

Dices, odiri peccatum, quia est læsivum juris divini, quod sufficit.

Contra, pœnitentia non est virtus Theologica; ergo non respicit directè Deum, nec aliquid divinum, quale est jus illud.

Prob. 2. Si pœnitentia directè intendat resarcire jus divinum, id facere non potest, nisi aliquo medio; ergo immediatius respicit hoc medium, quàm jus ipsum; ergo istud non est objectum formale immediatum pœnitentiæ, sed punitio peccati, per quam resarcitur jus illud. Prob. cons. nam sic jus Dei est finis cui pœnitens vult resarcitionem; sed finis cui non est objectum formale actus, vel habitus, sed est ipsa res, quæ fit, vel datur pro resarcitione; ergo &c.

Prob. 3. p. 1. amicitia cum Deo spectat ad virtutem Theologicam, & maximè ad charitatem; ergo reconciliatio illius non potest esse objectum formale pœnitentiæ, quæ est virtus moralis, ut probatum est:

Prob. 2. quia non solum charitas, sed & omnis alia virtus potest intendere pacem, & amicitiam cum Deo: Charitas quidem directè, & per se, quia hæc amicitia est de objecto ejus formali; aliæ verò indirectè, & per accidens, & ultimatè.

Prob. 3. quia pax, reconciliatio, & amicitia illa est potius effectus, & finis extrinsecus pœnitentiæ, quàm objectum ejus formale: nam idèò punimus peccatum in nobis, quia Deum volumus nobis reconciliare, & pacificare; ergo prior est pœnitentia, quàm illa amicitia, & reconciliatio; ergo hæc non est objectum formale pœnitentiæ, sed finis extrinsecus, vel effectus ejus.

Prob. 4. objectum formale debet conjungi cum materiali; sed objectum materiale pœnitentiæ, sc. peccatum, non potest conjungi cum amicitia Dei; ergo hæc non est objectum formale pœnitentiæ.

Prob. denique: nam sine attentione ad ullam reconciliationem, & amicitiam possum detestari, & odire peccatum, & illud punire in me per actus veræ pœnitentiæ, v. g. attritionis; & per istos frequentatos acquiram habitum inclinantem, & juvantem ad similes; ergo &c.

Obje. i. con. i. p. ex Scoto, per actus pœnitendi fit verè compensatio injuriæ factæ Deo per peccatum; ergo rectè illa potest dici objectum formale pœnitentiæ, & illorum actuum. Prob. cons. illa compensatio pertinet ad aliquam virtutem: est enim per se honesta; sed non potest pertinere ad aliam præter pœnitentiam; ergo &c.

Resp.

Resp. dist. ant. fit compensatio tamquam effectus, & sequela punitionis peccati, con. tamquam objectum, & finis intrinsecus pœnitentiæ, neg. ant. & conf. nam si omnia bona, quæ sequuntur pœnitentiam, dicerentur objecta ejus formalia, aut fines intrinseci, idem diceretur de reconciliatione, de pace, de remissione, &c. quia hæc omnia sequuntur ex pœnitentia; sed hæc prius supponitur existens, & perfecta in sua specie per punitionem peccati; ergo ista punitio est ratio ejus formalis constitutiva. Ad prob. conf. neg. min. nam compensatio beneficii, vel injuriæ pertinet ad justitiam generalem commutativam, aut gratitudinem potius, quàm ad pœnitentiam.

Inst. 1. Pœnitentia inclinatur ad satisfaciendum Deo pro peccatis, & per illam fit Deo satis, & placatur; ergo objectum formale ejus est satisfactio, seu compensatio: nam idem est finis actuum, & habitus eorum.

Resp. dist. ant. inclinatur, & satisfacit secundario, con. per se, & primario, neg. ant. nam si pœnitens nihil cogitaret de satisfactione, cum dolet de peccato, & illud in se punit, adhuc vera esset pœnitentia.

Inst. 2. Non potest esse actus justitiæ vindicativæ, quin sit compensativæ; sed per nos est actus justitiæ vindicativæ; ergo compensativæ. Prob. maj. punitio est satisfactio commensurata peccato; sed illa commensuratio est ipsa formalis compensatio; ergo &c.

Resp. neg. maj. nam, ut dicebam, potest quis velle dolere de peccato, & illud in se punire, nihil cogitando de satisfactione, & si hæc ibidem adsit, id contingit per quandam sequelam, aut comitantiam materiale.

Objic. con. 2. p. Pœnitentia est species justitiæ; ergo respicit aliquod jus speciale; sed hoc non potest esse, nisi jus divinum, quia nullum aliud lœditur per peccatum, & refarcitur per pœnitentiam; ergo pœnitentia respicit pro formali refarcitionem juris divini.

Resp. dist. ant. species justitiæ vindicativæ, conc. commutativæ, neg. ant. nec enim respicit præcisè, & per se satisfactionem, sed punitionem per penam debitam.

Inst. Non potest respicere penam debitam, nisi pro-

pter læsum aliquod jus, aut legem divinam; ergo semper respicit aliquod jus divinum, & resarcitionem ejus per vindictam.

Resp. dist. conf. pro objecto, & fine extrinseco, con. pro objecto formali, & fine intrinseco, neg. conseq. nam directè respicit pœnam, indirectè autem, & consequenter per illam pœnam respicit Deum, seu juris ejus reparationem.

Inst. 2. punitio illa non habet bonitatem, nisi ex fine, sed ille finis est bonum juris divini; ergo istud respicitur, & intenditur primò per pœnitentiam.

Resp. neg. maj. nam habet bonitatem per se, & ex objecto, velut fine primario, & intrinseco, secundariò autem bona est ex fine extrinseco, qualis est resarcitio juris divini; & hoc motivum, & finis non magis spectat ad pœnitentiam; quàm ad aliam virtutem, & maximè ad charitatem.

Inst. 3. justitia per se, & intrinsecè respicit jus; sed pœnitentia per se est justitia; ergo pœnitentia per se respicit jus, non autem secundariò, & extrinsecè.

Resp. dist. maj. respicit jus aliquo modo, mediatè, vel immediatè, con. immediatè tantum, neg. maj. & conf. nam vindicativa respicit immediatè pœnam peccato debitam, per quam satisfacit juri legis, aut legislatoris.

Objic. 1. cont. 3. p. Omnis pœnitens per pœnitentiam vult reconciliari Deo, & redire in ejus amicitiam; ergo hæc reconciliatio est ejus objectum formale.

Resp. dist. ant. intendit mediatè, & ut finem extrinsecum, con. immediatè, ut finem intrinsecum, neg. ant. nam, ut sæpè diximus, intendit directè pœnam peccati, mediatè verò per punctionem vult placare Deum, & eum sibi reconciliare, reparata ejus offensa per pœnam illam.

Inst. Tollere causam odii divini est per se bonum, & objectum alicujus virtutis; sed non potest esse objectum formale alterius virtutis, quàm pœnitentiæ; & hoc est velle placare Deum, & redire in ejus amicitiam; ergo &c. prob. min. soli pœnitentiæ competit tollere peccatum ut offensivum Dei, & ut causam odii ejus; ergo &c.

Resp. neg. min. & ant. nam tollere peccatum sub tali motivo, & ratione pertinet ad charitatem potius,

tius, quàm ad penitentiam præcisè. Charitas imperat penitentiam ex motivo amoris Dei, ut in contritione perfecta, & illud motivum est illi proprium, & intrinsecum, penitentiae autem extrinsecum.

CONCLUSIO III.

VIndicabilitas, seu punibilitas peccati est obiectum formale penitentiae. Ita Scotistæ.

Prob. 1. ex Scoto cit. [1] dicente, quod speciale obiectum, per quod penitentia dicitur virtus specialis, est peccatum vindicabile. Et quod proprium obiectum istius est malum vindicabile, seu reus, in quem vindicandum est; ergo ex Scoto ratio formalis, sub qua penitentia respicit peccatum, est ejus punibilitas, seu vindicabilitas.

Prob. 2. Sub ea ratione peccatum respicitur à penitentia, sub qua respici potest, & debet ab aliqua speciali virtute; sed peccatum ut punibile non potest proprie, & per se respici ab alia speciali virtute, nisi à penitentia; ergo &c. Maj. patet: nam verè honestum est illud sic respicere. Prob. min. ex August. [2] *Jussisti Domine, & ita est, ut pena sit sibi quisque peccator*. Et S. Isidor. cit. *Hec virtus nomen habet à pœna, quasi pœna tenentia, penitentia, seu quasi punientia dicitur, eò quòd ipse puniat penitendo, quod malè admisit*.

Prob. 2. eadem min. & ipsa conclusio; tum quia nulla alia virtus sic respicit peccatum, tum quia nulla alia ratio potest melius assignari, sub qua illud respiciatur, & per quam penitentia virtus distinguatur ab aliis, ut patet ex præcedenti, ubi rejecimus alios dicendi modos.

Objic. 1. Penitentia est virtus detestativa, non prosecutiva; sed vindicabilitas non est ratio detestativa, sed prosecutiva; ergo non pertinet, saltem non constituit penitentiam.

Resp. dist. maj. detestativa quoad aliquos actus, con. quoad omnes, neg. maj. & conf. detestatur peccatum ut malum, & secundum se, & confitetur, & punit illud, prout est honestum sic illud confiteri,

B 3

& pu

[1] Ibid. n. 4. & 9.

[2] 2. confess. c. 12.

& punire; & declarabilitas, & punibilitas sunt rationes volibiles, & sequuntur ex odio ejus. Commune est omni virtuti, ut habeat actus fugæ, & odii circa malum bono suo contrarium, & prosecutionis, & amoris circa bonum suum.

Objic. 2. Sub illa ratione peccatum est objectum pœnitentiæ, sub qua terminat, & movet actum ejus principalem: sed non movet, neque terminat illum actum sub ratione punibilitatis; ergo hæc non est objectum ejus formale. Prob. min. principalis actus pœnitentiæ est odium, & detestatio peccati; sed hæc non terminantur formaliter ad punibilitatem, sed ad malitiam peccati; ergo &c.

Resp. neg. 1. min. & dist. 2. maj. Odium est principalis actus imperatus, con. elicitus, neg. maj. & conf. nam primarius actus pœnitentiæ, ut pœnitentia est, & elicitus, est volitio punitionis peccati, ex qua imperatur odium, ac detestatio ejus, & illud odium est commune omni virtuti, ut diximus.

Inst. Contritio tenet primum locum inter actus pœnitentiæ (ex Tridentino) [1] sed hæc continet odium, & detestationem peccati, non verò punitionem; ergo &c.

Resp. dist. maj. 1. locum dignitate, conc. origine, neg. maj. & conf. nec enim alia est mens Concilii: non enim ignorabant illi Patres, pœnitentiam incipere à cognitione peccati, & gravitatis culpæ, & inde est volitio puniendi illud, & maxime contritio imperfecta concipitur *ponderando peccatorum gravitatem, multitudinem, faditatem* &c. Hinc tristatur, & dolet peccator.

Igitur pœnitentia includit quidem odium, & detestationem peccati: sed per illa non distinguitur ab aliis virtutibus, quia omnes odiunt, & detestantur mala opposita bono suo: v.g. temperantia ebrietatem: castitas luxuriam, &c.

QUÆ

[1] Sess. 14 c. 4.

QUÆSTIO V.

De subiecto pœnitentiæ virtutis.

Agimus de subiecto *immediato*, quod est potentia animæ, in qua immediatè inhæret habitus virtutis hujus; & *mediato*, quod est persona pœnitens; an in statu innocentiae, an in Beatis, vel Angelis esse possit.

CONCLUSIO I.

Pœnitentia est virtus appetitiva, & residet immediatè in voluntate. Est communis.

Prob. 1. ex Scoto. [1] Pœnitere non est actus alicujus virtutis intellectuales; quia est actus appetitus, ut appetitus; quia imperat intellectui, ut consideret, ac voluntati, ut detestetur... hoc imperare non convenit nisi appetitui, aut voluntati, &c.

Prob. 2. ex dictis: nam pœnitentia est virtus inclinans ad volitionem pœnæ, seu punitionis peccati commissi in ipso pœnitente; sed hoc spectat ad voluntatem; ergo &c.

Prob. 3. Pœnitentiâ non est habitus intellectus; ergo voluntatis. Prob. ant. non est scientia, nec fides, nec prudentia, vel ars; ergo &c. Nam hi soli sunt intellectuales.

Confir. ex tr. de virtutibus moralibus: nam justitia est virtus in voluntate; sed pœnitentia est species justitiæ; ergo &c.

Confir. 2: quia non inclinatur intellectus ad assensum, vel dissensum, sed ad velle vindicare peccatum, & ad odium, dolorem, & tristitiam ejus, & ad propositum non peccandi de cetero; sed hi actus sunt in voluntate; ergo & pœnitentia.

Objic. 1. Pœnitentia est judicium, quo peccator intelligit, & judicat seipsum ut reum, & debitorem pœnæ pro culpa; sed hoc judicium est actus intellectus; ergo & pœnitentia.

Resp. dist. maj. est judicium præsuppositivè, conc. formaliter, neg. maj. nam volitio puniendi peccatum.

B 4 sup-

[1] Ibid. c. 5.

supponit quidem cognitionem, & iudicium reatus, & obligationis ad penam; sed non consistit in tali iudicio formaliter, sed in volitione puniendi juxta illud iudicium.

Objic.2. Pœnitentia debet esse, ubi est peccatum, alioqui non posset illud expellere; sed peccatum est in omnibus facultatibus animæ: nam per singulas peccamus; ergo &c.

Resp. neg. min. nam licet peccemus per actus omnium facultatum, & materialiter peccatum sit in singulis, formaliter tamen est in sola voluntate.

Resp.2. neg. maj. & dist. prob. non posset expellere formaliter, ut calor expellit frigus, con. efficienter, neg. ant. nam pœnitentia expellit peccatum, quasi efficienter, efficientia morali, & meritoria.

Objic.3. Actus pœnitendi sunt in parte sensitiva; v. gr. dolor, & tristitia, & peccata, saltem externa; ergo &c.

Resp. dist. ant. actus imperati, & materiales, con. elicit, & formales, neg. ant. & idem est de peccatis; voluntas imperat dolorem, & tristitiam, sicut & ipsum formale peccati, quod committitur in parte sensitiva.

CONCLUSIO II.

Pœnitentia propriè, & formaliter est in solo homine viatore post peccatum: in Beatis, nec in Angelis, nec in beata Virgine, & multò minus in Christo non est nisi impropriè, & secundum aliquos actus: quoad habitum verò manet in illis, in quibus existit in hac vita. Est communior, & de i. p. nemo dubitat.

Prob.1. ex Scoto, [1] qui de beatis, & Angelis videtur problematicus, sed magis inclinat pro affirmativa. Aliter dici potest, quod pœnitentia est habitus inclinans ad vindicandum in se reum. Beatus autem, & innocens possunt habere habitum promptè vindicandi in alium reum; ergo & in se, si tamen reatus inesset. Et sic potest concedi, quod in statu innocentiae, & in beatitudine manet ista virtus. Nec mirum, cum in Deo maneat iustitia vindicativa. Idem docet in Reportatis: quod intelligitur quoad aliquos actus, prima pars

qqa

[1] Ibid. V. & K. 9,

non eget probatione, quia constat ex dictis de ejus existentia, & patebit ex dicendis de ejus necessitate.

Prob. 2. p. de beatis, Angelis, & B. Virgine, & à fortiori de Christo: nam pœnitentia supponit peccatum in subjecto suo; sed peccatum omne repugnat in illis, & maximè in Christo; ergo & pœnitentia quoad actum.

Prob. 3. p. sc. quòd sit in illis improprie, & quoad habitum. Pœnitentia potest concipi ut habitus inclinans voluntatem ad vindicandum peccatum absolute, & præcindendo, an in se, vel in alio; sed in hoc sensu non repugnat, nequidem in Christo; ergo &c. prob. min. Nam possunt inclinari ad odiendum peccatum, & ad volendum illud punire in peccatoribus, & gaudent de vindicta, qua Deus punit peccatores, & damnatos: *Lætabitur justus, cum viderit vindictam*, &c. ergo &c.

Confir. de Beatis, quia in cœlo possunt recordari de peccatis in via commissis, & illa odisse, ac detestari, sed sine tristitia, & dolore incompatibili cum statu beatitudinis; ergo possunt habere aliqualem pœnitentiam, etiam quoad actum. De Christo diximus suo loco.

Prob. denique de habitu. Nam qui habuerunt habitum pœnitentiæ, sicut & aliarum virtutum in via, possunt illos conservare in patria; nec enim dedecent statum illum, imo & ornant, sicut per illos meruerunt eam.

Objic. 1. Habitus ille esset frustra in Angelis, & beatis, & multò magis in Christo, quia non posset exire in actus ullos; ergo in eis non est admittendus.

Resp. neg. ant. & conf. prob. tum quia esset in eis ad ornatum, tum quia possent sibi complacere in pœnitentia nostra, & illam desiderare. *Gaudium est in cœlo super peccatore pœnitentiam agente*; vellent ipsimet punire peccata omnia, si Deus id eis committeret, ut sæpè committit Angelis. Tales affectus, & actus sunt pœnitentiæ, & ad eam reduci possunt.

CONCLUSIO. III.

Probabile est habitum pœnitentiæ fuisse in Adamo innocente; non est autem in damnatis.

Prob. 1. ex Scoto dicente. [1] Potest concedi, quod in statu innocentie, & beatitudine manet ista virtus. Et in Reportatis sic argumentatur: [2] loquendo de habitu, prout habens illum, pronus est ad agendum secundum inclinationem ejus, quando objectum, & alia omnia concurrunt; sic potest concedi, quod pœnitentiæ virtus fuisset in statu innocentie, & sic potest poni in Beatis, non autem ut illo utitur habens, cum voluerit, quia objectum ejus numquam in beatis, nec in innocentibus accidisset. Quoad damnatos autem docet, quod [3] probabiliter sunt continuè in aliquo malo velle, sc. obstinati in peccato, tantum abest, ut pœniteant. Et alibi dixerat: [4] damnati. verè non pœnitent, quia penam voluntarie non tenent. Et in Reportatis. Patet in damnatis, quomodo justè à Deo pena continuè inflicta involuntariè sustinetur: quia sicut continuant culpam, ita penæ continuè inflicte remurmurant tamquam simpliciter involuntariæ: sunt enim impenitivi, quia eorum superbia ascendit semper.

Prob. 2. Quia Adamus innocens potuit peccare; ergo & pœnitere.

Confir. ex dictis. Adam habuit omnia dona gratiæ, nec istud debuit illi deesse, quippe faciebat ad ornamtum parentis, & capitis totius generis humani; item & ad puniendum non tantum in aliis, sed etiam in se peccatum veniale, quia hoc poterat inesse in illo statu, ut dictum est, sed etiam in aliis veniale, aut mortale; ergo &c.

Prob. 2. p. Nam intellectus damnatorum semper alligatur ad considerationem ignis, & voluntas est obstinata in malo, & sciunt se non posse velle bonum ullum ex motivo virtutis ullius; ergo non solum frustra, sed etiam impossibilis est habitus ille cum illo statu.

Confir. ex Patribus. Nam inquit Isidor. [5] *Tanta est perversitas diaboli, quod nullo modo potest ad pœnitentiam, siue gratiam pœnitentiæ resurgere, & ideo dici-*

[1] Ibid. [2] Ibid. n. 17. [3] d. 14 q. 1. M.

[4] Ibid. q. 1. n. 9. [5] L. de Trin.

Disputatio I.

35

dicitur insusceptibilis penitentiae, &c. Et hoc, [1] quia habet voluntatem alienam, & omnino averfam a iustitia Dei. Et August. dicit: [1] Demones esse spiritus nocendi cupidissimos, à iustitia penitus alienos. Item, nec mala posse unquam voluntate carere, nec pena, &c. Et S. Gregor. [3] Angelum Apostatam perperata superbiae cecitas sic gravat, ut numquam ulterius ad lucem penitentiae per divini respectus memoriam resurgat; ergo in damnatis non est penitentia.

Objic. 1. con. 2. p. Multi moriuntur, & damnantur cum habitu penitentiae; ergo in iis remanet ille habitus.

Resp. neg. conf. nam in illo statu nulla remanet virtus.

Objic. 2. ex Script. Remanet in damnatis timor: Videntes turbabuntur timore horribili; item & fides: nam demones credunt, & contremiscunt; ergo in damnatis est penitentia quoad habitum, & actum.

Resp. dist. conf. penitentia desperationis, invidiae, & furoris, con. virtutis, neg. ant. nam illi motus veniunt ex visione felicitatis iustorum, quos habuerunt in derisum: utuntur, & tabescunt ex invidia, & denique illi motus sunt purae passionis ex malitia.

Inst. Damnati recordantur peccatorum suorum, & possunt ea detestari, saltem propter penas, quas patiuntur; sed hoc est penitentia; ergo.

Resp. dist. ant. possunt detestari de desperatione, & furore, con. ex motu virtutis, neg. ant. & conf. nam illi motus odii, & detestationis sunt involuntarii, & purae passionis violentae, cum voluntas sit obstinata, & irreversibilis à malo.

Objic. 2. In daemonibus naturalia manserunt integra; ergo & habitus penitentiae naturalis, sicut & scientia naturalis de malitia peccati.

Resp. neg. conf. nam cum affectio in malum sit fortior in illis, ita & vincit omnem inclinationem in bonum, maximè in bonum virtutis.

B 6 QUÆ-

[1] De summ. bono. 10. [2] 8. civ. 21. [3] De fi. ad Pe. 3.

QUÆSTIO VI.

*De necessitate virtutis pœnitentie.**An, & qualis illa sit.*

Non repeto distinctionem necessitatis, medii, & præcepti; absolute, & simpliciter, vel secundum quid, & ad melius esse, aut congruentiæ. Nec pœnitentiæ generalis, quæ est communis omnibus virtutibus, quatenus odiunt vitia sibi contraria, & specialis, quam diximus esse habitum inclinantem ad vindicandum proprium peccatum in pœnitente, neque formalis, & explicitæ, quæ est formalis volitio puniendi in se peccata commissa cum dolore, & detestatione illorum, aut implicitæ, seu virtualis, qualis dici potest amor Dei super omnia, vel actus virtutis oppositæ vitio, in quo peccatum est, & de quo pœnitendum; ver. grat. actus abstinentiæ est pœnitentia virtualis peccati intemperantiæ commissi. Hæc, & similia sæpius explicata sunt, nec amplius in illis immorandum.

Quæritur ergo, an pœnitentia sit necessaria ad remissionem peccati, ita ut ne Deus quidem possit illud remittere non pœnitenti. Sic erit simpliciter necessaria necessitate medii.

CONCLUSIO I.

Homini habenti peccatum mortale, ut possit recipere gratiam remissionis, pœnitentia est simpliciter necessaria necessitate præcepti, & medii. Est de fide.

Prob. 1. ex Scoto. [1] Ad remissionem peccati regulariter requiritur pœnitentia, vel pœnitentia voluntaria.... Ad deletionem culpæ mortalis post baptismum commissæ, requiritur pœnitentia voluntaria, vel voluntas pœnititionis; sed neutrum esse potest sine pœnitentia; ergo &c. non intelligitur nisi de pœnitentia actuali, id est actu pœnitendi.... quippe secundum regulas determinatas à Sapientia divina, quarum hæc est una, quod peccatum commissum non deleatur sine displicentia de peccato commissio.

Prob.

[1] d. 14. q. 1. M. & v. 10. & 17.

Prob. 2. ex Script. [1] *Si penitentiam non egerimus, in-*
cidemus in manus Domini, & non in manus hominum.
 Item, [2] *Nisi penitentiam egeritis, omnes simul peri-*
bitis. Item, [3] *Agite penitentiam, appropinquavit e-*
nim regnum celorum. Item, [4] *Penitentiam agite,*
& baptizetur unusquisque vestrum, scil. nequidem ba-
ptismus, vel aliud Sacramentum sufficit adultis pecca-
toribus sine poenitentia; ergo &c.

Prob. 3. ex Concil. Trid. [5] *Fuit quidem penitentia*
universis hominibus, qui se mortali aliquo peccato in-
quinassent quovis tempore ad gratiam, & iustitiam as-
sequendam quondam necessaria. Et citat. Prophe-
 tam dicentem: *Convertimini ad me, & agite poen-*
itentiam ab omnibus iniquitatibus vestris. Et Lateran.
 cap. *Firmiter idem insinuat.*

Prob. 4. ex SS. PP. Nam inquit August. *Nisi peniten-*
tiam egeris, salvus esse non poteris. Et Ambros. *No-*
vis Dominus mutare sententiam, si tu noveris emenda-
re delictum. Et sic de aliis, qui omnes summè prædi-
 cant poenitentiae necessitatem absolutam.

Prob. denique; nam Deus sapientissimè, & justissi-
 mè decrevit non remittere peccata sine poenitentia; &
 quia per peccatum avertimur à Deo voluntariè, non
 debet nobis reconciliari, nisi & nos revertamur ad i-
 psum; ideo dicit, *Convertimini ad me, & ego conver-*
tar ad vos.

Confir. quia peccatum durat habitualiter, & mo-
 raliter, donec retractetur; ergo non potest remitti si-
 ne poenitentia, per quam retractetur. Ant. patet ex
 dictis de peccato habituali.

Porro eadem auctoritates probant necessitatem me-
 dii æque, ac præcepti, dum dicunt: *Nisi poeniten-*
tiam egeritis, &c. quia indicant non posse haberi salu-
 tem post peccatum sine illa, & sunt etiam præceptivæ
Convertimini, & agite poenitentiam, &c.

Objic. 1. Poenitentia per se non delet peccatum; ergo
 non est ad hoc necessaria. Prob. ant. Damnati poeni-
 tent, & non obtinent veniam; idem est de Juda, qui
 poenitentia ductus, laqueo se suspendit, & sic de aliis;
 ergo &c.

Resp. dist. ant. Non delet formaliter, neque effecti-
 vè.

[1] Eccl. 3. [2] Luc. 13. [3] Matth. 3.

[4] Act. 2. [5] sess. 14. c. 1.

38 De pœnitentia virtute

vè, & se sola, conc. dispositivè, & ut conditio necessaria, neg. ant. & conf. prob. nam pœnitentia damnatorum, & Judæ, & similium non fuit vera, sed desperatio, & furor.

Objic. 2. Ad salutem sufficit observantia mandatorum: [1] *Si vis ad vitam ingredi, serva mandata*; sed hæc fervari possunt sine pœnitentia; ergo hæc non est simpliciter necessaria ad salutem.

Resp. dist. min. modò non adsit peccatum, conc. si adsit peccatum, neg. min. & conf. Nam diximus eam esse necessariam habenti peccatum.

Inst. Christus dimisit peccata sine pœnitentia peccatoribus; ergo &c. Prob. ant. Dixit paralitico sine ulla nota pœnitentiæ: [2] *Homo remittuntur tibi peccata*. Et Magdalenæ propter puram dilectionem, [3] *Dimittuntur peccata multa, quoniam dilexit multum*; ergo &c.

Resp. dist. ant. & conf. prob. sine pœnitentia formali, transeat, sine virtuali saltem, & æquivalenti, ac implicita, neg. ant. & conf. Nam omnes illi, quibus sic loquebatur Christus, veniebant ad eum cum magna fide, ac devotione, & fiducia, vel charitate, & hæc involvunt virtualiter pœnitentiam. Paraliticum excitat ad fiduciam, Adulteram ad dolorem peccati, dicens: *Nemo te condemnavit*: Magdalena flevit ex dolore simul, & amore, qui virtualiter, & eminenter continet pœnitentiam; imò nec sine pœnitentia flevit.

Objic. 3. Remissio peccati tribuitur eleemosynæ, & condonationi injuriarum; sed in illis non est pœnitentia; ergo &c. Prob. maj. Nabuchodonosori suadet, [4] *Peccata tua eleemosynis redime*. Et Christus dicit: [5] *Date eleemosynam, & ecce omnia munda sunt vobis*. Et, [6] *Dimittite, & dimittetur vobis*. Et, *Si dimiseritis hominibus peccata eorum, ita Pater vester, &c.* ergo &c.

Resp. dist. maj. ratione charitatis, quæ continet eminentes pœnitentiam, conc. præcisè, & sine charitate in Deum, neg. maj. & dist. min. Nam illi actus imperantur à charitate divina, & hæc continet virtualiter eminentes pœnitentiam.

Resp.

[1] *Math. 19.* [2] *Luc. 7.* [3] *Jo. 8.*

[4] *Dan.* [5] *Luc. 11.* [6] *Math. 6.*

Resp. 2. dist. eandem maj. remissio quoad pēnam, quæ remanet post remissam culpam, conc. quoad culpam, neg. maj. Nam adsunt alii textus Scripturæ, qui formalissimè docent necessitatem pēnitentiæ in omnibus peccantibus.

Obiic. 4. Si pēnitentia esset de necessitate præcepti, impēnitentia esset peccatum speciale; sed hoc est falsum; ergo & illud. Prob. min. Solemus confiteri negationem pēnitentiæ, ut. circumstantiam, non ut peccatum; ergo &c.

Resp. neg. min. Nam cum imminet periculum salutis, aut recipere debemus aliquod Sacramentum, aut illud ministrare, & si habemus aliquod peccatum, tenemur pēnitere, alioqui committimus novum peccatum.

Inst. Si hoc esset, nemo posset dānari ob unicum peccatum mortale; sed hoc est falsum; ergo & illud. Prob. maj. Nam sic moriens haberet cum peccato homicidii v. gr. peccatum omissionis pēnitentiæ, & transgressionis hujus præcepti.

Resp. neg. maj. Nam si habens homicidium præveniatur morte, ira ut non advertat ad periculum, nec ad obligationem pēnitendi, non peccat contra hoc præceptum, & sic moritur cum illo solo homicidio; secus est, si advertat.

Quæres, *An illud præceptum sit de lege positiva, aut naturæ.*

Resp. esse de utraque: nam de positiva patet ex dictis; de naturali verò patet, quòd ratio naturalis dicit hominem debere sibi procurare, & applicare media possibilis salutis; sed habenti peccatum mortale pēnitentia est medium necessarium ad salutem; ergo &c.

Dices. Omnia præcepta legis naturæ continentur in decalogo; sed in nullo præcepto decalogi continentur istud de pēnitentia; ergo &c.

Resp. neg. maj. Nam præceptum amoris Dei est de lege naturæ, & est *primum, & maximum mandatum*; & tamen non legitur expressè in decalogo, nec minus obligat.

Respon. 2. neg. min. Nam sicut peccatum opponitur cultui, & amoris Dei, ita obligatio pēnitendi pertinet, & reducitur ad præceptum de cultu, & amore Dei.

Inst.

Inst. Si adesset talis obligatio, deberet assignari tempus, in quo urgeat; sed nullum tale tempus est assignabile; ergo &c.

Resp. neg. min. Nam plures sunt circumstantiæ temporis, in quibus tenemur pœnitere sufficienter ad remissionem peccati, ut sæpè dictum est.

CONCLUSIO II.

Regulariter pœnitentia ista debet esse formalis, & explicita, sed tamen aliquando sufficeret virtualis. Est communior contra Sotum, & alios.

Prob. 1. ex Scoto cit. [1] Regulariter ad deletionem peccati requiritur pœna, vel punitio voluntaria, &c. Ecce primam partem. Posset Deus remittere per aliquem motum ferventem dilectionis in Deum absque quocumque quatuor prædictorum actu (pœnitentiæ formalis) sub propria ratione, utpote in actu fervoris martyrii, ubi fortè non esset cogitatio de aliquo peccato mortali prius commisso, nec per consequens aliquod pœnitere prædictum, & hoc formaliter, licet virtualiter in hoc motu esset pœnitere secundum 2. significationem: Et supra dixerat [2] in secunda descriptione pœnitentiæ, quod intelligitur de displicentia formali, vel virtuali; & est displicentia virtualis quicumque actus voluntarius virtualiter includens illam displicentiam, sicut quodammodo causa includit effectum, licet effectus in se non causetur, &c.

Prob. 2. nam communiter docetur, quòd si quis habens peccatum mortale raperetur subito ad martyrium, & ex vehementissimo Dei amore mortem libenter subiret, nihil cogitans de peccato illo, hæc dilectio charitatis perfectissimæ, qua major dari nequit, teneret locum pœnitentiæ, & justificaret eum; sed ibi nulla est pœnitentia formalis, sed solum virtualis; ergo ad remissionem peccati sufficere potest aliquando pœnitentia virtualis. Prob. maj. 1. Deus promisit convertere se ad nos, si convertamur ad eum. [3] Convertimini ad me, & ego convertar ad vos; sed nulla est melior conversio, quàm per heroicam illam charitatem, qua animam ponimus pro illo; ergo Deus ex pacto.

[1] *ibid.* V. 17. [2] *ibid.* T. 19.

[3] *Zachar.* 1.

paſto ſuo, & fidelitate tenetur converti ad talem hominem, & cum redamare, & remittere illi peccatum.

2. Prob. ead. mai. ex Script. [1] *Ego diligentes me diligite*. Item, [2] *Qui manet in charitate, in Deo manet, & Deus in eo*. Et Chriſtus dicit Magdalenæ: [3] *Remittuntur ei peccata, quia dilexit multum*. Et de alijs, *Qui diligit me, diligitur à Patre meo*. Et S. Petrus: [4] *Charitas operit multitudinem peccatorum*. Et iterum Chriſtus: *Qui perdidit animam ſuam propter me, inveniet eam*; ergo illa charitas in martyre ſupplet defectum pœnitentiæ ad remiſſionem peccati.

3. Prob. quia perfeſſio martyrii non prodeſt ſine charitate, ex Apoſtolo; ergo martyrium cum perfeſſa charitate debet prodeſſe.

4. Denique, quia dolor de peccatis non acceptatur ad juſtificationem ſine charitate; ergo à fortiori charitas ipſa debet acceptari, ſi æquivalcat, & contineat virt ualiter illum dolorem; ſed certum eſt, quod illum continet: nam qui perfeſſè Deum amat, ita ut vellet mori pro ejus amore, ſummè odit peccatum, quod Deum offendit, & deteſtaretur illud, ſi cogitaret ſe illud habere.

Obje. 1. Quæ ſunt de neceſſitate medii, non poſſunt excuſari, ſi deſint: nam hæc neceſſitas non admittit excuſationem; ſed pœnitentia per nos eſt de tali neceſſitate; ergo ejus omiſſio non poteſt ſuppleri, nec excuſari.

Reſp. diſt. min. Pœnitentia formalis, aut ſaltem virtualis, conc. formalis ſola, neg. min. Nam pœnitentia, quam dicimus neceſſariam, debet quidem regulariter eſſe formalis; ſed in certis caſibus extraordinarijs, qualis eſt ille, quem adduximus, ſufficit virtualis. Prætereà hæc neceſſitas non tam eſt ex natura rei, quàm ex Dei ordinatione, ut dicebamus ex Scoto. Deus autem teſtatur ſe acceptare charitatem illam, qua quis pro illo dat vitam, non cogitans de peccato.

Inſt. Neceſſitas pœnitentiæ colligitur ex Scriptura; ſed Scriptura nullum excipit caſum; ergo nec illa neceſſitas patitur exceptionem.

Reſp. neg. min. nam ex eadem Scriptura colligitur illa exceptio, quia non magis poſitivè docet neceſſitatem.

[1] Prov. 8. [2] Jo. 4. [3] Jo. 14.

[4] 1. Pet. 9.

tatem pœnitentiæ, quàm efficaciam illius charitatis.

Objic.2. Non potest esse perfecta charitas in peccatore sine pœnitentia formali; ergo nec remissio peccati. Prob.ant. Charitas non est perfecta, nisi imperet odium peccati; ergo & pœnitentiam.

Resp.dist.utrumque ant. si occurrat cogitatio peccati, conc.si non occurrat, neg.ant. nam supponimus casum, in quo tam subito quis rapiatur ad mortem pro Christo, & tam fervidè velit sic mori, ut nulla occurrat cogitatio de peccato.

Objic.3. Pœnitentia non minus est necessaria peccatori ad justificationem, quàm fides; sed fides formalis est necessaria; ergo & pœnitentia. Prob.min. *Sine fide impossibile est placere Deo*; ergo &c.

Resp.neg.maj. quia fides non potest suppleri per ullam aliam virtutem, quæ ipsam contineat virtualiter, sicut charitas continet pœnitentiam, alioqui negaretur minor: nam fides illa virtualis sufficeret.

Objic.4. Illud privilegium veniret ex ipsa charitate secundum se, vel ex consortio martyrii; sed neutrum dici potest; ergo nec illud. Prob. min. 1. non ex sola charitate, alioqui hæc semper efficeret, quia de se æquivaleret contritioni. 2. non ex martyrio, quia istud sine charitate non prodest.

Resp.neg.min. nam id haberet ex charitate, & dist. prob. id semper præstaret in pari casu, conc. in omnibus, & ubique, neg.ant. id semper præstaret, quoties non posset haberi contritio, vel attritio, ut in casu alato de martyrio.

Dico, si non occurreret cogitatio de peccato; neque enim puto aliter posse excusari defectum pœnitentiæ formalis.

Quæres, an illo, qui sic justificaretur per eximiam charitatem, teneretur postea pœnitere, & confiteri peccatum illud, si superviveret.

Resp.affirmativè: nam tunc urgeret Dei præceptum de pœnitentia, & cessaret ratio acceptationis, ac dispensationis, & excusatio.

CONCLUSIO III.

Deus de potentia absoluta posset remittere peccatum homini sine ullo motu penitentiae ex parte ejus. Est communior.

Prob. 1. ex Scoto cit. [1] qui postquam docuit necessitatem penitentiae, addit: *Nec tamen intelligo, quod hic sit simpliciter necessitas, cujus contrarium includit contradictionem; quia ex quo non est idem essentialiter Deum remittere culpam, & punire eam..... videtur, quod Deus posset unum separare ab altero; ergo Deus de potentia absoluta posset remittere peccatum sine penitentia, sicut etiam sine gratia, ut diximus alibi.*

Prob. 2. quæ sunt distincta, possunt separari; sed penitere, & justificari sunt realiter distincta; ergo possunt separari, & justificatio potest esse sine penitentia, & vicissim. Prob. min. 1. Angeli, & Adam fuerunt justificati sine penitentia. 2. Actus penitentiae non est nisi dispositio ad gratiam, quatenus tollit obicem ejus, scil. affectum ad peccatum; sed Deus potest inducere formas sine dispositionibus, & maxime in moralibus, quæ pendent ab ejus libera ordinatione: unde penitentia est dispositio congruitatis, quæ moveret Deum ad remittendam offensam, quod facit liberissime. 3. quia cum attritus justificatur in Sacramento, id non fit ex vi penitentiae, quæ tunc non facit aliud, quàm tollere affectum peccati; ergo &c.

Confir. Non apparet contradictio, quod Deus velle possit dimittere offensam sibi ab homine factam independentem ab istius retractatione, & dolore, & illi etiam dormienti gratiam largiri, qua mundetur ejus anima ab omni macula peccati, & tandem gloriam, &c.

Confir. 2. Homo potest condonare offensam inimico, & hunc diligere, non obstante ejus inimicitia, hoc præcipitur in Evangelio; ergo & Deus id poterit.

Objic. 1. Hominem justificari est fieri de injusto justum, & de inimico amicum Dei; sed hoc fieri non potest sine aliqua penitentia in homine; ergo &c. Prob. min. Non potest fieri transitus de contrario in contrarium sine aliqua mutatione intrinseca ex parte transcurrentis; sed sine penitentia homo sic transiret sine mu-

ta.

[1] *ibid.* L. 9.

tatione intrinseca ; ergo &c. Prob. min. Semper eodem modo afficeretur erga peccatum ; ergo &c.

Resp. neg. utramque min. & ant. nam duplici modo concipimus hominem cessare esse peccatorem , 1. transeundo à statu peccati ad non peccatum negativè ; & diximus id fieri posse per puram Dei condonationem , & absque infusione gratiæ sanctificantis , & sic remaneret in puris naturalibus . 2. transeundo à statu peccati ad statum positivum gratiæ , & sanctitatis , quam Deus liberè infundit in animam peccatoris , ut faciat illum positivè sanctum : utrobique autem fit aliqua mutatio intrinseca ; in primo aufertur reatus culpæ , & pœnæ per Dei condonationem puram , & liberam , & in 2. infunditur gratia , quæ causat illum transitum.

Inst. Peccatum illud remitteretur per simplicem non imputationem , & illud diceretur consistere in sola imputatione ad pœnam ; sed hoc est hæreticum ; ergo &c.

Resp. neg. maj. Nam remitteretur per positivam condonationem ex parte Dei , qua vellet remittere offensam , & dare gratiam , &c.

Objic. 2. Peccatum remitti non potest , dum est in affectu peccatoris ; sed durat in affectu peccatoris , quamdiu non retractatur per pœnitentiam ; ergo sine aliqua pœnitentia peccatum remitti non potest.

Resp. 1. neg. absolutè maj. Nam , ut dicebam , deo amare inimicum , etiam durante inimicitia ejus ; ergo non repugnat Deum sic nos diligere : & de facto facit oriri solem suum super bonos , & malos , inquit Christus.

Resp. 2. Peccatum dici durare dupliciter , 1. quoad reatum culpæ , & pœnæ ex parte Dei , quatenus habet jus irascendi , & puniendi peccatorem , donec pœnituerit . 2. quoad affectum , quatenus censetur semper velle actum malum , quem semel voluit , donec retractaverit illam volitionem . Hoc posito , dist. min. durat ex parte Dei de via ordinaria , conc. necessariò , & de via extraordinaria , ita ut Deus non possit cedere juri illi suo irascendi , & puniendi , neg. min. nam Deus de potentia sua absoluta potest cedere illi juri , & dare gratiam , & amorem suum peccatori , licet iste non cessaret peccare , & maximè quia per illam gratiam avertere potest cor ejus à peccato , & inclinare in bonum.

Objic.

Objic.3. Peccatum non potest tolli, quamdiu voluntas est averſa à Deo; ſed poſt peccatum voluntas manet averſa à Deo, donec convertatur per pœnitentiam; ergo ſine illa non poſt remitti peccatum. Maj. patet: nam homo non poſt eſſe juſtus, quamdiu eſt averſus à Deo. Prob. min. Receſſus ab uno termino tolli non poſt, niſi per ceſſationem motus receſſionis, & per motum reverſionis; ergo averſio à Deo, ſeu peccatum tolli non poſt, niſi per motum contrarium, ſc. per ceſſationem averſionis, & per conversionem ad Deum, denique per pœnitentiam.

Reſp. diſt. maj. quamdiu manet averſa poſitivè ex parte Dei, & hominis, conc. averſa negativè ex parte hominis, neg. maj. nam per condonationem ex parte Dei, & infuſionem gratiæ ceſſat averſio activa, & poſitiva ex parte Dei, & paſſiva ex parte hominis, qui non eſt averſus, niſi negativè, ceſſante peccato actuali: imò voluntas fit converſa paſſivè in homine per receptionem gratiæ, & activè in Deo, qui amat, quem oderat, & gratia illa inclinât, & convertit animam ad Deum.

Objic.4. Ut tollatur peccatum, debet tolli averſio à regula rationis, aut legis, in qua conſiſtit ratio formalis peccati; ſed hæc averſio tolli non poſt ſine retractatione pœnitentiæ; ergo nec peccatum. Maj. patet: nam peccatum, præter rationem offenſæ Dei, includit etiam receſſum à regula rationis, aut legis. Prob. min. Nam ſi Deus poſſet ſine pœnitentia tollere difformitatem peccati cum regula illa, poſſet facere, ut peccatum contra illam, v. gr. mendacium non eſſet peccatum; ſed iſtud implicat; ergo &c.

Reſp. diſt. maj. debet tolli averſio poſitiva, prout facit hominem reum, & dignum odio Dei, conc. quoad denominationem extrinſecam petitam ex actu præterito, neg. maj. & diſt. pariter min. Nam, ut dicebamus, tranſacto actu peccati, nihil poſitivum remanet de illo, niſi reatus culpæ, & pœnæ, & denominatio extrinſeca moraliter durans ex illo actu. Reatus verò tollitur per remiſſionem divinam, cui nihil obeſt illa denominatio, ſicut Magdaleniæ jam nihil obeſt ad gloriam, quod dicatur fuiſſe peccatrix.

Inſt. Si per impoſſibile non eſſet Deus, fur adhuc moraliter eſſet fur, & peccator, donec ſatiſfeciffet.
ſed

sed tunc non adesset condonatio Dei tollens peccatum, quia supponimus non esse Deum; ergo condonatio non tollit peccatum.

Resp. dist. maj. esset fur quoad reatum, si nulla esset condonatio peccati, conc. si adesset condonatio ex parte offensis, neg. maj. & conf. nam condonatio non tollit denominationem extrinsecam manentem ex actu præterito, benè verò reatum, & maximè ex parte Dei, qui ex summo suo jure potest tollere omnem reatum.

Objic. 5. Deus se solo non conservat peccatum habituale; ergo nec se solo potest illud tollere sine pœnitentia peccatoris: non enim potest destruere aliud, quàm illud, quod conservat, & sicut conservat.

Res. neg. conf. & dist. ant. prob. Si illud sit quid physicum, conc. si quid morale, neg. ant. Deus se solo non conservat votum, & tamen se solo potest illud condonare; ita est de peccato quoad reatum.

Inst. Deus se solo, & sine nobis non potest tollere opus bonum; ergo nec malum.

Respon. neg. conseq. & parit. quia destruere se solo bonum opus, repugnat Dei bonitati, non autem tollere malum.

Respon. 2. neg. ant. Nam Deus de potentia absoluta posset negare præmium, & nolle acceptare bonum opus in ordine ad præmium, sicut & condonare malum quoad reatum culpæ, & pœnæ.

Q U Æ S T I O V.

De præcepto pœnitentiæ. An detur aliquod præceptum obligans ad actum virtutis hujus, & quando obliget.

QUoad 1. par. hujus quæstioni nihil restat dicendum: nam satis probatum est eam esse de necessitate præcepti positivi divini, & naturalis, & iterum dicetur de necessitate confessionis. Restat videndum, quandonam obliget illud præceptum. Dixi *virtutis pœnitentiæ*: nam de pœnitentiæ sacramento dicemus suo loco.

Loquor de obligatione pœnitendi ex ipsius pœnitentiæ præcepto directè, & per se, non autem per
acci-

accidens, scilicet ex occasione implendi aliud præceptum, verbi gratia administrandi aliquod sacramentum, vel celebrandi: nam tunc illa obligatio pœnitendi venit ex illo præcepto, quod non debet impleri in statu peccati mortalis. Unde sensus proprius quæstionis hujus est, an sit aliquod tempus determinatum, in quo homo habens peccatum mortale, teneatur elicere actum pœnitentiæ de illo. Item qualis debeat esse ille actus, ita ut novo peccato se maculet, nisi pœniteat.

CONCLUSIO I.

PRæceptum pœnitentiæ obligat præcipuè instante periculo mortis, & in aliis certis temporibus vitæ, non tamen statim post commissum peccatum mortale. Est communior quoad omnes partes.

Prob. 1. ex Scoto. [1] Quicumque primam gratiam amisit, tenetur de necessitate præcepti, & hoc illius: Diliges Dominum Deum tuum, &c. agere, quantum est in se, ad recuperationem; & etiam virtute illius præcepti: Diliges te ipsum, &c. Et infra [2] supponit, quod viator non potest completa deliberatione recordari peccatum suum commissum, quin detestetur, vel displiceat; alioqui peccat ad minus omitendo, &c. Et infra. Actû intelligens Deum, & nullo modo diligens Deum, peccat. Similiter actû cogitans peccatum, & sine omni displicentia, peccat. Et loquens de præcepto confessionis, [3] dicit illud urgere, quandocumque (homo) est in periculo mortis. Quilibet enim, dum imminet iudicium damnationis, vel misericordiæ, debet se præparare ad misericordiam, quantum potest. Hoc facit pro 1. par. pro 2. autem addit: [4] Istud autem non tantum est in infirmitate mortali, sed quando aggreditur actus arduos, in quibus sit verisimile, quod mors immineat, ut in bello mortali, vel naufragio, &c. Hæc autem vera sunt, saltem de pœnitentia virtute: nam de sacramentali dicemus suo loco.

Prob. 1. p. quia instante morte urgent præcepta charitatis in Deum, & proximum, & seipsum, sicut & iustitiæ; ergo tunc debent tolli peccata, quæ sunt offen-

fæ

[1] d. 17. F. 13. [2] d. 55. q. 3. 0. 22.

[3] d. 49. q. 4. N. [4] d. 17. 0. 21.

ſe Dei, & reparari injuriæ ſingulis factæ, & ſalutem noſtræ conſulendum eſt per amotionem cauſæ damnationis; ſed hæc fieri non poſſunt ſine pœnitentia; ergo tunc obligat ejus præceptum, vel nunquam; quia ſi tunc omittatur, nunquam aliàs poterit impleri, ſc. ſi mors accidat.

Confirm. ex dictis de obligatione præceptorum fidei, ſpei, & charitatis, & ſacramentorum: nam charitas non eſt vera, & perfectæ, niſi moveat nos ad deteſtanda peccata, & offenſas Dei; ergo ſi præceptum charitatis obligat in articulo mortis, à fortiori præceptum pœnitentiæ in peccatore, qui regulariter non poteſt habere charitatem, quamdiu habet peccatum.

Prob. 2. p. ex dictis: nam 1. ex præcepto Eccleſiæ jubemur confiteri ſaltem ſemel in anno; item & quoties adminiſtranda ſunt ſacramenta pro habentibus peccatum mortale, ut ſcilicet ſancta ſanctè tractentur; ſed hæc fieri non poſſunt ſine pœnitentia virtute; ergo in his, & ſimilibus caſibus, qui ſæpiùs occurrunt, urget obligatio pœnitendi.

Prob. 3. p. quia nullibi conſtat de tali obligatione: nam licet valdè congruum ſit quàm primum, poſtquam excidimus à gratia Dei, reconciliari eidem; tamen de hoc non apparet ullum præceptum poſitivum, aut naturale; ergo ad hoc non tenemur ſtatim. Prob. anteced. 1. de lege poſitiva divina: nam ſimpliciter Scriptura præcipit, & docet neceſſitatem pœnitentiæ, non determinando tempus; ergo &c. Prob. anteced. Præceptum pœnitentiæ colligimus ex his, & ſimilibus textibus, *Pœnitentiam agite. Et, Convertimini ad Dominum*, &c. ſed ibi nulla apparet determinatio temporis; ergo &c.

Prob. 2. de lege Eccleſiaſtica: nam potius inferitur contrarium ex determinatione temporis, quo celebranda eſt confeſſio, ſc. ſemel in anno.

Prob. 3. de lege naturæ. Non enim tam ſtriçtè obligatur homo ad faciendæ omnia, quæ ſibi ſunt ſalutaria, & removendæ, quæ nocent, ut ſtatim, & ſingulis momentis peccet, quibus ea diſſert ſibi procurare, vel amovere; ergo lex naturæ non obligat ad ſtatim pœnitendum. Prob. ant. Si hoc juberet lex naturæ, vel ex motivo charitatis, aut juſtitie; ſed neutrum.

trum dici potest ; ergo &c. Prob. min. quia talia præcepta essent positiva ; sed hæc præcepta non obligant ad semper , sed pro certis circumstantiis ; ergo &c. Ecce certè justitia ipsa non obligat ad citò refarciendam offensam , nisi pars læsa patiatur grave damnum ex dilatione satisfactionis.

Confir. quia ex praxi Ecclesiæ non solet examinare pœnites de retardatione pœnitentiæ , nec ipsi peccatores solent de hoc se accusare ; sed utrumque , vel alterutrum fieri deberet , si teneremur statim pœnitere post peccatum ; ergo non tenemur . Prob. min. nam tot peccata numero distincta committeremus contra illud præceptum , quot momenta præterirent sine pœnitentia.

Objic. 1. cont. 1. par. In lege nova sufficit sacramentum pœnitentiæ instante morte ; ergo frustra præciperetur hæc virtus . Prob. ant. nam per sacramentum sufficienter providetur saluti nostræ.

Resp. neg. conf. nam hæc virtus necessariò includitur in illo sacramento.

Inst. Si ad salutem procurandam urgeret præceptum virtutis hujus , hæc deberet esse contritio perfecta : nam attritio non justificat extra sacramentum ; sed consequ. est falsum , & gratis asseritur ; quia nullibi constat de tali præcepto ; ergo &c.

Resp. neg. min. nam quæ ostendunt necessitatem justificationis in homine , probant necessitatem contritionis perfectæ ; quia sine illa non possumus justificari .

Objic. 1. cont. 3. par. Numquam licet peccatum committere , vel in eo complacere ; ergo nec in eo permanere ; ergo toties peccamus , quot momentis differimus pœnitere post peccatum advertenter , quia toties complacemus in peccato .

Resp. dist. 1. conf. permanere voluntatis actu positivo , conc. negativè , & per puram omissionem actus pœnitendi , neg. conf. nam hæc permanentia negativa per puram omissionem non est peccatum novum , aut distinctum , nisi cum advertenter , & positivè volumus permanere in peccato , aut nolumus pœnitere .

Objic. 2. Qui ægrotat corpore , tenetur ex charitate sui statim quærere remedia ; ergo à fortiori peccator tenetur mederi animæ suæ.

Tom. VIII.

C

Resp.

Resp. neg. ant. unde sicut æger non peccat, si non quærat statim medicinam corporalem, sic nec peccator per hoc præcisè, quòd non quærit spirituales.

Objic. 3. Ex charitate debemus statim corripere fratrem peccantem, & ex iustitia debemus statim satisfacere proximo læsio; ergo & peccator debet statim se corrigere, & Deo satisfacere.

Resp. neg. ant. totum: nam sufficit corripere peccantem opportuno tempore, ne recidat, sed ut resurgat, & satisfacere, quando ex dilatione crescit læsio.

Objic. 4. Differre pœnitentiam est nolle converti; sed nolle converti est per se peccatum; ergo & differre pœnitentiam.

Resp. dist. maj. est nolle negativè, seu non velle, conc. nolle positivè, neg. maj. & min. nam simplex dilatio pœnitentiæ non importat ullam volitionem positivam circa peccati conservationem, nec positivam nolitionem conversionis.

Objic. 5. Saltem Religiosus non excusatur à peccato, quando differt pœnitere; ergo saltem ille tenetur statim pœnitere post peccatum. Prob. ant. Nam ille semper debet tendere ad perfectionem; ergo & semper recedere à peccato.

Resp. neg. 1. ant. & dist. 2. debet tendere ex generali debito, & negativè, conc. & idem est de quolibet Christiano quoad mandata: debito speciali, & positivo, neg. ant. obligatio in Religioso tendendi ad perfectionem consistit in suarum regularum observantia, ita ut eas numquam transgrediatur, quod esset recedere à perfectione debita. Unde si regulæ non præcipiant, ut statim pœniteat post peccatum, nihil quoad hoc habet speciale inter Christianos.

Objic. 6. Scriptura præcipit: [1] *Non tardes converti ad Dominum, & non differas de die in diem*. Item, [2] *Secundum duritiam tuam, & impenitens cor, thesaurizasti iram in die iræ*; ergo prohibetur dilatio pœnitentiæ; ergo tenemur statim pœnitere post peccatum.

Resp. dist. ant. dilatio nimia, & maximè cùm urgent occasiones graves, conc. præcisè, & absolurè, neg. ant. & conf. nam illi textus improbant dilationes longiores, ver. grat. in finem vitæ, & in circumstantiis,

in

[1] *Eccle. 5.* [2] *Rom. 2.*

in quibus periclitatur salus, vel in quibus urgent alia præcepta, & obligationes, quæ non possunt impleri cum peccato mortali.

Inst. ex Patribus, qui improbant dilationes pœnitentiæ: nam inquit August. [1] *Pœnitentia sera rarò est vera*. Et, ut loquitur Gregor. [2] *Peccatum, quod per pœnitentiam citò non deletur, Deo permittente, suo pondere in aliud trahit, &c.* ergo statim pœnitendum est.

Resp. ut supra neg. conf. nam clarum est, quod illi Patres, & alii, qui sic loquuntur, intelligi debent de nimia dilatione, v.g. in finem vitæ.

CONCLUSIO II.

Peccant, qui differunt pœnitentiam in finem vitæ, imò & probabiliter illi, qui non pœnitent, quando plenè advertunt se esse in peccato mortali. Est communis.

Prob. 1. ex Scoto, [3] quia *Si quis actu elicitò determinat sibi numquam pœnitere, nisi in extremis, illo actu elicitò exponit se periculo tali (salutis suæ) & peccat mortaliter*. Et, ut dicebamus supra, [4] *Viator non potest completa deliberatione recordari peccatum suum commissum, quin detestetur, vel displiceat, aliqui peccat ad minus omittendo*; ergo peccator debet pœnitere, quando plenè advertit se esse in peccato mortali. Cogitatio autem perfecta, seu plena, & deliberata est illa cognitio à consilio cum matura discussione rei, cum circumstantiis ejus, ita ut cognoscatur, & perpendatur natura, qualitas, meritum, & conditio actus, vel rei. Imperfecta verò, & indeliberata, seu non plena est cogitatio, seu cognitio levis, accidentalis, & transitoria, sine consilio, vel examine de natura, qualitatibus, & circumstantiis actus, aut rei.

Prob. 1. p. ex Patribus. Nam, ut dicebat August. [5] *Pœnitentia sera rarò est vera*. Et alibi, [6] *Pœnitentia, quæ ab infirmo petitur, infirma est; quæ autem à moriente petitur, timeo, ne & ipsa moriatur*. Item, *Satis alienus est à fide, qui ad pœnitentiam agendam tem-*

C 2 pus

[1] ser. 37. de temp. [2] hom. 11. in Ezech.

[3] d. 20. E. [4] d. 45. q. 3. 0 22.

[5] ser. 57. de temp. [6] ser. 7. ad frat.

pus senectutis expectat. S. Ambrosius [1] dubitat de tali pœnitentia. Pœnitentiam petens in ultima necessitate agnitudo suæ pœnitentiam accipit, & mox reconciliatur, & hinc vadit; fateor vobis, non illi negamus, quod petit, sed non præsumimus, quod bene petiit. Idem dicit August. [2] Idem S. Casar. Arelaten. [3] Age pœnitentiam, dum sanus es si sic agis, securus es qui egisti pœnitentiam tempore, quo peccare potuisti. Si autem tunc agere vis pœnitentiam, quando jam peccare non potes, peccata te dimiserunt, non tu illa. Et S. Hieron. Cum agnitione opprimeris, vix potes aliud cogitare, quàm quod sentis, & illuc rapitur intentio mentis, ubi est vis doloris. Et sic de aliis.

Prob. 3. rationibus Doctoris probantis ferè impossibilem esse pœnitentiam in extremis. 1. ex infirmitatibus, & periculi effectibus, qui animam ita vehementer occupant, ut vix aliud cogitare possit: nam infirmitas occupat dolore, & periculum timore. 2. quia plus movetur timore servili pœnarum, quàm amore filiali, & talis pœnitentia non disponit ad gratiam ex se, & sine sacramento. 3. ex vehementi, & obstinata inclinatione habitus contracti per totum vitæ cursum: nam inquit, *Difficile est tunc maxime contra istum habitum inclinari, detestando, quæ prius erant delectabilia*. Et denique, qui differret pœnitentiam in finem vitæ, exponeret se evidenti periculo salutis; sed hoc est gravissimum peccatum; ergo & talis dilatio.

Prob. 4. aliis rationibus: nam 1. ut diximus alibi, sæpius ante mortem habendi sunt actus fidei, spei, & charitatis; ergo & pœnitentiæ. Nam charitas non potest esse perfecta, & vera, nisi nos moveat ad detestationem offensæ Dei. 2. Qui tamdiu differt pœnitentiam, est in periculo sæpius cadendi: nam, ut dicebat S. Gregor. *Peccatum, quod non citò deletur, suo pondere in aliud trahit; & maxime quia qui vellet manere privatus gratia usque in finem vitæ, moveret Deum ad retrahenda auxilia gratiæ, sine quibus non vitatur diu peccatum*. 3. Quia temerè præsumeret de gratia finali post transactam totam vitam in Dei contemptu, & inimicitia, inter tot pericula mortis improvisæ, quæ undique instant. 4. Quia violaret præceptum Ecclesiæ de annuali confessione, & com-

munione. 5. Denique imprudentissimè differtur opus adeo necessarium ad salutem, & tanti momenti, quodque cum tanta applicatione, & maturitate iudicii, & affectus fieri debet, in tempus, in quo ex infirmitatibus corporeis, ex habitibus in vitio contractis, debilitato intellectu, & voluntate, depravatisque affectibus difficillimum est; ergo multipliciter peccant, qui pœnitere differunt in finem vitæ suæ.

Confir. ex 2. par. Nam si verum est urgere præceptum pœnitentiæ, quoties occurrit plena cogitatio peccati commissi; à fortiori peccat, qui eam differt in finem vitæ.

Prob. ergo 2. p. Qui sic cogitat de peccato, sibi in eo complacet, saltem moraliter loquendo, vel de illo dolet, si complacet, de novo peccat, si dolet, habetur intentum; ergo &c. Prob. ant. Non potest de peccato sic cogitare indifferenter; ergo alterutrum facit. Prob. ant. Nam recta ratio dicit odiendum esse peccatum, quoties instat, & detestandum esse, si adest; ergo si non detestatur, nec pœniteat, peccat de novo.

Confir. Si in tali casu non teneremur detestari peccatum, numquam videremur teneri ex lege naturæ; sed conf. est absurdum; ergo &c. Prob. maj. Non esset major ratio de ullo alio tempore, & casu, quàm de isto: nam in isto possunt occurrere omnia motiva pœnitendi, quæ umquam aliàs haberi possunt; ergo si in isto casu non teneremur pœnitere ex dictamine rectæ rationis, seu legis naturæ, numquam aliàs teneremur.

Objic. 1. cont. 2. par. Illa pœnitentia esset perfecta, & justificans, aut imperfecta; sed neutrum dici potest; ergo nulla est talis obligatio. Prob. min. 1. non imperfecta, quia esset inutilis. 2. non perfecta, quia non tenemur justificari; ergo &c.

Resp. neg. min. & ant. 1. prob. Nam licet attritio, quæ est contritio imperfecta respectu alterius, non sufficiat ad justificationem sine sacramento, non tamen est inutilis, sicut nec actus aliarum virtutum: neg. etiam ant. 2. prob. nam ex charitate propria tenemur justificari, quando plenè advertimus nos esse in statu damnationis, non autem differre in finem vitæ.

Objic. 2. Talis obligatio non constat ex ulla lege; ergo gratis asseritur. Prob. ant. 1. non ex lege divina;

quia non legitur in neutro testamento. 2. non Ecclesiastica : nam Ecclesia non iudicat de purè internis, qualis est ista pœnitentia. 3. non naturali, quæ non sic obligat, nisi per præcepta negativa; ergo &c.

Resp. neg. ant. & prob. ejus quoad totum : nam Deus præcipit conversionem, & pœnitentiam post peccatum, ut diximus; & quando immittit tales cogitationes, satis indicat præcepta pœnitendi tunc urgere. Item de lege naturæ satis constat ex dictis. De Ecclesiastica verò constat ex præcepto annuæ confessionis, & ex cura, qua nos invitat ad examina frequentia conscientiæ, per quæ intendit nos excitare ad actus pœnitentiæ.

Inst. Quoties plenè cogitamus de Deo ut summo bono, non tenemur ad actus positivos amoris ejus; ergo nec ad actus pœnitentiæ, quoties sic cogitamus de peccato; est enim par utrimque ratio.

Resp. neg. ant. de quo in tract. de charitate, scil. nos teneri ad actus amoris Dei, quoties deliberatè cogitamus, aut nobis proponitur Deus, ut summè bonus.

CONCLUSIO III.

TEnemur etiam aliquantulum pœnitere de peccatis dimissis, quoties deliberatè cogitamus de illis. Sequitur ex dictis de objecto pœnitentiæ.

Prob. 1. ex Scoto. [1] Nam cum dixisset, quòd viator non potest recordari peccatum suum, quin detestetur, vel displiceat, addit, quòd *perfecta dilectio, quæ semper impellit ad odiendum illud, quod est contra Deum, quod affu cognoscitur, vel cogitatur, &c.* ergo censet, quòd charitas impellit iustificatos ad odienda peccata, etiam dimissa, quoties de illis plenè cogitant. Idem colligitur ex S. Thoma [2] dicente, quòd *Pœnitentia debet durare usque in finem vitæ: semper enim debet displicere homini, quod peccaverit.* Et quia Beati non sunt capaces doloris, peccata præterita illis displicent sine omni tristitia; ergo à fortiori viatores.

Prob. 2. ex præcedenti : nam cum iustificatus cogitat maturè peccata præterita, vel de illis dolet, & displicet, & habetur intentum, vel in eis complacet, & peccat, nec illa respicere potest cum indifferentia :
nam.

[1] d. 45. q. 3. O. 22. [2] 3. p. 9. 48. a. 8.

nam resisteret lumini rationis, & gratiæ, quæ non sic illuminat, nec ostendit homini peccata sua, nisi ut de illis doleat. Talibus exprobrat Deus. *Vocavi, & renuistis, extendi manum meam, & non fuit, qui aspiceret.*

Confir. ex illorum mente, qui negant actus indifferentes, & omissiones puras liberas: nam n' si homo in talibus peccatis sibi displiceat, aut complaceat, erit indifferens, & purè omittens.

Prob. 3. Quòd peccatum dimissum sit, non facit, quin semper ex objecto sit malum, & odibile; ergo & ut tale debet odiri.

Dixi, *aliqua liter pœnitere*; quia cùm sit dimissum, nec sit ulla necessitas ulterioris dimissionis, vel justificationis, sufficit tunc qualiscumque actus detestationis.

Objic. 1. Non potest assignari motivum, talis pœnitentiæ, saltem quoad necessitatem; ergo gratis asseritur.

Respon. neg. antec. Nam malitia peccati sufficienter movet ad illud odium; malum enim semper est odibile ex se sicut bonum semper est amabile, & maxime peccatum, quod est offensa Dei, cujus misericordia in dimittendo auget motivum pœnitendi; saltem ex gratitudine.

Objic. 2. Innocens non tenetur pœnitere de peccato cognito; ergo nec justificatus, quia eva sit innocens, aut par innocenti.

Resp. neg. conf. & rationem ejus: nam sufficit, quòd fuerit reus, ut doleat fuisse.

Objic. 3. Esset onus gravissimum homini, si deberet semper dolere de malis præteritis, quoties illorum recordatur; ergo &c.

Respond. neg. anteced. imò id maxima est occasio meritorum: non est onus, quòd iteranda sit comestio, urgente fame.

DISPUTATIO II.

De actibus virtutis pœnitentiæ.

HActenus examinata est natura huius virtutis, jam ad actus ejus descendimus, ex quibus magis adhuc elucescet natura ejus, quippe habitus specificantur ab objectis, mediis, & actibus suis.

Q U Æ S T I O I.

Qui sint actus pœnitentiæ virtutis.

Actus pœnitentiæ *elicit* sunt præcipuè *vindicta*, seu *punitio* peccati, *odium*, seu *detestatio* ejusdem, & hæc dicitur *contritio*, seu detestatio perfecta ex motivo puri amoris Dei super omnia dilecti: vel *attritio*, seu detestatio minus perfecta, scilicet ex motivo timoris pœnarum, vel turpitudinis peccati: item *confessio*, & *satisfactio*. Actus autem imperati sunt illi omnes quarumcumque virtutum, qui possunt imperari à pœnitentia in punitionem peccati.

Certum est autem 1. quòd sicut habitus pœnitentiæ residet formaliter, & immediatè in voluntate, ita & actus ejus *elicit*, & imperati: licet enim prærequiratur actus intellectus dictantis, & ostendentis peccata, modum, medium, & finem, ac regulas pœnitendi, tamen ipsi actus formales pœnitendi sunt à voluntate, alioqui non essent in se laudabiles, quia non liberi.

2. Certum est, quòd illi actus pœnitentiæ *elicit* in aliquibus specie differunt, in aliis non differunt in objectis, & finibus proximis: nam volitio puniendæ peccatum, & confessio ejus habent diversos immediatos fines formaliter; sed ultimatè intendunt justificationem, & habent pro objecto etiam ultimo honestatem huius virtutis, per quam distinguitur ab aliis; ergo actus *elicit* pœnitentiæ in aliquibus differunt specie, in aliis non differunt. Prob. ant. *Punitio* respicit immediatè vindictam, *odium* respicit malitiam, & habet pro fine destructionem peccati, *confessio*,

*passio respicit manifestationem ejus, & erubescen-
tiam ex illo; ergo &c.*

*Odium autem est actus. quo voluntas, resilit ab ob-
jecto disconvenienti, aut quasi disconvenienti, sicut
amor est actus, quo fertur in objectum, ut conveni-
ens. Detestatio aliquando sumitur pro odio, & displic-
entia, sed propriè significat actum voluntatis, quo
respicit peccatum præteritum cum tristitia, & dolo-
re quodam cum aliquali desiderio, ut non fuisset.
Dolor verò est afflictio, & inquietudo ejusdem volun-
tatis sequens ad illud odium, & detestationem pro
peccato commisso, quod consideratur, ut maximum
malum, & sæpè tantus est, ut transeat ex anima in
appetitus sensitivos; & inde veniunt lacrymæ, suspi-
ria, singultus, &c. Displicentia etiam coincidit cum
odio, detestatione, & dolore, & est passio potius
quàm actus elicitus. Sub odio, & detestatione conti-
nentur contritio, & attritio, qui sunt actus principa-
les pœnitentis. Sed de his infra.*

CONCLUSIO I.

Dolor, seu tristitia non sunt propriè actus pœni-
tentiae, sed effectus actuum ejus, per quos im-
perantur.

*Prob. 1. ex Scoto. Dico, quòd & si tristitia sit passio,
tamen imperare eam est actus; & sicut dictum est
prius, tristitia non est actus virtutis pœnitentiae, etiam
quomodocumque accipiendo pœnitentiam; sed pœniten-
tiae virtutis primo modo acceptae est effectus remotus;
ergo ex Scoto tristitia non est actus pœnitentiae elici-
tus, neque dolor, sed ille, per quem imperatur illa
tristitia, seu dolor.*

*Prob. 2. nam tristitia propriè non est velle, nec nol-
le; ergo non est actus voluntatis; ergo nec pœniten-
tiae. Prob. ant. 1. non est velle, quia velle est de bo-
no, quod non causat tristitiam, nec dolorem, sed
gaudium. 2. non est nolle, sed passio nascens ex illo;
est enim de his, quæ nobis nolentibus accidunt, ait Au-
gust. ergo &c.*

*Confir. nam tristitia est pœna, quæ intenditur in
pœnitentia; ergo est potius finis, quàm actus pœni-
tentiae elicitus.*

Prob. 2. p. nam sicut actus, quibus causantur gaudium, & lætitia, dicuntur etiam gaudium, & lætitia, ita & illi, quibus causantur dolor, & mœror, & tristitia, dicuntur eodem sensu mœror, & dolor ab effectibus suis. Sic contritio dicitur *dolor*, & *dese-
statio animi de peccato commisso*, ex Trident. [1]

Objic. 1. Dolor est actus vitalis; ergo est verus actus pœnitentiæ. Prob. ant. nam dolor sentit, odit, fugit, &c. ergo est vitalis.

Resp. neg. ant. utrumque: nam dolor non sentit, nec odit, sed sentitur, & oditur.

Objic. 2. Dolor, & tristitia sunt voluntaria, alioqui non essent meritoria; ergo sunt actus voluntaris.

Respon. dist. ant. voluntaria ex imperio voluntatis, conc. in se formaliter, neg. ant. ut patet ex dictis de passionibus.

CONCLUSIO II.

Velle vindicare, seu punire peccatum est proprius actus pœnitentiæ virtutis. Est Scotistarum.

Prob. 1. ex Scoto sæpius cit. [2] dicente, *Pœnitentiam esse punientiam, seu pœnæ tenentiam*, & quidem actualem.

Prob. 2. ex dictis de objecto formali pœnitentiæ: nam ille actus est primarius, & principalis, per quem respicitur immediatè objectum formale virtutis; sed talis est volitio vindictæ, & punitionis peccati; ergo est primarius actus pœnitentiæ.

Prob. 3. Nam ex illo velle sequuntur omnes alij actus, & effectus pœnitentiæ, ergo &c. Prob. antec. nam quia volo punire peccatum meum, considero peccati malitiam, & gravitatem, tristor de illius commissione, statuo non peccare de cætero, confiteor illud, satisfacio pro illo, accepto pœnam, &c. ergo &c.

Objic. 1. Actus proprius unius virtutis non elicitur ab aliis; sed volitio vindictæ peccati elicitur ab aliis virtutibus, imò & ab incapacibus pœnitentiæ; ergo illud velle non est proprius actus pœnitentiæ. Prob. min. Singulæ virtutes volunt punire vitia sibi contraria, & Deus vult punire peccata; sed aliæ

virt-

[1] *sess. 14. c. 4.* [2] *d. 14. q. 1. P.*

virtutes non sunt pœnitentiæ, & pœnitentia repugnat Deo; ergo &c.

Resp. neg. 1. min. & dist. 2. maj. volunt punire tam in volente, quam in aliis, con. in ipso volente præcisè, neg. maj. & conf. singulæ virtutes odiunt vitia sibi opposita, ubicumque sint ex motivo propriæ honestatis, & Deus vult punire peccata aliena, cum ipsi repugnet peccatum; pœnitentia verò directè, & per se vult punire peccata ipsius pœnitentis, & in ipso: hoc illi proprium est.

Objic. 2. Actus principalis, & proprius pœnitentiæ debet respicere directè objectum ejus; sed velle punire non respicit directè objectum pœnitentiæ; ergo &c. Prob. maj. objectum pœnitentiæ est peccatum; sed illud velle non respicit peccatum, nisi indirectè; respicit directè pœnam ejus; ergo &c.

Resp. neg. 1. min. & dist. 2. maj. peccatum est objectum materiale, con. formale, neg. maj. sic distincta min. nam pœnitentia respicit peccatum ut punibile, & sic pro formali respicit punibilitatem, & pœnam.

Inst. Pœnitentia peccatum velle non potest sub ratione pœnæ; ergo &c. Prob. ant. si pœna esset volita, jam non esset pœna, quia non esset contra inclinationem voluntatis; imò nec potest eam velle, quia est sibi contraria, & mala.

Resp. dist. 2. ant. non potest velle secundum affectionem commodi, conc. secundum affectionem justitiæ, neg. ant. & conf. idem dico ad prob. secundum affectionem commodi pœna est malum voluntari, sed secundum affectionem justitiæ est illi bonum; & sub hoc respectu amatur à pœnitentia. Peccator de peccato doleat, quia illud est simpliciter malum, & de dolore gaudeat, quia iste dolor est illi salutaris, & bonus.

Inst. 2. illud velle est posterius odio peccati; ergo non est primarius actus pœnitentiæ. Ant. prob. idè pœnitemus de peccato, quia odimus illud, & volumus illud destruere; ergo velle punire supponit odium peccati, ex quo nascitur.

Resp. neg. utrumque ant. imò peccatum, quod prius placebat, volumus punire, & inde illud odimus, & applicamus media ad illud delendum.

Inst. 3. Primus actus virtutis est ille, quo attingitur

objectum ejus formale; sed tale est odium peccati; ergo &c. Prob. min. objectum formale penitentiae est debilitas peccati; sed hæc directe, & primò attingitur per odium; ergo &c.

Resp. neg. 1. min. & dist. 2. attingitur per odium ut medium quo debilitatis, conc. ut primum agens, & imperans deletionem, neg. min. & conf. nam volitio vindicandi est primus motus contra peccatum, & imperat odium, quod est prima poena, & primum medium talis destructionis, & primus effectus ejusdem volitionis vindicativæ.

CONCLUSIO III.

Odiū, & detestatio, & displicentia peccati sunt veri actus penitentiae. Est communis.

Prob. 1. ex Scoto, [1] qui ex utroque actu definit penitentiam, dicens: *Poenitere est detestari, et odire peccatum a se commissum*; ergo &c.

Prob. 2. ex Scrip. [2] *Iniquitatem odio habui, et abominatus sum. Et, Omnem viam iniquitatis odio habui.*

Prob. 3. ex Concil. Trid. [3] nam de poenitentibus, & necessitate poenitentiae dicit, quod *perverſitate abjecta, et emendata, ſanctam Dei offentionem cum peccati odio, et pio animi dolore detestantur.* . . . Et contritionem, quam dicit præcipuum actum poenitentis, definit *dolorem, et detestationem de peccato commisso*, &c. Et declarat eam continere *veteris vitae odiū*, &c.

Prob. 4. nam odium, & detestatio peccati respiciunt directe objectum, & finem poenitentiae, & nascuntur ex sincera volitione puniendi peccatum, & sunt reventia poenarum ejus, & primæ punitiones.

Objic. 1. nullus actus virtutis est de re impossibili; sed odium peccati commissi est de re impossibili; ergo &c. Prob. min. impossibile est peccatum non esse commissum, supposito quod fuerit; ergo &c.

Resp. neg. min. & conf. prob. nam existentia ipsa peccati est odibilis, & non solum ut præsens, sed etiam ut præterita; & licet non possim jam facere, ne fuerit, tamen debeo dolere, quod fuerit, &, si possibile esset, vellem non fuisse.

Inst.

[1] Ibid. S. 3. [2] Ps. 118. [3] Sess. 14. c. 1. et 4.

Inst. illud odium est efficax, vel inefficax. 1. non efficax, quia esset de impossibili. 2. non inefficax, quia non sufficeret ad remissionem peccati, nec placeret Deo, qui abominatur tepidos; ergo &c.

Resp. quod in affectu esset efficax, quatenus operatur veram tristitiam de peccato commisso, & syncerum propositum non peccandi de cetero, & satisfaciendi; esset autem inefficax respectu existentiae peccati, quatenus non potest velle efficaciter ne extiterit; hoc enim est impossibile; sed vellet non consensisse in illud; & retractat consensum illi datum, & detestatur, quantum potest.

Objic. 2. odium illud respicit peccatum, ut offensam Dei, vel ut aversivum à Deo, vel ut impeditivum gloriæ, vel ut inductivum gehennæ; sed sub nullo ex his respectibus est actus poenitentiae, sicut nec peccatum est objectum ejus; ergo odium peccati non est actus poenitentiae. Prob. min. nam sub 1. & 2. respectu est actus charitatis: sub 3. est actus spei: & sub 4. est actus amoris concupiscentiae, qua odimus nociva ex amore nostri, vel ex timore servili, qui non est virtus.

Resp. dist. maj. prout imperatur ab aliis virtutibus, con. prout est ex poenitentia, neg. maj. nam hæc respicit peccatum ut malum punibile. Potest quidem imperari ab illis aliis virtutibus simul, aut seorsim, sed non est à poenitentia, nisi sub hoc respectu.

Objic. 3. Detestatio non respicit poenam ut objectum, neque ut effectum, nec est actus voluntatis, sed intellectus; ergo non est actus poenitentiae. Prob. ant. nam detestatio est actus judicii, quo improbatur aliquid ut malum, & inhonestum; ergo non respicit poenam, nec est in voluntate; respicit indecentiam, quam condemnat intellectus.

Resp. dist. ant. detestatio præsuppositivè, & directive est ab intellectu, conformaliter, & elicitivè, neg. ant. & cons. detestatio, qua improbamus, & dolemus de peccato commisso, con. cōs. supponit quidem judicium de malitia, & punibilitate peccati, ostendens voluntati, quod peccatum est malum, quod non debuit committi, sed debet puniri, & reparari; sed voluntas sic edocta illud odit, & detestatur, & vult punire in peccatore.

Inst. Omnis actus poenitentiae debet esse cum tristitia, & dolore; sed detestatio est sine dolore, & tristitia, imò saepe est cum lætitia; ergo &c.

Resp. dist. min. detestatio per modum iudicii, & in intellectu, con. detestatio affectiva, & in voluntate, neg. min. Non enim possum detestari malum per me commissum, quin de illius commissione doleam, nisi sim depravatissimæ, & perditissimæ voluntatis.

Obijc. 4. Displicentia est communis omni virtuti, & habitui, etiam vitioso: nam cuilibet displicent objecta contraria; ergo non est actus proprius penitentiae.

Resp. dist. ant. & rationem ejus, displicentia generaliter, & ex motivis specialibus virtutum, & habituum, conc. ex motivo speciali iustitiæ, ac vindictæ peccati commissi, neg. ant. nam sub hoc motivo propria est soli penitentiae.

Obijc. 5. displicentia ex Scoto est passio, sicut & dolor, ac tristitia; ergo non est actus penitentiae, sed tantum effectus ejus.

Resp. dist. ant. displicentia passivè ut effectus actus voluntatis, con. quatenus est aversio, & improbatio, qua voluntas retractat, & improbat peccatum commissum, neg. ant. nam hæc est actus voluntatis, quo sibi imponit dolorem, & tristitiam in penam peccati sui.

Quæres, *An illi actus sint ita proprii virtuti penitentiae, ut non possint esse ab aliis virtutibus.*

Resp. eos posse esse ab aliis virtutibus. ex propriis suis motivis, & tunc pertinent ad illas, & non ad penitentiam. Aliquando etiam possunt ab illis eisdem imperari ex motivo penitentiae, aut elici à penitentia ex motivo illarum, & tunc participant bonitatem ab utrisque, sc. ab imperante, & ab eliciente.

Prob. ex Scoto. Quandoque ex charitate, sive ex contemplatione Dei statim inest quædam detestatio peccati, et sequitur tristitia maxima, nullo adhuc posito actu iustitiæ respectu illius tristitiæ: quandoque autem primo inest actus iustitiæ intensus in se, et quandoque sequitur tristitia, quandoque non.

QUÆSTIO II.

An actus penitentiae sint supernaturales in substantia.

Loquimur de penitentia Christiana, quæ peccatorem aliquo modo disponit ad gratiam justificationis proximè, aut remotè: nam de alia non curamus. Quærimus ergo, an illi actus penitentiae, sc. odium peccati, detestatio, displicentia, & quos diximus ab ea elici posse, sint supernaturales in substantia.

Diximus autem supernaturalitatem dici respectu causæ efficientis, quando effectus superat virtutem naturalem agentium creatorum, dicitur supernaturalis in substantia, vel accidentaliter, & quoad modum. Hoc supposito.

CONCLUSIO.

Actus penitentiae christianæ, qui disponunt aliquo modo ad gratiam justificantem, sunt supernaturales ab auxilio gratiæ excitantis, et adjuvantis, non quidem quoad substantiam, et per se, sed per accidens, et quoad modum. Est de fide quoad 1. p. & Scotistarum quoad 2.

Prob. 1. ex Scoto dicente: [1] Concedo ante perceptionem dignam penitentiae oportet suscitari, vel simpliciter (per infusionem gratiæ sanctificantis, si contritio sit perfecta) et tunc per penitentiae sacramentum non deletur peccatum, sed gratia, quæ influit, augetur, vel suscitari secundum quid, sc. ut habeat aliqualem displicentiam de peccatis, et propositum cavendi de cætero. Nam per suscitationem inchoatam, & secundum quid intelligit suscitationem per gratias actuales excitantes, & adjuvantes ad detestandum peccata, ut attritio sufficiat cum sacramento ad recipiendam gratiam sanctificantem, per quam attritio fit contritio, et tunc (homo) suscitatur simpliciter per sacramentum; ergo tantum abest, ut Scotus velit, quod per attritionem purè naturalem peccator disponatur ad gratiam justificantem, cum nequidem supernaturalis elicitur.

sc. ex

[1] d. 14. q. 4. H. 10.

64 De actibus penitentiae

sc. ex gratia actuali, quam vocat *suscitantem secundum quid*, non sufficit sine sacramento.

Confir. ex eo, quod docet: [1] *Opus esse non hominis, sed Dei, fructuosam penitentiam inspirare*. Et aliàs dixerat, quòd *asserere actum ex puris naturalibus esse meritorium*, appropinquat errori Pelagii. Item, *Hoc, quo homo meritorie agit, non potest esse pura naturæ, quia tunc ex solis naturalibus posset meritorie agere, quod videtur error Pelagii*. Vides quàm longè absit Scotus ab errore Pelagii, quem toties damnat: & quòd prætendit actus penitentiae, quibus disponimur ad gratiam sanctificantem, esse debere supernaturales ex parte gratiae actualis, qua peccator *suscitatur secundum quid*.

Prob.2. ex Script. docente conversionem peccatoris ad penitentiam esse donum Dei, & effectum gratiae. Idè dicebat Jeremias: [2] *Postquam conversisti me, ego penitentiam*. Ergo (inquit Hieron.) [3] *id ipsum, quod agimus penitentiam, nisi Dei nitamur auxilio, implere non possumus*. Et D. Paulus, [4] *Nequando Deus det illis penitentiam ad cognoscendam veritatem, et respiscant à diaboli laqueis*. Et, *Quis hoc dat* (ait Chrysost.) *nisi qui respexit Petrum negantem, et fecit flentem*? Idem patet ex aliis locis Scripturæ citatis pro sustinenda necessitate gratiae.

Prob.3. ex Concil. [5] nam in Palestino contra Pelagium dicitur, *ipsam penitentiam esse donum Dei, dixit Apostolus, ubi ait; nequando Deus det illis penitentiam*, &c. Et Trident. definit, [6] *Si quis dixerit sine Spiritus S. inspiratione, et adjutorio ejus hominem credere, sperare, aut penitere, sicut oportet, ut ei gratia justificationis conferatur, anath. sit*. Idem fuerat definitum in Arausic. II. nam ex his sequitur nullum actum naturalem penitentiae disponere sufficienter ad gratiam justificantem.

Reliquæ probationes petendæ sunt ex dictis de necessitate gratiae.

Prob.2. p.1. etiam ex dictis de actibus fidei, scil. actus naturales, & supernaturales credendi præcisè non differre quoad substantiam, sed quoad modum: nam eadem est ratio, & quidem à fortiori de actibus peni-

[1] d.20. A.2.1.d.17.MM. [2] Jerem.31. [3] Ibid.
[4] 2. Tim. [5] act.12. [6] Sess.6.can.3.

nitentiae naturalis, & supernaturalis, nec vacat ea repetere.

Confr. ex Trid. cit. nam cum dicit *hominem non posse penitere, sicut oportet, ut ei gratia conferatur sine Spiritus S. auxilio*, satis indicat posse haberi actus penitentiae, sicut & spei, & fidei ex principiis naturalibus, qui non sufficiant ad justificationis gratiam; ergo ex Concil. Trident. actus naturales, & supernaturales penitentiae non differunt quoad substantiam, sed tantum quoad modum.

Et hoc à fortiori dicimus de penitentia: nam fides, spes, & charitas sunt habitus per se infusi, & supernaturales in substantia; & sic major est supernaturalitas istorum, quam actuum penitentiae, quae non est per se infusa.

Obijc. 1. con. 1. p. quidquid est in penitentia, potest fieri naturaliter; ergo non requirit auxilium supernaturale. Prob. ant. potest cognosci malitia, & punibilitas peccati, & voluntas potest illud odisse, & velle punire, etiam naturaliter: nam in illo objecto nihil habent supernaturale; ergo uterque actus est naturalis.

Resp. dist. utrumque ant. potest fieri naturaliter aliquo modo, & imperfectè, & insufficienter, conc. perfectè, & sufficienter, neg. ant. Nam ad eam cognitionem debet concurrere fides, & ad illud velle influere debet gratia excitans, & adjuvans voluntatem, alioqui actus erunt imperfecti, & insufficientes ad gratiam justificationis obtinendam.

Inst. tota entitas actus intrinsecè est naturalis; ergo sufficit sine illo auxilio.

Resp. dist. ant. tota entitas ex parte intellectus, & voluntatis, con. ex parte fidei, & gratiae excitantis, & juvantis, neg. ant. & conf. nam ex his principiis habet supernaturalitatem, quia superat vires naturales harum facultatum.

Obijc. 2. ex Scoto: [1] Peccator ex naturalibus cum communi influentia potest considerare peccatum commissum, ut offensivum Dei, et ut contra legem divinam, et aversivum à Deo.... et sub multis talibus rationibus; et voluntas sub illis, aut aliqua illarum potest peccatum sic cognitum desestari. et ille motus po-

est

test continuari, & intendi ante infusionem gratiae ...
 Iste autem motus dicitur attritio, & est dispositio, siue
 meritum de congruo ad deletionem peccati mortalis,
 quae sequitur in ultimo instanti durationis attritionis;
 ergo ex Scoto poenitentia purè naturalis, & ex gene-
 rali concursu Dei sufficit ad gratiam justificationis.
 Hæc verba, ut dixi, dederunt multis occasionem ca-
 lumniandi Scotum, quasi consenserit Pelagianis, aut
 Semipelagianis volentibus hominem ex suis viribus
 naturalibus disponere se ad primam gratiam, sed pes-
 simè.

Resp. neg. conf. nam, ut notavimus aliàs, Scotus
 numquam voluit excludere necessitatem influxus fi-
 dei, nec gratiæ supernaturalis actualis ad omnia ope-
 ra, quibus homo disponitur ad gratiam justificantem.
 Nam per vocem *ex naturalibus* intelligit potentias in-
 tellectus, & voluntatis. Per *influentiam communem*
 intelligit gratias actuales, per quas Deus solet con-
 currere ad alios actus bonos, quibus peccatores solent
 se disponere ad gratiam habitualementem. Et vocat illum
influxum communem; quia illæ gratiæ auxiliatrices,
 & actuales sunt communes iustis, & peccatoribus.

Distinguit autem *attritionem* à *contritione*, more
 Theologorum sui temporis, qui *attritionem* vocabant
 omnem poenitentiam informem, seu quæ præcedit
 justificationem: *contritionem* verò omnem poeniten-
 tiam formatam, seu quæ conjungitur statui gratiæ
 sanctificantis. Vide Scotistas nostros, maximè Car-
 dinalem nostrum Brancatium, disp. 6. à n. 125. Ma-
 strium d. 6. à n. 71. & alios.

Inst. Scotus nullibi loquitur de auxilio supernatu-
 rali, ut necessario ad opera dispositiva ad gratiam,
 sed expressè dicit hæc fieri posse *ex naturalibus cum*
influencia communi; ergo responsio non est ad ejus
 mentem. Prob. ant. nullus umquam Theologus per
 hæc verba, *ex naturalibus*, & *per influentiam com-*
munem intellexit concursum gratiæ actualis super-
 naturalis, sed influxum generalem, quo Deus con-
 currit ad omnes effectus causarum secundarum, ut
 causa prima universalis; ergo gratis sic explicatur de
 concursu per gratias supernaturales actuales contra
 communem sensum terminorum.

Resp. neg. ant. nam quoties loquitur de tali auxi-
 lio,

lio, semper monet cavendum ab errore Pelagii; & nullum meritum haberi posse *ex puris naturalibus*, nisi fortè *de congruo*; & maximè in 1. ubi dicit, [1] quòd illud, quo voluntas meritorie agit, non potest esse *pura natura*, quia tunc *ex solis naturalibus* posset meritorie agere, quod videtur error Pelagii. Et infra: Non creditur Deus ita disposuisse, quòd naturam puram, vel actum ejus sic acceptet (ut meritorium) quia actum *ex puris naturalibus* esse meritorium, appropinquat errori Pelagii.

Ergo cum Scotus dicit, quod peccator *ex puris naturalibus* cum *communi influentia*, &c. non intendit excludere ex parte Dei omnem concursum gratiæ, ac principii supernaturalis, sed solius gratiæ habitualis, seu charitatis, ut patet ex tota illa quæstione 2. vel 3. dist. 17. sicut & ex intento q. 2. d. 14. in 4. nam ista excludit solam illam gratiam, quæ format *contritionem*, non autem illas, quæ concurrunt ad *attritionem*: nam quando excludit concursus omnis gratiæ supernaturalis ab actibus nostris in sensu Pelagii, dicit eos *elici ex puris naturalibus*, quod sapit errorem Pelagii, inquit; cum verò dicit nude, *ex naturalibus*, excludit solius gratiæ habitualis influxum, non autem gratiæ actualis.

Idem est de *influencia communi*. Nam luce clarius est cum per hæc verba non excludere nisi influxum gratiæ habitualis, quæ format *contritionem*, juxta sensum communem Theologorum sui temporis, qui, ut videbimus, nomine *contritionis* intelligebant pœnitentiam formatam charitate habituali, & sanctificante. Attritionem verò dicebant omnem pœnitentiam, quæ præcedit gratiæ sanctificantis infusionem, licet non fiat sine concursu gratiæ actualis supernaturalis excitantis, & juvantis, quæ sunt influentiæ communes utrique actui, sc. contritioni, & attritioni, sicut & pœnitentibus justificatis, & justificandis. Hæc paulò fusiùs notasse juvabit ad intelligentiam sanam doctrinæ Scoti.

Objic. 1. con. 2. p. ex Concil. Trid. cit. & Milevit. II. Ad veram pœnitentiam requiritur lumen gratiæ, quo videamus, & auxilium, quo possimus pœnitere; sed id fieri nequit, nisi actus illi pœnitentiæ sint *supernaturæ*

[1] 1. d. 17. q. 2. DD. q. 3. n. 20.

turales in substantia ; ergo &c. —

Resp. neg. min. nam licet illi concursus sint supernaturales in se , non semper faciunt, ut effectus sint semper supernaturales in substantia , sed quoad aliquem modum , v. g. ut sint quales oportet esse ad justificationis gratiam obtinendam , ut ait Trident.

Inst. Pœnitentia Christiana est habitus per se infusus æquè , ac fides , & spes ; ergo & actus ejus sunt supernaturales in substantia , sicut fidei , & spei .

Resp. 1. neg. ant. nam , ut diximus , pœnitentia non est habitus per se infusus , sicut fides , & spes .

Resp. 2. neg. conf. nam , ut diximus , supernaturalitas habituum fidei , spei , & charitatis non facit , ut actus earum sint semper supernaturales in substantia .

Objic. 2. Actus per se disponens ad gratiam justificantem est supernaturalis in substantia ; sed omnes actus pœnitentiæ disponunt ad illam gratiam ; ergo , &c. Prob. maj. dispositio , & forma sunt ejusdem ordinis : alioqui effectus superaret causam suam , sc. forma , seu gratia est ordinis supernaturalis : dispositiones verò , sc. actus pœnitentiæ essent naturales in substantia ; ergo &c.

Resp. neg. maj. & ant. prob. & rationem ejus . Nam dispositiones ad generationem sunt accidentia , & forma est substantialis : sufficit ergo , ut isti actus sint supernaturales quoad modum ; & isti actus non sunt causa physica gratiæ , sed tantum moralis , & quidem de congruo ; nec immediate disponunt ad gratiam sine sacramento , vel sine charitate , ut in contritione perfecta .

Inst. non implicat illos actus esse supernaturales in substantia ; ergo ita est : nam idem dicendum de his actibus , ac de actibus fidei .

Resp. neg. conf. utramque : nam diximus actus ipsos fidei , & spei non esse supernaturales in substantia , benè verò habitus earum .

Objic. 3. Ad remissionem peccati commissi requiritur sufficiens retractatio ejus ; sed ad hoc requiritur actus supernaturalis in substantia ; ergo &c. Probat. min. peccatum avertit à Deo ut fine , etiam supernaturali ; ergo pœnitentia , qua illa aversio retractatur , debet respicere Deum ut finem supernaturalem ; sed
nula.

nullus actus naturalis in substantia potest sic respicere Deum; ergo &c.

Resp. neg. min. & subs. nam, ut dicebamus, actus fidei, spei, & charitatis sic respiciunt Deum, & tamen sunt naturales in substantia.

Inst. Illi actus poenitentiae, sicut & illarum virtutum sunt initia salutis; ergo non sunt naturales in substantia. Prob. conf. Initia salutis non sunt à nobis, neque ex naturæ viribus; hoc enim damnatur in Semipelagianis; sed actus naturales sunt à nobis; ergo.

Resp. neg. conf. & min. nam ut non sint ex nobis in sensu Pelagii, sufficit influxus necessarius gratiæ excitantis, & iuvantis. Nam Pelagius negabat influxum omnis gratiæ supernaturalis ad opera salutis, & Semipelagiani influxum illum ad initia salutis.

Dixi in conclusione, *qui disponat aliquo modo*. Et, *actus poenitentiae christianae*. Nam dari possunt actus poenitentiae purè naturalis, qualis potuit esse in paganis. Et de ista non loquimur, sed de illa, quæ est in usu apud Christianos, ut reconcilientur Deo, quem peccata nostra faciunt nobis inimicum. Item non loquor de actu perfectæ contritionis, qui disponit perfectè, & proximè ad justificationem, sed de his, qui disponunt de congruo, & mediatè.

Q U Æ S T I O III.

Quale, & quantum debeat esse odium poenitentiae de peccato.

Multa quæri possunt de odio, quo poenitentia respicit peccatum, v. g. an debeat esse efficax. 2. An de singulis peccatis distinctè. An sufficiat omnia odisse in universali, seu an sufficiat universale, & simplex. 3. An formale, & explicitum. An sufficiat virtuale, & implicitum. 4. An summum, id. de peccato super alia omnia mala. 5. An exigit aliquam determinatam intensionem gradualem. 6. An sit æquale de omnibus, &c. Quæ hæc breviter definimus.

CONCLUSIO I.

Efficacia requisita in odio peccati consistit in hoc, quod, si fieri posset, nollet peccasse, & si peccatum non fuisset, non fieret, nec illud commissum vult amplius conservare, sed delere omni meliori modo. Debet esse communis.

Prob. 1. ex Scoto. [1] Velle punire peccatum est velle imperativum, seu efficax conjungens causas proximas ipsius punitionis passivæ. Et 2. nolle peccasse, vel displicere (de peccato commissio) quod nolle, est causa proxima pœniæ, &c. In his ergo consistit efficacia affectiva pœnitentiæ, quatenus nollet peccasse, & vult peccatum commissum destruere, puniendo illud in se.

Prob. 2. nam illa efficacitas non potest aliter explicari, & sufficit ad destructionem peccati; ergo in his consistit. Prob. ant. non potest dari velle, aut nolle absolutum circa existentiam, quo nolit absolute illud non fuisse; hoc enim est impossibile; ergo non potest aliter haberi, quàm conditionatè, quo sc. vellet se non peccasse, aut nollet peccasse, & quod non velit amplius peccare, sed punire, & destruere id, quod commisit.

Objic. 1. volitio efficax facit, ut eligantur, & applicentur media ad finem volitum; sed nulla possunt eligi, vel applicari media, ut peccatum non fuerit; ergo nec haberi odium ejus efficax. Prob. min. nam homo sapiens non habet velle efficax de impossibili, quo applicet media ad illud.

Resp. dist. maj. ut eligantur, & applicentur media eo modo, quo haberi potest finis, conc. absolute, & simpliciter, neg. maj. & conf. nam ad odium efficax peccati, aut alterius mali sufficit, ut eligantur media aliqua, & applicentur ad illud delendum, & reparandum; non enim intendit facere, ut non extiterit peccatum, sed ut displiceat consensus illi datus, & retractetur, & reparetur eo modo, quo est reparabile, sc. per punitionem, & satisfactionem pro præterito, & cautionem pro futuro.

Inst. ex Scoto odium peccati non est efficax, nequidem in damnatis; ergo neque in viatoribus.

Resp.

[1] d. 14. q. 1. R. 14.

Resp. neg. conf. nam, ut diximus, odium peccati in damnatis non est actus virtutis, sed desperationis, & furoris, & potius oderunt Deum, quàm ejus offensam.

Objic. 2. odium peccati tendit in non fuisse peccati; sed illa intentio non potest esse efficax, quia est de impossibili; ergo efficacia vel nulla est, vel non bene sic explicatur.

Resp. dist. maj. tendit effectivè, & conditionatè, conc. maj. & neg. min. effectivè, & absolutè, neg. maj. & conf. nam quoad hæc verè est efficax, & bene explicata.

Inst. In tali odio pœnitens non cogitat de ulla conditione; ergo, si est efficax, efficacia est absoluta.

Resp. dist. ant. non cogitat explicitè, & formaliter, conc. saltem semper virtualiter, & implicitè, neg. ant. nam illud odium æquivalet huic actui explicito: *Odi peccatum a me commissum, & vellem illud non fuisse, si possem facere, ut non fuisset; & doleo de consensu illi dato, & si non fecissem, jam non facerem, nec in futurum faciam, & factum in me vindicabo pro viribus, ac reparabo.* Non est possibilis major efficacia talis odii.

Objic. 3. velle non conservare peccatum commissum, non medetur præterito; ergo nec illi medetur odium, nec est actus veræ pœnitentiæ. Prob. ant. tum quia odium pœnitentiale non destruit peccatum, nisi moraliter, & meritoriè, tum quia attritio est odium veræ pœnitentiæ, & non destruit peccatum per se; ergo &c.

Resp. neg. conf. quia non est de ratione pœnitentiæ, & actuum ejus, ut per se, & formaliter destruat peccatum, sed quod sit cessatio physica, & præsens peccandi, & quod puniat peccatorem pro præterito, & sic moveat Deum ad illud condonandum.

CONCLUSIO II.

AD veram pœnitentiam requiritur, & sufficit odium universale omnium peccatorum, sc. debet respicere omnia vel in particulari, vel in universali.

Prob. 1. ex Scoto dicente, [1] quod pœnitere est de-
testa-

[1] 2.14.9.1.5.15.

vestari, vel odire peccatum à se commissum & istud potest intelligi de nolle, vel detestari, vel displicentiam habere de hoc peccato sub propria ratione, vel in generali simul de quocumque peccato à se commissio; ergo Scotus admittit in pœnitentia odium vel de singulis peccatis in specie, vel singulari, & odium universale de omnibus indistinctè.

Prob. 2. quia Pœnitentia, ut disponat ad remissionem peccati, debet respicere omnia peccata commissa; ergo in hoc sensu debet esse odium universale respiciens omnia, nullo excepto. Prob. ant. nam ex dictis de peccatis, unum mortale non potest remitti sine alio: & ut loquitur Doctor, homo non potest reconciliari Deo, manens inimicus; sed manet inimicus, quamdiù est in uno peccato mortali, & istud est incompatible cum gratia sanctificante, per quam remittitur regulariter omne peccatum; ergo ut pœnitentia disponat ad remissionis gratiam, debet respicere omnia peccata commissa; ergo in hoc sensu odium debet esse universale.

Prob. 2. p. quia in illo actu, quo quis videns se reum multorum peccatorum numero, vel specie diversorum odit, & detestatur omnia simul, & unico actu, habet omnia requisita ad veram pœnitentiam; ergo tale odium universale sufficit. Prob. ant. nam neque ex Scriptura, neque ex Conciliis, aut Patribus ad veram pœnitentiam exigitur, ut de singulis peccatis singuli actus contritionis habeantur, modo contritio respiciat omnia, nullum excludens, vel omit- tens; ergo &c.

Confir. nam quando plura credibilia proponuntur, v.g. totum symbolum, non requiritur, ut ad singulos articulos eliciantur totidem assensus distincti, sed sufficit, ut uno actu assentiamur omnibus; idem est de objectis aliarum virtutum; ergo ita est de pœnitentia quoad peccata; sufficit, ut cognitis omnibus per exactam discussionem, de omnibus uno actu doleamus, & talis est praxis confessoriorum, ut postquam pœnitens singula confessus est, uno actu de omnibus simul doleat, sicut & de omnibus simul unico actu absolvit sacerdos.

Objic. 1. Odium peccati, ut sic, & sub aliqua ratione generica, v.g. offensæ Dei: ut si diceret, *detestor of- fen-*

ensam Dei, non sufficit ad remissionem; ergo necessarium universale. Prob. conf. tale odium tam contineret omnia peccata, quàm istud, quo dicimus, *detestor omnia peccata à me commissa*; nam omnia continentur sub ratione offensæ Dei, sicut sub genere omnes species, & sub specie omnia individua; ergo, &c.

Resp. dist. conf. & dist. 2. ant. tam continet confusè, & indistinctè, con. distinctè, & quantum requiritur ad pœnitentiam remissivam peccatorum, neg. ant. & conf. nam licet odium peccati ut sic, sub ratione generica offensæ Dei, sit actus bonus, non tamen sufficit ad justificationem, & remissionem omnium, quia omnia, & singula debent cognosci, quantum fieri potest, & clavibus Ecclesiæ subjici, & odiri ut commissa.

Inst. individua continentur sub specie, & genere; ergo sufficit odium peccati in genere, licet non cogitetur de illis in specie, vel individuo.

Resp. dist. ant. continentur logicè, aut metaphysicè, con. physicè, & moraliter, ut censeantur sufficienter retractata; neg. ant. & conf. nam ut retractentur sufficienter pœnitentia debet esse voluntaria de omnibus, & ad hoc debent singula cognosci, quantum fieri potest; quia singula demerentur aliquam pœnam, & exigunt satisfactionem, quod fieri non posset per odium de peccato ut sic, v. gr. de offensa Dei.

Objic. 1. con. 2. p. Peccata eo modo sunt pœnitenda, quo fuerunt commissa; sed commissa sunt sigillatim; ergo & detestanda sunt sigillatim.

Resp. dist. maj. eo modo quoad affectum, & retractionem, con. totidem actibus, neg. maj. & conf. nam post centum actus aversionis à Deo possum per unicum actum eos odisse, & converti ad Deum, & iste omnibus illis æqualebit.

Inst. singula habent singularem malitiam, & odibilitatem; ergo singulatim sunt odienda. Prob. conf. unicus actus odii non posset respondere malitiæ singulorum, alioqui deberet pro centum peccatis esse centuplo intensior, quàm actus odii pro uno.

Resp. neg. utramque conf. nec enim vis pœnitentiæ attenditur penes illam partitionem gradualem unius

ad unum, & trium ad tria, sicut amor in centum homines non debet esse præcisè intensior amore in unum, alioqui non posset amari Deus, qui est infinitus, sed sufficit, ut charitas respiciat omnes. Ita est de odio peccatorum; sufficit, ut respiciat omnia, modo sit majus appetitativè de pluribus, quàm de unico.

Objic. 2. ad veram, & sufficientem pœnitentiam debent singula cognosci cum sua gravitate, & malitia; sed hoc non esset verum, nisi & singula deberent odiri: ergo requiritur odium singulorum. Probat. min. nam dum pœnitens singula recogitat, de illis vel dolet, vel complacet; si complacet, de novo peccat, si dolet, habetur intentum; ergo &c.

Resp. neg. min. & ad prob. dico, quod bonum esset, ut de singulis cogitans doleret; sed sufficit, quod, singulis cognitis, de omnibus simul doleat; cum autem singula recogitat, fieri potest, ut nihil formalizet, & explicitè decernat, sed se habeat merè negativè, donec singula recognoverit, & tunc omnia detestatur, ut dicebamus de articulis symboli.

CONCLUSIO III.

AD veram, & fructuosam pœnitentiam odium peccati debet esse formale, quantum fieri potest; sufficeret tamen virtuale. Sequitur ex dictis de necessitate pœnitentiæ. Diximus enim sufficere virtualement.

Prob. 1. ex Scoto cit. [1] ubi definit, *Pœnitere esse detestari, vel odire peccatum à se commissum & istud intelligi de displicentia formali, vel virtuali. Et est displicentia virtualis quicumque actus voluntatis virtualiter includens illam displicentiam, sicut quodammodo causa includit effectum, licet effectus in se non causetur, &c.* Habes in Scoto conclusionem, & ejus explicationem: & eam probat solidè, ut jam diximus.

Alias probationes, & objectionum solutiones vide ibi; nec placet eas repetere.

CON-

[1] disp. 10. q. 7.

CONCLUSIO IV.

Odium peccati in pœnitentia debet esse super omne malum pœnæ, saltem virtualiter, & appetiati-
vè.

Ut assertionem intelligas, repete, quæ diximus de charitate, quid sit Deum summè diligere: nam per opposita peccatum summè odiri potest tot modis, quibus Deus potest summè diligere, 1. sc. *objectivè*, quando ei optamus majora bona, quàm ulli creaturæ. 2. *intensivè*, quando cum majori conatu, & fervore affectus. 3. *appetitiivè*, quando illum pluris æstimamus, quàm quidquam aliud, & parati sumus potius omnia dimittere, quàm illi displicere. Ita est de odio peccati. Erit summum *objectivè*, si ei optamus omnimodam annihilationem præ omnibus aliis malis. 2. *intensivè*, si majori acrimonia, & ardore illud detestamur, quàm ullum aliud malum. 3. *appetitiivè*, & *virtualiter*, quando illud æstimamus odibile, & fugibile præ omnibus malis, ita ut parati simus, & sic dispositi, ex vi talis odii, omnia mala pœnæ, & fortunæ potius ferre, quàm consentire ulli peccato, licet forte de facto, & quoad ardorem, & conatum voluntatis fortius sit odium alicujus pœnæ, v. g. mortis. His præmissis

Prob. 1. conclusio ex Scoto, [1] quatenus amorem Dei in charitate non exigit esse summum intensivè, sed tantum appetitiivè: nam per opposita eadem est ratio de odio peccati. Ut autem notat scholasticus, Doctor vult quidem amari Deum intensivè, & extensivè, id. tenerius, & fortius, seu firmitus, sed non dicit *maiore amore graduali eum esse amandum, sed solum maiore affectu, ad quem sufficit majoritas appetitiiva, seu affectus magis exclusivus oppositi*; ergo ita dicendum de odio peccati, prout opponitur amoris Dei, & prout est offensa Dei: nam sub his respectibus est summum aliquod malum; ergo & summè odibile.

Insignes tamen Scotistæ, & nominatim Faber, & Hiquæus tenent contrarium, & hoc de mente Scoti. Nam, inquit ille, *quantum ad intensiorem, verissi-*

D 2

mm

num est, Scotum illam exigere, & hoc ut confessum, & verum ab omnibus supponit; & fatetur eum id non probare. Hiquæus verò dicit, quòd non docet eam in terminis; sed intelligi debet inter ceteras circumstantias, quas dicit requiri ad esse morale huius actus; & quòd eam insinuat hìc q. 4. fin. & d. 17. & sequitur ex dictis in 3. d. 27. a. 3. & dist. 29. q. 1. 2. & 3. Ego autem fateor, me hoc nescisse videre in Scoto. Ideò malui cum aliis nobilibus Scotistis, ut sunt Emin. Brancatus, Mastrius, & Frassen, qui contrarium melius colligunt ex Doctore, ut patet legenti.

Prob. 2. quoad 1. p. actus debet proportionari dignitati objecti tam quoad odium, si sit malum, quàm quoad amorem, si sit bonum; sed peccatum, prout respicitur à pœnitentia christiana, imò & naturali, est summum malum; ergo summè debet odiri. Probat. min. ex dictis tr. de peccato: nam est aversivum à Deo summo bono, est offensa ejus, privat ejus amicitia, & summo bono, sc. beatitudine; ergo &c.

Confir. nam quantus debet esse amor Dei, tantum debet esse odium eorum, quæ nos avertunt à Deo, ut est peccatum; sed amor Dei debet esse summus, saltem virtualiter, & appretiativè, quatenus eum plus amamus, quàm alia omnia bona simul, aut seorsim; ergo odium peccati, prout nos avertit à Deo, debet esse summum, saltem virtualiter, & appretiativè, ita ut simus parati ex vi talis odii, potius vitare Dei offensam, & peccatum, quàm omnia alia mala pœnæ.

Confir. ex Seraphico Doctore. [1] Hoc est diligere Deum super omnia, quòd pro nullo damno, vel commodo velis offendere Deum. Sic intelligendum de displicentia contritionis. Unde dico, quòd peccatum debet tantum displicere rationi, quòd nullo pacto, nullo commodo, vel incommodo velis in ipsum consentire, vel consensisse, &c.

Prob. 2. p. 1. de intensione graduale. Quia non alia requiritur intensio gradualis in odio peccati ex pœnitentia, vel charitate, quàm in amore Dei; sed quoad intensiorem gradualem amor Dei non debet esse summus; ergo nec odium peccati. Min. patet ex tr. de charitate.

Prob. 2.

[1] 4. d. 16. p. 1. a. 2. q. 1.

Prob. 2. ex Patribus. Nam inquit Chrysost. [1] *relatus in Can. Talis: Deus quantulamcumque, & quolibet brevi tempore non despicit pœnitentiam; suscipit etiam ipsam, nec patitur, quamvis exiguæ conversionis perdere mercedem.* Nam inquit Glossa, *diligit Deus bonum, quod in peccante plantavit.* Et S. Leo. [2] *Nec misericordiæ mensuras possumus ponere, nec tempora definire, apud quem nullas patitur moras veræ conversio, sc. modò conversio sit vera, modò pœnitentis odium de peccato sit syncerum, sufficit, licet remissum, modò tamen non tepidum.* Et Cœlestinus Papa, [3] *vera conversio mente potius, quam tempore metienda est, dicente Propheta: Si conversus fueris, salvaberis.*

Confir. 1. ex Script. quæ aliud non requirit, quàm veram, & synceram conversionem, quæ fit per odium peccati. [4] *In quacumque hora ingemueris peccator, &c.* Et Zacharias: *Convertimini ad me, & ego convertar ad vos;* ergo nihil præscribit de intentione quoad accidentia; sufficit substantialis. Intensio autem est accidentalis actui.

Confir. 2. quia non est imponendum grave onus sine gravi fundamento ex Scriptura, vel Conciliis, aut Patribus; sed ex illis non colligitur necessitas talis intensiois gradualis in pœnitentia, & odio peccati; ergo &c.

Confir. 3. Si hoc esset necessarium, innumeris scrupulis subiceremur, & vexaremur circa illam magnitudinem intensivam. E contra tam confessarii, quàm pœnitentes non solent inquirere de ardore odii, vel contritionis, sed solum de illius sinceritate, seu veritate.

Confir. 4. Si requireretur summa intensio gradualis, omnes contritiones pœnitentium deberent esse æquales, sc. omnes deberent esse in summo gradu perfectionis, & intensæ ut octo; sed conf. est falsum; ergo &c. Prob. min. ex Script. nam Davidis dolor, & pœnitentia de morte Absalonis legitur fuisse major, quàm de adulterio, & homicidio. Pœnitentia Petri, & Magdalenæ fuit sine dubio intensior, & ferventior,

D 3 quàm

[1] *de pœnit. d. 3.* [2] *Ep. 91.*

[3] *Ep. ad Episc. Gall.*

[4] *Ezech. 18. & 33.*

quam innumerorum pœnitentium, qui tamen veniam consecuti sunt : & sic de aliis ; ergo , &c.

Objic. 1. con. 1. p. homines communiter magis oderūt mala pœnæ , quàm culpæ , & tamen putantur sufficienter pœnitentes , & confessarii non curant ; ergo non debet magis odiri peccatum , quàm alia mala . Prob. ant. experientia : nam pro illis magis commoventur , exclamant , flent , dolent , &c. non autem pro peccatis ; ergo &c.

Resp. dist. 1. ant. & 2. conf. magis sensibiliter , & quoad affectionem commodi , conc. magis rationabiliter , & quoad affectionem justitiæ , & appetitiivè , neg. ant. & conf. alioqui imperfectissima esset pœnitentia , & non justa .

Inst. pœnitentes , ut se disponant ad gratiam , non faciunt attentionem ad alia mala , ut videant , an suum odium sit majus de peccato , quàm de illis , & ut sit sufficiens ; ergo illa majoritas odii non est necessaria in pœnitentibus .

Resp. dist. ant. non advertunt per comparisonem explicitam , & formalem , conc. per virtualem , & implicitam , neg. ant. imò nec videtur suadenda illa comparatio explicita : nam ex infirmitate humana sumus sensibiliores ad mala pœnæ , & ex sensibilitate illa magis , quàm ex ratione ponderaretur dolor pœnitentiæ : & licet in parte superiori , & rationali pœnitens esset verè paratus ad ferenda illa mala , quàm consentire ulli peccato mortali , tamen in appetitu inferiori experiretur majus odium illorum , quàm peccati , & hoc ex affectu commodi .

Objic. 2. Si odium illud deberet esse ullo modo majus , quàm pœnarum , homo deberet præferre pœnam damnationis ipsi peccato , & istud magis odisse ; sed conf. est falsum , & absurdum ; ergo &c.

Resp. neg. maj. nam pœna illa includit essentialiter peccatum .

Resp. 2. dist. maj. Si pœna illa consideretur physicè , & ut pœna præcisè ab omni connexionem peccati , & odii Dei tam passivi , quàm activi , conc. maj. & neg. min. absolute , & qualis est de facto , neg. maj. & conf. nam de facto pœna illa est cum odio Dei passivo , & activo , & cum peccato , & repugnat cum charitate .

Objic. 1. con. 2. p. Script. præcipit conversionem ex

toto corde: sed non est ex toto corde, nisi sit intensissima, & ex toto conatu, & viribus voluntatis; ergo, &c. Prob. ant. [1] *Convertimini ex toto corde vestro in jejunio, & fletu, & scindite corda vestra*, &c. Item, [2] *Invenies Dominum si quiesceris ex toto corde, et ex tota tribulatione animæ tuæ*. Item, [3] *Si penititudine cordis reversus fueris ad Dominum in toto corde tuo, et tota anima tua*, &c. ergo odium peccati debet esse summum intensivè: alioqui enim non est ex toto corde, neque ex tota anima.

Resp. dist. 1. ant. & 2. conf. ex toto corde, ita ut in nulla parte, in nullo affectu cordis hæreat peccatum; sed totis affectibus redeat ad Deum, con. ex tota contentione virium, neg. ant. & conf. vult Deus, ut peccatum expellatur ex toto corde, ita ut in nulla parte, in nullo affectu remaneat, sed ejiciatur per omnes affectus, & ex omnibus affectibus. Optimum esset, si hoc fieret summo, & toto conatu virium: sed hoc Deus non exigit ab infirmitate nostra.

Objic. 2. SS. Patres exigunt summum dolorem cordis; sed non est summus nisi intensivè; ergo &c. Prob. maj. ex S. Cypr. [4] *Quam magna deliquimus, tam granditer defleamus. . . penitentia crimine minor non sit*, &c. Et Ambros. [5] *quanta, putas, et qualis necessaria penitentia, quæ aut æquet, aut certè superet crimina secundum conscientiae molem adhibenda est penitentiae magnitudo grande scelus grandem habet necessariam satisfactionem fortius dolendum, quia peccatum est fortius*. Et Concilium Trident. [6] *Ad innocentiae novitatem, et integritatem non pervenitur per sacramentum penitentiae sine magnis nostris fletibus, et laboribus*, &c. ergo odium peccati debet esse intensissimum, & summum.

Resp. dist. maj. & 2. conf. summum appretiativè, conc. intensivè, neg. maj. & min. Aliam enim magnitudinem Patres, & Concilia non exigunt, quàm appretiativè summam, saltem de necessitate: nam congruentissimè exigunt etiam intensivam, & quidem ad uberiores gratias.

Inst. ex Catechismo Rom. [7] *Contritio debet esse*

D 4 non

[1] Joel. 2. [2] Deut. 4. [3] Ibid. 30.

[4] tr. de laps. [5] ad Virg. laps. 8.

[6] Sess. 14. c. 4. [7] n. 36.

non solum maxima, sed vehementissima; sed non potest esse vehementissima, nisi sit intensissima; ergo odium, seu contritio debet esse summa intensivè, & non solum appetitiivè.

*Resp. neg. min. nam per vehementiam intelligit efficaciam, quæ, ut ipse author Catechismi loquitur, excludat omnem ignaviam, et socordiam ... Idè ad-
dit, omnibus rebus Dei amorem anteponendum esse, ita ut nec vitæ quidem conservandæ causa peccare liceat. Ecce in quo ponit vim, & magnitudinem amoris summi ex præcepto charitatis.*

Inst. 2. Appretiatio peccati super alia mala per odium non salvatur sine intensione magna ejus; ergo odium semper debet esse intensissimum. Probat. ant. cum jubemur diligere Deum ex toto corde, & ex totis viribus, non satisfacimus per amorem remissum; ergo idem est, cum jubemur converti ad Deum ex toto corde, non satisfacimus per odium peccati remissum.

Resp. neg. utrumque ant. ut patet ex dictis de charitate.

Inst. 3. odium summum appetitiivè tantum non est efficax, nisi sit intensissimum; ergo nec sufficiens. Prob. ant. si sit remissum, nihil habet supra simplicem, & inefficacem displicentiam; ergo non est efficax.

Resp. neg. pariter utrumque ant. non enim loquimur de odio ita remisso, ut non sit efficax, sed volumus tale, ut ex vi ejus velimus punire in nobis peccatum commissum, & confiteri, & satisfacere, & ab illo prorsus abstinere, ad quod non sufficit simplex, & tepida displicentia peccati, sed debet esse sincera, constans, & efficax, licet non intensissima gradualiter, & ut octo.

Objic. 3. ut odium peccati disponat ad justificationem, debet elici, aut imperari à charitate in Deum; sed hæc charitas debet esse summè intensa; ergo & illud odium. Prob. min. nam amor charitatis debet esse summus; ergo &c.

Resp. transf. maj. nam hîc præscindimus ab odio contritionis, & attritionis, quæ non justificat extra sacramentum, & neg. min. & conf. prob. nam præceptum charitatis non præcipit superioritatem intensivam, ut sæpe diximus; sufficit appetitiiva.

Inst.

Inst. majoritas appetiatiua, siue intensiua non potest dare amoris Dei, nec odio peccati fortitudinem, & efficaciam contra resistantiam concupiscentiæ; ergo tam in charitate, quàm in poenitentia requiritur maxima intensio amoris Dei, & odii peccati. Prob. ant. si netai fortitudine charitas non potest præferre Deum creaturis; ergo nec odire peccatum etiam appetiatiuè super omnia.

Resp. neg. utrumque ant. nam licet amor concupiscentiæ, quo ferimur in bonum sensibile per affectionem commodi, sit fere semper intensior, quàm amor Dei, & odium peccati; ex affectu iustitiæ tamen iste amor, & istud odium, in occasionibus vitandi peccatum, præualet contra concupiscentiam, si volumus cooperari auxilio gratiæ, & sequi dictamen rationis.

Obijc. 4. Præceptum charitatis præcipit non solum substantiam amoris Dei, & odii peccati, sed etiam modum utriusque, & maximè intensiorem: nam præcipit dilectionem *ex toto corde*, & *ex totis viribus*, & sic de odio peccati; ergo uterque actus debet esse intensissimus.

Resp. dist. ant. aliqualem intensiorem, ut sit amor Dei, & odium peccati summum appetiatiuè, & sincerum, & efficax, conc. ut sit gradualiter intensior, quàm alii actus, neg. ant. nam ut sæpè diximus, præceptum non aliud intendit.

Obijc. 5. amor appetiatiuè summus est etiam summus intensiue: & ita est de odio; sed odium peccati per nos est summum appetiatiuè; ergo & intensiue. Probat. maj. tanto conatu dolemus de bono amisso, quanto amamus illud; ergo ex maxima appetiatioue nascitur maximus amor, & ex summa appetiatioue malitiæ peccati debet nasci summum odium.

Resp. neg. maj. nam licet fieri possit, ut de amissione rei summè amata summè doleamus, id tamen non semper, nec ordinarie accidit: sic sensibilior, & intensior est dolor in patre, aut matre de morte filii, quàm de peccato, & offensa Dei, quamvis iste sit maior appetiatiuè; quia nascitur præcisè, non ex amore, sed ex æstimatione, quæ semper est maior de Deo, quàm de filio, quem nemo sanæ mentis vellet præferre Deo.

Igitur, ut odium peccati sit verus, & bonus actus

pœnitentiæ Christianæ, requiritur, & sufficit, ut sit aliquantuliter intensus, licet non in summo gradu.

CONCLUSIO V.

Odium peccati ex pœnitentia non exigit determinatam durationem ad remissionem culpæ.

Prob. 1. ex Scoto, [1] qui licet doceat attritionem debere durare aliquandiu, ut fiat contritio, non tamen determinat ullam mensuram illi durationi, sed illam relinquit arbitrio divino. *In termino, quem Deus præfixit, debere esse terminum illius motus attritionis, quam usque tunc vult continuari, &c. infunditur gratia.* Imò putat, quod eodem momento, quo elicitur contritio, infunditur gratia, nec illa præcedit istam, nisi per instans naturæ. [2] *Actus, qui est contritio, eodem instanti temporis præcedit naturam deletionem, nec est inconueniens dispositionem proximam simul esse cum forma, ad quam disponit; ergo ex Scoto pœnitentiæ actus non exigit determinatam durationem ad obtinendam gratiam remissionis peccati.*

Prob. 2. ex Script. & PP. nam inquit Isaias: [3] *Ad vocem clamoris tui statim ut audieris, respondebit tibi (Deus).* Et Ezechias. [4] *Impietas impii non nocebit ei, in quacumque die conversus fuerit.* Et cum Deus dicit: *Convertimini ad me*, promittit sine mora, & ego conversar ad vos. Et in Apocalypsi: [5] *Ego sto ad ostium, & pulso, si quis aperuerit mihi januam, intrabo.* Et David eodem momento, quo dixit: *Peccaui Domino, audivit, Dominus transtulit peccatum tuum.* Idem patet de latrone, qui statim audit, *Hodie mecum eris in Paradiso*; ergo ex Script. pœnitentia non exigit moram durationis ante gratiam remissionis.

Confir. ex SS. Patribus: nam, ut dicebamus ex Chrysoft. *Deus quantulamcumque, & quolibet brevi tempore non despicit pœnitentiam.* Et Cœlestinus I. *Vera conversio mente potius, quam tempore metienda est.* Et Julius I. *Dominus non solum temporis, sed etiam momenti inspector est, sicut Latro. unius momenti pœnitentia meruit esse in paradiso.* Et ut addit Cyprianus.

[1] Ibid. N. 14. [2] Ibid. Q. 17. [3] Isa. 30.

[4] Ezech. 33. [5] Apoc. 3.

an. *Cujus impietas in momento induit pietatem*. Et August. *non tam considerata est mensura temporis, quam doloris*. Et S. Leo: *Apud Deum nullas patitur veniæ moras vera conversio*. Et sic de aliis.

Prob. 3. nam hoc ipso momento, quo actus virtutis est elicitus, habet suam essentiam, & bonitatem; ergo & meritum. Prob. ant. contritio unius momenti habet eandem essentiam cum contritione unius diei. Idem est de actu charitatis; ergo & de odio peccati.

Confir. nam peccatum, quod ex pleno consensu elicitur, habet suum esse, & expellit gratiam; ergo idem est de odio peccati debite, & plenè formato.

Dixi, *non exigit*. Non enim nego, quin plus habeat meriti, secundum quod diutius durat; ideo consulendum peccatoribus, ut pro peccatis semper, & usque in finem vitæ doleant, etiam pro peccatis dimissis, quoties in mentem redeunt, monente Augustino: [1] *Semper doleat, semper coram Domino, ante quem peccavit, erubescat, & dolorem cum vita finiat*.

Dixi 2. *ad remissionem culpæ*. Nam ad remissionem pœnæ requiritur satisfactio, quæ diutius durare debet secundum peccatorum gravitatem, & multitudinem. De hoc alias.

Objic. 1. Actus peccati diutius durat; ergo & pœnitentiæ: debet enim proportionari peccato. Prob. ant. nam actus ille vix unquam citò transit.

Resp. dist. ant. durat per quandam perseverantiam voluntatis; con. quoad effectum expellendi gratiam, neg. ant. nam eodem instanti, quo peccatum formatum est, expellit gratiam; sed voluntas potest diu in ejus affectu perseverare, saltem habitu.

Objic. 2. Si statim gratia sequeretur actum odii, posset homo esse certus de sua gratia; sed conf. est falsum, & contra nos; ergo &c. Prob. maj. tam certus esset de gratia recuperata, quàm de sua pœnitentia, & odio peccati sui; sed de hoc certus esset physicè; ergo & de gratia.

Resp. neg. 1. maj. & dist. 2. quàm certus esset de odio sui peccati cum omnibus conditionibus requisitis ad gratiam, con. maj. & neg. min. quàm certus esset de entitate physica, & materiali odii, neg. maj. & conseq. nam ad certitudinem gratiæ recuperatæ debet

D 6

esse

[1] de sal. pan. 13.

esse certus de omnibus requisitis ad illam tam moraliter, & formaliter, quàm materialiter, & physicè, quod fieri nequit sine speciali revelatione. Denique hoc argumentum fieri potest contra omnes.

Objic. 3. Concilium Tridentinum [1] requirit in contritione perfecta, ut justificet, *magnos fletus, & labores*; sed isti non possunt esse magni sine longiori duratione; ergo &c.

Resp. neg. min. nam illa magnitudo consistit in vehementia doloris, & affectus, & illa potest haberi in momento. Item aliud est, quòd fletus unius momenti non sufficiat ad novitatem vitæ, de qua loquitur Concilium; aliud quòd non sufficiat ad remissionem culpæ, positis ceteris requisitis; istud admittimus, & non negat Concilium, sed illud non dicimus, quia ad novitatem illam debent dedisci, & destrui pravi habitus, & contrahi boni, quæ non fiunt, nisi cum tempore.

Objic. 4. odium peccati est dispositio ad gratiam; sed dispositiones gradatim fiunt, & successivè; ergo odium illud debet durare.

Resp. dist. min. dispositiones physicæ, conc. morales, neg. min. nam sicut odium peccati operatur remissionem, & gratiam moraliter, & per modum meriti congrui; eodem instanti, quo existit in facto esse, debet operari coram Deo.

DISPUTATIO III.

De contritione, & attritione.

HIS duobus actibus pœnitentiæ specialem damus disputationem, quia principales sunt, & de illis majores hodie sunt difficultates, & controversiæ inter Theologos.

Breviter tamen de illis hic agemus, quia fusissimè, & quasi superabundanter diximus de illis in duobus libris de *sufficienti attritione*. Lingua vernacula quippe in toto libro probavimus ex Theologicis principiis illam sufficientiam, & solvimus objectiones contritionariorum. Et in toto 2. habes Apologiam SS. Patrum, & Theologorum omnium sæculorum Ecclesiæ,

[1] Sess. 14. c. 4.

fiæ, quos in contrarium citant iidem contritionarii :
 Pauca inde seligemus, quæ sufficiant studentibus nostris.

Q U Æ S T I O I.

Quid, & quotuplex sit contritio.

Contritio dicitur à verbo *contero*, quod significat rei duræ fractionem in partes minutas, & aliquando etiam magnam calamitatem, ex qua graviter affligimur. *Contritio, & infelicitas in viis eorum*, &c. Sed in materia pœnitentiæ sumitur pro actu, quo ob peccatum commissum cor durum emollitur, & quasi confringitur. Dicitur etiam *compunctio*, à cordis punctione quadam ex conscientia peccati commissi.

Principalis divisio contritionis est in *perfectam*, quæ dicitur simpliciter *contritio*, & *imperfectam*, quæ dicitur *attritio*. Illa dicitur, per quam cor peccatoris perfectè frangitur, scinditur, & humiliatur: *Cor contritum, & humiliatum*. Et, *scindite corda vestra*, sicut cum res dura pulverizatur. Hæc verò dicitur, cum minus perfectè humiliatur, & scinditur quasi in partes crassiores, sc. per eam dolemus quidem de peccato verè, & syncerè, sed ex motivo ignobiliore, quàm *contritio*. Quippè hæc dolet de peccato, ut est offensa Dei, ex summo, ac puro ejus amore, *attritio* verò dolet de peccato propter ejus turpitudinem, vel propter pœnas, quibus per illud subijcitur. Denique *contritio* venit ex affectione justitiæ, *attritio* verò magis communiter ex affectione commodi. Agimus 1. de contritione in genere; an sit actus pœnitentiæ, & quid illa sit.

C O N C L U S I O I.

Contritio est actus pœnitentiæ, & describitur odium, seu detestatio causans dolorem de peccato commissum cum proposito non peccandi amplius.

Prob. 1. ex Scotto [1] docente: *Charitatem posse imperare actum voluntatis peccati vindicativum, & è converso ex actu vindicandi peccatum, potest imperare actum*

[1] d. 14. q. 2. G. 9.

Etum amoris Dei in se, ex quo sequitur nolitio, vel displicentia de aliquo peccato commissio; ergo charitas potest esse usi pœnitentia, & vicissim; ergo ex Scoto displicentia de peccato commissio est actus pœnitentiæ imperatus à charitate, vel imperans charitatem; talis enim displicentia, seu peccati vindicta est proprius actus pœnitentiæ, & contritio. Denique actus idem, qui ante infusionem gratiæ est attritio, per eam infusionem fit contritio; sed attritio est actus pœnitentiæ; ergo & contritio.

Prob. 2. ex Script. & Patribus, apud quos pœnitentia, & contritio pro eodem sumuntur, ut cum dicitur: [1] *In spiritu contrito, & humiliato*. Et, [2] *Cor contritum, & humiliatum Deus non despicies*. Et, *Qui sanat contritos corde, & alligat contritiones eorum*, id est, inquit August. *humiliatos, corde consistentes, seipsos punientes*. Et Bernard. *Optimum unguentum contritio, quod ex recordatione peccatorum conficitur*. Et sic de aliis.

Prob. 3. ex Concil. Trid. in quo sic definitur contritio in communi. *Contritio, quæ primum locum obtinet inter actus pœnitentis, est animi dolor, ac detestatio de peccato commissio cum proposito non peccandi de cetero; ergo contritio est verè actus pœnitentiæ, & benè sic describitur. Habes utramque partem conclusionis, sc. contritionem esse actum pœnitentiæ, & sic rectè describi.*

Prob. 4. quia talis contritio est verè tentio pœnitentiæ peccati; ergo & vera pœnitentia. Prob. ant. per illam contritionem tenetur tristitia, displicentia, & dolor de peccato commissio, ut patet ex ipsa definitione.

Prob. 2. p. ex eodem Concilio, & communi sensu Theologorum, qui contritionem sic explicant, prout convenit perfectæ, & imperfectæ, & prout differt ab actibus aliarum virtutum. Dicitur 1. *odium peccati, & detestatio*, quod ponitur loco generis. Nam odium peccati præcisè est commune omni virtuti: nulla enim est, quæ non oderit peccatum oppositum bonitati objecti. 2. *dolor de peccato commissio*, per quod iam incipit differre ab aliis virtutibus, quæ non respiciunt peccatum ut præteritum magis, quàm præsens, aut futurum, neque ut commissum magis, quàm

ut

ut committendum. Soli pœnitentiæ proprium est illud respicere ut præteritum, & commissum, ut puniat illud in ipso peccatore. 3. *Cum proposito nō peccandi de cetero.* Id enim essentiale est omni veræ pœnitentiæ, ut diximus, & maximè huic actui, qui est illi propriissimus juxta Scripturam dicentem: [1] *Projicite à vobis omnes iniquitates vestras.* Et, *Derelinquat impius viam suam,* &c. Et, ut ait August. [2] *Multi assidue se dicunt peccatores, & tamen eos adhuc delectat peccare, confessio est, non emendatio, accusatur anima, & non sanatur.* Et S. Gregor. [3] *Pœnitentia est perpetrata mala plangere, & plangenda non perpetrare,* &c.

Objic. 1. con. 1. p. actus contritionis est ex fine charitatis; ergo est actus charitatis, non pœnitentiæ: nam actus morales specificantur ex fine. Prob. ant. contritio intendit reconciliationem, & amicitiam cum Deo per odium offensæ ejus; sed hæc pertinent ad charitatem; ergo &c.

Resp. dist. ant. & maj. ex fine intrinseco, vel extrinseco, conc. extrinseco semper, neg. ant. & maj. nam contritio ut sic intendit immediatè punitionem peccati commissi, quantum est ex se, cùm autem conjungitur charitati, intendit præterea reconciliationem cum Deo; sed hoc non est de intrinseca ratione contritionis ut sic, de qua loquimur.

Objic. 2. contritio est odium peccati, prout est offensæ Dei; sed tale odium venit ex charitate, sc. ex amore ejus, quo amatur bonum, & gloria ejus; ergo est actus charitatis. Prob. min. omne odium mali venit ex amore boni contrarii; ergo omne odium peccati venit ex amore Dei.

Resp. dist. maj. contritio perfecta, & simpliciter, conc. contritio in sua ratione generica, neg. maj. & cons. nam sub hac ratione præcisè odit peccatum propter suam malitiam, & punibilitatem, præscindendo ab offensæ Dei.

Inst. volitio illa puniendi peccatum respicit intrinsecè placationem Dei offensi per illud; sed ille finis pertinet ad charitatem; ergo respicit peccatum ut offensam Dei.

Resp.

[1] *Ezech. 18.* [2] *Ser. 7. de temp.*

[3] *ho. 34. in Evang.*

Resp. dist. maj. ut supra. Volitio illa in sua ratione specifica, & ut contritio perfecta, & simpliciter, con. ex ratione sua generica, & præscindendo à perfecta, & imperfecta, neg. maj. & conf. nam loquimur de contritione ut sic, quæ respicit peccatum ut vindicabile in ipso peccante, quod pertinet ad solam pœnitentiam formaliter, &c.

CONCLUSIO II.

Contritio perfecta, prout ab attritione distinguitur, est detestatio, seu odium peccati commissi propter Deum summè dilectum, seu odium peccati ex motivo charitatis, saltem virtualiter. Est communior contra aliquos volentes ad hanc contritionem sufficere motivum cujuslibet virtutis: 2. p. plurimos habet adversarios.

Prob. 1. ex Scoto, [1] qui tenet cum August. quòd pœnitentia non potest esse vera, id. fructuosa quantum ad finem pœnitentiæ attingendum sine charitate; & quòd sine amore Dei nullus consequitur veniam; sed nos hic loquimur de contritione justificante extra sacramentum; ergo &c.

Prob. 2. ex Concil. Trid. quod postquam definiivit contritionem in communi, addit: *Et si contritionem hanc aliquando charitate perfectam esse contingat, hominemque Deo reconciliare prius, quam hoc sacramentum actu suscipiatur*; ergo censet contritionem, qua remittitur peccatum extra sacramentum in re includere charitatem, seu amorem Dei super omnia.

Probari solet 3. ex Script. & Patribus: nam dicitur: [2] *Qui non diligit, manet in morte.* Et Apostolus, [3] *Si charitatem non habuero, nihil sum ... nihil mihi prodest.* Et August. [4] *Sine amore nemo unquam gratiam invenit, aut veniam consecutus est.* Et alibi, *Pœnitentiam veram non facit nisi odium peccati, et amor Dei.* Sed hi textus non videntur ad rem, ut notat Cardin. Brancatus, [5] & ut infra videbimus de attritionis sufficientia. Ideò

Prob. 4.

[1] Ibid. 2. 2. [2] 1. 70. 3.

[3] 1. cor. 13. [4] de ver. pœnit.

[5] 9. et 17. ser. 7. temp.

Prob. 4. ex eodem Concil. nam pœnitentia, quæ dolet de peccato ex aliis motivis, quàm amoris Dei, dicitur attritio; ergo contritio, ut sit perfecta, debet imperari ex amore Dei. Prob. ant. nam contritio dicitur imperfecta, quoniam vel ex turpitudinis peccati consideratione, vel ex gehennæ, et penarum metus communiter concipitur. Turpitudine autem peccati consistit in oppositione, quam habet cum honestate aliarum virtutum; ergo ex Concilii mente motivum cuiusvis virtutis moralis non sufficit ad perfectam contritionem.

Confir. peccatum includit aversionem à Deo, & habet oppositionem quandam generalem cum charitate; ergo non potest remitti sine aliqua conversione in Deum per aliquam charitatem, saltem extra sacramentum.

Dices: hoc probaret attritionem, etiam cum sacramento, non sufficere ad justificationem.

Contra: nam ex eodem Concilio, ut attritio iustificet in sacramento, sufficit, ut odiat peccatum, & voluntatem peccandi excludat ex quovis motivo honesto; sed ad hoc facit odium peccati ex quovis motivo virtutis, & inhonestatis peccati; ergo &c. Cur autem hæc sufficiat in sacramento, & non extra, petitur ex Dei voluntate, qua vim hanc tribuere placuit sacramento ex meritis Christi, quæ per illud nobis applicantur, & per hanc indulgentiam voluit nobis reddere suaviorem legem Evangelicam maximè intuitu confessionis, quæ aliunde dura videretur, & hanc duritiem vult hac misericordia molli.

Prob. 2. p. de charitate virtuali, quod sufficiat 1. ex Scoto cit. nam inquit: *Charitas potest imperare actum pœnitentiæ, et uti actu pœnitentiæ, et vicissim pœnitentia potest uti charitate: nam sicut causa continet virtualiter effectum, sic actus pœnitentiæ, quo imperatur charitas, etiam virtualiter continet charitatem; sicut & ipsa charitas continet virtualiter pœnitentiam, ut diximus; ergo actus pœnitentiæ, quæ contineat virtualiter charitatem; est vera, & perfecta contritio.*

Prob. 2. ex Script. & Patribus: nam in pœnitentia perfectiori non faciunt mentionem de formali charitate. *Convertimini, et agite pœnitentiam, Item,*

Si impius egerit penitentiam, &c. Et sic de aliis quoad effectum penitentiae: nam illi tribuunt remissionem peccatorum æquè, ac charitati.

Confir. ex Trid. cit. nam licet justificationem extra sacramentum tribuat contritioni perfectæ ex charitate, tamen illam definit sine mentione charitatis formalis, ut vidimus; ergo sufficit, quod in contritione contineatur saltem virtualiter, ut magis patebit ex sequenti conclusione.

Confir. 2. nam considerando peccatum ut offensam Dei, potest haberi syncerum ejus odium, & firma volitio illud vindicandi, non formata ullo actu explicito amoris Dei, à quo imperetur formaliter, sed tantum virtualiter; sc. prout odium illud procedit ex consideratione offensæ Dei; ergo &c.

Confir. nam ex dictis ad ipsam penitentiam sufficit odium peccati virtuale, quod continetur in amore formali Dei; ergo & in penitentia ad contritionem contineri potest virtualiter Dei amor, & hoc sufficiet. Nam ut dicebamus ex Scoto, penitentia potest imperare actum charitatis; ergo hunc continet virtualiter, ut causa effectum.

Objic. 1. con. 1. p. ex Script. in contritione nulla fit mentio charitatis, seu amoris Dei; ergo gratis dicitur eam debere elici ex amore Dei super omnia. Prob. ant. ex locis mox citatis pro 2. p. item, *Domine, confitebor injustitiam meam Domino, & tu remisisti impietatem peccati mei.* Et de facto ubi dixerat, *peccavi Domino*, statim audivit, *Dominus transtulit peccatum tuum*; sed in his, & similibus nulla fit mentio amoris Dei; ergo &c.

Resp. dist. ant. & min. nulla fit mentio formalis, & explicita, con. virtualis, & implicita, nego ant. & min. nam in illa conversione, & penitentia impii, & confessione Davidis continetur implicitè, & virtualiter amor Dei; ideò addit Propheta conditionem, *si custodieris mandata*, quod fieri nequit sine charitate: & David dicit, *peccavi Domino*; sc. offendi Deum; de quo dolet, & alibi dicit, *iniquitatem odio habui, legem autem tuam dilexi.*

Objic. 2. si non posset contritio esse sine charitate, tam esset actus charitatis, quam penitentiae; sed hoc est contra nos; ergo & illud

Resp.

Resp. nego maj. nam elicitive est actus poenitentiae, licet imperetur à charitate, velut à fine extrinseco; aut comitante, sicut posset poenitentia imperare actum charitatis, ut diximus.

Objic. 1. con. 2. p. contritio perfecta justificat extra sacramentum; sed hoc non potest facere sine charitate formali; ergo nec potest esse contritio sine illa. maj. patet ex Conc. Trident. & supponitur ex dicendis. Prob. min. 1. ex eodem Concilio, quod requirit [1] *ut diligere Deum, incipiant velut justitiae fontem*. Ex August. [2] etiam cit. *poenitentiam veram non facit nisi odium peccati, & amor Dei*. Item, *sine amore nemo unquam gratiam invenit*; sed hæc non possunt rectè intelligi, nisi de amore formali; ergo &c.

Resp. nego utramque min. tum quia initium illud dilectionis non est vera charitas, nec facit perfectam contritionem justificantem extra sacramentum; tum quia Augustino sufficeret amor virtualis; tum quia loquitur de contritione perfecta regulariter, & non in rigore scholastico, & in aliquo casu extraordinario.

Inst. Concilium [3] apertè docet contritionem, quæ justificat extra sacramentum, debere esse charitate perfectam; sed non potest esse talis sine charitate formali; ergo &c. Major patet in textu.

Resp. nego min. absolutè; nam licet regulariter adsit charitas formalis in tali contritione; tamen Concilium non negat, quin illa perfectio ex charitate virtuali, & implicita sufficiat.

Inst. 2. ex Scriptura, nemo justificatur sine charitate; ergo vel contritio perfecta non justificat per se, vel includit necessariò charitatem formalem. Prob. ant. dicit enim Joannes: *qui non diligit, manet in morte*, sc. peccati. Et Apostolus: *sine charitate nihil sum*, &c. ergo &c.

Resp. dist. ant. sine charitate actuali, aut habituali explicita, vel virtuali, & implicita, con. sine formali, & explicita, nego ant. & conf. prob. nam Scriptura loquitur de charitate habituali, aut actuali formali, aut virtuali; & maxime cum urgent præcepta ejus; vel de habituali, sine qua sumus in peccato.

Objic. 3.

[1] ff. 6. c. 6. [2] ser. 7. temp. [3] ff. 14. c. 4.

Objic. 2. perfecta contritio, ut justificet, debet esse vera conversio ad Deum: sed conversio non potest esse vera sine formali charitate; ergo &c. Prob. min. avertimur à Deo per formalem conversionem ad creaturam, quæ est formale peccati; ergo non convertimur verè sine formali amore Dei.

Resp. neg. min. & ant. imò sicut peccatum non est formale odium Dei, sed implicitum, & indirectum; saltem ordinariè: ita est in pœnitentia, & conversione, in qua sufficit implicitus amor Dei. Avertimur à Deo per simplicem inobedientiam, in qua non est formale odium; sic convertimur per obedientiam, & odium peccati, prout est offensa Dei.

Inst. sine amore formali non potest pœnitens reconciliari Deo; ergo requiritur amor formalis in contritione justificante. Probatur ant. ex August. cit.

Resp. neg. ant. & conf. prob. nam ad hoc sufficit amor virtualis; nec alium requirit Augustinus, saltem necessariò: volumus enim formalem, quantum fieri potest.

Objic. 3. Scotus docet, per pœnitentiam non dari gratiã, nisi sit totaliter circumstantionata circumstantiis moralibus debitis: sed non potest esse sic circumstantionata sine amore Dei formali, in hoc enim est circumstantia principalis, sc. circumstantia finis ultimi; ergo, &c.

Resp. neg. ant. id enim non erat intentum Scoti, alioqui diceret veram pœnitentiam non posse esse informem, & infructuosam, quia omnis actus virtutis debet esse integrè circumstantionatus. At in mente Scoti idem actus pœnitentiæ, qui est formatus ex gratia, potest esse informis: ut patet ibidem, loquitur ergo de circumstantiis spectantibus ad finem specialem singularum virtutum, & non excludit intentionem finis ultimi implicitam, & virtualem, qualis est amor implicitus, & virtualis in contritione, de qua loquimur.

Porro supponimus perfectam hanc contritionem, prout distinguitur ab attritione esse per se recôciliativam cum Deo, & remissivam peccati. De quo infra.

Quæres, *An contritio consistat potius in dolore, quàm in odio peccati.*

Resp,

Resp. dolorem propriè esse passionem causatam ex odio, & detestatione peccati commissi, & non est in potestate pœnitentis. Ideò definimus contritionem per odium, & detestationem potius, quàm per dolorem, Hoc sensu dolor non potest esse de essentia contritionis, quæ est actus liber voluntatis.

Si verò sumatur pro actu displicentiæ de peccato commisso, ut sumitur à multis, sic satis coincidit cum odio, & detestatione, & pertinet ad essentiam contritionis, nec in hoc immorandum, cum sit lis de nomine.

Idem, & eodem modo dicendum de tristitia, quæ etiam sumi potest activè, & passivè, sc. pro passione appetitus sensitivi: Et hæc quidem aliquando sequitur ex detestatione ferventi, sed non semper, ut docet Scotus cit. [1] Quidam enim sunt faciliores, quidam duriores ad tristandum, & hi etiam cum maxima detestatione peccati non sentiunt tristitiam, nec dolorē.

Q U Æ S T I O I I.

De conditionibus perfectæ contritionis.

JAm diximus de odio peccati commissi, quod est actus principalis pœnitentiæ, & per consequens contritionis; constat, quod debet esse 1. de omnibus peccatis singulatim, aut generaliter. 2. debet esse formale, quantum fieri potest, licet sufficere possit virtuale contentum in amore Dei. 3. summum, saltem appretiativè, licet sit remissum intensivè, & gradualiter. 4. non requirit determinatam durationem. Hæc autem dicta sint etiam pro contritione, etiam perfectæ, quæ consistit essentialiter in tali odio, & ideò exigit easdem conditiones.

Constat etiam ex quæstione præcedenti, quod hæc contritio debet elici, aut imperari à charitate, saltem implicita, & virtuali.

Restant aliqua examinanda de tristitia, & dolore sensitivo; an sc. odium peccati in contritione debeat causare dolorem, & tristitiam in sensibus, v. g. gemitus, suspiria, lacrymas, & similes affectus, & signa externa doloris interni. An includat necessariò pro-

[1] *Ibid.* S. 18.

94 *De attritione, & Contritione*
positum non peccandi amplius? Et quale istud esse de-
beat. An propositum confitendi? Denique an exi-
gat statum gratiæ?

CONCLUSIO I.

Contritio vera non requirit necessariò dolorem, seu
tristitiam sensibilem, benè verò spirituales. Est
communis.

Prob. 1. ex Scoto. [1] Nam licet tristitia sit passio, ta-
men imperare eam est actus tristitia nec est actus
virtutis pœnitentiæ, sed effectus remotus. Et superius
dixerat, quòd intellectus quandoque conformatur parti
sensitivæ in nobis, ita & appetitus intellectus appe-
titui sensitivo, quantum est ad faciliter condelectari, &
tristari. Cujus ergo appetitus sensitivus non est na-
tus tristari, vel dolere, ejus voluntas non faciliter
tristatur. Ex hoc sequitur, quod aliquis habet maxi-
mum actum pœnitentiæ primo modo, & tamen nul-
lum effectum, vel modicum, sc. nullam tristitiam,
vel modicam; ergo ex Scoto pœnitentia potest sine
dolore, & tristitia esse.

Prob. 2. ex Concil. Trident. in quo definitur con-
tritio, animi dolor, ac detestatio: nam cum dicit
animi dolorem, satis ostendit eam non exigere dolo-
rem sensitivum, sed spirituales, & hoc commu-
ne est utrique, scilicet perfectæ, & imperfe-
ctæ.

Prob. 3. ex Script. quæ non requirit nisi pœniten-
tiam, & conversionem ex corde; sed hæc non im-
portant dolorem sensibilem, sed spirituales; ergo,
&c. Prob. antec. convertimini, & agite pœniten-
tiam, &c.

Confir. nam licet aliquando Scriptura, & Patres
loquantur de lacrymis, & gemitibus, numquam ta-
men significarunt se loqui de aliis, quàm de gemi-
tibus, & lacrymis cordis.

Confir. 2. nam ut dicebamus ex Scoto, dolor, &
tristitia sensibiles sunt passionibus, quæ resultant qui-
dem, vel imperantur ex odio, ac detestatione ani-
mi, sed non semper, & hoc fit naturaliter sine de-
pendentia voluntatis; ergo non sunt in potestate

no-

[1] d. 14. q. 2. S. T. V. a. n. 18.

nostra ; ergo nec de necessitate contritionis , quia hæc debet esse voluntaria .

Prob. specialiter de tristitia . Nam Concilia , nec Patres in explicatione , & conditionibus contritionis non loquuntur de tristitia ut necessaria , ut patet legenti ; ergo &c.

Objic.1. contritio est compunctio , sic vocatur in Scriptura , & Patribus ; sed compunctio non est sine dolore sensibili , est enim passio afflictiva , qua pungimur , & affligimur ; ergo & contritio . Prob. ant. [1] *potasti nos vino compunctionis* . Et , *compunctum corde mortificare* : & , *dedisti ei spiritum compunctionis* , &c. Nam ibi est sermo de pœnitentia .

Resp. dist. maj. est compunctio activa , seu actus displicentiæ , ac detestationis mali commissi , con. compunctio passiva , seu passio doloris sensibilis , neg. maj. nam contritio est tantum actus , quo detestamur peccatum commissum , ex qua detestatione sequitur quidam dolor in anima , qui aliquando transit in sensum , sed non semper .

Inst. gaudere , & lætari est mera passio ; ergo & dolere , ac tristari ; ergo cum contritio dicitur dolor , & tristitia , significatur eam esse passionem . Ant. patet ex communi usu loquendi : cum enim dico , *doleo* , significo , me aliquid pati , & cruciari ; sicut cum dico , *gaudeo* , significo me sentire solatium , non autem me agere .

Resp. neg. ant. absolute , & prob. ejus ; nam sæpe *gaudeo* significat actum approbationis rei factæ , aut præsentis : sicut & *doleo* significat me illam reprobare , & detestari . Fateor etiam sæpius significari passiones ex illis actibus sequentes , quod etiam sæpè accidit in pœnitentia , in qua de peccato dolemus , & de dolore gaudemus ; sed istud gaudium reflexum est potius actio , quam passio .

Objic.2. Deus exigit in pœnitentibus conversionem [2] *in jejunio* , & *fletu* . Item , [3] *plangam* , & *ululabo* , & *faciam planctum* . Item , [4] *filia populi mei accingere cilicio in luctum unigeniti* , *fac tibi planctum amarum* ; sed hæc indicant passionem sensibiles ; ergo &c.

Resp.

[1] Ps. 54. & 198. [2] Joel. 2. [3] Mich. 1.

[4] Ezech. 1.

Resp. neg. min. nam licet in his, & similibus textibus videantur exigí passiones, & signa externa doloris, & luctus, & aliquando justè exigantur in peccatoribus publicis, & in exemplum; tamen ordinariè, & in sensu vero Scripturæ, & Patrum significant dolores internos cordium, non sensuum.

Igitur concedimus, quod ordinariè quidem, & in viris perfectis, quibus cor tenerum est, contritio causat dolorem, & tristitiam in appetitu sensitivo, maximè ex dono Dei, quod dicitur *lacrymarum*; sed hoc non est necessarium ad veram, & perfectam contritionem.

CONCLUSIO II.

Contritio perfecta non procedit necessariò ex gratia, & charitate habituali; sed ad eam disponit, eamque præcedit vel tempore, vel natura. Est communior contra authorè [1] libri de contritione necessaria. Qui vult, quod contritio sit, [2] quasi sequela, seu effectus primæ gratiæ, quæ reddit nos gratos Deo. v.c.8. §. 2. de attrit. sufficienti. Est etiam contra Lutherum, & alios hæreticos, docentes gratiam infundi non intuitu contritionis, sed solius fidei.

Prob. 1. ex Scoto [3] quatenus juxta modum loquendi Theologorum sui temporis videtur docere pœnitentiam omnem, quæ præcedit infusionem gratiæ, dici attritionem, illam verò, quæ est cum infusione gratiæ, dici contritionem, tamen agnoscit aliquam attritionem, seu detestationem peccati, quæ est perfectè circumstantionata circumstantiis moralibus debitis, & quod iste motus detestationis dicitur attritio, & est dispositio, siue meritum de congruo ad deletionem peccati mortalis, quæ sequitur in ultimo instanti alicujus temporis, &c. Unde actus, qui est contritio, in eodè instanti temporis præcedit naturam deletionem, licet ut contritio, id. ut formatus sequatur deletionem ordine nature; ergo ex Scoto contritio, de qua loquimur, id. pœnitentia perfecta, quæ disponit ad gratiam justificationis, non procedit necessariò ex gratia, & charitate habituali.

Prob.

[1] pag. 36. [2] pag. 119.

[3] d. 14. q. 2. N. 25.

Prob. 2. ex Concil. Trident. [1] quod ponit pœnitentiam, & initium dilectionis Dei inter dispositiones ad gratiam justificationis, & addit, quod *hanc dispositionem sequitur justificatio per voluntariam gratiæ suspensionem*. Et infra docet, quod contritionis motus fuit necessarius quovis tempore ad impetrandam veniam peccatorum; ergo ex Concilio, contritio præcedit saltem naturam infusionem gratiæ habituales, sicut causa præcedit effectum. Et infra docet, quod præter influxum charitatis in contritione perfecta requiritur votum sacramenti, ut infundatur gratia sanctificans; ergo hæc non præcedit, sed sequitur actum veræ contritionis.

Prob. 3. nam ex omnium Theologorum hujus temporis sensu per contritionem perfectam intelligitur illa, quæ per se disponit ad gratiam habituales: sed omnis dispositio præcedit tempore, aut saltem naturam formam, ad quam disponit; ergo &c.

Confir. ex Script. & Patribus sæpe cit. nam ubique prærequirunt pœnitentiam, seu contritionem ante remissionem peccati, & infusionem gratiæ; ergo hæc non præcedit necessario contritionem, sed eam sequitur.

Dixi autem, *non præcedit necessario*. Nam sæpe justiores eliciunt actus perfectissimæ contritionis, quæ tunc procedit ex gratia habituali, quam habent, & est meritoria de condigno ulterioris gratiæ. Loquimur autem de contritione præparante ad justificationem, seu ad primam gratiam.

Objic. 1. Contritio, ex Scoto, [2] est actus concomitans gratiæ, seu formatus gratia; ergo gratia est causa contritionis, & illam præcedit necessario. Prob. ant. *idem motus, qui prius fuerat attritio, in illo instanti fit contritio, quia in illo instanti fit concomitans gratiæ*.

Resp. dist. antec. actus concomitans, seu formatus gratia, ad quam disponit, & ut forma comitatur dispositiones proximas suas, conc. concomitans, ut posterior gratia, neg. antec. & conf. prob. nam Scotus loquitur de prima concomitantia, non de secunda, ut patet ex ipso textu. Nam inquit, *actus, qui est contritio, præcedit naturam deletionem in eodem*
Tom. VIII. E in-

[1] ss. 6. c. 6. et 7. [2] Ibid. 0 16.

98 *De attritione, & contritione*

instanti temporis. Sub diverso igitur respectu contritio præcedit, & sequitur gratiam, præcedit, ut causa dispositiva: sequitur, ut actus informatus, & sanctus.

Inst. nisi gratia præcederet, homo præpararet se ad gratiam ex puris naturalibus sine auxilio gratiæ: sed hoc est erroneum, & pelagianum; ergo &c. Prob. maj. nam illa contritio, ut præcedens, esset purè naturalis.

Resp. neg. maj. & dist. ant. sine auxilio gratiæ habitualis: con. gratiæ actualis, aut excitantis, & adjuvantis: neg. ant. nec enim prætendit Ecclesia, quod ad veram contritionem disponentem ad gratiam iustificantem prærequiratur hæc gratia: nec in hoc errabant pelagiani, sed vult Ecclesia, quod ad talem penitentiam necessaria sit gratia excitans, & adjuvans supernaturalis.

Objic. 2. ex Script. & Patribus [1] docemur peccata non dimitti nisi per charitatē; ergo charitas præcedit in nobis remissionem peccatorum, & causas ejus; ergo & contritionem. Prob. ant. nam *charitas operis multitudinem peccatorum*. Et Magdalene, *dimittuntur peccata multa, quoniam dilexit multum*. Et August. *qui separatur a Deo (per peccatum) dilectione redit in Deū*. Et Conc. Arausi. docet nos non posse diligere Deū, nec penitere ex amore Dei sine ipso amore Dei, sed *donū Dei esse diligere Deū, quia ipse dedit nobis, ut eū diligeremus*. Et denique, *cū amat nos, infundendo gratiam, nihil aliud intendit, quā ut ipsum diligamus*; ergo infusio charitatis, & gratiæ præcedit actum contritionis, & illam format.

Resp. dist. ant. per charitatem, ut per causam formalem: con. ut causam dispositivam: neg. ant. & sic intelligendi sunt textus Scripturæ, & Patrum: & maxime loquuntur de charitate actuali; ex qua imperatur contritio, ut contigit Magdalene. Idem intendit Concilium Arausicanum, & August. nam penitentia, seu contritio imperata ex charitate longè efficacior est, & perfectior.

CON-

[1] *de mor. Eccl. 12.*

CONCLUSIO III.

Contritio debet esse cum proposito formali non peccandi de cætero: in aliquo tamen casu sufficere posset virtuale, & implicitum. Est communis.

Prob. 1. ex Scoto dicente, [1] nequidem per sacramentum remitti peccatum; nisi peccator habeat aliqualem displicentiam de peccatis, & propositum cavendi de cætero, & velit recipere sacramentum. Et sic non solum in contritione perfecta, sed etiam in attritione exigit illud propositum. Pro 2. parte videtur facere, quod docet, si motus detestationis sit tantummodo carens aliqua circumstantia debita ex inconsideratione intellectus, vel omissione voluntatis, quantum ad illam circumstantiam, tunc dubium est, si disponat sufficienter ad iustitiam. Et alibi, [2] quotiescumque digne pœnitet, obligat se, saltem voto, ad non peccandum in posterum: quia sine tali proposito non est digna penitentia; ergo regulariter propositum istud debet esse formale, & explicitum; nisi inadvertentia excuset, & tunc posset sufficere virtuale, & implicitum.

Prob. 2. ex Triden. [3] nam in ipsa definitione contritionis ponit illud propositum non peccandi de cætero. Et declarat, contritionem hanc non solum continere cessationem à peccato, & vite novæ propositum, & inchoationem, &c. sed vite novæ propositum non potest esse sine proposito non peccandi amplius; ergo &c. Idem docuerat Concil. Florent. sub Eugenio IV. [4]

Prob. 3. ex Script. & Patribus; [5] nam illa jubet; *projicite à vobis iniquitates vestras*. Item, [6] *auferre malū cogitationū vestrarū, quiescite agere perversè. Itē, deponite veterē hominem*. Sed non projiciuntur iniquitates, nec quiescitur agere perversè; nec deponitur vetus homo, nec inducitur novus sine proposito firmo non peccandi; ergo &c. Idem docent SS. Patres, unde Gregor. definit pœnitentiam *præterita malā plangere, & plangenda iterum non admittere*, &c.

E 2

Prob.

[1] Ibid. q. 4. H 9. q. 2. N. 15. [2] d. 22. q. 1. M. & d. 17.

[3] ff. 14. c. 14. [4] Decret. Eng. n.

[5] Isa. 2. [6] Ephe. 4.

Prob. denique: nam odium veteris vitæ, & peccati non est perfectum sine proposito fugiendi peccata ejus; idem est de conversione ad Deum, scilicet non est perfecta, nec vera sine proposito illi deinceps constanter adharendi, & numquam ab eo divertendi; ergo &c.

Prob. 2. par. nam Concilium eodem modo loquitur de hoc proposito, & de odio peccati: sed potest suppleri detestatio, & odium peccati per actum amoris; ergo & propositum istud per detestationem ferventem, & perfectam ex motivo formali charitatis; maximè si pœnitens non cogitet de futuro, si ve ex inadvertentia, si ve ex defectu temporis. Prob. cons. eadem ratio obligat ad cavendum peccatum in futurum, & dolendum, ac detestandum præteritum; obligat, quantum est de se, ad vitanda futura, & id proponeret pœnitens, & promitteret eodem modo, & affectu, si cogitaret.

Confir. nam si quis de repente aggressus ab hoste, vel morbo correptus peccata sua ex toto corde, & ex sincero motivo charitatis detestaretur, non cogitans, nec habens tempus cogitandi de futuro, & in eo statu moreretur, damneretur defectu talis propositi formalis de non peccando in posterum; sed hoc est falsum, & inconveniens, & durum; ergo dari potest casus, in quo propositum virtuale, & implicitum sufficiat ad perfectam contritionem.

Confir. 2. ex Script. in qua legitur penitentia efficax, & fructuosa sine tali proposito explicito, & formali. Sic dicente David, *peccavi Domino*; statim audiuit: *Dominus transtulit peccatum tuum*. In his verbis nulla fit mentio explicita de promissione non peccandi amplius, & tamen in his tribus syllabis, *peccavi, flamma sacrificii coram Domino ascendit in Cælum*: ait August. [1]

Probat. 2. nam dolor de peccatis commissis propter offensam Dei summè dilecti virtualiter continet propositum numquam eum offendendi; ergo nisi voluntariè omittatur ille actus, sufficiet ille dolor ad veram contritionem. Prob. cons. nam ex natura rei, & quantum est ex se, dolor ille, qui

respi-

respicit peccata præterita, eodem affectu odii, & fugæ respiceret futura, si de illis cogitaretur: Nam illud odium, ex illo motivo, est indifferens ad futura, & præterita; separat enim absolutè cor ab affectu peccati, & illud unit Deo per amorem summum; ergo &c.

Dixi autem, ex *inadvertentia*, nam si pœnitens advertat, & cogitet de futuro, pœnitentia ejus non erit perfecta, nisi proponat emendationem; sed videbitur tacitè dispositus ad peccandum, cum venerit occasio; nec ad hoc habere se debet negativè; sicut qui agnoscens se reum quatuor peccatorum, detestaretur tria, & nihil diceret de quarto, censeretur adhuc illud amare.

Obiic. con. 1. p. nulla lex divina, aut naturalis præcipit tale propositum; ergo non debet asseri: nullum enim onus debet imponi sine aliqua lege naturali, aut positiva. Prob. ant. & 1. de positiva divina, quia nulloibi legitur. 2. de naturali, quia id peteretur ex natura detestationis, vel offensæ Dei: sed neutrum dici potest; ergo &c. Prob. min. 1. non ex natura detestationis; nam hæc nihil aliud petit nisi dolorem de peccato commisso, & amorem Dei offensi per illud: sed ad hoc non facit illud propositum formale: quia Deus non fuit offensus per peccatum possibile, aut futurum, sed per præteritum; ergo &c. 2. non ratione offensæ Dei; nam Deus non exigit dolorem, nec satisfactionem pro futuris, nec est pro illis offensus; ergo nec contritio respicit futura, nec Deus exigit, ut illa respiciat.

Resp. neg. ant. & 1. min. quoad utramque partem: nam, ut patet ex fundamentis conclusionis, Scriptura, & Concilia præcipiunt illud propositum, & natura ipsius pœnitentiæ, & peccati hoc requirit: si enim peccata commissa obligant ad pœnitentiam ex lege tam positiva divina, quam naturali; ita & ad vitanda futura: id recta ratio dicat, maximè cum pœnitens cogitat de illis.

Obiic. 1. con. 2. si propositum virtuale sufficeret, Concilia non deberent illud expressè præcipere; superflueret ejus mentio: sed cons. est falsum; ergo & ant. prob. maj. sufficeret præcipere detestationem peccati, vel amorem Dei, quia utrumque contineret.

102 *De attritione, & contritione*
implicitè, & virtualiter illud propositum, & hoc
sufficeret ad remissionem peccati; ergo frustra sic
præciperetur.

Resp. neg. maj. & conf. prob. nam Concilia loquun-
tur expressè de hoc proposito, sicut de aliis multis,
ut melius doceant fideles de iis, quæ regulariter fieri
debent ad litteram, & explicitè, ut in hac quæstione,
quod fateri debent adversarii, qui fatentur votum
sacramenti posse suppleri, & contineri virtualiter in
contritione. Et tamen Concilium illud expressè præ-
cipit; ergo ita est de hoc proposito, licet illud præci-
piat expressis verbis.

Inst. ut sufficeret propositum virtuale, deberet con-
tineri virtualiter in ipsa detestatione peccati, vel in
amore Dei; sed neutrum dici potest; ergo &c. Prob.
min. illud propositum est decretum voluntatis, quo
statuit non amplius peccare: & si continetur virtuali-
ter in illa detestatione, vel amore, debet necessariò
sequi ex illis; sed istud decretum non ita sequitur ex
illis actibus; ergo &c.

Resp. neg. utramque min. nam hoc ipso, quod a-
mo Deum summè, & quod summè detestor omnem
ejus offensam, censeor illum amare sine limitatione
temporis, & similiter odisse peccatum pio semper:
motiva enim tam amoris illius, quàm detestationis ur-
gent pro semper.

Inst. 2. vota confitendi, & satisfaciendi, quæ præ-
cipiuntur, debent esse formalia: nec sufficiunt virtua-
lia; ergo & istud propositum, quod eodem modo
præcipitur. Probat. anteced. quia Concilium decla-
rat per contritionem, *sine voto recipiendi sacra-
mentum, & præstandi reliqua*, hominem non recon-
ciliari.

Resp. neg. 1. ant. & 2. conf. nam ut diximus de baptis-
mo, & iterum dicemus de hoc sacramento, suffice-
re potest votum virtuale, si sic continetur in aliquo a-
lio actu formali ejus, & quando non adesset talis ac-
tus, adhuc dici deberet de hoc proposito, quia ma-
gis naturaliter continetur in odio perfecto peccati,
& amore Dei, nisi ex contemptu, & voluntariè ne-
gligatur.

Objic. 2. finis principalis poenitentiae est emendatio
vitæ; ergo hæc debet principaliter intendi; sed non
potest

potest sic intendi sine proposito formali; ergo &c. Prob. subf. quia hæc intentio non continetur virtualiter in aliis actibus pœnitentiæ; quia isti sunt aliquo modo posteriores, & quasi media electa ex illa intentione. ergo &c.

Resp. neg. maj. nam finis principalis, & immediatus pœnitentiæ est punitio, & deletio peccati præteriti, saltem hæc intenditur æquè primò, ac illa emendatio, & sic neutra est prior.

Inst. finis principalis pœnitentiæ est recessus à malo, & conversio ad bonum oppositum; sed neutrum esse potest sine proposito formali non peccandi; ergo istud debet adesse formaliter, & explicitè.

Resp. neg. min. nam sicut recessus à termino à quo, est accessus ad terminum ad quem, maximè in iis, quæ non admittunt medium, & indifferentiam, sic detestatio perfecta peccati præteriti includit accessum, & conversionem ad bonum oppositum, non tam pro præterito, pro quo non est possibilis, sed maximè pro præsentis, & futuro, & iste accessus sequitur ex illa detestatione naturaliter, nisi adsit voluntas contraria explicita, vel interpretativa.

Instab. Contritio perfecta includit amorem Dei super omnia; sed hic amor nequit esse perfectus sine proposito formali de isto non offendendo; ergo &c.

Respond. 1. dist. maj. amorem formalem, aut virtualem, con. formalem semper, neg. maj. ut patet ex dictis.

Resp. 2. neg. min. nam etiam illud propositum non offendendi Deum summè amatum continetur, & sequitur ex illo amore, ut effectus ex causa sua naturali.

Porro hæc pars conclusionis de sufficientia propositi virtualis non peccandi amplius vera est præcipuè in contritione perfecta, quia melius continetur in affectu, & motivo charitatis, quæ in ea includitur; non autem in attritione, si est sine omni motivo charitatis. Ideò Concilium videtur specialiter cavere, ut attritio ex metu gehennæ, vel ex consideratione turpitudinis peccati *voluntatem peccandi excludat*. Certè contritio non est fructuosa nec in sacramento, neque extra illud, nisi voluntatem illam excludat per propositum illud non amplius peccandi,

quod regulariter debet esse explicitum, quantum fieri potest, alioqui pœnitentia erit imperfecta, & inefficax, nisi ignorantia, vel inadvertentia, vel urgentia temporis excuset, in quo casu perfectio odii, & doloris de peccato, vel amoris Dei supplebit ejus defectum.

CONCLUSIO IV.

UT contritio quantumvis perfecta justificet extra sacramentum, necessarium est votum explicitum, et formale confitendi: per accidens tamen sufficere posset implicitum, et virtuale. Est etiam communior.

Prob. 1. ex Scoto. [1] Dico, quod illa contritio habet propositum, seu promissionem confessionis secuturæ, & sic non deletur peccatum sine proposito confitendi.

Prob. 2. ex Concil. Trident. cit. [2] dum declarat, quod, et si contritionem hanc charitatem perfectam esse contingat, hominemque Deo reconciliare, priusquam hoc sacramentum actu suscipiatur, ipsam nihilominus reconciliationem ipsi contritioni, sine sacramenti voto, quod in ea includitur, non esse adscribendam. Et antea docuerat de peccatis post baptismum, sc. eorum [3] pœnitentiam continere non modo cessationem à peccatis, et eorum detestationem, aut cor contritum, et humiliatum, verum etiam eorundem confessionem, saltem in voto, et suo tempore faciendam, et sacerdotalem absolutionem; ergo in contritione etiam perfectissima requiritur propositum confitendi, & quidem explicitum, quantum fieri potest: nam idem est de hoc actu, ac de aliis, qui debent pariter esse expliciti regulariter.

Prob. 3. ex eodem Scoto: nam si peccata post baptismum commissa possent remitti sine sacramento isto, saltem in voto, & per solam contritionem, frustra illud fuisset institutum: nam sufficeret de peccato dolere ex amore Dei sine ulla mentione sacramenti.

Prob.

[1] d. 17. X. 30. [2] ss. 14. c. 4.

[3] ss. 6. c. 14.

Prob. 2. p. nam possibiles sunt aliqui casus, in quibus poenitens excusaretur ab hoc actu explicito, & suppleretur per alios in contritione contentos, aut comitantes, v. g. defectu advertentiæ, aut instructionis, aut ex ignorantia inculpabili; ergo &c. Prob. ant. nam congruit divinæ misericordiæ, ut attenda infirmitate nostra, facienti, quod in se est, non denegat gratiam: sed in prædictis casibus homo faceret, quod in se est, ex auxilio gratiæ, & ex fide, & ex aliis principiis requisitis; ergo &c.

Objic. 1. con. 1. par. non constat ex Scriptura de necessitate talis propositi, nec fuit necessarium in legibus naturæ, & Moyse, ut patet, nec invenitur in novo testamento; ergo gratis asseritur. Prob. conf. quia non debent sine gravi necessitate imponi onera nova fidelibus, & contritio non debet habere hodie minorem efficaciam, quàm olim, cum sit eadem; ergo &c.

Resp. neg. 1. ant. & 2. conf. nam sufficit, quòd Ecclesia semper agnoverit eam necessitatem, sic edocta à Christo per Apostolos. Imò & id colligitur ex institutione huius sacramenti, ex qua patet, quòd in lege Evangelica Deus noluit aliter peccata remittere, quàm per illud in re, vel in voto.

Inst. sine tali voto, contritio non desinit esse contritio, & eadem, quæ fuit in veteri lege; ergo eandem habet efficaciam. Prob. conf. nam *idem manens idem semper natum est facere idem*.

Resp. dist. ant. est contritio quoad aliqua, con. quoad omnia, neg. ant. nam istud votum est pars illius, & id non erat ante legem Evangelicam, & ante institutionem huius sacramenti.

Objic. con. 2. par. Concilium dicit votum sacramenti includi in contritione perfecta: sed illa inclusio non est purè virtualis; ergo debet esse explicita. Prob. min. si implicite solum contineretur, id esset vel in odio peccati, vel amore Dei, vel in proposito generali servandi præcepta; sed in his non continetur sufficienter; ergo &c. Prob. min. 1. odium idem est in attritione; sed ista non sufficit sine sacramento; ergo &c. 2. Amor Dei erat idem in contritione Patriarchatum, & Judæorum, in quo non continebatur illud votum 3. Propositum gene-

rale servandi mandata, aut non peccandi non magis respicit confessionem, quàm quodvis aliud mandatum, verb. grat. quàm præceptum non furandi, &c.

Resp. dist. 1. min. non debet esse purè virtualis regulariter, & quantum fieri potest: con. absolute, & simpliciter, ita ut numquam sufficiat: neg. min. & ad 2. dico illud votum contineri in proposito, & dispositione poenitentis faciendi omnia requisita ad gratiam consequendam; inter quæ adest votum contritendi.

Q U Æ S T I O III.

De attritione; an, & quid sit.

JAm diximus attritionem esse alium actum poenitentiae, & aliam speciem contritionis, quæ dicitur imperfecta, non in sua specie, sed respectu præcedentis, quatenus non includit actus tam nobiles, nec proximè disponit ad gratiam sanctificantem.

Potro dari talem attritionem fatentur omnes, & constat ex Concil. Trident. & omnium Theologorum consensu. Quippe antiquiores Scholastici sic vocabant omnem poenitentiam, quæ præcedit gratiæ sanctificantis infusionem, ut notavimus. Restat videre, quid illa sit secundum se, & in se.

C O N C L U S I O.

Attitio est actus virtutis poenitentiae, quo detestamur peccatum intuitu ejus turpitudinis, vel poenarum, quibus subjacet, aut ex alio motivo honesto in se Deum.

Prob. posset ex Scoto, qui poenitenti suggerit plura motiva, quorum aliqua causare possunt contritionem perfectam, alia imperfectam, seu attritionem. Primi generis sunt, si consideretur peccatum, ut offensivum Dei, & aversivum à Deo. 2. generis, sit consideretur, ut impeditivum præmii, & inductivum supplicii, aut contra legem Dei; sed ut verum fatear, in
Scot.

Scoti mente, [1] illa motiva non faciunt nisi attritionem, donec infundatur gratia sanctificans, per quam illa attritio formetur, & fiat contritio. Et idem est de aliis Theologis sui temporis.

Prob. 1. ex Concil. Trid. dicente, [2] illam contritionem imperfectam, quæ attritio dicitur, quia vel ex turpitudinis peccati consideratione, vel ex gehennæ, & penarum metu communiter concipitur, &c. Et infra definiens hujus actus utilitatem docet eam elici ponderando gravitatem, sæditatem, multitudinem (peccatorum) amissionem eternæ beatitudinis, et eternæ damnationis incursum; ergo hic habes totam conclusionem, sc. existentiam, & essentiam hujus penitentiae: nam Concilium vocat eam nomine contritionis, licet dicat eam imperfectam respectu alterius speciei, licet in sua specie sit perfecta.

Prob. 3. nam sic benè explicatur natura hujus penitentiae per genus, & differentiam juxta sensum Ecclesiae, ut patet ex singulis particulis.

Dicitur 1. *actus penitentiae virtutis*. Nam habet idem objectum, & finem cum penitentia virtute; sc. respicit peccatum ut punibile, & destruibile. 2. *quod desestamur peccatum commissum*, & hoc iterum ponitur loco generis, per quod convenit cum perfecta contritione, quæ est altera species ejusdem virtutis. 3. Cætera ponuntur loco differentiae, per quam distinguitur à contritione.

Con. nam aliæ definitiones attritionis, quas afferunt Theologi, vel coincidunt cum ista, vel eam supponunt, ut cum dicitur *actus penitentiae imperfectior*, vel minùs benè assignantur: nam actus veræ virtutis, ut virtus est, debet esse quid perfectum, quia virtus est *dispositio perfecti ad optimum*; ergo Attritio, ut actus penitentiae, debet esse perfecta in sua specie, prout distincta à contritione. 2. Quia licet dicatur imperfecta comparative ad contritionem; hoc venit ex principiis, seu motivis ejus intrinsicis, quæ sunt ignobiliora, & sic melius definitur per illa.

Confr. 2. contra eos, qui illam definiunt à posteriori, seu ab effectu, dicentes eam esse actum, qui non disponit proximè ad justificationem extra sacramentum: nam non solent benè definiri naturæ re-

E 6.

rum.

[1] d. 14. q. 2. N. 15. [2] S. 1. c. 4.

rum ab effectibus, si possint explicari per constitutiva intrinseca, & essentialia. Quod autem non sufficiat sine sacramento, venit ab entitate ejus, quæ in se debet considerari, priusquam in effectibus, ut scias, quare non sic sufficiat, ut contritio.

Confir. 3. contra illos, qui dicunt eam esse dolorem remissum de peccatis, vel parum durantem: nam, ut patet ex dictis, intensio gradualis, nec duratio non sunt conditiones essentielles pœnitentiæ. Item dolor de peccato ex timore pœnarum potest, imo solet esse intensior, & diuturnior, quàm ex amore Dei, nec tamen evadet contritio per ullam talem intensiorem, aut durationem.

Confir. 4. contra eos, qui dicunt eam dolorem naturalem de peccato: nam ut attritio sufficiat cum sacramento ad gratiam, debet esse ex principiis supernaturalibus fidei, & spei, & gratiæ excitantis, ac juvantis, ut definit Concilium. [1]

Objic. 1. odium peccati non magis pertinet ad pœnitentiam, quàm ad alias virtutes; ergo vel non bene definitur attritio ex illo motivo, vel non est actus pœnitentiæ. Prob. ant. singulæ virtutes detestantur peccata sibi opposita propter eorum deformitatem, seu turpitudinem, quia hæc nihil aliud est, quàm privatio honestatis, quæ est in actibus virtutum; ergo, &c.

Resp. ex dictis, neg. 1. ant. & dist. 2. propter turpitudinem ex fine sibi proprio, con. ex fine puniendi talem turpitudinem in ipso peccante, neg. 2. ant. & conf. prob. nam motivum istud est proprium soli attritioni pœnitentiali.

Objic. 2. timor servilis non pertinet ad virtutem: sed dolor peccati ex metu pœnarum est ex timore servili; ergo non est actus pœnitentiæ virtutis.

Resp. neg. maj. & patebit per quæstionem sequentem.

Q U Æ S T I O . IV.

An, & per quid differant contritio, & attritio.

IN multis conveniunt hi duo actus. 1. uterque est dolor, & detestatio de peccato commissio. 2. uterque includit, vel annexum habet propositum non peccandi amplius. 3. uterque est secundum Deum, seu cum aliquo respectu ad Deum ut finem, vel objectum, & convertit ad Deum sub diverso respectu; loquor enim de contritione, & attritione christiana. 4. uterque est supernaturalis. 5. uterque tendit ad obtinendam remissionem peccati per sacramentum in re, vel in voto.

Differunt etiam in multis. 1. ex principiis: nam contritio procedit ex charitate imperativè, aut elicitivè simul, & à poenitentia; attritio ex poenitentia, & ex spe veniæ, & timore poenæ, vel odio, & horrore infamiæ ob turpitudinem peccati. 2. ex effectibus: nam contritio disponit proximè ad gratiam remissionis etiam extra sacramentum actu susceptum; attritio verò non nisi in sacramento. 3. ex motivis: illa movetur ex summo amore charitatis in Deum, ista ex amore concupiscentiæ, ne se poenitens privetur gloria, & ne puniatur poenis inferni. Quærimus ergo, an propter ista differant essentialiter, & quænam sit earum differentia propria, & essentialis.

C O N C L U S I O . I:

Contritio, & attritio differunt essentialiter. Est communior.

Hanc non probbo ex Scoto, [1] quia, ut sæpe diximus, videtur docere eundem actum, qui est attritio, fieri contritionem, adveniente gratia. Nam, si manet idem motus contra peccatum in esse naturæ, & moris, qui prius fuit attritio, in illo instanti fit contritio. Et sic attritio, & contritio non videntur distingui intrinsecè, ex mente Theologorum illius temporis, sed nunc aliter loquuntur. Sed tamen Doctor [2] aliam differentiam videtur admittere inter illos actus, cum

dicit,

[1] Ibid. M. & Q. 15, & 16. [2] d. 16 q. 1. E. 6. d. 17. q. 1. R.

110 De attritione, & confessione

dicat, quod *absolutio non est utilis, nisi precedat in-*
consistente contritio, vel attritio; & quod *in consistente*
necessaria est contritio, vel attritio; nam sic indicat ad-
 esse aliquam differentiam inherenteam inter illas, &
 quod ante sacramentum, & ante infusionem gratiæ
 jam differunt.

Prob. 1. habent motiva formalia essentialiter diver-
 sa; ergo sunt actus pariter diversi: actus enim speci-
 fificantur à motivis. Prob. ant. attritio concipitur ex
 motivo turpitudinis peccati, vel timoris gehennæ,
 contritio verò ex motivo amoris Dei super omnia, &
 in se; sed hæc sunt essentialiter diversa; ergo &c.

Objic. si differrent essentialiter, numquam attritio
 fieri posset contritio; sed hoc est falsum, & contra
 Scotum, & antiquos Theologos; ergo &c.

Resp. dist. maj. non posset fieri contritio quoad ef-
 fectum, & rationem specificam, conc. quoad effe-
 ctum, & in sensu Scoti, & aliorum, neg. maj. &
 min. nam Scotus, nec alii Theologi numquam do-
 cuerunt actum pœnitentiæ, quem hodie dicimus at-
 tritionem, posse fieri contritionem in eodem sensu
 sine sui mutatione essentiali; sed tantum quoad effe-
 ctum, & quoad extrinseca, ut diximus, quatenus
 per adventum gratiæ in sacramento attritio infor-
 matur, & fit contritio quantum ad hoc.

CONCLUSIO II

Contritionis, et attritionis differentia essentialis non
 petitur ex majori, vel minori intensiōe, vel du-
 ratione; nec 2. ex naturalitate, et supernaturalitate;
 nec 3. ex extensione odii ad mala culpæ, aut pænæ; nec
 4. ex proposito non peccandi, vel defectu ejus; nec 5. ex
 gratia informante.

Prob. 1. tota conclusio ex Concilio Trident. cit. [1]
 quod nullam ex his differentiis assignat inter istos a-
 ctus, sed unicè illos distinguit ex motivis charitatis,
 quo perficitur contritio, & turpitudinis peccati, vel
 timoris pœnarum, ex quo elicitur attritio; ergo non
 differunt essentialiter ex illis aliis capitibus.

Dico, *essentialiter*. Non enim negamus, quin ali-
 quo modo differant, v. gr. accidentaliter, aut à po-
 ste-

teriori ex aliquo ex illis capitibus, sed loquimur de differentia intrinseca, & essentiali.

Prob. 1. p. ex dictis supra de odio peccati, scil. quod ad sufficientiam non requiratur in eo ulla determinata intensio, vel duratio; ergo hinc non possunt differre essentialiter.

Prob. 2. nam detestatio peccati ex timore pœnæ potest esse maxima, & durare per dies integros, & tamen numquam evadet contritio perfecta, nec justificabit sine sacramento; & vicissim actus pœnitentiæ ex motivo veræ charitatis, licet in gradu remisso, & parum durans, erit contritio perfecta, & justificabit cum voto solo sacramenti; ergo differentia essentialis illorum actuum non petitur ex intensione graduatâ, neque ex duratione præcisâ.

Prob. 2. p. 1. Attritio non potest disponere ad gratiam, nequidem cum sacramento, nisi sit supernaturalis, sc. ex fide; & spe; & auxilio gratiæ actualis, & supernaturalis; ergo utraque ejus differentia à contritione non venit ex supernaturalitate: nam utraque debet esse supernaturalis. Probant. ex Concilio Trid: [1] quod definit hominem non posse penitere, sicut oportet, ut ei gratia justificationis conferatur sine Spiritus S. adjutorio, et justificatione, alioqui erraretur cum Pelagio.

Prob. 3. p. de extensione, quasi verò contritio extendatur ad omnia peccata, non autem attritio, aut ista non doleat de peccato super omnia alia mala, aut doleat propter pœnam, & non propter culpam, sed in his potius conveniunt; ergo earum differentia non venit inde. Prob. min. nam ex dictis de odio, istud debet necessario extendi ad omnia peccata commissa, saltem in universali, & odisse peccatum super omnia alia mala; est enim de peccato, quod est offensa Dei, & contra legem Dei, ex quo fit, ut sit summum malum, saltem appetitativè, ut dictum est.

Prob. 4. p. de proposito: nam patet ex eodem Concilio, [2] quod illud propositum est essentialiter contritioni in genere, seu prout est genus ad perfectam, & imperfectam; & in specie attritio debet excludere voluntatem peccandi; ergo hæc debet includere propositum non peccandi amplius, æquè ac contritio.

Con-

[1] Sess. 6 can. 3, [2] Sess. 14 c. 4 d. 14. 9. 4.

112 De attritione, & contritione

Confr. ex Scoto : *Per penitentiae sacramentum non deletur peccatum, nisi (peccator) habeat aliqualem displicentiam de peccatis, & propositum cavendi de cætero, &c.*

Prob. 5. p. de Gratia; nam quòd contritio perfecta causet gratiam extra sacramentum, & per se, non autem attritio, id venit vel ex parte Dei, & ex ejus mera voluntate, vel ex dispositione sufficienti, vel insufficienti ex parte hominis. 1. non ex parte Dei, quia non est acceptor personarum, ut æqualiter dispositis non det æquales gratias. Si ex dispositione, habetur intentum: nam sequitur, quod contritio sufficienter disponit ad gratiam per se, & extra sacramentum, non autem attritio; ergo inter se differunt per aliquid prius, & magis intrinsecum, quàm per solam gratiam, quæ est effectus contritionis.

Dico, per solam gratiam; non enim negamus, quin per hoc differant, sed hæc differentia est extrinseca, & à posteriori, & ab effectu, & sic recurrendum est ad causam priorem, qua fit, ut contritio causet gratiam per se, & extra sacramentum, non autem attritio; & hæc causa erit differentia earum intrinseca, & à priori.

Obje. con. 1. p. Non potest dici, cur attritio sit imperfecta, nisi quia est remissior, & contritio intensior, quia perfectio, & imperfectio non potest esse nisi gradualis; ergo sic differunt.

Resp. neg. ant. Nam illa differentia esset ad summum accidentalis; & quærimus essentialem. 2. attritio ex metu gehennæ potest esse intensior amore Dei.

Inst. differentia essentialis actuum petitur ex fine, & objectis; sed hæc sunt eadem in attritione, & contritione; ergo non differunt essentialiter, sed accidentaliter ex intensione, vel duratione.

Resp. dist. maj. ex motivis, vel objectis, con. objectis, & fine tantum, neg. maj. & conf. nam hæc sunt diversa specie motiva, quod sufficit ad distinctionem specificam, ut patet de fide divina, & humana, quæ sunt de eisdem objecto, & fine, & ex solis motivis differunt.

Aliæ objectiones de intensione, & duratione solutæ sunt supra;

Obje. 1.

Objic. 1. con. 2. p. ex Scot. sæpe cit. attritio fit ex influentia naturali; ergo & ipsa est naturalis: nam supernaturalitas venit maximè ex influxu gratiæ supernaturalis.

Resp. ut supra, neg. ant. Nam Scotus nomine *influentiæ communis* intelligit auxilia gratiæ actualis, quibus Deus concurrit ad alios actus virtutum, & sunt communia iustis, & iniustis, quamvis in se sint supernaturalia.

Objic. 2. auxilia gratiæ, quibus Deus concurrit ad actus attritionis, possunt esse diversa ab his, quibus concurrit ad actus contritionis; ergo hinc possunt differre. Probat. cons. nam differentia causarum arguit differentiam effectuum.

Resp. dist. consequ. possunt ex his distingui extrinsecè, conc. intrinsecè, neg. cons. nam causæ sunt extrinsecæ actuum. Quærimus autem hinc differentiam intrinsecam horum actuum, & differentiam, quam habent de facto, non autem de possibili, qualis esset ista.

Inst. contritio, & attritio dicunt ordinem intrinsecum ad speciales gratias, ex quibus fiunt; ergo differentia, quam inde habent, est intrinseca. Probat. ant. Deus præparat, & dat auxilia proportionata effectibus, quos inde prævidet secuturos; sed hi effectus differunt speciei, ergo & illæ gratiæ sub respectu ad illos.

Resp. neg. ant. Nam ille respectus, & ordo est purè extrinsecus. Nam quod Deus velit concurrere per auxilia gratiæ ad contritionem ex motivo charitatis, & ad attritionem ex metu gehennæ, nihil facit ad diversitatem auxiliorum, vel actuum, sed tota diversitas venit ex illorum entitate intrinseca, & hæc venit ex illorum diversis motivis, & objectis.

Objic. 1. con. 2. p. Attritio est odium peccati propter pœnas; ergo magis odit pœnas, quàm ipsum peccatum: nam, *propter quod unumquodque tale, & illud magis*; ergo talis actus non est bonus, quia non odit peccatum sufficienter, scilicet super omne aliud malum.

Resp. neg. consequ. & rationem ejus. Illud enim axioma non semper valet, maximè in moralibus, ubi prælatio mensuratur ex dignitate objectorum, non autem ex ordine, quo attinguntur. Qui odit mortem
filii.

filiis legitimi propter spurium, ne hic habeat hæreditatem, non magis odit hanc successionem, quàm mortem dicti legitimi. Sic qui amat patrem propter bona ab illo recepta, non tamen censetur plus amare bona illa, quàm patrem ipsum, & sic de aliis.

Objic. 2. Proprium commodum poenitentis est motivum, & finis attritionis, sc. negatio poenæ: odium verò peccati est velut medium talis finis; ergo negatio poenæ plus amatur, quàm negatio peccati: nam finis plus amatur, quàm media.

Resp. dist. ant. Est motivum immediatum, conc. motivum principale, & ultimum, neg. ant. nam reconciliatio cum Deo est verus, & principalis finis omnis poenitentiae christianae; timor verò poenæ est quidam stimulus movens ad prosecutionem talis finis.

Objic. con. 4. p. Concilium in attritione requirit solum, ut voluntatem peccandi excludat; sed ad hoc non requiritur propositum positivum non peccandi, benè verò ad contritionem; ergo per hoc distinguuntur contritio, & attritio. Prob. min. nam ut excludat voluntatem peccandi, sufficit, quod non adsit talis voluntas; sed potest abesse sine tali proposito positivo; ergo &c.

Resp. neg. utramque min. nam cum voluntas peccandi moraliter perseveret in peccatore, donec fuerit retractata per actum positivum contrarium; ideo tale propositum requiritur in utroque actu, sc. tam attritionis, quàm contritionis.

Inst. Illa voluntas satis excluditur per odium peccati, quod est in attritione; ergo non est necessarium illud propositum positivum in attritione.

Resp. 1. neg. ant. nam odium præcisè respicit malum præteritum, aut præsens, aut futurum: at propositum respicit malum ut futurum.

Resp. 2. Hoc argumentum nimis probare: nam sequeretur etiam propositum illud non requiri in contritione, quod falsum est ex Concilio Trident.

Objic. 2. Qui inadvertenter omitteret illud propositum, adhuc esset attritus, non verò contritus; ergo per illud attritio, & contritio differunt, quia essenziale est contritioni, non autem attritioni.

Resp. 1. neg. ant. Nam vel utraque valeret, modò
con-

continueretur in aliquo illarum actu virtualiter, vel neutra ex hoc defectu.

Resp. 2. neg. conf. Nam omissio inculpabilis alicujus circumstantiæ non mutat essentiam actus, & talis esset in casu objectionis: omissio propositi esset utrobique inculpabilis, & sic uterque actus valeret.

CONCLUSIO III.

Differentia attritionis à contritione non petitur ex defectu omnis amoris Dei in illa, neque ex respicientia mediata Dei in attritione, & immediata in contritione, sed essentialiter petitur ex parte motivorum utriusque, scil. motivum contritionis est amor Dei super omnia, & propter se: Attritionis vero est timor poenarum, vel turpitudine peccati, aut quid simile infra Deum.

Prob. 1. ex Concil. Trid. cit. [1] in quo illa motiva singulis illis actibus assignantur. Nam dicit contritionem aliquando contingere charitate perfectam; & tunc reconciliare, antequam sacramentum actu recipiatur. Attritionem vero dicit contritionem imperfectam, quia communiter concipitur vel ex turpitudinis peccati consideratione, vel ex gehennæ, & poenarum metu. Et idem definit in Can. 5. ergo in his consistit essentialis differentia horum actuum.

Prob. 2. quoad 1. p. nam ex eodem Concilio [2] in attritione potest esse aliquod initium amoris Dei; nam justificandi per Sacramenta diligere Deum incipiunt, velut omnis justitiæ fontem; & tamen illud initium dilectionis non perficit contritionem, ita ut justificet hominem, antequam baptismus actu suscipiatur, ut patet in textu; ergo ex Concilio attritio non caret semper omni amore Dei; ergo per hoc non distinguitur à contritione.

Prob. 3. Fieri potest, ut quis ex auxilio gratiæ credat, speret, & amet Deum, & deinde considerans peccata sua, & poenas inferni, quibus subiacet propter illa, potest ex hoc motivo illa detestari, nihil amplius cogitans de amore illo Dei; sed talis detestatio erit pura attritio, & non sine omni amore Dei; ergo attritio non caret omni amore Dei; ergo per hanc

[1] Sess. 14. c. 4. [2] Sess. 6. c. 6.

hanc carentiam non differt essentialiter à contritione.

Probat. 2. p. eodem modo peccator potest respicere peccatum ut offensam Dei, & illud ut tale detestari propter pœnas inferni; sed illa detestatio erit pura attritio, licet non sine respectu ad Deum; ergo hinc non distinguitur essentialiter à contritione.

Prob. 2. in tantum contritio dicitur respicere Deum immediatè, quatenus odit peccatum ex ejus amore summo, & propter se ipsum, seu prout Deus ut summè, & propter se amatus est motivum illius odii; attritio verò non ita dicitur respicere Deum, quia motivum ejus odiendi peccatum est metus inferni, quo punit peccatum, vel turpitudine peccati; ergo tota ratio differentiae petitur ex diversitate motivorum, sive illa Deum respiciant, sive non.

Confir. Nam nequidem contritio perfecta respicit Deum directè, sed peccatum directè respicit ut offensam Dei summè dilecti; ergo &c.

Confir. 2. ex dictis. Non enim essentialè est contritioni, ut includat amorem Dei formalem, & explicitum, sufficit virtualis, & implicitus; ergo ille respectus Dei non debet esse formalis, & explicitus; ergo non facit differentiam essentialè istorum actuum. Nam etiam attritio debet respicere Deum, saltem virtualiter, & implicite, & ultimatè, sc. ad placandum illum per odium, & vindictam peccati in pœnitente.

Confir. 3. Quia detestatio peccati propter Deum vindicem justum non est nisi attritio; sed hæc respicit Deum tam directè, quàm ipsa contritio per amorem; ergo attritio etiam respicit Deum.

Prob. 3. p. ex Trid. cit. quod assignat tales differentias, & istæ sufficiunt; ergo frustra quærentur aliæ.

Prob. 2. Non enim possunt aliæ meliores differentiae assignari, & istæ sufficiunt; ergo &c. Prob. ex dictis, ubi patet aliarum differentiarum insufficientia, nisi reducuntur ad istas.

Prob. 3. Quia certum est differentiam actuum peti vel ex objectis, vel ex fine, vel ex motivis; sed in istis non potest peti ex objectis, neque ex fine, quia in his conveniunt; ergo restat, ut petatur ex motivis, quæ sunt essentialiter diversa.

Confir. Nam ad hæc motiva reducuntur alia omnia
prin-

differentiæ istorum actuum, quæ ab Autho-
rentur, ut patet ex dictis; ergo &c.

Resp. con. 1. p. Si attritio includeret aliquem amo-
rem, non veniret ex timore: nam charitas pellit
timorem; ergo attritio est sine omni charitate.

Resp. dist. ant. & rationem ejus. Si includeret amo-
rem perfectæ charitatis, conc. si imperfectæ tantum,
neg. ant. & rationem ejus: nam amor, quem admit-
timus in attritione, est initialis, & imperfectus; ideo
non pellit omnem timorem.

Objic. con. 2. p. Attritio detestatur peccatum propter
pœnas; ergo respicit directè pœnas, & non Deum.

Resp. dist. ant. Propter pœnas, ut à Deo infligen-
das, &c. hoc est propter offensas sibi illatas per pecca-
tum, conc. propter pœnas absolute, & sine respectu
ad Deum, neg. ant. nam pœnitentia christiana respi-
cit peccatum ut punibile in ipso peccante; & ne pu-
niatur à Deo, quia est læsivum juris divini, & hoc fa-
cit ad placandam justitiam Dei.

Objic. con. 3. p. Consideratio pœnæ, ac turpitudinis
peccati sunt motiva naturalia; sed talia motiva non
faciunt ad pœnitentiam Christianam, nec disponunt
ad gratiam supernaturalem; ergo non sunt idonea
principia hujus differentiæ.

Resp. dist. maj. Si naturaliter cognoscantur, & ope-
rentur, conc. si cognoscantur, & operentur ex princi-
piis supernaturalibus, neg. maj. & conf. Nam cogno-
scuntur ex fide supernaturali, & operantur ex auxiliis
gratiæ pariter supernaturalis excitantis, & juvantis
voluntatem ad detestanda peccata, & credendas illas
pœnas, & cognoscendam illam deformitatem peccati
cum recta ratione, & lege divina.

*Quæres, quid sit illa turpitudine peccati, cujus intui-
tu detestamur illud per attritionem.*

Resp. eam consistere posse respectivè ad Deum,
cujus est offensa, & irreverentia, & injuria, irreligi-
ositas, ingratitude, contemptus, &c. item in pri-
vatione gratiæ, & amicitie Dei, & juris ad glo-
riam; sed sub his turpitudinibus non tam est ob-
jectum attritionis, quàm contritionis. Principalis
ergo turpitudine est privatio rectitudinis debitæ, in
qua consistit ratio formalis peccati. Hinc sequitur
macula in anima, quæ inde fit contemptibilis, &
odi-

odibilis, maculata, rea, denique moraliter deformis, & secundum has turpitudines, & maximè per deviationem à recta ratione, & à lege, sit objectum hujus attritionis, præscindendo à respectu, quem habet ad Deum ut offensum; quia, ut dixi, sub illo respectu videtur pertinere ad contritionem.

QUÆSTIO V.

An attritio ex timore pœnarum sit bona, & utilis.

Timorem diximus sumi propensione orta ex apprehensione mali imminantis, & vitatu difficilis, vel pro actu odii, vel fugæ talis mali, aut etiam pro habitu inclinante ad tales actus. Hunc dividunt Theologi in *filialem*, *reverentialem*, & *mundanum*. 1. dicitur ille, quo quis abstinere à peccato, ut est offensa Dei summè boni, & amabilis, & amati. Talis est ille, quem non pœnarum timor, non cupido præmiorum, sed amoris generat magnitudo, quo vel filius indulgentissimum Patrem, vel conjugem conjux timet offendere: ait Cassian. [1] 2. nascitur ex nostræ vilitatis, & divinæ majestatis consideratione, qua fit, ut vereamur nimis familiariter cum illo agere. 3. est, quo quis abstinere, vel detestatur peccatum propter pœnas inferni, quibus solet puniri, & dicitur *servilis*, quia servi communiter abstinere à malo, & serviunt Dominis propter pœnas, quas timent. 4. verò est ille, quo quis abstinere à peccato propter pœnas temporales, v.g. propter infamiam, aut supplicia temporalia, propter privationes honorum, & bonorum, quibus punitur inter homines.

Rursus timor *servilis* alius dicitur nudè *servilis*, & sine servilitate, quo syncerè oditur peccatum, & vitatur in se ex consideratione damnationis, qua punitur à Deo per illud offenso; alius *serviliter servilis*, quia sic pendet à servilitate, ut non faciat odire peccatum, sed pœnas illius, ita ut placeret peccatum, & vellet homo peccare, nisi pœna immineret, sc. vivit in eo peccandi voluntas, quæ tunc apparet in opere, quando speratur impunitas, ait August. *mundanum*, &

[1] Collat. I. c. 13.

& *serviliter servilem* nemo approbat, quòd sciam? Quæstio procedit de purè servili, an sc. actus pœnitentis, quo detestamur peccatum propter pœnas, quibus punitur à Deo, & maximè propter æternas, sit bonus, & utilis ad salutem.

Est alia species *timoris*, qui dicitur *initialis*, quia respicit non solas pœnas peccati, sed & injustitiam ejus, & facit, ut detestemur peccatum tam propter offensam Dei, quàm propter pœnas, quibus punitur à Deo; & dicitur *initialis*, quia ex parte venit ex quodam initio dilectionis Dei, quem hîc incipimus amare; habet aliquid de servili, quia respicit pœnas, & aliquid de filiali, quia respicit injustitiam peccati erga Deum, quem offendit; & propter utramque illam rationem abstinemus à peccato, & dolemus de præteritis.

CONCLUSIO.

A *Teritio*, seu pœnitentia ex timore nudè servili, seu ex timore pœnarum, quibus peccatum punitur à Deo, est bona, & salutaris. Est de fide contra Jansenium, qui pluribi docet: nullum opus bonum, hoc est sine peccato, fieri ab homine posse, nisi ipsa justitia præcepti delectat animam.... Ipsa verò præcepti justitia delectari non est aliud, quàm opus bonum, hoc est sine peccato, ad finem, in quem referri vera sapientia præcipit, hoc est in Deum propter se dilectum referratur. Idem docuerat antea Bajus, [1] dicens, quod non est vera legis obedientia sine charitate.

Prob. 1. ex Scoto, [2] qui pœnitentiam approbat, in qua peccatum consideratur, ut est contra legem divinam, ut impeditivum præmii, & inductivum supplicii. Et detestationem peccati ex talibus motivis ponit inter dispositiones ad gratiam.

Prob. 2. ex Concil. Trid. [3] *Si quis dixerit gehennæ metum, per quem confugimus ad misericordiam Dei, de peccatis dolendo, vel à peccato abstinemus, peccatum esse, aut peiores facere peccatores, Anath. sit.* Certè si non est peccatum, nec peiores facit peccatores; ergo est bonus actus, & facit meliores, quia non facile admittunt actus indifferentes.

Con-

[1] Prop. 16. [2] d. 14. q. 2. N. 15. [3] Sess. 6. can. 8.

Confir. ex eodem docente, [1] *Attritionem*, quæ ex gehennæ metu communiter concipitur, si voluntatem peccandi excludat cum spe veniæ, non solum non facere hominem hypocritam, & magis peccatorem, verum etiam donum Dei esse, & Spiritus Sancti impulsus. Et infra anathematizat dicentes [2] hunc non esse verum, & utilem dolorem, nec præparare ad gratiam, &c.

Confir. 2. ex Concil. Senon. an. 1528. in quo damnatur hæc propositio: *Non licet inducere homines per timorem ad penitentiam*. Nisi enim hæc penitentia esset bona, & utilis, non liceret ad eam inducere peccatores.

Confir. 3. ex censura hujus propositionis per Alex. VIII. qua dicebatur, quod *attritio*, quæ gehennæ, & pænarum metu concipitur sine dilectione benevolentie Dei propter se, non est bonus motus, & supernaturalis.

Prob. 3. ex Script. quæ commendat hunc timorem, ut cum dicit: [3] *Timor Domini principium salutis*. Et, *Timor Domini expellit peccatum*; quia disponit ad gratiam; & apud Isaiam. [4] *Concepimus, & quasi parturivimus, & peperimus spiritum; salutes non fecimus in terra*. LXX. legunt, *A timore tuo Domine concepimus, & penitentię salutaris, &c.* & David orabat: [5] *Confige timore tuo carnes meas: a judiciis enim tuis timui*. Et Concilium Trident. adducit exemplum Ninivitarum, qui hoc timore utiliter concussi ad Jonæ prædicationem, plenam terroribus penitentiam egerunt. Et denique Christus [6] illum timorem non suaderet, nisi bonus esset. *Timete eum, qui potest perdere corpus, & animam in gehennam*.

Prob. 4. ex Patribus. Nam Clem. Alex. hunc timorem vocat fidei coadjutorem. S. Ambros. *Clavam animæ fluctuantis*. Tertull. [7] *fundamentum salutis*. Et S. August. [8] *Cum per timorem continet se a peccato, fit consuetudo justitiæ; & incipit, quod durum erat, amari, & dulce scit Deus, & jam incipit homo jussu vivere*. Et alibi, modò cum dicis, *gehennam timeo, æternum puniri timeo, quid dicturus sum? male times? Non audeo, quandoquidem ipse Dominus ab-*
lato

[1] Sess. 14. c. 4. [2] can. 5. [3] Eccl. 2.

[4] Isa. 26. [5] Ps. 118. [6] Matth. 10.

[7] De cult. fam. [8] ser. 18. de ver. Ap.

blato timore, subiecit timorem; & ait: nolite timere eos, qui occidunt corpus, sed eum timete, qui potest corpus, et animam occidere.... Ita dico vobis, eum time-
te. Cum ergo Dominus timorem incusserit, & vehe-
menter incusserit, dicturus sum ego, male times? er-
go ita non dicam; planè time; nihil melius times.
Et alibi, [1] Cum timetur pœna, quam minatur, di-
citur amari præmium, quod pollicetur, et sic per timo-
rem pœnæ bona vita retinetur. Quid utilius, quàm
timor, quo deperditur habitus peccati, & contrahi-
tur consuetudo, & habitus iustitiæ? ergo ex Patribus
bona, & salutaris est pœnitentia ex illo timore.

Prob. denique: nam actus spei, quo speramus Bea-
titudinem, & quidquid ex illo motivo facimus, bo-
num est, & utile; ergo & actus pœnitentiæ ex timore
amittendi beatitudinem illam, & incurrendi æternam
damnationem: nam hæc ad eandem virtutem perti-
net spei.

Objic. I. ex Script. Quod fit ex metu, non potest
fieri ex charitate, nec est compatibile cum illa; sed
quod opponitur charitati, non potest esse bonum; er-
go nec pœnitentia ex illo timore. Maj. patet: [2] Ti-
mor non est in charitate; hæc foras mittit timorem.

Resp. dist. maj. quod fit ex timore mundano, carna-
li, & serviliter servili, con. ex timore simplici pœna-
rum, neg. maj. & conf. nam iste non opponitur cha-
ritati, sed ad illam disponit. Cedit quidem charitati;
non ex contrarietate, sed sicut imperfectum cedit per-
fecto, qualis est charitas. Timor non est in charitate,
sc. perfecta; sed in qua charitate? non in inchoata: in
qua ergo? Sed perfecta charitas foras mittit timorem,
ait August. [3] Ergo incipiat timor; quia initium sa-
pientiæ timor Domini. Timor quasi locum præparat
charitati, &c. Sed ille venit, ut exeat, &c.

Inst. Ille timor non excludit voluntatem peccandi;
sed eam retinet virtualiter; ergo non est utilis. Prob.
ant. ex August. [4] Timor, quo non amatur iustitia,
sed timeatur pœna, servilis est, carnalis est; vivit enim
peccandi voluntas, quæ tunc apparet in opere, quando
speratur impunitas. Cum verò pœna creditur futura,
latenter vivit: vivit tamen. Mallet enim licere, et

Tom. VIII.

F dolet

[1] ser. 24. de tem. [1] Jo. 4.

[3] Tr. 9. in Jo. [4] Ser. 15. Ps. 118.

122 De attritione, & contritione

dolet non licere, quod lex vetat, &c: ergo ille timor non excludit, sed fovet voluntatem peccandi, ex August.

Resp. neg. ant. & conf. prob. Nam Augustinus loquitur de timore cum servilitate, non de isto, qui facit verè odire peccatum propter pœnas, quas illud post se trahit, & sic disponit ad illud odiendum ob nobiliora motiva.

Objic. 2. Qui odit peccatum propter pœnas, pervertit ordinem rerum; plus timet malum pœnæ, quàm culpæ; ergo illa attritio est perversa. Prob. ant. ex vulgari axiomate: *propter quod unumquodque tale, et illud magis*; sed tunc attritio odit peccatum propter pœnam; ergo magis odit pœnam.

R. sp. neg. ant. & dist. min. propter pœnam, ut motivum immediatum, con. ut finem ultimum, & principalem, neg. min. nec enim in hoc sensu valet axioma nec in moralibus, ut diximus; alioqui non liceret orare Deum pro sanitate corporali, aut aliis bonis temporalibus, quia hæc censerentur præferri spiritualibus, & supernaturalibus, quales sunt actus Religionis, & orationes, & finis ultimus, & principalis per hanc attritionem intentus est Deus per pœnitentiam placandus, ne puniat.

Inst. Sic attritus non cogitat de alio fine præter exemptionem pœnarum; ergo hæc est finis ejus principalis, & ultimus.

Resp. dist. ant. non cogitat actu formaliter, & explicitè, con. virtualiter, & implicitè, & quasi habitu; neg. ant. non enim speraret per illam vitare pœnas, nisi speraret placare Deum, & ei reconciliari, & vitare damnationem.

Objic. 3. talis attritio de se non detestatur omnia peccata; ergo non est utilis. Prob. ant. cum magis odiat pœnas, quàm peccata, sic dispositus est homo peccatam, ut vellet peccare, si posset vitare pœnas; ergo non odit peccata.

Resp. neg. utrumque ant. Imò sicut omnia peccata inducunt illas pœnas, ideo omnia detestatur. Et illa dispositio implicat in terminis, nisi homo desipiat. Quomodo enim posset velle peccare potius, quàm damnari, dum respicit damnationem connexam necessario cum peccato? Denique per attritionem ipsam dolet,

dolet, quod maluerit peccare, quàm vitare reatum damnationis.

Objic. 4. Si non esset pœna talis, homo vellet peccare; sicut fur, nisi timeret crucem, vellet furari; ergo attritio non odit peccatum, sed solam pœnam. Probat. ex August. qui adducit illud exemplum furis.

Resp. dist. ant. si sit timor serviliter servilis, con. si sine servilitate, sed nudè propter pœnas, neg. antec. nec de isto valet exemplum furis. Nam attritus ex fide novit se non posse latere, nec vitare pœnas. Deus enim tam videt, & respicit ad cor hominis, quàm ad manum ejus, tam punit voluntatem furandi, quàm furta. Hæc magis patebunt ex sequenti.

QUÆSTIO VI.

An simplex attritio ex metu gehennæ, aut turpitudinis peccati consideratione sit dispositio sufficiens ad justificationis gratiam obtinendam in Sacramento Pœnitentiæ.

HÆc quæstio est hodie famosissima, & in ea non repidè disputant Theologi insignes, quorum alii absolute volunt contritionem perfectam ex vera charitate, ut Doctor quidam Anonymus Author libri, *de la contrition necessaire pour la remission des pechez dans le sacrement de Penitence*. Et ante ipsum Joan. Lauroyus *de mente Concilii circa contritionem*. Christianus Lupus, & Fervaquez, Querafc. Episc. Castoriensis; & novissime P. Juenin. in commentatio Histor. & dogmar. de Sacramentis, à pag. 544. & id docebat Jansenius.

Alii volunt saltem aliquod initium dilectionis Dei, ita ut non sufficiat attritio pura ex solo timore pœnarum; sed communior opinio stat pro hac attritione, modò sit supernaturalis.

Monco autem in hac famosa controversia cavendum esse ab ullis censuris inter partes adversas, sub pœnis ab Alexandro VII. interminatis, an. 1667. Prohibet enim, ne disputantes, aut scribentes *audeant alicujus censuræ, alteriusve injuriæ, aut contumeliæ nota taxare alterutram sententiam, siue neganssem ne-*

filiis legitimi propter spurium, ne hic habeat hæreditatem, non magis odit hanc successionem, quàm mortem dicti legitimi. Sic qui amat patrem propter bona ab illo recepta, non tamen censetur plus amare bona illa, quàm patrem ipsum, & sic de aliis.

Objic. 2. Proprium commodum pœnitentis est motivum, & finis attritionis, sc. negatio pœnæ: odium verò peccati est velut medium talis finis; ergo negatio pœnæ plus amatur, quàm negatio peccati: nam finis plus amatur, quàm media.

Resp. dist. ant. Est motivum immediatum, conc. motivum principale, & ultimum, neg. ant. nam reconciliatio cum Deo est verus, & principalis finis omnis pœnitentiæ christianæ; timor verò pœnæ est quidam stimulus movens ad prosecutionem talis finis.

Objic. con. 4. p. Concilium in attritione requirit solum, ut voluntatem peccandi excludat; sed ad hoc non requiritur propositum positivum non peccandi, benè verò ad contritionem; ergo per hoc distinguuntur contritio, & attritio. Prob. min. nam ut excludat voluntatem peccandi, sufficit, quod non adsit talis voluntas; sed potest abesse sine tali proposito positivo; ergo &c.

Resp. neg. utramque min. nam cum voluntas peccandi moraliter perseveret in peccatore, donec fuerit retractata per actum positivum contrarium; ideo tale propositum requiritur in utroque actu, sc. tam attritionis, quàm contritionis.

Inst. Illa voluntas satis excluditur per odium peccati, quod est in attritione; ergo non est necessarium illud propositum positivum in attritione.

Resp. 1. neg. ant. nam odium præcisè respicit malum præteritum, aut præsens, aut futurum: at propositum respicit malum ut futurum.

Resp. 2. Hoc argumentum nimis probare: nam sequeretur etiam propositum illud non requiri in contritione, quod falsum est ex Concilio Trident.

Objic. 2. Qui inadvertenter omitteret illud propositum, adhuc esset attritus, non verò contritus; ergo per illud attritio, & contritio differunt, quia essenziale est contritioni, non autem attritioni.

Resp. 1. neg. ant. Nam vel utraque valeret, modò
co.n-

contineretur in aliquo illarum actu virtualiter, vel neutra ex hoc defectu.

Resp. 2. neg. conf. Nam omissio inculpabilis alicujus circumstantiæ non mutat essentiam actus, & talis esset in casu objectionis: omissio propositi esset utrobique inculpabilis, & sic uterque actus valeret.

CONCLUSIO III.

Differentia attritionis à contritione non petitur ex defectu omnis amoris Dei in illa, neque ex respicientia mediata Dei in attritione, & immediata in contritione, sed essentialiter petitur ex parte motivorum utriusque, scil. motivum contritionis est amor Dei super omnia, & propter se: Attritionis vero est timor pœnarum, vel turpitudine peccati, aut quid simile infra Deum:

Prob. 1. ex Concil. Trid. cit. [1] in quo illa motiva singulis illis actibus assignantur. Nam dicit contritionem aliquando contingere charitate perfectam; & tunc reconciliare, antequam sacramentum actu recipiatur. Attritionem vero dicit contritionem imperfectam, quia communiter concipitur vel ex turpitudinis peccati consideratione, vel ex gehennæ, & pœnarum metu. Et idem definit in Can. 5. ergo in his consistit essentialis differentia horum actuum.

Prob. 2. quoad 1. p. nam ex eodem Concilio [2] in attritione potest esse aliquod initium amoris Dei; nam justificandi per Sacramenta diligere Deum incipiunt, velut omnis justitiæ fontem; & tamen illud initium dilectionis non perficit contritionem, ita ut justificet hominem, antequam baptismus actu suscipiatur, ut patet in textu; ergo ex Concilio attritio non caret semper omni amore Dei; ergo per hoc non distinguitur à contritione.

Prob. 3. Fieri potest, ut quis ex auxilio gratiæ credat, speret, & amet Deum, & deinde considerans peccata sua, & pœnas inferni, quibus subiacet propter illa, potest ex hoc motivo illa detestari, nihil amplius cogitans de amore illo Dei; sed talis detestatio erit pura attritio, & non sine omni amore Dei; ergo attritio non caret omni amore Dei; ergo per hanc

[1] Sess. 14. c. 4. [2] Sess. 6. c. 6.

hanc carentiam non differt essentialiter à contritione.

Probat. 2. p. eodem modo peccator potest respicere peccatum ut offensam Dei, & illud ut tale detestari propter pœnas inferni; sed illa detestatio erit pura attritio, licet non sine respectu ad Deum; ergo hinc non distinguitur essentialiter à contritione.

Prob. 2. in tantum contritio dicitur respicere Deum immediatè, quatenus odit peccatum ex ejus amore summo, & propter se ipsum, seu prout Deus ut summè, & propter se amatus est motivum illius odii; attritio verò non ita dicitur respicere Deum, quia motivum ejus odiendi peccatum est metus inferni, quo punit peccatum, vel turpitudine peccati; ergo tota ratio differentiae petitur ex diversitate motivorum, sive illa Deum respiciant, sive non.

Confir. Nam nequidem contritio perfecta respicit Deum directè, sed peccatum directè respicit ut offensam Dei summè dilecti; ergo &c.

Confir. 2. ex dictis. Non enim essentialè est contritioni, ut includat amorem Dei formalem, & explicitum, sufficit virtualis, & implicitus; ergo ille respectus Dei non debet esse formalis, & explicitus; ergo non facit differentiam essentialè istorum actuum. Nam etiam attritio debet respicere Deum, saltem virtualiter, & implicite, & ultimatè, sc. ad placandum illum per odium, & vindictam peccati in pœniterente.

Confir. 3. Quia detestatio peccati propter Deum vindicem justum non est nisi attritio; sed hæc respicit Deum tam directè, quàm ipsa contritio per amorem; ergo attritio etiam respicit Deum.

Prob. 3. p. ex Trid. cit. quod assignat tales differentias, & istæ sufficiunt; ergo frustra quærentur aliæ.

Prob. 2. Non enim possunt aliæ meliores differentiae assignari, & istæ sufficiunt; ergo &c. Prob. ex dictis, ubi parer aliarum differentiarum insufficientia, nisi reducuntur ad istas.

Prob. 3. Quia certum est differentiam actuum peti vel ex objectis, vel ex fine, vel ex motivis; sed in istis non potest peti ex objectis, neque ex fine, quia in his conveniunt; ergo restat, ut petatur ex motivis, quæ sunt essentialiter diversa.

Confir. Nam ad hæc motiva reducuntur alia omnia.
prin-

principia differentiae istorum actuum, quæ ab Authoribus afferuntur, ut patet ex dictis; ergo &c.

Objic. 1. con. 1. p. Si attritio includeret aliquem amorem, non veniret ex timore: nam charitas pellit timorem; ergo attritio est sine omni charitate.

Resp. dist. ant. & rationem ejus. Si includeret amorem perfectæ charitatis, conc. si imperfectæ tantum, neg. ant. & rationem ejus: nam amor, quem admittimus in attritione, est initialis, & imperfectus; ideo non pellit omnem timorem.

Objic. con. 2. p. Attritio detestatur peccatum propter pœnas; ergo respicit directè pœnas, & non Deum.

Resp. dist. ant. Propter pœnas, ut à Deo infligendas, &c. hoc est propter offensas sibi illatas per peccatum, conc. propter pœnas absolute, & sine respectu ad Deum, neg. ant. nam pœnitentia christiana respicit peccatum ut punibile in ipso peccante; & ne puniatur à Deo, quia est læsivum juris divini, & hoc facit ad placandam justitiam Dei.

Objic. con. 3. p. Consideratio pœnæ, ac turpitudinis peccati sunt motiva naturalia; sed talia motiva non faciunt ad pœnitentiam Christianam, nec disponunt ad gratiam supernaturalem; ergo non sunt idonea principia hujus differentiae.

Resp. dist. maj. Si naturaliter cognoscantur, & operentur, con. si cognoscantur, & operentur ex principiis supernaturalibus, neg. maj. & conf. Nam cognoscuntur ex fide supernaturali, & operantur ex auxiliis gratiæ pariter supernaturalis excitantis, & juvantis voluntatem ad detestanda peccata, & credendas illas pœnas, & cognoscendam illam deformitatem peccati cum recta ratione, & lege divina.

Quæres, quid sit illa turpitudine peccati, cujus intuitu detestamur illud per attritionem.

Resp. eam consistere posse respectivè ad Deum, cujus est offensa, & irreverentia, & injuria, irreli-giositas, ingratitude, contemptus, &c. item in privatione gratiæ, & amicitiae Dei, & juris ad gloriam; sed sub his turpitudinibus non tam est ob-jectum attritionis, quàm contritionis. Principalis ergo turpitudine est privatio rectitudinis debitæ, in qua consistit ratio formalis peccati. Hinc sequitur macula in anima, quæ inde fit contemptibilis, & odi-

odibilis, maculata, rea, denique moraliter deformis, & secundum has turpitudines, & maxime per deviationem à recta ratione, & à lege, sit objectum hujus attritionis, præscindendo à respectu, quem habet ad Deum ut offensum; quia, ut dixi, sub illo respectu videtur pertinere ad contritionem.

QUÆSTIO V.

An attritio ex timore poenarum sit bona, & utilis.

Timorem diximus sumi propensione orta ex apprehensione mali imminentis, & vitatu difficilis, vel pro actu odii, vel fugæ talis mali, aut etiam pro habitu inclinante ad tales actus. Hunc dividunt Theologi in *filialem*, *reverentialem*, & *mundanum*. 1. dicitur ille, quo quis abstinere à peccato, ut est offensa Dei summè boni, & amabilis, & amati. Talis est ille, quem non poenarum timor, non cupido præmiorum, sed amoris generat magnitudo, quo vel filius indulgentissimum Patrem, vel conjugem conjux timeat offendere: ait Cassian. [1] 2. nascitur ex nostræ vilitatis, & divinæ majestatis consideratione, qua fit, ut vereamur nimis familiariter cum illo agere. 3. est, quo quis abstinere, vel detestatur peccatum propter poenas inferni, quibus solet puniri, & dicitur *servilis*; quia servi communiter abstinere à malo, & serviunt Dominis propter poenas, quas timent. 4. verò est ille, quo quis abstinere à peccato propter poenas temporales, v.g. propter infamiam, aut supplicia temporalia, propter privationes honorum, & bonorum, quibus puniuntur inter homines.

Rursus timor *servilis* alius dicitur nudè *servilis*, & sine servilitate, quo syncerè oditur peccatum, & vitatur in se ex consideratione damnationis, qua puniuntur à Deo per illud offenso; alius *serviliter servilis*, quia sic pendet à servilitate, ut non faciat odire peccatum, sed poenas illius, ita ut placeret peccatum, & vellet homo peccare, nisi poena immineret, sc. *vivit in eo peccandi voluntas, quæ tunc apparet in opere, quando speratur impunitas*, ait August. *mundanum*, &

[1] Collat. 1. c. 13.

& serviliter servilem nemo approbat, quòd sciam. Quæstio procedit de purè servili, an sc. actus pœnitentis, quo detestamur peccatum propter pœnas, quibus punitur à Deo, & maximè propter æternas, sit bonus, & utilis ad salutem.

Est alia species *timoris*, qui dicitur *initialis*, quia respicit non solas pœnas peccati, sed & injustitiam ejus, & facit, ut detestemur peccatum tam propter offensam Dei, quàm propter pœnas, quibus punitur à Deo; & dicitur *initialis*, quia ex parte venit ex quodam initio dilectionis Dei, quem hìc incipimus amare; habet aliquid de servili, quia respicit pœnas, & aliquid de filiali, quia respicit injustitiam peccati erga Deum, quem offendit; & propter utramque illam rationem abstinemus à peccato, & dolemus de prætēritis.

CONCLUSIO.

A *Teritio*, seu *pœnitentia ex timore nudè servili*, seu *ex timore pœnarum*, quibus peccatum punitur à Deo, est bona, & salutaris. Est de fide contra Jansenium, qui pluribi docet: nullum opus bonum, hoc est sine peccato, fieri ab homine posse, nisi ipsa justitia præcepti delectat animam.... Ipsa verò præcepti justitia delectari non est aliud, quàm opus bonum, hoc est sine peccato, ad finem, in quem referri vera sapientia præcipit, hoc est in Deum propter se dilectum referratur. Idem docuerat antea Bajus, [1] dicens, quod non est vera legis obedientia sine charitate.

Prob. 1. ex Scoto, [2] qui pœnitentiam approbat, in qua peccatum consideratur, ut est contra legem divinam, ut impeditivum præmii, & inductivum supplicii. Et detestationem peccati ex talibus motivis ponit inter dispositiones ad gratiam.

Prob. 2. ex Concil. Trid. [3] Si quis dixerit gehennæ metum, per quem confugimus ad misericordiam Dei, de peccatis dolendo, vel à peccato abstinemus, peccatum esse, aut piores facere peccatores, Anath. sit. Certè si non est peccatum, nec piores facit peccatores; ergo est bonus actus, & facit meliores, quia non facile admittunt actus indifferentes.

Con-

[1] Prop. 16. [2] d. 14. q. 2. N. 15. [3] Sess. 6. can. 8.

Confir. ex eodem docente, [1] *Attritionem*, quæ ex gehennæ metu communiter concipitur, si voluntatem peccandi excludat cum spe veniæ, non solum non facere hominem hypocritam, & magis peccatorem, verum etiam donum Dei esse, & Spiritus Sancti impulsus. Et infra anathematizat dicentes [2] hunc non esse verum, & utilem dolorem, nec præparare ad gratiam, &c.

Confir. 2. ex Concil. Senon. an. 1528. in quo damnatur hæc propositio: *Non licet inducere homines per timorem ad penitentiam*. Nisi enim hæc penitentia esset bona, & utilis, non liceret ad eam inducere peccatores.

Confir. 3. ex censura hujus propositionis per Alex. VIII. qua dicebatur, quod *attritio*, quæ gehennæ, & pænarum metu concipitur sine dilectione benevolentie Dei propter se, non est bonus motus, & supernaturalis.

Prob. 3. ex Script. quæ commendat hunc timorem, ut cum dicit: [3] *Timor Domini principium salutis*. Et, *Timor Domini expellit peccatum*; quia disponit ad gratiam; & apud Isaiam. [4] *Concepimus, & quasi parturivimus, & peperimus spiritum; salutes non fecimus in terra*. LXX. legunt, *A timore tuo Domine concepimus, & penitentis salutaris, &c.* & David orabat: [5] *Confige timore tuo carnes meas: a iudiciis enim tuis timui*. Et Concilium Trident. adducit exemplum Ninivitarum, qui hoc timore utiliter concussi ad Jonæ prædicationem, plenam terroribus penitentiam egerunt. Et denique Christus [6] illum timorem non suaderet, nisi bonus esset. *Timete eum, qui potest perdere corpus, & animam in gehennam*.

Prob. 4. ex Patribus. Nam Clem. Alex. hunc timorem vocat fidei coadjutorem. S. Ambros. *Clavam animæ fluctuantis*. Tertull. [7] *fundamentum salutis*. Et S. August. [8] *Cum per timorem continet se a peccato, sit consuetudo justitiæ; & incipit, quod durum erat, amari, & dulce scit Deus, & jam incipit homo iuste vivere*. Et alibi, modò cum dicis, *gehennam timeo, æternum puniri timeo, quid dicturus sum? male times? Non audeo, quandoquidem ipse Dominus ab-*
lato

[1] Sess. 14. c. 4. [2] can. 5. [3] Eccl. 2.

[4] Isa. 26. [5] Ps. 118. [6] Matth. 10.

[7] De cult. fam. [8] ser. 18. de ver. Ap.

blato timore, subiecit timorem; & ait: nolite timere eos, qui occidunt corpus, sed eum timete, qui potest corpus, et animam occidere.... Ita dico vobis, eum time-
te. Cum ergo Dominus timorem incusserit, & vehe-
menter incusserit, dicturus sum ego, male times? er-
go ita non dicam; planè time; nihil meliùs times.
Et alibi, [1] Cum timetur pœna, quam minatur, di-
citur amari prœmium, quod pollicetur, et sic per timo-
rem pœnæ bona vita retinetur. Quid utilius, quàm
timor, quo deperditur habitus peccati, & contrahi-
tur consuetudo, & habitus iustitiæ? ergo ex Patribus
bona, & salutaris est pœnitentia ex illo timore.

Prob. denique: nam actus spei, quo speramus Bea-
titudinem, & quidquid ex illo motivo facimus, bo-
num est, & utile; ergo & actus pœnitentiæ ex timore
amittendi beatitudinem illam, & incurrendi æternam
damnationem: nam hæc ad eandem virtutem perti-
net spei.

Objic. 1. ex Script. Quod fit ex metu, non potest
fieri ex charitate, nec est compatibile cum illa; sed
quod opponitur charitati, non potest esse bonum; er-
go nec pœnitentia ex illo timore. Maj. patet: [2] *Timor non est in charitate; hæc foras mittit timorem.*

Resp. dist. maj. quod fit ex timore mundano, carna-
li, & serviliter servili, con. ex timore simplici pœna-
rum, neg. maj. & conf. nam iste non opponitur cha-
ritati, sed ad illam disponit. Cedit quidem charitati;
non ex contrarietate, sed sicut imperfectum cedit per-
fecto, qualis est charitas. *Timor non est in charitate,*
sc. perfecta; sed in qua charitate? non in inchoata: in
qua ergo? Sed perfecta charitas foras mittit timorem,
ait August. [3] Ergo incipiat timor; quia initium sa-
pientiæ timor Domini. Timor quasi locum præparat
charitati, &c. Sed ille venit, ut exeat, &c.

Inst. Ille timor non excludit voluntatem peccandi;
sed eam retinet virtualiter; ergo non est utilis. Prob.
ant. ex August. [4] Timor, quo non amatur iustitia,
sed timetur pœna, servilis est, carnalis est; vivit enim
peccandi voluntas, quæ tunc apparet in opere, quando
speratur impunitas. Cum verò pœna creditur futura,
latenter vivit: vivit tamen. Mallet enim licere, et

Tom. VIII.

F

doles

[1] ser. 24. de tem. [1] Jo. 4.

[3] Tr. 9. in Jo. [4] Ser. 15. Ps. 118.

dolet non licere, quod lex vetat, &c: ergo ille timor non excludit, sed fovet voluntatem peccandi, ex August.

Resp. neg. ant. & conf. prob. Nam Augustinus loquitur de timore cum servilitate, non de isto, qui facit verè odire peccatum propter pœnas, quas illud post se trahit, & sic disponit ad illud odiendum ob nobiliora motiva.

Objic. 2. Qui odit peccatum propter pœnas, pervertit ordinem rerum; plus timet malum pœnæ, quàm culpæ; ergo illa attritio est perversa. Prob. ant. ex vulgari axioma: propter quod unumquodque tale, et illud magis; sed tunc attritio odit peccatum propter pœnam; ergo magis odit pœnam.

R. sp. neg. ant. & dist. min. propter pœnam, ut motivum immediatum, con. ut finem ultimum, & principalem, neg. min. nec enim in hoc sensu valet axioma nec in moralibus, ut diximus; alioqui non liceret orare Deum pro sanitate corporali, aut aliis bonis temporalibus, quia hæc censerentur præferri spiritualibus, & supernaturalibus, quales sunt actus Religionis, & orationes, & finis ultimus, & principalis per hanc attritionem intentus est Deus per pœnitentiam placandus, ne puniat.

Inst. Sic attritus non cogitat de alio fine præter exemptionem pœnarum; ergo hæc est finis ejus principalis, & ultimus.

Resp. dist. ant. non cogitat actu formaliter, & explicitè, con. virtualiter, & implicitè, & quasi habitu, neg. ant. non enim speraret per illam vitare pœnas, nisi speraret placare Deum, & ei reconciliari, & vitare damnationem.

Objic. 3. talis attritio de se non detestatur omnia peccata; ergo non est utilis. Prob. ant. cum magis odiat pœnas, quàm peccata, sic dispositus est homo peccatam, ut vellet peccare, si posset vitare pœnas; ergo non odit peccata.

Resp. neg. utrumque ant. Imò sicut omnia peccata inducunt illas pœnas, ideo omnia detestatur. Et illa dispositio implicat in terminis, nisi homo desipiat. Quomodo enim posset velle peccare potius, quàm damnari, dum respicit damnationem connexam necessario cum peccato? Denique per attritionem ipsam
dolet,

dolet, quod maluerit peccare, quàm vitare reatum damnationis.

Objic. 4. Si non esset pœna talis, homo vellet peccare; sicut fur, nisi timeret crucem, vellet furari; ergo attritio non odit peccatum, sed solam pœnam. Probant. ex August. qui adducit illud exemplum furis.

Resp. dist. ant. si sit timor serviliter servilis, con. si sine servilitate, sed nudè propter pœnas, neg. antec. nec de isto valet exemplum furis. Nam attritus ex fide novit se non posse latere, nec vitare pœnas. Deus enim tam videt, & respicit ad cor hominis, quàm ad manum ejus, tam punit voluntatem furandi, quàm furta. Hæc magis patebunt ex sequenti.

QUÆSTIO VI.

An simplex attritio ex metu gehennæ, aut turpitudinis peccati consideratione sit dispositio sufficiens ad justificationis gratiam obtinendam in Sacramento Penitentiae.

HÆc quæstio est hodie famosissima, & in ea non tepidè disputant Theologi insignes, quorum alii absolute volunt contritionem perfectam ex vera charitate, ut Doctor quidam Anonymus Author libri, *de la contrition nécessaire pour la remission des pechez dans le sacrement de Penitence*. Et ante ipsum Joan. Lauroyus de mente Concilii circa contritionem. Christianus Lupus, & Fervaquez, Querafc. Episc. Castoriensis; & novissime P. Juchin. in commentatio Histor. & dogmat. de Sacramentis, à pag. 544. & id docebat Jansenius.

Alii volunt saltem aliquod initium dilectionis Dei, ita ut non sufficiat attritio pura ex solo timore pœnarum; sed communior opinio stat pro hac attritione, modo sit supernaturalis.

Monco autem in hac famosa controversia cavendum esse ab ullis censuris inter partes adversas, sub pœnis ab Alexandro VII. interminatis, an. 1667. Prohibet enim, ne disputantes, aut scribentes audeant alicujus censurae, alteriusve injuriæ, aut contumeliæ nota taxare alterutram sententiam, siue u-gantem ne-

cessitatem alicujus dilectionis Dei. In attritione ex metu gehennæ, quæ excludat voluntatem peccandi. Quæ hodie inter scholasticos communior videtur, sive asserentem dictæ dilectionis necessitatem, donec ab hac S. Sede fuerit aliquid hac in re definitum. Cui decreto profiteor me velle obedire, quidquid ex calamo irrepperit, contentus notare partem, cui adhæreo, dici à Pontifice communior inter scholasticos hodiernos.

CONCLUSIO.

Attitio ex timore pœnarum à Deo infligendarum, vel ex turpitudinis peccati consideratione concepta, sine ullo motivo amoris Dei explicito, et formali veræ charitatis, sufficit ad obtinendam gratiam justificantem in sacramento penitentiæ.

Prob. 1. ex Scoto cit. [1] in præcedenti, ubi plus videtur tribuere huic attritioni. Et infra, ubi dicit, quod absolutio non est utilis, nisi præcedat in confitente aliqua contritio, vel attritio Sufficit enim, quod aliqua displicentia, licet informis (qualis est hæc attritio) præcedat, et tunc ille capax est absolutionis Sacramentalis; et per illam fit contritio. Item clariùs, [2] Sacramentum penitentiæ potest dignè recipi ab attrito, et hoc tanta attritione, quæ non sufficeret per modum meriti (ut sufficit contritio) ad justificationem suscipiendam in termino attritionis. Et secundum hoc patet, quomodo sacramentum hoc est instrumentum ad gratiam primam, sicut dispositio prævia; ergo &c.

Prob. 1. ex Concil. Trid. docente, [3] quod attritio, quæ ex consideratione turpitudinis peccati, vel ex gehennæ, et pœnarum metu concipitur, si voluntatem peccandi excludat, cum spe veniæ est donum Dei, et Spiritus S. impulsus, quo penitens adjutus, viam sibi ad justitiam parat, et quamvis sine sacramento Penitentiæ per se perducere ad justificationem nequeat, eum tamen ad Dei gratiam in sacramento penitentiæ impetrandam disponit; ergo ex Concilio attritio ista sufficit ad remissionem peccati in sacramento, quamvis nullum actum, vel motivum formale charitatis includat.

Com

[1] d. 16. q. 1. E. 6. [2] d. 19. A. 23. [3] Sess. 14. c. 4.;

Confir. 1. ex can. cit. [1] ubi anathematizat eos, qui dixerint illum non esse verum, & utilem dolo-rem, nec præparare ad gratiam: nam illa præparatio vana esset, si non aliter præpararet, quam mediante contritione, & charitate: non dicit, quod præparet ad charitatem, vel contritionem, sed ad gratiam immediatè cum Sacramento: semper enim poni debet effectus immediatior, quando volumus clarè, & perfectè docere.

Confir. 2. Nam hæc attritio debet participare de illa contritione generica, quam Concilium ponit primo loco inter actus poenitentis: nam contritio, quam dicit perfectam ex charitate, justificat extra sacramentum, & cum solo ejus voto; sed non sic participaret de illa contritione, nisi sufficeret ad gratiam in sacramento: ergo ex Concilio hæc sufficit. Prob. maj. debet esse *animi dolor, ac detestatio de peccato commisso, cum proposito non peccandi de cetero, et fiducia divinæ misericordiæ, ac voto præstandi cetera*. Et de facto præstat ea, quæ ad hoc sacramentum ritè suscipiendum requiruntur; ergo &c.

Vide alios textus ex eodem Concilio in opusculo nostro Gallico de attritione sufficienti ex cap. 20. & seq.

Dices, Concilium docere quidem, quod attritio ista disponit, sed remotè, non proximè; nec quod sola sufficiat cum sacramento.

Contra 1. Nam nisi tenebras velint afferre luci, Concilium diciteam disponere ad gratiam in sacramento impetrandam, nullo alio medio requisito, præter sacramentum; ergo nisi velit tricas serere in verbis, hæc dispositio est immediata in sacramento. Probat. conf. nam si intervenire deberet contritio ex charitate, attritio non benè diceretur disponere cum sacramento, quandoquidem contritio causat gratiam extra sacramentum, & antequam illud actu recipiatur; & sic Concilium sibi contradiceret, cum dicit *in sacramento*, aut nugaretur: nam etiam extra, & independentè à Sacramento hæc attritio est actus bonus, & utilis, & disponit remotè ad gratiam, non proximè. Nam inquit, *ad justificationem sine sacramento per se perducere nequit, tamen viam ad insti-*

F 3 tiam

tiam parat, sc. remotè, donec accedat sacramentum; ergo cum addit, quod in sacramento disponit, loquitur de dispositione proxima, quam ante sacramentum non habet.

Contra 2. (quod eodem recidit) Hæc attritio sine sacramento, & per se nequit perducere ad justificationem, *sed viam parat ad eam*; ergo cum sacramento perducit ad justificationem; aliàs non plus faceret cum sacramento, quàm se sola, & sine sacramento; & sic frustra hoc dicerent illi Patres.

Contra 3. nam Concilium præscribit conditiones requisitas, ut hæc attritio perducatur ad gratiam, sc. ut excludat voluntatem peccandi, ut sit cum spe veniæ, & adsit sacramentum actu, non autem in voto, ut dixit de contritione perfecta; nec ullam ibi facit mentionem de amore perfectæ, vel inchoatæ charitatis; ergo de mente Concilii attritio sine illa charitate sufficit cum sacramento.

Dices 2. illa sola verba sufficiebant ad intentum Concilii contra Lutherum, & Calvinum damnantes poenitentiam ex timore.

Contra. Nam Hæretici non disputabant, nisi de bonitate hujus attritionis, quam dicebant facere hominem hypocritam, & magis peccatorem; ergo ad intentum Concilii sufficiebat probare, ut probat exemplo Ninivitarum, quod attritio ex timore non facit hypocritam, nec magis peccatorem, *sed esse donum Dei*, &c. ergo cum addit posteriores effectus, & conditiones ejus, vult etiam docere fideles efficaciam illius in ordine ad sacramentum.

Confir. hoc ex terminis patet Concilium ibi tradere voluisse exactiorem, & plenioram hujus sacramenti efficaciam, & naturam; sed hoc non ita præstaret, nisi doceret de omnibus necessariis ad effectum ejus: ergo per verba citata docet, quæ sufficiant ex parte poenitentis ad effectum hujus sacramenti, sc. ad justificationem.

Confir. 2. Nam postquam Patres Concilii probarunt efficaciam attritionis ex metu poenarum exemplo Ninivitarum, addunt, quod falsò squidam calumniantur Catholicos scriptores, quasi tradiderint sacramentum poenitentiae absque bono motu susipientium gratiam conferre, quod nunquam Ecclesia docuit, nec sentit;

fit; ergo ex doctrina Ecclesiæ sacramentum hoc confert gratiam cum hac attritione, & hæc sufficit in sacramento. Prob. conf. dicit *bonum motum esse Spiritus S. impulsus*, & *utilem dolorem*, & quod cum illo sacramentum dat gratiam; agit, inquam, de pœnitentia ex motu, quem respuunt hæretici, & pro quo calumniantur scriptores Catholicos; non enim respuebant pœnitentiam ex motu charitatis; ergo &c.

Dices 3. Concilium non dixit contritionem hanc disponere ad gratiam *in Sacramento*, sed *cum Sacramento*; quia disponit tantum ad recipiendum sacramentum, in quo excitatur contritio.

Contra 1. quia si putaret per sacramentum excitari contritionem, qua mediante confertur gratia, hoc debuisset docere hæreticos, ut rejiceret illam calumniam; quia isti non negant contritionem esse bonum motum. 2. hæc distinctio, *in sacramento*, & *cum sacramento*, est prorsus vana, & extra mentem Concilii: nam *cum sacramento*, opponit, *sine sacramento*, sine quo dicit hanc contritionem non perducere ad gratiam; ergo censet, quod *in sacramento*, seu *cum sacramento* perducit ad gratiam. 3. Quia hæc attritio non potest disponere, & sufficere ad sacramentum recipiendum, quin disponat ad gratiam ejus: non enim licet recipere sacramentum cum obice ad effectum ejus.

Prob. 3. ex aliis Conciliis, quæ amplè citavimus in prædicto opere, quatenus illa tribuunt sacramento pœnitentiæ, sicut & baptismi vim justificandi ex opere operato; quod etiam docet idem Trident. sed hoc non esset verum, si hoc sacramentum recipi non posset sine actu veræ charitatis, & cum sola attritione: nam justificatio esset effectus charitatis potius, quàm sacramenti, saltem ex opere operato; quia charitas in contritione causat gratiam, priusquam hoc sacramentum actu recipiatur, & tunc non existit in opere, sed solum in voto; ergo &c. Prob. maj. 1. ex Concil. Nicæno dicente [1] de Baptismo, *descendit, qui baptizatur, reus peccatorum, & obnoxius servituti corruptionis, & ascendit liberatus*. Non descenderet, non susciperet baptismum reus, si necessario præcederet contritio justificans. 2. Concil. Arausic. rela-

E 4. tum.

[1]. 26. q. 6. Quire.

tum in can. præcipit dari pœnitentiam iis, qui petierunt eam, saltem nutu; non enim exigit signa veræ contritionis. [1] *Statutum est baptizari, aut pœnitentiam accipere potest, si voluntatis prateritæ testimonium habet.* 3. Idem docet Triburicense an. 895. citans Carthagin. IV. & Epist. Cœlestini I. sc. quod *negare pœnitentiam periclitanti est mortem morienti addere*; ergo non expectatur perfecta contritio, sed sufficit aliquod signum pœnitentiæ, quod non excedit attritionem. 4. Concil. Se non. an. 1528. damnat hanc propositionem: *Non licet inducere homines per timorem ad pœnitentiam.* Hæc satis vera esset, nisi attritio sufficeret cum sacramento, quia esset inutilis; sed necessaria esset contritio; ergo &c. Conc. Coloniense 1536. dicit, quod *pœnitentiæ sacramentum potissimum in absolute presbyteri consistit, qua ille ex virtute verbi, & clavium ... peccatorem pœnitentem ... à peccatis absolvit*; ergo efficacia sacramenti non pender à contritione, quæ per se remitteret peccatum, non autem absolutio sacerdotis. Quod clariùs dicit [2] pro attritione, addens, quod *pœnitentia tunc recte prædicatur, cum arguuntur scelera, & incutitur populis timor iræ, indignationisque, ac iusti iudicii Dei ... subinde verò miscendum est oleum, ut ex animo, verèque territis, ac conversis promittatur gratia*; ergo illi pœnitentiæ, cui promittitur gratia, non proponuntur nisi motiva puræ attritionis; & denique totam gratiam remissivam tribuit virtuti sacramenti per absolutionem. Quod non est verum, si adsit contritio ex perfecta charitate, quia hæc per se justificat sine sacramento in re.

6. Item colligitur ex aliis Conciliis, quibus tota efficacia huius sacramenti tribuitur verbis absolutionis sacerdotalis: ob eandem rationem. 7. ex cap. *presbyter*, ubi Julius I. dicit, [3] quod *si presbyter pœnitentiam morientibus denegaverit, reus erit animarum*; ergo potest hoc sacramentum recipi utiliter sine contritione perfecta, sed cum imperfecta. Probat. conf. illi morientes vel habent contritionem perfectam, vel solam attritionem. Si 1. ergo presbyter illis negans absolutionem non est reus animarum: nam illæ

[1] Jo. 2. cor. [2] p. 7. a. 39.

[3] c. 26.

salvantur ex vi contritionis suæ cum voto sacramenti. Si 2. ergo merito eis negat sacramentum, quia non habent debitam dispositionem, sed ex se ipsis peribunt. 8. ex cap. firmiter dicitur, [1] quod si post susceptionem baptismi quisquam fuerit prolapsus in peccatum, per veram pœnitentiam semper poterit reparari. Nam hæc reparatio non tribueretur sacramento, sed contritioni. 9. Denique Sixtus IV. damnat hanc propositionem Petri de Osma, *Peccata mortalia quoad culpam, & pœnam alterius sæculi sola contritione deleri absque confessione*; sed hæc non esset adeo falsa, vel erronea, si semper deberet præcedere contritio perfecta ex charitate, quia hæc semper remitteret culpam, & pœnam alterius vitæ; ergo &c.

10. In idem fuit damnatio istarum in Bajo. [2] *In omnibus pœnitentibus ante sacramentum absolutionis, & in catechumenis ante baptismum est vera justificatio, separata tamen à remissione peccatorum*. Sed i. p. hujus propositionis esset vera, si semper catechumeni, & pœnitentes deberent habere contritionem, aut receptionem baptismi, vel absolutionis; ergo vel attritio sufficit, vel illa propositio quoad i. p. est vera. Idem est de ista: [3] *Peccator pœnitens non vivificatur ministerio sacerdotis absolventis, sed à solo Deo, qui pœnitentiam suggerens vivificat ... ministerio autem sacerdotis solus reatus tollitur*. Nam prima pars esset similiter vera, vivificaretur semper ex vi contritionis à solo Deo: nam inquit adversarii, ex Innocentio III. [4] *Peccatum prius remittitur per compunctionem cordis à Deo, quam pronuntietur per confessionem ab homine*; & ex Alensi. *Absolutio gratiam supponit; nunquam enim sacerdos absolveret quemquam, de quo non præsumeret, quod esset absolutus à Deo*.

11. Ex aliis censuris per universitates Theologicas, ut in Parisiensi [5] an. 1638. dictum est contra P. Sequenot. *Quæ tradit Author de Attritionis insufficientia, & contritionis ex perfecta charitate absoluta necessitate ad recipiendum sacramentum pœnitentiæ; et quæ addit, et approbat de absolutione, quod nihil aliud sit, quam declaratio juridica peccati jam remissi, damna-*

F 5 vit

[1] de SS. Trin. [2] Prop. 35.

[3] Prop. 58. [4] Contr. necess. p. 241.

[5] Ibid. p. 248.

vit quoque facultas, et censuit has propositiones esse quietis animarum perturbativas, communi, et omnino tute praxi Ecclesie contrarias, efficacie sacramenti imminutivas; insuper temerarias, et erroneas; ergo ex mente illorum Theologorum, attritio, quæ non continet actum, aut motivum charitatis, nec per consequens justificat, nec ad justificationem sufficit extra sacramentum actuale: sufficit cum, & in sacramento.

12. Ex Catechismo Concilii, quippe ex ejus doctrina, & decisionibus concinnatus est jussu Pii V. Nam 1. docet, [1] quod *Christus hoc sacramentum instituit, quo per sacerdotis absolutionem peccata nobis esse remissa consideremus*; ergo non remittuntur ex vi contritionis ante absolutionem, nec ad hanc recipiendam necessaria est contritio ex vera charitate: quia ex Concilio hæc justificat ante acceptam absolutionem. Ideo addit, quod *absolutio sacerdotis verbis enuntiata, remissionem illam peccatorum signat, quam in anima efficit*. 2. Docet differentiam potestatis sacerdotum nostrorum ab antiquis esse in eo, quod olim in veteri lege sacerdotes testimonio suo aliquem liberatum a lepra dumtaxat pronuntiabant, sed nostri verè, tanquam Dei ministri absolunt; sed hoc non facerent, si contritio perfecta, & de se justificans extra sacramentum, necessario præcederet absolutionem sacerdotis, ita ut pura attritio numquam sufficeret; ergo &c.

3. Assignans conditiones contritionis requisitæ ad effectum sacramenti, nullam mentionem facit de motivo veræ charitatis: nam sic eam definit post Concilium. Est animi dolor, ac detestatio de peccato commisso cum proposito non peccandi de cætero, &c. Ex his colligi poterunt, quæ ad veram contritionem, maximè sunt necessaria, (*non dicit ad perfectam, sed veram*) necesse est peccata omnia, quæ admisimus, odisse, & dolere 2. Ut ipsa contritio confitendi, & satisfaciendi voluntatem conjunctam habeat. 3. Ut pœnitens vitæ emendandæ certam, & stabilem cogitationem suscipiat ... 4. Ut satisfaciatur, &c. 5. Condonatio injuriarum; sed nullibi vides necessitatem charitatis; ergo &c. Hæc sunt.

[1] de Pœnit. §. 2.

„ sunt à fidelibus in contritione servanda. Cetera, quæ
 „ à fidelibus præstāda sunt, à Pastoribus facile colligi
 „ poterūt, quæ efficient quidē, ut in suo genere contritio
 „ sit magis perfecta, & absoluta, verum adeo necessa-
 „ ria non sunt æstimanda, ut sine his veræ, & salu-
 „ taris pœnitentiæ ratio constare non posset; sed illa
 „ omnia reperiuntur in attritione; ergo ex mente
 „ Concilii, & Ecclesiæ, quæ hunc catechismum appro-
 „ bat, & iradit, pura attritio sufficit in sacramento ad
 „ remissionem peccati.

Confir. Nam hæc motiva suggerit pastoribus prædi-
 „ canda, ut in peccatum summum odium fidelium con-
 „ citetur, 1. quia summa illius sceleritas, & turpitudine;
 „ 2. Quia gravissima damna, & calamitates nobis af-
 „ fert; nam Dei benevolentiam, à quo summa bona
 „ accepimus, longeque majora expectare, & conse-
 „ qui licebat, à nobis alienat, & summorum dolo-
 „ rum cruciatibus perpetuè afficiendos sempiternæ
 „ morti nos addicit. Vide, quod non habet hic, ni-
 „ si motiva puræ attritionis; sed hæc non ita propone-
 „ ret, si pœnitentiam hinc conceptam putaret insuffi-
 „ cientem cum sacramento: nam *perfecta contritio est*
charitatis actio, quæ ab eo timore, qui filiorum est,
proficiscitur; ergo &c.

Prob. 5. ratione. Quia si necessaria esset contritio
 perfecta, sacerdos numquam remitteret peccata, nec
 istud sacramentum diceretur mortuorum: quia num-
 quam per se conferret 1. gratiam; sed conf. est falsum:
 ex Scriptura, & fide; ergo &c. Probat. maj. nam per
 contritionem perfectam remittitur peccatum ante re-
 ceptionem sacramenti, & absolutionem sacerdotis;
 alioqui ex adversariorum mente illud indignè suscipe-
 retur; ergo numquam absolutio, seu sacramentum
 conferret 1. gratiam. Prob. ant. ex Concil. Trid. di-
 „ cente, Contritionem, si charitatem perfectam es-
 „ se contingat, hominem Deo reconciliare, antequam
 „ hoc sacramentum actu suscipiatur.

Plura argumenta ex Script. Concil. Pat. & ratione
 Theologica dedimus in opere prædicto de attritione
 sufficienti.

Objic. 1. ex Script. Peccator debet perfectè converti,
 & ex toto corde, & facere sibi cor novum; ut veniam
 obtineat; sed hoc non facit sine amore Dei ex vera

charitate, quæ non est in attritione; ergo hæc non sufficit ad remissionem peccati, etiam in sacramento. Maj. patet ex innumeris textibus. [1] „Cùm quæsieris Dominum, invenies eum, si tamen in toto corde quæsieris. Item, [2] Convertimini ad me in toto corde vestro, ... facite vobis cor novum, & spiritum novum, &c. Prob. min. Nam attritio ex solo timore pænæ non convertit ad Deum, sed potius fugit eum, & justiciam ejus; non quærit Deum propter ipsum, sed ut vitet pœnas peccati sui; non exiit cor verus, sed retinet, & cum vetere Adam vult se abscondere, sc. habet cor servile, non filiale; ergo, &c.

Resp. dist. maj. debet converti perfectè, id. integrè, ita ut nullus in eo remaneat affectus peccati, sed illud sincerè detestetur, con. perfectè, ita ut illud detestetur ex motivis perfectissimis, & actibus intensissimis, neg. maj. nam Script. non exigit has perfectiones, sed illam, qua prorsus ex omni affectu expellatur peccatum, & Deus sincerè quærat placandus, & id præstat attritio christiana.

Inst. 1. Pœnitentia, qua placandus sit Deus, debet illi placere; sed non potest illi placere sine charitate, quæ facit contritionem; ergo nec illum placare. Prob. min. ex Apostolo: [3] „Si linguis Angelorum loquar, & charitatem non habeam, factus sum velut æs sonans, etc. Qui non diligit, manet in morte, sc. peccati.

Resp. dist. maj. Debet illi placere in ordine ad gratiam per sacramentum obtinendam, conc. placere, quasi actus meritorius, & dispositio immediata ad gratiam, neg. maj. & ant. nam Script. loquitur de necessitate charitatis in actibus nostris, ut sint meritorii, non de actibus, qui præparant ad sacramentum, pro quo sufficit tollere obicem gratiæ, quam istud debet conferre *ex opere operato*, & ex meritis Christi, quæ nobis applicat.

Inst. 2. Qui dolet de peccato propter pœnas, aut fœditatem peccati, quærit seipsum potius, quàm Deum: ergo non convertitur ad Deum. Prob. ant. quærit suam exemptionem à pœnis, aut ab infamia peccati: ergo &c.

Resp.

[1] *Deut.* 4. [2] *Eze.* 18. [3] *1. Cor.* 13;

Resp. dist. ant. Quærit seipsum, & exemptionem immediatè, & explicitè: con. unicè, ultimatè, & implicitè; neg. utrumque ant. Nam etiam in attritione homo respicit implicitè, & virtualiter peccatum, ut offensam Dei, cujus iram, & vindictam demeretur, & timet, & detestatur illud, ut vitet pœnas, & iram placet, & iratum sibi reconciliet, & jus ad beatitudinem recuperet. Amor enim beatitudinis causat odium damnationis, ac causarum ejus; nam omne odium venit ex amore; denique dum attritus vult sacramentum gratiæ reconciliatricis, vult reconciliari.

Objic. 2. ex Trident. [2] *Contritio fuit quovis tempore necessaria ad impetrandam veniam peccatorum, & docet eum, cui nulla est contritio, non verè absolvi in hoc sacramento*; ergo attritio non sufficit etiam in sacramento, sed necessaria est contritio. Juenin. dicit, nos torqueri hoc argumento, sed fallitur, nam facillimè, & evidenter

Resp. dist. ant. contritio ibi definita, quæ est genus ad perfectam, & imperfectam; con. contritio perfecta, & justificans per se extra sacramentum, quæ est species contritionis illius, quam dicit necessariam, neg. ant. nec enim de hac specie loquitur Concilium, alioqui sibi contradiceret, dum adducit exemplum Ninivitarum, quorum pœnitentiam dicit fuisse *plenam* non amore, sed terroribus; & in quo videtur pura attritio. Idem patet ex aliis textibus ejusdem Concilii ibidem, & alibi.

Inst. 1. Analogum simpliciter prolaturum sumitur pro principali analogato: sed contritio ex charitate perfecta est principale analogatum significatum nomine contritionis; ergo de ista debet intelligi Concilium.

Resp. Juenin. forte non vidisse hoc suum argumentum nimis probare: probaret enim contritionem perfectam esse absolutè, ac simpliciter necessariam, quia hæc est principale analogatum. Ejus verò necessitatem absolutam non admittit ille author.

Resp. 2. neg. suppositum maj. sc. contritionem ab initio capitis illius descriptam dici analogicè de his speciebus, nam illis convenit prorsus univocè.

Resp. 3. dist. maj. nisi loquens se explicet de alijs

[1] s. 14. c. 4.

apud

analogatis, con. si indicet se complecti alia analogata, neg. maj. & conf. nam aperte docet illam aliam contritionem, quæ dicitur imperfecta, & attritio, *disponere ad gratiam in sacramento impetrandam.*

Inst. 2. Contritio, quam requirit Concilium, disponit ad justificationem; sed non potest sic disponere sine amore Dei ex vera charitate, quam non habet attritio nostra; ergo hæc non sufficit ad mentem Concilii. Prob. maj. contritio illa est, *quasi materia sacramenti*; ergo disponit &c.

Resp. dist. maj. Disponit in sacramento, vel extra, conce. maj. & neg. min. extra sacramentum semper, neg. maj. & conseq. contritio illa disponit ad gratiam extra sacramentum, quando contingit eam esse charitate perfectam, & in sacramento, quando concipitur ex metu pœnarum, &c. ut attritio, quod clarum est in textu, nisi cœcutire velis ad lucem.

Resp. 2. dist. min. sine amore aliquo, scilicet charitatis, aut spei, aut Religionis, vel alterius virtutis Christianæ, con. sine amore veræ charitatis, neg. min. nec enim id somniavit Concilium in attritione, quam dicit disponere ad gratiam in sacramento.

Inst. 3. Concilium damnat, qui dixerit, *hominem sine præveniente Spiritus S. inspiratione posse credere, sperare, diligere, aut pœnitere, sicut oportet ad gratiam*; sed ibi loquitur de justificatione in sacramento pœnitentiæ, & requirit dilectionem Dei; ergo pœnitentia non sufficit in sacramento sine charitate.

Resp. neg. 1. p. min. Nam Concilium ibi loquitur de justificatione absolute, sive in sacramento, sive extra illud, & de dispositionibus ad eam requisitis, sive implicite, & virtualiter, sive explicitè, & formaliter, nec determinat omnes, & singulos illos actus debere semper adesse explicitè: v. g. in sacramento pœnitentiæ non semper eliciuntur explicitè actus fidei; ergo ita est de actu charitatis: supponit, quod pœnitentia supponat fidem, & spem habituales, sine qua nec pœniteret homo, nec confiteretur, nec sumeret sacramentum. Idem est de dilatione, nec enim quæreret sibi placare Deum, nisi velet eum habere amicum, & benevolum. Nos autem hîc loquimur de attritione quoad actus explicitos.

Objic.

Objic. 3. ex eodem Concilio, contritio necessaria includit propositum non peccandi de cetero, & fiduciam divinæ misericordiæ impetrandæ, & votum præstandi, quæ ad sacramentum ritè suscipiendum requiruntur; sed hæc haberi non possunt sine aliquo vero amore Dei, qui non est in attritione ex metu, vel ex timore sceleris peccati; ergo non sufficit attritio ista. Prob. min. propositum non peccandi, sed præstandi illa omnia includit propositum servandi mandata, quorum primum, & maximum est amor Dei super omnia; ergo &c.

Resp. dist. utramque min. includunt virtualiter, & implicitè; con. explicitè, & formaliter; neg. min. & conf. nec enim negamus, quin homo eliciens illam attritionem sit ita dispositus, ut si hæc ei venirent in mentem, etiam illa amplecteretur; sed negamus, quod ex mente Concilii, hæc semper necessaria sint explicitè in attritione, ut iustificet cum sacramento; neque ad veram pœnitentiam ex natura rei.

Objic. 4. Concilium sumit nomen contritionis in sensu Scripturæ, & Theologorum antiquorum; sed isti sumebant illud nomen pro contritione perfecta; ergo &c. Prob. min. nam inquit Vega. [1] *In usu est contritio non tantum apud scholasticos, sed in translatione Scripturæ, & apud graves, & antiquos Ecclesiæ Doctores... non sine causa non qualiscumque dolor de peccatis, sed perfectus tantum, & sufficiens ad justificationem, Contritio dicitur.* Et Dom. Soto. [2] *Nomine contritionis universis tum Patribus, tum Theologis Scholasticis venit intelligendus actus pœnitentiæ perfectus, quo peccata remittuntur.* Isti duo interflucunt Concilio.

Resp. neg. min. & ant. Nam, ut dictum est, Script. Patres, & Theologi loquuntur de pœnitentia, & contritione satis indifferenter, modo vera sit, & ad gratiam disponat. Quoad vetus Testamentum non esset mirum, si loqueretur de perfecta, quia tunc erat pro adultis sola via ad justificationem; illa sola debebat iustificare. Patres autem hortantur ad pœnitentiam perfectiorem, & ex motivis nobilioribus; sed tamen ubique magis ordinariè suadetur pœnitentia.

[1] *In Concil. Triden. l. 13. cap. 17.*

[2] *L. 2. de nat. c. 14.*

tia sub motivis attritionis, sc. proponendo pœnas, & præmia. Denique in opere citato fusè demonstravimus Contritionarios imponere Patribus, & Theologis toto libro 2.

Quantum ad Sorum, & Vegam non vacat percurrere illorum dicta; interim per eos liceat nobis stare verbis Concilii, prout intelliguntur communiter à Theologis.

Objic. 5. ex Augustin. pœnitentia ex solo timore pœnæ non excludit voluntatem peccandi; ergo nec attritio. Prob. ant. *Inaniter putat se esse victorem peccati, qui pœnæ timore non peccat; quia & si non impletur foris negotium malæ cupiditatis; ipsa tamen mala cupiditas intus est hostis; & alibi apertè dicit: Sub lege est, qui timore supplicii, quod lex minatur, non amore justitiæ, se sentit abstinere ab opere peccati. Nondum alienus est à voluntate peccandi, &c.* Et alibi comparat istam mulieri, quæ cessat adulterari, ne videatur, & puniatur à viro; sed semper retinet appetitum adulterandi. Item & Lupo, qui abstinet à rapina ovium metu canum, non deponit appetitum; ergo ex Augustino attritio ex metu non excludit voluntatem peccandi.

Resp. dist. ant. Ex solo metu serviliter servili pœnarum; con. ex solo metu sine affectu servilitatis; neg. ant. & 2. conf. nam Augustinus loquitur de metu serviliter servili, qui ultimatè sistit in fuga pœnarum; non de nostro, qui in fuga pœnarum quærit placare Dominum, & illi reconciliari, quod facere non potest, si retineat minimum affectum peccati.

Inst. ex eodem; *pœnitentiam certam non facit nisi odium peccati, & amor Dei, & alibi: si non desistant à peccato habendo charitatem nihil eis prodest.* Idem docet Apostolus; [1] *sine charitate nihil sum,* &c. Joannes; [2] *Qui non diligit, manet in morte;* ergo Attritio sine amore non valet.

Resp. dist. conf. Sine charitate implicita, vel explicita; actuali, vel habituali; comitante, aut sequente; perfecta, vel imperfecta: con. sine actuali explicita, & perfecta; neg. conf. nec enim id vult August. nec Apost. nec Joannes. Attritio verò non excludit talem amorem, sed potius ad eum tendit ultimatè, ut diximus.

[1] *Ser. tēp. 21 cū, 27.* [2] *1. Jo. 3.*

Objic.

Objic. 6. Sicut status legis Evangelicæ est nobilior statu legis naturæ, & Mosaicæ, sic exigit media nobiliora ad finem: sed contritio ex charitate fuit medium nobilius justificationis in illis statibus; ergo à fortiori in nostro. Charitas autem *opus perfectum habet.*

Resp. dist. min. Nobilius præcisè ratione charitatis, & comparativè ad aliqua motiva explicita attritionis: con. absolute, & simpliciter secundum omnia, quæ includit attritio virtualiter, nego min. nam hæc includit efficaciam Sacramenti, quam istud habet ex institutione, & meritis Christi, & tendit in eundem finem ultimum ex iisdem auxiliis gratiæ, ex eadem fide, & spe, in his autem non cedit illi contritioni Patriarcharum, si non excedit.

Objic. 7. ex Scoto. Pœnitentia in extremis est dubia, quia procedit ordinariè ex timore pœnatum. Nam inquit cum Augustino, *oportet non solum timere iudicem, sed diligere. Arbitrii enim libertatem querit, ut dolere possit commissa non necessitatem; charitatem, non timorem. Non ergo timeat pœnam, qui pœnitet, sed anxietur pro gloria.* Et S. Bonaventura, qui pœnitentiam ex timore laudat, addit; *propter illum timorem cessat homo à peccatorum perpetracione, licet non omnino cesset à voluntate...* Nam voluntas peccandi manet in habitu, et radice: quia deformitas est circa timorem; ergo attritio ex metu pœnatum non excludit omnino voluntatem peccandi; ergo non sufficit nequidem cum sacramento, &c.

Resp. neg. ant. Scotus enim ibi non loquitur ad propositum præfens, sc. de attritione cum sacramento, nec de amore charitatis, sed spei, seu concupiscentiæ, quo pœnitens *anxiatur pro gloria.* Loquitur de pœnitentia in extremis, ubi est minus libera propter morbi violentiam, quæ turbat mentem, & causat metum mundanum potius, quàm Christianum. Eadem est mens Augustini.

S. Bonaventura loquitur de radice peccati, quod remanet quoad maculam, & reatum in tali pœnitentia, nisi adveniat sacramentum, ut facit contritio ex charitate, & maxime si metus sit cum servilitate, de qua dicit, *potest esse, quod aliquis serviliter timeat, & tamen motu illo non peccabit; bene verò si aliquis sic timet pœnas, & timendo dolet, quod tales pœnæ*

infiguntur pro culpa, & actu etiam cupit peccare, & non esset pœna illa. Et hoc modo serviliter est peccatum.... Hoc autem non est semper; cum quis movetur timore servili, alioqui per usum illius doni (timoris) magis se homo à gratia elongaret, quàm prepararet (scad eam) quod planè falsum est; ergo censet attritionem ex metu præparare ad gratiam, si absit servilitas, seu affectus ad peccatum; ergo tam sanctus iste, quàm Scotus nobis favent. [1]

Inst. Scotus docet, quod pœnitentia ex timore non est plenè voluntaria; ergo nec bona. Prob. ant. nam loquens de pœnitente in extremis, & ex metu dicit, quod difficile est tunc habere actum sic circumstantionatum. Nam in istis, quibus imminet mors, vel est maximus dolor, vel timor maximus, & utraque passio vehemens nata est impedire liberum usum rationis, & voluntatis. Et infra. Ut displicentia valeat, oportet, ut sit debite circumstantionata. Ut sc. sit voluntaria propter Deum..... ergo attritio ex metu non est plenè voluntaria, nec propter Deum, ergo nec sufficiens ad gratiam.

Resp. neg. 1. ant. & 2. conf. Nam esto, in illo statu, sc. in articulo mortis, & post vitam longam in peccatis, timor tum mortis, tum damnationis sit vehemens, & minuat usum rationis, & libertatis; tamen in nostris casibus non adsunt causæ illæurbationis; pœnitentia in statu sanitatis potest esse liberrima, & sufficit cum sacramento; non quidem ex merito, quia dispositio interior non est sufficiens, sed ex parte Dei assistentis sacramento suo ad effectum illius, ad quem institutum est sacramentum.

Cōstat igitur quòd attritio ex solo motivo timoris, vel turpitudinis peccati elicitæ, licet explicitè non cogitetur de nobiliori motivo, vel fine præter immunitatem pœnarum, quibus punitur à Deo, & modo non excludat alios fines tam virtutis, quàm sacramenti, & adsint aliæ conditiones requisitæ, maxime propositum syncerum non peccandi, illa, inquam, attritio sufficit cum sacramento ad justificationem.

Dico, modo non excludat, &c. nam si excluderet, volens sistere ultimatè in solo timore, & immunitate pœnæ, attritio illa non solum insufficiens esset, sed:

sed etiam, ni fallor, mala esset: nam retineret servilitatem. Nisi autem illi alii fines ultiores tam virtutis, quàm sacramenti sic excludantur virtualiter, aut formaliter, censeo omnem attritionem Christianam tendere natura sua in Deum, ut finem, & ut placandum, & ut sibi reconciliandum, & possidendum; quia sub utraque ratione virtutis, & sacramenti Deus est finis huiusmodi ex natura rei.

Ideò dixi in conclusione, *sine motivo explicito* formali amoris Dei, &c. Nam, ut mox dicebam, semper ex natura rei talis attritio tendit in Deum.

Præterea suppono illam attritionem esse supernaturalem tum ex parte gratiæ excitantis, & juvantis, sine qua nemo potest pœnitere, sicut oportet ad justificationem; tum ex parte fidei, sine qua non possunt rimeri pœnæ damnationis, sicut nec cognosci; tum ex parte spei, qua sperari debet venia virtute sacramenti. Quæ omnia sunt principia supernaturalia.

Q U Æ S T I O VII.

An, & Quomodo attritio fieri possit contritio.

A Pud antiquos Theologos, & ante Concilium Trident. communiter dicebatur, quòd virtute sacramenti Pœnitentiæ, homo de attrito fit contritus; quia, ut sæpius dixi, vocabant attritionem, omnem illam pœnitentiam, quæ præcedit infusionem gratiæ justificantis: illam verò, quæ conjungitur tali gratiæ, vocabant *contritionem*, ex quocumque motivo eliceretur. Aliter nunc loquuntur posteriores: ideò, ut conciliantur utrique, ponimus hanc quæstionem.

His temporibus conveniunt Theologi de differentia horum actuum, sed non de illorum efficacia. Quidam putant contritionem ex charitate, imò & cum gratia habituali præire debere sacramento, & istud præsupponere gratiam illam. Alii volunt Attritionem non valere ad justificationem in sacramento, nisi includat amorem Dei super omnia; sed putant, quod cum illo amore nondum est sanctificans, nisi accedat virtus sacramenti, & sic ille actus manet semper attritio ante operationem sacramenti, excepto

cepto tamen casu necessitatis, in quo non posset haberi sacramentum, quia tunc illa attritio fieret contritio, & causaret gratiam cum voto sacramenti. Alii docent contritionem non dici veram, & perfectam, nisi amor ille Dei sit valde intensus, sed dicendam esse attritionem. Alii denique docent, quod ut contritio, per se, & extra sacramentum actuale iustificet, sufficit, quod fiat ex amore Dei propter se, & super omnia, ita ut attingat perfectionem essentialem, non verò gradualem charitatis. Hæc in ista, & sequenti quæstione examinamus.

CONCLUSIO.

Attitio, in bono sensu, & prout hodie sumitur, numquam fieri potest contritio, nisi per aliquam æquivalentiam. Attritus verò fieri potest contritus.

Prob. 1. ex Scoto, qui licet videatur docere, quod attritio virtute sacramenti fit contritio, id tamen non intelligit de mutatione intrinseca unius in aliam, sed purè de extrinseca ratione gratiæ absentis, aut præsentis; ergo ex Scoto [2] attritio numquam fit contritio propriè. Prob. anteced. *Si manet*, inquit, *idem motus contra peccatum in esse nature, & moris, qui prius; idem motus, qui prius fuerat attritio, in illo instanti fit contritio, quia in illo instanti fit commutans gratiæ, & ita actus formatus; ergo tota essentia attritionis manet eadem ante gratiam, & cum gratia, sed ante gratiam dicebatur attritio, & cum gratia dicitur contritio, per solam mutationem extrinsecam.*

Prob. 2. ex dictis, contritio, & attritio sunt actus diversæ speciei: sed species rerum non mutantur; ergo nec attritio mutatur in contritionem quoad essentiam. maj. patet ex dictis, nam illa est dolor de peccato ex metu gehennæ, ac poenarum, vel ex horrore fœditatis peccati: hæc verò est dolor ex motivo veræ charitatis in Deum, & hæc motiva intrinseca earum sunt specie distinctissima.

Prob. 3. Actus unius virtutis non potest mutari in aliam; v. g. actus iustitiæ non potest fieri actus tem-

pe-

perantiæ, nec vicissim, & in Physicis, vel Metaphysicis Bos non potest fieri Leo; ergo nec in moralibus Attritio potest fieri contritio.

Confir. Nam si actus, qui in 1. instanti est attritio, fiat in 2. contritio, in hoc 2. cessat esse attritio, & est novus actus ex novis principiis, cessantibus prioribus; sicut si motus, qui in 1. instanti est tardus, fiat velox in 2. non est amplius idem motus, nec dicitur, tardum fieri velocem; sed velocem succedere tardo; ergo ita in proposito; si actus pœnitentiæ, qui in uno instanti fit ex metu gehennæ, fiat in alio ex charitate in Deum, dicendum est contritionem succedere attritioni, non autem attritionem fieri contritionem.

Prob. 2. p. Nam per æquivalentiæ mutationem nihil aliud intelligitur, quàm quod attritio manens essentialiter immutata, seu ex iisdem principiis, & motivis durans producat cum sacramento eandem gratiam, quam producit contritio extra sacramentum in re; sed hoc facit attritio, ut probatum est; ergo in hoc sensu attritio fieri potest contritio, & eodem sensu id dicebant antiqui scholastici.

Prob. 3. par. nam attritum fieri contritum nihil est aliud, quàm de uno actu transire ad alium; & ut is, qui dolebat de peccato ex metu gehennæ, jam doleat ex charitate in Deum; sed hoc fieri potest, & fit quasi regulariter; ergo attritus fieri potest contritus.

Objic. 1. con. 1. p. attritio, & contritio sunt actus ejusdem virtutis, sc. pœnitentiæ, nec differunt nisi penes magis, & minus, sed quæ sic differunt, possunt mutari in se invicem; sicut imperfectum in perfectum, & remissum potest intendi; ergo &c. Prob. maj. nam ex Concilio attritio dicitur contritio imperfecta; ergo &c.

Resp. dist. maj. ejusdem virtutis genericè; con. in specie atoma: neg. maj. nam contritio præcisè prout describitur à Concilio est quasi genus ad perfectam, & imperfectam; & hæc dicitur imperfecta, non in sua specie, & absolute, sed comparative ad aliam, sicut irrationale respectivè ad rationale; sc. perfecta elicitur ex nobiliori motivo, quàm attritio, ut patet.

Objic. 2. Scotum, & omnes antiquos Theologos, qui

qui apertè docuerunt attritionem fieri contritionem accedente gratia; ergo &c.

Resp. neg. conf. Nam in alio sensu loquebantur illi Theologi, quàm nos post Concilium, quod illos actus distinxit per principia illorum essentialia, & intrinseca. Illi autem distinguebant eos per extrinseca; sc. per informationem, & absentiam gratiæ sanctificantis, ut diximus.

Objic. 3. Actus malus potest fieri bonus; ergo & attritio fieri potest contritio. Ant. patet ex dictis de actibus humanis. Prob. conf. attritio, & contritio non magis opponuntur, quàm actus bonus, & malus; ergo tam possunt converti ad invicem.

Resp. neg. ant. absolutè. Nam esus carnis, qui durante ignorantia invincibili præcepti erat non malus, aut bonus, fit quidem malus, si continetur post cognitionem prohibitionis, sed non est amplius idem actus in rigore, licet videatur integrare eandem refectionem: quia cessante ignorantia, debet homo cessare à volitione talis actus, & si perseveret, id fit per novam volitionem, in qua est malitia. Id à fortiori verum est in attritione: nam hæc non cessat esse attritio, nisi mutato motivo doloris de peccato, ita ut dolor, qui erat ex timore, jam sit ex charitate.

Inst. Idem actus de falso fit verus, & de vero falsus; ergo idem, qui erat attritio, fieri potest contritio. ant. patet ex dictis in Logica. Conf. etiam prob. non est major distinctio inter contritionem, & attritionem, quàm inter verum, & falsum.

Resp. dist. ant. Actus objectivè, con. idem numero, neg. ant. & conf. cum dico Petrus currit, propositio est vera, quando currit, & falsa, quando non currit, sed non est amplius eadem nisi objectivè.

Resp. 2. neg. conf. Nam veritas, & falsitas sunt accidentales propositioni, & veniunt ab extrinseco; sunt relationes pendentes à termino, qui potest mutari, & ex mutatione resultant relationes conformitatis, vel difformitatis in propositionibus. At in contritione, & attritione differentia sunt essentialis, & veniunt ex principiis ipsorum actuum intrinsecis.

Habes ergo, quomodo dicendum, & intelligendum, quod attritio per virtutem sacramenti fiat contritio.

tritio, & quod attritus fiat contritus. 1. verum est in sensu antiquorum, quatenus actus ille, qui sine sacramento in te est, vel erat informis, id. sine gratia sanctificante, & cum peccato, jam virtute sacramenti fit formatus per gratiam illam, & sic habet eandem vim cum sacramento, quam habet contritio perfecta ante actuale sacramentum, licet in sua entitate, & specie maneat semper attritio. 2. autem verum est, vel quatenus idem homo, qui dolebat de peccato ex timore gehennæ, vel ob turpitudinem peccati, & erat purè attritus, jam dolet de eodem ex motivo perfectæ charitatis in Deum: vel quatenus idem dolor de peccato, qui ex solo motivo timoris non impetrabat se solo gratiam, nec cum illa jungebatur, jam mediante sacramento informatur gratia, & immunis est à peccato: & sic intelligendi sunt antiqui, & omnes actus pœnitentiæ iustorum ex quovis motivo non malo erant contritiones in eorum sensu.

Q U Æ S T I O VIII.

An contritio sit semper conjuncta cum gratia sanctificante.

Hujus quæstionis decisio lucem afferet dictis de sufficientia attritionis in sacramento, & de horum actuum differentia. Nam patebit an attritio, quam certum est non justificare extra sacramentum, debeat includere aliquem amorem veræ charitatis in gradu remisso, ut volunt plurimi, negantes sufficientiam attritionis ex solo motivo timoris pœnarum, vel seditatis peccati.

Suppono autem ex dictis, quod contritio simpliciter dicta, seu perfecta includit amorem Dei super omnia elicited, vel imperatum, seu ex charitate.

C O N C L U S I O.

Vera contritio elicita, vel imperata à vera charitate semper est conjuncta cum gratia sanctificante. Est de fide.

Prob. ex Scoto cit. [1] qui ex hac conjunctione distin-

[1] d. 14. q. 2. N. 15.

stinguit contritionem ab attritione; ut mox dicebamus.

Prob. ex Trid. cit. [1] Ubi docet, quod quando contingit contritionem *perfici charitate, reconciliat hominem Deo prius, quam hoc sacramentum actu suscipiatur*. Et per hoc distinguit eam ab attritione, quæ non est sic perfecta, nec reconciliat hominem Deo sine infusione gratiæ sanctificantis; ergo &c.

Prob. 3. ex damnatione aliquot propositionum Michaelis Baji, in quibus negabat in peccato incōpatibilitatem cum vero amore charitatis, etiam in contritione, ut cum dicebat; [2] charitas, quæ est plenitudo legis, non est semper conjuncta cum remissione peccatorum. [3] Item, charitas perfecta, & sincera, quæ est ex corde puro, & conscientia bona, & fide, non ficta, tam in catechumenis, quam in pœnitentibus potest esse sine remissione peccatorum. Item, Per contritionem etiam cum charitate perfecta, & cum voto recipiendi Sacramentum conjunctam, non remittitur crimen extra casum necessitatis, aut martyrii, sine actuali receptione Sacramentorum; ergo de mente Ecclesiæ omnis contritio ex vera charitate est semper conjuncta cum gratia sanctificante, etiam sine actuali sacramento.

Probat. 4. ex Script. dicente, quod Charitas operit multitudinem peccatorum. Et ego diligentes me diligo. Et: oculi Domini in diligentes se. Et, omnis, qui diligit, natus est ex Deo. Et, qui manet in charitate, in Deo manet, & Deus in eo. Et, Qui diligit me, diligitur à patre meo. Et de Magdalena, dimissa sunt ei peccata multa, quia dilexit multum, &c. ergo contritio includens amorem Dei ex vera charitate ex parte pœnitentis est semper conjuncta cum charitate ex parte Dei, seu cum gratia sanctificante.

Prob. conf. Deus non potest diligere hominem, nec in eo manere cum peccato; ergo &c.

Confir. nam actus charitatis est actus amicitiae ad Deum, & causat amicitiam Dei ad hominem, ut probant illi textus; sed neutra illa amicitia stat cum peccato; ergo nec vera contritio ex vera charitate.

Confir. 2. ex Catechismo Concil. Triden. dicente, quod

[1] *ss. 14. c. 4.* [2] *prop. 31. & 32.*

[3] *prop. 71.*

quod pleraque pietatis studia, veluti beneficentia in pauperes, jejunia, preces, & alia id genus opera sancta hominum culpa repudiantur: ipsa verò contritio numquam illi grata, & accepta esse non potest. Nam inquit Propheta, [1] cor contritum, & humiliatum Deus non despicies. Quinetiam statim ut eam mente concepimus, peccatorum nobis à Deo remissionem nobis tribui alio loco ejusdem Prophete verba illa declarant: [2] Dixi, confitebor injustitiam meam Domino, & tu remisisti impietatem peccati mei. Affer exemplum leprosum, & concludit, Ex quo licet colligere veram contritionis eam vim inesse, ut illius beneficio, omnium delictorum veniam statim à Deo impetremus.

Confr. 3. ex Chrys. [3] Sicut ignis, ubi sylvam occupaverit, omnia purgare consuevit, ita & charitatis fervor, quocunque inciderit, omnia perimit, atque perumpit, quæ divinam segetem demoliuntur ... ubi charitas est, omnia sublata sunt mala; ergo &c.

Confr. denique judicio Facultatis Parisiensis, quo damnat hanc propositionem, ut hæreticam. Per contritionem, non adhibito realiter Sacramento Baptismi, vel Pœnitentiæ non dimittitur crimen extra casum Martyrii, & necessitatis; ergo de mente facultatis contradictoria est de fide, sc. per contritionem non adhibito realiter sacramento, remittitur crimen ordinariæ.

Objc. 1. ex Script. constat Magdalenam diu contritam ex amore stetisse ante obtentam veniam à Christo; ergo contritio etiam ex charitate non statim justificat sine sacramento.

Prob. ant. Dimittuntur ei peccata multa, quoniam dilexisti multum; sc. de præterito, & diu, non enim potuit multum diligere in instanti præsentis, cum ei dicit Christus, vade in pace; remittuntur tibi peccata; ergo &c.

Resp. neg. ant. & 2. conf. Nam quod sic loquatur Christus de præsentis, non sequitur, quin jam antea fuisset justificata ex vi suæ contritionis, si tamen hæc diu ante præcesserat, nam fortè tunc primum accensa est ejus charitas in sua pœnitentia. Dicit etiam potest Christum sic locutum de præsentis, ut doceret Simonem; quomodo illa veniam obtinuerat, sc. per dilectionem, & cum ad eam sic loquitur,

Tom. VIII.

G

non

[1] Ps. 50. [2] Ps. 31. [3] Ho. 72. Tim.

non significat eam tunc tantum obtinuisse veniam, sed confirmat obtentam. Denique dici potest hæc verba Christi esse potius concessæ veniæ declaratio- nem, quàm primam concessionem.

Inst. contritio Pauli fuerat perfecta, & cum vera charitate in campo Damasci, & tamen non recepit gratiam nisi per sacramentum, dicente Anania, [1] *Dominus misit me, ut videas, & implearis Spiritu S.* Et SS. Genesius, & Emerentiana dicuntur baptizati baptismo non flaminis, sed sanguinis, ut nota sensibili-iori amoris eorum, licet contritio potuerit eos munda- re antecedenter; ergo &c.

Resp. 1. neg. anteced. nam de Paulo gratis dicitur eum statim, & perfectè contritum fuisse ante baptis- mum.

Resp. 2. Id posse intelligi de aliis donis Aposto- licis, quæ tunc accepit Paulus per manus impositio- nem. De aliis verò sequitur solum, quod sit men- tio de Baptismo sanguinis, tanquam de sensibiliiori no- ta conversionis, & sanctificationis eorum, licet antea potuerint gratiam recipere ex vi contritionis, si ad- fuerit.

Objic. 2. ex August. [2] contritio cum voto Ba- ptismi non justificat nisi in ipso baptismo; ergo idem est in poenitentia. Prob. ant. *Quantumque Catechu- menus proficiat, adhuc sarcinam iniquitatis suæ por- tat, non illi dimittitur, donec venerit ad baptismum;* ergo &c.

Resp. neg. 1. ant. & 2. conf. Nihil enim ibi dicit Augustinus de perfecta contritione, sed loquitur contra negligentes suscipere baptismum, vel de pœ- nis externis, quantum ad incorporationem in Eccle- sia. Nam, inquit Bernardus, [3] *Quomodo fidelis Dei contemnit sacramentum.* Et ipse August. ante al- lata verba dicit, quod Christus voluit baptizari, *ne quis arrogans eo quod habeat abundantiam gratiæ alicujus, dedignaretur baptizari baptismo Domini,* & sic addit allata verba.

Inst. Si contritio tam certè conferret gratiam, fru- stra Concilium moneret, *ut nullus sibi conscius pec- cati mortalis, quantumvis sibi contritus videatur, abs- que præmissa sacramentali confessione ad S. Eucha-*

ri-

ristiam accedere debeat, quod jubet can. 11. si habeatur copia confessarii. Non enim major dispositio requiritur ad sumptionem Eucharistiæ, quàm status gratiæ habitualis; sed hæc haberetur certò per contritionem; ergo non deberet præcipi confessio.

Resp. dist. min. Si contritio esset certò perfecta: con. sin minus, sed solum putetur perfecta; neg. ant. non enim certi sumus de perfectione contritionis; Ideò prudenter recurritur ad Sacramentum Confessionis, per quod certiores sumus de gratia. Concilium non dicit; *Quantumvis contritus sis*; sed, *sibi videatur*; & quantumvis contritos se existiment; nam in hoc possunt decipi, ideo certior est via sacramenti.

Objic. 3. Connexio contritionis cum gratia venit ex natura rei, vel ex Dei ordinatione. 1. non ex natura rei, alioqui gratia non esset gratia; sc. ex Dei liberalitate, sed ex debito. 2. non ex Dei ordinatione; nam de hac nullibi constat in Scriptura; ergo gratis asseritur illa connexio.

Resp. neg. min. prob. 2. p. & ant. Nam ex Scripturæ locis citatis, & aliis multis patet Deum non *despicere cor contritum*, & eum redamare, qui se amat.

Inst. Illa connexio esset privilegium legis Evangelicæ, vel Mosaicæ, vel utriusque: sed nihil horum dici potest; ergo gratis dicitur. Prob. min. 1. Non Evangelicæ, nam hæc habet sacramenta, per quæ causatur infallibiliter gratia, & quæ alioqui essent frustra. 2. non Mosaicæ, quia ibi peccata expiabantur per sacrificia; ergo in neutra lege habetur illa connexio.

Resp. neg. min. & 2. conf. nam inquit Trident. *contritionis motus fuit quovis tempore necessarius ad impetrandam veniam peccatorum*. Et Deus ubique promissit gratiam contritis: nec tamen sacrificia, vel sacramenta fuerunt frustra, quia sacramenta mortuorum supplent defectum contritionis perfectæ, & sacrificia erant satisfactiones pro peccatis, & signa Religionis.

Objic. 4. ex Patribus; *sententia Petri* (Sacerdotis) *præcedit sententiã calii*; ergo peccata non remittuntur ante absolutionem sacramentalem per contritionem.

Resp. dist. conf. Per contritionem imperfectam; con-
 tritionem perfectam, neg. conf. nam illud a-
 xioma valet tantum in via ordinaria justificatio-
 nis, quæ fit per sacramentum in attritione; & lon-
 ge certius, quàm per contritionem, de cuius perfectio-
 ne non est præsumendum.

CONCLUSIO II.

Ad rationem hujus contritionis, & ad hanc effica-
 ciam, et distinctionem ejus ab attritione non est ne-
 cesse, ut ille amor Dei pertingat ad perfectionem inten-
 sivam charitatis, sed sufficit, ut pertingat ad perfectio-
 nem entitativam, & essentialem ejus. Est commu-
 nior contra quosdam recentiores Contritionarios,
 qui exigunt perfectionem intensivam, & extensivam
 charitatis, ut sit vera contritio, & deleat peccatum.

Prob. 1. ex Scoto, [1] qui in ipsa attritione, ut sit
 dispositio ad gratiam in termino ejus acquirendam
 nihil aliud requirit, quàm ut sit perfecte circumstan-
 tionata in genere moris. (Loquitur de pœnitentia,
 quæ præcedit infusionem gratiæ, & more Theo-
 logorum sui temporis, vocat eam attritionem,
 ex quocumque motivo eliciatur.) Sed hæc pœni-
 tentia potest esse perfecte circumstantionata in ge-
 nere moris, in gradu remisso, v.g. intensa, ut duo,
 vel tria, & modo pertingat ad perfectionem essen-
 tialem charitatis, ac pœnitentiæ: alioqui non esset
 actus virtutis, nec bonus; ergo ex Scoto ad ratio-
 nem contritionis, de qua hic loquimur, non requi-
 ritur perfectio intensiva gradualis; v.g. ut sit inten-
 sa, ut octo.

Confir. Nam de mente Scoti, & aliorum antiquo-
 rum idem actus pœnitentiæ absque ulla mutatione
 intrinseca circumstantiarum, vel acquisitione ullius
 gradus intensificationis fit de attritione contritio per
 adventum solius gratiæ sanctificantis. Sed ante ad-
 ventum illum pœnitentia illa non supponitur inten-
 sa in gradu summo perfectionis; ergo &c.

Prob. 2. ex Concil. Trident. citat. Nam in sua
 contritione perfecta, & justificante non requirit
 præcisè, nisi ut sit perfecta per charitatē. Perfectio non

ca-

cadit in charitatem perficientem, sed in contritionem; quæ per illam perficitur. Sed veritas essentialis charitatis salvatur in uno, vel duobus gradibus; calor ut unum tam verè est calor quoad essentiam, quàm calor, ut octo; ergo &c.

Prob. 3. Actus aliarum virtutum quoad speciem, & essentiam, consistunt in quolibet gradu, in quo attingunt earum propria objecta; ergo ita est de isto actu pœnitentiæ, qui dicitur contritio.

Confir. ex modo loquendi unius ex acerrimis contritionariis; *contrition necessaire*. Nam inquit [1] *scintilla ignis tam est ignis, quàm ingens rogos. Infans in instanti animationis est verus, et perfectus homo quoad essentiam æque, ac vir 33. annorum*. Item, *Charitas viæ est vera, & perfecta, ejusdemque speciei cum charitate Patriæ*, &c. è contra, embrio ante animationem non est homo, limus nondum est rana: sc. dantur inchoationes quædam amoris Dei, quæ non sunt charitas. Amor, quo diligitur Deus, ut nobis bonus, est concupiscentia, non charitas; ergo sicut de ratione veræ charitatis est, ut Deum propter ipsum, & super omnia diligat, actu intenso, ut octo, vel solum, ut duo, & sicut Deus contulit verè charitati vim expellendi peccatum, seu obligavit se ad illud remittendum intuitu ejus, ita & ad id movetur per omnem veram charitatem, cum proportionem tamen ad perfectionem ejus gradualem, ita ut intensior gratia detur intuitu charitatis intensioris.

Prob. 4. ex dictis de odio peccati quoad intensiorem gradualem ex Scriptura, & Patribus, & ratione, ut cum dicit Deus, *qui diligit me, diligitur a patre meo*: &, *charitas operis multitudinem peccatorum*, &c. Non determinat perfectionem gradualem, quæ rarissima est, & ferè impossibilis homini mortali; ergo si charitas vera perficit contritionem, & facit eam justificantem ante receptionem actualem sacramenti, id facit etiam in gradu remisso, in quo potest dici vera charitas.

Confir. Qui diligit Deum ex vera, & sincera charitate, diligit eum super omnia, & propter ipsum, & qui ex tali amore odit peccatum, & pœnitet; odit etiam illud super omnia mala exten-

G 3

sive,

[1] P. 54. 20. 21. 58. 62. 63. &c.

sivè, & appretiativè; ergo nihil aliud requiritur ad perfectam contritionem justificantem.

Confir. 2. ex August. [1] *Dilectio sola discernit inter filios Dei, & filios Diaboli.* Et alibi, [2] *Nullum est isto dono excellensius: solum est, quod dividit inter filios regni aeterni, & filios damnationis aeternae.* Et alibi. [3] *Si quis in corde suo invenerit charitatem, securus sit, quia transit à morte ad vitam.* Jam in dextera est. Et Chrysol. *Absolvi vis? Ama, dilectio Dei delet, & absolvis omnia delicta.* Et S. Thom. *Minima charitas plus diligit Deum (appretiativè) quam cupiditas millia auri, et argenti.* Amor charitatis etiam remissus, cum sit super omnia, excludit omnem affectum peccati, & omnem inordinationem voluntatis, & includit voluntatem implendi legem; ergo incompatibilis est cum peccato, & movet Deum ad illud condonandum: non enim aliud ad hoc exigit, quam talem conversionem.

Objc. 1. Scotus [4] ad poenitentiam, quæ disponat ad justificationem, ut meritum de congruo, requirit magnam intensiorem, & durationem aliquam; ergo ad contritionem justificantem requirit perfectionem intensivam charitatis. Prob. ant. nam de præcepto amoris Dei dicit, quod illud super omnia debes intelligi utroque modo. (extensivè, & intensivè) sicut enim teneor diligere Deum super omnia extensivè; ita etiam majori affectu, quam omne aliud. Hinc Valentia conqueritur de Scoto, quod nemo præter illum hoc doceat; ergo ex Scoto ad veram charitatem requiritur magna intensio; ergo & ad contritionem charitate perfectam.

Resp. neg. 1. anteced. & 2. conf. nam ut diximus alias cum Scholaste, nihil aliud intendit Scotus, quam ut diligatur Deus super omnia tenerius, & firmitus. Id significant ibi verba intensivè, et extensivè. Amor Dei potest dici super omnia. 1. si sit major intensivè, quam ullus alius amor, quo ametur ulla creatura, & hunc non exigit Scotus. 2. si sit fortior, & efficacior ad placendum Deo, quam amor placendi creaturæ, licet aliunde sit remissior; & hanc majoritatem exigit, ut necessariam ex præcepto.

Idem

[1] 1r. 5. ep. Jo. 15. [2] Trin. 18. tr. 5. ep. Jo.

[3] 1er. 24. 3. p. 9. 70. a. 4. [4] 3. d. 27. L. 16.

Idem sentit S. Bonaventura dicens. *Hoc est diligere Deum super omnia, quod pro nullo damno, vel commodo velis Deum offendere. Sic intelligendum est de displicentia contritionis. Unde dico, quod peccatum tantum debet displicere rationi, quod nullo pacto pro nullo commodo velis in ipsum consentire, vel consensisse, &c. sed ad hoc non requiritur magna intensio gradualis, ergo &c.*

Objic. 2. ex Patribus citatis disp. præcedenti de quantitate odii peccati, ut pater, qualis debeat esse ejus magnitudo, seu vehementia. Vide ibi dicta.

Objic. 3. Si sufficeret contritio, & charitas remissa, Concilium [1] non juberet confiteri ante susceptionem Eucharistiæ, *quantumcunque* homines se existiment contritos. Nam inde sequitur, quod ne quidem magna contritio sufficit; ergo multò minus putat remissam sufficere. Item præter inchoatam dilectionem Dei, quam ponit inter dispositiones ad justificationem, vult recipi sacramentum Baptismi, velut causam gratiæ instrumentalem; ergo ex mente Concilii non sufficit contritio remissa ad gratiam justificantem.

Resp. dist. ant. Si essent certi de vera contritione, & charitate, con. sin. minùs, neg. ant. & con. Nam ut diximus, sunt certi de peccato mortali commisso, non autem de sua vera, & perfecta contritione; idè debent recurrere ad sacramentum pro majori securitate, ne exponant se periculo sacrilegæ communionis. Ad 2. autem patet, quod illud initium dilectionis Dei tamquam justitiæ fontis est actus amoris concupiscentiæ, non charitatis, qua Deus debet diligere purè propter se, & sic non facit nisi attritionem.

Objic. 4. ex Catechismo, [2] *contritio debet esse maxima, et vehementissima; ergo & intensissima;* nam vehementia significat fervorem intensissimum.

Resp. dist. ant. Vehementissima, prout vehementia opponitur ignaviæ, tepiditati, & negligentia; con. prout opponitur actui remisso, seu parvitati gradualis; neg. ant. Nam ipse author catechismi explicat se de vehementia, *quæ omnem ignaviam, et socordiam excludat.*

Reliqua, quæ objici possunt, habes soluta tr. de charitate, ubi explicatur, quid sit diligere Deum super omnia.

1. Colligis autem, cur asseramus sufficientiam attritionis ex metu poenarum, & consideratione turpitudinis peccati, vel ex amore imperfecto Dei, qui non attingat perfectionem essentiae charitatis, & quod cavendum ab illis, qui volunt in poenitentia initium aliquod amoris Dei super omnia. Nam cum videntur parum exigere, valde multum requirunt, nempe contritionem charitate perfectam, quæ remitteret peccatum extra sacramentum, & sic nunquam relinqueret sacramento, nec virtuti clavium collationem gratiae sanctificantis; sed semper supponeretur causata, & recepta ex vi contritionis perfectæ ex charitate.

2. Colligis etiam ex his duabus questionibus omnem poenitentiam, quæ elicitur, vel imperatur ex amore Dei propter se, & super omnia, ita ut pertingat ad essentiam veræ charitatis, licet ingradu remisso, efficere veram contritionem, qualem docet Concilium *reconciliare hominem Deo, antequam sacramentum actu recipiatur.*

3. Colligis, Attritionem sufficere cum sacramento ad illam gratiam impetrandam, licet eliciatur ex puro metu poenarum, vel sola consideratione sceditatis peccati, modo tamen non sistat ultimè in illis motivis, nec excludat per aliquem actum finem ultimum, seu amorem Dei, & à fortiori, si sit cum aliquali amore Dei, verb. grat. concupiscentiæ, qualis est amor gloriæ, ac beatitudinis, & denique modo illa poenitentia sit cum aliis conditionibus requisitis ad poenitentiam Christianam, & maximè si voluntatem omnem peccandi excludat cum spe veniæ; ut loquitur Concilium.

QUÆSTIO IX.

In quo genere causæ contritio remittat Peccatum, & causet gratiam.

Suppono ex dictis, pœnitentiam causare remissionem peccatorum sive extra sacramentum, & cum ejus voto, si sit perfecta contritio, sive cum sacramento, si sit attritio, nec ullum esse peccatum sive in gravitate, sive in multitudine, quod non possit per debitam pœnitentiam deleri. Jam quæritur de contritione perfecta, quomodo expellat peccatum; an ut causa formalis Physica, ut calor expellit frigus; an ut causa moralis, & meritoria, vel impetrativa; de attritione dictum est, quod non causat nisi virtute sacramenti.

CONCLUSIO.

Contritio delet peccatum, non ut causa Physica, sed moralis dispositiva ex miseratione Divina. Est communis.

Prob. 1. ex Scoto. [1] *Iste motus dicitur attritio, (ante acceptam gratiam) & est dispositio, sive meritum de congruo ad deletionem peccati mortalis, quæ sequitur. Item docet pœnitentiam disponere ad gratiam per modum meriti de congruo; ergo &c.*

Prob. 2. Quia in tantum pœnitentia delet peccatum, quia Deus decrevit condonare illud omni debite pœnitenti; ergo solus Deus est causa Physica deletionis peccati, & infusionis gratiæ; pœnitentia verò ad id confert per modum conditionis, & motivi, cujus intuitu, & ex pacto Deus sic operatur. Prob. ant. ex Concil. Trid. quod causas justificationis assignans dicit, quodd ejus causa efficiens est misericors Deus, qui gratuito abluir, & sanctificat... unica formalis causa est justitia Dei, non quia ipse justus est, sed quia justos nos facit: sc. gratia; ergo remissio peccati in pœnitentia non causatur ab ea physice, sed moraliter dispositive, quatenus movet Deum ad parcendum, & ad gratiam largiendum ex pacto suo.

G 5

Con-

[1] d. 14. q. 2. N. 15. [2] d. 20. q. 1. A. 2.

154 De attritione, & contritione

Confir. ex Script. dicente de Deo, quòd [1] *diffimulas peccata hominum propter pœnitentiam*. Et ipse Deus: [2] *Iniquitates vestras deleo*. Et oramus: *Dimitte nobis debita nostra*. Item: *Dimitte peccata populi tui Deus*. Et ipse Deus: *Convertimini ad me, & ego convertar ad vos*; ergo contritio nostra non delet physicè peccata, sed tantum moraliter movet Deum ad parcendum, & delendum illa.

Prob. 3. quia non potest dici, in quo genere causæ physicæ id præstaret. 1. non efficienter, ut probatum est tract. de justificatione, & mox ex Concilio Tridentino. 2. non formaliter, quia non sic opponitur reatui peccati, quia reatus est quid morale, scil. obligatio ad pœnam. 3. non materialiter, quia contritio non est subiectum gratiæ, vel deletionis, sed sola anima; ergo &c.

Prob. 2. p. Nam causa dispositiva moralis ea est, quæ ex alterius voluntate disponit subiectum ad aliquid ab eo recipiendum; sed talis est contritio respectu peccati, ac remissionis ejus, sc. ex pacto Dei disponit peccatorem ad obtinendam veniam, & gratiam; ergo &c. Prob. min. ex Script. cit. & aliis. [3] *Quoties ingemueris peccator, omnium iniquitatum ejus non recordabor*. Et, *Vita viuet*. Et, *Pœnitimini, & convertimini, ut deleantur peccata vestra*.

Confir. Quia non aliter contritio causat deletionem peccati, quàm infusionem gratiæ; sed hanc non causat, nisi ut dispositio moralis ex promissione Dei; ergo nec illam.

Confir. 2. ex dictis de gratia: nam nequidem gratia delet maculam peccati, nisi moraliter, & ex voluntate Dei; ergo multò minùs pœnitentia.

Confir. denique ex modo loquendi Concilii, [4] quod tribuit pœnitentiæ non efficientiam, sed impetrationem veniæ. *Fuit quovis tempore ad impetrandam veniam peccatorum hic contritionis modus necessarius*. Et loquens de actibus, qui præcedunt justificationem peccatoris, dicit: [5] *Hanc dispositionem, seu præparationem sequitur justificatio ipsa per voluntariam gratiæ susceptionem, &c. Et justitiam illam recipiunt secundum mensuram, quam Spiritus S. partitur* fin-

[1] Joel. 2. [2] Isa. 43.

Exech. 18. & 31. [4] sess. 14. c. 4. [5] sess. 6. c. 7.

singulis, prout vult, & secundum propriam cuiusque dispositionem; ergo tota causalitas physica remissionis peccati est ex Deo; opera verò nostra tam pœnitentiæ, quàm aliarum virtutum sunt meræ dispositiones morales.

Objic. 1. Pœnitentia est physica retractatio peccati; ergo physicè destruit peccatum. **Prob. conf.** nam peccatum importat physicam negationem retractationis; ergo retractatio physicè opponitur peccato, sicut omnis forma physica opponitur physicè negationi ejusdem.

Respond. neg. 1. conseq. & dist. 2. antec. Importat negationem simul cum peccato præterito moraliter durante cum reatu ejusdem, **conc.** solam negationem retractationis, **neg. ant. & conseq.** quia ista negatio non facit peccatum, nec reatum; est quædam conditio, sine qua duraret peccatum habitualiter, & moraliter; sed reatus durat, donec Deus illum remittat intuitu pœnitentiæ.

Inst. Reatus est à parte rei incompatibilis cum pœnitentia; ergo hæc illum tollit physicè.

Resp. neg. ant. nam potuisset Deus nolle condonare peccatum homini quantumcumque pœnitenti; sed de facto remittit, quia sic decrevit.

Objic. 2. Omnis solutio, & satisfactio condigna tollit ex natura sua physica reatum culpæ; sed talis est contritio; ergo &c. **Prob. min.** Contritio est actus bonus à parte rei, æquivalens peccato; ergo ex se physicè est satisfactio condigna.

Resp. neg. min. & ant. Nam contritio est bonum morale habens valorem principalem ab acceptatione divina, ut diximus aliàs de omni merito.

Inst. Sicut peccatum ex se est aversio à Deo, & conversio ad creaturam, sic contritio ex se est aversio à creatura, & conversio ad Deum; ergo hæc ex natura sua, & physicè opponitur peccato, & destruit illud.

Resp. dist. conf. quantum ad entitatem physicam, & materialiter, **conc.** quoad moralitatem, & reatum, formaliter, **neg. conf.** Nam reatus pœnæ æternæ, qui remanet ex peccato, pendet ex lege divina, est quid morale. Idem est de contritionis merito, quod etiam pendet ab acceptatione divina, & quidem à fortiori.

nam Deus potuisset nolle remittere offensam, nec cedere juri suo ad odium, & vindictam.

CONCLUSIO II.

Contritio causat remissionem peccati, & gratia justificantis infusionem per modum meriti, non de condigno, sed de congruo.

Prob. 1. ex Scoto cit. [1] ubi dicit de poenitentia perfecte circumstantionata, qualis est contritio, quod est dispositio, siue meritum de congruo ad deletionem peccati mortalis..... siue poenitentia interior sola per modum meriti de congruo... disponat ad justificationem, siue sacramentum poenitentiae, &c. sc. agnoscit duplicem viam remissionis peccati. 1. Per contritionem perfectam, quam vocat attritionem perfecte circumstantionatam. 2. per poenitentiam cum sacramento. Sed illa poenitentia non remittit, nisi per modum meriti de congruo.

Prob. 1. p. ex dictis de justificatione: nam prima gratia justificans non cadit sub meritum, quia ipsa est principium meriti. Nam dicimur justificari gratis per gratiam ipsius Dei. Prob. conf. Quae dantur ex merito condigno, non dantur gratis, sed ex aliqua justitia; ergo si contritio obtineret gratiam justificantem ut meritum de condigno, non justificaremur gratis.

Confir. ex Triden. [2] Gratis justificari ideo dicimur, quia nihil eorum, quae justificationem praecedunt; siue fides, siue opera ipsam justificationis gratiam promeretur. Quod probat ex Apostolo. [2] Si enim gratia est, jam non ex operibus, alioquin gratia jam non est gratia; ergo &c.

Prob. 3. Nam, ut diximus aliàs, meritum de condigno est opus factum in statu gratiae; sed contritio praecedens justificationem non fit in statu gratiae, sed peccati; ergo non est meritoria gratiae de condigno.

Dico, praecedens justificationem; nam certum est, quod illa, quae sequitur infusionem hujus gratiae, & dicitur contritio formata, est meritoria de condigno augmenti gratiae. Sed de hac contritione non loquimur.

Prob.

[1] ib. d. 14. & 29. [2] ff. 6. 68. [3] Rom. 5.

Prob. 2. p. Certum est hanc contritionem aliquo modo disponere ad remissionem peccati; sed id non facit ut meritum de condigno; ergo de congruo. Probat. maj. ex Script. cit. ubi contritis promittitur venia peccatorum; ergo contritio habet rationem alicujus meriti, seu dispositionis.

Objic. con. 2. p. Ipsa contritio est donum Dei; ergo non habet ullam rationem meriti. Ant. prob. ex Trid. [1] nam fit ex gratia excitante, & juvante; & hoc docet de ipsa attritione ex meritu gehennæ: nam donum Dei est, inquit Concil. [2]

Resp. dist. ant. Donum Dei cum libera hominis cooperatione, conc. purè, & sine ulla hominis cooperatione, neg. ant. & conf. alioqui nullum daretur meritum, quia nullum opus meritorium fieri potest sine talibus auxiliis, & donis. Contritio ergo est opus hominis ex gratia, & dono Dei.

Inst. Omne opus bonum ita est donum Dei, ut non impediatur, quin justificemur gratis; sed id non esset verum, si opus illud haberet ullam rationem meriti; ergo &c.

Resp. dist. min. Si habeat rationem meriti condigni, con. si rationem meriti congrui, neg. min. Nam quod datur ex merito congruo, non datur ex debito, neque ut merces, sed ex liberali decentia, seu congruentia.

Objic. 2. Si contritio præcedens justificationem haberet ullam rationem meriti, homo ad eam se disponderet ex propriis viribus; sed hoc sapit Pelagianismum; ergo &c. Prob. maj. nam meritum illud, qualecumque sit, præcederet gratiam, & haberetur cum peccato mortali; ergo &c.

Resp. neg. maj. & dist. ant. Præcederet gratiam sanctificantem, conc. gratias actuales excitantes, & juvantes, neg. ant. & has non agnoscebant Pelagiani, nec Semipelagiani ut necessarias ad initium salutis.

Objic. 3. Illud meritum de congruo in contritione non habet fundamentum in Scriptura, nec Conciliis, nec Patribus; ergo gratis asseritur. Prob. antec. quia potius docent contrarium, dicentes nos justificari omnino gratis.

Resp. neg. ant. Nam ex Script. Patribus, & Conciliis

[1] Sess. 6. c. 6. & can. 3. [2] Sess. 14. c. 4.

cit. patet, quod ad gratiam istam in adultis Deus exigit pœnitentiam à peccatore, ut ei parcat. Et S. Augustinus [1] in bonis operibus peccatorum agnoscit æquale meritum. *Publicanus oculos in terram dejiciens, & pectus suum percutiens.... Ista confessio meruit justificationem, & Epulo [2] si pauperis ulcerasti... miserius fuisset, mereretur & ipse misericordiam, &c.* erat autem uterque peccator.

Inst. *Deus peccatores non exaudit*; ergo nec operum acceptat ut merita; sed pœnitentia ante justificationem est opus peccatoris, iste est adhuc peccator; ergo &c.

Resp. 1. Id dictum esse non à Christo, sed à Pharisæis de ipso, quem putabant peccatorem, & hoc, ut detraherent gloriæ miraculorum ejus coram populis.

Resp. 2. dist. ant. Peccatores obstinatos, con. peccatores pœnitentes, & conversos, neg. ant. nam *Cor contritum, & humiliatum non despiciet*. Et ipse dicit, *Quoties ingemueris peccator, ego ignoscam ei*.

Objic. contra 2. p. Pro merito de condigno contritio habet omnes conditiones meriti condigni; ergo, si est meritum, est de condigno. Prob. ant. 1. est actus virtutis, & bonus ex objecto. 2. est supernaturalis ex auxilio gratiæ. 3. est ex charitate in Deum, ut summè dilectum; ergo &c.

Resp. neg. ant. & conf. prob. Nam illæ tres conditiones non sufficiunt ad tale meritum, sed præterea requiritur status gratiæ sanctificantis, ut suppono ex dictis aliàs.

Inst. Contritio formaliter supponit gratiam sanctificantem, ex qua elicitur; ergo nihil ei deest ad meritum condignum. Prob. ant. nisi enim esset cum gratia, & ex gratia, non justificaret; ergo &c.

Resp. neg. ant. Nam est tantum dispositio ad illam gratiam impetrandam, & eam præcedit natura, sicut causa effectum. Potest tamen eam comitari, quando scil. contritio durat aliquantulum: nam tunc posteriora momenta durationis ejus sunt cum gratia, quæ data est ab initio perfectæ contritionis, & tunc potest mereri de condigno augmentum gratiæ in illa posteriori duratione.

Objic. 2. Majus est meritum contritionis, quàm attri-

[1] *tr. 44. Jo. 6.* [2] *ep. 84.*

aritionis, sed attritio meretur de congruo justificationem, ergo contritio debet mereri eam condignè. Prob. maj. perfectior virtus habet majus meritum; sed contritio est longè perfectior attritione; ergo &c.

Resp. dist. min. Meretur de congruo remotè, & mediante sacramento, con. se sola, & immediatè, neg. min. contritio meretur gratiam per se immediatè, non autem attritio, nisi mediante, & operante sacramento.

Collige, quod idem actus pœnitentiæ sub diverso respectu, & instantibus habet rationem causæ, & effectus gratiæ sanctificantis; & ita est de hac gratia respectu contritionis. Contritio in 1. instanti, & prout movet Deum ad remittendum peccatum, & dandam gratiam, qua illud deletur, habet rationem causæ, & meriti congrui, & gratia est quasi effectus, seu fructus ejus, ex illo autem instanti, quo infusa est gratia, & contritio est informata; & ut formata, & meritoria de condigno. ulterioris gratiæ habet rationem effectus primæ illius gratiæ. Quod notandum est pro intelligentia Theologorum antiquorum cum modernis, qui distinguebant attritionem à contritione, non penes motiva earum, ut moderni; sed penes illam formam, ut sæpe monuimus, sc. pœnitentia erat attritio ante obtentam gratiam, & contritio post acceptam gratiam.

CONCLUSIO III.

Eodem modo dici potest contritionem hanc perfectam causare gratiam sanctificantem, scil. ut meritum de congruo. Est communis.

Prob. 1. ex Scoto cit. [1] cum dicit attritionem perfectè circumstantionatam in genere moris (qualis est hæc contritio) in ultimo instanti, vel aliquo, usque ad quod Deus determinavit attritionem debere durare ad hoc, ut sit meritum de congruo ad justificationem, infunditur gratia, & tunc simpliciter deletur peccatum & in illo instanti fit contritio, quia in illo instanti fit concomitans gratiæ, & ita actus formatus, & habens secum charitatem (habitualem) quæ est forma actus, ut hic loquimur; ergo ex Scoto eodem actu, & modo, quo pœnitens se disponit ad remissionem

[1] d. 4. q. 2. O. 16.

nem peccati, ita & ad gratiam ipsam justificantem.

Prob. 2. ex sensu communi Scripturæ, & Patrum, & ex dictis in præcedentibus: nam dicunt peccatoribus per pœnitentiam remitti peccata: sed hæc non remittuntur, nisi per gratiam sanctificantem; ergo eodem modo, quo disponunt, & merentur remissionem peccati, ita & gratiam istam.

Confirm. Nam Script. eodem modo promittit gratiam, & veniam: Ut cum dicitur: [1] *In quacumque hora ingemuerit peccator, omnium iniquitatum ejus non recordabor, & vita vivet*; sed hæc vita consistit in receptione gratiæ; ergo eodem modo promittitur pœnitentibus gratia, & remissio peccati.

Confir. 2. ex Trident. dicente, [2] quod justificatio, & renovatio interioris hominis fit *per voluntariam receptionem gratiæ, & donorum*; ergo eadem dispositione homo meretur remissionem, & gratiam; ergo de congruo meretur utramque.

Objic. 1. Gratia est potius causa contritionis, quia facit, ut homo conteratur, & inclinet ad actum charitatis; ergo contritio non causat gratiam.

Resp. dist. ant. Gratia actualis excitans, & juvans est causa efficiens principalis, con. gratia habitualis, neg. ant. Nam hæc non est nisi causa formalis contritionis, & quidem non in fieri, sed in facto esse, & tunc inclinat ad ulteriores actus charitatis, non ad præcedentes, qui concurrunt ad contritionem in fieri.

Objic. 2. Gratia sanctificans non cadit sub meritum: nam justificamur gratis; ergo &c.

Resp. ut supra. Non cadit sub meritum de condigno, con. sub meritum de congruo, neg. ant. vide quæ diximus de justificatione.

Inst. ex August. [3] *Si aliquid boni operatur homo, ut gratiam mereatur, non ei merces imputatur secundum gratiam, sed secundum debitum*; ergo nullum meritum præcedit gratiam justificantem.

Resp. eodem modo dist. conf. nullum meritum rigotofum, & condignum, conc. de congruo, & improprie, neg. conf. de isto enim non cogitat Augustinus.

QUÆ-

[1] *Ezech.* 18. [2] *Sess.* 6. c. 7. [3] *Ep.* 106.

QUÆSTIO X.

Quanta sit efficacia contritionis; an delere possit omnia peccata.

HOc quæri potest tam de attritione cum sacramen-
to, quàm de contritione in se propter aliquos
Hæreticos, v. g. Cattharos, & Cataphrygas, qui no-
lebant peccata commissa post baptismum deleri posse
per ullam pœnitentiam. Idem tribuitur Origeni: A-
lii putarunt peccata multoties iterata deleri non posse,
nisi semel, aut iterum in vita. Hic error creditur ve-
nisse à Montano, & tribuitur Tertulliano. Alii pu-
tabant peccata quædam graviora esse irremissibilia,
saltem per claves Ecclesiæ. Mitto Ciceronem, qui
putavit peccatum semel commissum nulla pœniten-
tia posse reparari.

CONCLUSIO I.

OMnia peccata possunt per pœnitentiæ virtutem, aut
sacramentum remitti, cuiuscumque sint gravita-
tis, aut numeri. Est de fide.

Prob. 1. ex Scoto, [1] quatenus docet, nullum pec-
catum esse irremissibile simpliciter, nisi quia *non ha-*
b. e. pœnitentiam comitem, sed hoc convenit cuilibet pec-
cato mortali, sc. omnia peccata mortalia sunt irremis-
sibilia sine pœnitentia: per illam verò sunt remissibi-
lia.

Prob. 2. ex Script. quæ indefinitè promittit veniam
pœnitentibus omnium peccatorum: [2] *Si impius e-*
gerit pœnitentiam ab omnibus peccatis suis, omnium
iniquitatum ejus non recordabor. Item: *Omnis, qui-*
cumque invocaverit nomen Domini, salvus erit. Et
Apostolis, ac Sacerdotibus dicit Christus sine limita-
tione. *Quorum remisistis peccata, &c. Et, Quacum-*
que solveritis super terram; erunt soluta & in calis.

Prob. 3. ex Conciliis Later. [3] sub Innocent. III.
„ Si post susceptionem baptismi quisquam prolapsus
„ fuerit in peccatum, per veram pœnitentiam potest
repa-

[1] 2.d.43.q.1.E.6.4.d.20.A.3.

[2] Ezech.18. [3] c.firmit.

„reparari. *Et Trid. docet*, [1] à Christo D. potestatem remittendi, & retinendi peccata ad reconciliandos fideles post baptismum lapsos, Apostolis, & eorum successoribus fuisse communicatam Et Novatianos remittendi potestatem olim pertinaciter negantes, Ecclesia tamquam hæreticos explosit. *Et definit*, pœnitentiam esse verè, & propriè sacramentum pro fidelibus, quoties post baptismum in peccata labuntur. Et nota, Concilium dicere, quod Novatiani negantes pertinaciter potestatem remittendi, & ideo eos tamquam Hæreticos Ecclesia explosit. Juenin. autem dicit eorum errorem fuisse, non quòd negarint omnem potestatem remittendi, sed tantum, quod dixerint quædam esse peccata gravissima, quæ clavibus Ecclesiæ solvi non possent. Sed S. Epiphanius scribit, [2] quod „quælibet generatim delicta post baptismum commissa Ecclesiæ auctoritate remitti posse negaverint. *Et S. Cyprianus* [3] scribit. Novatianus Stoicorum doctrinam in Ecclesiam introducere nitebatur, suadens suis sequacibus peccata, criminaque omnia esse æqualia; ergo non distinxit de gravioribus, & levioribus quoad remissionem.

Confr. Nam si Ecclesia damnat ut hæreticos eos, qui negant Ecclesiæ potestatem remittendi graviora peccata, à fortiori damnet eos, qui Deo negarent potestatem remittendi omnia contritis.

Probat. 4. ex Patribus, nam inquit Chrysost. [4] „Non est aliquod peccatum, quod non cedat virtuti pœnitentiæ. *Et quoad numerum dicit* Peccasti? pœnitere: millies peccasti? pœnitere: *Et Ambros.* „Tanta est Dei erga homines propitiatio, ut Judas potuisset non excludi à venia, si pœnitentiam non apud judæos egisset, sed apud Christum. *Et August.* [5] Neque in his criminibus, quantumvis magnis remittendis in S. Ecclesia de misericordia Dei desperandum est agentibus pœnitentiam, secundum modum sui cujusque peccati. Vide hom. 50. ex 50.

Prob. 5. Si aliqua peccata debite pœnitentibus remitti non possent, id esset, vel quia peccator non posset

[1] Sess. 14. c. 1. [2] Her. 59. [3] Ep. 52.

[4] Ho. 33. in Matth. [5] Enchir. 56.

set de illis pœnitere, vel quia pœnitentia non posset sufficere, vel quia Deus non posset, aut nollet remittere; sed nihil horum dici potest; ergo &c. Prob. min. Non 1. quia homo, dum vivit, habet voluntatem flexibilem ad bonum, sicut ad malum, & per auxilium gratiæ potest converti ad bonum ex quolibet malo. Non 2. quia Deus potest acceptare pœnitentiam pro quovis peccato, & de facto nullum est genus peccati, de quo non acceptaverit eam, & quod non remiserit aliquibus, ut patet ex historiis sacris, & ut dicebat Ambrosius, acceptasset pœnitentiam Judæ, si ad Christum dixisset debitor illud *Peccavi*, quod dixit ad Judæos. Non 3. quia potius omnes peccatores vult salvari, & ad pœnitentiam invitat, veniam omnibus promittens, & Christus apud Patrem est propitiatio pro peccatis totius mundi.

Objic. 1. Scriptura dicit, peccatum in Spiritum Sanctum non remitti in hoc sæculo, nec in futuro, ut notat Scotus; ergo pœnitentia non sufficit ad delenda omnia peccata. Prob. antec. *Qui peccaverit in Spiritum Sanctum, non remittetur ei neque in hoc sæculo, nec in futuro*; ergo &c.

Resp. neg. utramque conf. Nam illa irremissibilitas non venit ex parte peccati, vel Dei, vel ex insufficientia pœnitentiæ secundum se, sed ex obstinatione voluntaria peccatoris, qui non vult pœnitere, sed volens se opponit gratiæ, ut docet Scotus.

Inst. Scriptura dicit: *Si peccaverit vir in virum, placari ei potest Deus; si autem peccaverit in Dominum, quis orabit pro eo?* ergo peccata directe contra Deum sunt irremissibilia.

Resp. neg. conf. Nam Heli non dicit ibi peccata in Deum esse irremissibilia ex se, velex parte Dei, sed ex omissione pœnitentiæ, vel orationis pro venia impetranda. *Quis orabit pro eo?* ergo si haberet mediatorum, impetraret veniam, ait Ambrosius.

Inst. 2. Rex Antiochus [1] orabat scelestus ad Dominum, a quo non erat misericordiam consecutus. Idem patet de Achab, de Juda, & aliis; imò Deus ipse minatur, [2] *Clamabunt ad me, & ego non exaudiam eos*. Et David dicit: [3] *Clamaverunt ad Dominum, nec exaudivit eos*; ergo non ex defectu pœnitentia-

[1] Machab. 9. [2] Prov. 1. [3] Ps. 17.

tentiae, nec orationis. vel mediacionis, sed ex decreto Dei peccata quaedam irremissibilia sunt. Nam Reges illi, & Judas poenitentes erant.

Resp. dist. 1. conf. & 2. ant. Ex poenitentia imperfecta, & ex motivis indebitis, con. ex poenitentia vera, & perfecta & ex motivis honestis, neg. 1. conf. & 2. ant. nam illi, & similes dolebant non de peccatis, sed de poenis suis; poenitentia Antiochi, Achab, & Judæ, & Adæ fuit ex desperatione. Sacer historicus describit acerbiter poenarum Antiochi, unde cepit ex gravi superbia deductus ad agnitionem sui venire. De his, & similibus dicit Deus: *Quando veneris super eos tribulatio, invocabunt me, & non exaudiam*, scil. invocabunt non ex odio peccati, sed poenarum temporalium, quod non est poenitere.

Inst. 3. ex Apostolo, [1] *Impossibile est eos, qui sunt illuminati, gustaverunt etiam donum celeste & prolapsi sunt, rursus renovari ad poenitentiam*. Et de Relapsis: [2] *Voluntariè peccantibus nobis post acceptam notitiam veritatis jam non relinquitur hostia pro peccatis*. Et de Esau dicit, quod non invenit poenitentiae locum, quamquam cum lacrymis requisisset eam; ergo poenitentia non valet pro omnibus peccatis.

Resp. neg. conf. Nec enim rectè inferitur ex illis textibus benè intellectis. 1. Paulus dicit, quod post lapsum peccati secundò, vel 3. impossibile, idest difficile est posse renovari. Et ut loquitur S. Thom. ex August. *Non dicit, impossibile est poenitere, sed impossibile est renovari (per baptismum) idest baptizari*..... Numquam enim homo sic posset poenitere, quod posset iterum baptizari. 2. pro voluntariè peccantibus idem S. Doctor intelligit eos, qui ex certa malitia peccant, nec postea poenitent, sed in voluntate peccandi permanent. 3. Esau poenituit non de peccato, quo vendiderat primogenita, sed quia perdiderat, sc. interdum aliquis poenitet, non propter amorem justitiæ, sed propter timorem pænæ, vel damni temporalis, ut Esau propter amissam benedictionem primogenituræ, non propter peccatum gulæ; ergo ex his textibus malè concluditur inefficacia veræ poenitentiae.

Objic. 2. Sunt aliqua peccata, pro quorum authoribus non licet orare; ergo illa sunt irremissibilia per
pœ-

[1] *Hebr. 6.* [2] *c. 10. c. 12.*

pœnitentiam. Prob. ant. *Est peccatum ad mortem* (inquit Joannes) [1] *non pro illo dico, ut roget quis; sed non prohiberetur oratio pro illo, si posset veniam obtinere per pœnitentiam; ergo &c.*

Resp. 1. neg. conf. Nam aliud est, quod non jubeamur orare pro certis peccatoribus, aliud est, quod isti non debeant, aut possint utiliter pœnitere de illis; illud potuit velle dicere Apostolus, non istud; sed potius hortatur omnes peccatores ad pœnitentiam, ut Angelum Ephesi, qui charitatem primam reliquerat. [2] *Pœnitentiam age, & prima opera fac, &c.* Idem dicit Angelo Sardis. Et arguit impœnitenes de homicidiis, & veneficiis suis, &c. hæc sunt gravissima peccata.

Resp. 2. neg. antec. Nam per peccatum intelligunt multi cum Augustino [3] peccatum finale. „ Ego autem dico, id esse peccatum, fidem ... deserere utque ad mortem. ut Ambros. Quomodo Joannes diceret non orandum pro delicto graviore, qui legisset Moysen orasse, & impetrasse, ubi erat prava, ricatio voluntaria, &c. ? Nonne ipse Joannes noverat, Stephanum orasse pro persecutoribus suis, qui Christi nomen audire non poterant, sc. præ odio? Fa-teor tamen ex Script. & Patribus inferri, quod aliqua peccata dicuntur irremissibilia non absolute, quasi non possint per debitam pœnitentiam remitti, sed quia de illis rarissima, & difficillima est pœnitentia, qualis est status inveteratorum in peccatis, & ad finem vitæ perfectæ remittentium pœnitentiam.

CONCLUSIO II.

PER contritionem delentur peccata quoad reatum pœ-næ æternæ, et aliquando etiam quoad omnem pœ-nam temporalem. Est de fide quoad 1. p.

Prob. 1. ex Scoto. [4] Nam manet in anima reatus culpæ, quæ est quadam obligatio ad pœnam debitam illi culpæ. Et dico, quod istud, quod dictum est remanere post actum in peccatore, potest deleri, & quandoque deletur, juxta illud Symboli, Remissionem peccatorum. quod fit per pœni-

[1] 1. Jo. 5. [2] Apoc. 2. [3] de corrept.

[4] d. 14. q. 1. B. 5. & 1.

166 De attritione, & Contritione

penitentiam interiorem (ut est contritio) vel per sacramentum: Denique docet, [1] quod quandoque contritio est tam intensa, quod sufficiat pro tota pœna.

Prob. 1. p. De fide est hominem per veram contritionem justificari; sed justificatio non stat cum reatu pœnæ æternæ: nam per gratiam istam, acquiritur jus ad vitam æternam, & homo fit filius Dei adoptivus, Quod si filius, & heres; ergo &c. min. patet ex dictis de gratia habituali; ergo &c.

Prob. 2. p. Nam certum est, quod per iteratos actus penitentiae, & charitatis fit aliqua satisfactio, & minuitur obligatio ad pœnam temporalem, in quam mutatur ordinariè pœna æterna debita mortali peccato, cum dimittitur; sed potest dari contritio tam fervens, & intensa, ut æquivalet pluribus actibus remissis; ergo per illam potest remitti tota illa pœna, quæ per illas imperfectas deleteretur.

Prob. 3. Nam certum est, quod per martyrium tota pœna illa remittitur; sed potest dari contritio tam perfecta, ut æquare possit charitatem, quæ est in Martyre; ergo potest talis contritio delere totam pœnam.

Prob. denique: nam contritio in aliquo gradu remisso delere potest pœnam æternam; ergo in gradu intensissimo delere potest etiam temporalem, quia hæc nunquam æquabit æternam; & si remissior potest delere majorem, intensior delebit minorem.

Suppono autem ex fide, quod ordinariè penitentia, ne quidem cum sacramento, non delet reatum totius pœnæ, Sancta Synodus [2] declarat falsum omnino esse, & à verbo Dei alienum, culpam à Domino nunquam remitti, quin universa etiam pœna condonetur. Ideo diximus has pœnæ reliquias remitti posse per unicam contritionem perfectissimam, quod tamen rarò contingit, maxime in peccatis gravioribus, & multiplicatis, & post longam impœnitentiam.

Objic. 1. con. 2. p. Contritio perfecta cum sacramento non delet totam pœnam; ergo nec id præstabit se sola. Prob. ant. nam ratio Sacramenti etiam cum contritione exigit satisfactionem; sed hæc tenet locum pœnæ temporalis; ergo contritio etiam cum sacramento non delet totam pœnam.

Resp. neg. ant. & dist. min. Hæc, id. satisfactio pœnalis,

[1] d. 20. A. 2. [3] Sess. 14. c. 8.

nalis, con. satisfactio medicinalis, neg. min. & conf. Nam satisfactio imponi solet non tantum in pœnam, sed etiam in remedium, & hanc contritio non dispensat. Lege Concilium: nam magnopere à peccato revocant, & quasi freno quodam coercens hæ satisfactio- nis pœnæ, cautioreſque, & vigilantiores in futurum pœnitentes efficiunt: medentur quoque peccatorum reli- quiis, & vitiosos habitus male vivendo comparatos contrariis virtutum actibus tollunt.

Objic. 2. Deus dicit de pœnitente, *Omnium iniquita- rum ejus non recordabor*; sed recordaretur, nisi to- tam pœnam remitteret; ergo post contritionem nihil restat pœnæ.

Resp. dist. ant. Non recordabor in ordine ad dam- nationem, conc. quoad omnem pœnam, neg. antec. Nam oblivio illa, quam promittit Deus, non debet sumi rigoroſè, & ad litteram.

Inst. ex Auguſt. *Impium eſt à Deo dimidiam sperare veniam*; sed si restaret aliqua pœna, venia non eſſet integra, sed mediata; ergo &c.

Resp. dist. maj. Mediam quoad peccata, quasi unum remittatur sine aliis, conc. quoad omnem pœnam, neg. maj. & min. Nam illa partitio quoad peccata re- pugnat, non quoad pœnam.

Quæri hic solet 1. *an peccatum unum mortale remitti possit sine alio.* 2. *An peccata per pœnitentiam dimissa reviviscant per nova.* 3. *An peccatum remitti possit quoad maculam, & culpam retenta obligatione ad pœnam.* Sed de his vide tr. de peccatis, & de merito, an reviviscat cum toto valore per pœnitentiam; nec placet ea repetere, licet non parum commendent vir- tutem sacramenti.

Q U Æ S T I O XI.

De peccatis venialibus; An, & quomodo per pœnitentiam remittantur.

SUPpono ex tr. de peccatis, quod veniale non op- ponitur gratiæ sanctificanti, nec causat privatio- nem ejus, nec amicitia Dei, sed tamen displicet Deo, & inducit obligationem ad pœnam temporalem, cui satisfaciendum est in hac vita per bona opera, vel in
Pur-

purgatorio per dilationem beatitudinis, & alias penas positivas.

Porro præcipua media, quibus venialia possunt expiari, communiter dicuntur Sacramentorum frequentatio, maximè Pœnitentiæ, Eucharistiæ, & Sacramentalia, quæ his versibus continentur.

*Confiteor, tundo, respergo, conteror, oro:
Liquor, edo, dono, per quæ venialia tollo.
Unctio, pena levis, compassio, quæ fit egenis.*

Alii comprehendunt omnia in isto. *Orans, sanctus, edens, confessus, dans, benedicens*; id. Oratio Dominica, Aqua Benedicta, Panis Benedictus, Confessio generalis, Eleemosyna, & Benedictio Episcopalis, vel Abbatis consecrati.

3. Suppono, peccata omnia tam venialia, quàm mortalia in hoc convenire, quòd sunt offensæ Dei voluntariæ, ideo remitti non possunt sine aliqua pœnitentia, & retractatione, saltem virtuali, & implicita, quod patet ex dictis aliàs. Sed quia in peccatis est duplex reatus, sc. *reatus culpæ*, qui est denominatio manens ex actu peccaminoso, per quem peccator fit objectum odii, ac vindictæ illius, & dignus pena, seu est dignitas penæ remanens ex actu peccati: *et reatus penæ*, qui est denominatio extrinseca relicta in peccatore ex Dei decreto, & voluntate ordinante peccatorem ad penam peccati, seu qua exigit vindictam de offensa sibi facta per peccatum, ut patet ex dictis tr. de peccatis.

Inde sequitur 1. quod aliud est, dignum esse penam, & aliud destinari ad penam. 1. est velut proprietas, & sequela peccati, & consistit in relatione relicta ex actu malo. 2. verò est relatio resultans ex actu voluntatis divinæ, quo peccatorem destinavit ad penam. Unde *reatus culpæ*, seu demeritum penæ manet in peccatore, quandiu peccatum non retractatur. Reatus verò penæ manet, quamdiu non est *satisfactum* per aliquas penas voluntarias, vel opera æquivalentia, aut *satis passum*, ut fit in purgatorio, ubi animæ tamdiu patiuntur penas, donec plenè debita persolverint.

CON-

CONCLUSIO I.

Venialia deleri possunt per contritionem etiam extra sacramentum, & per attritionem cum sacramento, imò & extra sacramentum in homine iusto. Est communis.

Prob. 1. ex Scoto: [1] Peccatum veniale in hac vita potest remitti, non tantum per penam internam, (qualis est contritio) vel externam (ut est confessio, seu sacramentum cum attritione) quia illa non est necessaria ad hoc; sed per aliquem actum Deo magis acceptum, quam peccatum veniale displiceat. Et alibi, [2] Concedo, quod frequenter remittitur peccatum per aliquem motum attritionis, tamquam per meritum de congruo ante susceptionem sacramenti poenitentiae; &c. ergo ex Scoto peccata venialia possunt in hac vita remitti utroque modo.

Prob. 2. Nam utroque modo possunt remitti mortalia; ergo & à fortiori venialia.

Confir. per alia bona opera remittuntur venialia; sed contritio est bonum opus, & magis proportionatum illi effectui, cum sit dolor de ipsis peccatis; ergo &c.

Prob. 2. p. Nam attritio per se est verus actus virtutis poenitentiae oppositae omni peccato, etiam veniali; ergo in homine iusto potest satisfacere pro venialibus. Prob. conf. eadem est ratio, & à fortiori de operibus verae poenitentiae, quae magis opponitur peccato, & illud detestatur, & vindicat, ac de aliis virtutibus, sed opera istarum in homine iusto delent venialia; ergo & actus hic poenitentiae, etiam se solo.

Prob. 2. attritio in homine iusto est meritoria alicuius gradus gratiae, & gloriae; ergo à fortiori erit satisfactoria pro venialibus: minus enim est satisfacere, quam mereri sive de congruo, sive de condigno.

Obj. c. 1. Non potest haberi contritio de venialibus; ergo neque haec possunt per eam remitti. Probat. ant. contritio est de peccato, ut offensa Dei; sed veniale non est offensa Dei; ergo &c.

Resp. neg. ant. & min. Nam Deus prohibet venialia, sicut & mortalia, non aequaliter, sicut nec puniunt aequaliter. Vide tr. de peccatis.

Tom. VIII.

H

Inst.

[1] d. 21. q. 1. E. 8. [2] d. 14. q. 4. G. 7.

170 *De attritione, & contritione*

Inst. Non possumus hic esse sine venialibus; nam *septies in die cadit iustus*; ergo nec possumus de illis conteri; quia contritio, & attritio includunt propositum non peccandi amplius; & non possumus id proponere de venialibus, quæ vitare non possumus.

Resp. neg. ant. & 2. conf. Nullum enim est veniale, quod non possit vitari divisivè, imò & omnia copulativè cum auxilio gratiæ. Sic nullum est in particulari, à quo non debeamus velle abstinere; & hoc sufficit, ut possumus de illis conteri.

Obijc. 2. Contritio ordinatur ad gratiam impetrandam; sed venialia non opponuntur gratiæ, nec eam delent; ergo de illis non est contritio.

Resp. dist. maj. Ad primam gratiam, vel 2. con. ad 1. solam, *neg. maj. & min.* maximè quoad 2. p. nam si non minuunt quoad entitatem, saltem retardant eius augmentum.

Obijc. 3. Venialia possunt deleri sine contritione; ergo hæc non est necessaria de venialibus, quæ non sunt de objecto eius.

Resp. neg. conf. Nam licet deleri possint aliis mediis, non sequitur, quin possint deleri etiam per contritionem, & quin sint de objecto eius.

Obijc. 1. con. 3. p. Si venialia deleri possent per attritionem solam, & sine sacramento, istud non esset necessarium ad deletionem eorum, nec per illud unquam delerentur; sed *conf. est falsum*; ergo &c. *Prob. maj.* semper delerentur per attritionem, aut contritionem, quæ debet præcedere, aut comitari sacramentum, & sic frustra istud adhiberetur pro illis.

Resp. neg. maj. & ant. Nam 1. in habente mortalia cum venialibus attritio cum sacramento non remittit illa, sed remanet reatus pœnæ temporalis. 2. attritio valet tantum pro venialibus, quæ respicit, non pro aliis, & non respicit semper omnia. 3. unus actus attritionis, maximè si sit remissus, non sufficit per se pro tantis venialibus. 4. Denique, si Sacramentum reperit omnia peccata totaliter remissa, operatur ampliorem gratiam; sicut non esset inconveniens, si numquam reciperetur sacramentum, nisi post contritionem perfectam; quo casu numquam remitteret peccatum mortale, nec conferret unquam primam gratiam.

Inst. Si attritio extra sacramentum sufficeret pro venialibus.

niali, sufficeret etiam pro mortali; sed hoc falsum est; ergo & illud.

Resp. neg. maj. Nam hæc sequela est à minori ad majus; quasi diceret, potes ferre pondus trium librarum; ergo poteris ferre pondus mille librarum: vel potes deglutire muscam; ergo & camelum. Rideres sic argumentantem. Non est autem minor inæqualitas inter mortale, & veniale.

Quæres, Qualis deberet esse illa attritio ad hunc effectum. An sufficeret naturalis.

Resp. eam debere esse supernaturalem. 1. quia effectus ille, remissio illa est quid supernaturale. 2. quia naturalis non sufficit, nequidem cum sacramento. 3. quia nullum opus naturale purè confert per se ad justificationem 1. aut 2. neque ad gratiam ullam merendam. Denique attritio, quæ concurrit ad justificationem cum Sacramento est donum Dei, & ex Spiritus S. impulsu.

CONCLUSIO II.

Peccata venialia delentur etiam in homine justo per aliarum virtutum opera in eum finem oblata Deo, vel ab ipso acceptata, item per Sacramentalia. Est communis.

Prob. 1. ex Scotocit. [1] Dicit enim, hæc deleri non solum per pœnam interiorem, vel exteriorē, sed etiam per aliquem actum magis Deo gratum, quam peccatum veniale displiceat, vel relatum ab ipso operante ad hoc veniale remittendum; &c. ergo habes totam conclusionem ex Scoto.

Prob. 2. ex Concil. Trid. [2] dicente, venialia in Confessionis Sacramento taceri citra culpam, multisque aliis mediis expiari possunt. Et Eucharistiam vocat [3] antidotum, quo liberemur a culpis quotidianis. & a mortalibus præservemur. Item ex Tolet. IV. ut refertur in Decretis de pœnit. d. 2. De quotidianis brevioribus, levioribusque peccatis, sine quibus hæc vita non ducitur, quotidiana Oratio fidelium satisfacit Delet omnino hæc oratio minima, & quotidiana peccata. Idem docet S. August. [4] & Theologi communiter de confessione generali, quæ dicitur in Missa, & com-

H 2 ple-

[1] *ibid.* [2] *Sess. 14. c. 4.* [3] *Sess. 13. c. 2.* [4] *Ench. c. 74.*

pletorio, dum ex animo, & Religionis affectu recitatur, ait Aug. [1] idem de elemosyna, quæ sicut aqua extinguit ignem, sic & ista peccatum. Unde inquit Hieron. [2] Sciendum est, quod si Nabuchodonosor bona opera facienti venia promittitur, multò magis aliis promittitur, qui leviora peccata commiserunt.

Prob. 3. Nam talia opera in homine iusto merentur augmentum gratiæ, & gloriæ; ergo & remissionem venialium: nam ad hanc merendam non requiritur maior dispositio, quàm ad merendos illos gradus.

Confir. Illa omnia opera important aliquam retractionem, saltem virtualem venialium illis oppositorum; nec minùs debent placere Deo, quàm illa peccata displiceant, ut dicebat Doctor; ergo &c.

Prob. 2. p. Nam per Sacramentalia intelligimus certas cæremonias, & ritus sensibiles, qui habent aliquam analogiam cum Sacramentis Ecclesiæ, ut dictum est, & sunt instituta ab Ecclesia ad aliquos effectus spirituales causandos. Tales sunt orationes, unctiones, comestiones panis benedicti, aspersio, & tinctio aquæ benedictæ, &c. Sed per hæc, & similia remittuntur venialia; ergo &c. Prob. min. rum ex Scriptura promittente orantibus perita. *Petite, & accipietis*, &c. repete, quæ diximus de Sacramentalibus.

De oratione ait August [3] Propter omnia peccata Baptismus inventus est; propter levia, sine quibus esse non possemus, oratio inventa. Quid habet oratio? dimitte nobis debita nostra semel abluimur baptismate, quotidie abluimur oratione. Quid clarius?

Dixi autem, si hæc opera in hunc finem offerantur Deo, vel ab eo acceptentur: nam operantur per modum meriti, ad quod requiritur intentio placendi, & serviendi Deo in ordine ad illa beneficia obtinenda; item & acceptatio divina. Ea autem intentione includitur saltem virtualiter retractatio peccati.

Quæres, an Sacramentalia id præstent ex opere operato.

Resp. negativè; id enim habent solum ex opere operantis, &, ut dicebam, per modum meriti; quia solius Dei est virtutem illam tribuere operibus; hæc autem instituta sunt ab Ecclesia, quæ talem potestatem non habet. Hoc igitur efficiunt ex fide, spe, & cha-

[1] ho. 50. ex 50.9. [2] Ep. 108. dom. 4. [3] 1. de Symb. 7.

charitate, & aliis piis actibus, ex quibus moventur fideles ad hæc offerenda Deo pro peccatis.

DISPUTATIO IV.

De sacramento pœnitentiæ.

DEI misericordia non solum movetur actibus virtutis pœnitentiæ, quibus peccata nostra in nobis punimus per internam deſtationem, & voluntarium dolorem, ſed ut certius medium ad veniam impetrandam Sacramentum inſtituit, quod SS. Patres vocant *ſecundam poſt naufragium tabulam*; quia per illud emergimus à peccatis poſt baptiſmalem immerſionem, ſeu ablutionem commiſſis. Vocatur etiam alter baptiſmus, quia per illud in aquis lacrymarum cordis, & per ſacerdotalem abſolutionem à perſonalibus, & propriis inquinamentis mundamur. De hoc ſacramento hæc diſputamus.

QUÆSTIO PRIMA.

An ſit, & quid ſit Sacramentum Pœnitentiæ.

Dicitur Montaniſtas, & Novatianos negaſſe ſacramentum pœnitentiæ, ſed aliqui eos ab hoc errore vindicant, excepto, quòd ejus efficaciam reſtrinxerunt, volentes aliqua peccata non cadere ſub poteſtatem clavium Eccleſiæ, ſed eorum remiſſionem ſoli Deo reſervari, ut ſunt idololatria, mœchia, homicidium, &c. inquit Juenin. [1] Valdenſes dicebant nullum poſſe abſolvi à malo Sacerdote, & bonum laicum habere poteſtatem abſolvendi, & per manus impoſitionem peccata dimittere, & dare Spiritum S. & quòd potiùs conſitendùm bono laico, quàm malo Sacerdoti.

Plures etiam Lutherani abſolutè negarunt hoc Sacramentum, & Zuingliani, & Calviniſtæ.

Porrò variis nominibus legitur appellatum apud SS. Patres. 1. *Pœnitentia* purè, & ſimpliciter, quaſi *paſſus tenentia*, quia partes ejus omnes laborem habeant; ut contritio dolorem; confeſſio ruborem; ſatisfactio

H 3

pœ-

[1] p. 489.

tentiæ, nec orationis. vel mediatiõis, sed ex decreto Dei peccata quædam irremissibilia sunt. Nam Reges illi, & Judas pœnitentes erant.

Resp. dist. 1. conf. & 2. ant. Ex pœnitentia imperfecta, & ex motivis indebitis, con. ex pœnitentia vera, & perfecta & ex motivis honestis, neg. 1. conf. & 2. ant. nam illi, & similes dolebant non de peccatis, sed de pœnis suis; pœnitentia Antiochi, Achab, & Judæ, & Adæ fuit ex desperatione. Sacer historicus describit acerbicatem pœnarum Antiochi, unde cepit ex gravi superbia deductus ad agnitionem sui venire. De his, & similibus dicit Deus: *Quando veneris super eos tribulatio, invocabunt me, & non exaudiam*, scil. invocabunt non ex odio peccati, sed pœnarum temporalium, quod non est pœnitere.

Inst. 3. ex Apostolo, [1] *Impossibile est eos, qui sunt illuminati, gustaverunt etiam donum celeste & prolapsi sunt, rursus renovari ad pœnitentiam.* Et de Relapsis: [2] *Voluntariè peccantibus nobis post acceptam notitiam veritatis jam non relinquitur hostia pro peccatis.* Et de Esau dicit, quod non invenit pœnitentiæ locum, quamquam cum lacrymis requisisset eam; ergo pœnitentia non valet pro omnibus peccatis.

Resp. neg. conf. Nec enim rectè infertur ex illis textibus bene intellectis. 1. Paulus dicit, quod post lapsum peccati secundò, vel 3. impossibile, idest difficile est posse renovari. Et ut loquitur S. Thom. ex August. *Non dicit, impossibile est pœnitere, sed impossibile est renovari (per baptismum) idest baptizari.* Numquam enim homo sic posset pœnitere, quod posset iterum baptizari. 2. pro voluntariè peccantibus idem S. Doctor intelligit eos, qui ex certa malitia peccant, nec postea pœnitent, sed in voluntate peccandi permanent. 3. Esau pœnituit non de peccato, quo vendiderat primogenita, sed quia perdiderat, sc. interdum aliquis pœnitet, non propter amorem justitiæ, sed propter timorem pœnæ, vel damni temporalis, ut Esau propter amissam benedictionem primogenituræ, non propter peccatum gulæ; ergo ex his textibus malè concluditur inefficacia veræ pœnitentiæ.

Objic. 2. Sunt aliqua peccata, pro quorum auctoribus non licet orare; ergo illa sunt irremissibilia peccata.

[1] Hebr. 6. [2] c. 10. c. 12.

pœnitentiam. Prob. ant. *Est peccatum ad mortem* (inquit Joannes) [1] *non pro illo dico, ut roget quis; sed non prohiberetur oratio pro illo, si posset veniam obtinere per pœnitentiam; ergo &c.*

Resp. 1. neg. conf. Nam aliud est, quod non jubeamur orare pro certis peccatoribus, aliud est, quod isti non debeant, aut possint utiliter pœnitere de illis; illud potuit velle dicere Apostolus, non istud; sed potius hortatur omnes peccatores ad pœnitentiam, ut Angelum Ephesi, qui charitatem primam reliquerat. [2] *Pœnitentiam age, & prima opera fac, &c.* Idem dicit Angelo Sardis. Et arguit impœnitentes de homicidiis, & veneficiis suis, &c. hæc sunt gravissima peccata.

Resp. 2. neg. antec. Nam per peccatum intelligunt multi cum Augustino [3] peccatum finale. „ Ego autem dico, id esse peccatum, fidem ... deserere utque ad mortem. ut Ambros. Quomodo Joannes diceret non orandum pro delicto graviore, qui legisset Moysen orasse, & impetrasse, ubi erat prævaticatio voluntaria, &c. ? Nonne ipse Joannes norerat Stephanum orasse pro persecutoribus suis, qui Christi nomen audire non poterant, sc. præ odio? Fateor tamen ex Script. & Patribus inferri, quod aliqua peccata dicuntur irremissibilia non absolute, quasi non possint per debitam pœnitentiam remitti, sed quia de illis rarissima, & difficillima est pœnitentia, qualis est status inveteratorum in peccatis, & ad finem vitæ perfectissimæ remittentium pœnitentiam.

CONCLUSIO II.

Per contritionem delentur peccata quoad reatum pœnæ æternæ, et aliquando etiam quoad omnem pœnam temporalem. Est de fide quoad 1. p.

Prob. 1. ex Scoto. [4] *Nam manet in anima reatus culpæ, quæ est quadam obligatio ad pœnam debitam illi culpæ. Et dico, quod istud, quod dictum est remanere post actum in peccatore, potest deleri, & quandoque deletur, juxta illud Symboli, Remissionem peccatorum. quod sit per pœni-*

[1] 1. Jo. 5. [2] Apoc. 2. [3] de corrept.

[4] d. 14. q. 1. l. 5. & 1.

pœnitentiam interiorem (ut est contritio) vel per sacramentum. Denique docet, [1] quod quandoque contritio est tam intensa, quod sufficiat pro tota pœna.

Prob. 1. p. De fide est hominem per veram contritionem justificari; sed justificatio non stat cum reatu pœnæ æternæ: nam per gratiam istam acquiritur jus ad vitam æternam, & homo fit filius Dei adoptivus, Quod si filius, & heres; ergo &c. min. patet ex dictis de gratia habituali; ergo &c.

Prob. 2. p. Nam certum est, quod per iteratos actus pœnitentiæ, & charitatis fit aliqua satisfactio, & minuitur obligatio ad pœnam temporalem, in quam mutatur ordinariè pœna æterna debita mortali peccato, cum dimittitur; sed potest dari contritio tam fervens, & intensa, ut æquivalet pluribus actibus remissis; ergo per illam potest remitti tota illa pœna, quæ per illas imperfectas deleberetur.

Prob. 3. Nam certum est, quod per martyrium tota pœna illa remittitur; sed potest dari contritio tam perfecta, ut æquare possit charitatem, quæ est in Martyre; ergo potest talis contritio delere totam pœnam.

Prob. denique: nam contritio in aliquo gradu remisso delere potest pœnam æternam; ergo in gradu intensissimo delere potest etiam temporalem, quia hæc numquam æquabit æternam; & si remissior potest delere majorem, intensior delebit minorem.

Suppono autem ex fide, quod ordinariè pœnitentia, ne quidem cum sacramento, non delet reatum totius pœnæ, Sancta Synodus [2] declarat falsum omnino esse, & à verbo Dei alienum, culpam à Domino numquam remitti, quin universa etiam pœna condonetur. Ideo diximus has pœnæ reliquias remitti posse per unicam contritionem perfectissimam, quod tamen rarò contingit, maxime in peccatis gravioribus, & multiplicatis, & post longam impœnitentiam.

Obje. 1. con. 2. p. Contritio perfecta cum sacramento non delet totam pœnam; ergo nec id præstabit se sola. Prob. ant. nam ratio Sacramenti etiam cum contritione exigit satisfactionem; sed hæc tenet locum pœnæ temporalis; ergo contritio etiam cum sacramento non delet totam pœnam.

Resp. neg. ant. & dist. min. Hæc, id. satisfactio pœnalis,

[1] d. 20. A. 2. [2] Sess. 14. c. 8.

nalis, con. satisfactio medicinalis, neg. min. & conf. Nam satisfactio imponi solet non tantum in pœnam, sed etiam in remedium, & hanc contritio non dispensat. Lege Concilium: nam magnopere à peccato revocant, & quasi fræno quodam coercent hæ satisfactio- nis pœnæ, cautioreque, & vigilantiores in futurum pœnitentes efficiunt: medentur quoque peccatorum reli- quiis, & vitiosos habitus malè vivendo comparatos contrariis virtutum actibus tollunt.

Objic. 2. Deus dicit de pœnitente, *Omnium iniqui- tatum ejus non recordabor*; sed recordaretur, nisi to- tam pœnam remitteret; ergo post contritionem nihil restat pœnæ.

Resp. dist. ant. Non recordabor in ordine ad dam- nationem, conc. quoad omnem pœnam, neg. antec. Nam oblivio illa, quam promittit Deus, non debet sumi rigorose, & ad litteram.

Inst. ex August. *Impium est à Deo dimidiam sperare veniam*; sed si restaret aliqua pœna, venia non esset integra, sed mediata; ergo &c.

Resp. dist. maj. Mediam quoad peccata, quasi unum remittatur sine aliis, conc. quoad omnem pœnam, neg. maj. & min. Nam illa partitio quoad peccata re- pugnat, non quoad pœnam.

Quæti hic solet 1. *an peccatum unum mortale remitti possit sine alio*. 2. *An peccata per pœnitentiam dimissa reviviscant per nova*. 3. *An peccatum remitti possit quoad maculam, & culpam resenta obligatione ad pœnam*. Sed de his vide tr. de peccatis, & de merito, an reviviscat cum toto valore per pœnitentiam; nec placet ea repetere, licet non parum commendent vir- tutem sacramenti.

Q U Æ S T I O XI.

De peccatis venialibus; An, & quomodo per pœniten- tiam remittantur.

SUPpono ex tr. de peccatis, quod veniale non op- ponitur gratiæ sanctificanti, nec causat privatio- nem ejus, nec amicitiam Dei, sed tamen displicet Deo, & inducit obligationem ad pœnam temporalem, cui satisfaciendum est in hac vita per bona opera, vel in
Par-

168 De attritione, & contritione

purgatorio per dilationem beatitudinis, & alias penas positivas.

Porro præcipua media, quibus venialia possunt expiari, communiter dicuntur Sacramentorum frequentatio, maximè Pœnitentiæ, Eucharistiæ, & Sacramentalia, quæ his versibus continentur.

*Confiteor, tundo, respergo, conteror, oro:
Liquor, edo, dono, per quæ venialia tollo.
Unctio, pœna levis, compassio, quæ fit egenis.*

Alii comprehendunt omnia in isto. *Orans, tinctus, edens, confessus, dans, benedicens;* id. Oratio Dominica, Aqua Benedicta, Panis Benedictus, Confessio generalis, Eleemosyna, & Benedictio Episcopalis, vel Abbatis consecrati.

3. Suppono, peccata omnia tam venialia, quàm mortalia in hoc convenire, quòd sunt offensæ Dei voluntariæ, ideo remitti non possunt sine aliqua pœnitentia, & retractatione, saltem virtuali, & implicita, quod patet ex dictis alijs. Sed quia in peccatis est duplex reatus, sc. *reatus culpæ*, qui est denominatio manens ex actu peccaminoso, per quem peccator fit objectum odii, ac vindictæ illius, & dignus pœna, seu est dignitas pœnæ remanens ex actu peccati: *et reatus pœnæ*, qui est denominatio extrinseca relicta in peccatore ex Dei decreto, & voluntate ordinante peccatorem ad pœnam peccati, seu qua exigit vindictam de offensa sibi facta per peccatum, ut patet ex dictis tr. de peccatis.

Inde sequitur 1. quod aliud est, dignum esse pœna, & aliud destinari ad pœnam. 1. est velut proprietas, & sequela peccati, & consistit in relatione relicta ex actu malo. 2. verò est relatio resultans ex actu voluntatis divinæ, quo peccatorem destinavit ad pœnam. Unde *reatus culpæ*, seu demeritum pœnæ manet in peccatore, quamdiu peccatum non retractatur. *Reatus verò pœnæ* manet, quamdiu non est *satisfactum* per aliquas pœnas voluntarias, vel opera æquivalentia, aut *satis passum*, ut fit in purgatorio, ubi animæ tamdiu patiuntur pœnas, donec plenè debita persolverint.

CON-

CONCLUSIO I.

Venialia deleri possunt per contritionem etiam extra sacramentum, & per attritionem cum sacramento, imò & extra sacramentum in homine iusto. Est communis.

Prob. 1. ex Scoto: [1] Peccatum veniale in hac vita potest remitti, non tantum per penam interiorem, (qualis est contritio) vel exteriorem (ut est confessio, seu sacramentum cum attritione) quia illa non est necessaria ad hoc; sed per aliquem actum Deo magis acceptum, quam peccatum veniale displiceat. Et alibi, [2] Concedo, quòd frequenter remittitur peccatum per aliquem motum attritionis, tamquam per meritum de congruo ante susceptionem sacramenti penitentiae; &c. ergo ex Scoto peccata venialia possunt in hac vita remitti utroque modo.

Prob. 2. Nam utroque modo possunt remitti mortalia; ergo & à fortiori venialia.

Confir. per alia bona opera remittuntur venialia; sed contritio est bonum opus, & magis proportionatum illi effectui, cum sit dolor de ipsis peccatis; ergo &c.

Prob. 2. p. Nam attritio per se est verus actus virtutis penitentiae oppositae omni peccato, etiam veniali; ergo in homine iusto potest satisfacere pro venialibus. Prob. conf. eadem est ratio, & à fortiori de operibus verae penitentiae, quae magis opponitur peccato, & illud detestatur, & vindicat, ac de aliis virtutibus; sed opera istarum in homine iusto delent venialia; ergo & actus hic penitentiae, etiam se solo.

Prob. 2. attritio in homine iusto est meritoria alicujus gradus gratiae, & gloriae; ergo à fortiori erit satisfactoria pro venialibus: minus enim est satisfacere, quam mereri sive de congruo, sive de condigno.

Obj. c. 1. Non potest haberi contritio de venialibus; ergo neque haec possunt per eam remitti. Probat, ant. contritio est de peccato, ut offensa Dei; sed veniale non est offensa Dei; ergo &c.

Resp. neg. ant. & min. Nam Deus prohibet venialia, sicut & mortalia, non aequaliter, sicut nec puniunt aequaliter. Vide tr. de peccatis.

Tom. VIII.

H

Inst.

[1] d. 21. q. 1. E. 8. [2] d. 14. q. 4. G. 7.

170 *De attritione, & contritione*

Inst. Non possumus hic esse sine venialibus: nam *septies in die cadit iustus*; ergo nec possumus de illis conteri; quia contritio, & attritio includunt propositum non peccandi amplius; & non possumus id proponere de venialibus, quæ vitare non possumus.

Resp. neg. ant. & 2. conf. Nullum enim est veniale, quod non possit vitari divisivè, imò & omnia copulativè cum auxilio gratiæ. Sic nullum est in particulari, à quo non debeamus velle abstinere; & hoc sufficit, ut possumus de illis conteri.

Objic. 2. Contritio ordinatur ad gratiam impetrandam; sed venialia non opponuntur gratiæ, nec eam delent; ergo de illis non est contritio.

Resp. dist. maj. Ad primam gratiam, vel 2. con. ad 1. solam, neg. maj. & min. maximè quoad 2. p. nam si non minuunt quoad entitatem, saltem retardant eius augmentum.

Objic. 3. Venialia possunt deleri sine contritione; ergo hæc non est necessaria de venialibus, quæ non sunt de objecto eius.

Resp. neg. conf. Nam licet deleri possint aliis mediis, non sequitur, quin possint deleri etiam per contritionem, & quin sint de objecto eius.

Objic. 1. con. 3. p. Si venialia deleri possent per attritionem solam, & sine sacramento, istud non esset necessarium ad deletionem eorum, nec per illud unquam delerentur; sed conf. est falsum; ergo &c. *Prob. maj.* semper delerentur per attritionem, aut contritionem, quæ debet præcedere, aut comitari sacramentum, & sic frustra istud adhiberetur pro illis.

Resp. neg. maj. & ant. Nam 1. in habente mortalia cum venialibus attritio cum sacramento non remittit illa, sed remanet reatus pœnæ temporalis. 2. attritio valet tantum pro venialibus, quæ respicit, non pro aliis, & non respicit semper omnia. 3. unus actus attritionis, maximè si sit remissus, non sufficit per se pro tantis venialibus. 4. Denique, si Sacramentum reperit omnia peccata totaliter remissa, operatur ampliorem gratiam; sicut non esset inconveniens, si numquam reciperetur sacramentum, nisi post contritionem perfectam; quo casu numquam remitteret peccatum mortale, nec conferret unquam primam gratiam.

Inst. Si attritio extra sacramentum sufficeret pro venialibus.

nia.

niali, sufficeret etiam pro mortali; sed hoc falsum est; ergo & illud.

Resp. neg. maj. Nam hæc sequela est à minori ad majus; quasi diceret, potes ferre pondus trium librarum; ergo poteris ferre pondus mille librarum; vel potes deglutire muscam; ergo & camelum. Rideres quæ argumentantem. Non est autem minor inæqualitas inter mortale, & veniale.

Quæres, *Qualis deberet esse illa attritio ad hunc effectum. An sufficeret naturalis.*

Resp. eam debere esse supernaturalem. 1. quia effectus ille, remissio illa est quid supernaturale. 2. quia naturalis non sufficit, nequidem cum sacramento. 3. quia nullum opus naturale purè confert per se ad justificationem 1. aut 2. neque ad gratiam ullam merendam. Denique attritio, quæ concurret ad justificationem cum Sacramento est donum Dei, & ex Spiritus S. impulsu.

CONCLUSIO II.

Peccata venialia delentur etiam in homine iusto per aliarum virtutum opera in eum finem oblata Deo, vel ab ipso acceptata, item per Sacramentalia. Est communis.

Prob. 1. ex Scoto cit. [1] Dicit enim, hæc deleri non solum per pœnam interiorem, vel exteriorem, sed etiam per aliquem actum magis Deo gratum, quam peccatum veniale displiceat, vel relatum ab ipso operante ad hoc veniale remittendum; &c. ergo habes totam conclusionem ex Scoto.

Prob. 2. ex Concil. Trid. [2] dicente, venialia in Confessione Sacramento taceri citra culpam, multisque aliis mediis expiari possunt. Et Eucharistiam vocat [3] antidotum, quo liberemur a culpis quotidianis. & a mortalibus præservemur. Item ex Tolet. IV. ut refertur in Decretis de pœnit. d. 2. De quotidianis brevioribus, levioribusque peccatis, sine quibus hæc vita non ducitur, quotidiana Oratio fidelium satisfacit.... Delet omnino hæc oratio minima, & quotidiana peccata. Idem docet S. August. [4] & Theologi communiter de confessione generali, quæ dicitur in Missa, & com-

H 2 ple-

[1] *ibid.* [2] *Sess. 14. c. 4.* [3] *Sess. 13. c. 2.* [4] *Ench. c. 74.*

pletorio, dum ex animo, & Religionis affectu recitatur, ait Aug. [1] idem de eleemosyna, quæ sicut aqua extinguit ignem, sic & ista peccatum. Unde inquit Hieron. [2] Sciendum est, quod si Nabuchodonosori bona opera facienti venia promittitur, multò magis aliis promittitur, qui leviora peccata commiserunt.

Prob. 3. Nam talia opera in homine justo merentur augmentum gratiæ, & gloriæ; ergo & remissionem venialium: nam ad hanc merendam non requiritur major dispositio, quàm ad merendos illos gradus.

Confir. Illa omnia opera important aliquam retractionem, saltem virtutalem venialium illis oppositorum; nec minùs debent placere Deo, quàm illa peccata displiceant, ut dicebat Doctor; ergo &c.

Prob. 2. p. Nam per Sacramentalia intelligimus certas cæremonias, & ritus sensibiles, qui habent aliquam analogiam cum Sacramentis Ecclesiæ, ut dictum est, & sunt instituta ab Ecclesia ad aliquos effectus spirituales causandos. Tales sunt orationes, unctiones, comestiones panis benedicti, aspersio, & tinctio aquæ benedictæ, &c. Sed per hæc, & similia remittuntur venialia; ergo &c. Prob. min. tum ex Scriptura promittente orantibus perita. *Petite, & accipietis*, &c. repete, quæ diximus de Sacramentalibus.

De oratione ait August [3] *Propter omnia peccata Baptismus inventus est; propter levia, sine quibus esse non possemus, oratio inventa. Quid habet oratio? dimitte nobis debita nostra semel abluimur baptisma te, quotidie abluimur oratione. Quid clarius?*

Dixi autem, si hæc opera in hunc finem offerantur Deo, vel ab eo acceptentur: nam operantur per modum meriti, ad quod requiritur intentio placendi, & serviendi Deo in ordine ad illa beneficia obtinenda; item & acceptatio divina. Ea autem intentione includitur saltem virtualiter retractatio peccati.

Quæres, an Sacramentalia id præstent ex opere operato.

Resp. negativè; id enim habent solum ex opere operantis, &, ut dicebam, per modum meriti; quia solius Dei est virtutem illam tribuere operibus; hæc autem instituta sunt ab Ecclesia, quæ talem potestatem non habet. Hoc igitur efficiunt ex fide, spe, & cha-

[1] *ho. 50. ex 50.9.* [2] *Ep. 108. don. 4.* [3] *1. de Symb. 7.*

charitate, & aliis piis actibus, ex quibus moventur fideles ad hæc offerenda Deo pro peccatis.

DISPUTATIO IV.

De sacramento pœnitentiæ.

DEI misericordia non solum movetur actibus virtutis pœnitentiæ, quibus peccata nostra in nobis punimus per internam detestationem, & voluntarium dolorem, sed ut certius medium ad veniam impetrandam Sacramentum instituit, quod SS. Patres vocant *secundam post naufragium tabulam*; quia per illud emergimus à peccatis post baptismalem immersionem, seu ablutionem commissis. Vocatur etiam alter baptismus, quia per illud in aquis lacrymarum cordis, & per sacerdota lem absolutionem à personalibus, & propriis inquinamentis mundamur. De hoc sacramento hic disputamus.

QUÆSTIO PRIMA.

An sit, & quid sit Sacramentum Pœnitentiæ.

Dicitur Montanistas, & Novatianos negasse sacramentum pœnitentiæ, sed aliqui eos ab hoc errore vindicant, excepto, quòd ejus efficaciam restrinxerunt, volentes aliqua peccata non cadere sub potestatem clavium Ecclesiæ, sed eorum remissionem soli Deo reservari, ut sunt idololatria, mœchia, homicidium, &c. inquit Juenin. [1] Valdenses dicebant nullum posse absolvi à malo Sacerdote, & bonum laicum habere potestatem absolvendi, & per manus impositionem peccata dimittere, & dare Spiritum S. & quòd potiùs confitendum bono laico, quàm malo Sacerdoti.

Plures etiam Lutherani absolutè negarunt hoc Sacramentum, & Zuingliani, & Calvinistæ.

Porro variis nominibus legitur appellatum apud SS. Patres. 1. *Pœnitentia* pure, & simpliciter, quasi *pang tenentia*, quia partes ejus omnes laborem habeant; ut contritio dolorem; confessio ruborem; satisfactio

H 3

pœ-

[1] p. 489.

pœnam. 2. *Sacramentum absolutionis*, à forma, sub qua confertur, quæ est *sententia quædam absolvendi reum*, ait Scotus. [1] 3. *Baptismus laboriosus*, ob eandem rationem; sc. *Baptismus* propter effectum ablu- tionis à maculis peccatorum, in quo convenit cum ef- fectu baptismi, & *laboriosus*, propter prædictos labo- res: sic illud vocat Trident. [2] *Lavacrum lacryma- rum*, & *secunda purgatio*, seu *Baptismus iterabilis*, ob easdem rationes: nam abluit animam per lacry- mas contritionis, & sæpius iteratur. 5. *manuum im- positio*, quia per externam manuum impositionem so- lebat conferri. 6. *Secunda post naufragium tabula*, quia, qui post baptismum peccat, quasi tracta navi naufragatur, & ei suppedatur hoc sacramentum, velut altera tabula, cuius ope veniat ad portum sa- lutis. 7. *Exomologesis*, seu *confessio*, seu *communica- tio ex pane*, quia post confessionis sacramentum solet concedi communicatio Eucharistiæ. Sed his, & aliis similibus appellationibus omissis, sub nomine *sacra- menti pœnitentiæ* utemur.

CONCLUSIO I.

Pœnitentia est verum Sacramentum novæ legis, di- stinctum à baptismo. Est de fide contra prædictos hæreticos.

Prob. 1. ex Scoto, [3] qui cum Magistro vocat illud commune sacramentum post baptismum; quia *secun- da post naufragium tabula*, item [4] *Sacramentum judiciale*, vel *judicium sacramentale*. Et existentiam ejus probat. 1. quia possibile est huic positioni nominis aliquid subesse. 2. quia id congruit. 3. quia *de facto* ita est. Et singula probat.

Prob. 2. ex Script. in qua tam apertè datur Aposto- lis, & successoribus potestas dimittendi peccata; ergo in Ecclesia est aliquod sacramentum, per quod id fiat. Prob. ant. Nam dixit eis Christus: [5] *Sicut mi- sit me Pater, & ego mitto vos* (eandem potestatem committo vobis) *Accipite Spiritum S. Quorum remi- seritis peccata, remittuntur eis, & quorum retinueris, retenta sunt*; ergo dedit Apostolis, & successori- bus

[1] d. 14. q. 4. B. 3. [2] Sess. 14. c. 2. [3] d. 14. q. 1.

[4] Ibid. q. 4. [5] A. 3. & B. 4.

bus eorum in Ecclesia hanc potestatem; ergo instituit ibi Sacramentum, idest signum sensibile, quo id fiat. Prob. hæc conf. ad verum Sacramentum requiritur 1. signum, seu ritus externus. 2. institutio Divina. 3. promissio gratiæ illi signo affixa; sed hæc omnia concurrunt in illis verbis Christi; ergo &c. maj. patet ex dictis de Sacramentis in communi. Prob. min. de ritu, & signo externo: nam illa potestas non debet exerceri in homines sine signo sensibili, ut per sensus agnoscant sibi remitti peccata, quia nihil intelligunt, nisi per sensus. 2. *Institutio*, & præceptum divinum. *Sicut misit me Pater, & ego mitto vos: quorum remisseris, &c.* Ibi habetur & missio, & institutio divina. 3. denique *promissio gratiæ*: *Quorum remisseris peccata, remittuntur eis.* Hæc enim remissio est summa gratia, & non fit sine infusione gratiæ interioris; ergo &c.

Dices cum hæreticis, hanc potestatem exerceri concionatoriè per prædicationem Evangelii, per quam excitatur in hominibus fides, quæ illos justificat.

Contra. Christus alio præcepto commisit eis prædicationem Evangelii, dicens: *Docete omnes gentes.* Et, *Prædicate Evangelium omni creaturæ*; ergo hic aliud significat, maxime quia nihil ibi dicit de prædicatione. 2. Ipsi non negant baptismum esse Sacramentum propriè, licet idem de illo dicant, sc. quod confertur verbis concionatoriis ad excitandam fidem; ergo quamvis hic error eis concederetur, sc. quod potestas remittendi peccata exerceretur concionatoriè, & non judicialiter, adhuc pœnitentia diceretur sacramentum. 3. Quia absurdum est dicere cum ulla proprietate verborum Christi, quod idem sit remittere, & retinere peccata, & prædicare Evangelium ad excitandam fidem in cordibus peccatorum: alioqui liber Evangeliorum haberet eandem potestatem, quia efficaciter potest excitare illam fidem in legentibus, quam ullus minister prædicando. 4. Hæc potestas, & commissio remittendi peccata est sequela, & executio potestatis generalis ligandi, & solvendi. *Quaecumque ligaveritis super terram, &c.* sed hæc potestas generalis non exerceretur prædicando; ergo nec illa specialis. 6. denique ex perpetua traditione, & praxi Ecclesiæ constat verba illa Christi fuisse semper intel-

Ata de vera potestate dimittendi peccata judicialiter ; ergo est prorsus novum commentum illa sumere aliter.

Dices 2. Illa significare potestatem declarandi remissa esse peccata, ut olim præstabant Sacerdotes Mosaici erga leprosos, non autem remittendi de facto. *Quis enim peccata dimittit, nisi solus Deus?*

Contra 1. quia, etiam dato hoc errore (quod absit) adhuc non deberet negari huic actioni ratio veri Sacramenti, sicut non negant illam baptismo, quem non credunt aliter remittere peccata. 2. quia verba Christi, quibus contulit hanc potestatem, longè aliud significant, quàm declarationem illam. Nam in bono sensu remittere, vel retinere, ligare, aut solvere peccata non est declarare ea esse remissa. De Sacerdotibus Mosaicis nusquam dictum est, quod curarent à lepra, quia declarabant leprosos esse mundatos ab illa; ergo nec id diceretur de Sacerdotibus Evangelicis, nisi aliter remitterent, quàm declarando remissionem.

Prob. 3. ex Concil. [1] & confir. præcedens ratio. Nam Trid. definit. *Si quis dixerit in Catholica Ecclesia Pœnitentiã non esse verè, & propriè Sacramētis pro fidelibus, quosies in peccata labuntur post baptismum, ipse Deo reconciliandis, à Christo D. institutum, anath. sit.* Item. *Si quis dixerit verba illa Salvatoris: accipite Spiritum S. Quorum remisistis, &c. non esse intelligenda de potestate remittendi, & retinendi peccata in sacramento pœnitentiæ desorserit autem contra institutionem huius Sacramenti ad auctoritatem prædicandi Evangelium, anath. sit.* Et infra. *Si quis dixerit absolutionem Sacramentalem Sacerdotis non esse actum judiciale[m] sed nudum ministerium pronuntiandi, & declarandi remissa esse peccata consenti ... anath. sit.*

Idem diu antea fuerat definitum in Concilio Carthaginensi, ut patet apud S. Cyprianum in Epistola Synodica ad Cornelium.

Prob. 4. ex perpetua traditione Patrum, quos longum esset recensere. Vide Coccium, & alios, maxime controversitas.

Confir. Nam sicut Deus misericorditer providit de

10-

remedio peccati originalis, & eorum, quæ ante baptismum committuntur, ita eidem congruum fuit providere de alio remedio pro peccatis post baptismum commissis humana fragilitate; sed tale est Sacramentum Pœnitentiæ; ergo &c.

Prob. denique, quia pœnitentia ista habet omnes conditiones veri Sacramenti. 1. Est signum sensibile, & perpetuum gratiæ sanctificantis à Christo D. institutum ad salutem hominis viatoris; ergo &c. Prob. ant. 1. *signum est sensibile* tam ex parte hominis confitentis peccata cum ostensione doloris de illis, quàm ex parte sacerdotis absolventis. 2. *Perpetuum*. Quia sine limitatione temporis data est Apostolis potestas remittendi peccata. 3. *A Christo D. institutum ad salutem*, &c. ut patet ex eadem Scriptura. *Accipite Spiritum*, &c. *Quodcumque solveritis*. Et, *Quorum remiseritis peccata*. 4. *Gratiæ sanctificantis*: nam remissio peccati non fit sine infusione talis gratiæ; ergo &c.

Prob. 2. p. 1. ex verbis Christi D. diversissimè loquentis de commissione ad baptizandum, & remittendum peccata. 2. ex diversitate materiæ, & formæ, & nominis, & effectus, & subjectorum.

Prob. 2. ex Concil. Trid. [1] *Si quis confundens Sacramenta, ipsum baptismum sacramentum esse pœnitentiæ dixeris, quasi hæc duo Sacramenta distincta non sint.... Anath. sit.*

Confir. Nam in baptismi institutione, & commissione nihil dicitur de potestate remittendi, aut retinendi peccata, benè vero in pœnitentia; ergo hæc sacramenta sunt distinctissima.

Obj. c. 1. cum hæreticis. Non reperitur ejus institutio in Script. nec erat in usu ab initio in Ecclesia; ergo gratis asseritur.

Resp. neg. ant. quoad utramque p. nam falsitas ejus patet ex fundamento conclusionis.

Inst. Si fuisset in Ecclesia, vel Scriptura, non fuisset opus id definire in Conciliis, quia id satis constaret per se; ergo &c.

Resp. neg. ant. Nam mysteria Trinitatis, Incarnationis, &c. quæ constant apertissime in Script. & traditione, debuerunt definiri in Conciliis ob

H 5 per

[1] *ibid. can. 2.*

petulantiam hæreticorum.

Objic. 2. Ad verum Sacramentum requiritur verbum, & elementum ab aliquo ministro applicatum; sed hæc non adsunt in pœnitentia; ergo non est verum sacramentum. Prob. min. Nam hic non adsunt res ullæ corporales.

Resp. neg. min. & ant. Nam peccata, ut confessa, tenent locum materiæ, seu elementi, & absolutio locum formæ, & verborum.

Inst. 1. ex S. Ambros. Non est necessaria confessio: *Nam lacrymæ lavant delictum, quod voce pudor est confiteri. Lacrymas Petri lego, satisfactionem non lego.* Ita est de aliis Apostolis, qui dereliquerunt Christum in passione ejus: nam debuissent recurrere ad hoc sacramentum; ergo tunc non erat institutum.

Resp. dist. conf. Non erat institutum tunc, quando sic peccarunt, sc. ante resurrectionem, conc. ante ascensionem, neg. conf. Ideo ex tunc Petrus, & alii debuerunt recurrere ad lacrymas, & contritionem.

Inst. 2. Nullus legitur ritus, nec verba præscripta à Christo; sed omnia ex nutu humano aguntur; ergo non est verum sacramentum à Christo institutum.

Resp. dist. ant. Nullus ritus formaliter, & explicitè, con. virtualiter, & implicitè, neg. ant. Nam hoc ipso, quod Christus dedit Apostolis potestatem remittendi peccata, satis indicavit hoc fieri debere ex cognitione peccatorum, & per modum sententiæ, quæ significet sensibiliter absolutionem internam peccatoris.

Inst. 3. Non constat ex ulla Scriptura promissio gratiæ; ergo nec quod sit sacramentum.

Resp. neg. ant. Nam hoc ipso, quod remittit peccata, satis patet, quod confert gratiam sanctificantem, sine qua non fit remissio, saltem de via ordinaria.

Objic. 3. nulla est necessitas hujus Sacramenti; ergo gratis asseritur. Prob. ant. Ab initio mundi usque ad Resurrectionem Christi sufficebat virtus pœnitentiæ, seu contritio; ergo deinceps eadem sufficeret.

Resp. dist. ant. necessitas absoluta, & simpliciter, con. necessitas secundum quid, & magnæ congruentiæ, neg. ant. & 2. conf. quia post Redemptionem per Christum decuit Dei misericordiam instituere media certa, & sensibilia remissionis peccatorum, &

salutis, qualia sunt Sacramenta, ut diximus de illorum necessitate.

Objic. con. 2. p. ex Patribus, qui verba Euangelii, *Quorum remiseris*, &c. explicant de potestate conferendi Baptismum, quo peccata remittuntur; ergo sacramentum poenitentiae non distinguunt à Baptismo. Prob. ant. Nam Patres concedebant Montanistis verba illa dici in favorem Catechumenorum baptizandorum; sed his non remittebantur peccata, nisi per baptismum; ergo &c.

Resp. neg. ant. & dist. maj. concedebant de Baptismo, etiam de poenitentia, con. de solo baptismo, neg. maj. Nam id etiam dicunt de poenitentia pro peccatis commissis post baptismum. Hæretici verò illi negabant haberi pro his peccatis ullum remedium. *In hoc rigidi sunt* (ait Hieron.) [1] *non quòd ipsi pejora non peccent, sed hoc inter nos, & illos interest, quòd illi erubescant confiteri peccata, quasi iusti: nos dum poenitentiam agimus, facilius veniam promeremur...* Sic ad omne pene delictum Ecclesiae fores obserabant, scil. Montanistae; ergo Patres tribuebant etiam poenitentiae vim remittendi peccata aequè, ac baptismo.

Objic. 2. Idem effectus arguit eandem causam, & sacramentum; sed baptismi, & poenitentiae est idem effectus eodem modo productus, nempe remissio peccatorum; ergo sunt idem sacramentum.

Resp. dist. maj. idem effectus eodem modo productus, conc. maj. & neg. min. si diverso modo producatur, neg. maj. & conf. Baptismus causat remissionem, & gratiam per modum regenerationis, & ablu-tionis; poenitentia verò per modum iudicii, & absolutionis judicialis ex cognitione causae, sc. audita confessione peccatoris.

CONCLUSIO II.

POENitentiae Sacramentum sufficienter describitur, absolutio hominis poenitentis facta certis verbis ex debita intentione prolatis à Sacerdote jurisdictionem habente ex institutione divina significans absolutionem animae à peccato. Est Doctoris verbatim.

Prob. 1. Nam sufficienter sic explicatur natura hujus

H 6 fa

[1] Ep. 54.

sacramenti, quale est in se, & prout cum aliis convenit, & ab illis differt, seu secundum genus, & differentiam ejus, nec aliter melius explicari potest; ergo &c. Prob. ant. per singulas particulas. 1. dicitur *absolutio*, ut designetur forma ejus. 2. *Hominis pœnitentis*, & sic designatur materia, & subjectum, in quo recipitur: nam ex Tridentino, [1] *Actus pœnitentis sunt quasi materia hujus Sacramenti*. 3. *facta certis verbis a Sacerdote prolatis*, &c. ut significetur necessitas verborum, & qualitas ministri. 4. *Ex institutione divina*, &c. ut designetur causa principalis efficiens tam Sacramenti, quod virtutem habet à Deo, & in quo convenit cum aliis, quàm ipsius rei, seu gratiæ, quam causat instrumentaliter. 5. *Significans*, &c. ut designetur effectus formalis hujus Sacramenti, & modus causandi, sc. per modum absolutionis juridicæ. Aliorum descriptiones in hanc coincidunt, ut faciliè videbis.

Objic. 1. In hac definitione non exprimuntur partes essentielles hujus Sacramenti; ergo non est bona. Prob. ant. nullibi apparet materia, & forma; ergo &c. Prob. ant. Nam ex Trid. cit. *Materia, & forma sunt actus pœnitentis*; sed hi actus non exprimuntur, nec etiam forma, quæ est, *Ego te absolvo*; ergo &c.

Resp. neg. ant. & min. Nam per vocem *pœnitentis* designatur actus virtutis pœnitentiæ, quos elicit suscipiens, alioqui non diceretur pœnitens. Idem est de forma per vocem *absolutio*: nam significat formam consistere in verbis, quibus significatur absolutio interior animæ à peccatis, quod etiam notatur per ultimam particulam.

CONCLUSIO III.

Pœnitentiæ Sacramentum fuit immediatè à Christo D. institutum, quando insufflavitis in Apostolos, dicens: *Accipite Spiritum S. Quorum remiseritis peccata, remittuntur eis*, &c.

Prob. 1. ex Scoto, [2] qui postquam attulit congruentias hujus institutionis, asserit positivè. *Dico, quod hoc factum est*; & probat ex promissione, & verbis Christi. *Quodcumque ligaveris*, &c. Et, *Quorum remiseritis peccata*; &c. Et ex iisdem verbis probat præceptum, & necessitatem Confessionis Sacramentalis.

Prob.

[1] Sess. 14. c. 3. [2] d. 14. q. 4. A. 3.

Prob. 2. 1. p. ex Concil. Trid. *Dominus autem panis-
sentiæ Sacramentum præcipuè instituit, cum à mortuis
excitatus, insufflavìt in discipulos, dicens: Accipite
Spiritus S. quorum remiseritis, &c.*

Prob. 3. ex dictis de institutione Sacramentorum in
communi: nam eadem est ratio de isto, ac de aliis,
nec potest assignari alius institutor, nec dici, quod
per alium instituerit, quàm per seipsum; ergo &c.

Prob. 2. p. tum ex Concil. cit. tum 2. quia non habet-
ur ex Scriptura ulla, quod antea fuerit institutum:
fuerat quidem Apostolis promissa hæc potestas, ut no-
tat Scotus; ut cum dixit Petro: [1] *Tibi dabo claves...*
Et, *Quodcumque ligaveris, &c.* Sed de facto non fuit
data, nisi post resurrectionem; tunc enim tantum
expressè dicit: *Accipite Spiritum S. quorum remiseritis,*
&c. tum 3. non congruebat, ut eis daret potestatem
in corpus mysticum ad ligandum, & solvendum, an-
tequam essent sacerdotes, & haberent potestatem in
corpus verum in Eucharistia conficienda. 4. denique,
quia sicut ejus resurrectio est exemplar nostræ justifi-
cationis, *Resurrexìt propter justificationem nostram;*
sic illa debuit præcedere institutionem sacramenti,
quo justificamur, & resurgimus in vitam gratiæ.

Objic. 1. con. 1. par. In lege scripta fiebant confes-
siones, & remissiones peccatorum; ergo hoc sacra-
mentum existeret ante Christum. Prob. ant. In Le-
vitico præcipitur Sacerdoti, [2] *ut confiteatur omnes
iniquitates filiorum Israel, & universa delicta, & pec-
cata eorum.* Et minatur Deus gravissima supplicia,
[3] *donec confiteantur iniquitates suas, & patrum suo-
rum.* Et mandat his, qui deliquerint: *Confitebuntur
peccata sua, & alibi sæpius; ergo &c.*

Resp. dist. ant. confessiones publicæ ad humiliatio-
nem, & in pœnam, conc. confessiones sacramentales,
& secretæ, neg. ant. & conf. nam, ut patet ex illis locis,
confessio in 1. fiebat à Sacerdote, non à populo; in
2. tam confitebantur aliena peccata, scilicet patrum
suorum, quàm propria; neque confitentes absolve-
bantur interius.

Objic. 2. In Sacramentis, quæ Christus per se insti-
tuit, determinavit materiam, & formam, ut patet de
Baptismo, & Eucharistia; sed pro Pœnitentia neu-
trum

[1] *Matth. 18.* [2] *Lev. 16. 26.* [3] *Núm. 5.*

trum designat; ergo eam non instituit ut sacramentum.

Resp. neg. min. ut supra: nam assignat peccata pro materia & absolutionem remissivam pro forma. *Quorum remisistis peccata, &c.*

Inst. Illa remissio fit per baptismum; ergo frustra est pœnitentia. Prob. ant. Illa remissio fit ex vi missionis Apostolorum in omnes gentes, quibus prædicare debebant remissionem peccatorum, *Baptizantes eos, &c.* sed hæc non indicat institutionem ullius sacramenti, nisi fortè Baptismi; ergo &c.

Resp. neg. ant. & maj. Nam illæ applicationes Scripturæ adiales sensus sunt extoræ, & extra mentem Christi, ut docet Concilium. [1] In vero sensu loquitur de remissione per pœnitentiæ sacramentum, quod tunc inst. tuebat.

Inst. 2. Si adesset aliud sacramentum remissivum peccati præter baptismum, de illo non tacuisset Evangelium, nec Apostoli; sed de solo Baptismo loquuntur, & de pœnitentia loquuntur tantum, velut de dispositione ad illum, non autem ut de sacramento speciali, *Pœnitentiam agite, & baptizetur unusquisque; ergo &c.*

Resp. neg. min. Nam loquuntur etiam de confessione: *Confitemini alterutrum peccata vestra; & fateamur pœnitentiam ante baptismum non esse sacramentum, bene verò postea.*

Objic. 3. Christus dedit eandem potestatem Apostolis, quam ipse habebat à Patre ad remittenda peccata; sed potestas Christi non pendeat à sacramento; ergo nec Apostolorum. Prob. maj. Dixit enim Christus: *Sicut misit me Pater, & ego mitto vos; ergo &c.*

Resp. neg. maj. & conf. prob. Nec enim illa similitudo potestatis inducit æqualitatem, nec perfectam identitatem, misit illos ut ministros, non ut magistros, & Dominos supremos, ut erat ipse.

QUÆSTIO II.

Quæ sit essentia hujus sacramenti.

EX definitione sacramenti poenitentiae patet, quod multa in eo concurrunt, sc. contritio, confessio, & satisfactio ex parte subjecti, & absolutio ex parte ministri. Quædam habent rationem materię, alia formę, ut patet de aliis sacramentis. Jam quærimus, an, & quanam ex illis dici debeant essentialia.

Conveniunt omnes illa omnia esse necessaria huic sacramento, sc. tres illos actus ex parte subjecti, & absolutionem ex parte ministri; sed disputatur inter Scholasticos, an utrique actus dicendi sint partes essentialia sacramenti, an integrales; sed, ni fallor, his ista plus est de vocibus magis, quam de re, ad quam nihil refert, quanam dicantur essentialia, quæve integrantes, quanam importentur in recto, vel in obliquo, modo omnes, & singulę necessariae sint ad existentiam sacramenti, de quo omnes concordant.

Suppono autem ex Scoto, & aliis cõmuniter, quod sacramentum spectari potest 1. ut quoddam totum aggregatum ex rebus, & verbis, in quo fundatur relatio signi sensibilis gratiæ, quam significat practicę, & efficaciter. 2. spectari potest minus totaliter, sc. pro toto illo fundamento præcisè à relatione signi; & si illud constat rebus, & verbis: res autem dicuntur quasi materia, & verba quasi forma; quia sicut in compositis physicis materia dicitur id, quod habet rationem potentię, & est indeterminatum ad illam, vel illam speciem, & formam; forma autem dicitur id, quod potentiam illam actuat, & determinat; sic in sacramentis, quæ sunt composita moralia, pars magis indifferens, & indeterminata, & quasi subiectum dicitur materia; quæ autem determinat ad significandum, & operandum effectum, ad quem institutum est, dicitur forma ejus, ut sunt verba, per quæ fit, & confertur sacramentum. His suppositis

CON-

CONCLUSIO I.

Essentia sacramenti pœnitentiæ adæquatè sumpti non consistit nec in solis actibus pœnitentis, nec in sola absolutione, sed in utrisque. Est communior.

Prob. 1. ex Scoto, [1] 1. quia utraque ponit in definitione hujus sacramenti, sc. tam absolutionem, quàm pœnitentiam. *Est absolutio hominis pœnitentis*, inquit. 2. quia requirit ex parte susceptivi, quod sit pœnitens.... *Ut hoc sacramentum digne suscipiatur, requiruntur ut prævia, vel sequentia. Simpliciter enim requiritur confessio, &c.* ergo Scoto requirit tam actus pœnitentis, quàm verba absolutionis ad existentiam hujus sacramenti: non convenit tamen, quod sint partes ejus intrinsecæ, quia non considerat illud adæquatè secundum omnia, quæ includit, sed solum secundum id, quod importat in recto. Nam in sequenti distinctione agnoscit contritionem, & confessionem, ut partes pœnitentiæ, dicens: [2] *Non videtur, quod aliquis teneatur ad secundam partem pœnitentiæ, quæ est confessio, de quo non teneatur habere contritionem, vel attritionem, quæ est prima pars ejusdem.*

Prob. 2. ex Conciliis. Nam in Florent. in Decreto Eugenii, & in Trid. cit. docetur, quod actus pœnitentis sunt *quasi materia* hujus sacramenti, & forma sunt verba absolutionis; sed omne sacramentum includit essentialiter materiam, & formam; ergo ex Conciliis istud non consistit nec in solis actibus pœnitentis, nec in sola absolutione ministri, sed in utrisque.

Dices, Concilia loqui de materia *circa quam*, non de materia *in qua*, vel *ex qua*; & sic actus illi non sunt pars intrinseca, sicut objecta scientiæ, quæ sunt ejus materia *circa quam*, non sunt partes ejus.

Contra. Concilia loquuntur de materia hujus sacramenti, sicut de aliis; sed materia, quam assignant aliis, non est *circa quam*; ergo nec ista, quam assignant isti. Min. patet de Eucharistia, cujus materia est panis, & de baptismo, cujus materia est aqua: Præterea, materia *circa quam* est ea, ad quam terminantur operationes humanæ, & vitales; sic materia

circa

[1] *ibid.* & C. 5. [2] d. 16. q. 1. E. 7.

circa quam pœnitentiæ est id, circa quod versatur actus ejus; sed isti non versantur circa contritionem, vel confessionem, vel satisfactionem; sed his actibus debent assignari objecta, quæ sunt peccata; ergo isti actus non sunt materia *circa quam* pœnitentiæ sacramenti, sed materia *ex qua*; ergo sunt partes intrinsecæ ejus.

Prob. specialiter 1. p. quia soli actus pœnitentis non significant gratiam sacramentalem, saltem sacramentaliter per modum signi sensibilis; ergo sacramentum hoc non consistit in illis actibus. Dico *sacramentaliter*: nam contritio perfecta potest causare gratiam, non per modum sacramenti, neque ex opere operato, sed per modum meriti, & ex opere operantis, & per actum purè internum, non autem per modum signi sensibilis. Si autem non sit perfecta, etiam cum confessione, nihil efficiet sine absolutione; ergo &c.

Prob. 2. nam reliqua sacramenta nec significant, nec causant sine forma; ergo nec istud. Ant. patet ex dictis de sacramentis in communi.

Prob. 2. p. Nam absolutio sine actibus pœnitentis nihil facit, & profertur inutiliter, ait Doctor; debet enim esse absolutio pœnitentis; ergo reus, qui absolvitur, debet esse pœnitens per actus suos proprios; ergo sine actibus pœnitentis absolutio non facit sacramentum.

Prob. 3. p. nam absolutio cum actibus pœnitentis perfectè, & sensibilibiter significat gratiam remissivam peccati, & neutra sine altera id præstat; ergo hoc sacramentum constat essentialiter utrisque.

Confir. nam in aliis sacramentis totalitas essentialis includit materiam, & formam, & si altera desit, nihil fit; sed actus pœnitentis sunt materia, seu quasi *materia* (ut dicunt Concilia cit.) hujus sacramenti, & verba absolutionis sunt forma; ergo totalis essentia constat utrisque.

Confir. 2. nam in Baptismo v. gr. verba sine aqua, & ablutione, nec ablutio sine verbis non faciunt illud sacramentum, & idem est de aliis, quæ in usu consistunt; ergo nec in isto.

Objic. 1. cont. 1. p. Sacramentum in eo solo consistit, à quo denominatur in sua specie; sed istud in sua specie denominatur à solis actibus pœnitentis; ergo in
his

his consistit tota ejus essentia. Prob. min. nam dicitur specialiter essentialiter sacramentum pœnitentiæ; sed non est pœnitentia, nisi per illos actus; ergo &c.

Resp. neg. maj & 2. conf. nam denominatio rerum sumitur modò à causis, modò ab effectibus, modò à materia, modò à forma, modò à subjectis, &c. non autem semper à partibus intrinsicis, & essentialibus, vel ab omnibus simul.

Objic. 2. Deus dat gratiam remissivam intuitu solius pœnitentiæ, seu actuum pœnitentis; ergo in his solis est tota essentia sacramenti hujus. Prob. ant. Per illos solos peccator disponitur ad gratiam; ergo &c.

Resp. neg. ant. nam respicit etiam ad iudicium, & absolutionem Sacerdotis. *Quorum remisieris peccata*, &c. Respicit quidem ad interiorem dispositionem, seu ad actus pœnitentis, sed non totaliter. Unde si contritio non sit perfecta, non recipit gratiam, nisi adsit absolutio sacerdotis.

Objic. 1. cont. 2. p. ex Scoto. [1] *De pœnitentia sacramento dico, quod ista tria nullo modo sunt partes ejus: quia pœnitentia sacramentum est illa absolutio sacramentalis facta certis verbis*, &c. *Hujus autem nulla pars est contritio*; ergo ex Scoto tota essentia hujus sacramenti est in absolutione.

Resp. dist. conf. Hujus sacramenti inadæquatè sumpti, & secundum id, quod importat in recto, conc. adæquatè sumpti, neg. conf. Nam Doctor ibi respicit hoc sacramentum secundum id, quod principaliter importat juxta definitionem suam. Sed quando respicit illud adæquatè, & in tota sua essentia, verè agnoscit actus illos, ut partes ejus, ut patet ex verbis citatis; verè autem dicit, quod contritio non est pars absolutionis, sed totius sacramenti.

Inst. Docet, [2] quod illi actus non sunt neque partes pœnitentiæ sacramenti, neque virtutis, sed tantum imperati ab illa virtute; ergo &c.

Resp. eodem modo neg. conf. Non enim loquitur de toto complexo hujus sacramenti; deinde, ut notat Hiquæus, dicit hos actus non esse partes formaliter inclusas in virtute illa, aut sacramento, sed virtualiter, si seorsim spectentur; sed non negat hoc de toto complexo sacramenti.

[1] d. 16. E. 7. [2] *ibid.* H. 9.

Objic. 2. In eo consistit essentialiter sacramentum, per quod significatur sensibiliter totus effectus ejus; est enim essentialiter signum sensibile gratiæ; sed tota significatio gratiæ, quam causat, est in sola absolutione, & non in actibus pœnitentis; ergo in ea sola consistit tota essentia sacramenti hujus. Prob. min. nec contritio, nec confessio, nec satisfactio non significant remissionem peccati; ergo &c.

Resp. distin. maj. Per quod significatur, & causatur, conc. per quod nudè significatur sine efficientia, neg. maj. & min. Nam absolutio sine illis actibus significat quidem, sed non causat remissionem peccati, significat speculativè, non efficienter, & practicè.

Instit. Actus illi non significant gratiam sacramentalem; ergo nec causant sacramentaliter.

Resp. dist. antec. Non significant seorsim à forma, conc. cum forma, neg. ant. Nam sicut contritio, & confessio cum absolutione sunt actus judiciales, in quibus adest reus accusatus, & confitens, & judex absolvens, aut puniens, ita simul perficiunt totum sacramentum, & signum efficax gratiæ.

Objic. 3. Hoc sacramentum consistit, & operatur per modum judicii absolutorii; sed sola absolutio est talis actus judicialis; ergo sola est sacramentum.

Resp. dist. min. Sola absolutio, præsupposita materia judicii, conc. præcisa omni tali materia, nempe confessione, & pœnitentia rei, neg. min. nam illi actus rei simul operantur cum absolutione ministri, & hoc ex institutione divina. Certè si Sacerdos proferret absolutionem super reum non contritum, aut non confitentem, nihil faceret. Absolutio est quidem causa principaliter in suo genere instrumenti, sed non totalis.

Objic. 1. cont. 3. p. Sacramentum hoc est ens physicè simplex; ergo non constat tot partibus, ut sunt actus pœnitentis, & verba ministri. Prob. ant. Nam dicit relationem signi gratiæ remissivæ; sed hæc relatio est ens physicè simplex; ergo &c.

Resp. neg. ant. absolute. Nam, ut dictum est, omne sacramentum constat materia & forma; & dist. min. relatio formaliter, & in abstracto, conc. in concreto, & cum suo fundamento, neg. min. nam ut relationes non existunt per se, & extra fundamentum, ita nec ista,

ista, quæ fundatur in actibus pœnitentis, & ministri.

Inst. Concilia non dicunt actus pœnitentis esse materiam, sed *quasi materiam*; ergo non putant illud componi ex illis intrinsecè, & propriè, sed esse quid simplex.

Resp. neg. conf. Nam quòd loquantur cum illa restrictione, id solum probat, quod illi actus non se habent hic, sicut materiæ aliorum sacramentorum, in quibus sunt res magis sensibiles, & sunt simul cum forma; hic verò actus præcedunt, vel sequuntur, & sunt magis interiores, ut contritio.

Objic. 2. ex Concil. Trid. [1] *Vis, & efficacia hujus sacramenti præcipuè in absolutione sita est*. Idem dicit Colonien. [2] *Pœnitentia ut sacramentum potissimum in absolutione consistit*; ergo in ea sola totum sacramentum hoc consistit.

Resp. neg. conf. Imo hinc inferitur in sola absolutione non consistere totaliter, sed potissimum, seu principaliter, quia est forma ejus. Et id non negamus.

Objic. 1. In aliis sacramentis actus suscipientis non sunt partes eorum intrinsecæ; ergo nec in isto: nam omnia conveniunt in ratione sacramenti.

Resp. neg. conf. Nam singula etiam differunt in materia, & in modo juxta differentiam suam specificam ex institutione Divina. Idè istud exigit hos actus suscipientis ex ratione sua specifica, & sine illis non valet.

Inst. Contritio non aliter requiritur in pœnitentia, quàm in baptismo adultorum; sed in illo baptismo non requiritur ut pars intrinseca; ergo &c.

Resp. neg. maj. Nam in baptismo illa requiritur tantum ut dispositio in habente peccatum mortale, nec ille confertur per modum judicii ex cognitione causæ, sicut pœnitentia, in qua Deus voluit pœnitentem, & confitentem, ut possit ferri sententia absolutoria.

Inst. 2. Partes intrinsecæ, & componentes debent uniri in toto; sed actus pœnitentis, & absolutio non uniantur in hoc sacramento; ergo &c. Prob. min. tum quia sunt in diversis personis; actus sunt in reo, & forma in sacerdote; tum quia contritio, & confessio præcedunt, & satisfactio sequitur sacramentum.

Resp. dist. maj. Debent uniri physicè, aut moraliter, conc.

[1] *ibid.* c. 3. [2] *cap.* 3.

conc. physicè tantum, neg. maj. & min. nam uniuntur moraliter, quod sufficit in ente morali, quale est sacramentum, & quod moraliter operatur.

Objic. 4. Sacramentum definitur *absolutio hominis penitentis*; ergo illa est totum sacramentum; sed illi actus non sunt partes absolutionis; ergo nec sacramenti. Prob. subf. 1. de contritione, quæ est actus internus, & non sensibilis. 2. de confessione oris, quia fieri potest per signa. 3. de satisfactione, quam præcedit sacramentum; ergo &c.

Resp. dist. ant. Definitur absolutio in recto, & ut actus principalis, in quo sita est vis sacramenti, conc. tamquam totalis ejus essentia, neg. ant. & conf. subsumpti; aliud enim est, quod non sint partes absolutionis, & aliud, quod non sint partes sacramenti adæquatè sumpti. Deinde contritio fit sensibilis per alios actus penitentis, & de illa debet constare aliquo modo sacerdoti; & signa suppleant vices verborum in confessione, & satisfactio præcedit in voto, & omnia coexistunt moraliter absolutioni.

Objic. 5. Si actus penitentis essent partes intrinsecæ hujus sacramenti, non solus Sacerdos, sed & ipse penitens esset ejus minister; sed conseq. est falsum, & contra Concil. Trid. & Patres, & Theologos; ergo &c. Prob. maj. nam ille conferret, & causaret partem notabilem sacramenti; ergo &c.

Resp. neg. maj. & conf. prob. Nam ministerium sacramenti non attenditur penes ministracionem materiæ, sed formæ. Penitens verò ministrat solam materiam, & solus Sacerdos formam, nec illi actus sua aliter pars sacramenti, quàm prout subsunt formæ & absolutioni.

Inst. Penitens causaret in se sacramentum, & gratiam, quia conferret actus, qui componunt sacramentum, & causant gratiam; ergo esset minister.

Resp. dist. ant. Causaret gratiam dispositivè, & materialiter per actus ad eam disponentes, conc. causaret ministerialiter, & activè, repræsentans causam principalem efficientem, ut Sacerdos repræsentat Deum, neg. ant. & 2. conf. non est enim inconueniens, quòd penitens concurrat dispositivè, & materialiter, & impetratoriè ad suam justificationem, ut facit per illos actus.

Inst.

Inst. 2. Si actus illi, aut pœnitens per illos cooperaretur ad gratiam, id faceret ex opere operato, quia talis est modus operandi sacramentorum; sed conf. est falsum, & contra omnes; ergo &c. Prob. min. nam in illis actibus non agnoscitur nisi ad summum dispositio, & meritum de congruo; ergo &c.

Resp. dist. maj. & min. Ex opere operato, prout actus illi subsunt absolutioni ex virtute clavium, conc. maj. & neg. min. secundum se, & præcisè ab absolutione, neg. maj. nam sub hoc respectu præciso sunt meræ dispositiones morales; cum absolutione autem sunt partes sacramenti, & concausæ morales gratiæ.

CONCLUSIO II.

Hoc sacramentum adequatè sumptum pro aggregato ex rebus, & verbis, in quibus fundatur relatio signi sacramentalis, importat absolutionem in recto, & principaliter, actus verò pœnitentis importantur in obliquo, & minus principaliter. Est communis inter Scotistas.

Prob. 1. ex Scoto cit. [1] nam sacramentum hoc definit *absolutionem hominis pœnitentis*; & infra: [2] *Pœnitentia sacramentum est illa absolutio sacramentalis*, &c. ita ut non putet, quod actus pœnitentis sub hoc respectu sint partes ejus intrinsecæ, ut diximus.

Prob. 2. ex Trident. dicente, quod *pœnitentiæ vis præcipuè sita est in illis verbis ministri: Ego te absolvo.* Idem docet Concil. Colon. cit. eisdem fere verbis.

Prob. 3. Id per concretum importatur in recto, quod in eo est principaliter, ut dicunt Dialectici, & quod in expl. catione nominis ponitur in recto; sed ex Conciliis cit. absolutio est principaliter in hoc sacramento, & in ea est vis ejus præcipua, & in ejus definitione ponitur in recto; ergo &c.

Confit. Id principaliter, & in recto importatur per concretum, sine quo istud non potest consistere, id verò connotativè, & in obliquo importatur, sine quo idem concretum potest concipi saltem confusè, & minus perfectè; sed hoc sacramentum non potest consistere, nec concipi sine absolutione, benè verò sine illis actibus, saltem formaliter, & explicitè; ergo illa impor-

[1] d. 14 q. 4. A. 2. [2] d. 6. q. 1. E.

importatur in recto, & isti in obliquo. Prob. min. In aliquibus casibus sufficere potest atrox, vel contritio implicita, & in aliis confessio in voto, sicut & satisfactio, quæ ordinariè adest solum in voto, numquam verò abesse potest absolutio formalis; ergo &c.

Prob. 2. Illud dicitur in concretis importari in obliquo, & connotativè, sine quo istud non potest perfectè concipi, quia illud necessariò connectitur, & significatur cum principali significato; sed tales sunt actus pœnitentis in hoc sacramento; habent necessariam connexionem cum absolutione; ergo &c. Prob. min. nam sacramentum hoc est judiciale: confertur per modum judicii; sed perfectum judicium non potest perfectè intelligi, nisi præsupponatur reus accusatus, & convictus, aut confessus; ergo nec istud sacramentum sine actibus pœnitentis, quibus accusat seipsum, & dolet de peccatis, & vult satisfacere, ut absolvatur.

Confir. Certum est, quod actus illi aliquo modo includuntur, & significantur nomine sacramenti pœnitentiæ, scilicet in recto, vel in obliquo, directè, vel indirectè, principaliter, vel minùs principaliter; sed non importantur directè, & principaliter ut probatum est; ergo indirectè tantum.

Dices. Possunt importari æquè primò, & directè cum absolutione.

Contra. Concretum accidentale non potest æquè principaliter importare subjectum, & formam; sed tale est hoc sacramentum; est compositum ex rebus, & verbis, velut subjectum, & forma; ergo non potest æquè primò importare res, quales sunt actus, & verba, qualis est absolutio. Prob. maj. 1. ex regulis Dialecticæ. 2. quia tale concretum non est quid unum per se Logicè, nec Metaphysicè; ideo si quæras, quid sit album, dicetur, est subjectum habens albedinem, vel albedo in subjecto; ergo &c.

Objic. 1. Id importatur in recto per concretum, quod ex vi nominis datur intelligi; sed dantur intelligi actus pœnitentis, non absolutio; ergo &c. Prob. min. Hoc sacramentum dicitur pœnitentia; sed absolutio non est pœnitentia, benè verò contritio, & confessio; ergo &c.

Resp. neg. maj. Nam nomina non semper sumuntur

192 De sacramento pœnitentiæ

ex essentia tota rei, neque ex parte principaliori, sed sæpius ex notiori, licet minus principali, ut in hoc sacramento, quod dicitur pœnitentiæ, quia datur pœnitentibus, sic nomen habet à subjecto potius, quàm ab essentia.

Objic. 2. Hoc sacramentum est *judiciale*, vel *judicium sacramentale*; sed iudicium æquè primo importat actus judiciales, v. gr. accusationem, & auditionem rei, aut confessionem ejus, & sententiam iudicis; ergo &c.

Resp. neg. min. Nam iudicium humanum, sicut & sacramentale importat primò sententiam absolutoriam, vel condemnatoriam, & secundariò illos actus judiciales.

Inst. Tam illi actus, quàm sententia sunt partes intrinsecæ sacramenti, & essentielles per nos; ergo istud æquè primò illos importat: nam in essentialibus non datur magis, & minus, & connotatum in obliquo non ingreditur conceptum rei, ut genus, vel differentia.

Resp. neg. 1. conf. & dist. 2. ant. In actibus, qui habent unitatem per se, Logicè, aut Metaphysicè, conc. in actibus, qui habent unitatem per accidens, neg. antec. Sacramenta autem non habent unitatem, nisi per accidens, sunt aggregata ex rebus, & verbis, seu ex entibus diversorum generum, & hic partes eorum non possunt æquè primò importari, ut patet de concretis accidentalibus.

Fateor tamen, rem esse parvi momenti quoad substantiam sacramenti, modò constet, quòd essentialiter includit utrumque, & actus, & absolutionem.

QUÆSTIO III.

De materia hujus sacramenti:

IN præcedentibus non semel locuti sumus de materia, & forma hujus sacramenti; sed, ut clariùs pateat quid sentiendum, id ex professo, & specialiter examinamus. Porro suppono distinctionem materiæ ex qua, & circa quam, & proximæ, ac remote. In aliis sacramentis materia ex qua dicitur aliqua substantia physica, & realis, ut aqua in baptismo, chrisma in confirmatione, panis, & vinum in Eucharistia, &c.

Sed

Sed in pœnitentia nihil tale reperitur, ibi omnia constant actibus aliquot ex parte pœnitentis, ut contritio, confessio, & satisfactio, quæ non habent esse permanentes, & substantiale, & ideo non dicuntur absolute materia, sed quasi materia, ut loquitur Concilium, quia tenent locum materiæ. Et in hoc sensu hæc loquimur de materia pœnitentiæ.

CONCLUSIO I.

Actus illi pœnitentis sunt materia proxima huius sacramenti, peccata verò omnia post baptismum commissa sunt materia remota, & circa quam ejusdem. Est communis.

Prob. 1. p. 1. ex Scoto [1] dicente, quod hæc tria requiruntur ad sacramentum pœnitentiæ ad hoc, ut dignè recipiatur, vel prævia, vel sequentia; sed non requiruntur ut forma, quam dicit esse absolutionem; ergo ut materia.

Prob. 2. ex Conciliis. Nam in Florent. & Trid. cit. [2] dicitur: Sunt autem quasi materia huius sacramenti ipsius pœnitentis actus, nempe contritio, confessio, & satisfactio, &c. Item ex Catechismo: nam ideo illi actus dicuntur quasi materia, quia ejus generis materiæ non sunt, quæ extrinsecus adhibentur, ut aqua in baptismo; ergo illi actus sunt materia ex qua huius sacramenti.

Prob. 3. Illi actus respectu absolutionis se habent ut materia, sunt enim prævia ad illam, & per illam determinantur ad hoc, ut cum illa constituent sacramentum, & significant gratiam remissionem peccati; ergo &c.

Confir. De ratione omnis sacramenti est, ut constet rebus aliquibus, ut materia, & verbis tanquam forma; sed nihil est in isto, quod possit habere rationem materiæ præter istos actus; ergo &c. Min. patebit solutione objectionum.

Prob. 1. 2. p. ex Scoto dicente, [3] quod pœnitentia habet pro objecto malum, sc. peccatum; sed objectum est materia circa quam; ergo &c.

Prob. 2. Materia circa quam dicitur id, circa quod

Tom VIII.

I

habi-

[1] d. 16. q. 1. E. 6. [2] sess. 14. c. 3.

[3] d. 14. c. 5.

habitus versatur, materia proxima, qui sunt actus ejus; sed actus pœnitentis, & ministri in hoc sacramento versantur circa peccata post baptismum commissa; ergo hæc sunt materia hujus sacramenti remota, & circa quam. Prob. min. Hoc sacramentum institutum est, ut diximus, per formam judicii; sed materia remota, & circa quam judicii sunt crimina delinquentis; ergo &c.

Dixi autem, *peccata post baptismum commissa*, quia originale, & actualia commissa ante baptismum remittuntur per ipsum, non autem per aliud ullum sacramentum, quia baptismus est janua cæterorum.

Objic. 1. Materia Sacramenti debet esse aliquid præter verba, constant enim Sacramenta rebus tamquam materia, & verbis tamquam forma; sed illi actus nihil sunt in sacramento præter verba; ergo &c. Prob. min. nam contritio, confessio, & satisfactio cognoscuntur in verbis.

Resp. neg. min. & ant. Nam sunt actus, & motus animæ reales, licet per verba fiant sensibiles, imò & possunt aliter manifestari.

Inst. Materia sacramenti debet esse sensibilis; sed illi actus non sunt sensibiles, sunt motus purè interni; ergo &c.

Resp. dist. min. Non sunt sensibiles per se, & extra sacramentum, conc. in sacramento, & per verba, aut signa, neg. min. & conf. Sufficit enim, quod in sacramento manifestentur Sacerdoti.

Objic. 1. Materia compositi debet uniri formæ, & esse simul cum illa; sed isti actus non uniuntur formæ hujus sacramenti; ergo &c. Prob. min. Contritio, & confessio illam præcedunt, & amplius non existunt, cum datur absolutio, & satisfactio, nondum existit.

Resp. dist. maj. Debent uniri physice in composito physico, & permanenti, & moraliter in composito morali, conc. physice in composito morali, & transeunti, neg. maj. & conf. Nam hoc sacramentum est compositum morale, & partes sibi succedunt physice, coexistunt autem moraliter.

Inst. Compositum non potest esse sine materia sua, est enim pars ejus essentialis; sed hoc sacramentum potest esse sine confessione, & satisfactione, ut in homine moriente, qui subito amittit vocem; hic enim absol-

absolvitur sine confessione, & non imponitur ei satisfactio; ergo &c.

Resp. dist. min. Sine confessione, & satisfactione in re, & quando adest impotentia, conc. sine illis in voto, neg. min. nam in illis casibus illa sunt in voto, quod moriens debet ostendisse per signa pœnitentiæ, & petitionis sacramenti.

CONCLUSIO II.

Peccata ut venialia sunt materia hujus sacramenti non necessaria, sed sufficiens; idem est de mortalibus valide confessis, & dimissis. Est communis.

Prob. 1. p. ex Scoto. [1] Dico, quod ex statutis Ecclesiæ nullus tenetur ad confessionem venialium. Dico, quod simpliciter innocens à mortali, & venialiter tenetur simpliciter non confiteri; sed si est tantum innocens à mortali, potest confiteri venialia, & potest non confiteri; ergo venialia sunt materia non necessaria, sed sufficiens. Sine ullo autem peccato illicita est confessio, quia frustratur sacramentum defectu materiæ sufficientis; unde, inquit, si B. Virgo fuisset confessa Petro post ascensionem, peccasset confitendo.

Prob. 2. ex Concil. Trid. [2] Venialia, quibus à gratia Dei non excludimur, & in quæ frequentius labimur, quamquam utiliter, citraque omnem presumptionem in confessione dicantur, quod piorum hominum usus demonstrat, taceri tamen citra culpam ... possunt.

Prob. 3. nam venialia sunt verè peccata post baptismum commissa, & materia pœnitentiæ, & egent remissione, licet non privent hominem gratia Dei, nec excludant à gloria; ergo sunt materia sufficiens, sed non necessaria hujus sacramenti.

Prob. 2. p. ex Scoto, [3] qui quærens, an iterata eorumdem peccatorum confessio vi clavium plus, & plus de pœna remittat, Respondet, videtur probabile, quod sic. Inferius verò ait, videtur probabilius, quod 2. absolutio virtute clavium nullam partem pœnæ remittit. Non dico, quod illicitum, vel impossibile sit iterari ergo ex Scoto peccata confessa, & remissa sunt materia licita, & sufficiens sacramenti hujus, licet non sit certus de utilitate.

I 2

Prob.

[1] d. 17. R. & Y. 32. [2] sess. 14. c. 5. [3] D. 19. G. 30.

196 De sacramento pœnitentiæ

Prob.2. ex Conſtit. Benedic. XI. [1] *Licet de neceſſitate non ſit iterum confiteri eadem peccata, tamen, quia propter erubefcentiam, quæ magna eſt pœnitentiæ pars, ut eorundem peccatorum iteretur confeſſio, reputamus ſalubre.* Et cap. quem pœnitet, dicitur, [2] *quod peccator quânto pluribus confeſſebitur in ſpe veniæ turpitudinem criminis, tantò facilius conſequetur miſericordiam remiſſionis.*

Prob.3. ex praxi Eccleſiæ: nam in confeſſionibus generalibus, imò & in particularibus plurimi pii fideles ſæpiùs ſubjiciunt clavibus peccata jam ritè, & ſacramentaliter confeſſa, & remiſſa, & apud multas Religiones invitantur Religioſi ad confeſſiones generales, in quibus confeſſa, & remiſſa repetunt, & de iis abſolvuntur.

Prob.4. Nam ſuper eandem aquam baptiſmalem poteſt ſæpiùs iterari benediçtio, & per eandem poſſunt plures baptizari, & ſi Deus reproduceret panem in una Miſſa conſecratum, & conſumptum, poſſet reproductus iterum conſecrari, & ſic de aliis; ergo nihil repugnat eadem peccata pluribus abſolutionibus ſubjici.

Objic.1. cont.1. par. Quando Chriſtus Dominus inſtituens hoc ſacramentum dixit, *Quorum remiſeritis, &c.* debuit ibi includere tam venialia, quàm mortalia, vel incluſit ſola mortalia. Si 1. ergo utraque ſunt materia neceſſaria: ſi 2. ergo non dedit poteſtatem remittendi venialia.

Reſp. quod utraque incluſit, & neg. conf. inde illam: nam potuit dare poteſtatem utraque dimittendi, & nolle obligare æqualiter ad omnia conſitenda, ob rationem datam ex Conc. Trident. quia ſc. venialia non excludūt à gratia, nec gloria, & pluribus aliis mediis poſſunt deleri.

Inſt. Non dedit poteſtatem retinendi venialia; ergo nec remittendi: nam utramque ſimul, & eodem modo conceſſit.

Reſp. neg. ant. Nam poteſt Sacerdos negare abſolutionem venialium, v. gr. ſi videat hominem nolle de illis dolere, aut ab illis abſtinere.

Objic.1. cont.2. par. nam poteſt eadem forma inferre diſtinctis ſacramentis; ergo nec eadem materia.

Non

[1] *Extr. de priv. vil.* [2] *de pœn. d. 1.*

Non est enim minus essentialis, quam illa.

Resp. neg. conseq. nam peccata non sunt de materia intrinseca hujus sacramenti, sed extrinseca, & circa quam idem crimen potest esse materia plurium iudiciorum, si adsint plures accusationes, aut confessiones.

Inst. 1. Eadem absolutio non sufficit pro diversis peccatis successivè; ergo nec idem peccatum pro diversis absolutionibus.

Resp. neg. conf. & parit. quia absolutio est pars intrinseca sacramenti, non peccatum.

Inst. 2. Eadem absolutio sufficit pro pluribus sacramentis, ut si plures simul confiteantur; ergo valet paritas.

Resp. neg. conf. nam in illo casu una absolutio æquivalet pluribus, & proferri deberet pluraliter.

Inst. 3. Eadem contritio non sufficit pro diversis absolutionibus; ergo nec idem peccatum.

Resp. neg. conseq. nam contritio est actus transiens, & nihil de ipsa remanet in secunda confessione, quod appareat Sacerdoti, de peccato autem remisso quoad culpam potest aliquid restare remittendum, v.g. reatus pœnæ.

Objic. 2. ex Scoto cit. [1] *Simpliciter innocens à mortali, & veniali tenetur simpliciter non confiteri: Sed qui non habet nisi peccata confessa, & remissa, est simpliciter innocens; ergo tenetur non confiteri.*

Resp. neg. min. absolutè: nam qui semel peccavit, licet dimissa sit ei pœna, & culpa, tenetur semper dolere, & pœnitere de eisdem, quoties de illis recordatur, & semper ab eis dicitur peccator; ergo non est simpliciter innocens, nec incapax absolutionis, quoties de illis confitetur, & dolet. Scotus autem loquitur de innocente simpliciter, qualis fuit B. V.M.

Inst. Scotus dicit nihil remitti per 2. absolutionem; ergo frustratur sacramentum; ergo peccata remissa non sunt amplius materia sacramenti.

Resp. neg. conf. nam non negat augeri gratiam, & sic non frustratur sacramentum.

Objic. 3. Materia illa redderet absolutionem falsam: nam veritas ejus consistit in remissione peccati, quam significat; sed non remitteret ullum peccatum; ergo &c.

I 3

Resp.

[1] d. 17. Z. Y. 23.

Resp. neg. ant. & dist. subf. Non remitteret per 1. gratiam, & formaliter, conc. per 2. gratiam, & æquivalenter, neg. subf. nam causaret augmentum gratiæ, quæ de se esset remissiva peccati, si adesset; alioqui habens perfectissimam contritionem, & per se remissivam omnium peccatorum, non deberet recipere absolutionem, quia hæc nihil remitteret.

Quæres, *an qui talia peccata confitetur, teneatur etiam de illis toties dolere.*

Resp. affirmativè, quia talis iteratio doloris est necessaria materia sacramenti.

Quæres 2. *an talis absolutio sit etiam fructuosa.*

Resp. affirmativè; quia sicut talis iteratio confessionis, & contritionis est opus bonum, & materia idonea sacramenti, ita & istud debet aliquid operari, scilicet augmentum gratiæ, alioqui iteratio esset illicita, quia frustraret sacramentum.

Confir. ex cit. Benedicti XI. qua declarat iterationem esse salutarem.

Quæres 3. *an tales confessiones, & absolutiones dimittant aliquid de pœna temporali peccatis debita.*

Resp. probabiliter, quod sic, quia sunt opera bona; ergo debent aliquid operari.

Confir. Illa absolutio operatur augmentum gratiæ; ergo & diminutionem pœnæ.

Dices, hoc esse contra Scotum cit. [1] dicentem. *Videtur probabilius, quod 2. absolutio virtute clavium nullam partem pœnæ remittit.*

Resp. cum Hiquæo, & Mastrio, [2] neg. ant. Nam Scotus ibi sic loquitur ex suppositione, quod pœnitens condignè, & completè satisfecerit toti pœnæ temporali, & tunc verè dicit, quod *cum fructu isto* (remissionis pœnæ, quam habet jam ex priori sacramento) *hoc sacramentum non est iterabile.* Sed non negat, quin remittatur, si reperiatur aliquid remittendum post primam absolutionem.

QUÆ-

QUÆSTIO IV.

De forma huius sacramenti.

Suppono istud sacramentum, sicut & cætera constare certis rebus, tamquam materia, de qua mox egimus, & verbis tamquam forma, de qua nunc agimus.

Suppono 2. ex iisdem principiis, maxime ex Concil. Florent. [1] quod forma sunt *Verba absolutio- nis, quæ Sacerdos profert, cum dicit: Absolvo te, &c.* Tridentina Synodus [2] docet, *Sacramenti peniten- tiæ formam, in qua præcipue ipsius vis sita est, in illis verbis ministri positam esse, Ego te absolvo, &c.*

Suppono 3. quod in hoc non determinantur verba præcisa, sicut in aliis, inquit Doctor, [3] *Non est ne- cesse ita præcisa verba in hoc sacramento, sicut in Ba- ptismo, vel Eucharistia; quia sufficit, quod exprimaturs actus sententiæ absolventis;* &c. tamen communiter proferuntur ad minus hæc verba, *Ego te absolvo à pec- catis tuis in nomine Patris, &c.* Sed quæstio est de for- ma, & verbis absolutè necessariis.

CONCLUSIO.

Ad formam validam huius sacramenti necessariò requiruntur hæc verba à Sacerdote prolata: *Absolvo te; & sufficiunt.* Est communis.

Prob. 1. ex Scoto dicente, [3] quòd communiter verba ista sunt apta, *Ego te absolvo, quæcumque alia præ- mistantur, vel loquantur secundum diversam consue- tudinem in diversis Ecclesiis.*

Prob. 2. ex Conciliis cit. nam in illis duobus verbis habetur verus, & sufficiens sensus verborum, quæ de- terminant, licet deesse videatur vox, *Ego*: nam hæc satis exprimitur per verbum *absolvo* in 1. persona temporis præsentis, & indicativi modi. Idem patet ex Catechismo Romano. Est autem forma, *Ego te absol- vo, &c.*

Prob. 3. Nam, inquit Doctor, hoc Sacramentum

[1] Decr. Eugen. [2] sess. 4. c. 3.

[3] d. 14. q. 4. B. 4. [4] *ibid.*

institutum est, & confertur per modum iudicii humani; sed in iudiciis istis requiritur, & sufficit, ut exprimatur actus iudicis, licet non exprimat nec auctoritatem, in qua agit, nec debitum, à quo absolvit, vel propter quod condemnat reum; sed illa requisita exprimuntur in isto per hæc duo verba, *absolve te*; ergo sufficiunt in isto, quamvis non dicat *ego*; nec *peccabis*, nec faciat mentionem de auctoritate Divina sibi commissâ per hanc particulam, *in nomine Patris*; &c.

Prob. 4. Illa verba requiruntur, & sufficiunt ad essentiam formæ huius sacramenti, quæ significant principalem ejus effectum; sed id præstant hæc duo, *absolve te*; ergo &c. Maj. patet ex dictis: nam ad essentiam sacramenti sufficit, quod efficiat, quod significat, & significet, quod efficit. Prob. min. hoc sacramentum debet significare, quod Sacerdos remittit peccata confitenti cum debita dispositione; sed hoc significant verba illa prolata super talem hominem; ergo &c.

Objic. 1. In omni iudicio exprimitur auctoritas, ex qua iudex pronuntiat; sed Sacerdos in isto procedit ex auctoritate Dei, & hoc per sola duo illa verba non exprimitur; ergo &c.

Resp. neg. maj. Nam licet id sæpe in iudiciis humanis exprimatur, non tamen semper, nec id necesse est, & maxime in isto, in quo Christus id non præcipit, sicut in baptismo; sed tantum ut remittant peccata, aut retineant.

Inst. Nisi exprimatur nomen Dei, aut personarum Trinitatis, sensus verborum falsus est; ergo illa non faciunt sacramentum. Prob. ant. Illa verba significant Sacerdotem propria, non divina auctoritate absolvere; sed hic sensus falsus est; ergo &c.

Resp. neg. utrumque ant. nam significant, quod Sacerdos absolvit auctoritate, quam habet; sed non habet, nisi delegatam à Deo, & ministerialem; ergo aliud non significat per illa verba.

Inst. 2. Si hæc particula, *In nomine Patris*, &c. non esset necessaria, non præciperetur ab Ecclesia; sed conf. est falsum, ut constat ex Ritualibus; ergo &c.

Resp. neg. maj. nam multa solent apponi in formis sacramentorum ad majorem claritatem, & instructionem fidelium, quamvis non sint de essentia eorum, ut dixi.

diximus de baptismo, & aliis, & peccant quidem, qui sine urgenti ratione omittunt, sed tamen valide faciunt.

Objic. 2. De ratione sacramenti est, ut significet sensibilibiter id, quod operatur insensibilibiter; sed hoc non præstant hæc duo sola verba; ergo nec faciunt. Prob. min. Invisibilibiter operatur remissionem peccatorum; sed id non significant illa duo verba sola; ergo &c. Prob. nihil significant de peccatis, & possunt intelligi de pœnis æque, ac de peccatis.

Resp. neg. 1. & 2. min. & antec. Nam verba determinantur ad significandam remissionem materiæ sibi appositæ per confessionem, quæ sunt peccata: sicut si debitor fateatur creditori debitum, sufficiet, ut iste dicat, *absolvo te, vel remitto tibi*, ut intelligatur illi remittere debita confessa animo obtinendi remissionem.

Inst. Alia sacramenta explicitè exprimunt totum effectum; ergo & istud; sed id non facit per sola illa verba; ergo non sufficiunt.

Resp. neg. ant. & subf. nam sufficit, quod id expriment implicitè, ita ut effectus eorum satis intelligatur ex circumstantiis, & ex materia apposita. Sic in baptismo non exprimuntur originale, nec actualia.

Objic. 3. Ad valorem sacramenti debet adhiberi forma per Ecclesiam præscripta, quando non habetur determinata in Evangelio, ut forma baptismi; sed Ecclesia determinavit hæc verba, *absolvo te a peccatis tuis, in nomine*, &c. ergo &c. Prob. min. ex Conciliis Tridentino, Florentino, & Moguntino, in quibus hæc præscribuntur.

Resp. dist. maj. Si sit determinata, ut absolutè necessaria, conc. si ut necessaria secundum quid, & ad melius esse, neg. maj. & conf. nam inde sequitur non posse fieri aliter licitè, licet validè, maxime si urgeat ratio sic faciendi.

Inst. Saltem debet exprimi persona ministri; ergo non debet omitti vox *ego*, quæ illam exprimit. Prob. ant. ex Scoto dicente hæc verba sufficere, *ego te absolvo*; ergo &c.

Resp. dist. ant. exprimi explicitè, vel implicitè, conc. explicitè, saltem necessario, neg. antec. Hoc autem fit per verbum *absolvo*, ut diximus, nec aliud intendit Scorus.

Inst. 2. Non minus necessaria est vox ego ex parte ministri, quàm te ex parte subjecti; sed hæc necessaria est absolutè; ergo & illa.

Resp. neg. maj. nam vox *absolvo* non potest distrahi, nec intelligi de alia persona, quàm de ministro proficiente; sed nisi apponat particulam demonstrativam te, dubitari potest, an dicat de uno, vel de pluribus, an de Petro, vel de Paulo, si ambo sint præsentés: imò & de rigore extendi posset ad absentes.

Loquor autem de forma absolutè necessaria ad valorem sacramenti, seu ex necessitate rei, non autem de necessitate præcepti, sine qua non potest licitè fieri. De ista non dubitatur, quin debeat Sacerdos dicere super confitentem ad minus, *Ego te absolvo à peccatis tuis*. Conclusio ergo procedit de necessitate absoluta sacramenti.

Constat ergo, quod valeret, si omitteretur vox ego, non autem si omitteretur te, item valeret, si omitteretur particula, *à peccatis tuis*, vel in nomine Patris, &c.

Constat etiam ex Scoto nequidem necessaria esse formalia verba, *absolvo te*, vel *ego te absolvo*, sed sufficere æquivalentia, ut si dicat, *dimitto tibi*, vel *remitto tibi peccata tua*. Nam Christus instituens hoc sacramentum, non determinat ulla verba præcisa, sed dixit, *Quorum remisistis peccata*, &c. Et præfigurans, quæ facturus erat per hanc institutionem, utebatur his verbis erga peccatores, *Remittuntur tibi peccata tua*. Sufficiunt ergo verba, quæ significant hanc remissionem.

Quæres, an necessaria sit manus impositio super pœnitentem, dum absolvitur.

Resp. quod licet soleret Ecclesia imponere manus super publicè pœnitentes, quando publicè reconciliabantur Ecclesiæ, & soleant confessarii extendere manum super privatos pœnitentes, tamen hæc cæremonia non est de necessitate sacramenti. Ratio est, quia nulli hoc præcipitur in Scriptura, vel Conciliis ut necessarium in hujus sacramenti administratione. Imo constat ex Concilio Arausicano I. & Carthagin. IV. quod moribundi, etiam separati, & addicti publicæ pœnitentiæ, privarim absolvebantur sine hac cæremonia, sed si huic absolutioni supervivebant sanitatem recuperantes, tenebantur se se Ecclesiæ præsentare, ut
legi-

Legitimam communionem reciperent cum reconciliatoria manus impositione ; ergo in sacramentali absolutione hæc cæremonia non erat necessaria.

QUÆSTIO V.

Quis sit verus sensus verborum formæ, Ego te absolvo à peccatis tuis.

QUamvis satis convenient Theologi nostri de verbis istis, *Ego te absolvo à peccatis tuis*, plurimi tamen dissentiunt de sensu eorum. Quidam putant idem significare, ac si diceret, *ego te declaro*, seu *judico absolutum*, ut Magister in hoc comparans Sacerdotes nostros cum Moisaicis, qui non mundabant leprosos, sed declarabant mundatos. Alii volunt idem esse; ac si diceret, *sacramentum penitentiale*, vel *absolutionis tibi trado*. Alii, quasi diceret, *ego te libero à pœna æterna*. Alii, *ego te libero à pœna temporali*, si videlicet pœnitens accedat perfectè contritus, vel sine peccato mortali, & sic liber à pœna æterna. Alii, *ego te libero ab obligatione iterum confitendi*. Alii, *ego te libero ab exilio cœlestis patriæ*. Alii denique, *tibi remitto peccata tua*, ministerialiter tamen. Vides quot somnia circa voces adeoclaras?

CONCLUSIO.

Iste ultimus est verus sensus horum verborum: *Tibi remitto peccata tua*. Est communis.

Prob. 1. ex Scoto [1] dicente, *Absolutionem fieri certis verbis significantibus ablutionem animæ a peccato*. Et infra referens opinionem Magistri dicentis, quod in solvendis, vel retinendis culpis ita operatur Evangelicus Sacerdos, & judicat, sicut olim legalis in illis, qui erant contaminati lepra, addit, [2] sed istud videtur nimis derogare sacramento penitentiae: nam secundum hoc per sacramentum penitentiae nunquam deleretur peccatum; ergo censet, quod per absolutionem sacramentalem verè dimittitur peccatum.

Prob. 2. Verba absolutionis verè, & propriè significant id, quod operantur; sed verè operantur instru-

I 6

men-

[1] *ibid.* A. 2. [2] *ibid.* D. 5.

mentaliter remissionem peccati; ergo id verè, & propriè significant. Min. patebit ex dicendis de effectu ejus. Major verò patet ex dictis de sacramentis in genere.

Confir. contra alios sensus, qui tribuuntur illis verbis: nam nullus eorum explicat verè effectum istum, ut patet discurrenti per singulos. Nam 1. qui est *declarare peccata esse remissa à Deo*, vel *hominem esse absolutum à Deo*, non est remittere, vel absolvere. Concilium Trid. [1] dicit anathema iis, qui non tribuunt alium effectum huic sacramento, nisi talem declarationem. Et Christus non dixit Apostolis, *quorum declaraveritis, sed remiseritis*; denique sacramenta non cauferent, quod significant.

2. Explicat hæc verba, *absolvo te, per sacramentum absolutionis tibi trado*, est illud explicare per obscurius, & remotius: nam agitur de sensu, & effectu ipsius sacramenti, quod consistit principaliter in illis verbis. Sanè cum quæritur de sensu verborum, *absolvo te*, pueriliter respondetur, nihil aliud esse, quam *sacramentum absolutionis tibi trado*.

3. & 4. Hæc verba debent significare id, quod Christus, & Sacerdos intendunt facere per illa; sed non intendunt remittere solam pœnam æternam, vel temporalem; ergo malè sic explicantur hæc verba. Prob. min. Christus, & Sacerdos de mente Christi intendit remittere peccata; sed hæc non sunt pœna æterna, nec temporalis; ergo &c.

Confir. ex Concil. Trid. [2] Per sacramentum non solum pœna, sed & culpa remittitur, nec pœna remitti potest sine culpæ remissione; & denique quando sacramentum sumitur in statu gratiæ, falsus esset sensus quoad pœnam æternam: nam hæc non remitteretur; ergo &c.

Confirm. de utraque pœna: nam in proprio sensu remittere pœnam non est remittere peccata; hæc enim sunt separabilia, potest remitti reatus culpæ, & non pœnæ, saltem temporalis, & multis aliis mediis potest peccator liberari ab hac pœna, cujus debitum remanet post absolutionem, ver. gr. per contritionem intentam, per indulgentias, & alia bona opera, &c.

s. Idem

[1] sess. 14. [2] sess. 6. c. 14.

5. Idem & de illo sensu; *libero te ab exilio Paradisi*, coincidit enim cum illo, *libero te à pœna æterna*, seu damnationis. Et iste sensus est valde metaphoricus, & falsus esset, quoties recipitur Sacramentum in statu gratiæ, & sine mortalibus.

6. Idem est à fortiori de isto, *libero te ab obligatione iterum confitendi hæc peccata*. 1. illa obligatio non est peccatum. 2. hoc non est remittere peccata in bono ullo sensu; ergo hæc explicatio vana est, ac omnino impertinens.

Objic. 1. Sacerdos non potest velle significare per absolutionem, nisi quod potest efficere; sed non potest aliud facere, quam declarare peccati remissionem, quæ soli Deo reservatur; ergo nec aliud significare, quam talem declarationem. Prob. min. ex Script. dicente Deo, [1] *Iniquitates vestras ego deleo*. Et, *Quis potest peccata dimittere, nisi solus Deus?* ajunt Pharisæi.

Resp. neg. min. & dist. ant. Solus Deus remittere potest propria autoritate, & principaliter, con. ex commissione Dei, & ministerialiter, neg. ant. nam Deus per Christum hanc potestatem commisit Apostolis, & eorum successoribus in Ecclesia. Idem argumentum, & responsio facit pro aliis Sacramentis.

Inst. ipsa confessio peccatoris supponit eum jam esse suscitatum per gratiam. Nam inquit August. [2] *Nemo potest confiteri, nisi suscitatus: Lazarus enim prius suscitatus est, quam de monumento educeretur*. Item, *A mortuo, velut qui non est, peris confessio*; ergo antequam Sacerdos dicat *absolvo te*, pœnitens est liber à peccatis, ergo non remittit peccata.

Resp. neg. ant. & dist. prob. N si suscitatus imperfectè per gratias excitantes, & juvantes, con. perfectè, & per gratiam sanctificantem, neg. ant. nec enim id prætendit Augustinus, nec alii Patres. Scotus etiam distinguit de confessione laudis, quam non facit, nisi suscitatus, & justus: negat hoc de *confessione fraudis*, seu peccati: illa non prodest mortuis, seu peccatoribus, benè verò ista per sacramentum.

Inst. 2. Saltem quando homo accedit perfectè contritus, absolutio habet illum sensum declarativum.

Resp. neg. subsumptum: nam etiam tunc absolutio

[1] Is. 43. [2] in Jo. 6. 11.

tio aliquid aliud operatur, sc. augmentum gratiæ, quæ ex se est remissiva peccati, si adsit, & pœnæ temporalis, si quæ restat solvenda.

Inst. 3. S. Hieron. arguit Sacerdotes, qui putant se absolvere peccatores, & remittere peccata; ergo non putat sensum absolutionis esse de remissione peccatorum. Prob. ant. nam in illa verba Christi ad Petrum, *Tibi dabo claves* &c. ait: [1] *Hunc locum non intelligentes quidam, aliud sumunt de superbia Phariseorum, ut damnare innoxios, vel solvere putent noxios, cum apud Dominum non sententia Sacerdotum, sed reorum vita quærat. Et quid operetur explicans addit: Quomodo ibi Sacerdos leprosum mundum, vel immundum facit; sic hic alligat, vel solvit Episcopus. & presbyter, non eos, qui fontes sunt, vel noxii, sed pro officio suo, cum peccatorum audierit varietates, scit, qui ligandi sint, atque solvendi; ergo sicut Sacerdotes Mosaici non mundabant leprosos, nec tollebant lepram; ita nec nostri remittunt peccata, sed declarant esse remissa.*

Resp. Me jam adhuc monuisse, quod locus Hieronymi ad litteram nimis probaret, sc. hoc officium Sacerdotis nostri in hoc Sacramento esse nudum ministerium nuntiandi, & declarandi peccata esse remissa; quem loquendi modum anathematizat Concil. Trid. [2] nam Sacerdos Mosaicus aliud non præstabat. Et Ecclesia damnat has Baji propositiones. [3] *Peccator pœnitens non vivificatur ministerio Sacerdotis absolutionis* (hoc facit contra textum Hieronymi, & Augustini.) Item. [4] *In omnibus pœnitentibus ante sacramentum absolutionis... datur vera justificatio, separata tamen a remissione peccatorum.* Et An. 1638. Academia Parisiensis similem, qua dicebatur, *absolutionem sacramentalem nihil aliud operari, quam declarationem juridicam remissionis peccatorum per contritionem obtemperantem.*

Resp. 2. neg. 1. & 2. conf. Nec enim est mens S. Doctoris, sed vult monere Episcopos, & Sacerdotes, ne temerè absolvant indignos, nec ligent infontes. Sed pro officio suo, cum audierint peccatorum varietates, sciant qui ligandi sint, aut solvendi. Nam alibi posi-

tivè

[1] In c. 16. Matth. [2] sess. 14 c. 6 & can. 9.
[3] prop. 58. [4] prop. 43. [5] T. 3. q. 9.

tivè docet, [1] quod Apostoli prima die Resurrectionis acceperunt Spiritus S. gratiam, qua peccata dimiserent, & baptizarent, & Filios Dei facerent, & Spiritum adoptionis credentibus largirentur, ipso Salvatore dicente: Quorum remisistis, &c.

Resp. 3. cum Scoto, [2] eam comparationem duplicem habere sensum. 1. *Affirmativum*, sc. quod sacerdos Evangelicus idem præstet peccatoribus, quod Mosaicus leprosis, ostendens peccatorem mundatum, sicut iste leprosum. 2. *Negativum*, quasi Evangelicus nihil ampliùs faciat per absolutionem suam erga pœnitentes, quàm Mosaicus erga leprosos, sc. meram declarationem mundationis, & in hoc comparatio claudicat: nam inquit Doctor. *Non dedit Deus in veteri lege aliquam caeremoniam, vel purificationem, cui ministrans ministro assistat regulariter ad mundandum lepram corporalem. Dedit autem in lege nova aliquod sacramentum, cui ex pacto regulariter assistat ad mundandum spiritualiter, nisi impediat obex contrariæ voluntatis*, sc. affectio peccati in suscipiente.

Objic. 3. Sacerdos cum absolvit, verè administrat sacramentum absolutionis, & absolutio est verè administratio sacramenti; ergo absolutio nihil aliud significat, quàm *sacramentum absolutionis tibi trado*.

Resp. neg. conf. Nam hoc faceret sensum ridiculum verborum illorum, quasi si diceres, *ego te Baptizo*, significat, *sacramentum baptismi tibi trado*, &c. sic de aliis formis sacramentorum, quasi non essent nisi puræ caeremoniæ externæ, & vacuæ effectu interno, quia nullum talem effectum hæc verba significant. Deinde, *ego tibi trado*, &c. non plus significant, nec clariùs, quam *ego te absolvo*, ut patet.

Objic. 4. Absolutio significat solutionem ab aliquo vinculo, seu obligatione, quæ est in consistente; sed iste non habet aliud vinculum, vel obligationem, nisi ad pœnam æternam, aut temporalem; ergo absolutio significat solam liberationem ab illa pœna.

Resp. neg. min. Habet enim vinculum culpæ æquæ, ac pœnæ, & ab ista non solvitur sine illa, quia peccatum est offensâ Dei, ad quam sequitur reatus pœnæ, qui deletur per infusionem gratiæ. Non nego quin solvatur à pœna æterna, aut temporali, vel ab

utra-

Resp. neg. ant. & dist. subf. Non remitteret per 1. gratiam, & formaliter, conc. per 2. gratiam, & æquivalenter, neg. subf. nam causaret augmentum gratiæ, quæ de se esset remissiva peccati, si adesset; alioqui habens perfectissimam contritionem, & per se remissivam omnium peccatorum, non deberet recipere absolutionem, quia hæc nihil remitteret.

Quæres, *an qui talia peccata confitetur, teneatur etiam de illis toties dolere.*

Resp. affirmativè, quia talis iteratio doloris est necessaria materia sacramenti.

Quæres 2. *an talis absolutio sit etiam fructuosa.*

Resp. affirmativè; quia sicut talis iteratio confessionis, & contritionis est opus bonum, & materia idonea sacramenti, ita & istud debet aliquid operari, sc. augmentum gratiæ, alioqui iteratio esset illicita, quia frustraret sacramentum.

Confir. ex cit. Constit. Benedicti XI. qua declarat iterationem esse salutarem.

Quæres 3. *an tales confessiones, & absolutiones dimittant aliquid de pœna temporali peccatis debita.*

Resp. probabiliter, quod sic, quia sunt opera bona; ergo debent aliquid operari.

Confir. Illa absolutio operatur augmentum gratiæ; ergo & diminutionem pœnæ.

Dices, hoc esse contra Scotum eit. [1] dicentem. *Videtur probabilius, quod 2. absolutio virtute clavium nullam partem pœnæ remittit.*

Resp. cum Hiquæo, & Mastroio, [2] neg. ant. Nam Scotus ibi sic loquitur ex suppositione, quod pœnitens condignè, & completè satisfecerit toti pœnæ temporali, & tunc verè dicit, quod *cum fructu isto* (remissionis pœnæ, quam habet jam ex priori sacramento) *hoc sacramentum non est iterabile.* Sed non negat, quin remittatur, si reperiat aliquid remittendum post primam absolutionem.

QUÆ-

[1] d. 19 G. 31, [2] *ibid.* disp. 5.

QUÆSTIO IV.

De forma huius sacramenti.

Suppono istud sacramentum, sicut & cætera constare certis rebus, tamquam materia, de qua mox egimus, & verbis tamquam forma, de qua nunc agimus.

Suppono 2. ex iisdem principiis, maximè ex Concil. Florent. [1] quod forma sunt *Verba absolutio- nis, quæ Sacerdos profert, cum dicit: Absolvo te, &c.* Tridentina Synodus [2] docet, *Sacramenti peniten- tiæ formam, in qua præcipuè ipsius vis sita est, in illis verbis ministri positam esse, Ego te absolvo, &c.*

Suppono 3. quod in hoc non determinantur verba præcisa, sicut in aliis, inquit Doctor, [3] *Non est nec esse ita præcisa verba in hoc sacramento, sicut in Baptismo, vel Eucharistia; quia sufficit, quod exprimaturs actus sententiæ absolventis, &c.* tamen communiter proferuntur ad minus hæc verba, *Ego te absolvo à pec- catis tuis in nomine Patris, &c.* Sed quæstio est de forma, & verbis absolutè necessariis.

CONCLUSIO.

Ad formam validam huius sacramenti necessariò requiruntur hæc verba à Sacerdote prolata: *Absolvo te; & sufficiunt.* Est communis.

Prob. 1. ex Scoto dicente, [3] quod communiter verba ista sunt apta, *Ego te absolvo, quæcumque alia præmittantur, vel loquantur secundum diversam consuetudinem in diversis Ecclesiis.*

Prob. 2. ex Conciliis cit. nam in illis duobus verbis habetur verus, & sufficiens sensus verborum, quæ determinant, licet deesse videatur vox, *Ego*: nam hæc satis exprimitur per verbum *absolvo* in 1. persona temporis præsentis, & indicativi modi. Idem patet ex Catechismo Romano. Est autem forma, *Ego te absolvo, &c.*

Prob. 3. Nam, inquit Doctor, hoc Sacramentum

I 4

insti-

[1] Decr. Eugen. [2] sess. 4. c. 3.

[3] d. 14. q. 4. B. 4. [4] ibid.

institutum est, & confertur per modum **judicii** humani; sed in judiciis istis requiritur, & **sufficit**, ut **exprimatur actus** judicis, licet non exprimat nec **auctoritatem in qua** agit, nec debitum, à quo absolvit, **vel propter quod** condemnat reum; sed illa requisita, **exprimuntur in** isto per hæc duo verba, **absolve te**; ergo **sufficiunt in** isto, quamvis non dicat **ego**; nec **de peccatis**, nec faciat mentionem de auctoritate Divina **sibi commissa per** hanc particulam, **in nomine Patris**; &c.

Prob. 4. Illa verba requiruntur, & sufficiunt ad essentiam formæ hujus sacramenti, quæ significant principalem ejus effectum; sed id præstant hæc duo, **absolve te**; ergo &c. Maj. patet ex dictis: nam ad essentiam sacramenti sufficit, quod efficiat, quod significat, & significet, quod efficit. Prob. min. hoc sacramentum debet significare, quod Sacerdos remittit peccata confidenti cum debita dispositione; sed hoc significant verba illa prolata super talem hominem; ergo &c.

Objic. 1. In omni judicio exprimitur auctoritas, ex qua judex pronuntiat; sed Sacerdos in isto procedit ex auctoritate Dei, & hoc per sola duo illa verba non exprimitur; ergo &c.

Resp. neg. maj. Nam licet id **sæpe** in judiciis humanis exprimatur, non tamen semper, nec id necesse est, & maxime in isto, in quo Christus id non præcipit, sicut in baptismo; sed tantum ut remittant peccata, aut retineant.

Inst. Nisi exprimatur nomen Dei, aut personarum Trinitatis, sensus verborum falsus est; ergo illa non faciunt sacramentum. Prob. ant. Illa verba significant Sacerdotem propria, non divina auctoritate **absolvere**; sed hic sensus falsus est; ergo &c.

Resp. neg. utrumque ant. nam significant, quod Sacerdos absolvit auctoritate, quam habet; sed non habet, nisi delegatam à Deo, & ministerialem; ergo aliud non significat per illa verba.

Inst. 2. Si hæc particula, **In nomine Patris**, &c. non esset necessaria, non præciperetur ab Ecclesia; sed conf. est falsum, ut constat ex Ritualibus; ergo &c.

Resp. neg. maj. nam multa solent apponi in formis sacramentorum ad majorem claritatem, & instructionem fidelium, quamvis non fiat de essentia eorum, ut dixi.

diximus de baptismo, & aliis, & peccant quidem, qui sine urgenti ratione omittunt, sed tamen valide faciunt.

Objic. 2. De ratione sacramenti est, ut significet sensibilibiter id, quod operatur insensibilibiter; sed hoc non præstant hæc duo sola verba; ergo nec faciunt. Prob. min. Invisibilibiter operatur remissionem peccatorum; sed id non significant illa duo verba sola; ergo &c. Prob. nihil significant de peccatis, & possunt intelligi de poenis æque, ac de peccatis.

Resp. neg. 1. & 2. min. & antec. Nam verba determinantur ad significandam remissionem materiæ sibi appositæ per confessionem, quæ sunt peccata: sicut si debitor fateatur creditori debitum, sufficiet, ut iste dicat, *absolvo te, vel remitto tibi*, ut intelligatur illi remittere debita confessa animo obtinendi remissionem.

Inst. Alia sacramenta explicitè exprimunt totum effectum; ergo & istud; sed id non facit per sola illa verba; ergo non sufficiunt.

Resp. neg. ant. & subs. nam sufficit, quod id expriment implicitè, ita ut effectus eorum satis intelligatur ex circumstantiis, & ex materia apposita. Sic in baptismo non exprimuntur originale, nec actualia.

Objic. 3. Ad valorem sacramenti debet adhiberi forma per Ecclesiam præscripta, quando non habetur determinata in Euangelio, ut forma baptismi; sed Ecclesia determinavit hæc verba, *absolvo te a peccatis tuis, in nomine*, &c. ergo &c. Prob. min. ex Conciliis Tridentino, Florentino, & Moguntino, in quibus hæc præscribuntur.

Resp. dist. maj. Si sit determinata, ut absolutè necessaria, conc. si ut necessaria secundum quid, & ad melius esse, neg. maj. & conf. nam inde sequitur non posse fieri aliter licet, licet validè, maxime si urgeat ratio sic faciendi.

Inst. Saltem debet exprimi persona ministri; ergo non debet omitti vox *ego*, quæ illam exprimit. Prob. ant. ex Scoto dicente hæc verba sufficere, *ego te absolvo*; ergo &c.

Resp. dist. ant. exprimi explicitè, vel implicitè, conc. explicitè, saltem necessario, neg. antec. Hoc autem fit per verbum *absolvo*, ut diximus, nec aliud intendit Scotus.

Inst. 2. Non minus necessaria est vox ego ex parte ministri, quàm *te* ex parte subjecti; sed hæc necessaria est absolutè; ergo & illa.

Resp. neg. maj. nam vox *absolvo* non potest distrahi, nec intelligi de alia persona, quam de ministro proficiente; sed nisi apponat particulam demonstrativam *te*, dubitari potest, an dicat de uno, vel de pluribus, an de Petro, vel de Paulo, si ambo sint præsentés: imò & de rigore extendi posset ad absentes.

Loquor autem de forma absolutè necessaria ad valorem sacramenti, seu ex necessitate rei, non autem de necessitate præcepti, sine qua non potest licitè fieri. De ista non dubitatur, quin debeat Sacerdos dicere super confitentem ad minus, *Ego te absolvo à peccatis tuis*. Conclusio ergo procedit de necessitate absoluta sacramenti.

Constat ergo, quod valeret, si omitteretur vox ego, non autem si omitteretur *te*, item valeret, si omitteretur particula, *à peccatis tuis*, vel in nomine Patris, &c.

Constat etiam ex Scoto nequidem necessaria esse formalia verba, *absolvo te*, vel *ego te absolvo*, sed sufficere æquivalentia, ut si dicat, *dimitto tibi*, vel *remitto tibi peccata tua*. Nam Christus instituens hoc sacramentum, non determinat ulla verba præcisa, sed dixit, *Quorum remisistis peccata*, &c. Et præfigurans, quæ facturus erat per hanc institutionem, utebatur his verbis erga peccatores, *Remittuntur tibi peccata tua*. Sufficiunt ergo verba, quæ significant hanc remissionem.

Quæres, an necessaria sit manus impositio super pœnitentem, dum absolvitur.

Resp. quod licet soleret Ecclesia imponere manus super publicè pœnitentes, quando publicè reconciliabantur Ecclesiæ, & soleant confessarii extendere manum super privatos pœnitentes, tamen hæc cæremonia non est de necessitate sacramenti. Ratio est, quia nulli hoc præcipitur in Scriptura, vel Conciliis ut necessarium in hujus sacramenti administratione. Imo constat ex Concilio Arausicano I. & Carthagin. IV. quod moribundi, etiam separati, & addicti publicæ pœnitentiæ, privatim absolvebantur sine hac cæremonia, sed si huic absolutioni supervivebant sanitatem recuperantes, tenebantur se se Ecclesiæ præsentare, ut
legi-

Legitimam communionem reciperent cum reconciliatoria manus impositione ; ergo in sacramentali absolutione hæc cæremonia non erat necessaria.

QUÆSTIO V.

Quis sit verus sensus verborum formæ, Ego te absolvo à peccatis tuis.

QUamvis satis convenient Theologi nostri de verbis istis, *Ego te absolvo à peccatis tuis*, plurimi tamen dissentiant de sensu eorum. Quidam putant idem significare, ac si diceret, *ego te declaro*, seu *judico absolutum*, ut Magister in hoc comparans Sacerdotes nostros cum Mosaicis, qui non mundabant leprosos, sed declarabant mundatos. Alii volunt idem esse; ac si diceret, *sacramentum penitentiale*, vel *absolutionis tibi trado*. Alii, quasi diceret, *ego te libero à pœna æterna*. Alii, *ego te libero à pœna temporali*, si videlicet pœnitens accedat perfectè contritus, vel sine peccato mortali, & sic liber à pœna æterna. Alii, *ego te libero ab obligatione iterum consistendi*. Alii, *ego te libero ab exilio cœlestis patriæ*. Alii denique, *tibi remitto peccata tua*, ministerialiter tamen. Vides quot somnia circa voces adeoclaras?

CONCLUSIO.

Iste ultimus est verus sensus horum verborum: *Tibi remitto peccata tua*. Est communis.

Prob. 1. ex Scoto [1] dicente, *Absolutionem fieri certis verbis significantibus ablutionem animæ à peccato*. Et infra referens opinionem Magistri dicentis, quod in solvendis, vel retinendis culpis ita operatur Evangelicus Sacerdos, & judicat, sicut olim legalis in illis, qui erant contaminati lepra, addit, [2] *sed istud videtur nimis derogare sacramento penitentiae: nam secundum hoc per sacramentum penitentiae nunquam deleretur peccatum; ergo censet, quod per absolutionem sacramentalem verè dimittitur peccatum*.

Prob. 2. Verba absolutionis verè, & propriè significant id, quod operantur; sed verè operantur instru-

I 6

men-

[1] *ibid.* A. 2. [2] *ibid.* D. 5.

mentaliter remissionem peccati; ergo id verè, & propriè significant. Min. patebit ex dicendis de effectu ejus. Major verò patet ex dictis de sacramentis in genere.

Confir. contra alios sensus, qui tribuuntur illis verbis: nam nullus eorum explicat verè effectum istum, ut patet discurrenti per singulos. Nam 1. qui est *declarare peccata esse remissa à Deo, vel hominem esse absolutum à Deo*, non est remittere, vel absolvere. Concilium Trid. [1] dicit anathema iis, qui non tribuunt *alium effectum huic sacramento, nisi talem declarationem*. Et Christus non dixit Apostolis, *quorum declaraveritis, sed remiseritis*; denique sacramenta non causarent, quod significant.

2. Explicat hæc verba, *absolvo te, per sacramentum absolutionis tibi trado*, est illud explicare per obscurius, & remotius: nam agitur de sensu, & effectu ipsius sacramenti, quod consistit principaliter in illis verbis. Sanè cùm quæritur de sensu verborum, *absolvo te*, pueriliter respondetur, nihil aliud esse, quàm *sacramentum absolutionis tibi trado*.

3. & 4. Hæc verba debent significare id, quod Christus, & Sacerdos intendunt facere per illa; sed non intendunt remittere solam pœnam æternam, vel temporalem; ergo malè sic explicantur hæc verba. Prob. min. Christus, & Sacerdos de mente Christi intendit remittere peccata; sed hæc non sunt pœna æterna, nec temporalis; ergo &c.

Confir. ex Concil. Trid. [2] Per sacramentum non solum pœna, sed & culpa remittitur, nec pœna remitti potest sine culpæ remissione; & denique quando sacramentum sumitur in statu gratiæ, falsus esset sensus quoad pœnam æternam: nam hæc non remitteretur; ergo &c.

Confirm. de utraq; pœna: nam in proprio sensu remittere pœnam non est remittere peccata; hæc enim sunt separabilia, potest remitti reatus culpæ, & non pœnæ, saltem temporalis, & multis aliis mediis potest peccator liberari ab *hac pœna*, cujus debitum remanet post absolutionem; ver. gr. per contritionem intensam, per indulgentias, & alia bona opera, &c.

5. Idem & de illo sensu, *libero te ab exilio Paradisi*, coincidit enim cum illo, *libero te à pœna æterna*, seu damnationis. Et iste sensus est valde metaphoricus, & falsus esset, quoties recipitur Sacramentum in statu gratiæ, & sine mortalibus.

6. Idem est à fortiori de isto, *libero te ab obligatione iterum confitendi hæc peccata*. 1. illa obligatio non est peccatum. 2. hoc non est remittere peccata in bono ullo sensu; ergo hæc explicatio vana est, ac omninò impertinens.

Objic. 1. Sacerdos non potest velle significare per absolutionem, nisi quod potest efficere; sed non potest aliud facere, quàm declarare peccati remissionem, quæ soli Deo reservatur; ergo nec aliud significare, quàm talem declarationem. Prob. min. ex Script. dicente Deo, [1] *Iniquitates vestras ego deleo*. Et, *Quis potest peccata dimittere, nisi solus Deus?* ajunt Pharisei.

Resp. neg. min. & dist. ant. Solus Deus remittere potest propria autoritate, & principaliter, con. ex commissione Dei, & ministerialiter, neg. ant. nam Deus per Christum hanc potestatem commisit Apostolis, & eorum successoribus in Ecclesia. Idem argumentum, & responsio facit pro aliis Sacramentis.

Inst. ipsa confessio peccatoris supponit eum jam esse suscitatum per gratiam. Nam inquit August. [2] *Nemo potest confiteri, nisi suscitatus: Lazarus enim prius suscitatus est, quàm de monumento eductus*. Item, *A mortuo, velut qui non est, perit confessio*; ergo antequam Sacerdos dicat *absolvo te*, pœnitens est liber à peccatis, ergo non remittit peccata.

Resp. neg. ant. & dist. prob. N si suscitatus imperfectè per gratias excitantes, & juvantes, con. perfectè, & per gratiam sanctificantem, neg. ant. nec enim id prætendit Augustinus, nec alii Patres. Scotus etiam distinguit de confessione laudis, quam non facit, nisi suscitatus, & justus: negat hoc de *confessione fraudis*, seu peccati: illa non prodest mortuis, seu peccatoribus, benè verò ista per sacramentum.

Inst. 2. Saltem quando homo accedit perfectè contritus, absolutio habet illum sensum declarativum.

Resp. neg. subsumptum: nam etiam tunc absolutio

[1] *Is. 43.* [2] *in Jo. 6. 11.*

tio aliquid aliud operatur, sc. augmentum gratiæ, quæ ex se est remissiva peccati, si adsit, & pœnæ temporalis, si quæ restat solvenda.

Inst. 3. S. Hieron. arguit Sacerdotes, qui putant se absolvere peccatores, & remittere peccata; ergo non putat sensum absolutionis esse de remissione peccatorum. Prob. ant. nam in illa verba Christi ad Petrum, *Tibi dabo claves &c.* ait: [1] *Hunc locum non intelligentes quidam, aliud sumunt de superbia Pharisæorum, ut damnare innoxios, vel solvere putent noxios, cum apud Dominum non sententia Sacerdotum, sed reorum vita quærat. Et quid operetur explicans addit: Quomodo ibi Sacerdos leprosum mundum, vel immundum facit; sic hic alligat, vel solvit Episcopus. & presbyter, non eos, qui fontes sunt, vel noxii, sed pro officio suo, cum peccatorum audierit varietates, scit, qui ligandi sint, atque solvendi; ergo sicut Sacerdotes Mosaici non mundabant leprosos, nec tollebant lepram; ita nec nostri remittunt peccata, sed declarant esse remissa.*

Resp. Me jam adhuc monuisse, quod locus Hieronymi ad litteram nimis probaret, sc. hoc officium Sacerdotis nostri in hoc Sacramento esse nudum ministerium nuntiandi, & declarandi peccata esse remissa; quem loquendi modum anathematizat Concil. Trid. [2] nam Sacerdos Mosaicus aliud non præstabat. Et Ecclesia damnat has Baji propositiones. [3] *Peccator pœnitens non vivificatur ministerio Sacerdotis absolutionis (hoc facit contra textum Hieronymi, & Augustini.) Item. [4] In omnibus pœnitentibus ante sacramentum absolutionis.... datur vera justificatio, separata tamen à remissione peccatorum.* Et An. 1638. Academia Parisiensis similem, qua dicebatur, *absolutionem sacramentalem nihil aliud operari, quam declarationem juridicam remissionis peccatorum per contritionem obtentæ.*

Resp. 2. neg. 1. & 2. conf. Nec enim est mens S. Doctoris, sed vult monere Episcopos, & Sacerdotes, ne temere absolvant indignos, nec ligent infontes. Sed pro officio suo, cum audierint peccatorum varietates, sciant qui ligandi sint, aut solvendi. Nam alibi posi-

tivè

[1] In c. 16. *Matth.* [2] *sess. 14 c. 6 & can. 9.*
[3] *prop. 58.* [4] *prop. 43.* [5] *T. 3. q. 9.*

tivè docet, [1] quod Apostoli prima die Resurrectionis acceperunt Spiritus S. gratiam, qua peccata dimitterent, & baptizarent, & Filios Dei facerent, & Spiritum adoptionis credentibus largirentur, ipso Salvatore dicente: Quorum remiseritis, &c.

Resp. 3. cum Scoto, [2] eam comparationem duplicem habere sensum. 1. *Affirmativum*, sc. quod sacerdos-Euangelicus idem præstet peccatoribus, quod Mosaicus leprosis, ostendens peccatorem mundatum, sicut iste leprosum. 2. *Negativum*, quasi Euangelicus nihil amplius faciat per absolutionem suam erga pœnitentes, quàm Mosaicus erga leprosos, sc. meram declarationem mundationis, & in hoc comparatio claudicat: nam inquit Doctor. *Non dedit Deus in veteri lege aliquam cærimoniam, vel purificationem, cui ministrans ministro assistat regulariter ad mundandum lepram corporalem. Dedit autem in lege nova aliquod sacramentum, cui ex pacto regulariter assistat ad mundandum spiritualiter, nisi impediat obex contrariæ voluntatis*, sc. affectio peccati in suscipiente.

Objic. 3. Sacerdos cum absolvit, verè administrat sacramentum absolutionis, & absolutio est verè administratio sacramenti; ergo absolutio nihil aliud significat, quàm *sacramentum absolutionis tibi trado*.

Resp. neg. conf. Nam hoc faceret sensum ridiculum verborum illorum, quasi si diceres, *ego te Baptizo*, significat, *sacramentum baptismi tibi trado*, &c. sic de aliis formis sacramentorum, quasi non essent nisi puræ cærimonie externæ, & vacuæ effectu interno, quia nullum talem effectum hæc verba significant. Deinde, *ego tibi trado*, &c. non plus significant, nec clariùs, quam *ego te absolvo*, ut patet.

Objic. 4. Absolutio significat solutionem ab aliquo vinculo, seu obligatione, quæ est in confitente; sed iste non habet aliud vinculum, vel obligationem, nisi ad pœnam æternam, aut temporalem; ergo absolutio significat solam liberationem ab illa pœna.

Resp. neg. min. Habet enim vinculum culpæ æquæ, ac pœnæ, & ab ista non solvitur sine illa, quia peccatum est offensa Dei, ad quam sequitur reatus pœnæ, qui deletur per infusionem gratiæ. Non nego quin solvatur à pœna æterna, aut temporali, vel ab

utra-

[1] To. 3. 9. 9. [2] Ibid. L. 11.

utraque, sed nego, quod in hac sola consistat primarius effectus, & significatio horum verborum.

Obijc. 5. Primarius sensus horum verborum est ille, quem semper habent, & significant; sed non semper significant remissionem peccati, nec semper illam operantur, bene verò solutionem alicujus pœnæ; ergo hanc primario significant, non illam. Prob. min. Aliquando pœnitens accedit perfectè contritus, & justificatus; sed tunc absolutio non efficit remissionem peccati, sed solius pœnæ; ergo &c.

Resp. neg. utramque min. Nam semper significant collationem gratiæ 1. aut 2. quæ de se est remissiva peccati, si adsit, licet de facto non semper adsit illa materia, sc. peccatum remittendum.

Resp. 2. neg. eandem min. Nam sicut potest quis iterum, & sæpius obligare se ad idem, v. gr. ad idem votum, ita & sæpius solvi ab eadem obligatione, seu ab eodem peccato, accedente iterata ejus confessione, ut diximus supra de peccatis jam confessis, & reniissis. Item potest quis sæpius remittere eandem offensam, renuntiando iterum, atque iterum juri puniendi eam, sc. quories venia petitur.

Q U Æ S T I O VI.

An absolutio danda sit verbis deprecativis, ut valeat.

Purant aliqui apud Græcos absolutionem dici deprecatoriè, imo & veteres quidam Theologi Latini dixerant eam aliter datam non valere; alii dandam esse partim optativè, seu deprecativè, & partim indicativè, aut imperativè; & contendunt, quod in Ecclesia Latina ante sæculum XII. dabatur verbis deprecativis. Ita Duhamel, & Juenin: quidam verò eam dandam esse verbis indicativis, sed validam fore, si detur deprecativè, v. g. si dicas, *absolvit te Christus, vel absolvas te.*

CONCLUSIO I.

Absolutio sacramentalis danda est verbis indicativis, aut imperativis, ut valeat. Est hodie communis.

Prob. 1. ex Scoto. [1] Sufficit, quod exprimatur *actus sententiae absolutivæ*... communiter verba ista sunt apta, *Ego te absolvo*, &c. Congruum fuit hoc Sacramentum in verbis significativis *absolutionem*... Penitentia est absolutio, id. sententia absolutiva, definitiva absolventis reum. Et in reportatis, *Ista absolutio peccatorum non fit ab omni Sacerdote, sed à Sacerdote jurisdictionem habente*: Sed iudicis sententia non datur per verba deprecativa, sed per indicativa, vel imperativa, & ad precandum non requiritur jurisdictio, sed id licet non solum omni sacerdoti, sed etiam laico, & cuilibet fidei, ergo ex Scoto absolutio non valet, nisi in indicativo, aut imperativo.

Prob. 2. ex Concil. cit. Nam inquit Florent. *Forma hujus sacramenti sunt verba absolutionis, quæ sacerdos proferat, cum dicit, ego te absolvo*, &c. Et Trident. docet [2] *S. Synodus sacramenti penitentiae formam... in illis verbis positam esse, ego te absolvo*: sed hæc dicuntur indicativè; ergo &c.

Confir. si verba deprecatoria valerent, fieret hoc sacramentum, dum Sacerdos proferat de more, *Miserere tui*, &c. vel, *indulgentiam*, &c. vel, *Domine noster J. C. te absolvat*; sed hoc est contra sensum totius Ecclesiæ; ergo &c.

Prob. 3. ut valeat absolutio sacramentalis, danda est eo modo, quo significet practicè id, quod Christus intendit in ejus institutione; sed id non benè significatur verbis deprecatoriis; ergo in illis verbis non valet. Prob. min. Christus intendit, ut per formam iudicii definitivi operetur remissionem peccati sacramentaliter; sed hoc non significaret, nec efficere per modum iudicii, si verba proferrentur deprecatoriè; ergo &c. Probat. min. Quia iudex non solet proferre sententias suas per modum supplicantis; sic loqueretur non ut iudex, sed ad summum ut mediator; absolutio non esset sententia definitiva, sed oratio, &
in-

[1] Ibid. [2] Sess. 14. c. 3.

intercessio; sed Christus non commisit Apostolis onus, vel officium orandi, vel petendi, vel intercedendi pro remissione peccatorum, sed potestatem illa remittendi, *Quorum remiseritis, &c. ergo &c.*

Objic. 1. Sacerdos Euangelicus ibi *se gerit* erga peccata, ut Aaronicus Sacerdos erga Israelitas reconciliandos Deo; sed isti reconciliabant deprecatoriè; ergo & nostri. Prob. min. Nam Aaronicis dicitur. *Sic benedicetis filiis Israel, & dicetis: Benedicat tibi Dominus, & custodiat te ... invocabuntque nomen meum super filios Israel; & ego benedicam eis;* ergo ita & nostri debent dicere, *absolvat te Deus, & non ego te absolvo.*

Resp. neg. maj. Neque enim valet comparatio potestatis datæ sacerdotibus nostris, & Aaronicis, sicut nec comparatio Sacramentorum nostrorum cum antiquis; ista vocat Paulus *vacua*, & *egena elementa*; nostra verò sunt plena, & efficacissima, & *operantur*, quod significant. *Quorum remiseritis peccata, remittuntur eis.*

Inst. Non aliter per hæc verba dedit Christus Apostolis potestatem remittendi peccata, quàm pellendi morbos, vel dæmonia ejiciendi, & serpentes tollendi: tam enim *posse* dixit, [1] *In nomine meo Dæmonia ejicient, &c.* Item; [2] *curate infirmos*; sed hæc non faciebant Apostoli indicativè, nec imperativè, sed deprecativè: ut cùm Petrus curavit paralyticum. *Ænea, sanet te Deus;* ergo &c.

Resp. 1. neg. maj. Nam quæ pendent ab arbitrio Dei, non debent limitari, vel extendi ultra, vel citra intentionem ejus, de qua constat ex Scriptura, & sensu Ecclesiæ. Unde licet Apostoli non uterentur, nisi verbis deprecatoriis, cùm pellerent Dæmones, aut morbos, non sequitur idem esse de potestate clavium.

Resp. 2. neg. min. Nam sæpe usi sunt verbis indicativis, & imperativis, ut cùm dixit alteri paralytico: [3] *Quod habeo tibi do ... Surge, & ambula.* Item ad Æneam non dicit: *Sanet, sed, Sanat te Deus, surge, & sterne tibi.* Et resuscitans Tabitham dixit: *Tabitha surge;* ergo ex verbis, quibus utebantur in curandis infirmis, nihil infertur pro forma absolutionis, & efficacia Sacramentorum nostrorum.

Objic.

[1] Luc. 10. [2] Act. 9. [3] Act. 9. 33. & 40.

Objic. 2. Non est minor efficacia Sacramenti pœnitentiæ, quàm extremæ unctionis; sed istud confertur deprecatoriè; ergo & illud. Maj. patet, quia vis omnium sacramentorum est æqualis. Prob. min. Nam in extrema unctione Sacerdos dicit, *Per istam S. unctionem parcat tibi Deus*; ergo &c.

Resp. dist. maj. Non minor in propria sua forma, con. in forma aliena, neg. maj. nam efficacia singulorum pendet à forma, & materia, in quibus instituta sunt: sicut ex Christi arbitrio pendeat eorum institutio. Sic extrema unctio in sua institutione confertur verbis deprecatoriis. [1] *Inducat presbyteros, ut orent super eum*. Non ita est de pœnitentia, ut patet ex Evangelio.

Objic. 3. ex Patribus. Nam Dionysius [2] absolutionem vocat *deprecationem*. S. Pacianus, [3] *Qui fratribus suis peccata sua non tacet Christi precibus absolvitur*. S. Ambros. [4] *Ecce quia per Spiritum S. peccata donantur, homines autem in remissionem peccatorum ministerium exhibent suum, non jus alicujus potestatis exercent*, &c. 4. August. [5] reputat quasi hæreticum, qui dicere audet, *Ego peccata dimitto, ego justifico, ego sanctifico*, &c. Sanè id dixisset contra nostros pastores, si audisset eos dicentes, *Ego te absolvo*. S. Chrysost. [6] *Sacerdotes conferunt salutem non solum docendo, aut monendo.... sed etiam potestatem habent indulgendi peccata*, sc. orationibus adjuvando. 6. S. Leo, [7] *necessarium est, ut peccatorum reatus Sacerdotali supplicatione solvatur*; ergo forma est deprecatoria.

Resp. neg. conf. Nec enim id volunt Patres, quasi absolutio sacramentalis sit deprecatio, oratio, vel supplicatio; sed quia inter orationes, & supplicationes solet conferri, ut patet ex praxi, licet non sint de essentia sacramenti. *De Ecclesia sanctæ more preces quædam laudabiliter adiunguntur, ad ipsius tamen formæ essentiam non spectant*, &c. inquit Tridentinum cit. [8] 1. sic intelligendus est Dionysius. 2. Paciani verba duriora sunt, si velit Christum ipsum deprecativè absolvisse peccatores. 3. Ambrosius rectè dicit

[1] Jac. 5. [2] Hier. c. 7. [3] Par. Pan.

[4] L. 3. de sp. s. 19. [5] ho. 23. ex 50. [6] L. de sacre.

[7] Ep. 51. [8] sess. 14. c. 3.

dicat Sacerdotes, non suo, sed Trinitatis nomine remittere peccata. Non negat autem, quodd id faciant potestate commissaria, & ministeriali, sed non oratoria. 4. August. meritò arguit ut hæreticos, qui hanc potestatem sibi arrogant ut propriam, ut Montanistæ, & Donatistæ, sed id non præsumunt Sacerdotes Catholici, nisi ministerialiter. 5. Chrysost. nobis faver, tribuens Presbyteris *potestatem indulgendi peccata*, sc. ministerialem, hoc non esset verum, si hoc non facerent, nisi per orationem. 6. Denique S. Leo largè sumit nomen supplicationis; loquitur in sensu Dionysii, quod sc. hoc Sacramentum, & absolutio confertur inter supplicationes.

Inst. ex S. Cypriano. [1] *Solus Dominus veniam peccatis potest largiri, qui pro nobis doluit. Homo non potest esse major Deo, nec remittere sua indulgentia potest servus, quod in Dominum commissum est; ergo Sacerdos non remittit, nisi precatoriè.*

Resp. neg. conf. Nam patet ex verbis Cypriani ipsum arguere illos, qui absque legitima potestate contra Evangelii vigorem, contra Domini Dei Legem hoc præsumunt; & eos, qui imparatos, & impenitentes absolvunt, eos reconciliando, qui à Diaboli aris revertentes, ad sanctum Domini sordidis manibus accedunt, mortiferos idolorum cibos adhuc penè ructantes. Denique docet hoc non facere Sacerdotes propria auctoritate, qua solus Deus potest largiri veniam, qui pro nobis doluit. Non loquitur de potestate ministeriali, qua id facimus.

Objic. 4. Si forma deprecatoria non valeret, errasset Ecclesia Orientalis, & adhuc erraret; sed. conf. est falsum, & absurdum; ergo &c. Prob. maj. Ex illius Ecclesiæ ritualibus constat, quod confert absolutionem deprecativè; ergo conferret invalidè.

Resp. neg. maj. & ant. Nam, ut probat P. Frassen, [2] Græci adhibent quidem preces, sed post orationes absolvent indicativè, aut imperativè his verbis, aut similibus: *Ego verò indignus servus ejus absolvo te, vel, Ego condono tibi.... vel, habeo te venia donatum*, Notat autem Arcudius peritissimus rituum Græcorum, quod quidam utebantur formâ deprecatoria, sed ex ignorantia.

[1] *L. de laps.* [2] *Hic tr. I. d. I. a. 2. e. 4. n. 10.*

Objic. 5. Sequeretur Ecclesiam Latinam errasse per 10. aut 12. priora sæcula: nam, ut prætendunt duo citati recentiores, Duhamel, & Juenin. usque ad initium sæculi XIII. utebatur forma deprecatoria; & id conantur probare ex antiquis ritualibus.

Resp. neg. maj. & prob. Nam in antiquis ritualibus studiosè dissimulabantur formæ, & verba sacramentalia, ne libris incidentibus ad infideles, hæc Sacra prophanarentur ab eis, & ipsa sacramenta. Item plures orationes, quas adducunt dicti authores, non erant formæ sacramentales, sed cæremoniæ erga poenitentes publicos, qui reconciliabantur.

Inst. Author, quem impugnât S. Thomas Opusc. 22. dicebat formam indicativam suo tempore non fuisse antiquiorem 30. annis; ergo ante illos 30. annos forma deprecativa erat in usu, & hoc non arguit S. Thomas.

Resp. neg. conf. Imo S. Thomas illi scriptori objicit, quod ante 1200. & plures annos Christus dixerat Petro; *Quodcumque solveris*, &c. Et inde colligit necessitatem formæ indicativæ.

Inst. 2. Magister sententiarum, qui ex omnibus antiquis suas collegit sententias, non meminit formæ indicativæ. Et, ut scribit Guilielmus Parisiensis, *Confessarius non dicit more judicum forensem, absolvi- mus te, sed magis orationem facit super eum*, ut Deus absolutionem, & gratiam remissionis tribuat; ergo tempore Lombardi, & Guilielmi forma indicativa non erat in usu.

Resp. neg. conf. Nam inquit S. Thomas, nec legitur Magistrum formam contrariam invenisse apud Patres, & ante illum, & ante Guilielmum institutor sacramenti dixerat: *Quodcumque solveris*, &c. Et auctoritas istius non impediabat, quin Regentes Parisienses contrarium docerent, sc. dicendum esse, *Ego te absolvo*.

QUÆSTIO VII.

An absolutio dari possit sub conditione.

QUoad conditiones eadem debet esse resolutio de isto, & de aliis Sacramentis, Illæ autem sunt vel
de

de præfenti, ut si **dicas**, Si es contritus, ego te absolvo, vel de præterito, ut si dicas, si restituiſti, ego te absolvo, vel de futuro, ut si amplius non pecces, ego te absolvo.

Suppono autem ex jure civili, quod conditiones, quæ ad præfens, vel præteritum referunt, aut statim infirmant obligationem, aut omnino non differunt. Non ita est de illis, quæ respiciunt futurum; istæ suspendunt valorem contractus, donec impleta sit conditio.

Rursus conditiones aliæ sunt necessario connexæ cum actu ministri, aut cum ipso suscipiente, & quæ semper adsunt implicite, vel explicitè; ut, Si sum Sacerdos, vel, si tu es baptizatus, ego te absolvo. Aliæ sunt contingentes, & disparatæ, & impertinentes ad sacramentum, ut si Rex dormit, vel dormierit, aut dormiturus sit cras, te absolvo. Aliæ sunt impossibiles, ut, si ego sum omnipotens, aut, si tu es Angelus, te absolvo. Quærimus de illis conditionibus, an absolutio cum illis valeat.

CONCLUSIO

Non valet absolutio cum conditione de re futura, nec de impossibili, nec de contingentipræterita, vel præfenti, quæ nihil pertinet ad sacramentum: bene vero de necessario connexa præfenti, vel præteritæ. Est communior quoad omnes partes.

Prob. 1. ex Scoto, [1] dicente, quod in baptismo si præmittatur, vel disjungatur, vel interponatur aliqua conditio, quæ non existat, v. g. si sum omnipotens, &c. nihil fit. Eadem autem est ratio de absoluteione; ergo &c.

Prob. 2. quoad 1. p. Nam per conditionem de futuro contingenti suspenditur effectus sacramenti, & redditur incertus; ergo invalidè fit. Ant. patet: nam sacramentum non valet, nisi dependenter ab intentione ministri; sed iste non intendit, ut valeat, nec operetur de præfenti, & donec conditio impleatur; ergo suspendit effectum sacramenti. Probat. autem 1. conf. quia sacramentum non valet, nec operatur, nisi juxta intentionem Christi instituentis; sed **Christus** non instituit illud, ut sic dependeat efficacia ejus; er-

go &c. Prob. min. Christus voluit sacramentum esse signum certum gratiæ, quam significat, & ad quam institutum est; sed non esset signum certum talis gratiæ, si efficacia ejus penderet à talibus conditionibus, nec operaretur pro tempore, quo existit; ergo &c. Prob. min. nam si dicas, *absolvo te, si restitueris ablata*, vel, *si dederis eleemosynam*, nihil tunc operaretur absolutio ex intentione, donec facta esset restitutio, vel eleemosyna, & tunc non existeret amplius sacramentum, nec fortè dispositio pœnitentis, si ante impletam conditionem incideret in novum peccatum; ergo &c.

Prob. 2. Nam 1. absolutio illa non valet, cùm proferatur, quia tunc non existit conditio, nec Sacerdos intendit, quod tunc valeat. 2. non valet, quando ponitur conditio, quia tunc non existit absolutio, nec aliæ compartes ejus necessariae; ergo tunc valere non potest. Prob. ant. pœnitens potest mori, aut de novo peccare ante impletam conditionem. Item minister potest retractare, & mutare intentionem, volendo v. g. ut absolutio sit absoluta, & sic efficacia ejus penderet ab arbitrio ministri, & sic de aliis absurdis, quæ inde sequi possunt; ergo tales absolutiones sunt invalidæ, & sacrilegæ.

Prob. 2. p. Nam conditio impossibilis destruit intentionem ministri; ergo & valorem absolutionis. Prob. ant. Nam qui dicit, *absolvo te, si sum omnipotens*, idem est ac si diceret, *nolo te absolvere, nisi sim omnipotens*: Sed scit se non posse esse omnipotentem; ergo nec se velle absolvere.

Prob. 3. p. Nam, ut dicebam, valor, & effectus sacramenti debet esse certus, saltem moraliter, & minister nihil ei debet apponere, per quod reddatur incertus: hoc enim est contra mentem Christi instituentis; sed conditiones de re contingenti præterita, aut præsentia, & à fortiori de re futura reddunt incertum valorem sacramenti; ergo &c. Prob. min. Nam si dicis, *absolvo te, si Rex dormiat, vel dormierit*, valor sacramenti tam incertus est, quam illa conditio, seu quam dormitio Regis; sed hæc incertissima est, & nullam connexionem habet cum Sacramento; ergo &c.

Confir. Nam præterquam quod sacrilegæ essent tales

les absolutiones, dici potest deesse illis debitam intentionem: nam sacerdos, qui syncerè intendit absolvere, non apponit conditiones sic impertinentes, & incertas.

Prob. 4. p. Nam tales conditiones non reddunt incertam significationem, & effectum verborum; ergo non impediunt valorem sacramenti. Prob. ant. nam illæ semper supponuntur subintellectæ, sive ponantur expressè, sive taceantur; ergo potius juvant. Prob. ant. tales sunt istæ, *Ego te absolvo, si sum sacerdos, vel si es, aut fuisti baptizatus, vel sufficienter attritus, aut integrè confessus, vel si habes sufficiens propositum non peccandi de cetero*, &c. Hæc enim sunt absolute necessaria ex parte ministri, & suscipientis ad valorem Sacramenti, & quando non exprimerentur, adhuc præsupponerentur adesse ad valorem.

Objic. 1. Conditiones, quæ non tollunt significatum verborum essentialium, non impediunt effectum sacramenti; sed appositio illarum conditionum non tollit significatum verborum illorum; ergo nec impedit valorem. Prob. min. hæc verba, *absolvo te à peccatis tuis*, semper idem significant sub quavis conditione, sive impossibili, sive futura, sive contingenti; ergo &c.

Resp. neg. utramque min. Nam per conditiones illas restringitur, seu distrahitur significatum, aut suspenditur operatio; nam si dicas, *absolvo te, si cras jejunaveris*, significas te nolle absolvere pro nunc, sed cras postquam jejunaverit; item si dicas, *absolvo te, si sum omnipotens*, significas te nolle absolvere, nisi sis omnipotens, saltem quantum ad sonum verborum; & sic nihil operantur.

Objic. 2. Conditio de futuro non invalidat matrimonium; ergo nec absolutionem; nam eadem est ratio de utroque: nam conveniunt in ratione sacramenti. Prob. ant. nam contrahentes possunt dicere, *accipio te in meam, vel meum, si pater tuus cras consenserit*; & tunc matrimonium, quod ante consensum patris non valebat, dato consensu valet; ergo &c.

Resp. 1. neg. ant. nam quandiu consensus non est absolutus, non est propriè per verba de præsentī, sed æquivalet matrimonio per verba de futuro, quasi diceret, *accipiam te cras, si pater tuus consenserit*, & tunc

tunc dato consensu patris, tenetur ipse consentire de præsentī. Ratio est, quia ex intentione Christi formæ sacramentorum sunt absolutæ. Igitur ante positionem conditionis matrimonium est inchoatum, sed non perfectum, nec ratum.

Resp. 2. neg. parit. nam Christus pro matrimonio noluit mutare plures condiciones contractus humani, in quo admittuntur tales condiciones de futuro, ita ut non teneant ante illarum impletionem. Matrimonium autem est quidam contractus humanus elevatus ad rationem sacramenti. Non ita est de absolute, & aliis sacramentis, quæ debent operari de præsentī.

Inst. sicut se habet sacramentum matrimonii ad contractus humanos, ita se habet absolutio in sacramento isto ad judicia humana; sed hæc judicia dari possunt, & valent cum conditionibus de futuro æquæ, ac matrimonium; ergo & absolutio.

Resp. 1. neg. maj. & disparitas petitur ex voluntate Christi, qui nihil determinavit circa matrimonium, bene verò circa hoc iudicium, volens, ut sit determinatè absolutorium, vel retentivum, dicens: *Quorum remiseritis*, &c.

Resp. 2. neg. min. Nam, ut diximus, matrimonium non habet rationem sacramenti, nisi quando contrahitur absolute, & de præsentī per consensum mutuum contrahentium, impleta conditione.

QUÆSTIO VIII.

An valeat absolutio in scriptis ad absentem, seu an debeat esse vocalis.

IN definitione hujus sacramenti diximus ex Scoto illud esse *absolutionem hominis pœnitentis factam certis verbis*, &c. Jam quærimus de illis verbis, an debeant esse vocalia, & ore prolata, an verò sufficiat, si nutibus, aut scriptis exprimantur ad valorem Sacramenti, an verò tantum ut licitè detur, seu ex necessitate rei. aut præcepti.

Item quia possent pœnitentes peccata sua scribere, & mittere ad confessarium, qui rescriberet absolutionem in forma, quæritur, an talis absolutio sit valida, aut licita.

Tom. VIII.

K

CON:

CONCLUSIO.

Absolutio sacramentalis debet esse vocalis, ita ut non valeat data in scriptis ad absentem.

Prob. 1. ex Scoto [1] dicente, quod forum istud ex natura sua est secretissimum; ergo non tenetur quis ad istud forum aliquo modo publicum. Ideo non putat aliquem teneri ad confitendum per scripturam, quia omnis scriptura ex natura sua nata est esse publica: Sed eadem est ratio de absolutione; ergo &c. Addit. quod in scriptura ista tollitur verecundia, quæ est pœna magna in confessione, quando per scriptum confitetur. Unde confessio ista minus valet.

Prob. 2. ex Concil. Nam Florent. dicit de omnibus sacramentis nostris, quod constant rebus, tamquam materia, & verbis, tamquam forma, & de isto dicit, quod forma ejus sunt verba absolutionis, quæ profert sacerdos dicens, absolvo te. Et Trident. [2] idem dicit; ergo censent verba absolutionis debere profertur ore ministri, non autem scribi.

Prob. ex Decreto Clem. VIII. 20. Junii an. 1602. quo proposita quæstione in Congregat. generali S. Officii, utrum liceat per litteras, seu internuntium confessario absenti peccata sacramentaliter confiteri, & ab eodem absente absolutionem obtinere? Sanctissimus auditis votis Patrum Theologorum, hanc propositionem, sc. licere per litteras, seu internuntium confessario absenti sacramentaliter confiteri, & ab eodem absente absolutionem obtinere, ad minus uti falsam, temerariam, & scandalosam condemnavit, & prohibuit; ergo ille modus tam confitendi, quam absolvendi prohibetur, & damnatur, ut falsus; ergo invalidus.

Dices, inde probari talem absolutionem esse illicitam, non autem invalidam.

Contra. Decretum prohibet, ne deinceps ista propositio publicis, privatisque lectionibus, concionibus, & congressibus doceatur, neve unquam tanquam aliquo casu probabilis defendatur ac ad praxim quovis modo deducatur; ergo non solum vult tales absolutiones haberi ut prohibitas quoad praxim, sed etiam ut speculative falsas, & nullas. Nam multa prohi-

[1] d. 171. & Z 31. & 32. in dec. [2] Sess. 14. c. 3.

hibentur quoad praxim propter pericula, scandala, & inconvenientia, ut communio sub utraque specie, quæ speculativè sunt vera, & valida; sed quæ speculativè decernuntur falsa, temeraria, & scandalosa, vel prohibentur doceri, non censentur valida. Denique Papa censet falso dici esse validam.

Confir. Nam cum aliquis Theologus excogitasset ibi aliquod subterfugium, quasi Papa loqueretur tantum de confessione, & absolutione simul, & collectivè, non autem divisim, Paulus V. 14. Julii decrevit, *illam interpretationem non subsistere, & ideo ex libris illius Authoris amovendam, & delendam.*

Prob. denique ex institutione divina: nam, ut docet idem Concilium, Christus peccatores ante tribunal (pœnitentiæ) tamquam reos sibi voluit (sc. personaliter) ut per sacerdotis sententiam possint liberari. Non sistantur autem propriè per litteras, vel per nuntios, & maximè, quia non sentiunt confusionem pœnalem, quam patiuntur personaliter comparentes, & confitentes sua peccata, ut notat Doctor subtilis.

Confir. ex Authore libri de vera pœnitentia, quia hoc sacramentum dicitur figuratum in leprosis, quibus præcipiebatur, ut sisterent se sacerdotibus, docens corporali præsencia confitenda peccata, non per nuntium, aut per scriptum manifestanda. Dicit enim, ora monstrate omnes, non unus pro omnibus, non alium statuatis nuntium; ergo ita est de pœnitentibus istis.

Confir. 2. ex perpetua praxi Ecclesiæ, quæ nunquam admisit tales confessiones, nec absolutiones absentium, ut constabit ex objectionibus.

Confir. 3. ex absurdis, quia exponeretur secretum, quod debet esse inviolabile in hoc foro. 2. quia verba absolutionis debent significare per se personam, cui remittuntur peccata; sed per scripturam non satis designatur, cum possit cadere in manum alterius, quàm pœnitentis; ergo &c. 3. quia dum vadit nuntius, vel epistola pœnitentis ad sacerdotem, potuit ille mori, aut mutare mentem, aut fieri inhabilis, aut peccare de novo, & idem est post scriptam absolutionem, & dum vadit ad pœnitentem, & sic exponeretur absolutio: & sic de aliis rationibus, quibus moveri potuit Ecclesia ad talem praxim damnandam ut falsam, & invalidam, scandalosam, &c.

Objic. 1. Hoc sacramentum fuit institutum per modum judicii; sed in judiciis humanis possunt absolvi, aut damnari absentes, & in scriptis; ergo & in isto. Min. patet ex praxi quotidiana.

Resp. dist. maj. Quoad aliqua, con. quoad omnia, neg. maj. & conf. Nam quia hic proceditur non ex rigore justitiæ, sed lenitate misericordiæ, Christus non fuit ibi absolvi, nisi confitentem personaliter peccata sua cum dolore, & rubore, quæ non sentirent absentes. Item voluit esse secretissimum; sed hæc, & similia non sunt necessaria in judiciis humanis, in quibus etiam citari solent rei personaliter.

Objic. 2. Constat, quod olim talis erat praxis Ecclesiæ. 1. de Serapione, ad quem, cum pœnitentiam per nuntium peteret, missa est particula hostiæ consecratæ in signum absolutionis, & reconciliationis. 2. Patres Concilii Duzianensis concesserunt absolutionem Roberto Cœnomanensi Episcopo, qui ægrotans scripserat ad eos peccata sua circa an. 812. Titulus Epistolæ erat: *Epistola absolutionis, quam miserunt ei (Roberto) venerabiles Sacerdotes de loco obsidionis.* 3. Gregor. VII. absolutionem concessit Episcopo Lincolnensi in Anglia, qui eam per litteras petebat. 4. Scotus ipse meminit absolutionis concessæ S. Thomæ Cantuariensi, qui timebat se mollius restitisse Henrico II. pro Ecclesiæ libertate: Sed illæ absolutiones erant sacramentales, & per Epistolas; ergo tales confessiones, & absolutiones non essent invalidæ, sed fuerunt in usu.

Resp. neg. min. Non enim fuerunt sacramentales, sed Canonice, 1. Dionysius Alexandr. misit ad Serapionem non absolutionem, sed Eucharistiam in signum reconciliationis cum Ecclesia, æstimans eum jam justificatum per internam contritionem. Hic sæpius in Ecclesia denuo recipi postulabat, sed nemo auscultabat, quia idolis sacrificasset, inquit Dionysius. Dederat ergo signa manifesta contritionis, & illa reconciliatio erat pro foro externo. 2. Idem est de Roberto, cur enim ad Concilium recurrisset, nisi pro censura Canonica, & pro peccatis publicis, de quibus erat denigratus? Ideo deprecatoriè, non absolutoriè scripserunt Patres: *Spiritus S. dimittat tibi omnia peccata tua, libera te ab omni malo, &c.* Ibi vides oratio-

tionem potius, quam judicialem absolutionem, & sacramentalem.

3. & 4. Idem est à fortiori de Episcopis Lincolnien-
si, & Cantuariensi: nam illi timebant se incurrisse in
aliquas censuras, & pœnas Canonicas. Unde Ale-
xander scribit, se *Authoritate Apostolica relaxare*; &
remittit eum ad Sacerdotem confessarium, *qui discre-
tus, & providus habeatur, sibi consulimus per pœni-
tentiam confiteri*; ergo absolutio illa Papæ non erat
sacramentalis, alioqui frustra moneret confiteri.

Igitur absolutio sacramentalis, ut sit valida, debet
esse vocalis, & non scriptis expressa, nec ad absen-
tes.

Q U Æ S T I O IX.

*An absolutio sacramentalis valeat data petentibus
eam in extremis.*

Narrant historici Ecclesiastici, quod in primis sæ-
culis Christianismi negabatur absolutio impiis,
qui post transactam vitam in impietate illam petebant
in extremis: quia, inquit Cyprianus, [1] *rogare illos,
non delicti penitentia, sed mortis imminenti admonitio
compellit: nec dignus est in morte accipere solatium, qui
se non cogitavit esse moriturum*. Ratio rigoris erat, ne
ex spe facilioris veniæ fideles à fide deficerent ingru-
ente persecutione, ut scribit Innoc. I. [2]

Distinguendum est autem inter eos, qui petunt ab-
solutionem in extremis. Quidam post cursum vitæ in
omni genere vitiorum, in neglectu pœnitentiæ, ac sa-
cramentorum, sincere tandem recurrunt ad Deum,
& Ecclesiam, & petunt absolutionem verbis expres-
sis, & cum signis veræ pœnitentiæ. Alii morbo cor-
repti, signa tantum quædam proferunt, quibus vi-
dentur pœnitere, & absolutionem petere, v. gr. pe-
ctus tundunt, manus, & oculos in cœlum attollunt,
&c. Quidam in ipsis actibus peccati, amisso usu ra-
tionis, aut vocis, moriuntur. Quidam peccatores pu-
blici nec ante morbum, nec in morbo petunt abso-
lutionem. Quidam boni, & pii, præventi morbo,
nec voce, nec signis petunt. De singulis peti potest,

K 3

quid

[1] *Ep. ad Ant.* [2] *Ep. ad Exuper.*

quid cum illis agendum? sed prius videndum absolutio, an absolutio petita in extremis valeat.

CONCLUSIO I.

Absolutio in extremis sincere petita, & data valet. Est communis, & de fide.

Prob. 1. ex Scoto, qui duabus conclusionibus questionem resolvit. 1. Pœnitentia siue interior sola, siue exterior cum susceptione sacramenti pœnitentiæ sufficit ad salutem alicujus in extremis. 2. Pœnitentia, quæ videtur haberi in extremis, vix est vera pœnitentia sufficiens ad salutem: quia difficile tunc est habere veram pœnitentiam (non tamen impossibile)

Prob. 2. ex Script. quæ non excipit ullum tempus ad pœnitentiam, & veniam, modò sit vera. [1] Quacumque hora ingemuerit peccator, iniquitatum ejus non amplius recordabor. Et alibi, Convertimini ad me, & ego convertar ad vos; ergo in quocumque vitæ momento peccator gemit, & convertitur petens absolutionem, validè potest, & debet illi concedi.

Prob. 3. ex Concil. Nam Carthagin. IV. [2] Is, qui pœnitentiam in infirmitate petit, si casu, dum ad eum Sacerdos invitatus venit, oppressus infirmitate obmutescat, vel in phrenesim versus fuerit, dent testimonium, qui eum audierunt, & accipiat pœnitentiam. Item Leo Magnus. [3] Talium necessitati auxiliandum est, ut nec actio illis pœnitentiæ, nec communis gratia denegetur, si eam, etiam amisso vocis officio, per indicium integri sensus querere comprobetur, &c.

Prob. 4. ex Patribus. Nam inquit August. seu Author libri de vera pœnit. Pœnitentia, si in extremo hiatu vitæ advenerit, sanat, & liberat.... Multum sera fuit latronis pœnitentia, sed non fuit sera indulgentia: & dat rationem; quia Deus semper potens est, semper etiam in morte juvare valet, quibus placet. Cum ergo sit opus non hominis, sed Dei fructifera pœnitentia, inspirare eam potest, quandocumque vult sua misericordia, & remunerare ex misericordia, quos damnare potest ex justitia; ergo Sacerdos, qui negaret absolutionem verè pœnitenti, & petenti in extremis, opponeret se Dei voluntati, & misericordiæ; quæ talem pœnitentiam in-

[1] Exe. 15. & 33. [2] ca 76. [3] Ep 91.

spirat moribundis, & vult eos salvare per sacramentum; ergo gravissimè peccaret; ergo valeret sacramentum.

Prob. denique ratione; quia eadem est ratio de pœnitentiæ valore in extremis, ac in quovis alio tempore vitæ; sed in quovis alio tempore valet; ergo & in isto. Min. patet ex Script. cit. quæ nullam temporis limitationem admittit. Prob. min. nam ubique est idem sacramentum.

Confir. Nam quovis tempore contritio delet peccata, & si aliqua temporis circumstantia exciperetur, id esset, vel quia Deus non posset, aut nollet hanc illi inspirare, vel ei cooperari ad veniam; sed neutrum dici potest; ergo &c. Prob. 1. non negatur potentia: Deus enim semper est potens, ait August. cit. 2. non negatur voluntas, quia vult omnes salvos fieri, & non vult mortem peccatoris, sed ut convertatur, & vivat. Item, non vult aliquos perire, sed omnes ad pœnitentiam reverti; ergo vult inspirare, & juvare omnes ad pœnitentiam. Et hoc certum est de fide.

Dixi, *syncerè petita*: nam, ut dictum est, contritio, vel attritio vera est de materia necessaria ad valorem sacramenti, & sic absolutio petenda est ex syncero motu pœnitentiæ.

Objic. 1. Augustinus [1] de pœnitente in extremis dicit: *non præsumimus, quod benè exierit*. Et in SS. Canonibus. [2] *Periculosum est, & interitui vicinum usque ad mortem procrastinare pœnitentiæ remedium*. Item, [3] *hac animadversione percutitur peccator, ut moriens obliviscatur sui, qui dum viveret, obliviscitur Dei*; ergo qui distulit pœnitentiam in finem vitæ, non potest validè absolvi. Prob. conf. nam ex August. incerta est dispositio ad validam absolutionem; ergo si absolvitur, exponitur sacramentum nullitati, & profanationi.

Resp. neg. utramque conf. 1. quidem, quia, cum sic possibile, ut verè pœniteat, ita valere potest absolutio. 2. quia numquam Sacerdos est certus physicè de sufficienti dispositione suscipientis, & sic vel numquam absolveret, vel semper peccaret absolvendo. Patres autem, & Canones illi [4] volunt, quod illo-

K 4 rum

[1] hom. 41. ex 50. [2] de pœni. c. 17. [3] c. nullus.

[4] cap. nullus, de pœni.

224 De sacramento pœnitentiæ

rum peccatorum pœnitentia sit rarissimè vera, & difficillima, sed non impossibilis.

Inst. pœnitentia, ut sufficiat ad sacramentum, debet esse voluntaria; sed, ex Patribus, in extremis non est voluntaria; ergo nec sufficiens. Prob. min. nam inquit August. *Si vis jam pœnitere, cum peccare non potes, peccata dimiserunt te, non tu illa.* Ideo monet; Nullus expectet, quando jam peccare non possit; arbitrii enim quærat libertatem, ut delere possit commissâ, non necessitatem. Qui primus à peccatis relinquitur, quàm ipse relinquat ea, non liberè sed quasi ex necessitate condemnat; ergo in extremis pœnitentia non est libera.

Resp. neg. min. & 2. conf. August. ibi loquitur de libertate peccandi per opera externa, quam non habet infirmus, sicut nec ad opera externa pœnitentiæ; sed sicut potest internè peccare, ita & pœnitere ex corde, quod sufficit Deo.

Obijc. 2. si talis pœnitens posset absolvi, daretur occasio peccatoribus perseverandi in peccato usque ad mortem, sed hoc est summum inconveniens; ergo &c.

Resp. neg. maj. Nam sicut facilitas absolvendi durante vita non impedit Valorem sacramenti, si adsint alia requisita, licet aliqui pessimi sumant inde occasionem peccandi ex fiducia obtinendæ absolutionis, ita in proposito hoc est præter intentionem Dei instituentis sacramentum, & quia longè plures inde resipiscunt, quàm indurentur, & majus illud bonum sufficit, ut rectè fiat. Denique ratio illa suadet, ut cautiores sint in hoc sacerdotes, non autem probat invaliditatem absolutionum, modò pœnitentia sit vera.

Quæres, *An homo per peccatum aliquando ad eum statum reducatur, ut non possit pœnitere, nec absolvi.*

Resp. quod regulariter id accidere non potest, bene vero per accidens.

Ratio 1. p. est, quia, ut diximus, Deus semper est potens, & paratus ad inspirandam pœnitentiam, & peccator est semper liber, si velit, ad cooperandum inspirationibus, & auxiliis Divinis. Vide, quæ diximus in tr. de Deo, & de gratia.

Ratio 2. p. est, quia peccator per depravationem suam in eum statum cadere potest indurationis, ut demereatur derelinqui à Deo post longiorem, & obstinatiores contemptum gratiarum, ut ipse minatur.

[1] *Curavimus Babylonem, & non est sanata, derelinquamus eam.* Item, [2] *Dimisi eos secundum desideria cordis eorum.* Et Apostolus: [3] *Tradidit eos Deus in desideria cordis eorum, in immunditiam in passiones ignominiae in reprobum sensum;* sc. non per impulsum positivum, sed negativè per derelictionem; sed certum est hominem sic derelictum non posse rectè pœnitere; ergo &c. de hoc aliàs.

Quæres 2. *An valeat absolutio morientis in actus peccati, v. g. in duello, vel torneamenti, & similibus casibus, in quibus homo amittit vocem, & usum sensuum, ita ut non possit dare signa pœnitentiae.*

Resp. non valere, nisi signa probabilissima pœnitentiae dederit.

Ratio est, quia Sacerdos non debet applicare formam sacramenti, nisi materiæ à Christo institutæ; sed homo sine pœnitentia non est materia instituta à Christo: nam contritio est principalis actuum pœnitentis, & de materia necessaria sacramenti: & hæc debet fieri sensibilis Sacerdoti, & in his casibus potius illi constat de contrario; ergo nec licitè, nec validè potest illum absolvere.

Fortè tamen posset illum absolvere sub conditione; quia & ipse moriens posset habere aliquam dispositionem internam ad gratiam. De duellantibus posset esse specialis ratio propter excommunicationem reservatam, quam incurrunt, sed de hoc aliàs.

Quæres 3. *Quid dicendum de peccatoribus publicis; qui nec ante, nec post morbum, nec in morbo petunt absolutionem, & subito obmutescunt.*

Resp. nec istos posse absolvi validè, nisi per signa valdè probabilia ostendant pœnitentiam.

Ratio est, quia vix credi potest, quod tam subito mutaverint voluntatem, quam usque ad illud instans servarunt tam obstinatè affixam peccato suo. Tales sunt concubinarij, & usurarii publici, apostatæ, hæretici, schismatici denuntiati, & similes, qui cum viverent liberi sensibus, noluerunt dare signum pœnitentiae, sine grandi miraculo non videntur meliores in statu, quo non sunt compotes sui, & propter publicitatem vitiorum, & scandalum populorum debent derelinqui.

Dices. Non est impossibile Deo per gratiam extra-

K 5 ordi

[1] Jer. 6. [2] Ps. 8. [3] Rom. 1.]

ordinariam eos vehementer movere, & ad pœnitentiam excitare; ergo non debet eis negari absolutio, quæ potest esse valida. Prob. conf. ex Aug. qui docet eandem esse rationem de absolutione, ac de Baptismo; sed baptismus datur Catechumenis, qui peccarunt usque ad finem vitæ; ergo &c. Prob. maj. nam inquit: *Quæ baptismatis, eadem est reconciliationis causa, si forte pœnitentem finiendæ vitæ periculum præoccupaverit: nec enim ipsos ex hac vita sine arrha sue pacis exire velle debet mater Ecclesia; ergo &c.*

Resp. neg. conf. quia non ex possibilitate nuda, sed ex probabilitate, & apparentia rationabili debent exponi sacramenta: nec enim prætendit August. quod talibus catechumenis debeat dari baptismus sine ullo signo pœnitentiæ. Ita est de absolutione. Non dicit, quod illi Catechumeni non darent ullum signum voluntatis baptismi, aut pœnitentiæ; imò loquitur de pœnitente, & non de impœnitente: si forte pœnitentem, &c. inquit, & sic non erat in casu nostro.

Quæres 4. *Quid dicendum de piis viris, qui nullo signo externo petierint absolutionem ante amissum usum sensuum.*

Resp. probabilius illos absolvendos esse, saltem sub conditione.

Ratio est 1. quia de istis à fortiori præsumendum est ex aliis actibus christianis, & pietatis, quod nolunt mori sine sacramentis; nec de facto in eum statum devenerunt sine pœnitentia suorum peccatorum; ergo eis non debet negari sacramentum.

2. Quia id videntur docere SS. Canones. Nam cap. Si presbyter ex Julio I. dicitur, quòd *Presbyter reus est animarum, qui pœnitentiam morientibus negat: quia vera conversio in ultimo tempore potest esse: quia Dominus non solum temporis, sed etiam cordis inspector est, sicut latro, &c.* ergo à fortiori hoc dici potest de iis, qui christianè vixerunt. Vide Juenin. & Bancel.

Quæres 5. *An pœnitentiæ sacramentum possit esse validum, & informe.*

Respondi probabilius affirmativè tr. de sacram. in genere, nec placet hic repetere.

DISPUTATIO V.

De confessione sacramentali.

EXplicatis natura, materia, & forma hujus sacramenti, & principali actu pœnitentis, qualis est contritio, ad alias partes, & actus ejusdem properamus, & sequitur confessio, quæ est nobilissima pars, & non minus essentialis ad rationem sacramenti.

QUÆSTIO PRIMA.

An, & quid sit confessio sacramentalis, & à quo instituta sit.

NOmen confessionis generaliter significat actum, quo manifestamus sensus, vel actiones nostras alioqui occultas. Alia est *externa*, quæ fit per signa sensibus obvia, & perceptibilia: alia *interna*, quæ fit coram illis, qui non utuntur sensibus, ut coram Deo, & Angelis.

Utraque dividitur in confessionem *laudis*, qua agnoscimus perfectiones, & beneficia divina, & inde laudamus, & benedicimus Deum, & hæc spectat ad Religionem: alia *fraudis*, quæ dicitur etiam *accusatrix*, qua defectus, & peccata nostra accusamus vel *internè*, & coram Deo, vel *externè* coram hominibus. Alii addunt *confessionem fidei*, qua fidem nostram, seu Religionem declaramus, unde Martyres dicebantur *Confessores*, & hæc pertinet ad fidem.

Rursus confessio *fraudis*, seu *accusatrix* alia est purè *pœnitentialis*, qua peccatorex motivo pœnitentiæ declarat peccata sua coram hominibus quibuscumque: alia *judicialis*, qua reus declarat delicta sua coram iudice: alia *sacramentalis*, quæ fit coram idoneo ministro hujus sacramenti ad obtinendam absolutionem. De hac sola hic loquimur.

CONCLUSIO I.

Datur confessio sacramentalis, quæ est declaratio sensibilis peccatorum facta legitimo sacramenti penitentiae ministro ex intentione obtinendi absolutionem. Est communis quoad rem.

Prob. 1. ex Scoto [1] dicente, quod in confessione peccatum occultum propalatur homini, & quod Sacerdos non absolvit reum, nisi prius reus fuerit sibi accusatus in foro illo Et in Reportatis, [2] necessarium est confiteri peccata sua Sacerdoti jurisdictionem habenti, per quam recuperabit gratiam. Et ubique hoc docet, vel supponit. Unde colligis & existentiam, & essentialiam hujus confessionis.

Prob. 1. p. quam non negant Hæretici, licet non conveniant de necessitate ejus, nec de institutione, nec quod sit sacramentalis. Et quidem 1. constat ex dictis de existentia hujus sacramenti: nam confessio est pars ejus essentialis.

Prob. 2. ex Concil. Trid. dicente, Oportere à penitentibus omnia peccata mortalia in confessione recenseri. Et supra dixerat, Sunt autem quasi materia hujus sacramenti ipsius penitentis actus, nempe contritio, confessio, &c.

Prob. 3. ex Patribus, qui talis confessionis extollunt dignitatem, & excellentiam, ut cum dicit Tertul. tantum relevat confessio delictorum, quantum dissimulatio exaggerat. Et Origenes id probat ex Script. Dic tu peccata tua, ut justificeris. Et, Dixi: pronuntiabo injustitiam meam Domino, & tu remisisti impietatem peccati mei. Unde infert: Vide, quia pronuntiare peccatum remissionem peccati meretur. Et quod magis facit ad propositum, Si revelaverimus peccata nostra, non solum Deo (ut volunt Hæretici) sed & his, qui possunt mederi vulneribus nostris, atque peccatis, debentur peccata nostra. Et sic de aliis Patribus uno ore.

Prob. denique ex consensu omnium Theologorum omnis ævi, & adhuc patebit ex dicendis.

Prob. 2. p. quia sic rectè explicatur natura hujus actus, non solum in se, & prout à virtute penitentiae imperatur, aut elicitur, sed etiam prout pertinet ad hoc sacramentum. Dicitur 1. Declaratio sensibilis pec-

[1] d. 15. q. D. & E. 6. & 7. [2] a. 17. n. 18.

peccatorum, quod ponitur loco generis, quia per id convenit cum aliis confessionibus internis, & externis. 2. *facta legitimo ministro sacramenti penitentiae*, &c. & per hoc differt ab aliis, quæ fiunt coram aliis, & ob alios fines. Reliqua patebunt in sequentibus.

CONCLUSIO II.

Confessio sacramentalis fuit à Christo Domino instituta. Est de fide contra hæreticos Vvicleffistas, qui negant hanc institutionem probari in Scripturis, sed manasse ex Patrum decretis. Unde inter errores in Concilio Constantiensi damnatos legitur iste: Si homo debite fuerit contritus, omnis confessio exterior est sibi superflua, & inutilis. Et Calvinus dicit de nobis, [1] *Miror, quæ fronte ausi sunt (Catholici) contendere, confessionem, de qua loquuntur, juris esse divini. Imò & sic debacchatur, [2] nihil mirum, si auricularem illam confessionem rem adeo pestilentem, totque nominibus Ecclesiæ nocivam damnamus, & sublatam è medio cœpimus.*

Prob. 1. ex Scoto, [3] quatenus docet necessitatem confessionis hujus esse de jure divino positivo: nam inde sequitur, quod etiam est de institutione divina Christi; quod apertius dicit in Reportatis. Dico igitur, quod de jure divino positivo immediate à Christo instituto tenetur quis ad confessionem, &c.

Prob. 2. ex Conc. Trid. [4] *Universa Ecclesia semper intellexit institutam esse à Domino integram peccatorum confessionem, & omnibus post baptismum lapsis jure divino necessariam. Et, Si quis negaverit confessionem sacramentalem vel institutam, vel necessariam esse jure divino, aut dixerit modum secretò confitendi soli sacerdoti, quem Ecclesia Catholica semper ab initio observavit, & observat, alienum ab institutione, & mandato Christi, & mandatum esse humanum, anathema sit. Hoc diu ante docuerant alia Concilia, ut Cabilonense II. Solerti indagatione debent inquiri ipsa peccata, ut ex utrisque integra sit confessio, sc. ut & ea confiteantur, quæ per corpus gesta sunt, & ea, quibus in sola cogitatione delinquitur. Et Turonicum III. c. 22.*
 & Mo-

[1] *Inst. c. 4. §. 7.* [2] §. 19.

[3] *d. 17. F. 11.* [4] *sess. 14. c. 5.*

& Moguntinum sub Rhabano c. 26. & Vormatiense c. 25. & colligitur ex Later. ubi præcipitur annua confessio; sed falsò dicunt hæretici eam tunc primum fuisse institutam.

Prob. 3. ex Script. cum Christus dixit discipulis, *Accipite Spiritum Sanctum, Quorum remiseritis peccata,* &c. necessariò insertur instituisse confessionem: nam quomodo remittere possent, vel retinere peccata, nisi ea cognoscerent? & quomodo cognoscere in isto tribunali misericordiæ, nisi per liberam confessionem, ex qua vident, quæ remittenda sint, & quæ retinenda?

Confir. ex aliis textibus, quibus eadem veritas insinuat, ut cum legimus de primis Christianis tempore Apostolorum, quod *multi credentium veniebant confitentes, & annuntiantes actus suos:* & quod *multi ex eis, qui fuerant curiosa sectati* (ut magi, & venefici) *contulerunt libros, & combusserunt eos.*

Confir. 2. ex figuris veteris Testamenti, in quibus eandem veritatem adumbratam putant SS. Patres: ut ex lege de leprosis mundandis, quippe non censentur mundi, nisi ex iudicio Sacerdotum, ut notat Chrysostomus: *Nostri autem Sacerdotibus non tantum lepram corporis, verum animæ sordes non tantum purgatas probare, sed purgare prorsus concessum;* ergo sicut leprosi debebant sese ostendere Sacerdotibus Moisaicis, ita & peccatores debent se per confessionem sinceram ostendere Evangelicis, ut per illos munden-
tur à maculis eorumdem peccatorum.

Prob. 4. ex perpetua traditione SS. Patrum, quos longum esset recensere, & videre potes apud Coc-
cium, & alios.

Prob. denique ex summa hujus sacramenti excellentia, & utilitate, ac necessitate: nam inde satis patet non esse humanum inventum, sed prorsus divinum, nec Ecclesia illud tam positivè proponeret, aut præciperet, nisi hoc haberet à Christo.

Confir. ex Scoto, qui sic argumentatur: Christus dedit potestatem Sacerdotibus, seu Ecclesiæ remittendi peccata, potestatem inquam ministerialem; sed hæc potestas non potest congruè exerceri sine confessione ex parte peccatoris; ergo hæc fuit pariter instituta à Christo. Maj. patet ex Script. cit. Prob. min. Judex mi-

nisterialis, & arbiter non potest prudenter arbitrari, nec dimittere, vel retinere peccata, nisi ipsa cognoscat; sed hæc non potest cognoscere Sacerdos ut dimittenda, vel retinenda, nisi per confessionem liberam, & fidelem peccatoris: nam inquit S. Hieron. *Si erubescat ægrotus vulnus medico confiteri, quod ignorat, medicina non curat.*

Confir. 2. ex eodem. Si hæc institutio esset ab hominibus, ut voluit glossator, assignandus esset aliquis Canon, per quem facta fuisset: nam inquit Doctor, *Sicut turpe esset Theologo dicere aliquid esse in Biblia. si nesciret ubi illud inveniretur, ita & Canonistæ dicenti aliquid esse ex universali traditione, & non invenire in canone, &c.* Sed hoc nullibi reperitur: nam quod dicunt Hæretici de Concilio Lateranensi, in hoc turpiter errant, quia nihil ibi dicitur de institutione, sed tantum de obligatione confessionis, quam præcipit, saltem semel in anno: *Omnia peccata sua solus confiteatur, saltem semel in anno;* ergo potius supponit eam institutam, non autem instituit.

Objic. 1. Si confessio non esset ab Ecclesia, sed à Christo, usus ejus non penderet ab illa; sed hic pender ab Ecclesia; ergo &c. Prob. min. nam Ecclesia modò præcepit, modò prohibuit usum confessionis; ergo &c. Prob. ant. Antequam prodirent Novatiani, nulli erant in tota Ecclesia confessarii ad confessiones audiendas; ergo &c. Prob. ant. nam inquit Socrates Scholasticus, [1] *Ab eo tempore, quo Novatiani se ab Ecclesia sejunxerant, recusaverantque cum his communicare, qui tempore persecutionis regnante Decio concitate lapsi erant, Ecclesiarum Episcopi canonici adjunxerunt, ut in singulis Ecclesiis presbyter quidam pœnitentiæ præset, quo qui post baptismum lapsi fuissent, coram presbytero ad eam rem designando peccata sua confiterentur; ergo extunc instituti sunt pœnitentiarii in singulis Ecclesiis.*

Resp. neg. min. & ant. & conf. Nam pœnitentiarius ille non erat deputatus sacramentali confessioni audiendæ, sed publicæ: nam unus tot fidelibus audiendis non suffecisset, maxime Constantinopoli. Ideo amotus fuit, quia ex talibus confessionibus, quibus peccata secreta publicabantur, veniebant scandala

gra

[1] lib. 5. c. 19.

gravia, ut de matrona, quæ publicata est peccasse cum Diacono quodam, unde ingens scandalum ortum est. Ideo Nectarius tales confessiones prohibuit in sua diœcesi Constantinopolitana, non autem confessiones secretas, quæ nullum scandalum pariunt, quia nullo modo publicari debent.

Inst. S. Chrysostomus, [1] qui Nectario successit, confessionem pluries prohibet, & damnat; ergo non credidit eam esse juris Divini. Prob. ant. nam inquit, *Deus nobis peccata dimittit, & ipsa non revelat, nec facit manifesta, nec cogit, quæ peccavimus, nuntiare, sed sibi soli rationem reddere jubet, & sibi confiteri.* Et alibi, *Peccata tua ipse commemora, ut ea deleas. At pudet te peccata confiteri? Dic ea quotidie in oratione. Non enim dico, ut ea conseruo exponas, qui te probris impetatur: dic Deo, qui his medeatur.* Item alibi, *Solus te Deus confitentem videat, Deus, qui non exprobrat peccata tua, sed solvit propter confessionem, vel confusionem; ergo non exigit aliam confessionem, quàm quæ fit Deo.*

Resp. neg. 1. ant. & 2. conf. nam constat Chrysostomum loqui de confessione publica, ex qua confitentium infamia, & scandalum populi oriebatur; quia *Deus non revelat peccata nostra, quæ dimittit, nec cogit in mediis procedentes, quæ peccavimus annuntiare, quid est in mediis procedere, & annuntiare, nisi coram multitudi-
dine populi peccata secreta publicare? non cogit quibusdam præsentibus ipsa enuntiari.* Ad 2. patet, quod eodem sensu dicit ea non esse confitenda conseruo, ut ea publice, & exprobrat ad confusionem. Nam in nostra confessione Sacerdoti confitemur quasi Deo, qui solus audiat, & dimittat. Per idem patet ad 3. nam semper aspicit ad publicitatem, & exprobrationem infamantem. *Non enim homini dicis, ut te probro afficiat, nec enim seruo confiteris, ut in publicum proferat, imò verò ei, qui dominus est (seu qui Dei personam agit) ei, qui tui curam gerit, ei, qui humanus est, ei, qui medicus est, ostendis vulnera. Quid clarius?*

Objic. 2. Obligatio hujus confessionis non erat ante Concilium Lateran. IV. sub Innoc. III. ergo non censebatur divinitus instituta. Prob. ant. Nullibi ante illud legitur præcepta; ergo &c.

Resp. dist. 1. ant. & 2. conf. Non erat quoad tempus de-

[1] hom. 21. ad pop.

determinatum confitendi, conc. quoad institutionem; & usum, neg. ant. & 2. conf. Ibi determinata est obligatio confitendi saltem semel in anno: nam antea multi ex indevotione, & negligentia sacramentum istud non frequentabant, ut constat ex Trident. Neque enim per Lateran. Concilium Ecclesia statuit, ut Christi fideles confiteantur, quod jure divino necessarium, & institutum esse intellexeris; sed us præceptum confessionis saltem semel in anno ab omnibus.... impleatur.

Objic. 3. ex Scoto, Non potest facile improbari, qui dicit obligationem sacramenti pœnitentiæ cadere sub præcepto Ecclesiæ; ergo probabile putat institutionem, & obligationem hanc esse de jure humano, non divino.

Resp. neg. ant. nam esto Scotus putarit id de obligatione annuæ confessionis, tamen positivè id negat de institutione. Idèd arguit glossatorem, qui dicebat, *In universali Ecclesiæ traditione ortam esse hanc obligationem.* Scotus verò dicit, *Salva gratia sua irrationabiliter loquitur;* & tempore Scoti non erat definitum, quod sit de institutione divina, sicut definitum est à tempore Conc. Flor. & Trid. Sed vide in Reportatis, ubi hoc jus Divinum agnoscit.

QUÆSTIO II.

De necessitate confessionis: an, & qualis sit.

Suppono ex dictis, sacramentum esse necessarium necessitate medii, quando sic juvat ad salutem, ut sine illo non possimus salvari: talis est baptismus in re, vel in voto; vel necessitate præcepti, quando obligatio venit ex lege positiva Dei, vel Ecclesiæ, aut ex naturali dictamine rationis. Sic quærimus, an confessio sacramentalis sit necessaria alterutra necessitate.

Suppono 2. quod quæ dicuntur de jure naturali, sunt vel prima principia practica, quæ per se, & ex terminis nota sunt, vel conclusiones ex eis immediatè illatæ, aut demonstratæ, aut saltem illis conformes, licet ex eis non inferantur evidenter. Hæc patent ex dictis de legibus.

CON-

CONCLUSIO I.

Confessio sacramentalis non est de necessitate juris naturæ, sed divini positivi. Est communis quoad 1. p. & de fide quoad 2. contra Hæreticos.

Prob. 1. p. ex Scoto: Dico, quòd non tenetur quis præcepto legis naturæ ad confessionem peccati, de qua quæritur, quia tunc obligatio hæc fuisset in statu, vel tempore cuiusque legis, quod falsum est, quia nec erat innocentie, nec legis Mosaicæ, &c. ergo &c.

Prob. 2. „Jus naturæ est idem apud omnes nationes, eò quòd non aliqua constitutione, sed instinctu naturæ ubique habetur, ait Isid. Et, ut dicebat Cicero, [1] „Jus naturale est, quod non opinio genit, sed innata quædam vis inseruit: Sed talis non est obligatio confessionis; ergo non est de jure naturæ.

Prob. 3. Non est major, nec alia obligatio confitendi, quàm potestas absolvendi, ambæ ex eodem jure oriri debent, sed potestas absolvendi confessos non est de jure naturæ, alioqui esset eadem in omnibus, sicut & natura; ergo nec obligatio confitendi.

Prob. 2. p. ex dictis tum ex Scriptura, tum ex Conciliis, & Patribus: nam constat confessionem hanc fuisse institutam à Christo ut necessariam ad remissionem peccatorum: nam hoc ipso, quod dedit potestatem, & commissionem Apostolis remittendi peccata, voluit peccatores ad illos recurrere, & illis peccata sua exponere, ut videant, quæ sint remittenda, aut retinenda; ergo &c.

Prob. 2. De fide est, quòd Christus Dominus instituit Apostolos, & eorum successores ad remittenda, vel retinenda peccata; ergo de fide est, quòd voluit, ut peccatores, qui vellent sibi remitti peccata, recurrant ad eos, aperiendo eis peccata remittenda. Prob. conf. Nam qui officium aliquod instituit, & jurisdictionem confert, instituit etiam inferiores, & omnia necessaria ad usum talis officii; sed per eam potestatem instituit Apostolos judices super peccatores, ut peccata eorum dimittant, vel retineant, & illi non possunt

exerc-

[1] 2. de Inv.

exercere tale officium, nisi isti teneantur ad illos recurrere, & illis aperire peccata remittenda per confessionem; ergo hæc obligatio nascitur ex illa institutione Divina.

Calvinus dicit hanc consequentiam valere, si valeat antec. scil. si verum sit, quod Sacerdotes habeant veram potestatem à Christo remittendi peccata; sed nisi velit cecurire ad lucem, non potest de illo dubitare, suppositis verbis Christi in Evangelio, *Accipite Spiritum Sanctum: quorum remiseritis peccata, remittuntur eis*, &c.

Confir. nam ex Conciliis Sacerdos non solum scire debet peccata, quæ remittenda sunt, & quæ retinenda, sed etiam imponere pro illis congruas satisfactiones; sed hæc scire, nec imponere potest sine confessione voluntaria peccatorum; nec enim hoc debet extorqueri per tormenta, aut per viam inquisitionis, imò id possibile non est de peccatis secretis, & mentalibus; ergo &c. Prob. maj. & simul hæc pars conclusionis: nam ex Synodo VI. in Trullo, *Oportet eos, qui solvendi, & ligandi potestatem acceperunt, peccati qualitatem considerare, & ejus, qui peccavit, ad eam conversionem promptum studium, & sic morbo convenientem asferre medicinam*, &c. Et in Carthagin. III. *Ut pœnitentibus secundum peccatorum differentiam Episcopi arbitrio pœnitentiæ tempora decernantur*; & sic de aliis; ergo patet 1. malè Hæreticos prætere obligationem confessionis ortam ex Concilio Lateran. 2. Confessionem debere esse exactam de omnibus peccatis; & 3. illam fuisse institutam à Christo, cum dedit Apostolis potestatem remittendi, & retinendi peccata, seu ligandi, & solvendi.

Prob. 3. ex Patribus: nam inquit Tertull. „Peccator restituendo sibi institutam à Domino exomologesim, sciens præterivit illam. *Es Origen.* Si revelaverimus peccata non solum Deo, sed & iis, qui possunt mederi vulneribus nostris, & peccatis, delebuntur ab eo, qui ait: Ecce deleo ut nubem iniquitates tuas. *Es S. Basil.* Necessariò iis peccata aperiri debent, quibus credita est dispensatio inferiorum Dei. *Es S. Leo*, Jesus hanc Ecclesiæ Præpositis tradidit potestatem, ut & pœnitentibus actionem pœnitentiæ darent, & eisdem salubri sa-

„ rificatione purgatos ad eam communionem sacra-
 „ mentorum per januam reconciliationis admitte-
 „ rent. *Et Sozomenus*. Pœnitentibus veniam dare
 „ iussit, & ad impetrandam veniam peccata confite-
 „ ri necesse est.

Hæc autem, & similia probant non solum usum confessionis sacramentalis esse ab initio natæ Ecclesiæ, sed etiam à Christo Domino institutum, & præceptum. Dico *sacramentalis*: nam pro confessione publica non erat necesse tot Sacerdotes destinari, nec cum tanta cura audiendi peccatorum varietates, nec erat adeò necessaria ad internam remissionem. Unde *confessio*, de qua hic loquimur, *tantum relevat, quantum exaggerat dissimulatio*, ait Tertull. cit.

Objic. 1. cont. 1. par. Adam, Cain, & Job arguuntur, quia non confessi sunt peccatum suum; sed non poterant ad eam confessionem teneri, nisi ex lege naturæ; ergo hæc lex obligat ad confessionem. Min. patet: nam tunc sola illa lex vigeat. Prob. maj. Nam Adam [1] dicit, *abscondi me*; & Cain respondit Deo, *nunquid custos fratris mei sum ego?* & Job se justificat, [2] quod *non absconderit peccatum suum*; ergo tunc necessaria erat confessio peccatorum.

Resp. dist. maj. Quia non confitebantur Deo interroganti juridicè, & jure divino, conc. sacramentaliter, neg. maj. & 2. conf. Peccavit Adam, si celare voluit peccatum suum, & Cain nolens illud confiteri Deo interroganti, & sic peccasset Job, si eidem Deo peccatum aliquod celare voluisset; sed illæ confessiones non fuissent sacramentales, ut nostræ, & obligatio confitendi Deo est naturalis, non ista.

Objic. Præcepta communia legibus antiquæ, & novæ sunt de jure naturæ; sed præceptum de confessione est commune utrique legi; ergo &c. Prob. min. Nam in antiqua præcipitur Sacerdoti, [3] *ut posita utraque manu super hircum, confiteatur universa peccata filiorum Israel*. Et Josue ad Acham dicebat, [4] *Fili mi da gloriam Deo Israel, & confitere quid feceris*. Et Salomon, [5] *Iustus prior est accusator sui*. De lege nova id fatemur; ergo &c.

Resp. neg. maj. Non enim est necessariò vera: nam

[1] Gen. 1. & 4. [2] Job. 13. [3] Lev. 16.
 [4] Jos. 7. [5] Prov. 18.

plura possunt in utraque præcipi per leges positivas distinctas.

Resp. 2. dist. min. Est commune secundum quid, conc. simpliciter, neg. min. confessiones illæ in lege veteri non erant sacramentales, ut sunt in nova.

Objic. 3. Propositio illata ex principiis practicis per se notis est de lege naturæ; sed talis est necessitas confessionis; ergo &c. Prob. min. Hæc propositio, *homo tenetur confiteri peccata sua*, infertur ex his principiis per se notis, *homo reus judicandus est per alium, non per se ipsum*; sed non potest judicari per alium, nisi confiteatur reatum; ergo &c.

Resp. neg. 1. min. & dist. 2. maj. Per alium, qui sit Deus, vel homo, conc. qui sit homo talis, vel talis, neg. maj. & conf. nam illud principium potest intelligi de Deo, vel homine, non de isto solo. Imò id proprium est soli Deo de jure naturæ. *Quis sit iste alius, non est notum per rationem naturalem*, ait Doctor: *Ille enim solus per se est retributor meritorum, & punitor peccatorum*.

Resp. 2. neg. 2. min. quia Deus non eget confessione, quia *scrutatur renes, & corda*. Et, *Omnia sunt nuda, & aperta oculis ejus*; ergo illa necessitas confessionis non infertur naturaliter ex illo principio practico.

Objic. 1. cont. 2. p. Deus ad remittenda peccata non exigit nisi contritionem, seu gemitum cordis: *Quoniam ingemueris peccator*; ergo non exigit confessionem factam aliis hominibus.

Resp. neg. ant. Nam multa alia exigit, ver. gr. observantiam mandatorum, & de confessione patet ex fundamentis conclusionis.

Inst. Leges naturæ, nec scripta non exigebant confessionem, quæ durior erat; ergo hanc non exigit in lege nova, quæ est suavior.

Resp. neg. conf. Nam in lege nova utilitas confessionis largè compensat duritiam ejus, quia per illam cum attritione homo certissimè veniam obtinet omnium peccatorum, quam in veteri lege non obtinebat sine perfecta contritione, & longè minus abundantem cum multis aliis bonis, quæ ex hoc labore reportat, ut sunt consolationes internæ, & externæ, consilia salutaria, &c.

Inst. 2. Christus à peccatoribus, quos absolvebat, non

non exigebat confessionem istam; ergo multò minus Sacerdos debet eam exigere, quia non absolvit, nisi ministerialiter.

Resp. neg.conf. quia Christus non egebat confessione, ut videret peccata, benè verò Sacerdos, ut sciat quænam debeat remittere, aut retinere, & quæ remedia adhibere.

Objic.2. Patres videntur docere peccata remitti sine confessione, ut Ambros.[1] de Petro. „Non in-
„venio, quid dixerit, invenio, quod fleverit; lacry-
„mas lego, satisfactionem non lego.... Lavant la-
„crymæ delictum, quod pudor est voce confiteri. *Et*
„*Aug.*[2] Quid mihi est cum hominibus, ut audiant
„confessiones meas, quasi sanaturi sint omnes lan-
„guores meos? *Ec.* *Et S. Prosper dicit, quòd pecca-*
„tores lacrymis ex vera cordis compunctione fluen-
„tibus restinguunt æterna ignis incendia. Idem est de
aliis; ergo sufficit contritio sine confessione.

Resp. neg.conf. 1. ex facto Petri nihil infertur, quia tunc non erat institutum hoc sacramentum, ut notat Doctor. [3] 2. August. non loquitur de confessione sacramentali, sed de satisfactoria, & ipse tot libros scripsit suarum confessionum. 3. S. Prosper loquitur de publica, ut patet ex verbis ejus.

Objic.3. In Ecclesia diu dubitatum est, an confes-
sio esset de jure divino, ut patet ex Gratiano. [4]
„Sunt, qui dicunt, quemlibet sine confessione facta
„Ecclesiæ Dei, Sacerdotali judicio, veniam crimi-
„nis posse mereri. *Et cap. Omnis sic concludit: [5]*
„Non ergo in confessione peccatorum peccatum re-
„mittitur, quod jam remissum esse probatur. Fit
„itaque confessio ad ostensionem pœnitentiæ, non
„ad impetrationem veniæ. *Et infra. Quibus autho-*
„ritatibus, & firmamentis utraque sententia satisfa-
„ctionis, & confessionis innitatur in medium brevi-
„ter exposuimus. Cui autem harum potius adhæ-
„rendum sit, lectoris judicio reservatur. Utraque
„enim fautores habet sapientes, & religiosos viros;
ergo tempore Gratiani, qui vivebat circa ann. 1150.
quæstio de necessitate confessionis erat problematica.

Resp. neg.conf. Nam licet Gratianus fuisset in hoc

erro-

[1] lib. 10. in Luc. 22. [2] 10. conf. 3. [3] ibid. X. 29.

[4] de pœnit. d. 1. c. 37. [5] c. 89. Quamvis.

errore, sicut & Glossator, id non præjudicaret huic veritati, nec faveret hæreticis. In cap. autem *Quamvis*, quod citat ex Leone Papa, patet ibi hæc dici de pœnitentia publica: nam sic concludit. „ Sufficit illa confessio, quæ primùm Deo offertur, tum etiam „ Sacerdoti, qui pro delictis pœnitentium precator „ accedit; tunc enim demum plures ad pœnitentiam „ poterunt provocari, si populi auribus non provocetur conscientia confitentis. Vides improbari confessiones, quæ publicantur, & commendari secretas. De mente verò Gratiani parum curandum est, si loquatur de secretis.

Inst. Ibidem notatur ex Theodoro Cantuariensi. „ Quidam soli Deo peccata confiteri debere dicunt, „ ut Græci, quidam verò Sacerdotibus confitenda „ esse percensent, ut tota ferè Ecclesia; ergo apud Græcos hæc confessio non putabatur de jure divino.

Resp. dist. conf. Apud Græcos schismaticos, transeat; apud Græcos fideles, neg. conf. Nam peritiores morum, & rituum Ecclesiæ Græcæ, ut Cabasilus explicans Liturgiam ait. „ Scimus post mortem Christi „ etiam fide, & pœnitentia, & confessione opus esse, & Sacerdotum oratione, nec potest homo absolvi à peccatis, nisi hæc præcesserint. Et Hieremias Patriarcha Cōstantinopolitanus in censura Confessionis Augustanæ ait. „ Vidimus cum, qui confitetur, tunc demum perfectam consequi suorum „ peccatorum curationem, si peccata omnia, omnesque eorum partes recensuerit, & confessus fuerit; ergo malè hic error tribuitur Græcis fidelibus.

Inst. 2. „ Confessio, quæ soli Deo fit, quod est iustorum, purgat peccata, ea verò, quæ fit Sacerdotibus, docet qualiter ipsa purgentur, &c. ergo confessio coram Sacerdotibus non est sacramentalis causans gratiam ex institutione Christi.

Resp. neg. conf. Imò hæc verba docent confessionis efficaciam, & differentiam ejus ab interna, quæ soli Deo fit: nam illa est signum sensibile illius remissionis, quam confert Deus *invisibili administratione*; cum in illa conferatur *visibili operatione medicorum*, idest Sacerdotum, ait Glossa; & sic homo fit certior de venia in hac confessione externa, quam per confessionem internam soli Deo factam.

Inst.

Inst. 3. Joannes Teutonicus, seu Glossator [1] dicit confessionem introductam jure humano; ergo non est de jure divino.

Resp. cum Scoto, Glossatorem *irrationabiliter loqui*, quia deberet assignare tempus, & Concilium, & Canonem, quo Ecclesia id præcepit: *Certe*, inquit, *Ecclesia non tentasset tam arduum onus imponere omnibus christianis, nisi esset præceptum divinum.*

Inst. 4. Ipsi Theologiæ Scholasticæ proceres docent confessionem hanc esse tantum de jure humano, ut Hugo Victor. dicens Christum non præcepisse hominibus peccata sua confiteri. Petrus Lombardus in hoc est dubius, & affert rationes in utramque partem. Alensis dicit, quod *Dominus non instituit confessionem, ut erat exercenda ab ipsis penitentibus.* S. Bonaventura: *Non est data virtus sacramenti ipsi confessioni, sed absolutio- ni; ideo recte hominibus puris institutio debuit reservari;* ergo institutio, & præceptum confessionis non est de jure divino, sed humano.

Resp. dist. ant. & conf. De jure humano quoad promulgationem & explicitè, & modum confitendi, conc. implicitè, & potestativè, & quoad institutionem, neg. ant. & conf. Non enim id rectè infertur ex verbis Doctorum illorum. *Christus formaliter, & potestativè instituit sacramentum istud*, ait Alensis. Fuit ergo confessio à Domino insinuata, & ab Apostolis auctoritate illius tradita, à Domino in clavis collatione instituta, & ab Apostolo Jacobo promulgata. Idem est de S. Bonaventura, sc. quod Christus hoc sacramentum per se instituit quoad formale, quod est potestas absolvendi, quoad materiale verò, sc. confessionem, *Credo, quod non per se instituit, & si dicatur instituisse, hoc est intelligendum insinuando, & auctoritatem dando*, &c. ergo censent eam esse de jure divino, saltem mediatè, & indirectè, quod sufficit.

Objic. 4. Deus impossibilia non jubet; sed confessio omnium peccatorum est impossibilis; ergo &c. Prob. min. nam peccata nostra sunt innumera, & fugiunt non solum memoriam, sed & intellectum; ergo impossibilis est eorum omnium integra confessio. Prob. ant. [2] *Delicta quis intelligit?* Item, *Iniquitates mee supergressæ sunt caput meum*; ergo &c.

Resp.

[1] d. 5. de initian. n. 9. [2] Psal. 12. & 38.

Respon. neg. min. & dist. 1. ant. Peccata leviora sunt innumera, transeat, graviora, neg. antec. & conseq. nam 1. cum ista fiant majori cum deliberatione, & in materia gravi, non ita fugiunt mentem, nec memoriam. 2. non est difficile illa confiteri Sacerdoti magis, quàm Deo; sed Calvinus docet hæc esse confitenda Deo, & hanc confessionem non putat impossibilem; ergo nec illa est impossibilis. 3. quia supponit falsum, scilicet exigi confessionem integram ultra possibilitatem moralem, de quo infra. 4. quia si peccator cognoscit se esse labilioris memoriæ, debet frequentius confiteri, dum peccatorum recordatur.

Inst. Saltem illa conscientiæ scrutatio turbat nimium pacem animæ, & minuit fiduciam in Deum, & vexat mentem; ergo est onus importabile, & alienum à suavitatem legis Euangelicæ, & bonitatis divinæ.

Resp. neg. ant. Nam qui diligentiam moraliter possibilem adhibuit in examine conscientiæ, & syncerè omnia, quæ occurrunt, aperire intendit, magnam potius acquirit animæ tranquillitatem, Deo ipso, qui corda novit, inspirante.

CONCLUSIO II.

Confessio sacramentalis est etiam necessaria in re, vel in voto necessitate mediæ ad remissionem mortalium post baptismum commissorum. Est communis.

Prob. 1. ex Scoto: [1] nam inquit, simpliciter necessaria est confessio, ut pars sacramenti; sed hoc sacramentum est necessarium necessitate mediæ ad remissionem peccatorum post baptismum commissorum. Est autem hoc sacramentum penitentiae lapsis post baptismum ad salutem necessarium, ut nondum regeneratis baptismus.

Prob. 2. ex Conc. Trid. [2] Universa semper intellexit Ecclesia institutam esse à Domino integram peccatorum confessionem, et omnibus post baptismum lapsis jure divino necessariam esse. Et superius dixerat justificationem contritioni perfectæ non adscribi sine voto sacramenti, quod in ea includitur; ergo censet peccata non remitti sine sacramento confessionis in re, vel in voto, quod colligitur etiam ex can. 6. & 7.

Tom. VIII.

L

Prob.

[1] d. 16. q. 1. E. [2] sess. 14. c. 5.

Prob. 3. ex Script. cit. Nam frustra Christus Petro, & successoribus potestatem dedisset remittendi, & retinendi peccata, & claves Regni, si possent peccatores ingredi Regnum illud sine illis; sed hoc possent, nisi sacramentum istud esset necessarium absolute, & necessitate medii; ergo &c.

Confirm. Id dicitur necessarium necessitate medii, sine quo finis haberi non potest; sed remissio peccatorum à lapsis haberi non potest sine confessione illorum, supposita huius sacramenti institutione; ergo &c. Prob. min. nam si aliter haberi posset, maxime per contritionem ex charitate; sed per istam haberi non potest illa remissio sine sacramento, saltem in voto, ut patet ex Concilio cit. ergo &c.

Prob. 4. ex Sanctis Patribus: nam Fabianus Papa dicit, *Peccatores in barathrum delabi, nisi eis sacerdotali auctoritate subventum fuerit.* Et Tertullianus, *An melius damnari, quàm palam absolvi?* Et Lactantius, *Negari veniam celantibus peccata.* Et Hieronymus, *Si erubescit ægrotus vulnera confiteri medico, quod ignorat, medicina non curat.* Et Augustinus, *Nemo dicat, occultè apud Deum ago, in corde ago; (pœnitentiam) ergo frustra dictum est: Quæ solveritis in terra, erunt soluta & in cælo; ergo frustra data sunt claves regni cælorum: frustramur Euangelium Christi: promittimus nobis, quod ille negavit, scilicet si prætendimus remissionem peccatorum, & ingressum cæli sine Ecclesiæ clavibus.*

Objic. Illa necessitas non constat ex Euangelio; ergo gratis asseritur. Prob. ant. si constaret, maxime his verbis: *Quorum remiseritis, &c.* sed hoc non probat; ergo &c. Prob. min. nam ille textus tam intelligitur de venialibus, quàm de mortalibus; sed ad remissionem venialium confessio non est sic necessaria; ergo nec mortalium, saltem ex hoc textu.

Respond. neg. antec. & 1. min. & 2. maj. Nam hic textus per se intelligitur de mortalibus, quia his solis clauditur nobis regnum cælorum, & hæc sola possunt retineri à ministris huius sacramenti; per accidens autem intelligitur de venialibus, pro quibus confessio non est necessaria.

Inst. Adhuc verba illa verificarentur, quamvis confessio non esset necessaria, sed tantum utilis, & suffi-

sufficiens ; ergo hinc non satis inferitur talis necessitas.

Resp. neg. ant. Nam ex illa sufficientia non haberetur integra illa potestas remittendi , & retinendi peccata : nam quoad hoc posset frustrari non consistendo retinenda .

Objic. 2. Sola præcepta decalogi sunt de necessitate mediis : nam Christus aliud non exigit . *Si vis ad vitam ingredi, serva mandata* ; ergo alia non sunt necessaria ad salutem ; ergo &c.

Respond. neg. anteced. & consequ. Nam sicut sunt alia mandata in lege positiva , præter illa antiqua , & inter hæc adest istud ; ita & confessio est adhuc necessaria , maxime pro transgressoribus mandatorum decalogi.

Objic. 3. Muti , aut qui non sciunt linguam , aut qui non habent confessarium , non possunt confiteri , & tamen non damnantur , modò sint contriti ; ergo confessio non est simpliciter de necessitate mediis ad salutem , aut remissionem peccatorum.

Resp. 1. neg. conf. Nam istis necessaria est confessio , saltem in voto , quod sufficit nobis .

Resp. 2. neg. ant. Nam infra videbimus , qualiter illi homines ligentur hoc præcepto , & huic necessitati subjaceant .

Dixi , *in re , vel in voto* , quia si aliquod impedimentum obstet confessioni , & hæc sit moraliter impossibilis , sufficiet voluntas sincera , & formalis , aut virtualis confitendi quàm primum , & illud votum concurret ad justificationem mediante contritione.

Dixi 2. *ad remissionem mortalium* : nam venialia , ut diximus , non sunt de materia necessaria hujus sacramenti , & remitti possunt aliis mediis .

Dixi 3. *post baptismum commissorum* : nam Ecclesia non utitur potestate clavium nisi in subditos ; homines verò non fiunt subditi Ecclesiæ ante baptismum , ut dictum est.

QUÆSTIO III.

De subiecto confessionis sacramentalis, quibusnam sit necessaria.

EX dictis certum est, ac paret infantes ante usum rationis, nec amentes, qui non sunt capaces peccati, non teneri ad confessionem, quia non habent aliud peccatum præter originale, quod non est materia hujus sacramenti. Quæstio ergo procedit de solis baptizatis habentibus usum rationis sufficientem ad peccandum.

Suppono etiam, quod hæc necessitas considerari potest quoad jus divinum positivum, de quo diximus illam oriri, vel positivum humanum, sc. quatenus ex Ecclesiæ præcepto tenetur fidelis ad confessionem annuam, de qua infra.

CONCLUSIO I.

Omnes baptizati adulti habentes usum rationis, & peccata mortalia post baptismum commissa tenentur ad confessionem. Est communis.

Prob. 1. ex Scoto. [1] Dico, quia adultus habens usum rationis, & cognoscens peccatum, quod commisit... debet confiteri, & quidem ex jure Divino, alioqui Papa, nec infideles ad id non tenerentur, quia supponuntur subijci legibus Ecclesiæ.

Prob. 2. ex Conciliis. Nam in Lateranensi declaratur, quod omnis utriusque sexus fidelis, postquam ad annos discretionis pervenerit, omnia sua solus peccata confiteatur, &c. Et Tridentinum [2] declarat, confessionem integram peccatorum omnibus post baptismum lapsis jure divino necessariam existere: quia Dominus... Sacerdotes sui ipsius vicarios reliquit tanquam præfides, & judices, ad quos omnia mortalia crimina deferantur, &c. ergo omnes ratione utentes, & habentes peccata mortalia post baptismum commissa tenentur ad confessionem.

Prob. 3. de baptizatis: nam ex Concilio Tridentino cit.

[1] d. 17. K. 18. n. 10,

[2] sess. 14. c. 1.

cit. Confessio pro non baptizatis non est sacramentalis cum Ecclesia in neminem iudicium exerceat, qui non primum in ipsam per baptismi januam fuerit ingressus. Et Christus instituit sacramentum penitentiae pro iis, qui post baptismum in peccata labuntur; ergo hæc obligatio cadit in solos baptizatos; ideo dicitur *secunda post naufragium tabula*.

Prob. de adultis, & habentibus usum rationis: nam infantes, & perpetuò amentes, & alii pro tempore, quo carent usu rationis, non sunt capaces actuum, qui sunt essentialès confessioni, non discernunt peccata, nec sunt capaces peccati, nec meriti; ergo nec confessionis, nec detestationis peccati, nec propositi de non peccando, &c.

Prob. 3. p. de habentibus peccatum mortale. 1. quia inquit Doctor, [1] *Continet etiam hoc præceptum, quid debeat confiteri sc. peccatum mortale, & non aliud: nam per veniale nullus periclitatur extra navem Ecclesiæ, quia peccatum veniale stat cum perfecta charitate, quæ est navis salvans, &c.* Uno verbo, peccatum veniale non est materia necessaria confessionis sacramentalis, ut diximus.

Confir. ex Concilio Tridentino cit. dicente, quod hoc sacramentum institutum est ad reconciliandos fideles post baptismum lapsos: Sed qui non habent peccata mortalia, non egent reconciliatione; ergo nec confessione. Idem docet, quod Christus instituit Sacerdotes iudices, ad quos omnia mortalia deferuntur. Et quod venialia, quibus à gratia Dei non excludimur, & in quæ frequentius labimur, quamquam recte, et utiliter in confessione dicantur ... taceri tamen citra culpam, multisque aliis medijs expiari possunt.

Igitur omnes, & soli adulti, & baptizati habentes peccata mortalia post baptismum commissæ sunt subiecti hujus confessionis, & è contra infideles ante baptismum, & fideles, qui non habent mortalia, non tenentur ad illam, licet isti possint confiteri, & absolvi, non autem illi, saltem confessione, quæ sit sacramentalis.

Objic. 1. cont. 1. par. Obligatio ad confessionem per nos est de jure divino; sed jus divinum extenditur etiam ad infideles, & ad non baptizatos; ergo &c.

L 3

Prob.

[1] *ibid.* M. 19.

Prob. min. nam infidelitas non extrahit hominem à jurisdictione divina.

Resp. dist. maj. & min. De jure divino respectu hominum capacium hujus sacramenti, conc. maj. & neg. min. respectu incapacium, neg. maj. & conf. nam infideles non sunt capaces hujus sacramenti, quia sunt extra Ecclesiam, alioqui obligaret etiam infantes, & amentes, qui subsunt juri divino.

Objic. 2. Scotus supponit infideles obligari ex hoc jure; ergo sunt subjecti confessioni. Prob. antec. nam, ut probet confessionem non esse de jure positivo Canonico, sic arguit: *Si hoc esset, non videretur, quod infideles tenerentur ad præceptum de confessione, quia ex Apostolo, Quid mihi est de iis, qui foris sunt?* ergo ex Scoto si confessio est de jure divino, obligat non baptizatos.

Respon. neg. ant. & 2. conseq. nam Scotus sic argumentatur ad hominem contra Canonistas illos, qui putant hoc præceptum non esse de jure Divino, sed Ecclesiastico, non autem ex mente sua, qui putat illud esse divinum.

Inst. Qui tenetur ad totam legem, tenetur ad singulas ejus partes; sed quilibet infidelis tenetur ad totam legem divinam; ergo & ad istam partem.

Resp. dist. maj. Ad singulas partes, quarum est capax, conc. simpliciter, & absolute, neg. maj. & conf. ob rationem mox allatam.

Inst. 2. Infidelitas non eximit ab obligatione suscipiendi baptismi; ergo nec ab ista. Prob. conf. nam alioqui traherent emolumentum ex infidelitate, sc. hanc exceptionem; sed conf. est absurdum, nulli enim debet prodesse sua iniquitas; ergo &c.

Resp. neg. conf. & maj. Imo ex infidelitate privantur beneficio hujus sacramenti, nec enim illa obligatio est onerosa, sed salutaris, & maxima est poena illius incapacitas, & privatio, donec susceperint baptismum, & fidem.

Inst. 3. Saltem obligantur mediante obligatione ad baptismum; ergo &c.

Respond. neg. consequ. Hoc enim non facit contra nos, qui loquimur de obligatione immediata. Deinde etiam supposita obligatione ad baptismum, adhuc possent non obligari ad confessionem, scilicet

si post.

si post baptismum non peccarent.

Objic. 3. Infideles obligantur ad Eucharistiam; ergo & ad confessionem, quæ est præparatio ad eam. Prob. ant. nam præceptum Eucharistiæ intimatum fuit non baptizatis, sc. Judæis; illis enim dixit, *Nisi manducaveritis carnem filii hominis*, &c. ergo &c.

Respond. neg. antec. & 2. conseq. nam *panis filiorum non est mittendus canibus*. Et certè quando hæc dixit Christus, nondum instituta erat Eucharistia; ergo non intendebat Judæos, nec alios ad hoc obligare præ tunc, & in eo statu, sed pro tempore, & post baptismum.

Objic. cont. 2. par. Infantes debent baptizari; ergo & confiteri: non enim magis sunt capaces actuum baptismi, quàm confessionis, v. gr. actuum fidei, & intentionis, &c.

Respond. neg. conseq. & disparitas venit ex voluntate Christi instituentis baptismum pro parvulis, & amantibus, ita ut sufficiat fides, & consensus parentum, aut ministrorum ad eos baptizandos. Non ita est de confessione: in illo infantes se habent merè passivè, in ista pœnitens se habet activè; illi peccarunt voluntate aliena, iste propria, &c.

Objic. 1. contra 3. partem. Peccatum veniale est materia confessionis; ergo sufficit ad obligationem confitendi.

Resp. dist. ant. Est materia sufficiens, & voluntaria; conc. necessaria, neg. ant. & conf. nam hoc sacramentum est institutum, ut *secunda post naufragium tabula* necessaria, & sine qua nō emergitur ex naufragio, ut sacramentum reconciliationis; veniale autem non est naufragium animæ, nec dissolvit amicitiam Dei, ideo non eget tali tabula, nec reconciliatione.

Inst. Qui non haberet nisi venialia, adhuc teneretur ex præcepto Ecclesiæ ad confessionem annuam; ergo & ex præcepto Divino: nam istud longè magis urget.

Resp. neg. ant. Nec enim ea fuit intentio Ecclesiæ, ut diximus ex Scoto, & aliis.

Inst. 2. Si habens solum venialia non teneretur ad confessionem jure divino, posset quis pro toto vitæ cursu eximi à confessione; sed hoc est falsum; ergo & illud, alioqui frustra esset instituta.

L 4 Resp.

Resp. neg. min. & rationem ejus: nam, ut non sit frustra, sufficit, quod sit saluberrima ferè omnibus, quia paucissimi sunt, qui per totum vitæ decursum, imò & per annum immunes sint à peccato mortali, & sufficit, quod possit prodesse omnibus.

Objic. 2. Præceptum confessionis non minùs obligat habentes venialia, quam præceptum baptismi obligat innocentes; sed istud obligat etiam innocentes; ergo &c. Prob. min. nam B. Virgo debuit baptizari, licet purissima etiam ab originali.

Resp. neg. maj. Nam per baptismum non tantùm abluimur à peccato, sed etiam adscribimur in familiam Christi, qui illum præcepit non solum in remissionem peccati, sed ad ingressum regni ejus: *nisi quis renatus fuerit ex aqua, non potest introire*, &c. istud autem sacramentum præcisè institutum est ad remissionem peccati, *Quorum remisistis*, &c.

Hinc colligis, quod B. Virgo non tenebatur ad hanc confessionem, quæ dicitur *fraudis*, seu *pœnitentialis*, quia immunis fuit ab omni genere peccati.

Idem est de Apostolis post eorum confirmationem in gratia per adventum Spiritus Sancti, maxime si abstinuissent ab omni veniali, non autem si mortaliter peccassent: nam tunc obligati fuissent ad hanc confessionem, sicut & nos.

Idem est de aliis sanctis viris, aut fœminis, qui dicuntur mortui in gratia baptismali, licet non fuerint sine aliquot venialibus.

Dices: per nos B. Virgo fuit capax habitus pœnitentiæ; ergo & actuum ejus, seu confessionis, alioqui frustra esset ille habitus.

Resp. neg. conf. & prob. ejus: nam habitus ille inclinat ad amandam virtutem pœnitentiæ, & confessionis etiam in aliis, quod sufficit, ut non sit frustra.

CONCLUSIO II.

Justificati extra sacramentum per contritionem tenentur ad confessionem quam primum possunt; muti etiam tenentur per signa. Est communis.

Prob. 1. ex Scoto. [1] Dico, quod contritio habet propositum, seu promissionem confessionis secuturæ, et sic non dele-

[1] d. 17. X. 30.

deletur peccatum sine proposito confitendi. Et quoad mutum, qui non potest loqui, dicit, [1] quod talis debet confiteri per interpretem, vel per aliqua signa, quæ possunt nota esse sacerdoti.

Prob. 1. p. ex Constit. Sixti IV. [2] an. 1478. contra Petrum de Oxima, quatenus docebat, peccata mortalia quantum ad penam, et culpam alterius sæculi deleri per solam contritionem cordis, sine ordine ad claves. Et Papa definit, necessariam esse confessionem in re, vel in voto. Et Concil. Trident. [3] dicit, Penitentiam, qua justificamur post baptismum, continere non modo cessationem à peccatis, et eorum detestationem, aut cor contritum, et humiliatum, verum etiam eorumdem confessionem sacramentalem, saltem in voto, et suo tempore faciendam. Et infra docet, [4] reconciliationem perfectam contritione obtentam non esse illi contritioni adscribendam sine sacramenti voto, quod in ea continetur. Item agnoscit confessionem ut partem essentialem actuum poenitentis, in quibus consistit quasi materia hujus sacramenti. Denique docet, [5] quod si Sacerdos, necessitate urgente, absque prævia confessione celebraverit, et licet per contritionem perfectam justificatus fuerit, debet quam primum confiteri; ergo illa contritio continet votum sacramenti, quod quam primum debet impleri.

Prob. 3. quia si sic justificari non tenerentur justificari, frustraretur institutio hujus sacramenti, & potestatis clavium, & præceptum confessionis; sed hæc sunt absurda; ergo &c. Prob. maj. nullus esset peccator, qui non conaretur conteri ad vitandum laborem, & ruborem confessionis; ergo &c.

Confir. ex dictis de baptismo in pari casu: nam eadem est ratio de utroque: nam sicut baptismus est necessarius ad primam justificationem, ita & poenitentia est secunda post naufragium tabula necessaria; ergo sicut adultis necessarius est baptismus in re, vel in voto ad primam justificationem, ita & poenitentia ad secundam, qualiscumque sit contritio.

Prob. 2. pars: nam muti non dispensantur à lege Evangelica, & possunt peccare mortaliter, & tenentur ad alia præcepta, & sacramenta; ergo & ad istud

L 5 nam

[1] *ibid.* Y. 1. [2] *c. Lic. pro.* [3] *sess. 6. c. 14.*

[4] *sess. 14. c. 4.* [5] *ibid.*

nam eadem est ratio de isto, ac de aliis.

Confirm. Si quid eos eximeret, maximè quia non possunt loqui, & exprimere verbis peccata; sed hoc non eximit eos; ergo &c. Prob. min. nam possunt ea exprimere aliis signis, sicut & alios suos conceptus, & desideria; ergo & peccata. Prob. ant. Nutibus possunt contrahere matrimonium, &c.

Confir. 2. ex praxi Ecclesiæ, quæ admittit eos ad confessionem, & absolutionem; ergo censet eos capaces huius sacramenti; ergo & ipsi ad illud tenentur. Unde in Concilio Arausicano I. dicitur, quod *pœnitens obmutescit, & nutibus confiteatur, absolvendus est.*

Objic. I. cont. 1. par. Iustificati non habent materiam confessionis, nec absolutionis; ergo non tenentur confiteri, imò nec possunt, quia sacramentum non potest esse sine sua materia. Prob. ant. Non habent peccata, alioqui non essent iustificati, nec verè dici potest illis, *absolvo te à peccatis tuis*; ergo &c.

Resp. neg. 1. ant. & 2. conf. nam peccata, etiam remissa, sunt materia sufficiens absolutionis. Deinde sunt remissa coram Deo, & insensibiliter, non sacramentaliter, & remanent obligati ad sacramentum ex præcepto, & voto.

Inst. Illa absolutio non solum esset falsa, sed & frustra; ergo & confessio.

Resp. neg. ant. quia novam gratiam operatur, quæ de se est remissiva peccati, quod sufficit, ut non sit frustra, nec inutilis.

Objic. cont. 2. par. Confessio debet esse vocalis æque, ac absolutio; sed in muto confessio non potest esse vocalis; ergo nec bona, aut saltem non est necessaria. Prob. maj. nam in Concilio Florent. [1] dicitur *oris confessio*; ergo debet esse vocalis.

Resp. dist. maj. & ant. vocalis, & oris regulariter, & quoad fieri potest, conc. absolute, ita ut non valeat, nec sit necessaria, quando aliter fieri potest, & non vocaliter, neg. maj. & ant. In casu nostro non potest fieri vocaliter, benè verò per alia signa.

Objic. 2. Ut fiat validè per signa, hæc debent intelligi à Sacerdote, & ab ipso muto; sed neutrum dici potest; ergo nec quod sit necessaria. Prob. min. nam ipse

[1] in Descr.

ipse mutus deberet doceri hæc signa, per quæ se possit explicare de singulis peccatis, & Sacerdos debet scire quid singula significant; sed neutrum est moraliter possibile, maximè si pœnitens sit surdus, & mutus; ergo &c.

Resp. neg. utramque min. nam experientia docet nullum esse mutum, qui per aliqua signa non explicet aliquo modo suas cogitationes, ac desideria. Ipsa bruta animalia non sunt omninò indisciplinabilia.

Inst. Muti, & surdi non possunt doceri obligationem præcepti, nec alias conditiones essentielles confessionis sacramentalis; ergo nec ad istam obligari, quia impossibilis est illis impletio præcepti.

Resp. neg. ant. Nam possunt doceri per exempla aliorum, & per aliqua signa, sicut & de aliis rebus.

Objic. 3. Non habens copiam Sacerdotis excusatur ab hac obligatione; ergo & mutus, & quidem à fortiori, quia in isto est major difficultas, & quasi physica impossibilitas.

Resp. dist. conf. Si sit æqualis ratio, & impossibilitas, conc. absolutè, & per se, neg. conf. Nam cum deest Sacerdos, qui sciat, quid significant nutus, & signa, tunc excusatur ille, quia perinde est, ac si nullus adesset; sed hoc rarum est, & casus metaphysicus.

CONCLUSIO III.

Probabilius est peregrinum, vel eum, qui non habet confessarium, cui non possit confiteri, nisi per interpretem, non teneri sic confiteri. Est communior inter Scrittas, & alios.

Prob. 1. ex Scoto cit. [2] qui non approbat opinionem eorum, qui dicunt, quod ille confiteri debet per signa, vel interpretem, dicens, quod primum illud non videtur necessarium, quia forum istud ex natura sua est secretissimum; ergo non tenetur aliquis ad istud forum aliquo modo publicum. Sed licet interpret velit celare, & teneatur celare, sicut Sacerdos, tamen si velit malignari, & ipse, et Sacerdos possunt esse testes contra accusatum, et ita ex natura hujus accusationis hæc accusatio potest venire in publicum, et ita non est penitentialis.

L 6

Prob.

[1] ibid. X. 31.

Prob.2. ex Tridentino. [1] *Ceterum quoad modum confitendi secretò apud solum Sacerdotem, et si Christus non venerit, quin aliquis in sui humiliationem delicta sua confiteri possit: non est tamen hoc divino decreto mandatum, nec satis consultè humana aliqua lege præciperetur, ut delicta, præsertim secreta, publica essent confessione aperienda, sc. si præciperetur confessio per interpretem, illa non esset secreta; ergo inconsultè præciperetur. Hinc*

Prob.3. quia ex institutione divina confessio sacramentalis debet esse secreta; ergo qui non potest confiteri secretò, non tenetur confiteri; sed confessio per interpretem non esset secreta, saltem ex natura sua; ergo ad eam non tenetur homo. Patet antec, nam Christus, qui jubet correptionem fraternam fieri privatim *inter te, et ipsum solum*, noluit præcipere confessionem publicam de peccatis occultis, quæ posset vergere in detrimentum famæ, aut vitæ, aut bonorum confitentis, nec ita, ut posset publicari. Prob. subf. nam hæc confessio posset publicari: interpretes, & Sacerdos esse possunt duo testes contra confitentem, inquit Scotus. *In ore autem duorum, vel trium stat omne verbum.*

Dices. Saltem obligat ex præcepto Ecclesiæ de antiqua confessione.

Contra. Si non obligat ex jure divino, multo minùs de jure Ecclesiastico.

Objic.1. Confessio est secreta coram solo Sacerdote; ergo & coram interprete. Prob. ant. Est secreta coram Sacerdote, hic tenetur jure divino, & naturali non revelare; sed ita est de interprete; ergo tam est secreta per interpretem, quam coram solo Sacerdote.

Resp. neg. conf. & maj. quia Sacerdos solus quando ex perfidia sacrilega vellet confessa revelare, dicta ejus solius non facerent fidem, sicut facerent duo; idè ratio est diminuta.

Objic.2. ex Scoto. Non esset confitendum per interpretem, quia timeretur publicatio; sed hæc non est timenda ex tali confessione; ergo &c. Prob. min. Non debet timeri de fidelitate interpretis magis, quàm Sacerdotis, quia eodem jure teneretur ad secretum; sed non timetur de fidelitate Sacerdotis; ergo &c.

Resp.

[1] *sess. 14. c. 5.*

Resp. neg. min. & dist. 2. de fidelitate Sacerdotis solius, & seorsim, conc. simul cum interprete, neg. min. ob rationem datam, quia sc. Sacerdos solus, & seorsim non faceret fidem, sicut cum interprete, & ambo simul possent ex malignitate publicare confessa.

Inst. Si inde eximeretur peccator ab hac obligatione, id esset detrimentum famæ; sed ista ratio non semper valet; ergo &c. Prob. min. Qui habet peccata reservata, quæ non vult confiteri superiori, tenetur ab eo petere licentiam absolvendi pro alio confessario; sed tunc deberet peccata revelare pluribus; ergo illa ratio non valet. Hanc rationem magni faciunt adversarii.

Resp. neg. min. & 2. maj. Nam 1. ille potest confiteri soli superiori, qui tenetur eum audire, & tunc non valebit argumentum. 2. cum plura soleant reservari eidem superiori, poterit in confuso petere licentiam pro reservato, non specificando illud: sic superior sciet quidem illum habere aliquod reservatum, sed nesciet illud in specie. 3. quia, ut docent Patres Poncius, & Frassen, qui commisit reservata, & non vult ea confiteri superiori, videtur renuntiasse huic rationi suæ exemptionis. 4. potest obtinere ab ipso confessario inferiori, ut petat ipse licentiam absolvendi, non declarando nequidem personam pœnitentis. 5. solet Ecclesia deputare in singulis diœcesibus, imò & conventibus aliquos pœnitentiarios pro reservatis. 6. denique in articulo mortis, vel casu necessitatis potest cessare reservatio. Hæc autem omnia non valent in casu conclusionis, excepto, quod pœnitens pro securitate salutis potest non uti hac libertate, adhibendo interpretem.

Dico, *pro securitate*, & quod potest sic confiteri, imo & ex charitate naturali erga Deum, & seipsum hoc deberet facere in periculo mortis, & salutis: nec deberet præsumere de sua contritione, quamvis hæc à parte rei posset sufficere.

QUÆSTIO IV.

*Quandonam urgeat præceptum confessionis Divinum ;
aut Ecclesiasticum .*

JAm diximus præceptum confessionis absolute , & indeterminatè esse divinum , & Ecclesiam non præcepisse , nisi aliquod tempus , ultra quod illa non debet differri , quamvis aliis temporibus , & sæpius fieri possit ; sed multæ sunt occasiones , in quibus præceptum Divinum poterit obligare ex natura rei , quandoquidem ex verbis Evangelii nullum determinatur . Nam Christus tantum dixit : *Quorum remisistis , &c.* & sic dedit potestatem Ecclesiæ , ut quoties ad illam recurrit peccator confessus peccata pro remissione , illa habeat potestatem audiendi , & remittendi , aut retinendi .

Ex parte autem peccatoris dubitari potest , an datur casus , in quibus teneatur ex jure divino sic recurrere , & confiteri , v. g. an statim atque peccavit mortaliter , an in periculo mortis , & sic de aliis . Idem quæritur de præcepto Ecclesiæ .

CONCLUSIO I.

Jure divino tenentur omnes ad confessionem sacramentalem in articulo , vel periculo mortis , si habent peccata mortalia , non autem statim post peccatum mortale , per se loquendo . Est communis .

Prob. 1. ex Scoto . [1] Quilibet enim , quando imminet periculum damnationis , vel misericordiæ , debet se præparare ad misericordiam quantum potest . Istud autem non est tantum in infirmitate mortali , sed quando aggreditur actus arduos , in quibus sit verisimile , quod mors immineat , in bello mortali , vel naufragio , & hujusmodi . Clarius loquitur in Reportatis , [2] ubi specificat casus , in quibus urget hoc præceptum Divinum .

Prob. 2. quoad 1. & 2. p. Certum est , quod præceptum Divinum de confessione obligat pro aliquando ; sed non potest assignari tempus ullum , pro quo obli-

[1] Ibid. 0, 21. [2] n. 27.

get aptius, quàm instante morte ex morbo, vel alio periculo imminente; ergo tunc obligat. Prob. min. Nisi enim tunc obligaret, posset numquam impleri: nam si accadat mors, non amplius poterit confiteri; ergo &c.

Confirm. ex dictis de necessitate contritionis; nam eadem est obligatio confitendi, & conterendi, quia contritio includit votum confitendi, ex Concil. Trident. ergo &c.

Confir. 2. ex praxi Ecclesiæ, quæ in utroque casu summè sollicita est inducere moribundos ad hoc sacramentum, & alia suscipienda.

Prob. denique: nam ex charitate naturali, ac divina omnis homo debet esse sollicitus de sua salute æterna, & tenetur providere animæ suæ contra periculum damnationis imminantis, & inevitabilis, si impœnitens, & inconfessus moriatur, maximè si conscius sit peccati mortalis; sed numquam magis imminet periculum damnationis, quàm in his casibus; ergo &c.

Prob. 3. p. 1. ex Scoto, [1] qui magis inclinatur in sententiam eorum, qui dicunt sufficere Christiano, quod post peccatum habeat votum confitendi tempore Paschatis, quia hoc videtur mitius; quia præcepta penalia non sunt amplianda, sed restringenda; nec invenitur, quod hoc præceptum affirmativum obliget, nisi ad aliquando; & istud, quando arctè præceptum Ecclesiæ fuit indeterminatum ad quodcumque, quando unicum in anno semper tamen oportet habere votum confitendi; ergo ex Scoto præceptum confessionis non urget ad statim post peccatum.

Prob. 2. Nullibi constat de tali obligatione ex ullo præcepto naturali, aut positivo; ergo gratis asseritur.

Confir. 1. Nam si Christianus deberet statim confiteri post peccatum mortale, Ecclesia non benè determinasset tempus ad semel in anno; & hoc præceptum esset potius relaxatio, quàm reformatio, ut dicebant aliqui apud Scotum cit.

Confir. 2. Quia si esset talis obligatio, deberet semper in confessione exprimi tempus, in quo commissa sunt singula mortalia, quia quoties adfuit commoditas

[1] Ibid. V. 28.

tas confitendi, toties peccaretur mortaliter contra hanc obligationem, & alioqui confessio non esset integra; sed conf. est contra praxim Ecclesiæ, & Theologorum mentem; ergo &c.

Objic. 1. con. 1. & 2. p. Non est potior ratio in periculo mortis, quàm in alio quovis tempore; sed non est in aliis temporibus; ergo nec in isto. Prob. maj. ratio talis obligationis in illis casibus est reconciliatio cum Deo; sed hæc militat pro quovis tempore; ergo &c.

Resp. neg. 1. maj. & dist. 2. Reconciliatio in ea circumstantia, con. absolute, & præcisè, & sola, neg. maj. & conf. Nam hæc obligatio venit præcipuè, quia in illis periculis urget necessitas reconciliationis, quæ non poterit aliàs obtineri.

Inst. Potest tunc obtineri per contritionem; ergo hæc ratio non urget.

Resp. neg. conf. quia contritio continet votum confitendi, quod votum non poterit aliàs impleri.

Objic. 2. Deus non determinavit ullum tempus; ergo gratis illud determinamus ad hos casus.

Resp. dist. ant. Non determinavit explicitè, conc. implicitè, neg. ant. Nam hoc ipso, quod præcepit pro aliquando confessionem, satis patet, quod eam præcepit pro illis casibus, ultra quos non poterit impleri præceptum.

Objic. 1. con. 3. p. Scriptura monet, *ne tardes converti ad Dominum, & ne differas*; sed sine confessione non est bona conversio; ergo sine dilatione confiteri debemus post peccatum.

Resp. neg. min. Nam conversio bona est per contritionem cum voto confitendi suo tempore.

Inst. qui post peccatum mortale moritur sine confessione, damnatur; ergo debuit statim confiteri, & peccavit differendo, nam se exposuit periculo damnationis.

Resp. neg. conf. quia nullum per se instat periculum, ut supponimus.

Objic. 3. quoad jus divinum assignari non potest aliud tempus, quàm prima opportunitas post peccatum; ergo tunc urget præceptum. Prob. ant. Nam de aliis omnibus occurrentiis est eadem ratio.

Resp. neg. utrumque ant. Nam periculum mortis est tempus satis determinatum; alioqui modò confessio

sio fiat ante mortem, sufficit quoad hoc, præciso alio præcepto Ecclesiæ id determinante ad semel in anno.

CONCLUSIO II.

Christianus adultus habens peccatum mortale tenetur confiteri, quando tenetur recipere Eucharistiam, vel aliud sacramentum, aut ea ministrare, & denique semel in anno. Est etiam communissima quoad 1. p. & certa quoad ultimam.

Prob. 1. ex Scoto, [1] qui hoc asserit, quozies vult exercere aliquos actus, quibus debetur reverentia specialis, ut quando vult communicare, quia, ut dictum est supra, habita opportunitate confessoris, nullus debet sine confessione communicare, sc. si habeat peccatum mortale: & eadem est ratio de actibus ministrandi, vel recipiendi alia sacramenta: nam illis actibus debetur summa reverentia.

Dico, si habeat mortale: nam inquit, [2] Quantum capio ex statutis Ecclesiæ generalibus, nullus tenetur ad confessionem venialium in quocumque casu, &c.

Prob. specialiter 1. p. ex Trident. [3] Ne tantum sacramentum indignè, atque ideo in mortem sumatur, statuit, atque declarat ipsa S. Synodus, illis, quos conscientia peccati mortalis gravat, quantumcumque se contritos existiment, habita copia confessarii, necessariò præmittendam esse confessionem sacramentalem: Si quis dixerit contrarium, eo ipso excommunicatus existat.

Prob. 2. quia, ut patet ex hoc can. qui aliter facit, exponit se periculo profanandi sacramentum illud, cujus summa dignitas exigit hanc puritatem, ut diximus tr. super.

Prob. 2. ex dictis de ministro sacramentorum: nam sancta sanctè tractanda sunt; ergo non sunt tractanda in statu peccati mortalis, & multò minùs recipienda: nam in utroque esset maxima irreverentia, præterquam quod reciperentur invalidè, aut saltem infructuosè: nam alia omnia, præter baptismum, & pœnitentiam, exigunt statum gratiæ in suscipiente, ideo dicuntur sacramenta vivorum.

Prob. 3. p. ex Concilio Later. in quo decernitur, ne

[1] Ibid. O. 21. [2] Ibid. Q. & R. 22. [3] Sess. 11.

omnis utriusque sexus fidelis, postquam ad annos discretionis pervenerit, omnia sua solus peccata confiteatur fideliter, saltem semel in anno, proprio Sacerdosi. Quod approbat Trid. Neque de hoc dubitatur.

Objic. 1. con. 1. p. & 2. Ad suscipienda sacramenta sufficit status gratiæ; sed ad hoc non requiritur confessio in re; ergo nec ad Eucharistiam, vel alia sacramenta. Prob. min. Nam potest haberi gratia per contritionem cum voto confessionis suo tempore faciente; ergo &c.

Resp. dist. min. Non requiritur absolute, & in casu necessitatis, & si non adsit confessarius, con. si adsit confessarius, & nulla urgeat necessitas, neg. min. & dist. ant. potest haberi minus perfecte, & minus secure, con. tam perfecte, & secure, neg. ant. Unde si negligat fidelis purgare se per confessionem, exponit se periculo sacrilegii erga sacramentum, quod reciperet, aut ministraret. Et quandoquidem contritio includit votum confessionis, ut iustificet, cur non recipit eam in re, si commodè potest?

Objic. 2. Nullum habemus præceptum de confessione ad recipienda, vel ministranda sacramenta; ergo gratis hoc asseritur: non enim debet aggravari onus legis hujus, quæ jam de se gravis est.

Resp. 1. neg. ant. Nam pro Eucharistia sumenda extat decretum Concilii Trid. cit. ergo idem est de aliis: nam *in similibus simile est iudicium*, inquit Doctor.

Resp. 2. dist. ant. Nullum explicitum, conc. implicitum, neg. ant. Nam generaliter præcipitur, & ipsa naturalis ratio dicat sancta sanctè tractanda esse. Unde peccatori dicit Deus, *quare tu enarras iustitias meas, & assumis testamentum meum per os tuum, tu verò odisti disciplinam?*

Objic. con. 3. p. Illud præceptum Ecclesiæ respiceret directè ipsum sacramentum, vel præceptum ejus; sed neutrum dici potest; ergo nec quod existat ullum tale præceptum. Prob. min. 1. Non ipsum sacramentum: nam Ecclesia non præcipit actus internos, quibus constant sacramenta. 2. Non præceptum ejus divinum: nam istud sufficeret, & illud frustra esset; nec enim ullam vim adderet divino.

Resp. neg. min. Nam utrumque respiceret quoad præfixionem temporis, in quo divinum deberet impleri.

pleri, nempe semel in anno. Ad prob. neg. conf. quia confessio est actus externus sacramenti poenitentiae, sicut & absolutio.

Quæres, *An obligatio confessionis urgeat tempore gravis tentationis.*

Resp. negativè. 1. quia nullum extat de hac re præceptum. 2. si extaret aliquod, Ecclesia non debuisset determinare obligationem ad semel in anno; sed debuisset determinare ad tempus, quod sæpius occurrit, ut occasiones tentationum. 3. ex praxi Ecclesiæ constat non solere poenitentes confiteri, nec interrogari de hac omissione in illis occasionibus, in quibus illa esset grave peccatum contra talem obligationem. 4. plurimi deberent sæpissimè, & quasi continuè confiteri, quia quasi continuis tentationibus vexantur.

CONCLUSIO IV.

AD observantiam huius præcepti annualis confessionis in rigore, & per se sufficit, ut semel in singulis annis fiat quocumque die; sed congruenter id faciendum est circa festa Paschalia.

Prob. 1. ex Scoto. [1] Quoad quando, inquit, Ecclesia determinat præceptum, sc. semel in anno, & illud semel videtur ad minis circa Pascha, quo tempore secundum illud capitulum debet quilibet Christianus communicare. Et in Reportatis. Quoad quando, specificatur quadragesima ante Pascha, &c.

Prob. 2. ex terminis legis, nullum enim determinat tempus, nisi semel in anno saltem. Et Concilium Trident. [2] Jam in universa Ecclesia cum ingenti animarum fidelium fructu observatur mos ille salutaris confitendi sacro illo tempore quadragesimæ; quem morem hæc S. Synodus maximè approbat, &c. ergo habes utramque partem conclusionis, scil. non præcipi confessionem, nisi semel in anno, & eam congruenter fieri in quadragesima, & ante Pascha.

Prob. 3. Nam si Ecclesia voluisset determinare positivè aliquod tempus, illud non tacuisset, sicut non tacuit tempus communionis; sed hanc determinavit ad Pascha, & confessionis tempus reliquit liberum, modò fiat semel in anno; ergo &c.

Prob.

[1] *Ibid.* V. 28. [2] *Sess.* 14. cap. fin.

Prob. 2. p. Nam in Paschate urget præceptum communionis, ad quam debet necessariò, vel congruenter præmitti confessio; ergo &c. Prob. ant. Nam habens peccatum mortale debet necessariò præmittere confessionem; qui verò non habet tale peccatum, adhuc laudabiliter eam præmittit, ut dignius communice, & fructuosius.

Obijc. 1. ex praxi Ecclesiæ confessio fit circa Pascha; ergo talis est intentio præcepti.

Resp. ex praxi per accidens, & ex occasione communionis Paschalis, con. per se, & præcisè ex vi præcepti confessionis annualis, neg. ant. Nam per se, & in rigore sufficit facta quovis tempore, & qui confessus esset ab initio Januarii, non teneretur confiteri in Paschate, si sciret se non habere mortale peccatum.

Inst. si idem haberet peccatum mortale in paschate, non sufficeret illa prior confessio pro impletione præcepti; ergo non sufficit confessio in aliis temporibus, quam in Paschate.

Resp. ut supra: non sufficeret per accidens, & ratione communionis celebrandæ, conc. per se, & ex vi præcepti confessionis, neg. ant. ut patet.

Quæres, Unde incipiat computari annus confessionis.

Respond. probabilius computandum ab initio anni communis, sc. à mense Januario, ut multis placet; quia sic facilius, & securior est computatio, & minoribus scrupulis, & difficultatibus subjacet.

Quæres 2. An qui in prima confessione non habuit nisi venialia, teneatur ex hoc præcepto iterum confiteri intra eundem annum, si peccet mortaliter.

Resp. probabiliter affirmativè: quia, ut diximus, confessio venialium non cadit sub præceptum; ergo hoc ipso, quòd intra annum habet mortalia, tenetur ex hoc præcepto illa confiteri: sicut qui per annum abstinere à mortali, non teneretur confiteri, quia non habet materiam necessariam confessionis.

Idem est de illo, qui in una, vel pluribus oblitus fuisset confiteri aliquod mortale, quod habebat, scilicet tenetur ex vi præcepti illud confiteri intra annum, si de illo recorderetur.

Quæ-

Quæres 3. *An qui intra annum unum emisit confiteri, teneatur bis confiteri in sequenti.*

Resp. negativè, saltem ex vi præcepti. Sicut qui omisit jejunium unius vigiliæ, non satisfacit in rigore jejunando alia die. Dico, *ex vi præcepti*: nam optimè faciet, si per aliud jejunium compenset quantum poterit omissionem.

Quæres 4. *An satisfiat per confessionem invalidam.*

Resp. negativè, quia hæc non fuit vera confessio instituta à Christo, & ab Ecclesia præcepta.

Quæres 5. *An teneatur, qui non habet nisi peccata dubia.*

Resp. affirmativè, quandiu manet dubius: nam illa peccata sunt materia confessionis, ut vidimus. Dico, *quandiu manet dubius*: nam in dubiis tutior pars eligenda est, & standum pro lege.

Quæres 6. *An prævidens impedimentum confessionis per reliquos undecim menses unius anni teneatur ex tunc confiteri.*

Resp. affirmativè: non enim debet exponere se periculo peccati, & transgressionis, & ex tunc omisso fieret voluntaria, saltem in causa.

QUÆSTIO V.

Qualis debeat esse confessio, & de illius secreto.

Multa communiter requiruntur à Theologis in bona, & perfecta confessione sacramentali, quæ his versibus continentur.

*Sit simplex, humilis confessio, pura, fidelis,
Atque frequens, nuda, discreta, libens, verecunda,*

*Integra, secreta, & lacrymabilis, accelerata,
Fortis, & accusans, & sit parere parata.*

Dicitur 1. *Simplex*, verbis ingenuis, & sine artificio, quo vel peccatorum natura pallietur, vel poenitentis eloquentia ostentetur. 2. *Humilis*, scilicet cum mentis, cordis, & corporis demissione, qua magis poenitentiae interioris fervor ostendatur. 3. *Pura*, sine verbo, aut circumstantiis inutilibus, & alienis. 4. *Fidelis*, sine mendacio, vel falsitate, non tacendo, quod

quod est, nec dicendo, quod non est, & explicando qualiter est. 5. *Frequens*, ne longius dilata fiat minus integra ex oblivione, quæ ferè inevitabilis est in rarioribus confessionibus. 6. *Nuda*, seu distincta, & clara sine velamine, aut obscuritate, aut metaphoris. 7. *Discreta*, verbis honestis expressa. 8. *Libens*, seu voluntaria, non coacta ex timore, vel respectu humano. 9. *Verecunda*, modesta, & cum aliquo pudore, propter peccati turpitudinem, & atrocitatem; non ex impudentia, qua quis narraret illud quasi per jactantiam. 10. *Integra* quoad speciem, & numerum, & circumstantias notabiliores. 11. *Secreta*, uni, & soli Sacerdoti. 12. *Lacrymabilis*, cum signis aliquot sensibilibus veri doloris interni. 13. *Accelerata*, quam citò peccatum grave agnoscitur, & remordet, & habetur occasio confitendi, fiat. 14. *Fortis*, non ex timore, aut verecundia taceantur, vel dissimulentur peccata. 15. *Accusans*, sibi, & non aliis imputans peccata sua. 16. *Parere parata*, ut poenitens velit implere, quæ sibi à Sacerdote imponuntur in satisfactionem, aut remedium, & cautelam. Porro ex tot qualitatibus aliquæ satis conveniunt, ut *simplicitas*, *puritas*, *nuditas*, & *accusatio*: quædam sunt minus, quædam magis essentielles; ideo in prioribus non immoror, sed posterioribus, dicam quæ magis necessariò sciri debent, & quæ difficultatem aliquam scholasticam habere videbuntur. Et 1. occurrit secretum, an hoc adeò confessioni essenziale sit, ut omnis publicitas illi repugnet ex parte tam poenitentis, qui soli Sacerdoti, & ad aures confiteatur, & quoad hoc dicitur *auricularis*, quàm Sacerdotis, qui nullo modo potest audita revelare, & dicitur *sigillum confessionis*, quod est inviolabile; & de isto dicemus q. sequenti. Nam de primo quærimus, an adeo sit essenziale, ut confessio publica non possit esse valida.

CONCLUSIO.

Confessio publica ex parte poenitentis potest esse valida, sed regulariter debet esse secreta. Est communis.

Prob.

Prob. 1. ex Scoto. [1] *Forum istud ex natura sua est secretissimum; ergo non tenetur aliquis ad istud forum, ut aliquo modo sit publicum. Ideò dicebamus non teneri hominem confiteri per interpretem, quia inde posset violari secretum.*

Prob. 2. ex Trid. [2] *Quoad modum confitendi secreto apud solum sacerdotem, etsi Christus non vetuerit, quin aliquis in vindictam suorum scelerum, & sui humiliationem tum ob aliorum exemplum, tum ob Ecclesie ædificationem delicta sua publicè confiteri possit, non est tamen hoc divino præcepto mandatum, nec satis consultè humana aliqua lege præciperetur, &c. ergo confessio debet regulariter esse secreta, sed tamen publica valeret.*

Prob. 3. ex Patribus: nam olim quidem vigeat confessio publica, sed prius erat secreta, quam fieret publicè. Qui sic volebat confiteri, adibat privatim Episcopum, aut Pœnitentiarium, cui confitebatur, & ejus consilio, si quædam publicè dicenda erant, audiebat. Eò facit illud Origenis: [3] *Circumspice diligentius cui confiteri debeas peccatum tuum si intellexerit languorem tuum talem esse, qui in conventu totius Ecclesie exponi debeat, & curari, ex quo fortassis & ceteri ædificari poterunt & tu ipse facile sanari, multa hoc deliberatione, & satis perito illius medicis consilio procurandum est.* Idem patet ex Ep. 80. Leonis [4] prohibentis, ne de singulorum peccatorum genere libellis scripta confessio publicè recitetur, cum reatum conscientiarum sufficiat solis Sacerdotibus indicari confessione secreta. Quamvis enim plenitudo fidei videatur esse laudabilis, quæ propter timorem Dei apud homines erubescere non veretur, video tamen secretam imperari, & publicam laudari, sed non permitti. Et August. [5] *Veniat ille (peccator) ad Antistites, per quos illi in Ecclesia claves ministrentur... & a Præpositis sacramentorum accipiat satisfactionis suæ modum, an sc. secretò, vel publicè pœnitendum sit.*

Prob. specialiter 1. p. Nam, ut colligitur ex Trid. Christus non vetuit peccata nostra nos publicè confiteri; ergo talis confessio esset valida. Prob. conf. quod Christus non vetuit instituendo sacramentum, sed

per-

[1] d. 17. r. 31. [2] Sess. 4. c. 5. [3] ho. 2. p. 37.

[4] Ep. 80. [5] ho. 50. & 51.

permisit, non invalidat sacramentum; sed Christus permisit saltem tacite publicam confessionem, ut patet ex verbis cit. Concilii; ergo &c.

Prob. denique: nam publica confessio potest habere omnia essentialia ex parte pœnitentis, ut ab idoneo ministro absolvatur: potest adesse debitus dolor, debita accusatio cum debito proposito non peccandi, & satisfaciendi; ergo potest esse valida.

Confir. ex praxi Ecclesiæ, quæ sæpius tales confessiones admittit, saltem in aliquibus casibus, in quibus fieri non possunt secretæ; ergo &c. Prob. ant. admittit confessiones per interpretes sive in mutis, sive in peregrinis non callentibus linguas, sive in infirmis tempore pestis, quæ non patitur, ut confessarii propius accedant, sive in bello, cum morientes non possunt à sociis separari, ut seorsum possint audiri; ergo ex praxi Ecclesiæ admittuntur aliquando confessiones publicæ; ergo secretum ex parte pœnitentis non est de essentia confessionis sacramentalis.

Prob. 2. p. ex eodem Concil. cit. dicente, quod *publica confessio non satis consultè præciperetur ulla lege humana*; ergo regulariter, & ex positiva intentione Christi confessio debet esse secreta, licet permittatur publica.

Confir. 1. ex primaria Christi intentione talis est confessio, qualis fuit, & est in usu in universa Ecclesia ab initio usque in præsens; sed ex Concil. cit. patet, quod secreta semper fuit, ut modò est in usu; ergo &c. Prob. maj. Alioqui in illo unanimi consensu, & usu errasset Ecclesia, quod est erroneum in fide.

Confir. 2. Nam idem Concil. addit esse calumniam dicere confessionem auricularem esse à divino mandato alienam, & inventum humanum; ergo censet eam, ut talem, divinæ institutioni conformem.

Objic. 1. con. 1. p. Præceptum, & institutio confessionis non est aliud ab institutione ipsius sacramenti pœnitentiæ; sed istud præceptum non potuit esse nisi de tribunali secreto; ergo nec præceptum confessionis. Prob. min. tum ex Concilio cit. dicente, quod *confessio publica non consultè præciperetur ulla lege humana*: tum quia præceptum illud videretur contra jus naturæ, quod quisque habet in suam famam, & licet

licet Deus hoc posset præcipere, adhuc noluit propter hanc difficultatem.

Resp. dist. min. Præceptum positivum, con. negativum, seu permissivum, neg. min. & 2. conf. Nam licet Deus ex sua bonitate noluerit positivè præcipere confessionem publicam in hoc sacramento, potuit tamen eam permittere devotioni fidelium, qui velent sic humiliari spontè per talem confessionem, & de facto permississe constat ex praxi Ecclesiæ.

Inst. Illa sola confessio est sacramentalis, quæ instituta est à Christo in hoc sacramento; sed sola secreta instituta est; ergo &c.

Resp. ut supra de institutione positiva, & negativa.

Objic. 2. ex Scoto, forum istud est secretissimum ex natura sua; ergo peccata ibi remittenda, aut retinenda non debent publicari, nec illud debet exerceri publicè: nam quæ publicantur, pertinent ad forum publicum.

Resp. cum eodem dist. conf. Non debent publicari ex necessitate præcepti positivi, conc. ex libera devotione, neg. conf. Aliud est dicere *non tenetur*, & aliud *non licet*, *nec valet*. Primum relinquit libertatem, & tollit solam necessitatem, 2. verò tollit libertatem confitendi publicè.

Inst. Peccata publica non pertinent amplius ad forum secretum, sed ad externum; sed per confessionem publicam fiunt publica; ergo desinunt pertinere ad forum sacramentale; ergo confessio illa non esset sacramentalis.

Resp. dist. maj. & min. Non pertinent ad forum secretum quoad pœnas externas, & temporales, con. maj. & neg. min. quoad culpam, & reatum pœnæ æternæ, neg. maj. & conf. *Datur duplex forum in Ecclesia, unum secretissimum, in quo idem est accusator, & reus, & aliud publicum, in quo Ecclesia habet potestatem corrigendi delicta publica*, scil. per censuras, per excommunicationem, &c. in 1. remittitur peccatum quoad reatum pœnæ æternæ, sive illud sit secretè, sive publicè confessum, licet ex intentione positiva Christi debeat secretè dici, & judicari.

Inst. 2. Scotus dicit, quòd si confessio fiat pluribus sacerdotibus simul, non est sacramentalis; ergo sola secreta est sacramentalis, & secretum est illi essenziale,

Resp. dist. ant. Si fiat ex necessitate, & ut melius judicetur, conc. si spontè, & ex libera devotione, neg. ant. id enim non cogitavit Doctor, ut patebit legenti. Fateor, quod confessio ut publica non est sacramentalis, quia publicitas non est de ratione confessionis, ut est sacramentum.

Objic. 3. ex confessione sacramentali oritur obligatio in violabilis sigilli; sed hæc obligatio non adest in confessione publica; ergo hæc non est sacramentalis.

Resp. 1. dist. maj. ex confessione sacramentali secreta, conc. ex publica, neg. maj. nam si auditores loquantur inter se de auditis, non violant sigillum, nec secretum, quia nullum est.

Resp. 2. dist. min. Non oritur inter auditores immediatos, conc. inter istos, & alios, qui non audierunt immediatè, neg. min. Nam sicut interpret non potest revelare audita, nisi confessario, ita nec isti auditores immediati, maximè cum quis ex necessitate confiteatur coram multis, ut in casu incendii, belli, pestis, & in quibus pœnitens vellet audiri à solo Sacerdote. Ita respondent aliqui, sed magis placet 1. responsio.

Objic. 4. Nemo potest dispensare in jure naturæ, præter Deum; sed Deus non dispensat, ut quis per confessionem publicet peccata sua secreta; ergo nemo potest publicè confiteri. Prob. min. ex dictis: nam Christus non præcepit confessionem publicam talium peccatorum; ergo reliquit in hoc jus naturale integrum; sed ex hoc jure, & propria charitate, quæ est de illo jure, tenetur omnis homo tueri famam suam, quæ læditur per illam confessionem; ergo hæc est contra jus naturæ.

Resp. 1. Non esse quæstionem, an confessio publica lædat jus naturæ, sed an invalidet sacramentum hoc, quod pendet à summo jure divino.

Resp. 2. Hoc nimis probare: nam multi ex arguentibus tenent licere confiteri per interpretem in casu necessitatis, l'cèt ex tali confessione lædatur fama confitentis. Imo & ipsi, & alii permittunt confessionem publicam non sacramentalem, per quam multò magis læditur fama; ergo longè magis debent admittere sacramentalem.

QUÆSTIO VI.

De integritate confessionis; an, & qualis esse debeat.

Diximus integritatem confessionis in eo consistere, ut peccata omnia quoad speciem, & numerum, & circumstantias notabiles recitentur. Et duplex est. 1. *materialis*, quæ consistit in hoc, quod illa omnia, qualia sunt à parte rei, recitentur. 2. *formalis*, quæ consistit in hoc, quod omnia mortalia, quæ post diligens examen occurrunt memoriæ, dicantur, licet inculpabiliter, & involuntariè aliqua prætereantur, vel ex rationabili causa teneantur, ita ut absolutio sit valida. Loquimur de confessione sacramentali, quidquid sit de aliis.

Suppono etiam circumstantias alias esse *minuentes*, quæ reddunt peccatum minùs grave, alias *aggravantes*, sed *leviter*, alias *notabiliter aggravantes*, & alias *mutantes speciem* peccati, ut furtum in loco sacro, vel rei sacræ, quod est sacrilegium, & contra justitiam, & Religionem. Et sic de aliis. De *leviter aggravantibus* non disputatur: nam convenit apud omnes, quod licet omittantur, non impediunt integritatem confessionis, neque de *mutantibus speciem* ullus dubitat, quin sint aperiendæ, alioqui confessio non erit integra. Controversia est de gravibus, quæ non mutant speciem.

Certum est etiam, quòd quæstio procedit de mortalibus post baptismum commissis, & aliàs non confessis, nec remissis: nam quæ præcesserunt baptismum, aut aliàs confessa, & remissa sunt, non pertinent ad hoc sacramentum, saltem ut materia ejus necessaria.

CONCLUSIO I.

Confessio sacramentalis debet esse formaliter integra de omnibus mortalibus quoad numerum, & singulas species. Est communis de fide.

Prob. 1. ex Scoto. [1] *Continet hoc præceptum, quid debet confiteri, quia peccatum mortale sed quod peccatum mortale? Resp. quòd omne, de quo habetur memo-*

M 2 ria,

[1] d. 17. M. 19.

ria, & præmissa inquisitione diligenti secundum possibilitatem fragilitatis humanæ. Ecce integritatem formalem.

Prob. 2. ex Concil. Trid. [1] docente, institutam esse à Domino integram peccatorum confessionem. Et apertè, à penitentibus omnia peccata mortalia, quorum post diligentem sui discussionem conscientiam habens, in confessione recenseri, etiam si occultissima illa sint Qui verò secus faciunt, & scienter aliqua reticent, nihil divinæ bonitati per sacerdotem remittendum proponunt. Et infra. Si quis dixerit, in sacramento penitentiae ad remissionem peccatorum jure divino necessarium non esse omnia, & singula, quorum memoria cum diligenti præmeditatione habetur, & circumstantias, quæ speciem immutant..... anath. sit. Idem colligitur ex Concil. Lateran. [2] & Florent. in decreto Eugen.

Prob. 3. ex Patribus. Nam inquit Cyprian. Apud Sacerdotes Domini dolentes, & simpliciter confitentes exomologesim conscientiae faciunt, animi sui pondus exponunt, & salutarem medelam parvis licet, & modicis vulneribus exquirunt, scientes scriptum esse, Deus non irridetur, sc. non fallitur, ut illi taceantur peccata ulla. Et Author libri de vera, & fal. pœnit. Penitens cautus sit, ne verecundia ductus dividat apud se confessionem, &c. Et Pacianus, Prudentes aegri medicos non verentur etiam in occultis partibus corporis etiam perusturos, &c. Et Hieron. Quod ignorat medicina non curat, &c. ergo absolutio non valet, si confessio non est integra. Et idem docent alii.

Prob. 4. quia præceptum confessionis infertur ex institutione hujus sacramenti, & verbis Christi: Quorum remiseritis, &c. quatenus instituitur per modum iudicii, ita ut Sacerdos debeat cognoscere omnia, ut sciat, quæ peccata remittenda sunt, & quæ retinenda, & ut singula perpendat, & proportionatas imponat satisfactiones, & remedia. Denique unum peccatum non remittitur sine aliis; ergo absolutè, & ex intentione Christi confessio sacramentalis debet esse integra de omnibus mortalibus post baptismum commissis, nec aliàs confessis, nec remissis.

Objic. 1. ex institutione Christi sufficit, ut omnia peccata remittenda dicantur idoneis ministris; sed hoc fieri

[1] Sess. 14. c. 5. [2] can. 7.

fieri potest per plures confessiones non integras pluribus ministris; ergo confessio non integra valet. Prob. ant. Quilibet sacerdos habens illam potestatem potest remittere peccata sibi confessa, nec aliud infertur ex verbis Christi, *Quorum remiseris*, &c. ergo &c.

Resp. neg. utrumque ant. nam hæc potestas data est Sacerdoti, ut possit absolvere peccatorem, & illum sanctificare, & reconciliare Deo, quod facere nequit, quamdiu restat in eo aliquid mortale, alioqui esset justus, & reus, in gratia, & in peccato, amicus, & inimicus; & neuter Sacerdos potest remittere peccata, quæ non novit.

Inst. Posset confiteri mortalia uni, & venialia alteri, & à singulis valeret absolutio; ergo ita est de mortalibus per confessiones dimidiatas. Prob. conf. Non est potior ratio de uno casu, quam de alio; ergo &c.

Resp. 1. neg. conf. & parit. quia 1. confessio de omnibus mortalibus esset substantialiter integra, habens totam suam materiam necessariam. 2. etiam haberet totam suam sufficientem: nam venialia potuerunt taceri in prima.

Resp. 2. Posse fieri ut neutra valeat, quia si hoc fiat per hypocrisim, peccabit mortaliter in utraque, aut saltem in 2. si prima fuit sincera. Sed quidquid sit de hoc peccato, mihi certum est, quod si in prima sincère dicat omnia mortalia, tacens venialia, velut non necessaria, valebit absolutio, & si in 2. sincère etiam dicat venialia sine prava intentione fingendi se meliorem, & decipiendi 2. confessarium, hæc etiam valebit.

Objic. 2. Qui habet aliqua mortalia non reservata, & alia reservata, potest priora confiteri sacerdoti inferiori, & deinde reservata superiori, maxime quando urget præceptum confessionis; ergo potest aliquando valere confessio non integra mortalium.

Resp. probabilius, neg. ant. Nam, ut diximus alibi, in hoc casu deberet utraque dicere inferiori, qui eum indirectè, & ad cautelam absolveret, si urgeret necessitas, cum obligatione ad eundem superiorem quam primum.

Inst. Nullus tenetur eadem bis confiteri; sed si responsio valeret, poenitens ille deberet eadem bis confi-

teri; ergo &c. Prob. maj. nam Christus, nec Ecclesia tantum onus noluerunt imponere fidelibus, ut eadem bis confiteantur.

Resp. dist. maj. & ant. Nullus tenetur per se, & de lege ordinaria, con. per accidens, & in casibus extraordinariis, neg. maj. & ant. Nam illud onus non tam venit à Christo, vel Ecclesia, quàm ab ipso pœnitente per ipsum suum peccatum, à quo debuit deterreri per reservationem.

Inst. 2. saltem dimidiaret confessionem apud superiorem, cui sufficeret dicere reservata, quia esset absolutus ab aliis; ergo valet dimidiata.

Resp. 1. neg. ant. utrumque: nam si superior velit eum per se absolvere, debet omnia audire. Sed de his difficultatibus dicemus infra, ubi de casibus reservatis. Interim vide Brancatum, & Mastrium.

Resp. 2. neg. conf. Nam in eo casu utraque confessio esset integra, non materialiter, sed formaliter.

Obje. 4. Integritas illa est impossibilis; ergo non obligat. Prob. ant. Nam plures non possunt recordari, vel distinguere omnia mortalia, ut rustici, & foeminae; ergo &c.

Resp. dist. 1. ant. & conf. Integritas materialis, transcat, formalis, neg. ant. & conf. nam hæc integritas exigit tantum, ut dicantur omnia mortalia, quæ post exactum conscientiae examen occurrunt memoriae, & qui non discernunt mortalia, debent omnia dicere, qualia occurrunt.

CONCLUSIO II.

AD valorem hujus sacramenti, & confessionis non est necessaria integritas materialis. Ita communiter.

Prob. 1. ex Scoto. [2] Confiteri debet omne peccatum mortale, de quo habetur memoria, præmissa inquisitione diligenti secundum possibilitatem fragilitatis humanae: Sed ad hoc non requiritur integritas materialis: nam fragilis est memoria, & facile est aliqua oblivisci; ergo &c.

Prob. 2. ex Concil. Trid. cit. Dum omnia peccata, quæ memoriae occurrunt, Christi fideles confiteri student,

[1] Ibid. M. 19.

dent, procul dubio omnia divinae misericordiae ignoscenda exponunt Constat enim nihil aliud in Ecclesia à penitentibus exigì, quàm ut, postquam quisque diligentius se excussit, & conscientiae suae sinus omnes, & latebras exploraverit, ea peccata confiteatur, quibus se Deum suum offendisse meminerit. Reliqua autem peccata, quæ diligenter cogitanti non occurrunt in universum, in eadem confessione inclusa esse intelliguntur; ergo Concilium, nec Ecclesia non exigunt integritatem materiale confessionis.

Prob 3. Deus non præcipit impossibile; sed moraliter impossibile est, saltem pluribus, qui raro, & semel tantum in anno confitentur, recordari omnium mortalium, quæ per totum annum fecerunt tam quoad speciem, quàm quoad numerum: item moraliter est impossibile, quin aliqua labantur ex memoria, aut prætereantur inadvertenter; ergo Deus noluit præcipere hanc integritatem, modò præteritio non sit culpabilis: nam in hoc integritas non esset formalis, sicut nec materialis.

Confirm. Nam jugum Christi suave est, & secundum providentiæ suæ suavitatem, attenta fragilitate humana, noluit obligare hominem, non dico ad impossibile physicum, sed nec ad multum difficile, quod dicimus impossibile moraliter, qualis est ista integritas pro multis peccatoribus; ergo &c.

Requiritur ergo, & sufficit in pœnitente sincera voluntas dicendi omnia peccata sua nudè, & apertè, qualia ipse cognoscere potest per diligentem sui discussionem: & si post confessionem aliqua occurrunt omissa, debet ea quàm primum confiteri, licet in præcedenti remissa fuerint.

Illam autem diligentiam sic describit Doctor, ut quantam inquisitionem posset aliquis apponere circa aliquid multum arduum, quod sibi multum esset cordi, tantam deberet apponere circa omnia peccata mortalia reducenda in memoriam, & illa reducta debet eidem confiteri, non dividendo confessionem. Denique hæc diligentia ex prudentum judicio est taxanda.

Quæres, An ad integram confessionem debeant dici peccata dubia.

Resp. ut supra, quod quæ sunt dubia, debent dici ut dubia, nisi deponatur dubitatio: nam in dubiis tu-

tior pars est eligenda, & qui talia peccata omitteret, exponeret confessionem suam periculo nullitatis.

Quæres 2. *Qui dixit peccatum suum ut dubium, & postea reperit illud certum, debetne iterum dicere illud ut certum?*

Resp. probabiliter non teneri, quia jam de illo confessus est, & absolutus quoad omnem culpam, quam potest habere.

QUÆSTIO VII.

An ad integritatem confessionis debeant explicari circumstantiæ purè aggravantes.

JAm diximus, quod inter circumstantias aggravantes quædam mutant speciem, ad quam pertinent peccata ex objecto suo: v. g. circumstantia loci, in quo committitur furtum, facit, ut evaserit sacrilegium per adventum malitiæ contra religionem, cum ex genere suo, & ex objecto esset tantum contra justitiam. Aliæ sunt purè aggravantes, quæ augent quidem malitiam peccati, sed non extrahunt illud ex sua specie, ut furtum centum florenorum est gravius furto quinquaginta, aut 20. sed utrumque est contra justitiam. De primis certum est, eas esse dicendas, quia dicendæ sunt species æquæ, ac numerus peccatorum; sed dubium est de purè aggravantibus, an necessariò sint explicandæ, maxime si notabiliter aggravent: ut furtum centum præ quinquaginta, an vero sufficiat dicere, commisi furtum mortale.

CONCLUSIO.

Probabilius est has circumstantias non esse necessariò explicandas, consultius tamen, & tutum est, & mile eas explicare. Quoad 1. p. est controversa, non quoad 2.

Prob. ex Scoto. [1] Saltem illas dico aggravantes esse necessariò confitendas, quæ speciali prohibitionem prohibet accipi de loco sancto; & ideo speciale peccatum, sc. sacrilegii, per hanc circumstantiam (loci) constituitur ... multæ autem sunt circumstantiæ, ex quibus pec-

[1] Ibid. N. 20.

peccatum est aliquo modo gravius, quia si minor tentatio, & hoc vel ex parte objecti, vel ex parte peccantis, inde crescit malitia, quia arguitur major voluntas de quibus (circumstantiis) non est ita certum, quod oporteat eas confiteri, tamen tutum, & utile est hoc fieri. Vides Scotum in hoc quasi problematicum, sed reducit hoc ad securitatem, & utilitatem, non ad necessitatem.

Prob. 2. Nihil debet dici necessarium ad valorem confessionis, & sacramenti, quod non constet ex præcepto divino, vel Ecclesiastico; sed hæc necessitas de his circumstantiis non constat ex ullo tali præcepto; ergo non est asserenda. Maj. patet, quia hæc sunt onerosa, & non debent ampliari sine fundamento. Prob. min. de Divino nullibi constat: de Ecclesiastico potius infertur contrarium ex Concil. Trident. Præcipit enim, eas circumstantias explicandas, quæ speciem peccati mutant, sine quibus peccata ipsa neque à pœnitentibus integrè exponuntur, nec iudicibus innotescunt; ergo nihil præcipit de non mutantibus speciem, sed potius eas relinquit arbitrio pœnitentium: neque enim hanc partem tacuisset, si putasset necessariam.

Confir. Nam Concilium intendit solum, ut omnia, & singula dicantur secundum speciem, & numerum, non autem *in genere dumtaxat*: sed utrumque fit absque circumstantiis purè aggravantibus, quia istæ non mutant speciem, nec impediunt numerum; ergo &c.

Prob. 2 p. Nam sic confessio est magis clara, & nuda, & fidelis, & integra, & sedat omnes scrupulos conscientiae timoratae, maximè pro simplicioribus, & indoctis, & juvat sacerdotem ad satisfactiones, & remedia magis proportionata morbis animarum applicanda; ergo &c.

Obje. 1. ex cap. *Consideret* dicitur, quod debet considerari locus, tempus, perseverantia, tentatio; executio, modus, & aliæ multæ circumstantiæ minutiores, quæ non mutant speciem; ergo à fortiori debent dici notabiliter aggravantes. 2. Concil. Uvormatiense statuit, pœnitentiam singulis imponendam secundum peccatorum varietatem. 3. Innocent. XI. damnat hanc propositionem: *Non est illicitum in sacramentis conferendis sequi opinionem probabilem relati tiori*; & istam: *Non tenemur confessario inter-*

roganti, fateri peccati alicujus consuetudinem ; sed hæc non essent vera , si possent taceri circumstantiæ aggravantes ; ergo &c. Prob. min. 1. quia plures circumstantiæ , quas enumerat ille Canon , sunt purè aggravantes . 2. non posset imponi pœnitentia proportionata secundum diversas gravitates . 3. opinio de necessitate dicendi has circumstantias est tutior . Et 4. consuetudo peccati non est nisi circumstantia aggravans ; ergo &c.

Resp. neg. 1. conf. & min. 1. quia si caput illud faceret legem , non solum notabiles , sed etiam minutiores essent dicendæ , ut ex verbis , & glossa constabit legenti . 2. Idem est de can. Vvormatiensi . Nam minutissimæ circumstantiæ faciunt aliquam diversitatem . Item dico Concil. loqui de diversitate specifica . 3. nostra opinio non solum est probabilis , sed probabilior , & tuta , fundata in doctrina Concilii Trid. quod diminutè docuisset condiciones necessarias ad valorem hujus sacramenti , quod una voce potuisset exprimere : & 4. illa censura 2. propositionis salvatur independentè ab hac controversia . Nam consuetudo explicanda est non propter aggravationem peccati præcisè , & per se (imò fieri potest , ut aliquando inde alleviatur) sed quia ex consuetudine , & frequentia peccandi fit difficilior detestatio peccati , & propositum incertius non peccandi , quod tamdiu , & tam sæpè violatum est : ideòque incertior est dispositio pœnitentis , & diversa remedia sunt applicanda , nec tam citò , nec facilè danda est absolutio .

Inst. Conc. Trid. hanc integritatem requirit , quæ sufficiat Sacerdoti ad æquitatem servandam in panis injungendis : Sed hæc æquitas servari non potest , nisi aggravantes dicantur , ex quibus crescit gravitas peccati ; ergo &c. Prob. min. Nam graviores pœnæ debentur gravioribus peccatis .

Resp. dist. min. Aggravantes extra species , con. intra eandem speciem , neg. min. certè si secundum gravitatem mathematicam , & exactam æqualitatem taxarentur pœnæ , non solum notabiles , sed etiam leviores circumstantiæ essent dicendæ , imò & alleviantes ; quod adversarii non admittent .

Objic. 2. Potest peccatum esse ita intensum , vel durans , ut æquivalet pluribus in eadem specie ; ergo illæ

illæ circumstantiæ intensiōis, aut durationis, & malitiæ majoris erunt dicendę; sed illæ non sunt nisi aggravantes; ergo aggravantes sunt confitendę. Prob. ant. Odium proximi ut quatuor æquivalet duobus odiis ut duo, & odium hebdomadæ unius æquivalet septem diurnis; ergo &c.

Resp. dist. ant. æquivalet physicè, aut mathematicè, con. moraliter, neg. ant. Nam in foro pœnitentiali æquivalentia illa non sic attenditur præcisè in ordine ad plurificanda peccata specificè, aut numericè, saltem præcisè, & per se, benè verò per accidens, v.g. si homo ille durante hebdomada iteraret actus odii post diversas advertentias, & interruptiones per singulos illos actus, & consensus toties peccaret. Per se autem attenditur sola diversitas objectorum, vel actuum.

Inst. Furtum centum scutorum æquivalet centum furtis unius scuti, & non sufficit dicere, furatus sum summam notabilem. Idem est de volente occidere centum homines; non sufficeret dicere, volui committere homicidium; sed illæ circumstantiæ sunt purè aggravantes; ergo &c.

Resp. neg. min. Nam vel uno actu voluit furtum illud, & tunc est unum peccatum unius speciei, & sic de isto dici potest sufficere, si dicat, furatus sum grandem summam. Non ita est de volitione homicidii centum hominum. Nam hic tot sunt homicidia in voluntate, quot homines: quia vix una volitione, & uno actu hæc fieri possunt. Sic de concupiscenti decem fœminas, scil. numerus explicandus est, ob eandem rationem.

Resp. 2. cum Poncio, neg. maj. Nam si uno simplici actu voluerit occidere tot homines, concupierit tot fœminas, unicum habet peccatum, & sufficet dicere, occidi plures homines, vel concupivi plures fœminas, & furatus sum plurima scuta, nisi aliunde major, aut minor quantitas redderet peccatum reservatum diversis superioribus, ut est apud nos, & in regulis nostris.

Objic. 4. Nisi confitendæ sint circumstantiæ aggravantes, non poterunt reservari graviora præ levioribus, v.g. gravis percussio, aut furtum tantæ summæ tali superiori; sed conf. est falsum, & contra praxim Ecclesiæ; ergo &c. Prob. maj. Nam gravis, & levis percussio clerici, furtum unius, & centum scu-

torum sunt in eadem specie percussione, & furti, & ramen illa reservantur diversis superioribus; sed hoc fieri non posset, nisi circumstantiæ numeri, & gravitatis essent necessario dicendæ; ergo frustra esset reservatio. Min. etiam patet: nam apud nos furtum decem scutorum reservatur custodi, & supra decem Provinciali, & supra 30. Generali, levis percussio non reservatur, sed gravis, &c.

Resp. neg. maj. Nam gravitas materiæ dat locum reservationi, quæ per accidens mutat speciem, & facit differre furtum 30. scutorum à furto unius, & sic debet quantitas illa accusari: idem est de percussione, & similibus.

Inst. Ecclesia non reservat unum peccatum præ alio ejusdem speciei, nisi adsit obligatio confitendi circumstantiam, quæ facit reservationem; ergo &c.

Resp. neg. ant. Nam Ecclesia prohibet sæpe sub reservatione, & censuris res de se indifferentes, ut nutrire comam, ludere foliis, cauponari, &c. & hæc sicut possent non prohiberi, saltem graviter, ita propter prohibitionem, & reservationem fiunt peccata alterius speciei, & confitenda.

Objic. 5. Actus externus non mutat speciem interni, sed est tantum circumstantia aggravans, & sic posset non declarari in confessione, & sufficeret dicere, *volui occidere hominem*, aut fornicari; sed conf. est falsum, & absurdum; ergo & quod non debeant dici circumstantiæ aggravantes. Prob. maj. Nam tota malitia actus humani est in actu interno voluntatis; ergo &c.

Resp. neg. maj. Nam, ut diximus tr. de act. hum. actus externus addit malitiam distinctam interno & ideo hæc circumstantia est exprimenda.

Igitur speculativè loquendo non est necessarium ad valorem confessionis sacramentalis dicere circumstantias peccati purè aggravantes intra eandem speciem; sed in praxi tutius, & consultius est illas aperire, quia sic integrior, & clarior, & perfectior est confessio, & sedantur omnes scrupuli, & anxietates conscientiæ.

2. Et à fortiori aperiendæ sunt illæ, quæ vel mutant speciem peccatorum, vel addunt distinctam malitiam in eadem specie, ut dicebamus de actu externo.

QUÆ-

QUÆSTIO VIII.

De circumstantiis, quæ possunt diversificare, et multiplicare peccata, et aperiendæ sunt in confessione, ut sit integra.

TAles circumstantiæ communiter dicuntur septem, & hoc versu continentur.

Quis, quid, ubi, quibus auxiliis, cur, quomodo, quando.

Porro non dubitatur, quin illæ aperiendæ sint, quoties specificant, vel multiplicant peccata, quia, ut valeat confessio sacramentalis, debent narrari omnia peccata mortalia quoad speciem, & numerum: sed breviter explicandæ sunt pro tyronibus, ne quid scitu necessarium omittamus.

1. Circumstantia *Quis* designat conditionem personæ agentis, & patientis, quia ex utroque crescit, aut minuitur, aut mutatur species peccati, sed præcipuè ex persona agentis: nam patiens reduci potest ad circumstantiam quid.

Quoties ergo peculiari lege aliquod peccatum prohibetur uni personæ, tunc debet dici, qualis sit poenitens, v.g. an Sacerdos, vel professus religiosus, si peccavit contra castitatem: quia hæc, & similes qualitates diversificant, aut multiplicant peccata. Si enim sit uxoratus, erit adulterium, si prælatus, addit malitiam scandali, si professus, vel sacerdos, aut in sacris, aut voto ligatus, erit sacrilegium, &c.

2. *Quid* respicit actum, seu opus peccati, non quidem in se, sed in qualitate aliqua entitati ejus superaddita, vel in quantitate objecti, aut materiæ, circa quam peccatur, v.g. si furatus es rem saciam, vel in notabili quantitate, quæ reddat peccatum mortale, aut reservatum, vel cum censura, &c.

3. *Ubi* designat locum, in quo peccatur, & aliquando non est circumstantia, sed ratio constitutiva peccati, ut cum opus non est prohibitum, nisi ratione loci, ut copula conjugalis in Ecclesia, quia hæc non habet malitiam, nisi ratione loci. Quando verò actio est aliunde mala in se, ut homicidium, vel fornicatio, locus est circumstantia, ex qua augetur, aut mutatur spe-

species peccati, ut si fiat in Ecclesia, evadit sacrilegium, & ideo declaranda est in confessione.

4. *Quibus auxiliis* significat instrumenta, seu media, quibus utimur ad peccandum, ut ferrum, vel sclopetum, aut venenum in homicidio, & hæc non sunt necessariò explicanda, nisi sint specialiter prohibita, vel mutant speciem peccati, ut si quis utatur re sacra, vel socios, & adjuutores criminis inducat, vel seducat, in hoc esset novum peccatum, vel si utatur ope demonis per invocationem, aut pactum tacitum, vel expressum, &c.

5. *Cur*, seu propter quid, hæc est circumstantia finis, propter quem operatur peccator: nam si finis extrinsecus est malus, addit peccato novam, & distinctam malitiam, quæ si gravis est, ac mortalis, necessariò explicanda est in confessione; imò & inficit, malamque reddit actionem, quæ de se, & ex objecto esset bona. Exemplum prioris est, si quis furetur, ut fornicetur; posterioris verò, si det eleemosynam pauperi sceminae, ut eam seducat. Quod si malitia finis est ejusdem speciei cum ipso actu peccati, non videtur necessariò explicanda, quia non facit nisi unum peccatum moraliter.

6. *Quomodo* significat modum, quo peccatur, ut si scemina corrumptur violenter, aut fraudulenter, minis, aut promissis; si ex contemptu præcepti, vel superioris omittatur actus debitus, aut præceptum violetur, si scienter, & ex determinata malitia, vel inadvertenter, aut ex ignorantia crassa, &c.

7. *Quando* significat tempus, aut durationem peccati, & hoc dicendum est, si addit malitiam gravem, & distinctam actui; si quis se inebriavit in die jejunii, si celebravit hora indebita, si fecit opus servile in die festo, &c. Nam, ut dicit Concilium Colon. *Bis peccat, qui agit rixas per diem Dominicum pugnis, scortis, & aliis obscenis. Et August. Melius faceret Judeus in agro suo aliquid in sabbato, quam in theatro desidiosus existeret, & sceminae Judeorum melius lanam facerent, quam in neomeniis impudicè saltarent.*, scilicet circumstantia diei festi addit malitiam operibus malis, & sic aperienda est in confessione.

Hæc autem tetigisse sufficiat: nec enim hic casus omnes

omnes decidere possumus, servata brevitate moderata, quam profitemur.

QUÆSTIO IX.

An, & quomodo licitè, & validè possit dimidiari confessio, & esse non integra.

Plures excogitantur casus, in quibus impossibilis est moraliter integritas materialis confessionis: nam de formali jam diximus eam absolutè necessariam esse. 1. si peccator postquam cœpit confiteri obmutescat, aut in apoplexiam incidat, nec possit perficere confessionem, vel si obmutescens non possit numeris exprimere nisi aliquot peccata, & non alia. 2. an possit absolvi, qui morbo correptus nullum peccatum, nequidem in genere, potest significare, det tamen signa aliqua doloris coram Sacerdote in ordine ad confessionem. 3. an qui absente Sacerdote petiit confessionem cum signis pœnitentiæ, sed ante adventum ejus amittit usum vocis, & sensuum. 4. an si non possit dicere speciem peccati sui sine manifestatione complicitis, ex quo timeatur ejus infamia, vel aliud damnum, possit tacere circumstantiam specificantem illud peccatum, ex qua proveniret ejus cognitio, &c. Hæc autem dubia hic breviter resolvemus.

CONCLUSIO I.

Absolvi debet moribundus, qui non nisi generalissimo modo confiteri potest, sed dat aliqua signa pœnitentiæ, ex quibus colligi potest eum velle confiteri. Est communior.

Prob. 1. ex Rituali Romano, ubi dicitur, quod *inter confitendum, vel etiam antequam incipiat confiteri, vox, & loquela agro deficiat, nusibus, & signis conetur Sacerdos quoad fieri poterit peccata pœnitentis cognoscere, quibus utcumque vel in genere, vel in specie cognitis, vel etiam si confitendi desiderium vel per se, vel per alios ostenderit, absolvendus est.* Habes hic præcipuos ex dictis casibus. Hujus autem Ritualis au-
cto-

Autoritas patet ex Bulla Pauli V. illi præfixa. Adde Canones citandos in sequenti: nam à fortiori valent in hoc casu, in quo hæc signa fiunt coram Sacerdote.

Prob. 2. ratione, quia in his casibus non est probabile Deum voluisse fideles moribundos, qui sine culpa sua sic præveniuntur, privari beneficio tanti sacramenti, & eis præcludi viam salutis; sed præsumendum est eum noluisse illos obligari tam strictè ad integritatem confessionis, ut cum illis signis non possit valere absolutio sacramentalis; ergo hæc eis non est deneganda.

Objic. 1. Sacramentum non valet sine sua materia; sed confessio est materia proxima hujus sacramenti, & hæc deesset in hoc casu; ergo non valeret sacramentum. Prob. min. Confessio essentialiter est omnium peccatorum in specie, & numero integra declaratio; sed hic deesset illa declaratio; ergo & materia proxima sacramenti.

Resp. neg. 1. min. quoad 2. p. & dist. 2. maj. Declaratio distincta, & integra formaliter, quantum fieri potest, conc. maj. & neg. min. absolute simpliciter, & materialiter, & si adest aliqua impossibilitas, neg. maj. & conf. nam in casibus conclusionis sufficit confessio generalis, qua homo quantum potest confiteatur se peccatorem.

Objic. 2. Absolutio sacramentalis debet terminari directè ad aliquid remittendum; sed in tali confessione nihil apparet remittendum; ergo illa absolutio non erit sacramentalis. Prob. min. Si absolutio illa remitteret peccata illius hominis, hæc non essent amplius confitenda; sed sunt adhuc confitenda, si convalescat; ergo &c. Prob. maj. nam peccata remissa non sunt de materia necessaria confessionis; ergo &c.

Resp. dist. 1. min. Nihil apparet explicitè remittendum, conc. indirectè, & implicitè, neg. min. apparet enim; quod homo ille habeat peccata, quorum petit remissionem, & quæ remittuntur directè in genere, qualiter apparent, & indirectè, qualia sunt à parte rei; & dist. 2. maj. si essent remissa, & explicitè confessa, conc. si remissa implicitè cum obligatione ea explicitè subjiciendi clavibus Ecclesiæ, cum potuerit, neg. maj. nam remanet illi homini, si convaluerit, obli-

ligatio peccata eadem, licet remissa quoad culpam, distinctè confitendi, quia hoc requiritur ex institutione hujus sacramenti, quantum est possibile.

Objic. 3. ex Concil. Trid. Ad hoc sacramentum necessaria est distincta peccatorum confessio in specie, & numero, ut de singulis Sacerdos possit sententiam ferre ex cognitione causæ; sed hinc nulla talis adest confessio; ergo nec validum est sacramentum.

Respond. dist. maj. Necessaria est regulariter, & quoad fieri potest, conc. absolutè, & simpliciter, neg. maj. & conf. nam hinc adest confessio possibilis, & non aliam exigit Christus, quàm possibilem.

Objic. 4. Ille homo haberet contritionem, vel non; sed neutrum salvar conclusionem; ergo &c. Prob. min. si haberet, illa sufficeret sine sacramento; si non haberet, absolutio non proderet: nam in extremis necessaria est contritio ex charitate.

Respond. neg. min. & 2. prob. nam sufficeret attritio cum sacramento, ut dictum est, & maximè in illo casu.

CONCLUSIO II.

DEberet absolvi moribundus, qui coram Sacerdote nullum posset dare signum confessionis, aut penitentiae, modò ante casum, & impotentiam petierit confessarium, & dederit signa penitentiae coram testibus: Est etiam communior.

Prob. 1. ex Rituali cit. in quo præcipitur dari absolutio morienti, si desiderium confitendi sive per se, sive per alios ostenderit. Item ex cap. Is, qui; ubi S. Leo [1] dixit, quod is, qui penitentiam in infirmitate petit, si casu, dum ad eum Sacerdos invitatus venit, oppressus infirmitate obmutuerit, vel in phrenesim versus fuerit, dent testimonium, qui eum audierunt, & accipiat penitentiam. Idem decernitur in Concil. Carthagin. IV. & in Arausic. I. subitò obmutescens baptizari, aut penitentiam accipere potest, si voluntatis præteritæ testimonium aliorum verbis habeat Sacerdos, aut præsentis in suum.

Prob. 2. Ad absolutionem validè recipiendam sufficit aliqua confessio, qualis est possibilis, cum dolore debito de peccatis; sed in casu conclusionis adest utrum-

[1] Epist. 91.

trumque: nam qui petiit confessarium ante casum apoplexiæ v. g. cum signis pœnitentiæ habuit utrumque, confessus est se peccasse, & voluit dicere peccata, & dolebat de peccatis, & jam illa voluntas confitendi, ille dolor censetur durare moraliter, quia non sunt retractata: voluntas enim censetur durare, nisi probetur mutata, ut docent iura; ergo &c.

Objic. 1. ut supra. Deest ibi confessio peccatorum; ergo & materia sacramenti.

Resp. similiter dist. ant. deest confessio explicita singulorum in specie, & numero, conc. implicita, & generalis, qualis est possibilis, neg. ant. nam hæc ibi adest.

Inst. Materia sacramenti debet esse præsens ministro; sed in hoc casu materia, seu confessio non est præsens ministro, quando advenit; ergo non potest validè absolvere sacramentaliter.

Respon. dist. maj. Præsens moraliter, & aliquo modo, conc. præsens physicè, si hæc præsentia non est possibilis, neg. maj. & min. Nam confessio est præsens moraliter, & fit sensibilis Sacerdoti per adstantes, & testes dignos fide, quod in tali casu sufficit ex institutione divina, quæ non vult animas ullas perire, quantum est ex se, sed vult omnes salvare.

Objic. 2. ex Decreto Clem. VIII. non licet confiteri per litteras, vel nuntios; sed illa confessio istius est minus realis, quàm per litteras, vel nuntios; ergo minus valet.

Resp. neg. min. nam in illa absolvitur absens, in ista verò præsens: Clemens autem prohibet absolvi per litteras, & absentes, ut patet ex verbis Decreti.

Resp. 2. neg. maj. Nam Papa ipse declaravit Armatano, non fuisse sibi propositum damnare, aut prohibere, quòd absolutio impendatur incidenti in eo casu, ut testantur insignes Theologi apud Coninch, Mastrium, & Erinx; imò & Aversa dicit, quòd Sacra Congregatio Inquisitorum generalium 2. Decembris 1621. declaravit in tali casu observandum esse Rituale Romanum, nec id repugnare Decreto Clementis. Denique Decretum Clementis faceret, ut absolutio esset illicita, non invalida. Hoc magis patebit ex sequenti.

Quæres, An testificatio debeat fieri in præsentia infirmi; an sufficiat, quòd illa signa nuntientur Sacerdoti.

Resp.

Resp. istud sufficere : nam Ritualia , nec Canones illi non exigunt , ut testificatio fiat coram infirmo , qui non potest assentiri , nec dissentiri.

Dices. In cap. *Is , qui* , requiruntur testimonia adstantium ; sed nuntii non sunt adstantes ; ergo non sufficiunt.

Resp. dist. maj. Adstantium , quando fiunt , aut facta sunt signa , conc. quando advenit Sacerdos , neg. maj. & conseq. nam ad testificandum sufficit , quod fuerint præsentes , quando infirmus petiit confessarium cum signis pœnitentiæ .

CONCLUSIO III.

Probabile est absolvi posse infirmum , qui nec signis , nec verbis petiit confessionem , nec sensibiliter ostendit dolorem de peccatis , sed vixit catholicè , ostendens affectum erga istud , et alia sacramenta , et hoc saltem sub conditione . Ita multi insignes Theologi apud P. Erinx cit. & Pasqualium de privilegiis morientium.

Prob. 1. ex Sacerdotali Rom. in quo ex S. Antonino legitur . *Infirmus , qui amisit loquelam , vel usum rationis , si benè vivebat , quamvis non petierit sacramenta , debet præsупponi contritus ; et Sacerdos faciat absolutionem ab omni sententia , et peccato .* Et Augustinus docet baptismum debere dari Catechumeno , qui vivebat in adulterio , quique morbo repentino correptus , non poterat petere baptismum , nec ostendere pœnitentiam . *Quæ autem baptismatis , eadem reconciliationis est causa , si forte pœnitentes finiendæ vitæ periculum præoccupaverit : nec enim ipsos ex hac vita sine arrha suæ pacis exire velle debet mater Ecclesia .* Audi rationem August. *Non solum incredibile est , nec infine vitæ baptizari velle catechumenum (idem est de velle confiteri , & absolvi catholicum) verum , etiam si voluntas ejus incerta est , multò satius est nolenti dare , quam volenti negare , ubi velit , an nolit , sic non apparet , ut tamen credibilius sit eum , si posset , velle se potius esse dicturum ea sacramenta percipere , sine quibus jam credidit non se oportere de corpore exire .* Tum concludit idem dicendum de pœnitentia , quod de baptismo ; ergo ex his Patribus satis præsūmitur de homine isto , quod velit hoc sacramentum cum debita dispositione

tione ad hoc, ut illi debeat dari, licet nullis signis externis id ostenderit.

Prob. 2. ex precedentibus. Confessio, & dolor de peccatis sufficienter supponuntur per aliquot signa data coram testibus absente Sacerdote; sed vita catholice transacta, & pius affectus erga Sacramenta sunt signa satis manifesta desiderii confessionis, & doloris de peccato; ergo est sufficiens motivum Sacerdoti illum absolvendi, saltem sub conditione: nam vita illa est tacita, perpetua, & sufficiens petitio confessionis, & confessio poenitentiae.

Confir. Hæc sufficiunt, ut illi detur extrema unctio in tali casu; ergo à fortiori non debet ei denegari absolutio, quæ est longè magis necessaria.

Prob. 3. ubi probabile est adesse sufficientem materiam absolutionis, hæc probabiliter potest, aut debet concedi; sed in casu nostro probabile est hanc materiam adesse; ergo & absolutio debet concedi. Prob. min. Non est impossibile, ut fidelis, & pius catholicus habeat internum dolorem de peccatis, & desiderium ea confitendi. Hæc probabilitas fundatur in auxiliis gratiæ, quæ nulli deest in tali necessitate, & hæc innotescunt Sacerdoti ex actibus vitæ christianæ, & fortè eò tendunt motus oculorum, suspiria, aut respirationes, & alii motus corporis, quæ sunt signa quidem æquivoca, sed piè credi possunt esse tam signa poenitentiae, quàm motus naturæ patientis; ergo &c.

Confirmat Pasqualigus cit. ex Marchatio, qui hoc de seipso testatur in pari casu, & ex propria experientia inductus fuit ad hanc opinionem tenendam, & ad suadendam ejus praxim; & idem narrat de alio Sacerdote, cui hoc idem contigerat; ergo &c.

Objic. 1. Signa, quibus movetur Sacerdos ad absolvendum, debent dirigi ab infirmo in hunc finem, ut signa petitionis, & doloris; sed nihil tale adest in isto; ergo nec debet absolvi. Prob. min. Nam in toto cursu vitæ non cogitavit de hoc casu; ergo non potuit dirigere motus illos ut signa hujus desiderii, nec in hunc finem.

Resp. neg. min. & dist. ant. Non cogitavit explicitè, vel expressè, conc. implicitè, & virtualiter, neg. antec. Nam ad hoc sufficit, ut vivens catholicè voluerit ita mori, & salvari. Imo & multi explicitè à Deo petunt,
ne

ne permittat eos mori sine sacramentis.

Objic.2. Rituale Romanum prohibet eos absolvi, qui nulla dant signa doloris de peccatis; sed iste nulla dedit, ut supponitur; ergo &c.

Resp. dist. maj. Qui nulla dant, cum possunt, & nolunt dare ex irreligione, vel obstinatione, conc. ex impotentia, neg. maj. nam de istis non loquitur Rituale, ut patet.

Inst. Id exigit de infirmis omnibus; ergo & de istis; quia de omnibus eadem est ratio. Prob. ant. dicit, quod si hæc signa non dentur præsentem Sacerdote, saltem de illis testentur adstantes; ergo &c.

Resp. dist. ant. De infirmis, qui possunt, aut potuerunt, conc. de istis, qui non possunt, nec potuerunt, neg. 1. ant. & 2. conf. Non enim loquitur de casu nostro. Imò si Rituale vult sufficere aliqua signa absente Sacerdote, cur non sufficient tot signa pietatis data coram ipso, & omnibus per totam vitam?

Objic.3. Non debent facile exponi sacramenta; sed in hoc casu exponeretur sacramentum absolutionis; ergo non debet dari. Prob. min. Sine signis certis, & non æquivocis nescitur dispositio sufficiens morientis; ergo &c.

Resp. neg. min. 1. quia non exponitur, si detur sub conditione. 2. neg. ant. nam antea ista vita in exercitio pietatis, & frequentatione sacramentorum sunt signa sufficientia præsentis dispositionis.

Objic.4. Non debet introduci nova praxis in usu sacramentorum; sed hæc opinio inducit novam praxim, & contrariam antiquæ in usu sacramenti hujus; ergo &c.

Resp. neg. min. nam contrarium patet ex Sacerdotali Romano, ex SS Augustino, & Antonino, nec Ecclesia habet usum contrarium, nisi ad summum negativè, quod non sufficit ad inferendam prohibitionem, aut nullitatem talis absolutionis.

Objic.5. Concilia requirunt confessionem sensibilem, ut valeat absolutio: nam ex Trident. [1] & Carthagin. & Arausic. & Leo. I. supra cit. requiruntur signa confessionis, & doloris; ergo &c.

Resp. dist. ant. & prob. Requiruntur ordinariè, & quando possunt adesse, conc. per accidens, & in casibus.

[1] sess. 14. c. 9.

bus extraordinariis, & impossibilitatis, & quidem signa univoca, explicita, seu specifica, negant. & rationem ejus: nec enim de his casibus raris loquuntur Concilia, sed de sacramentis secundum se, & regulariter: hinc autem adsunt signa generalia quædam, ex quibus probabiliter infertur dispositio interna sufficiens, ut diximus.

Dixi 1. *probabiliter*: non enim nego, quin contrarium sit valdè probabile, sed paulò durius est, nostra autem opinio est magis pia, & mavult exponi sacramentum, quàm salutem animæ fidelis, & hoc magis conforme videtur divinæ pietati.

Dixi 2. *saltem sub conditione*: nam cum hac cautela non exponitur sacramentum, nec æterna salus animæ fidelis.

CONCLUSIO IV.

UT valeat confessio, non debet taceri circumstantia specificans, vel peccatum præcisè, ne confessorius cognoscat complicem, nisi ex tali cognitione imminere timeatur probabiliter grave malum confitenti, vel complici per imprudentiam, vel malitiam confessorii. Est communior.

Pro intelligentia conclusionis suppono casum, in quo urgeat necessitas confitendi, nec adsit nisi confessorius, cui non possit dici circumstantia specificativa peccati, aut peccatum ipsum, quod cum alio commisit, quin confessorius cognoscat complicem: ex tali autem cognitione vel complex ipse diffamabitur quidem apud confessorium, sed nihil aliud inde timeatur, v.g. si pœnitens non habens nisi matrem, aut unam sororem, dicat, commisi incestum in primo gradu, confessorius statim sciet matrem ejus, aut sororem peccasse, inde illam contemnet in corde suo: si nihil aliud timeatur, non licebit tacere circumstantiam illam incestus, & 1. gradus: sed si ex illa cognitione immineat pœnitenti, aut complici diffamatio, vel mors ex parte mariti, aut aliud grave malum, nec possit differri confessio, vel non adsit alius Sacerdos, putant gravissimi, & plurimi Theologi tunc posse taceri peccatum, aut circumstantiam illam, & tamen Valere illam confessionem, sed cum obligatione confiten-

fitendi apud alium suo tempore. Hoc posito

Prob. 1. ex Scoto docente, [1] quod *sub sigillo cadie non tantum peccatum confitentis, & circumstantiæ peccati, sed etiam persona secunda, cum qua peccatur, quia etiam confitens vult salvare famam personæ, cum qua peccavit; ergo supponit complicitis qualitatem, & circumstantiam non debere taceri, quando aliter non potest specificari peccatum.*

Prob. 2. quia integritas confessionis est de jure divino, nisi aliquod gravius malum excuset: sed hinc nihil excusat; ergo &c. Prob. min. Si quid excusaret, esset præceptum charitatis de non infamando proximum; sed hoc non urget in tali casu; ergo &c. Prob. min. Non magis urget charitas de non infamando proximum in hoc tribunali secreto, quam seipsum: non enim tenemur magis diligere proximum, quam nos ipsos; sed hæc cura famæ propriæ non tollit obligationem confitendi proprium peccatum, quantumvis atrox; ergo nec cura famæ proximi, quando id exigit essentia confessionis.

Confir. quia sicut ex hac confessione non infamatur poenitens, quia est secreta, & de inviolabili secreto, ita ut confessarius non possit loqui, nec ad extra uti hac cognitione, ita nec complex infamatur ob eandem rationem; ergo talis confessio non est diffamatio complicitis. Eadem enim est obligatio secreti pro complice, & pro poenitente.

Confir. 2. Manifestare occultum proximi peccatum præcisè, & per se non est malum, si fiat ex rationabili causa, & sine intentione diffamandi; sed ita est in hoc casu; ergo &c. Prob. maj. nam si esset intrinsecè malum, nunquam posset communicari peccatum occultum proximi amico ejus ad consulendum ejus salutem, aut emendationem, nec liceret juxta præceptum Evangelicum corripere fratrem coram testibus, nec eum denuntiare Ecclesiæ: nam quæ intrinsecè, & ex objecto, & lege naturæ sunt mala, nunquam rectificantur; sed hæc falsa sunt; ergo & illud.

Confir. 3. quia non teneor diligere proximum supra meipsum, nec curare famam ejus supra meam; ergo quando non possum consulere salutem meam, nec famam propriam, sed teneor confiteri peccata mea, nec possum

sum huic debito satisfacere, quam dicendo complicem, & peccatum ejus, cujus sum particeps, non pecco contra justitiam, nec contra charitatem; sed non possum consulere saluti, & famæ propriæ, & satisfacere debito confessionis, quin aperiâ circumstantiam complicitis; ergo &c.

Prob. denique ex D. Bernardo. [1] *De nullo finistrè loquaris, quantumcumque sit verum, vel manifestum, nisi in confessione, & hoc, ubi non potes aliter manifestare peccatum tuum*; ergo quando pœnitens non potest aliter declarare peccatum suum, nisi dicendo circumstantiam complicitis, illa non debet taceri, nisi aliunde excusetur.

Prob. 2.^a Nam cùm ex confessione talis circumstantiæ timetur rationabiliter grave detrimentum famæ, aut vitæ, possunt taceri peccata, ex quorum confessione timetur; ergo & circumstantiæ complicitis, & aliæ, ex quibus timentur eadem mala.

Prob. 2. Deus noluit imponere obligationem adeo duram, maximè respectu complicitis, cui talis declaratio esset inutilis, aut fatalis, pœnitenti quidem est utilissima sui peccati confessio, & per gratiam, quam inde recipit, compensatur illud famæ detrimentum; sed complex nihil inde proficit, sed graviter læditur, & si pœnitens taceat circumstantiam ex tali necessitate, non minus justificatur, confessio est integra, non quidem materialiter, sed formaliter; ergo pœnitens non tenetur explicare illam circumstantiam, imò tenetur tacere, v.g. si rationabiliter metuat, ne confessarius moneat maritum illius, cum qua dicit se peccasse: nam inde accendi potest furor ejus in uxore, & occidere, &c.

Objic. 1. Præceptum servandi famam proximi magis urget, quam præceptum integritatis confessionis, quia illud est de jure divino positivo, & naturali, istud autem de jure positivo tantum; sed in hoc casu læditur fama proximi, ut servetur integritas confessionis; ergo malè asseritur.

Resp. neg. min. Nam in hoc casu non læditur fama proximi, saltem irrationabiliter, nec urget illud præceptum, sicut nec læditur fama ipsius pœnitentis per confessionem, quam tamen non minori jure servare tenetur, quam proximi. Idem est in correptione frat-

[1] *de formula vitæ.*

terna, quando per secretam monitionem non corrigitur, ut dictum est.

Inst. Ideo non tenemur confiteri per interpretem, ne prodatur peccatum nostrum; ergo nec tenemur dicere complicem ob eandem rationem.

Resp. neg. conf. Nam ideo non tenemur confiteri per interpretem, quia præceptum confessionis non obligat nisi ad unum confessarium, & sacerdotem, non autem ad duos, quorum unus non esset Sacerdos, hic autem confitemur unico, & hæc confessio debet esse integra.

Objic. 2. Integritas confessionis non est in damnum proximi, sed in bonum animatum; sed in hoc casu esset in damnum proximi sine bono animæ ejus; ergo læderetur fama ejus, & nihil boni ei inde proveniret; ergo &c.

Resp. neg. min. nam, ut diximus, cum notitia illa complicitis sit de secreto inviolabili in Sacerdote, non nocet famæ complicitis, saltem in damno, quod præponeret bono Sacramenti, & pœnitentis.

Q U Æ S T I O X.

An, & quando sit iteranda confessio.

Quia diximus sacramentum pœnitentiæ non posse esse validum, & infirmum, non dubium est, quin confessio sit iteranda, quoties non habuit effectum suum, quia toties fuit invalida. Invaliditas autem venit vel ex parte pœnitentis, vel ministri. Ex dictis autem patet eam esse invalidam ex parte pœnitentis, si desit integritas formalis, vel contritio, aut attritio, & propositum syncerum amplius non peccandi formale, aut virtuale; & de his nihil restat disputandum. De ministro autem patebit ex dicendis, quandam ex parte ejus confessio, seu sacramentum sit invalidum, & confessio repetenda. Ideò pauca hic restant dicenda.

C O N C L U S I O I.

Quoties confessio, & absolutio est invalida, toties utraque est repetenda. Est communissima.

Tom VIII.

N

Prob.

Prob. ex dictis: nam jure divino tenemur ad confessionem, & jure positivo Ecclesiastico hæc fieri debet semel in anno, & aliàs sæpè, ut diximus; sed confessio invalida non est vera confessio; ergo iteranda est, donec sit vera, & valida.

Confr. Per confessionem invalidam non satisfit præcepto confitendi, sed potius adest novum peccatum, & nova obligatio confitendi ex parte nostra, cum ex nobis veniat nullitas; ergo &c. Nec his immorandum.

CONCLUSIO II.

Quando iteratur confessio invalida, debent dici omnia peccata præcedentis, & posteriora deinceps commissa, nisi forte Sacerdos recorderetur priorum. Est etiam communis.

Prob. 1. quia patet peccata non remitti in hoc sacramento, nisi prout subjiciuntur clavibus Ecclesiæ, nec separatim remittuntur; sed illa priora non sunt remissa propter nullitatem confessionis; ergo hæc de novo dicenda sunt per confessionem validam. Maj. patet ex Conc. Trid. [1] sæpe cit. *Sacerdotes judicium hoc incognita causa exercere non possunt.... oportet à pœnitentibus omnia peccata mortalia... in confessione recenseri... Qui secus fecerint, & scienter aliqua retinent, nihil divinæ bonitatis per Sacerdotem remittendum proponunt, &c.* Denique confessio, ut sit valida, debet esse formaliter integra; sed nisi secunda fiat coram Sacerdote, qui recorderetur eorum, quæ dicta sunt in prima, ad quam se referat, illa non erit integra magis, quam ista nec materialiter, nec formaliter, nisi priora repetantur cum posterioribus; ergo illa omnia repetenda sunt.

Confr. quia sine hac repetitione Sacerdos non poterit judicare de peccatis remittendis, aut retinendis, nec justa remedia, & satisfactiones congruas imponere magis, quam si nunquam dicta fuissent, quippe illa non audivit, si est alius ab eo, qui audivit priorem, vel si audivit, non magis eorum recordatur, quam si non audivisset; ergo debent repeti.

Prob. 2. Nullitas venit vel ex parte pœnitentis, qui omisit necessarios actus, & dispositiones, vel ex pat-

te

[1] sess. 14. c. 5.

te ministri, qui non adhibuit formam debitam, vel noluit, aut non potuit absolvere; sed undecumque sit invaliditas, semper debent repeti priora cum novis; ergo &c. Prob. min. de parte pœnitentis patet ex dictis: 2. de parte ministri debet iste dare validam absolutionem; sed non potest dare hanc validam, nisi audita integra confessione, sine qua non adest materia debita; ergo &c.

Dixi, *nisi fiat coram eodem Sacerdote, qui recorderetur omnium, quæ audiverat in priori*: quia tunc sufficiet, si pœnitens dicat: *accuso me de iisdem peccatis, quæ in præcedenti dixeram tibi, & addo peccatum sacrilegii, & omissionis, & omissa ex negligentia, vel malitia, & ex tunc peccavi, &c.*

Dices, sufficeret Sacerdotem recordari pœnitentiæ injunctæ, ex qua judicaret de confessis.

Contra: nam pœna imposita, nec recordatio ejus non sunt confessio formalis peccatorum, nec materia sufficiens absolutionis sacramentalis; ergo non sufficiunt.

Objic. Si Sacerdos deberet recordari peccatorum prius auditorum, sequeretur, quod in prolixis confessionibus, in quibus, quando ultima dicuntur, ipse non recordatur primorum, nec majoris partis omnium, absolutio non valeret; sed conf. est falsum; ergo non est necessaria talis recordatio dictorum in prima confessione, ut valida sit absolutio in secunda.

Respon. neg. maj. Nam in prolixis omnia remanent præsentia moraliter confessario per continuationem confessionis, quod non accidit in casu conclusionis, vel si adesset scrupulus, Sacerdos posset monere pœnitentem, ut priora repeteret, quod tamen fieri non solet, nisi de aliquibus non bene intellectis.

De aliis dispositionibus, & conditionibus bonæ confessionis, sc. contritione, attritione, & proposito non peccandi jam dictum est supra.

DISPUTATIO VI.

De satisfactione pœnitentiali.

Satisfactio est unus ex præcipuis actibus veræ pœnitentiæ ex partibus hujus sacramenti, imò & prima in intentione, licet ultima in executione: nam finis pœnitentiæ est satisfacere Deo pro offensis, & sic placare ipsum, ac prævenire vindictâ, quam peccator demeretur. Ideo pœnitentia dicitur [1] *quasi pœnæ tenentia*. Pœnitere est quasi pœnam tenere, ait Author libri de vera, & falsa pœnitentia. Et August. *Non sufficit pœnitenti mores in melius commutare, & à malis recedere, nisi & iis, quæ male facta sunt satisfiat Domino per pœnitentiæ dolorem, & humilitatis gemitum, & per contriti cordis sacrificium*. Nullus siquidem pœnæ debitæ gravioris accipiet veniam, nisi qualemcumque, & si minor est, quam deberet, solverit pœnam. Et ut loquitur Doctor, [2] *Cum culpa faciat delinquentem debitorem, ei, in quem peccat, potest ibi ista satisfactio inveniri*. De hac ergo parte pœnitentiæ hic disputamus.

QUÆSTIO PRIMA.

An sit, & quid sit satisfactio pœnitentialis.

VOX satisfactionis varias habet significationes; sed iis remissis ad Grammaticos, significat redditionem voluntariam æquivalentis pro æquivalenti ex aliis indebitis; & hoc sensu pertinet ad justitiam, & differt à restitutione in eo, quod hæc fiat in rebus ablatiis, illa verò in actibus oppositis illis, per quos offendimus aliquem. Hic igitur sumitur satisfactio pro actione afflictiva interna, vel externa, per quam Deo satisfacimus pro peccatis quoad pœnas, quæ restant solvendæ post acceptam absolutionem à pœna æterna cum culpa.

Non repetam quæstionem, an inter Deum, & homi-

[2] *Ibid. c. 19.*

[2] *d. 15. q. 1. a. 2.*

minem possit esse iustitia rigorosa, de qua dixi tract. 1.^o ubi de iustitia Dei, & tract. de Incarnatione, an pura creatura, aut ipse Christus potuerit satisfacere Deo de rigore iustitiæ pro peccato.

Neque hîc disputamus, sed supponimus, quòd post remissum peccatum quoad culpam, & reatum pœnæ æternæ ex peccato mortali, remanent pœnæ temporales, pro quibus hîc, vel in purgatorio satisfaciendum est.

Rursus satisfactio hæc vel est *sacramentalis*, quia in sacramento imponitur, & taxatur à Sacerdote, estque aliqualis pars sacramenti, vel *extrasacramentalis*, quia independentè à sacramento pœnitens eam sibi spontè sumit, & offert Deo in reparationem offensarum, & expiationem pœnarum, quas pro peccatis demeretur. Utramque improbant Lutherani, & Calvinistæ velut inutilem, imò & injuriosam Christo, quasi ipse non satisfecerit superabundanter. Nos verò hîc quærimus, an sint in homine opera aliqua, per quæ sic possit Deo satisfacere, & quid sit illa satisfactio.

CONCLUSIO I.

Dantur in homine opera satisfactoria pro peccatis ex meritis Christi. Est de fide contra dictos hæreticos.

Dico, ex meritis Christi: nam inquit Scotus, [1] de potentia ordinaria non est possibile satisfieri Deo pro peccato, nisi in virtute passionis Christi.

Prob. 1. ex eodem. [2] De possibilitate satisfactionis strictè sumptæ non habet hîc difficultatem ... non consistit satisfactio, nisi in operibus difficilibus, sc. in jejuniis, & oratione, & eleemosyna. Et superius dixerat, [2] quod magis consistit in actibus pœnalibus, vel passionibus voluntariis, quàm in aliis actibus bonis non pœnalibus, licet quandoque posset per aliquem actum bonum non pœnalem fieri, quia Deus bene potest actum magnum charitatis acceptare pro punitione debita uni culpæ, &c. ergo Scotus agnoscit opera satisfactoria pro peccatis.

Prob. 2. ex Script. quæ talia opera suadet, ut Daniel Nabuchodonosori, Peccata tua eleemosynis redime, & iniquitates tuas misericordiis pauperum; & Joannes Ju-

N 3

dæis,

[1] d. 15. q. 1. E. 7. [2] ibid. L. 11, M. 12, F. 8.

dxis, Facite fructus dignos penitentiae. Et D. Petrus iisdem, Sicut aqua exstinguit ignem, ita eleemosyna peccatum Eleemosyna à peccato liberat. Et D. Paulus, Tristitia, quæ secundum Deum est penitentia, ea salutem operatur: nam ait Ambros. Quicumque inde tristis est, quia hoc ei in se displicet, quod Deo displicet, elaborat, ut illud penitendo delere, & Deo satisfacere possit, ut ad salutem, quam amiserat, pervenire possit; ergo ex Scriptura dantur opera redemptoria, & satisfactoria pro peccatis.

Prob. 3. ex Conc. Florent. [1] ubi satisfactio ponitur inter partes huius sacramenti. Tertius (actus) est satisfactio pro peccatis quæ quidem fit præcipue per orationem, jejunium, & eleemosynam. Et Trid. [2] dicit, Satisfactionem ex omnibus penitentiae partibus à Patribus nostris fuisse populo perpetuò commendatam. Et Can. 13. 14. & 15. Si quis dixerit pro peccatis quoad penam temporalem minimè Deo per Christi merita satisfieri penis ab eo infligendis, & patienter toleratis, vel à Sacerdote injunctis, sed neque sponte susceptis, ut jejniis atque adeo optimam penitentiam esse tantum novam vitam, anathema sit; & infra, Satisfactio penitentialis à peccato revocat, Deum placat, merita parit, misericordiam divinam impetrat, peccatis medetur, &c.

Prob. 4. ex perpetua praxi Ecclesiæ, & traditione: nam inquit Tertullianus, Satisfactio confessione disponitur, confessione penitentia nascitur, penitentia Deus mitigatur de ipso quoque habitu, & victu mandat sacco, & cineri incubare animum meroribus deicere, &c. Ecce opera satisfactoria. Et addit, Quam porro ineptum penitentiam non implere, & delictorum veniam sustinere! hoc est pretium non exhibere (quo redimantur); & Origen. Dominus creaturæ humanæ non vult mortem, sed ut convertatur, & vivat, penitendo, flendo, satisfaciendo doleat, &c. Et Concil. Cabilon. Penitentiam peccatorum, quæ est medela animæ, utilem omnibus censemus, & ut penitentibus à Sacerdotibus facta confessione indicatur penitentia, universitas Sacerdotum noscitur consentire. Et sic de aliis, quos habes apud Coxium.

Prob. denique. Potest homo justus per bona opera ex meritis Christi mereri vitam æternam, ut diximus tract.

[1] *decr. unic.* [2] *sess. 14. c. 8.*

tract. de merito; ergo à fortiori potest mereri remissionem pœnæ temporalis. Dico à fortiori, quia plus est mereri gloriam æternam, quàm satisfacere pro pœna temporali. quæ remanet exolvenda post remissionem culpæ.

Objic. 1. pro hæreticis. Hæc opera derogarent gloriæ, ac meritis Christi, quasi hæc non essent sufficientia, nec infinita; sed hoc impium est; ergo &c.

Resp. neg. maj. Non enim hæc satisfactiones exiguntur ex defectu meritorum Christi, sed ut per hæc opera mereamur illorum applicationem, & imputationem: nam ad hoc requiritur cooperatio nostra: *Si non compatimur, non glorificabimur*, &c.

Objic. 2. De fide est nos justificari gratis; ergo non ex operibus satisfactoriis.

Resp. dist. ant. Gratis, idest sine meritis condignis, & independenter à meritis Christi, conc. sine dispositionibus congruis, neg. ant. & conf. Nam ipsa opera satisfactoria primum valorem habent ex meritis Christi, & sunt effectus gratiæ excitantis, & adjuvantis, sine qua nihil possumus.

Objic. 3. Hæc opera deberent esse infinita, ut peccati demeritum est infinitum; sed hoc est impossibile; ergo & satisfactio per ulla opera.

Resp. neg. maj. cujus falsitas patet ex tr. de peccatis.

Inst. Purus homo non potest satisfacere pro uno mortali; ergo &c.

Resp. dist. ant. Purus homo independenter à meritis Christi, conc. ex meritis Christi, neg. ant. Nam opera omnia meritoria valorem primarium habent ex illis meritis. 2. non dicimus satisfactionem cadere in peccatum quoad reatum pœnæ æternæ, sed temporalis tantum, quæ non restat infinita.

Objic. 4. Non datur justitia inter Dominum, & servum, & minus inter Deum, & hominem; ergo nec vera satisfactio, quia est actus justitiæ veræ.

Resp. dist. antec. Justitia rigorosa, & seclusa libera Dei acceptance, & pacto, conc. ex acceptance, & pacto, & minus rigorosa, neg. ant. & conf. nam Deus ex misericordia, & pacto libero vult ad hoc acceptare opera nostra, sicut *reposita est nobis corona justitiæ, quam reddet*, &c.

Objic. 5. Satisfactio supponit debitum; sed post pœnitentiam, & remissionem culpæ non remanet debi-

tum; ergo nec satisfactio debita. Prob. min. ex Script. [1] *Impietas impii non nocebit ei in quacumque die conversus fuerit. Et, Si impius egerit pœnitentiam, omnium iniquitatum ejus non recordabor;* ergo post pœnitentiam nihil à nobis exigit Deus, nec remanet debitum pro peccatis.

Resp. 2. neg. min. & 2. conf. Si pœnitentia fuerit perfectissima, & ex summa charitate, conc. si non fuerit, neg. min. & 2. conf. nam Propheta loquitur de perfectissima.

Resp. 2. neg. min. & dist. ànt. Non nocebit, non recordabor in ordine ad damnationem, quam demerentur, conc. ad aliquas pœnas temporales, neg. ant. nam de istis non loquitur Deus, aut Propheta, quia non tam sunt pœnæ, quàm remedia purgantia, & meritoria majoris gratiæ.

Inst. Christus absolvens, & remittens peccata nihil reservabat; ergo nec Deus in peccatoribus contritis ad puniendum. Prob. ant. ex textu de Adultera, de Paralitico, de Magdalena, &c.

Resp. 1. neg. conf. nam in sacramento Deus remittit peccata per sacerdotes, quibus dedit potestatem ministerialem, & limitatam, prout voluit: Christus verò remittebat ex potestate authoritativa, & illimitata, quam ex se ipso habebat ratione unionis hypostaticæ.

Resp. 2. neg. ant. nam reservabat eis debitum resipiscentiæ, & pœnitentiæ, dicens, *vade, & noli amplius peccare.* Idem patet exemplis de Adam, & Eva, de Cain, & David. Adæ reservat labores, & sudores, & spinas, &c. Evæ dolores, & subjectionem, Caino divagationem, Davidi famem, &c.

Inst. ex Patribus, *Infidelitas est ab eo, qui iustus est, dimidiatam expectare veniam;* sed si Deus reservaret pœnas temporales, cum remittit peccata, dimidiaret veniam; ergo &c.

Resp. dist. maj. Dimidiam quoad pœnam æternam, conc. quoad omnem temporalem, neg. maj. & conf. nec enim mutatio damnationis æternæ in pœnam aliquam temporalem dedecet Dei misericordiam, quia talis reservatio est nobis utilis ad cautelam contra peccatum, & ne dicamus cum impiis: *Peccavi, & quid mihi accidit triste?* totalis impunitas libidinem faceret peccandi.

Inst.

[1] *Ezech. 3. & 18.*

Inst. 2. Per gratiam justificantem peccator reconciliatur Deo, & fit amicus; sed reservatio pœnæ est incompatibilis cum vera amicitia, est enim animus vindictæ, & ex reliquiis odii; ergo &c.

Resp. dist. min. Reservatio pœnæ æternæ, conc. min. pœnæ temporalis, neg. min. & rationem ejus: non enim venit ex odio, nec ex animo vindictæ, sed ex providentia bonitatis: nam inquit Gregor. [1] *Ab electis suis iniquitatum maculas studet afflictione temporali abstergere, quas in perpetuum non vult in eis videre.* Denique illæ pœnæ sunt salutares; ergo non ex odio, sed potius ex misericordia, qua quos amat, castigat.

Obje. denique. Sublata causa, tollitur effectus; sed reatus culpæ in peccato est causa reatus pœnæ, & ille tollitur per gratiam justificantem; ergo & iste.

Resp. dist. maj. Effectus physicus, conc. moralis, neg. maj. reatus autem pœnæ temporalis est effectus moralis culpæ, seu peccati, & ideo remanet post delictum reatus pœnæ æternæ per gratiam.

CONCLUSIO II.

Satisfactio sacramentalis rectè describitur operatio laboriosa, et pœnalis voluntariè accepta, vel tolerata ad puniendum peccatum, et compensandam offensam Dei ex Sacerdotis impositione.

Prob. 1. ex Scoto, [2] qui ferè in terminis eam sic describit, ut diximus: *Est operatio exterior laboriosa, &c. dicit exteriorem*, nec tamen intendit excludere actus internos charitatis, contritionis, &c. sed solum quia regulariter imponitur, & impletur per actus externos, ut diximus.

Prob. 2. ex sensu communi Theologorum, qui per satisfactionem sacramentalem intelligunt talia opera.

Confirm. ex August. [3] *Satisfactio est peccatorum causas excidere, nec suggestionibus eorum aditum indulgere*; sed per talia opera, in quibus consistere dicimus satisfactionem, causæ peccatorum exciduntur, & suggestionibus eorum aditus præcluditur: sunt enim actus virtutum oppositarum vitiis peccantibus; ergo &c.

Dicitur autem 1. *operatio laboriosa, et pœnalis*, quia

[1] 9. moral. 17. [2] *ibid.* L. 11,

[3] de dogm. 54.

de ratione pœnitentiæ est tenere penam pro peccatis, in quo differt à restitutione, quæ est puta redditio rei ablatis. 2. *voluntariè accepta, vel tolerata*, quia utroque modo fit, sc. vel ex impositione Sacerdotis, vel ex propria electione. 3. *ad puniendum peccata propria*; quia talis est finis satisfactionis. 4. *ex Sacerdotis taxatione*, seu impositione, alioqui non est sacramentalis: nam quæ fit per opera ex proprio motu pœnitentis, est extrasacramentalis. Hæc lucem accipiant ex sequentibus.

QUÆSTIO II.

Qualis debeat esse satisfactio, & opera satisfactoria.

Certum est 1. eam debere fieri per actus bonos honestate supernaturali, quia debent respicere Deum, & ejus cultum, ex Concilio Tridentino. [1] Ad Deum autem non respiciunt actus nequidem indifferentes, & procedere debent ex influxu gratiæ, & fidei in Christum, ex cujus roeritis sumant valorem. Nam inquit idem Concil. [2] *Neque verò ita nostra est hæc satisfactio, quam pro peccatis nostris exsolvimus, ut non sit per Christum, in quo vivimus, in quo movemur, in quo satisfacimus, facientes fructus dignos pœnitentiæ.* Quæ autem sic fiunt, sine dubio sunt supernaturalia.

2. Certum est 2. eos actus debere esse liberos elicitivè, aut imperativè, quatenus liberè acceptantur, vel tolerantur; cæteras conditiones examinamus.

CONCLUSIO I.

Opera satisfactionis sacramentalis regulariter debent esse pœnalia, & externa, possunt tamen fieri in actibus internis, & non pœnalibus. Est communior.

Prob. 1. ex Scoto cit. [3] Dico, quod satisfactio in isto intellectu magis consistit in actibus pœnalibus, vel passionibus voluntariis, quàm in aliis actibus bonis non pœnalibus, licet quandoque posset per aliquem actum bonum non pœnalem satisfieri, quia bene posset Deus acce-

[1] can. 14. [2] cap. 8. [3] ibid. f. 8.

acceptare actum magnum charitatis pro punitione debita uni culpæ, &c.

Prob. 2. ex Trident. [1] quod definit, *satisfieri Deo quoad penam temporalem penis ab eo inflictis, & patienter toleratis, vel à Sacerdote injunctis, aut sponte susceptis, ut jeuniis, orationibus, elemosynis, vel aliis etiam pietatis operibus, &c.*

Confir. ex Script. [2] *Convertimini. .. in jejunio, fletu, & planctu, &c.* Et de pœnitentia Ninivitarum dicitur, [3] *quod illam egerunt, et prædicaverunt jejunium, et vestiti sunt saccis, &c.* Et Christus de Sidoniis dicit, *quod in cinere, et cilicio pœnitentiam egissent; ergo pœnitentia impletur his operibus pœnalibus.*

Prob. 3. ex PP. nam inquit Gregor. [4] *Iustum est, ut peccator tantò majora inferat sibi lamenta per pœnitentiam, quantò majora intulit damna per culpam.* Et Auctor libri de vera pœnit. *Sunt digni fructus virtutum, qui non sufficiunt pœnitentibus: pœnitentia enim graviores fructus postulat, ut dolore, et gemitibus mortuus possit et vitam.* Et Chrysost. [5] *suadet pœnitenti, largos lacrymarum effunde fluvios, laboribus, ac vigiliis te ipsum afflige, &c.* Denique Patres omnes commendant talia opera laboriosa, & externa.

Prob. 4. ex praxi Ecclesiæ, quæ solet tales pœnas imponere pœnitentibus, sc. jejunia, orationes, & elemosynas, vigiliis, cilicia, & similes carnis macerationes, & Sancti omnes per hæc opera suam pœnitentiam commendarunt. Et certè sicut sacramentum est essentialiter signum sensibile, ita & partes ejus regulariter debent esse sensibiles; ergo & satisfactio.

Prob. 2. p. tum ex Scoto cit. [6] qui docet satisfieri posse per actum magnum charitatis, tum quia ex omnium consensu potest aliquando contritio interior esse tam fervens, ut totaliter deleat peccatum quoad culpam, & pœnam, & tunc tota satisfactio consistit in illo actu interno. Patet ant. exemplis adductis ex Script. nam sine dubio peccata Magdalene remissa sunt ei quoad pœnam omnem, *quoniam dilexit multum*, scil. remissio tam tribuitur dilectioni internæ, quàm lacrymis ejus.

N 6

Con-

[1] *sess. 14 c. 13.* [2] *Ezech. 18.*[3] *Jonæ 3.* [4] *hom. 20. in Evang.*[5] *hom. 42. in Matth.* [6] *ibid.*

Confir. Dantur peccata purè interna ; ergo & satisfactiones : nam offensa reparatur per actus oppositos, v.g. per actus amoris Dei , & proximi reparantur peccata odii, contemptus, invidiæ, &c.

Objic. 1. cont. 1. par. Actus satisfactorius debet esse liber ; sed actus externi non sunt liberi : nam libertas non est in potentiis externis ; ergo illi actus non sunt satisfactorii.

Resp. dist. maj. Liber elicitive, aut imperative, conc. elicitive tantum, neg. maj. & conf. quia illi actus, & potentiæ externæ agunt, & moventur liberè per libertatem voluntatis imperantis, & moventis, alioqui furtum, vel homicidium non esset peccatum in se, &c.

Inst. Ergo totum meritum, & valor operis est in actu interno, & non in externo, nisi denominative, & extrinsecè.

Resp. neg. subf. nam sicut homicidium, furtum, & similes actus externi sunt in se, & verè peccata ; ita & orationes, jejunia, &c. sunt verè in se bona, & satisfactoria, licet non sint in se libera, nisi ab imperio interno voluntatis.

Objic. 2. Actus externi non habent in se honestatem ; ergo nec valorem satisfactorium. Prob. aut. Tota bonitas est in actibus internis ; ergo &c.

Resp. eodem modo dist. ant. bonitatem seorsim ab internis, conc. simul cum internis, neg. ant. utrumque : nam, ut diximus aliàs, actus externus addit bonitatem, & malitiam internis, nam habet suam conformitatem, & diffinitatem cum lege.

Inst. Bonitas illa actus externi est eadem, vel distincta à bonitate interni ; sed neutrum dici potest ; ergo &c. Prob. min. 1. non distincta, quia distincta non est libertas. 2. non eadem, nam frustra esset externa.

Resp. eam esse numericè distinctam : nam stante voluntate jejunandi, quæ bona est, posses non jejunare, mutata voluntate ; sicut data intentione furandi, potes non furari, & sic duæ sunt numero libertates, & moralitates ejusdem speciei.

Objic. 3. Opera ut pœnalia non habent bonitatem, per quam placeant Deo ; ergo ut pœnalia non satisfaciunt.

Respon. dist. ant. Bonitatem præcisè ab intentione
satis-

satisfaciendi, & puniendi peccata per illa, con. ex illa intentione, & fine, neg. ant. Nam sub his respectibus habent bonitatem iustitiæ, & pœnitentiæ, & obedientiæ, & virtutum, in quarum materia fiunt, & quæ opponuntur peccatis illis, quæ punire intendimus.

Objic. 4. Si pœnalitas esset de ratione operis satisfactorii, ille, qui delectabiliter jejunaret, vel oraret, non satisfaceret, quia illa opera non essent ei laboriosa; sed conf. est falsum; ergo &c.

Resp. dist. maj. & dist. rationem ejus: non essent laboriosa ex fervore virtutis, conc. ex se, & natura sua, neg. ant. Nam de ratione operis satisfactorii non est, ut fiat cum repugnantia actuali appetitus, sed sufficit, ut de se, & præcisa perfectione virtutis, vel habitus influentis delectabilitatem, aut tollentis repugnantiam actualem exerceantur ex intentione puniendi peccatum, & satisfaciendi Deo.

Objic. 1. con. 2. p. Scotus definit satisfactionem per opus externum, & laboriosum; sed neutrum dici potest de actibus purè internis; ergo non sunt satisfactorii. Prob. min. Quia anima non laborat in suis actibus, nulla ei cognitio, vel cogitatio, vel volitio repugnat de se, sed tantum ratione appetitus sensitivi, ergo &c.

Resp. 1. Scotum loqui de satisfactione, prout regulariter fieri, & imponi solet, ut patet ex ejus textu, in quo admittit eam fieri posse per actum internum charitatis.

Resp. 2. neg. min. Nam certum est animam magis delectari in quibusdam actibus, quam in aliis, & indigere majoribus auxiliis gratiæ ad actus fidei, quam scientiæ, ad actus charitatis, quam odii, &c.

CONCLUSIO II.

Omne opus bonum internum, & externum potest esse satisfactorium pro panis temporalibus peccatorum, licet non sit panale. Est etiam communior.

Prob. 1. ex Scoto cit. [1] dicit enim expressè, quòd potest per aliquem actum bonum non panalem satisfieri, v. g. per actum charitatis.

Prob.

[1] Ibid.

Prob.2. Homo per actus virtutum fidei, spei, & charitatis potest delere pœnam æternam, & mereri gloriam; ergo à fortiori potest mereri per eisdem remissionem pœnæ temporalis, & pro illa satisfacere. Prob.conf. Actus, quibus meremur deletionem culpæ, & pœnæ, & gloriam, debent magis placere Deo, quàm displiceant peccata; ergo illi actus debent esse magis satisfactorii, & acceptabiliotes pro pœnis temporalibus.

Confir. ex Trident. cit. dicente, [1] quod *satisfieri potest non solum jeuniis, orationibus, elemosynis, vel aliis pietatis operibus*. Sed omnia pietatis opera non sunt pœnalia: comprehendunt actus omnes Religionis in Deum, denique actus omnes omnium virtutum; ergo &c.

Confir.2. Nam orationes, & elemosynæ non sunt per se opera pœnalia, nec laboriosa, sed valde conformia naturæ rationali; sed Concilia, Patres, & ipsa Script. hæc opera enumerant inter satisfactoria; ergo &c.

Objic.1. Opera satisfactoria debent æquivalere rebus, pro quibus satisfit; sed satisfit pro pœnis; & sola opera pœnalia æquivalent illis pœnis; ergo hæc sola sunt satisfactoria.

Resp.diff. maj. Æquivalere morali æstimatione, con. maj. & neg. min. in physica entitate, neg. maj. & conf. Nam in morali æstimatione, & acceptatione divina pietatis opera omnia æquivalent pœnis temporalibus peccatorum æque, ac 10. aut 20. asses æquivalent labori diurno fabri, &c.

Inst. Non legitur in Script. quod Deus sic acceptet; vel æstimet illa opera; ergo gratis hoc dicitur.

Resp.neg.conf. Nam licet Script. non dicat illam satisfactionem esse per opera pœnalia potius, quàm per alia, ita non est necesse, ut expresse doceat illam æstimationem, & acceptationem.

Resp.2. neg.ant. Nam ex generali æstimatione operum pietatis pro mercede gloriæ æternæ satis aperte colligitur pro remissione pœnæ temporalis, & aliis meritis inferiorum bonorum. Habemus in Evangelio, quod Deus promittit regnum suum pro operibus omnibus misericordiæ, etiam pro potu aquæ frigidæ, &c.

[1] can.23.

&c. Quæ autem comparatio regni æterni cum potu aquæ frigidæ?

Resp. 3. neg. eandem conf. Nam sufficit, quod illa æstimatio legatur in praxi, & doctrina Ecclesiæ, quæ est depositaria intenuonum Dei.

Inst. 2. Iustitia commutativa exigit æqualitatem, & similitudinem dati, & accepti, seu debiti, & soluti; sed hæc satisfactio est actus iustitiæ commutativæ; ergo exigit pœnalia pro redimendis pœnis.

Resp. dist. maj. Æqualitatem juxta moralem æstimationem, con. æqualitatem, & similitudinem physicam, neg. maj. & conf. in civilibus, & humanis injuriæ compensantur pecuniis, labores militares præmiis, & honoribus.

Objic. 2. Pœnitentia debet fieri in operibus laboriosis, ac pœnalibus; ergo & satisfactio, quæ est pars pœnitentiæ. Prob. ant. quia debet fieri in jejuniis, & vigiliis, in fletu, & planctu; ergo &c.

Resp. dist. ant. Regulariter, & non excludendo alia opera, con. absolute, & ita ut non valeat in aliis piis operibus, neg. ant. & 2. conf. Nam, ut diximus, regulariter, & ordinariè quidem pœnitentia fit in his operibus; sed valet etiam in aliis etiam internis coram Deo, qui corda novit, & intuetur.

Objic. 3. Satisfactio est actus pœnitentiæ; ergo debet esse pœnalis; nam illa est pœnæ tenentia.

Resp. dist. ant. Actus pœnitentiæ elicited, vel imperatus, con. elicited, neg. ant. Nam sufficit, quod opera virtutum imperentur à pœnitentia, & offerantur Deo in satisfactionem pro peccatis.

CONCLUSIO III.

Hæc satisfactio fieri potest per voluntariam patientiam in pœnis, & afflictionibus, quas Deus permittit nobis accidere. Est communior.

Prob. 1. ex Scoto cit. [1] dicente, satisfactionem esse vel operationem, vel passionem, seu pœnam voluntariè toleratam in ordine prædicto, id. ad placandam divinam offensam. Et alibi dicit, quod mors voluntariè accepta sit sufficiens pro pœna cujusvisque peccati venialis, & fortè pro magna parte pœnæ debite pro mortali.

[1] Ibid. L. 11. d. 21. q. 1. 10.

talibus dimissis nec obstat, quod est pœna necessaria, quia aliquis potest voluntariè acceptare necessariam; ergo ex Scoro acceptatio, & patientia voluntaria afflictionum potest esse satisfactoria pro peccatis.

Prob. 2. ex Concil. Trid. [1] docente, tantam esse divinæ munificentiae largitatem, ut non solum pœnis à nobis pro vindicando peccato susceptis, aut sacerdotis arbitrio pro mensura delicti impositis, sed etiam, quod maximum est amoris argumentum, temporalibus flagellis à Deo inflictis, & à nobis patienter toleratis satisfacere valeamus. Quod definit can. 13.

Prob. 3. quia talis acceptatio, & patientia tali motivo est verum opus virtutis obedientiæ, & conformitatis, humilitatis, pœnitentiæ, imò & amoris in Deum; ergo tam est satisfactoria, quàm quilibet actus alterius virtutis. Prob. ant. Nam hæc acceptatio potest operari ab illis omnibus virtutibus in eum finem.

Confir. tum quia pœnæ istæ non magis sunt necessariae, quàm pœnæ purgatorii; sed per istas expiatur peccata quoad pœnas temporales, licet earum acceptatio non sit amplius libera; ergo à fortiori acceptatio pœnarum, quas Deus immittit, quia hæc libera est.

Prob. 4. Talis est regulariter voluntas Dei, qui tales pœnas permittit in purificationem, & emendationem nostram; ergo vult eas acceptemus libenter, & per patientiam illi placeamus. Prob. ant. tum ex doctrina Conc. cit. tum ex Script. quæ docet Deum sæpe infligere, aut permittere tales pœnas ex amore: nam quem diligit Dominus, corripit, & castigat: flagellat autem omnem filium, quem recipit; &, ut notat Hieron. Scitote ideo Deum ad præsens reddidisse supplicia, ne in æternum puniret; ergo ex intentione Dei hæc mala nobis eveniunt, ut per eorum tolerantiam purificemur, & satisfaciamus pro peccatis, & à peccatis retrahamur.

Objic. 1. Actus satisfactorius est voluntaria redditiō debiti; sed talis non est hæc patientia; ergo non est satisfactoria. Prob. min. quia pendet à voluntate Dei, & ab aliis causis talium malorum; ergo &c.

Resp. neg. min. & conf. Nam voluntaria illa accepta-

[1] Ibid. c. 9.

ptatio est actus humilitatis, & obedientiæ, per quam reparantur rebelliones peccati.

Inst. Illæ pœnæ sunt iusta supplicia immissa in vindictam peccatorum; ergo non sunt materia satisfactionis, quia debentur alio titulo.

Resp. transf. ant. Non enim semper ita est, ut patet de Job, & Tobia, & neg. conf. nam per voluntariam acceptationem suppliciorum etiam placeamus Deo, & meremur apud illum; & hæc non est alio titulo debita, cum offertur ex amore in Deum, & ex intentione satisfaciendi, &c. Filius amanter acceptans flagellationem, & osculando virgas placet patri castiganti, & meretur apud illum ampliorem gratiam.

Objic.2. Multæ calamitates casualiter accidunt ex creaturis cum sola permissione Divina; ergo per eas non satisfacimus, nec meremur.

Resp. dist. conf. ex parte causarum, conc. ex libera nostra acceptatione, & applicatione, seu oblatione; neg. conf. nam per hos actus virtutum verè placeamus Deo, & placamus eum.

CONCLUSIO IV.

Absolute loquendo possumus satisfacere per opera aliunde præcepta, modò adsint cætera. Est communior contra aliquos nolentes posse satisfieri, nisi per opera supererogationis.

Dico, absolute loquendo: nam fateor, quod regulariter, & extra casus raros necessitatis, debent imponi opera supererogationis, & aliàs indebita, quod apertè colligitur ex textu Doctoris cit.

Prob.2. ex Concil. Trid.[1] docente, quod per observantiam mandatorum Dei, & Ecclesiæ (fideles) in ipsa iustitia per Christum accepta crescunt, atque magis iustificantur, cooperante fide bonis operibus; &c. Idem patet ex locis allatis in præcedenti de patientia in afflictionibus; hæc enim aliunde est debita de lege naturæ, nec minus calamitates illæ sunt nobis necessariæ, quàm ulla opera ex quibuscumque præceptis debita. Imò hæc possumus non observare, non autem mala illa vitare. Unde

Prob.3. Patientia in malis, quæ patimur à Deo, vel

crea-

[1] Sess.6.

tum; ergo nec satisfactio debita. Prob. min. ex Script. [1] *Impietas impii non nocebit ei in quacumque die conversus fuerit. Et, Si impius egerit pœnitentiam, omnium iniquitatum ejus non recordabor*; ergo post pœnitentiam nihil à nobis exigit Deus, nec remanet debitum pro peccatis.

Resp. 2. neg. min. & 2. conf. Si pœnitentia fuerit perfectissima, & ex summa charitate, conc. si non fuerit, neg. min. & 2. conf. nam Propheta loquitur de perfectissima.

Resp. 2. neg. min. & dist. ànt. Non nocebit, non recordabor in ordine ad damnationem, quam dementur, conc. ad aliquas pœnas temporales, neg. ant. nam de istis non loquitur Deus, aut Propheta, quia non tam sunt pœnæ, quàm remedia purgantia, & meritoria majoris gratiæ.

Inst. Christus absolvens, & remittens peccata nihil reservabat; ergo nec Deus in peccatoribus contritis ad puniendum. Prob. ant. ex textu de Adultera, de Paralitico, de Magdalena, &c.

Resp. 1. neg. conf. nam in sacramento Deus remittit peccata per sacerdotes, quibus dedit potestatem ministerialem, & limitatam, prout voluit: Christus verò remittebat ex potestate authoritativa, & illimitata, quam ex se ipso habebat ratione unionis hypostaticæ.

Resp. 2. neg. ant. nam reservabat eis debitum resipiscentiæ, & pœnitentiæ, dicens, *vade, & noli amplius peccare*. Idem patet exemplis de Adam, & Eva, de Cain, & David. Adæ reservat labores, & sudores, & spinas, &c. Evæ dolores, & subjectionem, Caino divagationem, Davidi famem, &c.

Inst. ex Patribus, *Infidelitas est ab eo, qui justus est, dimidiatam expectare veniam*; sed si Deus reservaret pœnas temporales, cum remittit peccata, dimidiaret veniam; ergo &c.

Resp. dist. maj. Dimidiam quoad pœnam æternam, conc. quoad omnem temporalem, neg. maj. & conf. nec enim mutatio damnationis æternæ in pœnam aliquam temporalem dedecet Dei misericordiam, quia talis reservatio est nobis utilis ad cautelam contra peccatum, & ne dicamus cum impiis: *Peccavi, & quid mihi accidit triste?* totalis impunitas libidinem faceret peccandi.

Inst.

[1] *Ezech. 3. & 18.*

Inst. 2. Per gratiam justificantem peccator reconciliatur Deo, & fit amicus; sed reservatio pœnæ est incompatibilis cum vera amicitia, est enim animus vindictæ, & ex reliquiis odii; ergo &c.

Resp. dist. min. Reservatio pœnæ æternæ, conc. min. pœnæ temporalis, neg. min. & rationem ejus: non enim venit ex odio, nec ex animo vindictæ, sed ex providentia bonitatis: nam inquit Gregor. [1] *Ab electis suis iniquitatum maculas studeat afflictione temporali abstergere, quas in perpetuum non vult in eis videre.* Denique illæ pœnæ sunt salutares; ergo non ex odio, sed potius ex misericordia, qua quos amat, castigat.

Objic. denique. Sublata causa, tollitur effectus; sed reatus culpæ in peccato est causa reatus pœnæ, & ille tollitur per gratiam justificantem; ergo & iste.

Resp. dist. maj. Effectus physicus, conc. moralis, neg. maj. reatus autem pœnæ temporalis est effectus moralis culpæ, seu peccati, & ideo remanet post delictum reatus pœnæ æternæ per gratiam.

CONCLUSIO II.

Satisfactio sacramentalis rectè describitur operatio laboriosa, et pœnalis voluntariè accepta, vel tolerata ad puniendum peccatum, et compensandam offensam Dei ex Sacerdotis impositione.

Prob. 1. ex Scoto, [2] qui serè in terminis eam sic describit, ut diximus: *Est operatio exterior laboriosa,* &c. dicit *exteriolem*, nec tamen intendit excludere actus internos charitatis, contritionis, &c. sed solum quia regulariter imponitur, & impletur per actus externos, ut diximus.

Prob. 2. ex sensu communi Theologorum, qui per satisfactionem sacramentalem intelligunt talia opera.

Confirm. ex August. [3] *Satisfactio est peccatorum causas excidere, nec suggestionibus eorum aditum indulgere;* sed per talia opera, in quibus consistere dicimus satisfactionem, causæ peccatorum exciduntur, & suggestionibus eorum aditus præcluditur: sunt enim actus virtutum oppositarum vitiis peccantibus; ergo &c.

Dicitur autem 1. *operatio laboriosa, et pœnalis*, quia

[1] 9. moral. 17. [2] *ibid.* l. 11,

[3] *de dogm.* 54.

de ratione pœnitentiæ est tenere pœnam pro peccatis, in quo differt à restitutione, quæ est puta redditio rei ablatis. 2. *voluntariè accepta, vel tolerata*, quia utroque modo fit, sc. vel ex impositione Sacerdotis, vel ex propria electione. 3. *ad puniendum peccata propria*, quia talis est finis satisfactionis. 4. *ex Sacerdotis taxatione*, seu impositione, alioqui non est sacramentalis; nam quæ fit per opera ex proprio motu pœnitentis, est extrasacramentalis. Hæc lucem accipient ex sequentibus.

Q U Æ S T I O II.

Qualis debeat esse satisfactio, & opera satisfactoria.

Certum est 1. eam debere fieri per actus bonos honestate supernaturali, quia debent respicere Deum, & ejus cultum, ex Concilio Tridentino. [1] Ad Deum autem non respiciunt actus nequidem indifferentes, & procedere debent ex influxu gratiæ, & fidei in Christum, ex cujus meritis sumant valorem. Nam inquit idem Concil. [2] *Neque verò ita nostra est hæc satisfactio, quam pro peccatis nostris exsolvimus, ut non sit per Christum, in quo vivimus, in quo movemur, in quo satisfacimus, facientes fructus dignos pœnitentiæ.* Quæ autem sic fiunt, sine dubio sunt supernaturalia.

2. Certum est 2. eos actus debere esse liberos elicitive, aut imperative, quatenus liberè acceptantur, vel tolerantur; cæteras condiciones examinamus.

C O N C L U S I O I.

Opera satisfactionis sacramentalis regulariter debent esse pœnalia, & externa, possunt tamen fieri in actibus internis, & non pœnalibus. Est communior.

Prob. 1. ex Scoto cit. [3] Dico, quod satisfactio in isto intellectu magis consistit in actibus pœnalibus, vel passionibus voluntariis, quàm in aliis actibus bonis non pœnalibus, licet quandoque posset per aliquem actum bonum non pœnalem satisfieri, quia bene posset Deus

acce-

[1] can. 14. [2] cap. 8. [3] ibid. f. 8.

acceptare actum magnum charitatis pro punitione debita uni culpæ, &c.

Prob. 2. ex Trident. [1] quod definit, *satisfieri Deo quoad penam temporalem penis ab eo inflictis, & patienter toleratis, vel à Sacerdote injunctis, aut sponte susceptis, ut jeuniis, orationibus, eleemosynis, vel aliis etiam pietatis operibus, &c.*

Confir. ex Script. [2] *Convertimini... in jejunio, fletu, & planctu, &c.* Et de pœnitentia Ninivitarum dicitur, [3] *quod illam egerunt, et prædicaverunt jejunium, et vestiti sunt saccis, &c.* Et Christus de Sidoniis dicit, *quod in cinere, et cilicio pœnitentiam egissent; ergo pœnitentia impletur his operibus pœnalibus.*

Prob. 3. ex PP. nam inquit Gregor. [4] *Iustum est, ut peccator tantò majora inferat sibi lamenta per pœnitentiam, quantò majora intulit damna per culpam.* Et Auctor libri de vera pœnit. *Sunt digni fructus virtutum, qui non sufficiunt pœnitentibus: pœnitentia enim graviores fructus postulat, ut dolore, et gemitibus mortuus possit et vitam.* Et Chrysost. [5] *suadet pœnitenti, largos lacrymarum effunde fluvios, laboribus, ac vigiliis se ipsum afflige, &c.* Denique Patres omnes commendant talia opera laboriosa, & externa.

Prob. 4. ex praxi Ecclesiæ, quæ solet tales pœnas imponere pœnitentibus, sc. jejunia, orationes, & eleemosynas, vigiliis, cilicia, & similes carnis macerationes, & Sancti omnes per hæc opera suam pœnitentiam commendarunt. Et certè sicut sacramentum est essentialiter signum sensibile, ita & partes ejus regulariter debent esse sensibiles; ergo & satisfactio.

Prob. 2. p. tum ex Scoto cit. [6] qui docet satisfieri posse per actum magnum charitatis, tum quia ex omnium consensu potest aliquando contritio interior esse tam fervens, ut totaliter debeat peccatum quoad culpam, & pœnam, & tunc tota satisfactio consistit in illo actu interno. Patet ant. exemplis adductis ex Script. nam sine dubio peccata Magdalene remissa sunt ei quoad pœnam omnem, quoniam dilexit multum, scil. remissio tam tribuitur dilectioni internæ, quàm lacrymis ejus.

N 6

Con-

[1] sess. 14 c. 13. [2] Ezech. 18.

[3] Jonæ 3. [4] hom. 20. in Evang.

[5] hom. 42. in Matth. [6] ibid.

Confir. Dantur peccata purè interna ; ergo & satisfactiones : nam offensa reparatur per actus oppositos, v.g. per actus amoris Dei , & proximi reparantur peccata odii, contemptus, invidiæ, &c.

Objic. 1. cont. 1. par. Actus satisfactorius debet esse liber ; sed actus externi non sunt liberi : nam libertas non est in potentiis externis ; ergo illi actus non sunt satisfactorii.

Resp. dist. maj. Liber elicitive, aut imperative, conc. elicitive tantum, neg. maj. & conf. quia illi actus, & potentiæ externæ agunt, & moventur liberè per libertatem voluntatis imperantis, & moventis, alioqui furtum, vel homicidium non esset peccatum in se, &c.

Inst. Ergo totum meritum, & valor operis est in actu interno, & non in externo, nisi denominativè, & extrinsecè.

Resp. neg. subf. nam sicut homicidium, furtum, & similes actus externi sunt in se, & verè peccata; ita & orationes, jejunia, &c. sunt verè in se bona, & satisfactoria, licet non sint in se libera, nisi ab imperio interno voluntatis.

Objic. 2. Actus externi non habent in se honestatem ; ergo nec valorem satisfactorium. Prob. aut. Totà bonitas est in actibus internis ; ergo &c.

Resp. eodem modo dist. ant. bonitatem seorsim ab internis, conc. simul cum internis, neg. ant. utrumque : nam, ut diximus aliàs, actus externus addit bonitatem, & malitiam internis, nam habet suam conformitatem, & difformitatem cum lege.

Inst. Bonitas illa actus externi est eadem, vel distincta à bonitate interni ; sed neutrum dici potest ; ergo &c. Prob. min. 1. non distincta, quia distincta non est libertas. 2. non eadem, nam frustra esset externa.

Resp. eam esse numericè distinctam : nam stante voluntate jejunandi, quæ bona est, posses non jejunare, mutata voluntate ; sicut data intentione furandi, potes non furari, & sic duæ sunt numero libertates, & moralitates ejusdem speciei.

Objic. 3. Opera ut pœnalia non habent bonitatem, per quam placeant Deo ; ergo ut pœnalia non satisfaciunt.

Respon. dist. ant. Bonitatem præcisè ab intentione satis-

satisfaciendi, & puniendi peccata per illa, con. ex illa intentione, & fine, neg. ant. Nam sub his respectibus habent bonitatem iustitiæ, & pœnitentiæ, & obedientiæ, & virtutum, in quarum materia fiunt, & quæ opponuntur peccatis illis, quæ punire intendimus.

Objic. 4. Si pœnalitas esset de ratione operis satisfactorii, ille, qui delectabiliter jejunaret, vel oraret, non satisfaceret, quia illa opera non essent ei laboriosa; sed conf. est falsum; ergo &c.

Resp. dist. maj. & dist. rationem ejus: non essent laboriosa ex fervore virtutis, conc. ex se, & natura sua, neg. ant. Nam de ratione operis satisfactorii non est, ut fiat cum repugnantia actuali appetitus, sed sufficit, ut de se, & præcisa perfectione virtutis, vel habitus influentis delectabilitatem, aut tollentis repugnantiam actualem exerceantur ex intentione puniendi peccatum, & satisfaciendi Deo.

Objic. 1. con. 2. p. Scotus definit satisfactionem per opus externum, & laboriosum; sed neutrum dici potest de actibus purè internis; ergo non sunt satisfactorii. Prob. min. Quia anima non laborat in suis actibus, nulla ei cognitio, vel cogitatio, vel volitio repugnat de se, sed tantum ratione appetitus sensitivi, ergo &c.

Resp. 1. Scotum loqui de satisfactione, prout regulariter fieri, & imponi solet, ut patet ex ejus textu, in quo admittit eam fieri posse per actum internum charitatis.

Resp. 2. neg. min. Nam certum est animam magis delectari in quibusdam actibus, quam in aliis, & indigere majoribus auxiliis gratiæ ad actus fidei, quam scientiæ, ad actus charitatis, quam odii, &c.

CONCLUSIO II.

Omne opus bonum internum, & externum potest esse satisfactorium pro peccatis temporalibus peccatorum, licet non sit pœnale. Est etiam communior.

Prob. 1. ex Scoto cit. [1] dicit enim expressè, quòd potest per aliquem actum bonum non pœnalem satisfieri, v. g. per actum charitatis.

Prob.

[1] Ibid.

Prob.2. Homo per actus virtutum fidei, spei, & charitatis potest delere pœnam æternam, & mereri gloriam; ergo à fortiori potest mereri per eosdem remissionem pœnæ temporalis, & pro illa satisfacere. Prob.conf. Actus, quibus meremur deletionem culpæ, & pœnæ, & gloriam, debent magis placere Deo, quàm displiceant peccata; ergo illi actus debent esse magis satisfactorii, & acceptabiliores pro pœnis temporalibus.

Confir. ex Trident. cit. dicente, [1] quod *satisfieri potest non solum jeuniis, orationibus, elemosynis, vel aliis pietatis operibus*. Sed omnia pietatis opera non sunt pœnalia: comprehendunt actus omnes Religionis in Deum, denique actus omnes omnium virtutum; ergo &c.

Confir.2. Nam orationes, & elemosynæ non sunt per se opera pœnalia, nec laboriosa, sed valde conformia naturæ rationali; sed Concilia, Patres, & ipsa Script. hæc opera enumerant inter satisfactoria; ergo &c.

Objic.1. Opera satisfactoria debent æquivalere rebus, pro quibus satisfit; sed satisfit pro pœnis: & sola opera pœnalia æquivalent illis pœnis; ergo hæc sola sunt satisfactoria.

Resp. dist. maj. Æquivalere morali æstimatione, con. maj. & neg. min. in physica entitate, neg. maj. & conf. Nam in morali æstimatione, & acceptatione divina pietatis opera omnia æquivalent pœnis temporalibus peccatorum æque, ac 10. aut 20. asses æquivalent labori diurno fabri, &c.

Inst. Non legitur in Script. quod Deus sic acceptet; vel æstimet illa opera; ergo gratis hoc dicitur.

Resp. neg. conf. Nam licet Script. non dicat illam satisfactionem esse per opera pœnalia porius, quàm per alia, ita non est necesse, ut expresse doceat illam æstimationem, & acceptationem.

Resp.2. neg. ant. Nam ex generali æstimatione operum pietatis pro mercede gloriæ æternæ satis aperte colligitur pro remissione pœnæ temporalis, & aliis meritis inferiorum bonorum. Habemus in Evangelio, quod Deus promittit regnum suum pro operibus omnibus misericordiæ, etiam pro potu aquæ frigidæ, &c.

[1] can. 23.

&c. Quæ autem comparatio regni æterni cum potu aquæ frigidæ?

Resp. 3. neg. eandem conf. Nam sufficit, quod illa æstimatio legatur in praxi, & doctrina Ecclesiæ, quæ est depositaria intentionum Dei.

Inst. 2. Justitia commutativa exigit æqualitatem, & similitudinem dati, & accepti, seu debiti, & soluti; sed hæc satisfactio est actus justitiæ commutativæ; ergo exigit pœnalia pro redimendis pœnis.

Resp. dist. maj. Æqualitatem juxta moralem æstimationem, con. æqualitatem, & similitudinem physicam, neg. maj. & conf. in civilibus, & humanis injuriæ compensantur pecuniis, labores militares præmiis, & honoribus.

Objic. 2. Pœnitentia debet fieri in operibus laboriosis, ac pœnalibus; ergo & satisfactio, quæ est pars pœnitentiæ. Prob. ant. quia debet fieri in jejuniis, & vigiliis, in fletu, & planctu; ergo &c.

Resp. dist. ant. Regulariter, & non excludendo alia opera, con. absolute, & ita ut non valeat in aliis piis operibus, neg. ant. & 2. conf. Nam, ut diximus, regulariter, & ordinariè quidem pœnitentia fit in his operibus; sed valet etiam in aliis etiam internis coram Deo, qui corda novit, & intuetur.

Objic. 3. Satisfactio est actus pœnitentiæ; ergo debet esse pœnalis; nam illa est pœnæ tenentia.

Resp. dist. ant. Actus pœnitentiæ elicitus, vel imperatus, con. elicitus, neg. ant. Nam sufficit, quod opera virtutum imperentur à pœnitentia, & offerantur Deo in satisfactionem pro peccatis.

CONCLUSIO III.

Hæc satisfactio fieri potest per voluntariam patientiam in pœnis, & afflictionibus, quas Deus permittit nobis accidere. Est communior.

Prob. 1. ex Scoto cit. [1] dicente, satisfactionem esse vel operationem, vel passionem, seu pœnam voluntariè toleratam in ordine prædicto, id. ad placandam divinam offensam. Et alibi dicit, quod mors voluntariè accepta sit sufficiens pro pœna cujuscunque peccati venialis, & fortè pro magna parte pœnæ debita pro mortali.

[1] Ibid. L. 11. d. 21. q. 1. 10.

talibus dimissis nec obstat, quod est pœna necessaria, quia aliquis potest voluntariè acceptare necessariam; ergo ex Scoto acceptatio, & patientia voluntaria afflictionum potest esse satisfactoria pro peccatis.

Prob. 2. ex Concil. Trid. [1] docente, *tantam esse divinæ munificentiae largitatem, ut non solum pœnis à nobis pro vindicando peccato susceptis, aut sacerdotis arbitrio pro mensura delicti impositis, sed etiam, quod maximum est amoris argumentum, temporalibus flagellis à Deo inflictis, & à nobis patienter toleratis satisfacere valeamus. Quod definit can. 13.*

Prob. 3. quia talis acceptatio, & patientia tali motivo est verum opus virtutis obedientiæ, & conformitatis, humilitatis, pœnitentiæ, imò & amoris in Deum; ergo tam est satisfactoria, quàm quilibet actus alterius virtutis. Prob. ant. Nam hæc acceptatio potest operari ab illis omnibus virtutibus in eum finem.

Confir. tum quia pœnæ istæ non magis sunt necessariae, quam pœnæ purgatorii; sed per istas expiatur peccata quoad pœnas temporales, licet earum acceptatio non sit amplius libera; ergo à fortiori acceptatio pœnarum, quas Deus immittit, quia hæc libera est.

Prob. 4. Talis est regulariter voluntas Dei, qui tales pœnas permittit in purificationem, & emendationem nostram; ergo vult eas acceptemus libenter, & per patientiam illi placeamus. Prob. ant. tum ex doctrina Conc. cit. tum ex Script. quæ docet Deum sæpe infligere, aut permittere tales pœnas ex amore: nam *quem diligit Dominus, corripit, & castigat: flagellat autem omnem filium, quem recipit; &, ut notat Hieron. Scitote ideo Deum ad præsens reddidisse supplicia, ne in æternum puniret; ergo ex intentione Dei hæc mala nobis eveniunt, ut per eorum tolerantiam purificemur, & satisfaciamus pro peccatis, & à peccatis retrahamur.*

Obje. 1. Actus satisfactorius est voluntaria redditi debiti; sed talis non est hæc patientia; ergo non est satisfactoria. Prob. min. quia pendet à voluntate Dei, & ab aliis causis talium malorum; ergo &c.

Resp. neg. min. & conf. Nam voluntaria illa accepta-

[1] *Ibid. c. 9.*

ptatio est actus humilitatis, & obedientiæ, per quam reparantur rebelliones peccati.

Inst. Illæ pœnæ sunt iusta supplicia immissa in vindictam peccatorum; ergo non sunt materia satisfactionis, quia debentur alio titulo.

Resp. transf. ant. Non enim semper ita est, ut patet de Job, & Tobia, & neg. conf. nam per voluntariam acceptationem suppliciorum etiam placemus Deo, & meremur apud illum; & hæc non est alio titulo debita, cum offertur ex amore in Deum, & ex intentione satisfaciendi, &c. Filius amanter acceptans flagellationem, & osculando virgas placet patri castiganti, & meretur apud illum ampliorem gratiam.

Objic.2. Multæ calamitates casualiter accidunt ex creaturis cum sola permissione Divina; ergo per eas non satisfacimus, nec meremur.

Resp. dist. conf. ex parte causarum, conc. ex libera nostra acceptatione, & applicatione, seu oblatione; neg. conf. nam per hos actus virtutum verè placemus Deo, & placamus eum.

CONCLUSIO IV.

Absolute loquendo possumus satisfacere per opera aliunde præcepta, modò adsint cetera. Est communior contra aliquos nolentes posse satisfieri, nisi per opera supererogationis.

Dico, absolute loquendo: nam fateor, quod regulariter, & extra casus raros necessitatis, debent imponi opera supererogationis, & aliàs indebita, quod apertè colligitur ex textu Doctoris cit.

Prob.2. ex Concil. Trid.[1] docente, quod per observantiam mandatorum Dei, & Ecclesiæ (fideles) in ipsa iustitia per Christum accepta crescunt, atque magis iustificantur, cooperante fide bonis operibus; &c. Idem patet ex locis allatis in præcedenti de patientia in afflictionibus; hæc enim aliunde est debita de lege naturæ, nec minus calamitates illæ sunt nobis necessariae, quàm ulla opera ex quibuscumque præceptis debita. Imò hæc possumus non observare, non autem mala illa vitare. Unde

Prob.3. Patientia in malis, quæ patimur à Deo, vel circa

[1] Sess.6.

creaturis, est de præcepto naturali, & divino; sed per illam meremur, & satisfacimus; ergo & per opera præcepta. Min. patet ex præcedenti. Prob. maj. tenemur confiteri Deum, & Christum coram Tyrannis, etiam cum periculo mortis, & tamen per hanc confessionem, & mortem meremur coronam martyrii. *Qui me confessus fuerit coram hominibus, confitebor, &c.* Et, *qui me negaverit, negabitur, &c.* Item, *in dolore sustine, in humilitate patientiam habes*; hic, & alibi præcipitur patientia. Idem est de eleemosyna. *Et eleemosynam pauperis non defraudes.* Et, *dare eleemosynam.* Et, *eleemosynam facite, &c.* Et hæc aliquando est de jure naturæ; sed nemo dixerit hoc actus, seu hanc patientiam sic necessariam, & præceptam non esse meritoriam, si adsint aliæ conditiones; ergo &c.

Prob. 4. Præceptum nihil tollit de bonitate objectiva, & formali operum; ergo nec de ratione meriti eorum, aut satisfactionis, si fiant ea intentione. Prob. ant. Ecclesia præcipit jejunia, orationes, eleemosynas in hunc finem, sc. in remissionem, & satisfactionem; ergo præceptio nihil tollit de illorum valore, si rectè fiant.

Confir. Nam, ut monet Doctor, aliquando expedit Sacerdoti, ut imponat talia opera jam præcepta, sive ut fiant majori cum applicatione, & devotione, sive ut infirmitati, aut paupertati pœnitentium consulat: & si neglexerit implere, peccat dupliciter contra duplex præceptum, & duplex motivum formale talium operum, nempe contra præceptum Ecclesiæ, aut naturæ, vel decalogi, & confessarii, seu contra debitum sacramenti.

Advertat autem Sacerdos, quòd licet absolutè vera sit conclusio, & speculativè, tamen in praxi, & regulariter, & quoad fieri potest, imponenda sunt opera libera, & aliundè indebita; sic enim magis servatur æquitas, & regula justitiæ.

Objic. 1. Satisfactio ex Scoto est redditio æquivalentis ex aliàs indebitis; sed opera præcepta non sunt aliàs indebita; ergo non sunt satisfactoria pro hoc sacramento. Prob. miq. jejunium in quadagesima v. g., debetur ex præcepto Ecclesiæ, &c. hinc sequitur hoc esse contra Scotum.

Resp.

Resp. dist. maj. Ex aliàs indebitis eodem motivo, & bonitate, & seclusa acceptatione creditoris, conc. sub diverso motivo, & bonitate, & acceptatione creditoris, sc. Dei, neg. maj. & conf. illud jejunium ratione præcepti est materia, & opus obedientiæ, & ratione impositionis in confessione est opus satisfactorium; & qui jejunat ex utroque motivo, dat eidem operi duplicem bonitatem, & hæc posterior non est aliàs debita, sc. sub hac 2. bonitate.

Quoad Scotum patet ex textibus allatis hoc non esse contra mentem ejus: quia cum exigit, ut satisfactio fiat ex aliàs indebitis, loquitur de justitia rigorosa, qualis non est hæc satisfactio.

Inst. Non potest solvi duplex debitum unica solutione; sed si per opus aliud præceptum satisfaceret pro peccatis, unica solutione solveretur duplex debitum; ergo &c. min. prob. solveretur debitum obedientiæ, & satisfactionis pœnitentialis; ergo &c.

Resp. dist. maj. unica solutione materiali, & formali, conc. unica materiali, & duplici formaliter; aut æquivalenter, seu duplici valore, seu bonitate formali, neg. maj. & min. & 2. conf. Nam in his casibus idem opus materiale factum ex duplici motivo duplicis virtutis habet duplicem bonitatem formalem.

Inst. Non constat Deum creditorem sic acceptare illa opera; ergo gratis hoc dicimus.

Resp. neg. ant. Nam id constat ex omnibus Scripturis, quibus commendatur Dei munificentia, & ex Ecclesiæ praxi, quæ est divinæ intentionis interpret, & depositaria. Docet enim, [1] *tantam esse divinæ munificentiae largitatem, ut non solum penis sponte susceptis pro vindicando peccato, aut Sacerdotis arbitrio impositis, sed etiam (quod maximum amoris argumentum est) flagellis à Deo inflictis satisfacere valeamus.* Et certe nisi hoc verum esset, nullo modo possemus satisfacere Deo, quia omnia opera nostra illi debentur mille titulis: nam inquit Anselmus, *In obedientia quid das Deo, quod non debes? cui jubenti totum quod es, & quod habes, & quod potes, debes?*

Inst. 3. ex ipso Anselmo, Cum aliquis, quod abstulit injuste, solvit, hoc debet dari, quod ab illo non pos-

set.

[1] *Trid. Sess. 14. c. 9.*

set exigi, si alienum non rapuisset. Sic ergo debet omnis, qui peccat, honorem, quem Deo rapuit, solvere; ergo satisfactio pro peccatis debet fieri ex aliis indebitis, ex Anselmo.

Resp. dist. ant. & conf. Satisfactio ex rigore justitiæ, con. ex justitia pœnitentiali, & minus rigorosa, neg. ant. & conf. Nam inter hominem, & Deum non datur justitia rigorosa.

Objic. 2. Solutio ex aliis debitis ex parte nostra est condonatio ex parte Dei; ergo non est vera satisfactio, si fiat ex operibus jam debitis ex alio præcepto. Prob. conf. per veram solutionem, & satisfactionem debet cessare obligatio debitoris; sed solutio ex debitis ex præcepto non extinguit obligationem debitoris erga Deum: nam posset Deus nolle acceptare illa opera in solutum, & sic non cessaret obligatio; ergo, &c.

Resp. dist. conf. Non est vera solutio, id. ex rigore justitiæ humanæ, con. ex vera justitia, qualis esse potest inter Deum, & hominem, neg. conf. & min. nam cum Deus erga nos utatur misericordiæ suavitæ, quæ temperat justitiæ rigorem, acceptat opera nostra, qualia ipsi offerimus. In casu autem nostro hæc illi offerimus ex motivis obedientiæ, & justitiæ, ut sc. satisfaciamus præcepto, & debito.

Colligis ergo 1. quod in pœnitente requiritur intentio satisfaciendi pro pœnis debitis per illa opera: nam actiones nostræ non induunt honestatem formalem virtutum, nisi fiant ex illarum motivo, & fine, nec per consequens rationem meriti, aut satisfactionis, & hæc intentio debet esse saltem virtualis. Nam eadem est ratio de his operibus, ac de aliis omnibus actibus humanis quoad moralitatem, sc. requirunt advertentiam, & cognitionem ex parte intellectus, & intentionem ex parte voluntatis. Unde qui habet præceptum jejunandi ex parte Ecclesiæ, & simul ex præscripto confessarii in die vigiliæ alicujus festi, non satisfacit uni illarum obligationum, si de illa non cogitet, aut velit.

Colligis 2. ex verbis Concilii, & Scoti, quod opera, quibus ordinariè satisfacit, & quæ ad hoc imponuntur à Sacerdote, sunt jejunia, eleemosynæ, & orationes, quamvis alia tum interna, tum externa,
mq-

modò possibile sint, iuxta conditionem, & statum pœnitentis imponi possunt. In his exigitur exacta confessarii prudentia.

Q U Æ S T I O I I I.

An satisfactio pœnitentialis valeat facta extra statum gratiæ.

Certum est satisfactionem exigere statum viæ: nam post mortem datur satisfactio, non satisfactio; sed de statu gratiæ controversatur. Quidam volunt eam non aliter valere, sed potius esse novum peccatum, si fiat in peccato mortali, propter irreverentiam, quam putant fieri sacramento. Alii putant saltem remissionem pœnæ suspendi per adventum novi mortalis, donec istud remissum fuerit per contritionem, vel novam absolutionem.

Quærimus hîc, an satisfactio sacramentalis valeat, quando impletur in statu peccati mortalis, v. g. Petro imponitur jejunium trium dierum, si post 1. aut 2. diem peccet mortaliter, & tamen jejundet 3. die ex illa intentione, quæritur, an hoc 3. jejunium valeat, an debeat illud repetere, postquam recuperaverit amissam gratiam.

Quæri etiam potest, an satisfactio extrasacramentalis, idest opera bona, quæ operamur ante confessionem, & remissionem mortalium cum intentione satisfaciendi pro pœna temporalis eorum, imputari etiam possint pro illa.

Porro suppono posse hominem liberari à debito pœnæ peccati, vel 1. per modum satisfactionis de condigno, vel de congruo, vel 2. per modum impetrationis, ut cum per orationes impetramus à Deo condonationem pœnarum illarum in parte, vel in toto, vel 3. per indulgentias, quibus solet Ecclesia remittere tales pœnas per applicationem, & imputationem meritorum Christi, & Sanctorum. Rursus alia est *sacramentalis*, quæ fit per opera à Sacerdote imposita sive ante, sive post confessionem sacramentalem: alia *extrasacramentalis*, quæ fit per opera, quæ sibi spontè præscribit pœnitens ante, vel post obtentam remissionem in sacramento; & quæritur, an per hæc opera possit satisfacere pro illis pœnis.

CON.

CONCLUSIO I.

Non solum valet satisfactio sacramentalis quoad remissionem pœnæ, licet facta in statu peccati mortalis, sed etiam statim habet effectum. Est valdè communis saltem apud Scotistas.

Prob. 1. ex Scoto, [1] Dico ergo sine præjudicio, quòd qui semel verè pœnitet, & recipit satisfactionem, vel pœnitentiam condignam sibi impositam ab Ecclesia, clave non errante, quantumcumque postea recidiver, nūquam tenebitur ad illam unicam satisfactionem adimplendam. Et si eam impleat in charitate, melius est, quia non tantum solvit pœnam, sed meretur ... sed si adimpleat eam extra charitatem, solvit quidem pœnam, sed non meretur gratiam, &c.

Prob. 2. ex eodem: nam inquit, [2] opinio contraria est nimis dura, & nimis arctat misericordiam Dei, quæ superexaltat iudicium, & alia opera ejus. 2. præbet peccatori occasionem majoris obstinationis: nam v. gr. si debeat jejunare per tres dies, & in 2. peccat mortaliter, videatque sibi non prodesse jejunium hujus diei, non jejunabit 3. die, & sic de novo peccabit mortaliter, quia transgrediendo istam pœnam sibi impositam à Sacerdote, & receptam, videtur esse peccatum mortale, cum sit transgressus præcepti Ecclesiæ, & vicarii Dei in illo actu. 3. jejunium 3. diei non esset peccatum; ergo esset opus bonum; ergo & acceptabile ad satisfactionem. Prob. ant. Nam esset actus virtutis, & si diceretur peccatum, dici posset opera virtutis facta in statu peccati esse peccata; sed hoc damnat Ecclesia in Bajo; ergo &c.

Prob. 3. Possunt impleri præcepta Ecclesiæ in statu peccati mortalis; ergo & istud, id. satisfieri potest præcepto confessarii de jejunio.

Prob. 4. In civilibus, ut quis solvat debitum, non debet esse gratus, vel amicus, sufficit, ut numeret pecuniam debitam; ergo ita est in pœnitente quoad satisfactionem, quia est solutio debiti.

Prob. 5. Aliæ partes pœnitentiæ non exigunt statum gratiæ, ut valeant; ergo nec ista. Prob. ant. Confessio, & attritio præcedunt gratiam, quæ non datur nisi

[1] d. 15. q. 1. 0. 16. [2] Ibid.

nisi per absolutionem sequentem; ergo &c.

Confir. ex antiqua praxi Ecclesiæ: nam olim exigebatur satisfactionis impletio ante absolutionem; sed tunc non erat status gratiæ; ergo &c.

Prob. denique: nam id videtur moraliter impossibile in praxi Ecclesiæ, quæ quibusdam pœnitentibus imponere solet longiores pœnitentias, v. g. jejunia per plurimos dies, aut alia opera per annum, aut menses plures: nam illa opera non haberent unquam finem, sed essent semper iteranda, quoties pœnitens peccaret mortaliter de novo, & ante impletam satisfactionem: & sic potius fideles ob tam gravia onera retraherentur à sacramento.

Prob. 2. p. Nam si valet satisfactio in eo statu, ergo ex tunc debet habere suum effectum: nulla enim est ratio dilationis.

Objic. 1. Satisfactio sacramentalis non valet, nisi placeat Deo; sed non placet Deo facta in statu peccati; ergo non valet. Prob. min. *Non est speciosa laus in ore peccatoris.* Et, *Cum multiplicaveritis orationem, non exaudiam: manus enim vestræ plene sunt sanguine.*

Resp. dist. min. Non placet ad meritum gratiæ, conc. ad puram satisfactionem, & redemptionem pœnæ, neg. min. & ant. Nam ex Scoto alia est satisfactio puræ solutionis, alia placationis, & reconciliationis: illa debet placere Deo ex objecto, licet non placeat ex conditione solventis, ista verò à persona amica, & grata, & sic in statu gratiæ. 1. dicitur *ordinativa pœnæ*, 2. verò est etiam *ordinativa culpæ*; ideo fit in gratia, aut illam requirit. Hæc distinctio est valde notanda pro solutione objectionum.

Objic. 2. ex Trident. [1] *Bona opera nostra non habent valorem, nisi ex meritis Christi, in quo vivimus, meremur, & satisfacimus facientes dignos fructus pœnitentiæ:* Sed habens peccatum mortale non vivit in Christo, sed in eo mortuus est, & ab eo separatus; ergo nec in eo satisfacit; ergo nec valet satisfactio.

Resp. dist. min. Non vivit in Christo per formalis sanctitatis vitam, conc. per vitam inchoatam gratiæ excitantis, & juvenis, neg. min. & conf. Nam de hac vita loquitur Concilium, non de vita gratiæ habitua-

lis.

[1] Sess. 14. c. 8.

lis; alioqui opera, quæ præcedunt justificationem, ut fides, spes, confessio, attritio, &c. nihil valerent coram Deo.

Inst. Sine Charitate nulla opera valent coram Deo; ergo extra statum gratiæ nulli satisfactio valet. Prob. ant. ex Paulo, *Si charitatem non habuero, nihil mihi prodest*. Et Sapiens, *Dona impiorum non probat Altissimus*. Et idem Apostolus monet, *Exhibeamus corpora nostra hostiam viventem, sanctam, &c.* ergo.

Resp. dist. ant. utrumque: non valent, non profunt, & Deus ea non probat in ordine ad meritum, conc. ad satisfactionem, & solutionem debitorum, neg. ant. Nam de hoc valore agimus, non de valore ad meritum.

Inst. 2. Satisfactio illa pro pœnis peccati præparat ad consecutionem gloriæ: nam removet impedimenta ejus; ergo etiam pro illa valent illi textus.

Resp. neg. conf. Non enim valent pro omni præparatione, alioqui nulla opera, quæ præcedunt justificationem, valerent coram Deo. Et hoc magis verum est pro satisfactoriis, quæ non præparant nisi remorè, & indirectè.

Objic. 3. Satisfactio pro pœna temporali debet habere proportionem cum pœna purgatorii, quæ est pœna temporalis, pro qua satisfacimus; sed non potest habere aliam proportionem, quàm quod fiat in gratia, per quam dignificatur; ergo &c.

Resp. dist. min. Non habet proportionem in ratione pœnæ, & passionis, conc. in ratione satisfactionis, neg. min. Nam in purgatorio pœnæ non sunt purè satisfactoriæ, sed satisfassiones: hinc verò sunt satisfactoriæ, & per voluntarietatem elevantur, & intuitu sacramenti præteriti, cujus virtute pœna æterna remissa est, & debitum ejus mutatum in debitum pœnæ temporalis voluntariæ, aut purgatorii, quæ est necessaria.

Inst. Illa commutatio facta est intuitu gratiæ sanctificantis, & remissionis peccati; sed hæc gratia non adest; ergo non dat valorem satisfactioni.

Resp. dist. min. Non adest quoad commutationem faciendam, conc. ut factam, neg. min. & conf. nam supposita commutatione illa facta in sacramento per gratiam, restat solutio pœnæ temporalis, quæ

quæ fit extra sacramentum.

Objic. 4. Satisfactio sacramentalis est pars sacramenti; sed istud debet conferre gratiam, vel augmentum ejus; ergo satisfactio debet augere gratiam; sed istud non præstat, nisi fiat in gratia; ergo nisi fiat in gratia, non valet.

Resp. dist. maj. Est pars, prout in voto pœnitentis, & intentione Sacerdotis, & ut implenda, con. in executione, neg. maj. Nam tunc est effectus, & sequela sacramenti, non pars ejus intrinseca: alioqui non valeret sacramentum ante executionem satisfactionis, aut si ante impletam, peccaret mortaliter.

Inst. Indulgentiæ non valent habenti peccatum mortale; ergo nec satisfactio: nam illæ ponuntur loco istius.

Resp. neg. conf. Nam Thesauri meritorum Christi non aperiuntur nisi pro contritis, & confessis, & justificatis, ut patet ex bullis Pontificiis: non ita est de satisfactione.

Objic. 5. Non potest separari reatus pœnæ à reatu culpæ: hic prius debet remitti, quàm ille; sed habens peccatum mortale est in reatu culpæ, ac pœnæ æternæ, & satisfactio est tantum pro pœna temporali; ergo hæc non valet in statu peccati mortalis.

Resp. neg. absolutè maj. maximè de pœna peccati jam remissi quoad culpam, ut in casu nostro: nam pœnæ, pro quibus fit hæc satisfactio, sunt temporales restantes ex peccatis remissis quoad culpam. Deinde falsum est non posse remitti aliquid de satisfactione per bona opera, & pœnitentias, quæ præcedunt justificationem: nam quò majores sunt dispositiones ad sacramentum, eò plus gratiæ operatur, & minores pœnæ temporales restant exsolvendæ.

Longè tamen tutius, & consultius est, ac utilius, si satisfactiones compleantur in statu gratiæ, quia illa opera sunt gratiora Deo, & non sunt purè satisfactoria, sicut quæ fiunt in peccato, sed etiam meritoria, ex Doctore.

CONCLUSIO II.

Opera bona, & pœnalia ante sacramentum possunt esse satisfactoria de congruo pro aliqua pœna temporali peccati. Debet esse communis apud Auctores præcedentis.

Prob. 1. ex Scoto. [1] Sicut in humanis, si alicui offensæ in Regem correspondeat præcisè secundum legem abscissio manus: si isti etiam invito abscindatur manus, satis patitur, & in tantum satisfacit Regi..... multò magis ergo posset sufficere pro punitione culpæ, si aliquis pœnam sibi debitam infligeret, licet non esset in gratia, &c. Et infra dicit, quod Sacerdos ligat ad solutionem pœnæ temporalis, nisi jam fuerit soluta sufficienter; ergo per pœnas, quas sibi peccator infligit ante justificationem, satisfacit aliquo modo.

Prob. 2. ex Script. Nam dicente Job, [2] Ipse considerat vias meas, Glossa addit, quod apud Deum nulla bona, vel mala sunt sine retributione; & Apost. [3] Non injustus est Deus, ut obliviscatur laboris vestri, & dilectionis, &c. Et Nabuchodonosor non erat in gratia, quando dicebat ei Daniel, Peccata tua eleemosynis redime, &c. ergo per opera præcedentia justificationem potest aliquid remitti de pœna peccati.

Prob. 3. Quia per illa opera peccator se disponit ad justificationem; ergo multò magis meretur remissionem aliquam pœnæ temporalis: nam hæc remissio longè majorem proportionem habet cum illis operibus, quàm ipsa gratia sanctificans.

Confir. Nam si uni peccato taxatum sit jejunium, aut aliud opus pœnale, & penitens dicat se post peccatum jam jejunasse, non tenebitur sacerdos aliud jejunium illi imponere. Item si constet eundem jam multa bona opera fecisse pro peccatis, longè mitior pœna debet illi imponi, sicut si viderit eum esse magis contritum; ergo signum est illa bona opera præcedentia remissionem peccati facta ex motivo penitentiae aliquo modo esse satisfactoria.

Prob. 4. Quia certum est illa opera de se esse bona, & fieri cum influxu gratiæ excitantis, & juvantis, & nulla est ratio illis negandi vim aliquam remissionem

[1] Ibid. p. 17. d. 16. q. 1. F. 8. [2] Job. 31. [3] Hebr. 6.

vam de congruo; ergo eam habent. Prob. ant. si ad-
esset talis aliqua ratio, vel esset status peccati mor-
talis, vel defectus taxationis per Sacerdotem: sed
neutra ratio valet; ergo nulla. Prob. min. 1. non pro-
pter peccatum: nam eadem est ratio de operibus fa-
ctis in peccato ante sacramentum, & post illud, ut di-
ximus. 2. non defectu taxationis, quia hic defectus
non aufert illis operibus bonitatem, sed potius vi-
dentur laudabiliora, quia magis libera; ergo &c.

Confir. ex praxi Ecclesiæ, quæ ab aliquibus pecca-
toribus exigit satisfactiones, & pœnas, antequam eos
absolvat sacramentaliter: nam frustra id exigeret, si
crederet ea opera esse inutilia; ergo &c.

Dixi, illa opera esse satisfactoria de congruo. Nam
ex dictis tr. de merito, ut essent satisfactoria de con-
digno, requireretur status gratiæ.

Objic. 1. Eadem argumenta, quæ contra præceden-
tem: nam videtur eadem de utraque difficultas.

Objic. 2. Ante absolutionem non apparet ratio de-
biti; ergo nec satisfactionis. Prob. ant. ante senten-
tiam judicis taxantis pœnas nihil debetur; ergo nec
pro peccato ante sacramentum, in quo Sacerdos fert
sententiam.

Resp. neg. utrumque ant. Nam debitum pœnæ est ai-
ligatum peccato; & sicut in civilibus, qui damnum
intulit proximo, si ante querelam istius, & ante sen-
tentiam judicis aliqua intuitu damni persolvit, hæc
illi imputantur in diminutionem reparationis; à for-
tiori apud Deum peccator, qui statim post pecca-
tum incipit punire se, & compensare injuriam, hoc
illi imputatur in diminutionem debiti.

Objic. 2. Nullibi constat de valore talis satisfactio-
nis anticipatæ, imò constat de invaliditate operum
peccatoris; ergo gratis asseritur.

Resp. dist. ant. Nullibi constat explicitè, conc. im-
plicitè, & virtualiter, neg. antec. Nam omnes loci
Scripturæ, & Patrum, quibus invitatur peccator ad
penitentiam, id probant: ut cum dicitur, *Date e-*
leemosynam, & ecce omnia munda sunt vobis. Et,
Peccata tua eleemosynis redime, &c. Hæc, & similia,
quæ suadentur, peccatores præparant ad remissionem,
& sunt quædam anticipatæ solutiones.

QUESTIO IV.

An satisfactio sit pars sacramenti, & qualis?

JAm sæpè diximus ex Concil. Trid. quod satisfactio est unus ex tribus actibus, qui tenent locum materiæ hujus sacramenti; sed nondum resolvimus, an sint partes intrinsecæ, vel extrinsecæ, quia regulariter satisfactio non est præsens, quando fit sacramentum, nec præcedit absolutionem, nisi in voto penitentis, & ex præcepto Sacerdotis.

CONCLUSIO I.

Satisfactio, saltem in voto penitentis, est pars aliquo modo essentialis sacramenti, & aliquo modo integralis. Est communior.

Prob. 1. ex Scoto. [1] Nam inquit, Satisfactio debet sequi sacramentum penitentiae ad hoc, ut habeat efficaciam, & hoc in re, vel in voto; ergo ex Scoto satisfactio est de essentia sacramenti in re, vel in voto.

Prob. 2. ex Conciliis Florent. & Trid. cit. ubi de essentia hujus sacramenti, & ex cap. peniteat, ubi ex Chrysost. dicitur penitentiam tribus perfici, contritione cordis, confessione oris, & humilitate operis; & ex August. Non sufficit mores in melius commutare.... nisi etiam his, quæ facta sunt, satisfiat.

Prob. 3. Illud est essentialis sacramento penitentiae, sine quo non recipitur validè, sed sine satisfactione, saltem in voto, istud non recipitur validè; ergo &c. maj. patet: nam si esset illi accidentalis, reciperetur validè sine illa, & valeret quoad substantiam. Prob. min. ex Conciliis, & Canonibus cit. & præterea, sicut tota materia sacramenti hujus pertinet ad substantiam ejus, ita & pars illius materiæ, & sine illa subjectum ejus non est dispositum ad effectum illius, sicut nec si desit confessio, vel contritio, non valet absolutio; ergo &c.

Prob. 2. p. Nam satisfactio in re, & ut est imposita à Sacerdote, non est essentialis sacramento, quia jam
exi-

[1] d. 16. q. 1. E. 7.

existit quoad essentiam, sed remanet mutilum, sicut homo, qui nasceretur sine brachio, & non haberet plenam remissionem peccatorum, sed remanerent irremissa quoad penam temporalem; ergo quoad hoc sacramentum non haberet suam integritatem quoad effectum.

Objic. 1. Nihil est de essentia sacramenti, nisi quod est institutum à Christo; sed satisfactio non fuit instituta ut pars huius sacramenti; ergo &c. Prob. min. nullibi constat de illa; ergo &c.

Resp. neg. min. & dist. ant. Nullibi formaliter, & explicitè, conc. virtualiter, & implicitè, neg. ant. Nam cum Christus dedit Apostolis, & Ecclesiæ potestatem ligandi, & solvendi, apertè intelligitur dedisse potestatem imponendi satisfactionem, & subiecisse huic vinculo penitentes volentes frui beneficio huius potestatis. Denique sufficit Ecclesiam sic statuere, quæ est depositaria divinæ voluntatis.

Inst. Ab initio Ecclesia non exigebat hanc satisfactionem ut partem sacramenti; ergo &c. Probat. ant. Ex antiquis Ritualibus, quæ nihil de hoc præscribunt, nisi ad summum ex tempore Concilii Lateran. IV. aut Florentini.

Resp. neg. ant. Nam ut dictum est de necessitate satisfactionis penitentialis, constat de illa ab initio nascentis Ecclesiæ, licet non ita fuerit definita, sicut in prædictis Conciliis, quia hæretici non dederant occasionem definiendi, eam impugnando.

Objic. 2. Ante satisfactionis existentiam existit sacramentum; ergo hæc non est de ejus essentia, imo nec de integritate.

Resp. dist. ant. Ante existentiam in re, con. in voto, neg. ant. Nam debet penitens habere voluntatem satisfaciendi.

Inst. Si penitens non impleat satisfactionem, adhuc valet sacramentum; ergo illa non est de ejus essentia.

Resp. dist. ant. Valet quoad essentiam, & dummodo fuerit in voto, dum absolvebatur, conc. quoad integritatem effectus, & si non erat in voto penitents, neg. ant. nam deficit, & mancum remanet quoad remissionem penæ, & penitens remanet debitor satisfactionis.

Objic. 3. Partes sacramenti debent esse sensibiles; sed votum satisfactionis non est sensibile, est actus purè internus; ergo non est pars hujus sacramenti.

Resp. dist. maj. Sensibiles per se formaliter, vel objectivè, & per aliud, conc. per se, & formaliter tantum, neg. maj. & min. Nam hoc votum, sicut & contritio, licèt sint actus interni, tamen fiunt sensibiles sacerdoti per alios actus externos penitentis, maximè dum acceptat, & promittit satisfacere.

Aliæ objectiones solutæ sunt supra de essentia hujus sacramenti.

CONCLUSIO II.

Satisfactio, ut sit sacramentalis, debet imponi, & taxari à sacerdote ante, vel post absolutionem, sed melius ante absolutionem. Est communis.

Prob. 1. ex Scoto, [1] *Sententia sacerdotis sic absolvit, quod tamen ligat. Absolvit quidem à debito pœnæ æternæ, sed ligat ad pœnam temporalem; ergo &c.* & addit, quod Sacerdos ibi agit ut iudex.

Prob. 2. Totum, quod geritur in hoc sacramento, fit per formam judicii; sed in judiciis spectat ad solum judicem pœnas imponere, & taxare; ergo &c.

Prob. 3. In hoc sacramento ad eundem spectat ligare, & solvere; sed ad solum Sacerdotem spectat solvere; ergo & ligare.

Dico, in hoc sacramento, & satisfactione sacramentali: nam in pœnis satisfactionis non sacramentalibus; & arbitrariis, quisque potest eas sibi sumere, non autem sacramentales, quæ à solo Sacerdote pendunt.

Prob. 2. p. Nam in praxi approbata, vel tolerata, solet utroque modo imponi, scil. ante, vel post absolutionem; ergo &c. Probat. ant. ex Clement. [2] *Dudum, ubi dicitur, Sacerdos confessiones audiat, pœnitentias imponat, & absolvas.* Vides præmitti impositionem pœnitentiæ. Alibi verò dicit, *Archiepiscopus, dum visitat, potest confessiones suffraganeorum subditorum audire, & absolvere consistentes, ac ipsis pœnitentias injungere salutare.* Hic postponitur impositio pœnitentiæ.

Prob. . .

[1] Ibid. & F. 8. [2] de sepult.

Prob. 3. p. Nam pœnitens ante absolutionem est magis paratus ad parendum, facilius acceptat pœnas salutares sibi impositas, ne sibi negetur absolutio, ut revera negari deberet, si sine gravi ratione non acceptaret; ergo melius est, ut ante absolutionem imponatur satisfactio.

Objic. 1. Si Sacerdos omitteret imponere pœnitentiam, posset pœnitens aliquam eligere, ut suppleret, & satisfaceret pro peccatis; sed tunc illa satisfactio esset sacramentalis, licet non taxata à Sacerdote; ergo &c. Prob. min. pœnitens eam sumeret, & faceret intuitu sacramenti; ergo esset sacramentalis.

Resp. neg. min. & conf. Non enim sufficit, ut sumatur, & fiat intuitu sacramenti, sed requiritur, ut sit à iudice ut ministro sacramenti, qualis esset solus sacerdos.

Inst. Illud opus, illud ieiunium habebit fructum sacramenti; ergo ille fructus est sacramentalis. Prob. ant. delebit aliquam partem pœnæ restantem post absolutionem; ergo illa satisfactio erit sacramentalis.

Resp. neg. ant. & dist. 2. Delebit ratione operis præcisè, conc. ratione sacramenti, neg. ant. habebit effectum, quem habent alia bona opera. extrasacramentalia, & delebit reliquias pœnæ, ac peccati per modum cuiusdam meriti.

Objic. 2. Ideo satisfactio sacramentalis debet imponi à confessario, quia hic per illam exercet potestatem ligandi; sed hoc non impedit, quin alia opera spontè electa à pœnitente cum hac intentione sint satisfactoria sacramentaliter; ergo &c. Prob. min. si Sacerdos omittit imponere, vel non imponit ante absolutionem, valet jam sacramentum, licet nondum ligaverit; ergo illa ratio non impedit, quin satisfactio electa à pœnitente sit satisfactoria.

Resp. neg. min. & 2. conf. Quia tunc valet quidem sacramentum, quia habet omnia essentialia; sed non est integrum.

Objic. con. 2. p. In aliis judiciis non absolvitur reus, nisi post satisfactionem; ergo neque id fieri debet in isto: nam institutum est hoc sacramentum in formam veri iudicii.

Resp. neg. conf. & parit. Nam in judiciis humanis satisfactio habet rationem restitutionis, sine qua non

debet absolvi reus, in isto respicitur ad dispositionem internam pœnitentis potius, quàm ad externam, habet autem satisfactionem in voto, quod sufficit ad valorem absolutionis, quia *Dominus intuetur cor*. Item est tribunal misericordiæ, & voluntarium; ideo præsumitur de voluntate pœnitentis, qui sponte venit ad iudicem.

Objic. 2. Si imponeretur satisfactio post absolutionem, posset pœnitens eam non acceptare; sed hoc est inconveniens; ergo debet dari ante. Prob. min. Nam sic frustraretur sacramentum; ergo &c.

Resp. dist. maj. posset non acceptare ex causa, con. maj. & neg. min. sine causa. neg. maj. & conf. Nam si non acceptaret ex causa, Sacerdos posset, & deberet imponere aliam, quam deberet acceptare pœnitens, quod si sine causa, & ex malitia, vel inobedientia renueret, peccaret mortaliter, sed non invalidaret præcedens sacramentum, modò ante absolutionem habuisset votum satisfaciendi, quia defectu hujus dispositionis non valeret sacramentum. De quo mox dicendum est.

QUÆSTIO V.

*An sit liberum Sacerdoti imponere satisfactionem,
& pœnitenti eam acceptare, aut acceptatam
non implere..*

DUO hîc quærimus. 1. an ita debeat Sacerdos imponere pœnam pœnitentibus, quoties confert hoc sacramentum, ita ut peccet, vel invalidè faciat, si omittat. 2. De pœnitente, an sit ei liberum non acceptare pœnam illam, ita ut non acceptando peccet, aut invalidè absolvatur; ita ut neuter possit in hoc dispensari, nec ille ab impositione, nec iste ab acceptance. Putant quidam insignes Scotistæ posse pœnitentem non acceptare pœnam ullam sibi à Sacerdote imponendam, reservando sibi satisfactiones pro arbitrio eligendas, aut etiam in Purgatorio exsolvendas.

CONCLUSIO I.

Regulariter Sacerdos tenetur penam aliquam imponere penitenti, nisi adsit impossibilitas ex parte iustitiae: & hoc facit per modum praecepti. Est communis.

Prob. 1. ex Scoto cit. [1] Satisfactio debet sequi sacramentum penitentiae ad hoc, ut habeat efficaciam, & hoc in re, vel in voto, nisi iudex posset perpendere illas penas alias praecedentes sufficere ad talis penae solutionem. Ita enim sententia sacerdotis sic absolvit, quod tamen ligat; absolvit quidem à debito penae aeternae, sed ligat ad solutionem penae temporalis, nisi sit sufficienter jam soluta, &c. propter haec verba.

Dixi Regulariter: Nam si Sacerdos iudicet poenas praecedentes sufficere ad totalem satisfactionem, non tenebitur novas imponere, ex Scoto. Quod raro accidit; ideo regulariter tenetur aliquas imponere, ne ejus culpa sacramentum in aliquo deficiat.

Prob. 2. ex Conc. Trid. Nam cum satisfactio sit pars materiae sacramenti, si non imponatur à ministro, non faciet integrum sacramentum. Divinam iustitiam decet, ne nobis absque ulla satisfactione peccata dimittantur debent ergo Sacerdotes Domini, quantum spiritus, & prudentia dictaverit, pro qualitate criminum, & penitentium facultate, salutare, & convenientes satisfactiones injungere. Non dicit, possunt, quasi hoc sit in eorum arbitrio; sed debent, quod significat obligationem, seu necessitatem.

Confir. Nam Concilium ponit satisfactionem in eodem necessitatis gradu cum confessione, & contritione; ergo non minus istam exigit, quam illas: nec minus debet curare minister, ut haec adsit, quam illae, quantum est ex se.

Prob. 3. Si hoc penderet ab arbitrio ministri, Ecclesia non adeo esset sollicita, ut in hoc servaretur congruentia, & proportio, neque ut monerentur infirmi de ejus necessitate, ut eam implere debeant, si convaluerint; ergo &c. probat. ant. Nam sicut liberum esset imponere, vel non imponere, ita & imponere levissimas pro quibuscumque peccatis, nec curaret Ecclesia, an graves, aut leves imponantur.

O s Con-

[1] d. 16 q. 1. F. 7.

Confir. ex praxi Ecclesiæ, quæ quantumvis contritis adhuc imponit aliquas pœnas, quod non faceret tam exactè, si penderet ab arbitrio Sacerdotum aliquas imponere, vel nullas.

Prob. 2. p. Injunctio pœnæ est exercitium potestatis ligandi; sed penitentes non ligantur, nisi per præceptum, non autem per consilium; ergo injunctio pœnæ in hoc sacramento fit per vim præcepti, cui debetur obedientia.

Confir. Nam Sacerdos imponit penitentiam ut iudex, & per modum iudicii, & per sententiam juridicam; ergo non per modum consilii, sed præcepti.

Prob. 2. Nam si hæc impositio esset tantum per modum consilii, ejus executio, nec impositio non essent sacramentales, nec pertinerent ad sacramentum dignè recipiendum; sed conf. est falsum; ergo &c. Prob. min. Executio satisfactionis non potest esse pars sacramenti magis, quàm ejus impositio, vel intentio imponentis; sed ex intentione imponentis non esset necessaria, sed solum de consilio; ergo nec necessaria sacramento.

Confir. Nam si impositio, & executio penitentiae non essent nisi de consilio; votum ejus non esset de necessitate sacramenti; sed conf. est falsum; ergo &c. min. patet ex doctrina Conc. Florent. & Trid. Prob. maj. Nam frustra exigeretur propositum satisfaciendi ut pars materiæ sacramenti, si satisfactio in re non esset necessaria aliqua necessitate, saltem præcepti; sed esset solum de consilio, ut patet; ergo, &c.

Dixi, nisi adsit impossibilitas in penitente, ut si infirmus sit incapax illius operis tam interni, quàm externi, propter alienationem mentis, vel amissionem usus sensuum; nam tunc frustra imponderetur, immo talis esset absolvendus sine confessione formali, ut dictum est.

Objic. 1. cont. 1. p. Si omitteretur impositio hæc ex inadvertentia, adhuc valeret sacramentum, nec ei fieret irreverentia; ergo impositio illa non est necessaria, sed arbitraria Sacerdoti. Probaturs consequ. Quod non invalidat, nec facit injuriam sacramento, liberè ponitur; sed omissio illa non invalidat, nec facit injuriam sacramento; ergo &c.

Resp.

Resp. neg. conf. & min. Nam omittens voluntariè partem notabilem sacramenti, facit illi injuriam, quia detruncat illi partem, ut si abscinderes homini manum.

Inst. fieret validè; ergo & licitè.

Resp. neg. conf. Nam multa facta valent, quæ non licent.

Inst. 2. Est liberum Sacerdoti imponere hanc, vel illam, prout dictat prudentia; ergo & imponere, vel omittere.

Resp. neg. conf. Nam aliud est posse imponere hanc, vel illam, gravem; atut levem, & aliud nullam imponere. In illò servatur semper ordo aliquis judicii, non in isto casu; in illò læditur sola æquitas, in isto sacramentum.

Resp. 2. neg. absolutè ant. Nam debet imponi pœna conveniens, ut docent Concilia, & Sacri Canones.

Objic. 2. Potest fieri, ut confessio sit tantum de venialibus; sed tunc impositio pœnitentiæ non esset necessaria, sicut nec ipsa confessio; ergo saltem aliquando potest imponi satisfactio per modum consilii, non præcepti.

Resp. neg. min. Nam licet venialia non sint materia necessaria confessionis, tamen hoc ipso, quod subiiciuntur clavibus Ecclesiæ, debetur satisfactio pro illis.

Objic. 3. Sacerdos posset imponere disjunctivè jejunium, aut eleemosynam ad arbitrium pœnitentis; sed tunc neutrum esset de præcepto; ergo absolutè satisfactio non est de necessitate præcepti in Sacerdote, vel penitente.

Resp. dist. min. neutrum disjunctivè, conc. copulativè, neg. min. nam penitens tenetur alterutrum, id. unum de duobus eligere, & implere, si unum sit de præcepto per electionem, & si utrumque omitat, peccat contra præceptum.

CONCLUSIO II.

Penitens debet aliquam satisfactionem datam à Sacerdote, aut dandam acceptare, & impositam implere, si adsit potentia: alioqui non est absolvendus. Est contra prædictos Scotistas, & pro nobis stant Cardin. Brancatus, Maftrius, & Hiquæus cum Scoto.

De mente Scoti non convenit inter nostros: Tres Scotistæ prædicti dicunt, quod si putaret penitentem posse simpliciter, & absolute nullam penam acceptare, non ita sollicitus esset monere Sacerdotem, ut in ea imponenda studeat se accommodare infirmitati, ut talem imponat, qualem noverit eum facturum. Nec diceret satisfactionem in re, vel in voto esse necessariam, ut hoc sacramentum dignè suscipiatur, & ut habeat efficaciam. Sed alibi videtur expressis verbis scribere, quod si penitens omninò nullam penitentiam vult recipere à Sacerdote impositam, dicit tamen se habere displicentiam de peccato, & firmum propositum non recidendi, absolvendus, & non est respuendus, ne incidat in desperationem, &c. Quod repetit pluribì, etiam in Reportatis. Ideo plures Scotistæ his textibus ad litteram inhærentes, contrariam nobis partem sustinent, & non improbabiliter de mente Doctoris. Licet illi primi explicent hos textus de certis casibus, in quibus penitens cogeretur ex necessitate, vel ex urgentissima ratione non acceptare ullam penam à Sacerdote, sed vellet se subdere manui Dei vel hic, vel in Purgatorio, ut loquitur Doctor; & aliunde immineret periculum desperationis, & damnationis, quod existimo verum esse; ideo dicebam supra, quod penitens non potest recusare sine causa omnem penam à Sacerdote impositam, vel imponendam.

Prob. 1. Si esset liberum penitenti acceptare penitentiam à Sacerdote taxandam, quantumvis possibilem, frustra hic haberet potestatem ligandi: nam ejus exercitium posset frustrari à penitentibus, qui nollent ligari: sed consequens est absurdum; ergo &c.

Confir. Nam Concilium frustra doceret, debere Sacerdotes, quantum spiritus, & prudentia suggererit, pro qualitate criminum, & penitentium facultate, salutare, & convenientes satisfactiones injungere, &c.

Nam

Nam isti ab hoc onere levarentur per reſtitutionem peccatorum, qui non ſolum leviores recuſarent acceptare poenae, ſed abſolutè recuſarent omnes, ſibi reſervantes ſatisfacere in purgatorio. Quare etiam non liceret Sacerdotibus alios remittere ad ſatisfaciendum in eodem purgatorio? Et ſic levarentur confeſſarii ab onere iſto, quod meo iudicio graviffimum eſt: graviffima eſt anxietas taxandi juſtas poenas. Si verò liberum eſſet poenitentibus eas acceptare, ita & confeſſariis eas imponere, & ſic remitterent hoc ſibi periculofum negotium juſtitiae Dei, cui medium illud notiſſimum eſt, nec poteſt falli.

Prob. 2. quia qui abſolutè nolle ſubjici iudicio Sacerdotis quoad illas poenas, non oſtenderet ſe habere *cor contritum*, et *humiliatum*, ſed potius durum, & exaltatum; ergo non videretur diſpoſitus ad beneficium abſolutionis.

Confirm. nam poenitentem nolle acceptare ſatisfactiones ullas imponendas, ſi illae ſint poſſibiles moraliter, eſt nolle media, quibus retrahatur à peccatis, nec remedia, quibus levetur à morbis animae ex peccato contractis, & tollantur occaſiones peccandi: nam ex Conciliis, & Patribus eò tendunt poenitentiae, quae à Sacerdote imponuntur: nam inquit Concilium, *Poenae illae magnopere à peccato revocant, et quaſi freno coercent.... cautioresque, et vigilantiores in futurum poenitentes efficiunt*, &c. ergo talis non videtur abſolvendus, quia non apparet verè poenitens, nec diſpoſitus ad ſacramentum dignè, & validè recipiendum.

Dixi autem, ſi adſit potentia ex parte poenitentis ad poenam taxatam implendam: nam ſi adſit impoſſibilitas phyſica, aut moralis, ſeu ratio valdè urgens, poſſet abſolvi, non acceptando poenitentiam; ſed hic caſus eſt ſerè metaphyſicus extra caſum morbi præcludentis uſum omnem ſenſuum, vel in amentiam pel-
lentis.

Dixi 2. *aliquam*, ita ut ſi omnem proſus, & abſolutè, & collectivè recuſaret, non eſſet abſolvendus, ſed ſi aliquam tantum in particulari, aut in ſpecie, petens ſibi aliam præcipi, omnes fatentur confeſſarium id poſſe concedere, imò & crederem id debere. Poenitens verò abſolutè, & ſimpliciter debet aliquam acceptare, quam poſſit implere ſine gravi inconvenienti,
in.

incommodo, vel scandalo, vel detrimento famæ, aut alio periculo.

Objic. 1. citatus textus Doctoris, in quibus fundantur adversarii Scotistæ; sed jam occurrimus dicendo Scotum ita loqui, quando ex parte pœnitentis adest aliqua urgens ratio, seu causa non acceptandi pœnam ullam; v.g. si Sacerdos videret eum in periculo desperationis, aut damnationis, alioqui tenetur hic acceptare, & Sacerdos imponere. Sic interpretantur Scotum præfati Scotistæ, maximè Hiquæus.

Inst. Scotus in casu, [1] quo pœnitens nullam sibi oblatam pœnitentiam vellet accipere à Sacerdote, tamen duas idoneitates, vel condiciones haberet præpositas, (sc. displicentiam peccati, & propositum abstinendi à peccato) et propositum recipiendi pœnam infligendam à Deo hic, vel in purgatorio: talis inquam citius est absolvendus, quam repellendus; ergo ex Scoto nulla deesset dispositio ad sacramentum absolutionis.

Resp. dist. ant. Si non vellet rationabiliter, conc. si absolutè, & sine urgente causa, neg. ant. non enim haberet verum propositum obediendi Ecclesiæ in satisfactionem pro peccato, ut ipse loquitur, & hoc propositum tam necessarium est, quàm illæ duæ conditiones.

Objic. 2. Quamvis pœnitens recusaret acceptare pœnam, adhuc agnosceret in Sacerdote potestatem ligandi; ergo non derogaret ei; ergo posset absolvi. Prob. ant. natus ligaret eum ad satisfaciendum in eo &c.

Resp. neg. ant. & constitutione divini ius, ad quod natura pur-

Ob-

nat-

5

Resp.

Resp. 2. neg. conf. nam satisfactio est quædam pars sacramenti, & non est liberum pœnitenti, nec Sacerdoti eam detruncare.

Inst. Extra sacramentum potest homo nolle satisfacere in hac vita, ergo & id potest velle in sacramento.

Resp. neg. conf. ob rationem allatam, quia scil. supposita natura hujus sacramenti, prout institutum est, non licet illud detruncare.

Inst. 2. Pœnitens habet duos illos modos satisfaciendi; ergo potest eligere alterutrum, scil. vel satisfacere per pœnas hujus vitæ sibi impositas, vel in purgatorio.

Resp. dist. ant. Habet duos modos illos præcisè à sacramento, conc. supposito usu sacramenti, neg. ant. Quilibet extra sacramentum potest sic eligere, sed in usu sacramenti minimè, debet enim uti beneficio ejus, subeundo pœnas impositas tum in satisfactionem pro præteritis, tum in cautelam, & remedium pro futuris, & submittere se legibus Christi, & Ecclesiæ.

Objic. 4. Tribunal, & judicium sacramentale est voluntarium, ad quod homo non trahitur, nisi volens; ergo potest sumi pro remissione solius culpæ, ac pœnæ æternæ, pro satisfactione pœnæ temporalis.

Resp. Non enim est in libertate truncare, si velit eo uti; truncaret autem pœnas imponendas pro satisfactione, non se subiceret potestati ligandi, est, pœnæ alterius vitæ non sunt de

cerdotis.

illis reus

ergo pr

Sacerd

em fur

g. cor

Tril

ur,

ten

sol

pe

ast

gnr

lia

are ab inferiori ad
non acceptare pœ-
pellationis ad De-

ant. Nam in hoc sa-
supremum; quidquid
olutum, & ligatum in
imidiare judicium: si ac-
ceptare ligamen, nec pot-

io.

enetur acceptare penam con-
atam; ergo nec leviozem, aut
Sacerdote taxatam.

Prob.

Prob.conf. Sacerdos non habet maiorem potestatem pro minoribus pœnis taxandis ex arbitrio suo, quàm pro imponendis taxatas ab Ecclesia; ergo si non potest obligare ad istas, ita nec ad illas.

Resp.dist.1.ant. Si adsit ratio non acceptandi, conc. si non adsit, neg.ant. nam tunc debet uterque obedire Ecclesiæ, Sacerdos imponendo, & pœnitens exequendo pœnas illas.

Respond.2.neg.conseq.& antec. prob. nam in casu, quo pœnitens non teneretur acceptare condignas, Deus, & Ecclesia volunt eum subijci quoad minores, quas in illo eodem casu relinquunt arbitrio Sacerdotis.

Objic. Si quid urgeret pœnitentem ad acceptandam aliquam pœnam, maximè integritas Sacramenti; sed hæc ratio nulla est; ergo non teneretur. Maj. patet ex responsis nostris. Prob.min. nam cum imponitur pœnitentia, sacramentum jam perfectum est; potest enim imponi post absolutionem per nos; sed post absolutionem, & per illam perfectum est sacramentum; ergo &c

Respon.neg.min. & dist.2. maj. Cum imponitur de facto, & in re, conc. cum adest in voto pœnitentis, & intentione Sacerdotis, neg. maj. & conf. Nisi enim sic adestet impositio, & acceptatio, non valeret sacramentum.

CONCLUSIO III.

Pœnitens debet implere pœnam impositam, & hoc sub mortali, nisi impotens moralis excuset. Est communis.

Prob.1.ex Scoto. [1] Nunquid pœnam à clave non errante impositam tenetur pœnitens adimplere? Respon. quod sic, si velit se submittere Sacerdoti huic & quantum ad absolutionem culpæ, & quantum ad suspensionem pœnæ totalis, &c.

Prob.2.ex Concil.Lateran. cap.Omnis utriusque, ubi eodem modo præcipitur confessio annua, & pœnitentiæ adjunctæ adimpletio.

Prob.3. nam frustra deberet Sacerdos imponere, & pœnitens acceptare pœnas ullas, nisi iste deberet im-

[1] d.19.d.27.q.2.

ple-

plere, & frustra in Sacerdote esset potestas sic ligandi; ergo &c.

Prob. 2. p. nam, pœnitentiam sic impositam, & acceptatam in sacramento non implere est injuria, & contemptus sacramenti; sed talis contemptus est peccatum mortale; ergo & omissio pœnitentiæ.

Confir. Sacerdos omittens voluntariè, & sine gravi ratione pœnam imponere, peccat graviter; ergo à fortiori pœnitens, si omittit implere, quia tam iste, quàm ille truncat sacramentum, & facit injuriam ipsi Christo, cujus vices gerit Sacerdos, dum hujus mandatum transgreditur.

Prob. 3. p. nam Deus impossibilia non jubet; ergo si adsit, vel superveniat impotentia moralis implendi pœnitentiam, Deus hoc ab homine non exigit, nec si adsit ratio gravis eam non acceptandi, vel implendi.

Objic. Si pœnitens confitetur sola venialia, vel mortalia jam aliàs confessa, & remissa, & per pœnitentiam expiata, non tenetur pœnitentiam hęc taxatam acceptare, vel implere, sicut nec confiteri; ergo tunc non peccabit omittendo pœnitentiam, vel non acceptando.

Resp. 1. in eo casu conc. totum: nam conclusio procedit de mortalibus non remissis.

Resp. 2. neg. conf. nam supposito, quod illa peccata subicias sacramento confessionis, debes illi omnem reverentiam, & teneris illud non truncare, nec facere mutilum.

Igitur in hoc non attenditur levitas materiæ pro gravitate peccati, sed conditio, & sanctitas sacramenti, cujus injuria, & contemptus est semper grave peccatum, læditur autem in sua integritate, dum respuitur, vel omittitur pars notabilis materialis ejus, qualis est satisfactio.

Q U Æ S T I O VI.

In qua resolvuntur quædam dubia circa executionem satisfactionis.

PLura possunt dubia proponi circa satisfactionis impletionem, quorū aliqua hęc subijciemus breviter.

CON.

CONCLUSIO I.

Nullus penitens propria auctoritate potest impositam, & acceptatam penitentiam sacramentalem commutare. Est communis.

Prob. 1. ex Scoto cit. [1] Docet enim, quod *clave non errante*, penam impositam debet adimplere (penitens) quia tunc obligatur precepto Ecclesiae, cui se voluntarie submisit. Imò & ex jure Divino, ut puto, quia Deus taliter instituit hoc sacramentum, & in hunc finem dedit Ecclesiae claves, & potestatem ligandi, & solvendi.

Prob. 2. ex Script. nam quodcumque Sacerdos ligaverit super terram, erit ligatum & in celis apud Deum; sed quod ligatum est apud Deum per Sacerdotem, non potest solvi, aut mutari à peccatore; ergo hic non potest mutare penam sibi à Sacerdote impositam.

Prob. 3. Subditus non potest mutare sententiam, nec praecepta superioris, ne quidem in melius, v.gr. si Papa praecipit jejunium pro indulgentia lucranda, subditus nequit sine licentia ejusdem facere elemosynam, aut aliud opus, etiam altioris virtutis; idem est de reo post sententiam judicis; sed penitens per sacramentum fit subditus confessorii sui; ergo propria auctoritate non potest mutare opus sibi pro penitentia sacramentali praeceptum.

Confir. quia hoc opus taxatum est virtute clavium; & sacramenti; ergo non potest mutari ab alio, vel non erit penitentia sacramentalis.

Obje. 1. Qui vovit aliquod opus, potest illud commutare in melius; ergo idem est de penitentia sacramentali, scilicet poterit mutari in melius ab ipso penitente.

Resp. neg. conseq. nam votum totaliter pendet à vovente, ideo nihil prohibet opus promissum mutare in melius: penitentia verò sacramentalis pendet à sacramento, & ministro Christi.

Obje. 2. Qui dat majorem summam, quàm ablatum valeat, plenè satisfacit; ergo & qui facit opus majoris valoris, quàm quod praecipitur, plenius satisfacit.

[1] *ibid.*

Resp.

Resp. neg. conseq. nam in restitutione non taxatur materia, aut species, per quam fit læsio ejus; sed in sacramento determinatur opus, & maximè, quia species operis habet proportionem quandam ad peccatum.

Objic.3. In satisfactione penitens potest interpretari voluntatem Sacerdotis, & si interpreteretur in melius, non facit illi injuriam; ergo licitè facit.

Resp. neg. aut. nam in hoc negotio non valet interpretatio, requiritur exacta, & præcisa obedientia, nec semper valet interpretatio in aliis præceptis Ecclesiæ, v.gr. qui jussus jeiunare dat elemosynam, non facit præceptum.

CONCLUSIO II.

Poenitentia sacramentalis imposita non valet, si per alium impleatur.

Dico sacramentalem: nam de aliis satisfactionibus non loquimur.

Prob.1. ex Conc. Trid. in quo tres isti actus, contritio, confessio, & satisfactio dicuntur *actus penitentis*; ergo fieri debent ab ipso, & per se, non per alium, ut sint sacramentales.

Prob.2. nam ut homo sit verè penitens, debet se ipsum punire, & non alios; sed satisfactio est pars pænæ, à qua homo dicitur penitens, & tenens pœnam; ergo per seipsum debet eam facere.

Prob.3. nam satisfactio ista instituta est ad reparandam offensam Dei, & simul in emendationem peccati præteriti, & ad præsertionem à futuris; sed hæc ad hos fines non prosunt aliis, quàm ipsi peccatori operanti; ergo &c.

Prob.4. denique: nam si possemus substituere alium pro hac satisfactione, id fieret propria auctoritate, vel Sacerdotis; sed neutrum dici potest; ergo &c. Prob. min. 1. non propria, quia, ut dictum est, non potest eam immutare, & imposita est ut per ipsummet implenda. 2. non Sacerdotis, quia auctoritas ejus non sit ultra forum sacramentale, cui non subest alius, quàm ipse penitens, ut possit ab eo ligari; ergo &c.

Objic.1. Unus potest satisfacere pro alio, etiam pro
dc-

defunctis in penis temporalibus ; ergo & pro penitente , & penis sacramentalibus à Sacerdote impositis.

Resp. neg. conf. & disparitas petitur ex natura sacramenti , in quo tota res agitur personaliter inter penitentem , & Sacerdotem , & sicut non potest conteri , nec confiteri , nec absolvi per alium , ita nec satisfacere . Item quia penæ istæ sunt medicinales , æger autem non sanatur per medicinam ab aliis haustam.

Objic. 2. Quando alius jejunit pro penitente , v. gr. ex hujus commissione jejunium fit opus committentis ; ergo hic propriè satisfacit.

Resp. neg. antec. Commissio est quidem actus penitentis , sed jejunium illud est opus innocentis ; & licet fortè ex applicatione jejunantis posset meritum jejuni prodesse mandanti , non tamen valor sacramenti ex opere operato , nec satisfactoriè.

Objic. 3. Sacerdotes sæpè præcipiunt penitenti , ut procuraret per eleemosynas fieri preces ab aliis , v. g. celebrari missas , &c. ergo ex praxi Ecclesiæ satisfacere possumus per opera aliena.

Resp. neg. conf. nam tunc opus satisfactorium est illa procuratio , & eleemosyna , non autem missæ , vel orationes ab aliis factæ.

Quæres , *An obligatio exequendi penitentiam impositam remittatur per indulgentias , per quas solent remitti penæ temporales peccatorum.*

Resp. probabilius negativè ; quia , ut dictum est , sic frustraretur intentio Ecclesiæ in illorum operum taxatione , in qua intendit punitionem , correctionem , emendationem , & præsevationem à peccatis , quæ non habentur per indulgentias , sed per illas relaxantur penæ purgatorii , non autem medicinales , & præservativæ . Frustraretur sollicitudo Ecclesiæ pro impositione satisfactionum congruarum secundum naturam , & qualitatem culparum.

CONCLUSIO III.

Satisfactio in una confessione imposita potest commutari ab eodem confessario , vel etiam ab alio ex rationabili causa . Est etiam communis.

Dico , *ex rationabili causa* , ver. gr. quia prior ei fit difficillima , vel impossibilis , aut quia alia erit saluta-

ta.

tarior, & utilior ad finem emendationis, &c. Nam sine ulla ratione temerè ageret commutando. Hoc supposito

Prob. 1. p. de eodem confessario, 1. quia sic nulla fit injuria sacramento, sed magis providetur ejus integritati, & efficaciz, dum mutatur satisfactio in opus melius, vel facilius, vel utilius ad finem ejus; ergo &c. Prob. ant. Nam si opus sit melius, majorem gratiam conferet, si facilius, integritas ejus erit securior: nam pœnitens non potuisset, aut noluisset implere.

Confir. quia in hoc nullum est inconveniens, nec ratione sacramenti, nec pœnitentis, nec confessarii; imò pluribus inconvenientibus occurritur.

Prob. 2. p. nam quilibet peccator potest sacerdoti, etiam alteri à primo, peccata sua jam confessa confiteri, & iste potest de illis judicare, solvere, & ligare pœnitentem æquè, ac primus; ergo & pro illis imponere congruam satisfactionem; ergo pœnitens poterit eligere secundam pœnitentiam, relicta priori: non enim tenetur pro eodem peccato duas subire. Prob. antec. Nam potestas clavium datur sacerdoti in favorem pœnitentis, iste, si velit, potest sapius de eadem re judicari à diversis, vel ab eodem, & stare judicio favorabiliori.

Prob. 2. nam secundus confessarius etiam æqualis non habet minorem potestatem in hoc tribunali, quàm primus; sed primus poterat mutare pœnam per se impositam ex causa; ergo & secundus. Prob. min. ex praxi: nam quando pœnitens adit confessarium exponens ei difficultatem explendi pœnitentiam ab eo sibi taxatam, iste potest, & debet eam commutare, prout ratio dictabit, & si hoc potest æqualis, à fortiori hoc poterit superior.

Objic. 1. In civilibus judex unus non potest mutare sententiam alterius, nisi sit superior, & hoc per viam recursus, quia *par in parem non habet imperium*, quod non habet locum in hoc tribunali; ergo unus confessarius non potest mutare pœnam ab alio taxatam per judicium sacramentale.

Resp. neg. conf. nam in hoc casu secundus non exercet imperium, nec potestatem in primum, sed exercet suam supra pœnitentem, & materiam sibi appolitam,

CONCLUSIO II.

Penitens debet aliquam satisfactionem datam à Sacerdote, aut dandam acceptare, & impositam implere, si adsit potentia: alioqui non est absolvendus. Est contra prædictos Scotistas, & pro nobis stant Cardin. Brancatus, Maftrius, & Hiquæus cum Scoto.

De mente Scoti non convenit inter nostros: Tres Scotistæ prædicti dicunt, quod si putares penitentem posse simpliciter, & absolute nullam penam acceptare, non ita sollicitus esset monere Sacerdotem, ut in ea imponenda studeat se accommodare infirmitati, ut talem imponat, qualem noverit eum facturum. Nec diceret satisfactionem in re, vel in voto esse necessariam, ut hoc sacramentum dignè suscipiatur, & ut habeat efficaciam. Sed alibi videtur expressis verbis scribere, quod si penitens omninò nullam penitentiam vult recipere à Sacerdote impositam, dicit tamen se habere displicentiam de peccato, & firmum propositum non recidendi, absolvendus, & non est respuendus, ne incidat in desperationem, &c. Quod repetit pluribi, etiam in Reportatis. Ideo plures Scotistæ his textibus ad litteram inhærentes, contrariam nobis partem sustinent, & non improbabili ter de mente Doctoris. Licet illi primi explicent hos textus de certis casibus, in quibus penitens cogeretur ex necessitate, vel ex urgentissima ratione non acceptare ullam penam à Sacerdote, sed vellet se subdere manui Dei vel hic, vel in Purgatorio, ut loquitur Doctor; & aliunde immineret periculum desperationis, & damnationis, quod existimo verum esse; ideo dicebam supra, quod penitens non potest recusare sine causa omnem penam à Sacerdote impositam, vel imponendam.

Prob. 1. Si esset liberum penitenti acceptare penitentiam à Sacerdote taxandam, quantumvis possibilem, frustra hic haberet potestatem ligandi: nam ejus exercitium posset frustrari à penitentibus, qui nollent ligari: sed consequens est absurdum; ergo &c.

Confir. Nam Concilium frustra doceret, debere Sacerdotes, quantum spiritus, & prudentia suggererit, pro qualitate criminum, & penitentium facultate, salutaris, & convenientes satisfactiones injungere, &c.

Nam

Nam isti ab hoc onere levarentur per renitentiam pœnitentium, qui non solum leviores recusarent acceptare pœnas, sed absolutè recusarent omnes, sibi reservantes satisfacere in purgatorio. Quare etiam non liceret Sacerdotibus alios remittere ad satisfaciendum in eodem purgatorio? Et sic levarentur confessarii ab onere isto, quod meo iudicio gravissimum est: gravissima est anxietas taxandi justas pœnas. Si verò liberum esset pœnitentibus eas acceptare, ita & confessariis eas imponere, & sic remitterent hoc sibi periculosum negotium justitiæ Dei, cui medium illud notissimum est, nec potest falli.

Prob. 2. quia qui absolutè nollit subjici iudicio Sacerdotis quoad illas pœnas, non ostenderet se habere *cor contritum*, et *humiliatum*, sed potius durum, & exaltatum; ergo non videretur dispositus ad beneficium absolutionis.

Confirm. nam pœnitentem nolle acceptare satisfactiones ullas imponendas, si illæ sint possibiles moraliter, est nolle media, quibus retrahatur à peccatis, nec remedia, quibus levetur à morbis animæ ex peccato contractis, & tollantur occasiones peccandi: nam ex Conciliis, & Patribus eò tendunt pœnitentiæ, quæ à Sacerdote imponuntur: nam inquit Concilium, *Pœnæ illæ magnopere à peccato revocant, et quasi frano coercent cautioresque, et vigilantiores in futurum pœnitentes efficiunt*, &c. ergo talis non videtur absolvendus, quia non apparet verè pœnitens, nec dispositus ad sacramentum dignè, & validè recipiendum.

Dixi autem, *si adsit potentia ex parte penitentis* ad pœnam taxatam implendam: nam si adsit impossibilitas physica, aut moralis, seu ratio valdè urgens, posset absolvi, non acceptando pœnitentiam; sed hic casus est ferè metaphysicus extra casum morbi præcludentis usum omnem sensuum, vel in amentiam pel-lentis.

Dixi 2. *aliquam*, ita ut si omnem prorsus, & absolutè, & collectivè recusaret, non esset absolvendus, sed si aliquam tantum in particulari, aut in specie, petens sibi aliam præcipi, omnes fatentur confessarium id posse concedere, imò & crederem id debere. Pœnitens verò absolutè, & simpliciter debet aliquam acceptare, quam possit implere sine gravi inconvenienti, in-

incommodo, vel scandalo, vel detrimento famæ, aut alio periculo.

Objic. 1. citatus textus Doctoris, in quibus fundantur adversarii Scotistæ; sed jam occurrimus dicendo Scotum ita loqui, quando ex parte pœnitentis adest aliqua urgens ratio, seu causa non acceptandi pœnam ullam; v.g. si Sacerdos videret eum in periculo desperationis, aut damnationis, alioqui tenetur hic acceptare, & Sacerdos imponere. Sic interpretantur Scotum præfati Scotistæ, maximè Hiquæus.

Inst. Scotus in casu, [1] quo pœnitens nullam sibi oblatam pœnitentiam vellet accipere à Sacerdote, tamen duas idoneitates, vel conditiones haberet præpositas, (sc. displicentiam peccati, & propositum abstinendi à peccato) et propositum recipiendi pœnam infligendam à Deo hic, vel in purgatorio: talis inquam citius est absolvendus, quam repellendus; ergo ex Scoto nulla deesset dispositio ad sacramentum absolutionis.

Resp. dist. ant. Si non vellet rationabiliter, conc. si absolutè, & sine urgenti causa, neg. ant. non enim haberet verum propositum obediendi Ecclesiæ in satisfactionem pro peccato, ut ipse loquitur, & hoc propositum tam necessarium est, quàm illæ duæ conditiones.

Objic. 2. Quamvis pœnitens recusaret acceptare omnem pœnam, adhuc agnosceret in Sacerdote veram potestatem ligandi; ergo non derogaret sacramento; ergo posset absolvi. Prob. ant. nam tunc Sacerdos ligaret eum ad satisfaciendum in purgatorio; ergo &c.

Resp. neg. ant. & 2. conf. nam potestas ligandi ex institutione divina respicit statum hujus vitæ, non alterius, ad quam non attingit jurisdictio Sacerdotis, & pœnæ purgatorii non sunt propriè satisfactoriæ.

Objic. 3. Satisfactio imponitur ad redimendas pœnas purgatorii; ergo liberum est tam pœnitenti, quàm Sacerdoti nolle eas redimere, sed velle per eas satisfacere Deo: nam sic nemini fit injuria.

Resp. dist. ant. Partialiter ad redimendas, conc. uniçè, & totaliter, neg. ant. nam patet ex dictis, pœnas imponi etiam ob alia motiva, maximè in remedium, & præservationem pro futuro.

Resp.

[1] d. 29 n. 8. et 85. d. 17. O. 22.

Resp. 2. neg. conf. nam satisfactio est quædam pars sacramenti, & non est liberum pœnitenti, nec Sacerdoti eam detruncare.

Inst. Extra sacramentum potest homo nolle satisfacere in hac vita, ergo & id potest velle in sacramento.

Resp. neg. conf. ob rationem allatam, quia scil. supposita natura hujus sacramenti, prout institutum est, non licet illud detruncare.

Inst. 2. Pœnitens habet duos illos modos satisfaciendi; ergo potest eligere alterutrum, scil. vel satisfacere per pœnas hujus vitæ sibi impositas, vel in purgatorio.

Resp. dist. ant. Habet duos modos illos præcisè à sacramento, conc. supposito usu sacramenti, neg. ant. Quilibet extra sacramentum potest sic eligere, sed in usu sacramenti minimè, debet enim uti beneficio ejus, subeundo pœnas impositas tum in satisfactionem pro præteritis, tum in cautelam, & remedium pro futuris, & submittere se legibus Christi, & Ecclesiæ.

Objic. 4. Tribunal, & judicium sacramentale est voluntarium, ad quod homo non trahitur, nisi volens; ergo potest sumi pro remissione solius culpæ, ac pœnæ æternæ, & non pro satisfactione pœnæ temporalis.

Resp. neg. conf. Non enim est in libertate truncare partem sacramenti, si velit eo uti; truncaret autem illud recusando pœnas imponendas pro satisfactione, & remedio, & non se subiceret potestati ligandi, quia, ut dictum est, pœnæ alterius vitæ non sunt de jurisdictione Sacerdotis.

Inst. In judiciis reus potest appellare ab inferiori ad superiorem; ergo pœnitens posset non acceptare pœnas taxatas à Sacerdote per viam appellationis ad Deum ut judicem supremum.

Resp. neg. conf. & suppositum ant. Nam in hoc sacramento Tribunal Ecclesiæ est supremum: quidquid ibi solvitur, aut ligatur, est solutum, & ligatum in cœlis. Item non potest reus dimidiare judicium: si acceptat solutionem, debet acceptare ligamen, nec potest appellare ab uno sine alio.

Inst. 2. Pœnitens non tenetur acceptare penam condignam per canones taxatam; ergo nec leviolem, aut aliam quamcumque à Sacerdote taxatam.

Prob.

Prob.conf. Sacerdos non habet maiorem potestatem pro minoribus pœnis taxandis ex arbitrio suo, quàm pro imponendis taxatas ab Ecclesia; ergo si non potest obligare ad istas, ita nec ad illas.

Resp.dist.1.ant. Si adsit ratio non acceptandi, conc. si non adsit, neg.ant. nam tunc debet uterque obedire Ecclesiæ, Sacerdos imponendo, & pœnitens exequendo pœnas illas.

Respond.2.neg.conseq.& antec. prob. nam in casu, quo pœnitens non teneretur acceptare condignas, Deus, & Ecclesia volunt eum subijci quoad minores, quas in illo eodem casu relinquunt arbitrio Sacerdotis.

Objic. Si quid urgeret pœnitentem ad acceptandam aliquam pœnam, maximè integritas Sacramenti; sed hæc ratio nulla est; ergo non tenetur. Maj. patet ex responsis nostris. Prob.min. nam cum imponitur pœnitentia, sacramentum jam perfectum est; potest enim imponi post absolutionem per nos; sed post absolutionem, & per illam perfectum est sacramentum; ergo &c.

Respon.neg.min.& dist.2. maj. Cum imponitur de facto, & in re, conc. cum adest in voto pœnitentis, & intentione Sacerdotis, neg. maj. & conf. Nisi enim sic adesset impositio, & acceptatio, non valeret sacramentum.

CONCLUSIO III.

Pœnitens debet implere pœnam impositam, & hoc sub mortali, nisi impotens moralis excuset. Est communis.

Prob.1.ex Scoto. [1] Nunquid pœnam à clave non errante impositam tenetur pœnitens adimplere? Respon. quod sic, si velit se submittere Sacerdoti huic & quantum ad absolutionem culpæ, & quantum ad suspensionem pœnæ totalis, &c.

Prob.2.ex Concil.Lateran. cap.Omnis utriusque, ubi eodem modo præcipitur confessio annua, & pœnitentiæ injunctæ adimpletio.

Prob.3. nam frustra deberet Sacerdos imponere, & pœnitens acceptare pœnas ullas, nisi iste deberet im-

[1] d.19.d.27.q.2.

ple-

plere, & frustra in Sacerdote esset potestas sic ligandi; ergo &c.

Prob. 2. p. nam, pœnitentiam sic impositam, & acceptatam in sacramento non implere est injuria, & contemptus sacramenti; sed talis contemptus est peccatum mortale; ergo & omissio pœnitentiæ.

Confir. Sacerdos omittens voluntariè, & sine gravi ratione pœnam imponere, peccat graviter; ergo à fortiori pœnitens, si omittit implere, quia tam iste, quàm ille truncat sacramentum, & facit injuriam ipsi Christo, cujus vices gerit Sacerdos, dum hujus mandatum transgreditur.

Prob. 3. p. nam Deus impossibilia non jubet; ergo si adsit, vel superveniat impotentia moralis implendi pœnitentiam, Deus hoc ab homine non exigit, nec si adsit ratio gravis eam non acceptandi, vel implendi.

Objic. Si pœnitens confiteretur sola venialia, vel mortalia jam aliàs confessa, & remissa, & per pœnitentiam expiata, non tenetur pœnitentiam hęc taxatam acceptare, vel implere, sicut nec confiteri; ergo tunc non peccabit omittendo pœnitentiam, vel non acceptando.

Resp. 1. in eo casu conc. totum: nam conclusio procedit de mortalibus non remissis.

Resp. 2. neg. conf. nam supposito, quod illa peccata subicias sacramento confessionis, debes illi omnem reverentiam, & teneris illud non truncare, nec facere mutilum.

Igitur in hoc non attenditur levitas materiæ pro gravitate peccati, sed conditio, & sanctitas sacramenti, cujus injuria, & contemptus est semper grave peccatum, læditur autem in sua integritate, dum respuitur, vel omittitur pars notabilis materialis ejus, qualis est satisfactio.

QUÆSTIO VI.

In qua resolvuntur quædam dubia circa executionem satisfactionis.

PLura possunt dubia proponi circa satisfactionis impletionem, quorū aliqua hęc subijciemus breviter.

CON.

CONCLUSIO I.

Nullus penitens propria auctoritate potest impositam, & acceptatam penitentiam sacramentalem commutare. Est communis.

Prob. 1. ex Scoto cit. [1] Docet enim, quod *clave non errante, penam impositam debet adimplere* (penitens) *quia tunc obligatur praecepto Ecclesiae, cui se voluntarie submisit*. Imò & ex jure Divino, ut puto, quia Deus taliter instituit hoc sacramentum, & in hunc finem dedit Ecclesiae claves, & potestatem ligandi, & solvendi.

Prob. 2. ex Script. nam quodcumque Sacerdos ligaverit super terram, erit ligatum & in celis apud Deum; sed quod ligatum est apud Deum per Sacerdotem, non potest solvi, aut mutari à peccatore; ergo hic non potest mutare penam sibi à Sacerdote impositam.

Prob. 3. Subditus non potest mutare sententiam, nec praecepta superioris, ne quidem in melius, v.gr. si Papa praecipit jejunium pro indulgentia lucranda, subditus nequit sine licentia ejusdem facere elemosynam, aut aliud opus, etiam altioris virtutis; idem est de reo post sententiam judicis; sed penitens per sacramentum fit subditus confessorii sui; ergo propria auctoritate non potest mutare opus sibi pro penitentia sacramentali praeceptum.

Confir. quia hoc opus taxatum est virtute clavium; & sacramenti; ergo non potest mutari ab alio, vel non erit penitentia sacramentalis.

Objic. 1. Qui vovit aliquod opus, potest illud commutare in melius; ergo idem est de penitentia sacramentali, scilicet poterit mutari in melius ab ipso penitente.

Resp. neg. conseq. nam votum totaliter pendet à vovente, ideo nihil prohibet opus promissum mutare in melius: penitentia verò sacramentalis pendet à sacramento, & ministro Christi.

Objic. 2. Qui dat majorem summam, quàm ablatum valeat, plenè satisfacit; ergo & qui facit opus majoris valoris, quàm quod praecipitur, plenius satisfacit.

[1] *ibid.*

Resp.

Resp. neg. conseq. nam in restitutione non taxatur materia, aut species, per quam fit læsio ejus; sed in sacramento determinatur opus, & maximè, quia species operis habet proportionem quandam ad peccatum.

Objic. 3. In satisfactione pœnitens potest interpretari voluntatem Sacerdotis, & si interpretetur in melius, non facit illi injuriam; ergo licitè facit.

Resp. neg. aut. nam in hoc negotio non valet interpretatio, requiritur exacta, & præcisa obedientia, nec semper valet interpretatio in aliis præceptis Ecclesiæ, v.gr. qui jussus jeiunare dat eleemosynam, non facit præceptum.

CONCLUSIO II.

Pœnitentia sacramentalis imposita non valet, si per alium impleatur.

Dico sacramentalem: nam de aliis satisfactionibus non loquimur.

Prob. 1. ex Conc. Trid. in quo tres isti actus, contritio, confessio, & satisfactio dicuntur *actus pœnitentis*; ergo fieri debent ab ipso, & per se, non per alium, ut sint sacramentales.

Prob. 2. nam ut homo sit verè pœnitens, debet se ipsum punire, & non alios; sed satisfactio est pars pœnæ, à qua homo dicitur pœnitens, & tenens pœnam; ergo per seipsum debet eam facere.

Prob. 3. nam satisfactio ista instituta est ad reparandam offensam Dei, & simul in emendationem peccati præteriti, & ad præservationem à futuris; sed hæc ad hos fines non prosunt aliis, quàm ipsi peccatori operanti; ergo &c.

Prob. 4. denique: nam si possemus substituere alium pro hac satisfactione, id fieret propria auctoritate, vel Sacerdotis; sed neutrum dici potest; ergo &c.

Prob. min. 1. non propria, quia, ut dictum est, non potest eam immutare, & imposita est ut per ipsummet implenda. 2. non Sacerdotis, quia auctoritas ejus non fit ultra forum sacramentale, cui non subest alius, quàm ipse pœnitens, ut possit ab coligari; ergo &c.

Objic. 1. Unus potest satisfacere pro alio, etiam pro
de-

defunctis in pēnis temporalibus ; ergo & pro pēnitente , & pēnis sacramentalibus à Sacerdote impositis.

Resp.neg.conf. & disparitas petitur ex natura sacramenti , in quo tota res agitur personaliter inter pēnitentem , & Sacerdotem , & sicut non potest conteri , nec confiteri , nec absolvi per alium , ita nec satisfacere . Item quia pēnæ istæ sunt medicinales , æger autem non sanatur per medicinam ab aliis haustam.

Objic.2. Quando alius jejunit pro pēnitente , v. gr. ex hujus commissione jejunium fit opus committentis ; ergo hic propriè satisfacit.

Resp.neg.antec. Commissio est quidem actus pēnitentis , sed jejunium illud est opus innocentis ; & licet fortè ex applicatione jejunantis posset meritum jejuni prodesse mandanti , non tamen valor sacramenti ex opere operato , nec satisfactoriè.

Objic.3. Sacerdotes sæpè præcipiunt pēnitenti , ut procuraret per eleemosynas fieri preces ab aliis , v.g. celebrari missas , &c. ergo ex praxi Ecclesiæ satisfacere possumus per opera aliena.

Resp.neg.conf. nam tunc opus satisfactorium est illa procuratio , & eleemosyna , non autem missæ , vel orationes ab aliis factæ.

Quæres , An obligatio exequendi pēnitentiam impositam remittatur per indulgentias , per quas solent remitti pēnæ temporales peccatorum.

Resp. probabilius negativè ; quia , ut dictum est , sic frustraretur intentio Ecclesiæ in illorum operum taxatione , in qua intendit punitionem , correctionem , emendationem , & præsevationem à peccatis , quæ non habentur per indulgentias , sed per illas relaxantur pēnæ purgatorii , non autem medicinales , & præservativæ . Frustraretur sollicitudo Ecclesiæ pro impositione satisfactionum congruarum secundum naturam , & qualitatem culparum.

CONCLUSIO III.

Satisfactio in una confessione imposita potest commutari ab eodem confessario , vel etiam ab alio ex rationabili causa . Est etiam communis.

Dico , ex rationabili causa , ver. gr. quia prior ei sit difficillima , vel impossibilis , aut quia alia erit saluta-

ta.

tarior, & utilior ad finem emendationis, &c. Nam sine ulla ratione temerè ageret commutando. Hoc supposito

Prob. 1. p. de eodem confessario, 1. quia sic nulla fit injuria sacramento, sed magis providetur ejus integritati, & efficaciae, dum mutatur satisfactio in opus melius, vel facilius, vel utilius ad finem ejus; ergo &c. Prob. ant. Nam si opus sit melius, majorem gratiam conferet, si facilius, integritas ejus erit securior: nam poenitens non potuisset, aut noluisset implere.

Confir. quia in hoc nullum est inconveniens, nec ratione sacramenti, nec poenitentis, nec confessarii; imò pluribus inconvenientibus occurritur.

Prob. 2. p. nam quilibet peccator potest sacerdoti, etiam alteri à primo, peccata sua jam confessa confiteri, & iste potest de illis judicare, solvere, & ligare poenitentem aequè, ac primus; ergo & pro illis imponere congruam satisfactionem; ergo poenitens poterit eligere secundam poenitentiam, relicta priori: non enim tenetur pro eodem peccato duas subire. Prob. antec. Nam potestas clavium datur sacerdoti in favorem poenitentis, iste, si velit, potest saepius de eadem re judicari à diversis, vel ab eodem, & stare judicio favorabiliori.

Prob. 2. nam secundus confessarius etiam aequalis non habet minorem potestatem in hoc tribunali, quàm primus; sed primus poterat mutare poenam per se impositam ex causa; ergo & secundus. Prob. univ. ex praxi: nam quando poenitens adit confessarium exponens ei difficultatem explendi poenitentiam ab eo sibi taxatam, iste potest, & debet eam commutare, prout ratio dictabit, & si hoc potest aequalis, à fortiori hoc poterit superior.

Objic. 1. In civilibus judex unus non potest mutare sententiam alterius, nisi sit superior, & hoc per viam recursus, quia *par in parem non habet imperium*, quod non habet locum in hoc tribunali; ergo unus confessarius non potest mutare poenam ab alio taxatam per judicium sacramentale.

Resp. neg. conf. nam in hoc casu secundus non exercet imperium, nec potestatem in primum, sed exercet suam supra poenitentem, & materiam sibi appolitam,

tam, de qua judicat secundum propriam prudentiam ex circumstantiis, & rationibus sibi à penitente propositis, & iste habet jus eligendi penam sibi magis convenientem.

Inst. Secundus non potest mutare penam illam sine injuria primi, quia irritat ejus sententiam; ergo ille exercet imperium in parem; ergo nulliter id facit.

Resp. neg. ant. Non enim irritat 1. judicium, sed novum pronuntiat, & 1. interpretatur secundum novas circumstantias, in quibus judicat primum non intendisse obligare ad executionem.

Obj. c. 2. Si secundus posset mutare penam à 1. impositam, redderet mutilum præcedens sacramentum, quia careret hac parte materiæ suæ; sed hoc est absurdum, & inconveniens; ergo &c.

Resp. 1. hoc nimis probare, 1. quia ne quidem Sacerdos superior posset mutare penam ab inferiore impositam; imò ne quidem ipsemet confessarius in secunda confessione, quod non admittent plures ex adversariis: nam etiam tunc prius sacramentum maneret mutilum. 2. quia plures adversarii tenent per indulgentias tolli, aut minui penas impositas, quod esset falsum.

Resp. 2. neg. maj. nam semper manet integrum judicium quoad partes essentielles, licet in executione aliquid mutetur.

Quæres, *Quid dicendum de penitentia data à superiore. An parochus v. g. possit mutare penitentiam impositam ab Episcopo.*

Resp. affirmativè quoad peccata non reservata, & negativè quoad penitentiam pro reservatis.

Ratio 1. par. est, quia pro non reservatis æqualis est potestas Parochi, & Episcopi quoad hoc.

Ratio 2. par. est, quia sicut parochus non potest cognoscere, nec judicare de reservatis, ita nec pro illis penas imponere, vel taxare, mutando, vel minuendo.

Quæres 2. *An mutatio pænæ impositæ in una confessione debeat fieri in alia confessione pariter sacramentali, & ex cognitione ejusdem causæ, sc. peccatorum, pro quibus imposita est.*

Resp. affirmativè: nam taxatio hujus pænæ est actus judicialis, & sacramentalis; ergo debet fieri in eodem

tribunali, & simili iudicio; ergo ex cognitione causæ,
& in confessione sacramentali.

Alia dubia practica vide apud Casuistas.

Q U Æ S T I O VI.

De effectu satisfactionis sacramentalis.

Quia tenemus satisfactionem esse partem huius sacramenti ex parte penitentis, videndum, an, & quomodo concurrat ad effectum ejus, an ad totum, qui est remissio peccatorum quoad culpam, & reatum pænæ æternæ, an quoad partem, scilicet remissionem solius pænæ temporalis, in quam commutatur reatus pænæ æternæ. Quod operetur remissionem pænæ alicujus temporalis, jam patet ex dictis. Restat videre, an concurrat ad remissionem culpæ, & infusionem gratiæ cum aliis partibus, & cum ipsa absolutione.

C O N C L U S I O.

Satisfactio sacramentalis influit in ipsam justificationem, seu in remissionem pænæ æternæ, seu culpæ. Est communis.

Prob. 1. ex Scot. [1] *Sententiâ Sacerdotis sic absolvit, quod tamen ligat; absolvit quidem à debito pænæ æternæ, sed ligat ad solutionem pænæ temporalis; ergo satisfactio sicut concurrat ad integritatem sacramenti, & sententiam, ita & ad totum effectum ejus. Quod etiam patet, quia dicit, quod satisfactio assumatur ad placandam divinam offensam. Hæc enim non placatur, nisi per remissionem culpæ, & infusionem gratiæ, & hunc effectum habet ex vi propositi, quod præcedit absolutionem: nam in executione sequitur ordinariè sacramentum.*

Prob. 2. utraque pars ex Concilio Tridentino citato: [2] nam inter effectus satisfactionum dicit, quod tres actus penitentis, nempe contritio, confessio, & satisfactio sunt quasi materia huius sacramenti, quæ, quatenus in penitente ad integritatem sacramenti, &

ad

[1] d. 16. F. 7. [2] sess. 14. c. 4.

ad plenam, & perfectam remissionem peccatorum ex Dei institutione requiruntur: hac ratione dicuntur partes penitentiae; ergo tam satisfactio, quam contritio, & confessio confert ad integritatem, & per consequens ad effectum sacramenti; sed ad efficaciam huius sacramenti pertinet reconciliatio cum Deo, seu gratiae iustificantis infusio; ergo &c.

Confir. ex eodem, [1] in quo definitur, quod ad integram, & plenam remissionem peccatorum requiruntur in penitente tres actus, quasi materia sacramenti penitentiae, scilicet contritio, &c. quae tres penitentiae partes dicuntur; ergo pars ista, sicut aliae concurrunt ad integritatem, & per consequens ad totam efficaciam sacramenti.

Prob. 3. nam, ut dicebamus, satisfactio est quaedam pars sacramenti; ergo causat aliquem effectum ejus, scilicet remissionem poenae temporalis, vel aeternae. Prob. conf. nam vera pars compositi influit necessarii in effectum totius cum aliis partibus; ergo &c.

Confir. quoad gratiam: nam alioqui saepius careret omni effectu; sed conf. est absurdum: nam frustra imponderetur, nec esset pars necessaria; ergo &c. Prob. maj. cum absoluntur moribundi, satisfactio nihil operaretur, quia ex adversariis satisfactio non operatur, nisi cum ponitur in re; sed in istis non ponitur in re; ergo vel nihil operatur, vel operatur, prout est in voto morientis.

Dices, quod operatur quidem gratiam, si impletur ante absolutionem, non autem si impletur post absolutionem, quia tunc operatur tantum remissionem poenae temporalis, quia tunc non adest sacramentum, quod jam habuit totum effectum quoad gratiam.

Contra 1. quia si impletur ante absolutionem, influit etiam in gratiam, quod sufficeret nobis. 2. licet saepe sacramentum, & absolutio causet primam gratiam, quia reperit causatam per contritionem, non sequitur, quin absolutio habeat vim causandi eam: idem est de satisfactione, sc. habet de se vim influendi in gratiam illam, licet aliquando non causet illam, quia reperit jam causatam per absolutionem, sed poterit causare augmentum ejus.

Objic.

[1] can. 4.

Objic. 1. Non aliter satisfactio dicitur pars hujus sacramenti, quàm quia causat aliquam partem effectus ejus, scil. remissionem pœnæ temporalis; ergo nihil aliud causat. Prob. ant. nam sacramentum præcedit existentiam ejus; ergo non est pars ejus intrinseca, & integralis; ergo non causat effectum ejus, sc. gratiam.

Resp. neg. 1. antec. & dist. 2. Præcedit existentiam in executione, conc. in voto, neg. ant. & cons. nam sufficit, quod semper adest in voto ante absolutionem, ut influat moraliter cum illa, ut pars materialis ejus, deinde, ut dicebamus, potest etiam adesse in executione, quando datur absolutio; ergo & potest influere in totum effectum ejus.

Inst. Si satisfactio influeret in gratiam justificantem, hæc gratia non haberetur statim post absolutionem, quia causa illa non statim existit, nulla causa influit, antequam existat; sed cons. est falsum; ergo &c.

Respon. neg. maj. & dist. rationem ejus. Non existit semper in re, conc. semper in voto, neg. nam, ut causet moraliter, sufficit existentia voti, sicut & ipsum votum confessionis futuræ suo tempore concurret ad gratiam in contritione; & sic de aliis causis moralibus.

Objic. 2. Veræ partes sacramenti, ut cum illo influant in effectum ejus, debent esse sensibiles; sed satisfactio in voto non est sensibilis, ut operetur sensibiliter gratiam insensibilem; ergo &c. Prob. min. Votum enim satisfaciendi est actus purè internus.

Resp. neg. maj. absolutè: nam contritio de se est actus purè internus; idem est de voto confessionis in contritione, & fiunt sensibilia Sacerdoti per verba penitentis.

Objic. 3. Votum satisfactionis non requiritur ad effectum hujus sacramenti quoad gratiam; ergo nullo modo in eam influit. Prob. ant. Nam ex Scoto, & aliis posset homo absolvi, nolens acceptare pœnam ullam sibi imponendam à Sacerdote; sed tunc non haberet satisfactionis votum; ergo &c.

Resp. 1. neg. ant. & maj. Contrarium patet ex dictis, saltem in nostra sententia.

Resp. 2. neg. idem ant. & min. quidquid sit de maj. nã ille pœnitens est paratus subire pœnas à Deo infligendas in hac, vel alia vita.

Objic. 4. Ex sensu communi Conciliorum, & Theo-

logorum, satisfactio imponitur propter pœnas remanentes solvendas post remissionem; ergo nihil confert ad gratiam.

Prob. ant. Conc. Trid. [1] docet, quod *satisfactiones medentur peccatorum reliquiis*. Et quod *imponuntur etiam ad peccatorum vindictam, & castigationem, &c.* ergo Concilium docet efficaciam satisfactionis consistere in remissione talium pœnarum.

Resp. neg. utrumque ant. Agnoscit enim Concilium hanc efficaciam, sed non excludit ampliorem, maxime circa remissionem culpæ ex vi sacramenti.

Inst. Si hoc esset, pars ista esset efficacior cæteris, & plus operaretur: nam causaret gratiam cum aliis partibus, & præterea remitteret pœnas temporales, ad quod illæ non influunt; sed conf. est falsum: nam *contritio primum locum obtinet*, inquit Concilium; ergo &c.

Resp. neg. maj. nam 1. si satisfactio quoad hunc effectum specialem aliis partibus præmineat, aliæ per suos alios effectus suam habent præcellentiam, nec in hoc apparet inconveniens, & idè negatur etiam min. 2. ipsa contritio, & confessio magnam partem ejusdem pœnæ remittunt, ut ex eodem Concilio patet. Imò sæpe tantus est contritionis fervor, ut totam pœnam deleat, ut docent Patres, & Theologi.

Igitur satisfactio suo modo influit in effectum principale sacramenti, in remissionem culpæ, & infusionem gratiæ cum aliis actibus pœnitentis, qui de necessitate sacramenti requiruntur, & hoc ex opere operato ratione sacramenti, & ex opere operantis, prout cum majori fervore devotionis impletur.

Solent hîc agere quidam de pœnitentia publica, quæ olim in Ecclesia pro peccatis publicis fiebat, sed cum hodie rarus sit ille usus, non immoramur in ejus tractatione.

DIS-

[1] *sess. 14. c. 8.*

DISPUTATIO VII.

*De efficacia, & effectibus sacramenti pœnitentiæ,
ac ejus necessitate.*

JAM diximus de necessitate pœnitentiæ virtutis; nunc agimus de sacramento, de quo specialis potest esse ratio: nam si sufficeret illa virtus, inutile esset sacramentum, aut minus utile.

QUÆSTIO PRIMA.

An sacramentum pœnitentiæ deleat peccata quoad culpam, & pœnam æternam.

HUJUS quæstionis resolutio patet ex dictis de vero sensu verborum formæ, *absolvo te à peccatis*: nam hoc ipso, quod probavimus illa hoc significare, *remitto tibi peccata tua*, satis liquet effectum hujus sacramenti primum, & principalem esse remissionem peccatorum: nam sacramenta id operantur, quod significant. Deciditur etiam, cum disputatur de clavibus Ecclesiæ, an attingant remissionem culpæ, & pœnæ æternæ.

CONCLUSIO.

Effectus primarius, et principalis hujus sacramenti est remissio peccati quoad culpam, et pœnam æternam. Est contra eos, qui aliter explicant effectum istum, & contra Magistrum, qui, ut diximus aliàs, putat hoc sacramentum nihil aliud operari, quam ostensionem remissionis obtentæ per contritionem.

Prob. I. ex Scoto. [1] Concedo ista, quod sacramentum pœnitentiæ potest dignè suscipi ab attrito, et hoc tanta attritione, quæ non sufficeret per modum meriti ad justificationem suscipiendam in termino attritionis, et si non fide suscipiatur, in termino recipitur prima gratia, quia à Deo confertur, et absolutio sacramentalis est signum efficax illius absolutionis sequentis in ultimo in-

P 2

stanti

[1] d. 19. q. 2. A. 32.

stanti ipsius... si dicas; ergo Sacerdos delet maculam, et pœnam mortis æternæ, quod est proprium Deo. Dico, quod utrumque facit, sed non facit, nisi instrumentaliter, &c. ergo ex Scoto sacramentum istud verè delet peccata quoad culpam, & pœnam æternam.

Prob. 2. ex Script. nam, ut dictum est, Christus instituit hoc sacramentum, cum dedit Apostolis, & successoribus in Sacerdotio potestatem remittendi, & retinendi peccata, & solvendi, ac ligandi. Quorum remiseritis peccata, &c.

Prob. 3. ex Conc. Trid. [1] docente hoc sacramentum institutum esse in remissionem peccatorum; & cum Christus dixit, Quorum remiseritis, &c. Tam insigni factò, verbis tam perspicuis potestatem remittendi, & retinendi peccata ad reconciliandos fideles post baptismum lapsos.... communicatam fuisse Apostolis, universorum Patrum consensus semper intellexit. Et tandem definit, quod Sacerdotis absolutio non est nudum ministerium annuntiandi Evangelium, & declarandi remissa esse peccata, sed ad instar actus judicialis, quo ab ipso iudice profertur sententia, &c. Denique dicit, quod res, & effectus huius sacramenti quantum ad ejus vim, & efficaciam pertinet, reconciliatio est cum Deo. Sed hæc reconciliatio non fit, nisi per deletionem culpæ, & infusionem gratiæ; ergo &c.

Confit. ex Concil. Constantiensi contra Hussitas, & Florent. in Decreto Eugenii, & ex Decretis Pii V. Gregorii XIII. & Urbani VIII. quibus has propositiones Michaelis Baji damnarunt. [2] In omnibus penitentibus ante sacramentum absolutionis, & catechumenis ante baptismum est vera justificatio separata a remissione peccatorum. Et, In sacramento baptismi, & Sacerdotis absolutione, reatus peccati dumtaxat tollitur, & ministerium Sacerdotis solum liberat a reatu pœnæ. Item, Peccator penitens non vivificatur ministerio Sacerdotis absolventis, sed a solo Deo, qui penitentiam inspirans vivificat, & resuscitat, &c. ergo Ecclesia censet hoc sacramentum operari ministerio Sacerdotis remissionem peccatorum, & infusionem gratiæ vivificantis.

Prob. denique. Nisi hoc sacramentum deleteret peccatum quoad culpam, & pœnam æternam, non diceret

[1] sess. 14. c. 1. [2] prop. 43. 57. & 58.

retur *secunda post naufragium tabula*, quia non eripet hominem à naufragio peccati, nec *baptismus la- boriosus*, quia non ablueret maculam, & sordes peccati, nec *verum novæ legis sacramentum*, quia non cau- saret gratiam, nec *sacramentum mortuorum*, quia non vivificaret peccatorem per remissionem culpæ, & in- fusionem gratiæ sanctificantis; sed hæc omnia com- munitè dicuntur à Patribus, & Theologis de hoc Sa- cramento, ut patet ex dictis; ergo hæc verè præstat.

Objic. 1. ex Script. *Quis potest dimittere peccata, nisi solus Deus?* & S. Hieron. comparat Sacerdotes nostros Mosaicis, quibus jubebantur leprosi se ostendere; sed eos non faciebant mundos, vel immundos, sed tales esse declarabant; ergo in hoc sacramento sacerdotes nostri nec delent peccata, nec peccatores sanctificant, sed declarant peccata illis esse remissa: nam remissio soli Deo reservatur.

Resp. dist. ant. Non delent propria potestate, nec ut causæ principales, conc. non remittunt potestate divi- na, & ut causæ ministeriales, neg. ant. nam hoc habent supra Mosaicos, qui purè declarabant de leprosis, qui- nam mundi, vel immundi essent.

Objic. 2. Nulla creatura habet potestatem super ani- mas; ergo nullus homo potest delere peccata in ani- mabus, quia sunt maculæ purè spirituales.

Resp. dist. ant. Potestatem physicam, & principalem, con. moralem, & ministerialem, neg. ant. & conf. nam sacramenta, nec Sacerdotes non agunt physicè, sed so- lum moraliter, & ut causæ ministeriales in peccata, vel animas.

Objic. 3. Sacerdos non magis potest solvere, quàm li- gare: nam simul utramque potestatem accipit; sed non potest ligare ad pœnam æternam, nec facere peccato- rem; ergo nec solvere ab illa pœna, nec facere justum.

Resp. neg. maj. nam dedit Christus Petro, & succes- soribus claves cœli, ut illud possint aperire, non autem claves inferni: ligamen illud respicit pœnas tempora- les, non autem æternas: ad illas ligant peccatores, quos ab istis absolvunt. Ratio autem hujus differen- tiæ alia non est, quàm voluntas Dei.

Objic. 4. Nullibi constat in Scriptura de tali effectus; ergo gratis asseritur.

Resp. neg. ant. nam apertè satis colligitur ex verbis
P 3 Chri-

Christi, Quorum remisistis peccata, remittuntur eis. Et, Tibi dabo claves regni cœlorum: nam illa remissio, & apertio regni cœlorum fiunt in hoc sacramento.

Objic. 5. ex Patribus, qui comparant pœnitentem peccatorem Lazaro, qui prius fuit resuscitatus à Christo, quàm iussus sic solvi ab Apostolis, Ut quos Deus per compunctionis gratiam visitat, illos Pastoris sententia absolvat, inquit S. Gregor. Ecce (Lazarum) discipuli jam viventem solvunt, quem Magister jam suscitaverat mortuum. Ex qua consideratione intuendum est, quòd illos nos debemus per pastorem auctoritatem solvere, quos Authorem nostrum cognoscimus per suscitantem gratiam vivificare. Et August. Christus per se intus vivificat, ministris potestatem solvendi post vitam tribuit, qui nullum solvere possunt, nisi vivat. Et alibi, Viventes curare ministerio suo possunt Sacerdotes, non autem mortuos suscitare; ergo per sacramentum absolutionis Sacerdotes non delent peccata, nec causant gratiam vivificantem, id per se facit solus Christus, sed æternè solutos ostendunt pœnitentes, postquam internè Deus illos vivificavit.

Resp. neg. conf. Nec enim id volunt SS. Patres, sed tantum, quòd Christus Deus per se, & propria potestate vivificat, Sacerdotes verò ministerialiter, & sacramentum instrumentaliter: suscitatio verò illa, de qua loquitur S. Gregorius, intelligitur de vivificatione inchoata, quæ fit per gratias actuales, & excitantes, per quas pœnitentiam peccatoribus inspirat Deus, antequam perfectè vivificet per gratiam justificantem, quam illis ministerio Sacerdotis largitur. Quæ vivificatio ante operationem rectitudinis in ipsa jam cognoscitur confessione peccati, ait Gregor. Quid est autem (Lazarum, seu peccatorem) foras prodire, nisi, quod occultum erat, foras prodere? Qui confitetur, foras prodit: foras prodire non posset, nisi viveret, sc. inchoatè per motum confessionis, ait idem August.

CONCLUSIO II.

Per sacramentum pœnitentia remittuntur etiam magna ex parte pœnæ temporales. Est etiam communis.

Prob.

Prob. 1. ex Scoto, [1] qui quærens, *An iterata confessio eorundem peccatorum, vel clavium, plus, & plus de pœna remittat. Videntur probabile, quod sic; quia ejusdem rationis est secunda cum prima; ergo potest eandem virtutem habere respectu alicujus partis pœna remittenda, & per consequens per aliquot absolutiones finitas, cum culpa illa habeat partitiones in partes finitas, possit totaliter remitti, &c.* ergo ex Scoto absolutio sacramentalis remittit de pœna temporali peccati.

Prob. 2. ex Concil. Trid. [2] docente, quod opera satisfactoria pœnitentibus imponenda, aut per eos sponte facienda, remittunt de pœna peccati. *Non quidem pro pœna æterna; quæ vel sacramento, vel sacramenti voto una cum culpa remittitur, sed pro pœna temporalis, quæ, ut sacra litteræ docent, non semper tota, ut in baptismo, dimittitur; ergo hoc sacramentum non semper remittit totam pœnam temporalem peccato debitam, bene verò aliquando, vel saltem aliquam ejus partem.*

Prob. 3. ex dictis: nam per clavium potestatem imponitur pœnitentibus satisfactio, per quam pœna temporalis remittitur, quæ alioqui remaneret in purgatorio solvenda, si ex inadvertentia Sacerdos non imponeret, aut ex impotentia pœnitens non impleveret; ergo saltem mediante satisfactione sacramentali remittitur pœna temporalis; ideo dicitur *peccatorum vindicta, & castigatio.*

Objic. 1. In sacramento sacerdos ligat ad pœnam temporalem; ergo sacramentum non tollit eam, alioqui ligaret, & solveret eodem actu, quod implicat. Prob. antec. per nos absolvit à pœna æterna, quam mutat in temporalem, & pro ista imponit satisfactionem; ergo &c.

Resp. dist. ant. Ligat ad illam partem pœnæ temporalis, quam non solvit sacramentum, conc. ad totam pœnam temporalem, quæ pro peccatis debetur, neg. 1. ant. & 2. conf. Nisi enim per sacramentum dimitteretur magna pars hujus pœnæ, longè major restaret luenda per satisfactionem.

Inst. Si sacramentum remitteret de pœna temporalis, posset totam remittere; sed conf. est falsum, &

P 4

con-

[1] *ibid.* G. 30. [2] *sess.* 6, c. 14.

contra nos : nam sic non esset necessaria impositio satisfactionis ; ergo &c. Prob. maj. nam sicut potest remittere unam partem , ita & totam , juxta meliorem pœnitentis dispositionem.

Resp. neg. min. & rationem ejus : nam Concilii verba citata satis docent id posse contingere , nec tamen frustra imponitur satisfactio , tum quia est pars materialis sacramenti , cum quo influit , tum quia facit ad ampliorem gratiam , & remissionem.

Obje. 2. Quando impletur satisfactio , sacramentum non existit , nec fortè Sacerdos ipse ; ergo non influunt in remissionem pœnæ temporalis.

Resp. dist. conf. Non influunt physicè , & per se immediate , conc. moraliter , & mediante hac satisfactione sacramentali , neg. conf. nam satisfactio præcipitur , & impletur ex vi sacramenti , & præcepti sacerdotalis.

Resp. 2. dist. ant. Non existit , quando remittitur pars pœnæ , quæ respondet satisfactioni , & ista mediante , conc. pars , quæ respondet immediate operi sacramentali , neg. ant. nam magna pars illius pœnæ remittitur intuitu sacramenti , ut dicebam.

Quæres , *Quid sit illa potestas clavium , de quibus toties fit mentio in hac materia.*

Resp. esse ipsam potestatem ligandi , & solvendi homines à peccatis , ut ingredi possint regnum cœlorum , juxta verba Christi ad Apostolum Petrum , quando illum destinavit Vicarium suum super Ecclesiam , ut caput ejus visibile , dicens , *Tibi dabo claves regni cœlorum . Et , quodcumque ligaveris , &c.* Inde sumpta est metaphora vocandi hanc potestatem , & jurisdictionem Ecclesiæ nomine *clavium* . Sed de hoc aliàs.

Q U Æ S T I O II.

*De necessitate hujus sacramenti , an ,
& qualis sit .*

Resolutio hujus quæstionis facilis est ex dictis de necessitate sacramentorum in communi , ac de necessitate virtutis pœnitentiæ , & de institutione ipsius sacramenti , & adhuc magis ex dictis de necessitate confessionis.

Non

Non loquemur de necessitate præcepti: nam de illa sufficienter diximus; ubi de necessitate confessionis sacramentalis.

Certum etiam est, quòd in statu innocentiae non erat necessarium, quia in eo non fuit, nec futurum erat peccatum; imò nec in statu legis naturæ, aut scriptæ veteris, quia licet in eis statibus fuisset maximæ utilitatis, tamen in neutro fuit institutum, nec in eis defuerunt alia media ad justificationem. Hoc privilegium reservabatur statui legis gratiæ fundatæ in meritis Christi, non amplius ut futuri, & prævisi, ut erant illa alia media pro illis prioribus statibus, sed Christi existentis, & meritis exhibitis, & effectivis. Igitur de hoc ultimo statu loquimur.

CONCLUSIO I.

IN lege Evangelica, & pro christianis adultis necessarium est sacramentum penitentiae habentibus peccatum mortale post baptismum, & hoc necessitate medii, & præcepti divini. Est de fide.

Prob. 1. ex Scoto: [1] nam hoc sacramentum institutum est ut remedium efficax ad recuperandam primam gratiam ex illo verbo, Quorum remisistis peccata, &c. Et sic concluditur necessitas præcepti confessionis ex isto verbo tantum, &c.

Prob. 2. ex Conc. Trid. [2] Est autem hoc sacramentum penitentiae lapsis post baptismum ad salutem necessarium, ut nondum regeneratis ipse baptismus. Sed baptismus est necessarius necessitate medii, & præcepti, in re, vel saltem in voto, ut dictum est; ergo &c. Item definit, Hoc sacramentum pro fidelibus, quoties post baptismum in peccata labuntur, ipsi Deo reconciliandis, à Christo Domino nostro institutum, &c. Idem colligitur ex sess. 7. [3] ubi hoc docet de omnibus sacramentis.

Prob. 3. Illud dicitur necessarium in re, vel in voto necessitate medii, sine quo non potest recuperari gratia, nec salus in hoc statu; sed lapsi post baptismum non possunt recuperare gratiam, nec salutem sine hoc sacramento in re, vel in voto; ergo &c.

Prob. min. Si post peccatum, & baptismum posset

P 5 recu-

[1] d. 17. G. [2] sess. 14. c. 2. [3] can. 1.

recuperari gratia per aliud medium, maximè per virtutem pœnitentiæ, seu per contritionem charitate perfectam; sed hæc non sufficit ad hoc sine voto sacramenti hujus; ergo &c. Prob. min. nam Concilium docet, [1] quod etsi contritionem hanc aliquando charitate perfectam esse contingat, hominemque Deo reconciliare, priusquam hoc sacramentum actu recipiatur, ipsam nihilominus reconciliationem ipsi contritioni sine sacramenti voto, quod in ea continetur, non esse adscribendam.

Prob. 4. ex Script. nam Christus in lege Evangelica non aliud docet medium ad remissionem peccatorum obtinendam, quàm recursum ad Apostolos, & Sacerdotes eorum successores, quibus dedit potestatem remittendi, & retinendi peccata, dicens, *Quorum remiseritis peccata*, &c. sed Sacerdotes non possunt uti hac potestate, nisi in hoc, & per hoc sacramentum, in quo recurritur ad eos, & ipsi audiunt, & cognoscunt de peccatis; ergo &c.

Prob. 2. p. de necessitate præcepti ex Doctore: [2] *Quicumque primam gratiam amisit, tenetur de necessitate præcepti, & hoc illius, Diliges Dominum Deum tuum*, &c. tenetur inquam agere, inquantum in se est, ad ejus recuperationem, & etiam virtute illius præcepti, *Diliges teipsum*. Sed ipse peccator in peccato mortali amisit primam gratiam, & potest eam recuperare suscipiendo sacramentum... sic concluditur necessitas præcepti confessionis non ex isto verbo tantum, *Quorum remiseritis*, sed ex isto, & illo, *Diliges Dominum Deum tuum*, &c. simul juncto.

Dixi autem 1. *in re*, vel *in voto*: nam si non possit recipi sacramentum in re, & effectivè, potest recuperari gratia per contritionem cum voto recipiendi sacramentum, quam primum poterit recipi.

Dixi 2. *habens peccatum commissum post baptismum*, quia baptismus est janua sacramentorum, & peccata omnia, quæ illum præcedunt, remittuntur per illum, nec potest hoc aliter fieri. Inde est, quod hoc non obligat, nisi adultos baptizatos, & utentes ratione, quia hi soli possunt peccare, & pœnitere, & confiteri.

Objic. 1. D. Petrus pro negatione, nec D. Thomas

pro

[1] *ibid. c. 4.* [2] *ibid.*

pro incredulitate, nec alii Apostoli pro derelictione Christi in passione non receperunt hoc sacramentum ergo non est de necessitate medii, nec præcepti. Prob; ant. ex S. Ambros. *Lacrymas Petri lego, satisfactionem non lego*. Et idem dici potest de aliis; ergo &c.

Resp. neg. conseq. quia nondum erat institutum hoc sacramentum, ideo recuperarunt gratiam per lacrymas pœnitentiæ.

Objic. 2. Necessitas medii est ea, sine qua nequit haberi finis; sed potest recuperari gratia, & salus post peccatum per alia media, quàm per hoc sacramentum; ergo non est de necessitate medii.

Resp. dist. min. Sine hoc sacramento in re, conc. in re, vel in voto, neg. min. nam si non possit haberi in re, requiritur saltem desiderium ejus, & propositum.

Objic. 3. Hoc sacramentum est pœnale: nam infert vindictam; ergo non convenit legi gratiæ, qualis est ista.

Resp. neg. conf. nam summa gratia est, quod per tam levem pœnam remittantur tam, & tot gravia peccata, & tam certo medio.

Objic. 4. Græci non utuntur hoc sacramento; ergo non putant illud esse necessarium.

Resp. dist. ant. Græci schismatici, & hæretici, trans-
eat, Græci fideles, neg. ant. Nam inquit Chrysost. Patriarcha Constantinop. [1] *Non potest quis gratiam recipere doni celestis, nisi prius purgatus fuerit ab omni forde peccati per pœnitentiæ confessionem*.

Objic. 5. Patres ubique docent gratiam recuperari per lacrymas, & labores pœnitentiæ, nihil dicentes de sacramento; ergo non putant illud esse necessarium.

Resp. neg. conf. nam sic loquuntur sine exclusionem, & præjudicio sacramenti, quod illa comitantur, aut præcedunt cum ejus voto.

Objic. cont. 2. par. Nullibi legitur præceptum divinum de hoc sacramento; ergo gratis asseritur necessitas præcepti.

Resp. dist. ant. Nullibi formaliter, & explicitè, conc. implicitè, & virtualiter, neg. ant. nam, ut dicebamus ex Doct. hoc ipso, quod datur potestas Sacerdotibus remittendi, & retinendi peccata, præcipitur peccatoribus, ut recurrant ad ipsos per confessionem pro remissione.

CONCLUSIO II.

ETiam justificatis per contritionem sacramentum hoc necessario recipiendum in re, quam primum haberi potest. Est communis.

Prob. 1. ex Scoto. [1] Dico, quod illa contritio habet propositum, seu promissionem confessionis secuturæ, & sic non deletur peccatum sine proposito confitendi.... si autem mutetur voluntas solvendi illam (promissionem) jam recidivat ab illa penitentia, & peccat mortaliter; ergo etiam contritis necessarium est hoc sacramentum.

Prob. 2. ex Trid. cit. & præterea cum dicit, in penitentia contineri non modò cessationem à peccatis, aut contritum, & humiliatum, verum etiam eorum confessionem sacramentalem, saltem in voto, & suo tempore faciendam, & sacerdotalem absolutionem; ergo &c.

Confir. nam inter propositiones Petri de Osma damnatas à Xycto IV. anno 1478. prima erat, Peccata mortalia quantum ad culpam, & pœnam alterius sæculi delentur per solam contritionem cordis, sine ordine ad claves; ergo contraria propositio est de fide.

Alias probationes vide supra de necessitate confessionis.

Objic. Si post contritionem justificantem recipiatur sacramentum, nihil reperiet remittendum: nam omnia jam remissa sunt, & sic falsa erunt verba absolutionis; ergo contritis non est necessarium hoc sacramentum.

Resp. neg. ant. & prob. ejus: nam tunc per sacramentum remittitur obligatio contracta per promissionem, & datur amplior gratia, quæ de se est remissiva peccati, & ab eo præservat in futurum.

Alias etiam objectiones ibidem solutas habes.

DISPUTATIO VIII.

De ministro sacramenti pœnitentiæ.

SUOS habet ministros hoc sacramentum, sicut & alia. Et quidem, sicut hoc est spèciale in isto, quod confertur per formam iudicii, & sicut plures conditiones requiruntur in iudice, sic plures requiruntur in ministro istius sacramenti, quàm cæteris, v. g. iurisdictio, seu potestas, scientia, prudentia, discretio, & fidelitas, seu secretum, & alia, de quibus hic breviter dicendum est.

QUÆSTIO I.

*Quis, & qualis sit minister sacramenti pœnitentiæ.
An solus Sacerdos.*

ALiqui hæretici, ut Vvicleffus, & Lutherus putarunt etiam Laicos baptizatos esse idoneos ministros huius sacramenti, saltem spectato jure Divino.

CONCLUSIO I.

Solus Sacerdos est idoneus minister huius sacramenti. Est de fide.

Prob. 1. ex Scoto, [1] Qui referens opinionem Magistri dicentis licere confiteri laico, respondet, quod laicus nullam habet sentiendi auctoritatem in isto foro; & supra dixerat [2] hanc potestatem datam esse Apostolis, & Sacerdotibus, & quod nihil pertinens ad sacramentum pœnitentiæ potest à Laico dispensari, sicut nec consecratio Eucharistiæ.

Prob. 2. ex Concil. Florent. [3] dicente, quod forma huius sacramenti sunt verba absolutionis, quæ sacerdos profert. Et, Minister huius sacramenti est sacerdos habens auctoritatem absolvendi, vel ordinariam, vel ex commissione superioris. Et Trid. [4] Circa ministrum huius sacramenti declarat, falsas esse doctrinas omnes, quæ ad alios quosvis homines, præter Episcopos,

[1] d. 17. T. [2] d. 4. q. 4. n. 4.

[3] in decret. [4] Sess. 4. c. 6. & ca. 1.

Et Sacerdotes, clavium ministerium perniciosè extendunt, &c. Et idem definit can. 10.

Prob. 3. ex Script. Nam, ut notat idem Conc. Christi ad solos Sacerdotes dixit; [1] *quacumque alligaveritis super terram, erunt ligata & in cælis*, &c. Et, *Quorum remiseritis peccata*, &c. Sed hæc verba continent institutionem hujus sacramenti; ergo &c. prob. maj. Nam hæc dicebat in cœnaculo post resurrectionem, ubi erant discipuli congregati, & clausi, propter metum judæorum; ergo ad solos Apostolos hoc dixit instituens hoc sacramentum; ergo & illis solis, ac successoribus in ministerio Ecclesiæ dedit potestatem clavium.

Prob. 4. ex SS. Patribus: nam inquit Ambros. *Ius hoc solis est permissum Apostolis*. Et Hieron. *Habent judiciariam potestatem alii Apostoli (sicut Petrus) habet & omnis Ecclesia in Episcopis, & presbyteris*. Et sic de aliis.

Prob. denique unanimi, & perpetuo consensu, & usu totius Ecclesiæ; nec hujus dispositionis ratio melior dari potest, quàm voluntas Dei: congruitatem verò dat Scotus, quia congruit istam (potestatem) esse in Ecclesia, & hoc in Sacerdote, ut in Hierarchia Ecclesiastica sit ordinata, & ultima reducantur ad primum per medium. Hierarchia autem est medius inter Deum, peccatoremque reducendum. &c. Et re verà sacerdotes dicuntur mediatores hominis apud Deum.

Objic. 1. S. Jacobus scribit fidelibus, [2] *Confitemini alterutrum peccata vestra*. Et S. Petrus ad omnes dicit, [3] *gentem sanctam, regale sacerdotium*; ergo non soli Sacerdotes, sed omnes fideles sunt ministri confessionis sacramentalis.

Resp. neg. conf. Nam per vocem *alterutrum* non intendit S. Jacobus, ut indifferenter confiteantur peccata sua quibuscumq; sed habentibus ministerium illud in Ecclesia, ut sunt Sacerdotes, de quibus dixerat esse introducendos ad infirmos pro extrema unctione. D. autem Petrus sumit Sacerdotium in lata significatione pro quolibet fidei, qui orationes, & hostias sui ipsius offert Deo, non autem strictè pro illis, qui constituuntur pro ministeriis sacris in Ecclesia.

Inst. Christus eodem sensu dixit Apostolis, Quo-

rum

[1] Matth. 16, [2] Jac. 5, [3] 1. Pet. 2.

rum remiseritis, &c. Et, Docete omnes gentes, baptizantes, &c. Sed per hæc posteriora verba non restrinxit ministerium baptismi ad solos Sacerdotes; ergo per illa priora non restrinxit ad solos Sacerdotes potestatem remittendi peccata, & ministerium confessionis; ergo sicut in necessitate potest quilibet laicus baptizare, ita & remittere peccata. Prob. maj. Nam istud sacramentum non minus necessarium est, quàm Baptismus; ergo, &c.

Resp. neg. maj. & 2. conf. Nam ex praxi Ecclesiæ, quæ est voluntatis divinæ interpres, & mentis Christi depositaria, patet, quandonam loquatur ad omnes, & quandonam ad solos Apostolos, & Sacerdotes.

Confir. hoc: nam alioqui, sicut non tantum viri, sed etiam mulieres, & obstetrices possunt baptizare, ita & possent audire confessiones, quod absurdum est, & quod ipsi hæretici non admittunt.

Objic. 2. ex Patribus: nam Cyprianus dicit, [1] *Si quis infirmitate oppressus non possit expectare Sacerdotis adventum, reconcilietur per Diaconum, facta prius exomologesi, seu confessione.* Et in Decretis legitur, [2] *fures, & latrones, si in depredando, & furando occiduntur, visum est pro eis non esse orandum; sed si comprehensi, aut vulnerati, presbyteri, vel Diaconi confessi fuerint, communionem eis non negamus; ergo non soli Sacerdotes, sed etiam Diaconi sunt ministri hujus sacramenti.*

Resp. neg. conf. Quia nec Cyprianus, nec ille Canon loquuntur de confessione sacramentali, sed de Canonica, per quam peccatores publici reconciliabantur ad sacramenta, & publicè confitebantur illa peccata. Quoad Canonem notat Glossa, quod apud Burchardum, & Ivonem hoc caput citatur ex Conciliis Moguntino, & Triburicensi, in quibus non fit mentio de Diacono, sed dicitur, *Confessi Deo, & Sacerdoti.*

Respondent alii, quod Diaconis licebat audire confessiones, non quidem sacramentaliter, nec pro absolutione sacramentali, sed præcisè, ut judicarent de illorum contritione, & dispositione ad S. Communionem, quam ipsi tunc ministrabant.

Inst. ex Augustino, [3] *Deus per omnes justos peccata*

[1] l. 3. Ep. 13. [2] c. fures. [3] s. con. Dona.

cata dimittit, non per malos; sed inter laicos plures sunt iusti; ergo & confessorii. Prob. maj. *Sacramentum gratiæ dat Deus etiam per malos, ipsam verò gratiam, non nisi per se ipsum, vel per sanctos suos.... vel per illius columbæ membra, quales sunt iusti; ergo, &c.*

Resp. neg. maj. & 2. conf. Nam ex illo, & similibus locis sequitur solum, quod Deus solus est per se causa principalis gratiæ, sacerdos autem ministerialis, & ad hoc iste debet esse in gratia, ut licitè ministret, licet in statu peccati validè faciat.

Obijc. 3. ex cap. *Sanctum est*. Idem August. dicit de laico, qui in periculo naufragii reconciliavit pœnitentem; ergo in casu necessitatis laicus potest absolvere.

Resp. neg. ant. Nam si benè legantur verba Augustini, & Canonis, habetur solum, quod pœnitens ille, qui post baptismum peccaverat, & publicè pœnitentiæ addictus fuerat, baptizavit alium id petentem, & rursus ille ab isto petiit reconciliationem, sed canonicam, qualem in illo casu poterat habere. Vide marginem Glossæ. Denique nec Augustinus hanc historiam putat certam, ut legenti patebit. Ideo ex hoc canone nihil concluditur contra nos.

Quæres, *An saltem in casu necessitatis, seu instante morte, & absente omni Sacerdote, habens peccatum mortale possit, aut debeat confiteri non Sacerdoti.*

Resp. id non præcipi jure ullo: nam inquit Doctor: *Dispositio prævia ad sacramentum pœnitentiæ facta laico nihil valet virtute operis operati, & adhuc dubium est, an sit in detrimentum salutis, quia illa revelatio non potest esse confessionalis; & sic non putat eam esse consulendam. Et alibi, [2] Talis confessio potest esse materia verecundiæ, quæ est una pœnæ debita peccato, & in hoc casu confitens solvit aliquam penam, quam solveret, si confiteretur sacerdoti. Sed quia accusatio ideo tantum præcipitur, ut sequatur sententia, & laicus nullam habet sentiendi auctoritatem in isto foro, sequitur, nullum præceptum esse de accusando se laico, & fortè utilius esset non accusare se illi, si posset æqualem verecundiam habere, apud se recogitando eadem peccata. Imo videtur dubitare, num sit illicita illa*

[1] d. 14 q. 4. c. n. 4. [2] d. 17. q. 1. T. 27.

illa confessio, quia *nulli licet se diffamare, nec prode-
re peccatum suum occultum*, maximè si nullum inde
notabile emolumentum possit accipere. Si tamen quis
ex humilitate, & contritione peccata sua laico decla-
raret, posset per illam humiliationem ampliorem à
Deo gratiam obtinere, cæteris positis, & paribus.

Putarem, rectè hominem id facturum apud virum
doctum, & prudentem, à quo salutare consilium re-
ciperet, nec id esset contra mentem Scoti; imò no-
tat Scholiastes id fieri debere *proponendo factum in u-
niversali, sine revelatione proprii peccati*. Si tamen
*circumstantiæ suadeant rem aperire in particulari, li-
cebit*, nec Doctor id negaret in hac suppositione.

QUÆSTIO II.

*An omnis Sacerdos sit legitimus minister hujus sacra-
menti, & de clavibus Ecclesiæ, & regni cœ-
lorum, an competant omni Sacerdoti.*

Videbamus, quod solus Sacerdos est minister hu-
jus sacramenti, jam videndum, an id competat
omni sacerdoti, ita ut nihil ad hoc requiratur præter
Sacerdotium.

Suppono 1. ex saepe dictis hoc sacramentum esse ju-
diciale, & per formam judicii administrari, ita ut
absolutio, & ligatio, quæ ibi fiunt, habeant ratio-
nem sententiæ, & Sacerdos se gerat ut judicem erga
reum subditum. In iudice autem requiritur jurisdi-
ctio in eos, quos absolvit, aut ligat.

Suppono 2. nomine *clavium regni cœlestis* intelligi
potestatem spiritualem, quam habet Ecclesia ad ape-
riendum, & claudendum cœlum hominibus: sicut
in temporalibus clavis est instrumentum, quo remo-
vetur, aut ponitur impedimentum aditus ad quæ-
dam loca. Sic qui habet potestatem dimittendi, vel
retinendi peccata, habet clavem, per quam ponit,
vel tollit obicem intrandi in cœlum, v. g.

3. Hæc potestas est vel *ordinaria*, quæ propria est
alicui officio, vel dignitati, ver. gr. Episcopo, vel
Parocho, Provinciali, aut Guardiano, vel *delegata*,
quæ competit ex commissione, vel delegatione haben-
tis ordinariam. Unde minister *ordinarius* est ille, qui

ex

ex officio suo, & sine privilegio, vel delegatione potest audire confessiones, ut Papa in tota Ecclesia, Episcopus in tota Diœcesi, & parochus in sua parochia. Delegatus verò ille est, qui ex officio suo non habet facultatem absolvendi, sed eam accepit ab alio habente potestatem delegandi, ut Papa in tota Ecclesia, & Episcopus in sua diœcesi. Item alia dicitur *potestas ordinis*, quæ est ipse character Sacerdotalis, vel significatum ejus, per quem ex divina institutione homo per consecrationem suam deputatur, ut possit consecrere corpus Christi, & judicare membra ejus ad remittenda, vel retinenda peccata, seu ad ligandum, & solvendum in administratione hujus sacramenti: omnis Sacerdos accipit utramque potestatem hanc in sua consecratione, sed primam accipit completam, & proximam, 2. verò remotam, & in actu 1. & incompletam. Alia dicitur *potestas jurisdictionis*, qua quis deputatur superior, & iudex aliquorum cum facultate illos judicandi, seu absolvendi, aut ligandi.

Rursus claves sunt vel *authoritatis*, seu *principalis*, & *summa*, quæ soli Deo competit ut summo judici, & Domino. 2. vel *præcellentiæ*, quæ competit soli Christo, qui habet universalitatem potestatis in omnia. 3. vel *ministerialis*, quæ competit hominibus Episcopis, & presbyteris in Ecclesia; & hæc proprie dicitur clavis Ecclesiæ in regnum cœlorum; quia Ecclesiæ data est à Christo, ut possit aperire cœlum filiis suis, dimittendo peccata, vel claudere peccatoribus, retinendo peccata. Dicitur etiam *clavis particularis*, quia Sacerdos, nec Ecclesia non habet potestatem universalem, ut judicet de omnibus absolute, sed tantum de aliquibus, quæ commisit ei Christus D.

Denique hæc clavis Ecclesiæ adhuc duplex est, scil. 1. *scientiæ*, quæ est facultas inquirendi in causis fidelium, ut sciatur, quibus sit aperiendum, aut claudendum cœlum. 2. *jurisdictionis*, quæ est potestas pronuntiandi, seu judicandi, ac sententiam ferendi de his, quorum meritum, vel demeritum cognovit per clavem scientiæ, & illis claudendi, vel aperiendi cœlum, remittendo, vel retinendo illorum peccata. Querimus ergo, an omnis sacerdos in sua ordinatione recipiat utramque hanc potestatem, seu *clavem ministerialem*, ita ut absque alia facultate possit audire

confessiones fidelium, & eos absolvere à peccatis, sicut ex eadem consecratione potest conficere corpus Christi, consecrare, & ministrare Eucharistiam.

CONCLUSIO.

Non omnis Sacerdos ex vi suæ ordinationis est idoneus minister hujus sacramenti, nisi in casu mortis, ubi non adesset habens jurisdictionem ordinariam, aut delegatam, quæ ad hoc necessaria est. Est communissima.

Prob. 1. ex Scoto [1] dicente, quod ex prima institutione Ecclesiæ non videntur fuisse distincti proprii Sacerdotes. Quando enim Apostoli hinc, & inde ibant prædicando verbum Dei, nec fuit iste Sacerdos istius gentis, nec illius, & nec iste, nec ille, sed post distinctæ sunt dioceses, & Parochiæ, & Sacerdotes in Parochiis, pro tunc tamen, et pro nunc poterant dici proprii Sacerdotes quicumque habentes jurisdictionem ordinariam, vel commissam; ergo requirit in Sacerdote jurisdictionem ad hoc sacramentum ministrandum; & clarius infra dicit, [2] quod potestas conficiendi Eucharistiam est potestas inimpedibilis, sed si hoc esset de clave, utpote quod statim corresponderet sibi pro materia peccator penitens, & non posset per actum alterius impediri, quin intendens uti ea, faceret, quod facere intendit, tunc clavis esset potestas propinqua ad absolvendum, & tunc sequeretur, quod sacerdos, ex hoc, quod ordinatus posset quemcumque peccatorem sibi confitentem absolvere, falsem validè... sed hæc duo supposita communiter non tenentur. Sed oportet aliquem subditum sibi dari, in quem habeat jurisdictionem, &c. ergo ex Scoto non omnis Sacerdos ex vi suæ ordinationis est idoneus minister penitentiae.

Prob. 2. ex Concil. Florent. [3] dicente, Sacerdotem habentem auctoritatem absolvendi ordinariam, vel delegatam, esse ministrum hujus sacramenti. Et alibi dixit, [4] Sacerdotem non habentem jurisdictionem non posse absolvere. Et Trid. [5] Quoniam natura judicii exposcit, ut sententia dumtaxat in subditos feratur, persuasum semper fuit in Ecclesia Dei, et verissimum

[1] d. 17. R. 26. [2] d. 19. q. 1. H. 12.

[3] decr. Eng. [4] Decr. univ. [5] Sess. 14. c. 5.

num esse, hæc S. Synodus confirmat, nullius momenti absolutionem eam esse debere, quam sacerdos in eum profert, in quem ordinariam, aut subdelegatam non habet jurisdictionem; ergo ex Conciliis Sacerdos non potest ministrare hoc sacramentum ex vi solius ordinationis, sed requiritur potestas jurisdictionis.

Prob. 3. Nam hoc sacramentum administratur per modum iudicii, sed in iudiciis requiritur potestas jurisdictionis in iudice super illos, quos iudicat, & hanc potestatem non habet omnis sacerdos ex vi suæ ordinationis; ergo &c.

Prob. 2. p. Nam inquit Concil. *In Ecclesia semper suis custoditum, ut nulla sit reservatio in articulo mortis, atque ideo omnes Sacerdotes quoslibet pœnitentes à quibusvis peccatis, et censuris absolvere possunt*; ergo Ecclesia dat omnibus Sacerdotibus jurisdictionem in omnes fideles constitutos in articulo mortis, & similibus casibus necessitatis.

Dixi, *nisi adsit alius Sacerdos habens jurisdictionem ordinariam, aut delegatam*: nam mens Ecclesiæ non est dare talem jurisdictionem generalem omni Sacerdoti, nisi pro casibus necessitatis, in quibus periclitatur salus animarum; sed quando adsunt alii Sacerdotes habentes jurisdictionem, non adest ex parte ministrorum ulla necessitas; ergo tunc non est mens Ecclesiæ dare illis Sacerdotibus jurisdictionem. Probat. maj. ex eodem Concilio: nam motivum Ecclesiæ tollendi omnem reservationem pro confessariis, & censuris est, *ne hac ratione aliquis pereat*; ergo supponit casum necessitatis, seu periculum salutis.

Objic. 1. In consecratione omnium sacerdotum dicitur illis, *Accipite Spiritum S. quorum remiseritis peccata, &c.* ergo datur omnibus illa potestas; ergo & jurisdictio ad hoc requisita. Prob. conf. non aliter data est Apostolis: & idem Concilium docet, [1] quod Sacerdotes ministerium istud exercent per virtutem Spiritus S. in ordinatione collatam, tamquam ministri Christi; ergo ex vi suæ ordinationis habent omnia requisita ad hoc ministerium, sicut Apostoli habuerunt.

Resp. dist. 1. conf. Potestas inchoata, & remota, & fundamentalis, conc. completa, & proxima, neg. conf. Nam ad potestatem completam non sufficit potestas

[1] Sess. 14. c. 6.

testas in actu primo ad peccata remittenda, sed requiritur materia, seu subditus, in quem possit exerceri: hæc autem materia, seu subjectum dat Ecclesia specialiter.

Inst. Potestas ordinis sufficit in aliis sacramentis, & est completa, & proxima; ergo & in isto: nam quoad istud nihil speciale apparet in Scriptura. Prob. ant. Nam ad conficiendam Eucharistiam in pane appposito, sufficit ordinatio, ita ut validitas consecrationis impediri non possit; ergo ita est in isto, poterit valide absolvere quilibet Sacerdos ex vi ejusdem ordinationis.

Resp. neg. conf. utramque: nam hoc speciale est in isto, quod est judiciale, & confertur per modum judicii, quod non valet, nisi proferatur in subditum judicis, & Sacerdos ex vi ordinationis non habet subditum, in quem exerceat potestatem ordinis.

Inst. 2. Ut homo subdatur Sacerdoti, sufficit, quod habeat peccata, quæ isti subjiciat, remittenda; nihil aliud requirit Christus; sed hoc habet Sacerdos ex vi ordinationis, si peccator ei subjiciat peccata; ergo &c.

Resp. dist. maj. Si peccator sit liber, ut cuilibet Sacerdoti subjiciat, conc. si non sit liber pro quolibet, neg. maj. & min. nam neque Sacerdos ex vi ordinationis potest exercere illam potestatem in quemlibet pœnitentem, nec quilibet pœnitens potest de se eligere quemlibet sacerdotem: sicut in civilibus homo se subicere non potest judici non suo, sed utrumque pendet ab Ecclesiæ determinatione, & institutione Christi, qui voluit ordinem Hierarchicum inter subditos, & superiores ad rectum regimen: si verò cuique liberum esset judices, vel subditos eligere, non esset ordo, sed confusio.

Objic. 2. Si non esset liberum sacerdoti eligere ad hoc subditos, nec peccatori eligere judicem, Papa non posset absolvere sacramentaliter, quia nemini subjicitur, sed conf. est falsum, & inconveniens; ergo &c.

Resp. neg. maj. & dist. prob. Nemini subjicitur in foro exteriori, con. in foro interno, seu pœnitentiali, neg. nam quoad istud se habet ut privatus, & peccator. Dico, quoad forum exterius, unde non potest se subicere ulli quoad censuras, quæ feruntur in foro ex-

teriori Ecclesiæ, v. g. ut in eum feratur excommunicatio, quia hæc derogat dignitati Papali.

Objic. 3. Quilibet potest eligere quemlibet sacerdotem pro absolutione à venialibus, vel mortalibus confessis, & remissis; ergo & pro aliis. Ant. patet ex satis communi sententia: nam utraque illa non sunt materia necessaria confessionis. Prob. conf. non minus exercetur jurisdictio in uno casu, quàm in alio, nec una absolutio est minùs judicialis, quàm alia; ergo, &c.

Resp. neg. ant. & conf. prob. Non enim video, quòd absolutio sacramentalis potius valeat in uno, quàm in alio. Qui concedunt ant. videant, quid respondeant ad conf. & quam disparitatem possint afferre.

Objic. 4. Quilibet Sacerdos in articulo mortis potest validè, & licitè absolvere quoscumque pœnitentes vi potestatis ordinis; ergo ex vi ejusdem quilibet est ordinarius minister pœnitentiæ. Prob. conf. Nam in illis casibus nulla accidit mutatio nec in Sacerdote, nec in subdito; ergo &c.

Resp. neg. conf. & 2. ant. Nam pro his casibus Ecclesia approbat omnes Sacerdotes.

Inst. Quia Laicus non habet potestatem ordinariam consecrandi, non potest consecrare in casibus extraordinariis; ergo ita esset de Sacerdote, nisi haberet potestatem ordinariam absolvendi quemlibet, non posset hoc in casu ullo necessitatis.

Resp. neg. conf. Nam Laicus non habet facultatem inchoatam, & habitualement consecrandi, sicut Sacerdos absolvendi ex vi ordinationis.

Inst. 2. Si potestas absolvendi quemlibet in articulo mortis pro quolibet sacerdote nò esset ab ordinatione, & ex vi characteris; sed ab Ecclesia, hæc posset illam revocare; sed non potest Ecclesia revocare illam facultatem; ergo non est ab Ecclesia, sed ab ordinatione.

Resp. neg. maj. Nam fortè venit ab ipso Christo præceptum de providendo salutem animarum; ne scil. defectu hujus potestatis aliquæ perirent; & sic Ecclesia tenetur obedire.

Respond. 2. neg. min. Nam ex verbis citat. Concilii satis colligitur, quod Ecclesia posset illam reservationem non relaxare. Non enim necessario, sed pie admodum in Ecclesia custoditum fuit, ut nul-

La sit reservatio in articulo mortis.

Quæres 1. An idem liceat in periculo, quod dicimus de articulo mortis.

Suppono autem *mortis articulum* dici, quando mors certò, & de proximo instat, *periculum* verò, quando non ita certò, sed valdè probabiliter timetur mors, v. g. in longa navigatione, aut graviori morbo, aut instante prælio.

Resp. affirmativè: nam in his casibus, & periculis adest eadem ratio tollendæ omnis reservationis. Nam pietas, & prudentia S. Matris Ecclesiæ non distat semper expectandum esse ultimum instans, cum agitur de salute animæ. Unde Concilium per *articulum mortis* intelligit statum, in quo rationabiliter expectatur mors ut ventura. Vide Mastrium nostrum.

Quæres 2. An in prædictis casibus illa facultas censetur data Sacerdoti excommunicato, vel suspenso, vel hæretico, vel degradato.

Resp. affirmativè cum eodem Mastrio: nam ex verbis Concilii cit. nulla est reservatio in articulo mortis: ergo nec ista, nec alia.

Constat ergo, & est de fide, quod nullus Sacerdos potest nec licitè, nec validè dare sacramentum absolutionis, nisi ad hoc habeat clavem jurisdictionis per specialem approbationem, neque ad hoc sufficere potestatem ordinis.

QUÆSTIO III.

Quis sit idoneus minister penitentiae pro peccatis reservatis, et an sit in Ecclesia potestas reservandi aliqua peccata.

SUPpono 1. & jam constat, quod in articulo mortis nulla est reservatio, sc. tunc quilibet Sacerdos potest absolvere à quovis peccato. Unde in reservatione peccatorum, & censurarum semper excipitur articulus mortis: nam inquit Concil. citat. *piè admodum, ne hac occasione aliquis pereat, in Ecclesia Dei custoditum semper fuit, ut nulla sit reservatio in articulo mortis, extra quem articulum Sacerdotes, cum nihil possint in casibus reservatis, id unum persuadere*
nisan-

nitantur, ut ad superiores, et legitimos iudices pro beneficio absolutionis accedant.

Suppono 2. ut certum apud omnes Theologos, quod Papa in toto terrarum orbe potest sibi reservare absolutionem aliquorum peccatorum, & Episcopi in suis diœcesibus, & alii prælari jurisdictionem habentes in subditos, idem posse in suis districtis, v. g. Abbates, Generales, Provinciales, &c. Nam inquit idem Concil. *Ad Christiani populi disciplinam pertinere sanctis Patribus visum est, ut atrociora quædam, et graviora crimina, non à quibusvis, sed à summis dumtaxat Sacerdotibus absolvantur, &c.* Et id docet perpetua praxis Ecclesiæ.

De prælatis autem Regularibus id patet ex Constitutione Clement. VIII. relata in constitutionibus nostris.

Suppono 3. quod reservatio regulariter non debet esse, nisi de peccatis, quæ sint saltem mortalia, ut patet ex Concil. cit. sc. *atrociora quædam, et graviora, &c.* Dico *regulariter*. Nolo enim immorari, & disputare, an possint reservari omnia mortalia, imo & quædam venialia. Vide Casuistas.

CONCLUSIO I.

Minister ordinarius pro reservatis est ipse reservans, vel æqualis, vel superior ejus, delegatus verò est quilibet Sacerdos habens à reservante, seu prælato potestatem. Est communis.

Prob. 1. p. Nam qui reservat sibi aliquos casus; retinet sibi potestatem absolvendi ab illis; in hoc enim consistit reservatio; ergo ille est minister ordinarius talis absolutionis, v. g. Episcopus absolvit de peccatis, quæ sibi reservat remittenda; idem est de Papa, idem de Generalibus, & Provincialibus Religiosis respectivè, ut patet ex praxi.

Probatur 2. p. de superioribus: nam Papa potest absolvere de casibus reservatis ab Episcopis, & Generalis de reservatis à Provinciali, &c. ergo &c.

Confir. Nam reservatio est quædam limitatio facultatis, quæ est in Sacerdotibus, v. gr. in Parochis, aut Guardianis, & aliis confessoribus ad remittenda quædam peccata; sed prælatus inferior non potest li-

mi-

mitare potestatem sui superioris, nec respectu ejus potest sibi reservare ullum casum, seu peccatum.

Prob. 3. p. Nam omnis ordinarius potest delegare suam auctoritatem, & ipse delegatus potest uti auctoritate sibi delegata, sicut princeps potest per se ipsum, vel per delegatos judicare subditos suos; sed isti delegantes, v.g. Episcopi habent potestatem ordinariam absolvendi ab his, quæ reservant; ergo & eorum delegati.

Hinc fit, ut sicut Papa per seipsum, & potestate ordinaria potest absolvere omnes, & quoscunque fideles ab omnibus reservatis tam sibi, quàm ab omnibus aliis prælatis totius Ecclesiæ, ita & eandem potest delegare facultatem quibusvis sacerdotibus, & sic de aliis prælatis superioribus respectu subalternorum, v.g. de Generalibus respectu Provincialium, Custodum, & Guardianorum.

CONCLUSIO II.

Episcopi possunt absolvere proprios subditos à casibus Papæ reservatis occultis, et Prælati Regulares subditos suos, exceptis casibus reservatis in Bulla Cane.

Prob. 1. p. ex Conc. Trid [1] Liceat Episcopis in irregularitatibus omnibus, et suspensionibus ex delicto occulto provenientibus, excepta ea, quæ provenit ex homicidio voluntario, et exceptis aliis deductis ad forum contentiosum, dispensare, et in quibuscunque casibus occultis, etiam sedis Apostolicæ reservatis, delinquentes quoscunque sibi subditos, in Diocesi sua, per seipsos, aut vicarium ad id specialiter deputandum, in foro conscientie gratis absolvere, imposita penitentia salutari. Idem est in hæresi crimine, in eodem foro conscientie, eis tantum, & non eorum vicariis sit permissum. Hæc autem facultas Concilii generalis attributa Episcopis, non fuit ab ullo summo Pontifice revocata; ergo &c.

Prob. 2. p. ex Constit. Pii V. qui hoc concessit cuidam Provinciali Dominicano, ut refert Sorbus; sed alii Religiosi mendicantes gaudent iisdem privilegiis; ergo &c. Prob. maj. Quia (inquit S. Pontifex) Concilium Generale Tridentin. concessit Episcopis, ut possint

Tom VIII

Q

ab-

[1] Sess. 24. c. 4.

absolvere in foro conscientie ab omnibus peccatis, & dispensare in irregularitatibus.... Ne Prior, Provincialis, & superiores Prælati dicti ordinis, tam in dicta provincia, quàm extra ubilibet in hac parte, deterioris conditionis, quàm clerici, aut sæculares existant, eisdem Priori conventuali, & superioribus Prælati, ut ipsi per se ipsos idem omninò possint in fratres, & moniales dicti ordinis sibi subditos, quoad absolvendi, & dispensandi huiusmodi, quàm alias quascumque facultates eisdem autoritate, & tenore, etiam perpetuò concedimus; ergo prælati regularibus ex vi communicationis privilegiorum possunt ab iisdem reservatis Papæ absolvere suos, à quibus possunt Episcopi absolvere suos ex decreto Concilii Tridentini.

Prob. 2. ex praxi: nam solent prælati Regulares absolvere suos à reservatis omnibus, quæ non sunt in Bulla cœnæ, nec veniunt ex homicidio voluntario, bigamia, mutilatione membrorum, procuracione abortus, & aliis, quod non facerent, nisi hoc eis liceret.

Dixi, modò non sint contenti in reservatis per Bullam cœnæ. Nam de his, sive sint occulti, sive publici, non possunt absolvere Episcopi, nec prælati regulares, ut notatur in ipsa Bulla, & hoc sub pœna excommunicationis.

Objic. 1. con. 2. p. Ex decreto S. Congreg. Cardinalium loquitur Concilium de solis Episcopis; sed prælati Regularium non sunt Episcopi; ergo non possunt sic absolvere.

Resp. dist. conf. Absolvere alios, quàm subditos, & ex vi decreti Concilii, conc. Regulares subditos, & ex concessione Papæ, neg. conf. Nam S. Congregatio vult tantum, quod Concilium loquatur de solis Episcopis quoad sæculares subditos: ideo notat Cardinalis de Laurea illud privilegium per plures Pontifices concessum fuisse prælati regularibus, & se non vidisse illud fuisse ab ullo summo Pontifice revocatum.

Objic. con. 3. p. Concilium dat Episcopis facultatem absolvendi à peccatis Papæ reservatis sine restrictione; ergo malè excipimus peccata, & casus contentos in Bulla cœnæ. Ant. patet ex verbis cit. Concilii.

Resp. neg. conf. Nam Bulla ipsa, qualis post Concilium publicatur singulis annis in die cœnæ, à quo

nomen accepit, maximè à tempore Gregorii XII. qui successit Pio V. continet restrictionem illam, & revocationem quoad hoc declarationis Concilii Tridentini.

CONCLUSIO III.

Regulares, ex vi privilegiorum suorum non possunt nunc absolvere seculares à casibus Episcopo reservatis. Est jam communis.

Prob. 1. ex Concil. Viennensi sub Clem. V. ubi plurima conceduntur Regularibus. Dicit Papa, [1] *Per hujusmodi concessionem non intendimus personis, seu fratribus ipsis ad id taliter deputatis potestatem in hoc, (administrationem poenitentiae) impendere ampliorē, quàm in eo curatis, vel parochialibus sacerdotibus est à jure concessa, nisi forsā eis Ecclesiarum praelati uberiores in hac parte gratiam specialiter duxerint faciendam.* Sed parochi non habent facultatem absolvendi à reservatis Episcopo; ergo nec Regulares.

Prob. 2. Ex declaratione S. Congregation. sub Clem. VIII. an. 1602. *Regulares non possunt absolvere nec à casibus, quos Ordinarii locorum hactenus reservarunt, vel in posterum sibi reservabunt... nisi in mortis articulo, nisi cum nova Sanctitatis suae, aut successorum suorum, vel Ordinariorum facultate.* Hæc verba, *Quos ordinarii sibi reservarunt*, quidam, ut Seraphinus à Conceptione, dicunt intelligi de casibus reservatis ab homine, vel consuetudine vigente in aliqua diœcesi; non autem de reservatis à jure, quos prætendunt non esse reservados pro Regularibus, suppositis eorum privilegiis. Alii distinguunt de peccatis occultis, & publicis, quod non placet Cardin. Brancato cit. qui citat præfatum Decretum. Ego propterea satius puto peccatores illos remittendos ad reservantes, ut reservatio efficacius consequatur intentum Ecclesiae in tali reservatione, juxta mentem Concil. Trid. sc. ut deterreantur homines à peccatis: quippe magnopere ad Christiani populi disciplinam pertinere, SS. Patribus nostris visum est, ut atrociora quædam, & graviora crimina, non à quibusvis, sed à

Q 2 sum-

[1] cl. Dudum. l. 3. tit. 7. de sepult.

summis sacerdotibus absolventur, &c.

Quæres, quomodo se gerere debeat confessorius, & superior erga pœnitentes habentes reservata.

Resp. ex dictis de integritate confessionis, prælatum debere audire integram confessionem pœnitentis, ut eum absolvat ab omnibus simul, sc. tam à non reservatis, quàm à reservatis, si velit eum absolvere sacramentaliter, vel remittat eum ad aliquem, qui audiat omnia, & ab omnibus absolvat, etiam à reservatis per facultatem sibi concessam ab illo prælato, quia hoc exigit ratio integritatis confessionis, quæ est de jure Divino, ut diximus. Et ita communiter docent nostri, maximè Cardinal. Brancatus, & Martius, quos consule, quia hic casus sæpe contingere potest; quod studentibus indicasse sufficiat.

Q U Æ S T I O I V.

De aliis requisitis in Sacerdote ad ministerium hujus sacramenti, maximè de approbatione.

PRæcipuæ conditiones ad hoc ministerium sunt jurisdiction, scientia, & sanctitas, &c. 1. Jam constat ex dictis, quod ad validè absolvendum requiritur potestas jurisdictionis, quia hoc sacramentum datur per modum judicii, & minister se habet ut iudex, in quo requiritur potestas in reum. De scientia autem tam juris, quàm facti, nec de sanctitate, non occurrunt difficultates speciales in hoc sacramento magis, quàm in cæteris, in quorum administratione committitur sacrilegium, nisi sanctè tractentur, sed tamen fiunt validè, licèt illicitè, quia valor eorum non pèndet à sanctitate ministri.

Certum est autem, quod approbatio est externum judicium, quo sacerdos declaratur idoneus administrandi sacramentum aliquod, sed in isto includit præterea deputationem ejusdem ad hoc ministerium: nam in rigore posset quis iudicari idoneus ad hoc, & tamen non accipere potestatem necessariam ad illud, licèt ex usu vocis soleat utrumque significari, ita ut, qui dicitur approbatus ab Episcopo ad confessiones audiendas, intelligatur habere hanc potestatem, & in hoc sensu hîc loquimur de approbatione.

CON;

CONCLUSIO. I.

UT sacerdos validè ministret hoc sacramentum secularibus, debet esse approbatus à Papa, vel ab Episcopo: Est communis.

Prob. 1. ex Scoto, [1] qui in Sacerdote ad hoc ministerium requirit jurisdictionem ordinariam, vel delegatam, & per proprios Sacerdotes intelligit quoscunque habentes jurisdictionem ordinariam, vel delegatam. Et quòd præceptum... cuius confitendum, intelligitur de sacerdote habente jurisdictionem. Sed jurisdictione delegata non datur, nisi per approbationem: ergo in sacerdote ad hoc ministerium validè exercendum requiritur approbatio.

Prob. 2. ex Concil. Trid. Decernit S. Synodus. nullum, etiam Regularem, posse confessiones secularium audire, nec ad id idoneum reputari, nisi parochiale beneficium habeat, aut per examen, si illis videbitur necessarium, aut alias idoneus judicetur, & approbationem, quæ gratis detur, obtineat. Dicit, confessiones secularium, quia pro Religiosis exemptis approbatio pertinet ad prælatum Regularem.

Prob. 3. ex praxi receptissima in tota Ecclesia: voluit enim impedire, ne imperiti ad difficillimum ministerium sese ingerant in perniciem animarum suarum, & alienarum; ergo meritò voluit ex Spiritus S. ductu, & ex Christi autoritate, ut ministri hujus sacramenti accipiant judicium de sua capacitate à prælatis, & delegationem specialem.

Dixi 1. Ut validè ministret, quia ad validam absolutionem requiritur jurisdictione, quam prælati non conferunt, nisi eis, quos idoneos judicaverint. 2. dixi, Secularibus, scil. quoad Episcoporum approbationem: nam, ut mox notabamus, pro Religiosis exemptis à jurisdictione Episcoporum, sufficit approbatio suorum prælatorum, qui omnimodam in eos habent jurisdictionem,

CONCLUSIO. II.

Approbatio debet haberi ab ordinario loci, in quo exercetur ministerium hujus sacramenti. Est communior contra aliquos, qui volunt eam haberi ab Episcopo pœnitentis, & alios, qui volunt eam haberi ab Episcopo confessorii.

Prob. 1. Nam hæc approbatio præcisè fieri debet ab Episcopo pœnitentis, vel Sacerdotis, vel loci; sed 1. & 2. dici non possunt; ergo restat, ut sit ab Episcopo loci. Prob. min. de 1. Nam si hoc esset, Sacerdos approbatus Camberii pro diœcesi Gratianopolitana, non posset ibi absolvere Tarentasiensem, aut Maurianensem, quia isti non sunt subditi Episcopo Gratianopolitano; sed conf. est falsum; & contra praxim Ecclesiæ; ergo &c. Probat. min. nam confessorii Romæ, aut Parisiis, aut Camberii, non solent petere à pœnitentibus, de qua diœcesi veniant, ut remittant advenas, si confessorii illi non sint approbati ab eorum ordinariis; ergo &c.

Prob. eadem min. de 2. p. seu de Episcopo Confessorii: nam si approbatus Gratianopoli esset natus Viennæ, aut Lugduni, non posset ibi validè audire confessiones sine approbatione Episcoporum illorum; ergo non sufficit approbatio Episcopi confessorii.

Confirm. Nam hoc ipso, quod Episcopus loci, in quo audiuntur confessiones, approbat sacerdotem, faciliè conciliantur illæ opiniones: nam iste Episcopus evadit ordinarius tam sacerdotis, quàm pœnitentis; ergo satisficit tam illis, qui hoc juxta tribuunt Episcopo confessorii, quàm illis, qui hoc tribuunt Episcopo pœnitentis. Prob. ant. Nam hoc ipso, quod Episcopus Viennensis approbat Petrum, ut audiat confessiones Viennæ, iste fit Confessorius Viennæ, & quoad hoc subditur illi Episcopo. Idem est de pœnitente: nam fideles omnes sunt subditi Episcoporum, & Sacerdotum loci, in quo reperiuntur, etiam trans-eunter quoad administrationem sacramentorum; ergo hoc ipso, quod Sacerdos approbatur ab ordinario loci, in quo audit confessiones, approbatur tum à suo, tum à pœnitentis ordinario.

Prob.

Prob. 2. Nam, ut notat Cardin. de Laurea, Urbanus VIII. an. 1628. revocat omnes licentias audiendi confessiones sine approbatione Episcopi diœcesani; sed iste est Episcopus loci, in quo audiuntur; ergo ad istum spectat approbare. Et apud Lugo citatur declaratio Congregationis Concilii, qua dicitur, *Approbatum ab alio, quàm ab Episcopo Valentino in diœcesi Valentina, non censi approbatum ab ordinario*. Et aliam refert Barbosa. *Congregatio Concilii censuit confessarios extraordinarios ab Episcopo approbatos ad confessiones audiendas, siue sint regulares, siue saculares, nullo pacto eas audire posse extra diœcesim Episcopi approbantis, quamvis confessarii sint eidem Episcopo subiecti*; ergo approbatio spectat ad Episcopum loci.

Prob. denique: nam nisi approbatio spectet ad Episcopum loci, posset Episcopus Lugdunensis approbare confessarium pro diœcesi Gratianopolitana, & sic approbatus Lugduni, posset manere Camberii, & ibi sine alia approbatione audire confessiones, sed conseq. est falsum: nam sic Episcopus Lugdunensis exerceret jurisdictionem extra territorium suum: nam hæc approbatio est collatio jurisdictionis; ergo est actus jurisdictionis, & quidem in re magni momenti.

Confirm. Nam si sufficeret approbatio ab Episcopo confessarii, semel approbatus in una diœcesi, esset semper, & ubique approbatus, quod falsum est, & contra praxim, ut suppono; ergo &c.

Objic. 1. Approbatio fit in bonum pœnitentis, quia iste debet pasci, *Pasce oves meas*. Debet sanari, & curari, *Curam illius habe*. Debet regi, & dirigi, *Posuit Episcopos regere Ecclesiam*, &c. ergo approbatio spectat ad Episcopum pœnitentis, alioqui non provideretur ejus bono.

Resp. dist. conf. ad Pastorem actualem, con. ad pastorem originis, vel domicilii fixi tantum, neg. conf. Nam, ut dicebamus, fideles quoad sacramenta fiunt subditi, & oves pastorum loci, in quo reperiuntur; etiam ad momentum, si eis contingat indigere.

Objic. 2. S. Congregatio, seu Papa *declaravit tempore Jubilæi omnes regulares posse confiteri peccata sua Sacerdotibus approbatis ab ordinario*; sed iste ordinarius non est pœnitentis, nec loci, sed confessarii; ergo approbatio spectat ad Episcopum Sacerdotis. Hanc

declarationem citat de Lugo apud Cardinal. Lauream
eit.

Resp. neg. conf. Nam ordinarius loci, in quo regulares lucentur Jubilæum, & in quo eligunt sibi confessarium, est proprius ordinarius, & Dominus territorii, in quo exercetur illa jurisdictio.

Inst. Per hoc secundum Decretum non potest Episcopus eligere sibi ad hoc, nisi subditum suum; ergo approbatio spectat ad Ordinarium Sacerdotis, non loci.

Resp. neg. conf. Nam decretum dicit, quod ille Sacerdos electus debet esse vel subditus ipsius eligentis, & ab eo approbatus, vel approbatus ab ordinario loci, per quem transit, & in hoc consistit privilegium Episcoporum, qui possunt secum ducere confessarios suos sub illa conditione.

Objic. 3. Si confessarius, & pœnitens Camberienſes reperirentur Lugduni, posset ille hunc valde absolvere, quamvis ille non esset approbatus Lugduni; ergo non requiritur approbatio ab Episcopo loci, sed confessarii.

Resp. dist. ant. Si adsit privilegium Papæ, aut consensus Episcoporum inter se, con. de jure communi, neg. ant. Nam ex Axiomate juris, *extra territorium judicanti non paretur impune*; ergo approbatio ab Episcopo Gratianopolitano non valet pro diœcesi Lugdunensi. Unde si casus ille admittatur in praxi, id fit vel ex concessione Papæ, vel ex communi consensu Episcoporum. Unde inquit Barbosa cit. parochus, vel Episcopus in aliena diœcesi posset absolvere suum parochianum, vel subditum ex communi, & mutuo consensu Episcoporum, vel ex concessione Papæ.

CONCLUSIO III.

In ministro pœnitentiæ requiritur scientia ligandi, & solvendi, & eorum, quæ necessaria sunt, ut iudicium sit validum, & justum ex parte tam sui, quam pœnitentis. Est communis.

Prob. 1. ex Scoto [1] dicente, quod ad clavem scientiæ requiritur scientia, sc. ad hoc, ut utatur ea, non
autem

[1] D. 19. q. 1. E. 8.

autem ad hoc, ut insit; ergo scientia requisita in ministro pœnitentiæ consistit in hoc, quod sciat necessaria ad rectè utendum clavibus Ecclesiæ, quæ sunt clavis scientiæ, & potestatis.

Prob. 2. Nam si hæc nesciret, non posset validè conficere sacramentum; ergo hæc scientia est illi necessaria. Prob. ant. Nam si v. g. nesciat formam sacramenti ex parte sui, nec modum imponendi satisfactionem, aut ex parte pœnitentis si nesciat requisita, ut. validè possit absolvi, erit semper in periculo absolvendi ligandos, aut ligandi solvendo, & prophanandi sacramentum.

Debetergo scire 1. quæ sunt de essentia sacramenti, scil. materiam, & formam, dispositiones requisitas ex parte pœnitentis, quæque habent rationem materiæ, ut si sit ritè confessus, & attritus, vel contritus, & paratus satisfacere, & formam absolutionis, item partes integrantes sacramenti.

2. In particulari debet scire aliquo modo discernere peccata mortalia, & venialia; circumstantias mutantem speciem peccati, & notabiliter aggravantes; censuras, si quæ sint annexæ peccatis, peccata reservata, peccata, pro quibus debetur restitutio bonorum, aut famæ, &c. Qui hæc, & similia ignorant, peccant mortaliter, quoties se ingerunt huic ministerio, quia se temerè exponunt periculo satis probabili invalidè, aut illicitè ministrandi: nam in singulis serè adsunt talia pericula in ministerio perdifficili, & tremendo. Denique Confessarius agit personam iudicis, & medici, & sic in eo requiritur utriusque facultatis peritiâ proportionata causis, & morbis animarum.

CONCLUSIO IV.

IN Ministro ista requiritur etiam vitæ probitas, & innocentia, non ut validè, sed ut licitè ministras hoc sacramentum.

Prob. 1. p. ex Scoto, [1] qui sic loquitur de ministro baptismi, *Pateet multis auctoritatibus, quod quicumque malitia minister sit malus si intendit facere, quod facit Ecclesiæ, & servet modum Ecclesiæ, verè facit baptismum Quia placuit Christo instituire, ut*

Q 5

ma

[1] d. 5. q. 1. A. 3.

malitia ministri non impediret sacramentum, nec ejus effectum. Sed eadem est ratio de pœnitentia; ergo vitæ probitas in sacerdote non est necessaria, ut validè absolvat.

Prob. 2. ex Cont. Trid. [1] quod id definit etiam specialiter de pœnitentia. *Si quis dixerit... Sacerdotes, qui in peccato mortali sunt, potestatem ligandi, & solvendi non habere, anath. sit.* Idem docet [2] de aliis sacramentis, ut diximus.

Prob. 3. quia, ut diximus de aliis, & mox dicebamus ex Scoto, Christus instituens sacramenta noluit eorum vim dependere à malitia ministrorum; ergo &c.

Prob. 2. p. Nam, ut diximus de aliis, *sancta sanctæ tractanda sunt*; &, ut ait Scriptura: *Ambulans in via immaculata, hic mihi ministrabit.* Et de peccatoribus dicit Deus, *recedite polluti, recedite, abite, mundum nolite tangere.* Id est, inquit S. Pascasius, *recedite à sanctuario Dei, vestris multis, & immensis sedati delictorum contagiis*: Et, ut ait Hieron. *odit Deus, & projicit sacrificia malorum. Si attuleritis mihi holocausta munda vestra, non accipiam*, inquit Deus per Prophetam, *& vota pinguum vestrorum non respiciam*: & August. [3] *Non enim raptoribus, & feneratoribus diceret Dominus, si cui dimiseritis peccata, &c. ergo graviter peccant, & sacrilegi sunt, qui hoc sacramentum in peccato administrant.*

Objic. 1. Ex SS. Canonibus patet Hæreticos, nec Schismaticos, nec peccatores validè ministrare; ergo necessaria est sanctitas in sacerdote, ut validè absolvat.

Resp. dist. ant. Non ministrat validè, defectu potestatis, & approbationis, conc. defectu sanctitatis, neg. ant. Nam Hæretici, nec Schismatici non habent potestatem ad hoc ministerium, sed sunt excommunicati, suspensi, & interdicti: & idem est de aliis peccatoribus, si ab eis auferatur potestas ista.

Inst. Nemo dat, quod non habet, &, ut dicit Sapiens, *ab immundo quis mundabitur?* Sed peccatores non habent gratiam; ergo eam non possunt dare: sunt.

[1] Sess. 7. can. 12.

[2] Sess. 4. can. 10.

[3] 3. con. Don. 18.

sunt immundi; ergo non possunt alios peccatores munda-
re.

Resp. dist. ant. Quod non habet, non dat, ut causa physica, & principalis, & per se, conc. ut causa moralis, & ministerialis, neg. ant. Sacerdos autem est causa moralis ministerialis gratiæ, & sic ejus immunditia non impedit mundationem à Deo factam virtute sacramenti.

Inst. 2. Christus instituens hoc sacramentum, & ministros ejus, dedit prius eis Spiritum S. dicens, *Accipite Spiritum S. quorum remiseritis*, &c. ergo ut quis validè ministrer sacramentum, debet habere Spiritum S. sed habens peccatum mortale, non habet Spiritum S. ergo &c.

Resp. dist. ant. Dedit eis Spiritum in ratione doni; & gratiæ gratis datæ, con. in ratione gratiæ gratum facientis, neg. antec. Nam Apostoli jam tunc erant sancti, sed nondum habebant potestatem remittendi peccata. Sic peccator, cum ordinatur, & illi manus imponitur, accipit potestatem ordinis, & gratiam gratis datam, non autem sanctificantem, & per illud donum validè consecrat, sed illicitè.

Inst. 3. Malitia suscipientis impedit valorem sacramenti; ergo & malitia ministri. Prob. conf. minister non minus concurrit ad valorem, quàm suscipiens; sed iste per peccatum ponit obicem gratiæ sacramentali; ergo & minister.

Resp. n. r. conf. & maj. Nam suscipiens, & minister concurrunt in diverso genere causæ, suscipiens debet esse dispositus ad effectum, & non habere obicem, se habet ut subjectum, minister autem efficienter influit, quatenus applicat causam, seu sacramentum, & ad hoc sufficit, ut applicet materiam, & formam cum debita intentione, & tunc Deus operatur per se effectum.

Objic. 2. ex S. Gregor. [1] Ille solus vice Petri solvit, & ligat, qui Petri vitam, & mores sectatur; ergo ad validam absolutionem requiritur sanctitas in Sacerdote.

Resp. dist. ant. Vice Petri quoad dignitatem, & officium, con. quoad sanctitatem, neg. ant. nec id voluit S. Gregor. alioquin non diceret Apostolus, *Obe-*

dite praepositis vestris, etiam dyscolis. Et Christus de Pharisaeis sedentibus super Cathedram Moyse, Omnia quaecumque dixerint vobis, facite, secundum opera eorum nolite facere. Et idem Apostolus sciens, quod Pontifices possunt peccare; ideo debent, quemadmodum pro populo, ita & pro seipsis offerre pro peccatis.

Objic. 1. con. 2. p. Nullum est praeceptum exigens sanctitatem in confessario; ergo licite potest absolvere in statu peccati. Prob. ant. nihil legitur in Scriptura, nec habetur in traditione; ergo &c.

Resp. neg. utrumque ant. ut patet ex probationibus conclusionis, & ex dictis aliis de sacramentis in genere.

Inst. Omnis confessarius deberet esse certus de sua gratia; sed hoc est impossibile; ergo &c. Patet maj. Nam alioqui exponeret se periculo sacrilegii, & sic peccaret; ergo &c. min. etiam prob. quia *nemo scit, an odio, vel amore dignus sit*; ergo &c.

Resp. neg. min. & dist. ant. Nemo scit certo, an habeat de facto peccatum mortale, con. nemo scit moraliter, quod non habeat saltem conscientiam peccati, neg. antec. illud nemo scit certo, nec per consequens scit se habere gratiam, sed potest scire, & experiri se non habere istud, sc. conscientiam peccati mortalis, & sic post exactum examen potest ministrare absolutionem, imò & celebrare.

Objic. 2. Si ad licite absolvendum necessarius esset status gratiae, habens peccatum mortale teneretur praemittere confessionem, sicut qui vult celebrare; sed conf. est falsum, quia hoc nimis esset onerosum, nec id docent Theologi; ergo &c.

Resp. dist. maj. Si posset commodè confiteri, aut saltem conteri, conc. absolute, & simpliciter, neg. maj. & min. nam onus confitendi, aut conterendi in his casibus non debet dici grave ministris Dei, & Christi; est onus exonerandi se à peccato.

QUÆSTIO V.

Ad quid teneatur minister penitentiae.

Sub hoc titulo multa venirent explicanda, imò & totus tractatus iste posset sub eo contineri, sed selegemus pauca, eaque magis necessaria, remissis facillioribus ad Casuistas.

Porro quædam prævia sunt ad confessionem, quædam comitantia, & quædam sequentia. Quoad prævia diximus in confessario requiri approbationem scientiam, & statum gratiæ: de aliis restant aliqua explicanda.

CONCLUSIO I.

Parochus tenetur audire confessiones subditorum, quoties urget necessitas præcepti, vel periculi salutis, etiam cum periculo vitæ corporalis, denique quoties debite, & rationabiliter id petunt.

Prob. 1. p. Nam ad hoc constituuntur pastores, ut curent oves: nam præcipitur, [1] *Pascite, qui in vobis est, gregem*. Et Deus irascitur pastoribus, qui in hoc sunt negligentes, [2] *Va pastoribus Israel, qui pascebant semetipsum... gregem autem meum non pascebatis: quod infirmum, non consolidastis: & quod egrotum, non sanastis*; imò & omnes confessarii ad hoc tenentur non ex officio, sed ex charitate; ergo à fortiori parochi.

Prob. 2. nam injustum esset præceptum confitendi proprio Sacerdoti, nisi hic teneretur audire per se, aut per alium. Et certè ideò possidet beneficium, & fructus beneficii; ergo injustè negaret subditis illud obsequium urgente præcepto, vel periculo, vel utilitate salutis.

Prob. 2. p. nam bonus pastor non tantum præbet, & providet ovibus necessaria, sed etiam valde utilia, & quæ ratio dicat esse exhibenda: ergo quoties & Parochianus rationabiliter, & debite petit audiri, non debet hoc pietatis ministerium illi negari. Unde cum ex magna devotione, aut voto petit audiri, peccaret graviter pastor, si absque graviori incommodo, & necessitate id negaret.

Prob.

[1] 1. Pet. 5. [2] Ezech. 34.

Prob. 3. p. ex dictis de charitate : nam omnis christianus debet præferre bonum, & vitam spiritualem proximi bono vitæ propriæ, & corporalis; ergo in casu necessitatis, & periculi salutis animæ tenetur à fortiori pastor exponere vitam corporalem, ut illi provideat.

Confir. nam inquit Christus Dominus, [1] *Bonus pastor animam suam dat pro ovibus suis, & ipse de facto, animam suam posuit pro ovibus suis.* Et per Prophetam exprobrat malis pastoribus, *Vos dispersistis gregem meum, & ejecistis eos, & non visitastis eos, ecce ego visitabo vos super malitiam studiorum vestrorum, & promittit meliores in lege Evangelica, Suscitabo super eos pastores, & pascunt eos, &c.*

Ad hoc inquam tenentur pastores ex justitia, & charitate, sed alii Sacerdotes in illorum defectu ad idem tenentur ex sola charitate, juxta præceptum, *Dilige proximum tuum sicut teipsum.*

Dixi autem, quandoque, sc. in magna necessitate, quando agitur de salute animarum: nam in periculo vitæ corporalis, & secluso periculo salutis spiritualis non tenetur pastor præferre vitam proximi, nec id præcipiunt leges divinæ, vel humanæ, aut naturales.

Objic. cont. 3. par. Si hoc esset, bonum privatum præferretur publico: nam conservatio pastoris spectat ad totum gregem; ergo pro salute unius non debet pastor exponere se periculo vitæ suæ corporalis.

Respon. 1. Parabolam de pastore, qui nonaginta novem oves relinquit in deserto, ut unam perditam quærat, docere contrarium.

Respond. 2. quod in tali casu satius esset pastorem se conservare toti gregi, quam se exponere pro unica ove; sed hic casus est rarus, & metaphysicus in præsentis statu Ecclesiæ, ubi non desunt alii, qui loco periculis subrogentur.

Objic. 2. ex D. Bernardo, [1] *Quod est ordinatum propter charitatem, non debet militare contra charitatem;* ergo charitas pastoris pro ovibus non debet militare contra charitatem pro seipso.

Respond. dist. anteced. In paritate boni, & necessitatis, conc. in casu boni inæqualis, & si bonum ovis est notabiliter gravius, ut supponit conclusio, neg.

ant.

[1] *de præc. lib. 4.*

ant. nam tunc bonum animæ ovis præferri debet bono vitæ corporalis pastoris.

CONCLUSIO II.

Tenetur confessarius iurare pœnitentem, ut confessio sit integra, & valida, scilicet interrogando in iis, quæ necessario explicanda sunt. Est communis.

Prob. 1. ex Scoto, [1] quatenus docet hoc sacramentum ministrari per modum iudicii, & confessarium proferre sententiam ex cognitione causæ, & clavem hanc posse errare, quando nec benè requiruntur, nec examinantur illa, quæ pertinent ad hoc iudicium; ergo & tunc Sacerdotem posse peccare; sed hæc vitari non possunt, nisi Sacerdos adjuvet pœnitentem examinando, si iste non satis explicet statum causæ, vel animæ suæ, vel circumstantias peccati; ergo &c.

Prob. 2. nam minister debet curare, ut adsint omnia requisita ad valorem sacramenti, alioqui committit, vel cooperatur, aut consentit sacrilegio: sed nisi adjuvet pœnitentem, cum videt eum non satis explicare species, aut numerum peccatorum, faceret sacrilegium proferendo formam super materiam indebitam, aut illi cooperaretur, si hoc putaret deesse ex culpa pœnitentis, v.g. si videret deesse debitam contritionem, vel propositum emendationis, aut satisfactionis; ergo tenetur.

Confir. nam licet ad hoc non teneretur ex iustitia, & religione, adhuc urgeret charitas in proximum, ne scilicet iste privaretur effectu sacramenti ex ignorantia, vel errore, vel infirmitate, v.g. pudore, aut timore, quibus aliqui retinentur, ne peccata quædam pudenda sufficienter aperiant, aut fortè ex malitia; ergo &c.

Confir. 2. nam si absolveret à peccatis iniustitię, non imponens debitam restitutionem, ipsemet teneretur ad illam ipsam restitutionem; ergo &c.

Prob. 3. ex communi sensu Theologorum. Sacerdos in hoc sacramento se gerit ut iudicem, & ut medicum; sed iudex, ut iustam ferat sententiam, debet eum interrogare, si non satis constet de factis, & medicus, ut apta remedia decernat, debet examinare ægrotum de statu

[1] d. 14. q. 4. B. & d. 17. T. et d. 19. q. 2. F.

statu morbi; ergo & Sacerdos, quando pœnitens non satis aperit peccata sua, & morbos suos.

Objic 1. Confessio se tenet ex parte pœnitentis, sicut & contritio, & satisfactio: sunt enim *actus pœnitentis*, ait Concilium; [1] ergo de his non tenetur curare Sacerdos, sed debet præsumere de pœnitente, quod affert necessaria, quantum est ex se, non autem interrogare.

Resp. dist. conf. Si videt eum sufficienter explicare peccata, ut præbeat materiam debitam ad sacramenti valorem cum debitis dispositionibus, conc. sin minus, neg. conf. nam alioqui Sacerdos ipse exponeret sacramentum, & seipsum sacrilegio; idè spectat ad ejus prudentiam, & officium videre, an pœnitens sufficienter aperiat species, & numerum peccatorum, an sufficienter de illis doleat, an sit paratus satisfacere, & si ex spontanea confessione hæc non satis ostendat pœnitens, debet Sacerdos de his eum interrogare, & docere, prudenter tamen.

Dico *prudenter*, & modè, ne si de aliquibus curiosius inquirat, doceat eum peccare in posterum potius, quàm cavere peccata, & maxime si petat extravagantia, & non quæ conveniant statui ejus, præcipuè in materia castitatis, in qua necessaria est modestia, ne ipse pœnitens scandalizetur, & inde utrique veniant tentationes: nam præstaret eum relinquere in sua ignorantia, & bona fide, si sic eum procedere viderit, quàm in illa inconvenientia cadere. Consule Ritualia, & Doctores, maxime Seraphicum Doctorem, & Salesium.

Item advertat, si pœnitens sit debite contritus, vel attritus; & dispositus ad cavendum de cætero peccatum, & satisfaciendum, antequam absolvat, & si alterum deesse viderit, adjuvet illum, suggerens ei motiva, quæ prudentia, & charitas distabunt, maxime circa rudiores, aut si non proficit, remittat eos. Majorem debet adhibere diligentiam erga solitos peccare, & positos in occasione peccandi: nam rari sunt dispositi ad propositum sincerum emendationis, nisi velint recedere ab occasione, & pro habituatis expedit eos per aliquod tempus probare, & experiri emendationem.

CON-

[1] *sess. 14 c. 4.*

CONCLUSIO III.

IN dubiis de agilibus debet Sacerdos sequi opinionem pœnitentis, si est probabilis.

Dixi 1. de agilibus; & quidem ex parte pœnitentis, v.g. de obligatione jejunii, aut restitutionis, de levitate aut gravitate peccati: nam in his, quæ spectant ad ministerium, debet Sacerdos scire, quæ sint necessaria ad validam administrationem, v. g. si agatur de sua potestate, de reservatione alicujus peccati, debet agere ex propria conscientia, non ex aliena, & quidem ex probabiliori, & tutiori, cùm agatur de valore sacramenti.

Dixi 2. si opinio pœnitentis sit probabilis, alioqui adhæreret errori, & ipse ageret contra suam propriam, & certiolem conscientiam. His suppositis

Prob. conclusio: nam si pœnitens agat ex propria sua conscientia probabilis, non peccat; ergo non debet ei negari absolutio.

Prob. 2. quia in concursu opinionum probabilium, pœnitens habens probabilem, non tenetur sequi contrariam Sacerdotis, si hæc sibi non videatur probabilior, nec Sacerdos debet cogere pœnitentes ad sequendas suas opiniones de agilibus; ergo non debet ei negare absolutionem, quando agit ex propria, & probabilis, licet contraria.

Objic. Si hoc esset, pœnitens, qui audivisset ab homine, quem putaret æquè doctum, vel doctiorem confessario, quod simplex fornicatio non est peccatum mortale, aut quod lucrum ex mutuo non est illicitum, ille inquam deberet absolvi contra veram opinionem Sacerdotis; sed conf. est absurdum; ergo &c. Prob. maj. nam ille pœnitens haberet opinionem probabilem de agilibus; ergo &c.

Resp. neg. maj. & ant. Nam illæ opiniones non possunt esse probabiles, sed sunt erroneæ, & in hoc casu deberet Sacerdos remittere pœnitentem ad doctiores, qui depellerent ab eo errores, alioqui velut pertinax esset repellendus.

QUÆ

QUÆSTIO VI.

De sigillo confessionis.

PER sigillum confessionis intelligimus obligationem strictissimam confessarii ad celanda peccata audita in confessione sacramentali, & quæritur, qualis illa sit, & quo jure stabilita. Dico confessarii: nam in pœnitentiâ, licet ordinariè fiat secretè, tamen nullum habemus præceptum positivum, quo prohibeatur confessio publica peccatorum, etiam occultorum. *Cæterum*, ait Concil. Trid. [1] quoad modum confitendi secretò apud solum Sacerdotem, et si Christus non vultueris, quin aliquis in vindictam suorum scelerum, et sui humilitatem, et aliorum exemplum, et ob Ecclesiæ offensæ adificationem, delicta sua publicè confiteri possit, non est tamen hoc divino præcepto mandatum, nec satis consiliè humana aliqua lege præciperetur, ut delicta, præsertim secreta, publica essent confessione aperienda. Id antea docuerant SS. Patres: nam inquit S. Leo [2] ad Episcopos Campaniæ, Cum reatus conscientiarum sufficiat solis Sacerdotibus indicari confessione secreta. Agimus ergo de secreto ex parte confessarii.

CONCLUSIO I.

Confessarius indispensabiliter, et inviolabiliter tenetur ad celanda penitus peccata cognita per confessionem sacramentalem, et hoc ex jure naturali, et divino, et ecclesiastico. Est de fide quoad 1. par. & communis quoad alia.

Prob. 1. ex Scoto docente per tres conclusiones, quod celare peccatum in confessione detectum tenetur Sacerdos de lege naturæ, et de lege positiva Dei, et de lege positiva Ecclesiæ; & singula probat solidè 1. ratione charitatis, 2. fidelitatis, 3. veracitatis, 4. ratione utilitatis, & unitatis.

Prob. 1. p. de lege naturæ. 1. quia observantia secreti est de lege naturæ. 2. quia hoc principium est de lege naturæ, Quod tibi non vis fieri, alteri ne feceris; ergo sicut nolumus secreta nostra, & maximè illa, quæ tan-

[1] sess. 14. c. 5. [2] Ep. 89.

gunt famam, revelari, ita à fortiori secreta confessionis volumus servari. 3. quia eadem lege tenemur curare famam proximi quasi nostram; ergo non licet publicare peccata ejus: nam sic læditur fama ejus, cum peccata ejus secreta publicantur. 4. quia fidelitas est de jure naturæ; sed hæc obligat ad servandum secretum nobis commissum, & maximè in confessione, in qua ad autem peccata nobis committuntur, cum pacto saltem tacito, & virtuali de servando secreto inviolabiliter. 5. quia bonum, & utilitas communitalis id exigit, ne destruatúr omnis societas humana, & unitas corporis mystici, & civilis, maximè in rebus Religionis, qualis est confessio sacramentalis; sed hæc destrueretur, nisi obligatio secreti hujus esset inviolabilis, non crederent subditi superioribus, nec populi Sacerdotibus, nec ad istos recurrerent in dubiis, & pœnis spectantibus ad salutem animæ suæ, dum eos consulere, non servarent secretum, sed infirmitates publicarent; &c. ergo ex omni jure naturæ secretum confessionis hujus est inviolabile.

Prob. 2. p. de jure divino: nam Christus instituit confessionem ex intentione, ut frequentetur; ergo prohibuit manifestationem, ex qua redderetur odiosa, imò & intolerabilis, Quis enim vellet aperire homini loquaci peccata, quæ vix sibi met dicere potest cogitatione, & pro quibus apud semetipsum erubescit?

Confir. ex præcedenti ratione: nam illa capita juris naturæ, quibus probatur necessitas hujus secreti, cadunt etiam sub præceptum divinum positivum; ergo secretum hoc est de jure divino positivo, maximè in re sacramentali; unde fit, ut ejus violatio sit & grave peccatum mortale, & enorme sacrilegium. Prob. ant. nam lege positiva divina præcipitur, [1] *Omnia, quæcunque vultis, ut faciant vobis homines, hoc facite illis hoc est enim lex, et Prophetæ. Et, [2] prout vultis, ut faciant vobis homines, et vos facite illis. Et, Diliges proximum tuum, sicut te ipsum. Et hæc lex positiva respondet huic axiomati, Quod tibi vis fieri. Idem est de cura famæ: nam dicitur, [3] *Curam habe de bono nomine. Idem de fidelitate: nam dicitur, [4] Qui fidelis est, celas amici commissum. Idem de unitate:**

nam

[1] *Matth. 7.* [2] *Luc. 6.*

[3] *Ecccl. 41.* [4] *Prov. 22.*

nam dicitur, *multi sumus unum corpus in Christo*; & sic de aliis; ergo tam jure divino præcipitur inviolabilitas hujus secreti, quam naturali.

Prob. 3. nam Sacerdos agit ibi personam Christi, ejus nomine audit peccatorum confessionem, & absolvit; ergo revelans audita violat jus divinum sibi commissum à Christo.

Prob. 3. p. de jure Ecclesiastico, ut patet ex sacris Canonibus: nam cap. *Omnis utriusque sexus* dicitur, *ut Sacerdos caveat omnino, ne verbo, aut signo, aut alio quo vis modo aliquatenus prodatur peccatorem*, & graves pœnas comminatur, quoniam qui peccatum in pœnitentia judicio sibi detectum præsumpserit revelare, non solum sacerdotali officio deponendum decernimus, verum etiam ad perpetuò agendam pœnitentiam in arctum monasterium detrudendum. Idem in substantia decernit S. Gregor. cap. *Sacerdos*.

Confir. ex perpetuo, ac inviolabili usu totius Ecclesiæ, quæ numquam in casu ullo permisit violari hoc sigillum, sed severissimè punivit transgressores. Ideo narrat Sozomenus, quod Patres destinabant huic ministerio presbyterum vitæ integritate quàm maximè spectabilem, secretorum etiam maximè tenacem. Et S. Paulinus laudat S. Ambrosium, quod causas criminum, quas illi confitebantur, nulli, nisi Domino soli, apud quem intercedebat, loquebatur. Nota sequentia. *Bonum relinquens exemplum posteris Sacerdotibus, ut intercessores magis sint apud Deum, quàm accusatores apud homines.*

Dixi *inviolabiliter*: nam cum secretum hoc sit de jure naturali, & divino positivo, nullus homo in hoc dispensare potest; nec legitur in eo unquam fuisse dispensatum. Ratio est, quia in his non potest dispensari, nisi in concursu majoris boni; sed non potest concurrere majus bonum cum bono hujus secreti; ergo non potest in eo dispensari. Patet maj. nam in præcepto *non occides*, potest concurrere necessitas conservandæ propriæ vitæ contra injustum invalorem, & tunc licet istum occidere, *servato moderamine inculpatae tutelæ*, &c. Prob. min. quia nullum bonum provenire potest ex revelatione confessionis, quod prævaleat bono sacramenti, nec charitatis, nec fidelitatis, nec veracitatis, nec unitatis corporis mystici,

ti, & totius Ecclesiæ; ergo &c.
 Objic. 1. ex D. Bernardo. *Quod est secretum propter
 charitatem, non debet militare contra illam; sed ce-*
latio secreti hujus sæpe militat contra charitatem ma-
gis urgentem; ergo aliquando celatio illa non obli-
gat, sed mala est. Prob. min. celatio illa est propter
bonum famæ hominis privati, & sæpe nocet bono pu-
blico communitatis, & reipublicæ; sed illud præva-
let privato; ergo &c.

Resp. neg. 1. min. & 2. maj. nam hæc celatio respicit
 etiam bonum sacramenti, & totius Ecclesiæ, & Reli-
 gionis, quorum sanctitas, & unitas læderetur per re-
 velationem hujus secreti, ut diximus.

Inst. 1. Jure naturali, & divino charitas incipit à se
 ipso, & bonum vitæ ipsius Sacerdotis prævalet bono
 famæ, aut vitæ pœnitentis; sed aliquando celatio hu-
 jus secreti nocere potest vitæ Sacerdotis; ergo tunc
 non tenetur celare. Prob. min. fieri potest, ut pœ-
 nitens confiteatur conspirationem in caput Sacerdo-
 tis; quando ingreditur domum suam, v. g. sed tunc
 Sacerdos non posset abstinere ab ingressu domus suæ,
 quin ad extra uteretur cognitione accepta in confes-
 sione, & sic pœnitens id cognosceret; ergo &c.

Resp. dist. maj. à seipso, cæteris paribus, & absolute,
 conc. semper, & in omni casu possibili, neg. maj. & conf.
 nec enim puto confessarium posse revelare confessionem,
 sicut nec fidem negare ad tuendam propriam
 vitam. Casum autem illum vix puto possibilem, scil.
 quod non posset Sacerdos vitare mortem illam, nisi re-
 velando confessionem, quia posset sub multis speciosis
 prætextibus abstinere ab ingressu domus, aut alterius
 loci, in quo paratæ essent insidiæ, absque eo, quod
 ille pœnitens posset certò dicere Sacerdotem uti notitia
 confessionis, aut revelare peccatum confessum.

Inst. 2. Revelatio secreti hujus potest esse majus bo-
 num, quàm ejus celatio; ergo hæc non semper obli-
 gat indispensabiliter. Prob. ant. nam conferre potest
 ad gloriam Dei, ad vitandam ejus offensam, & inde
 peccatores averterentur à peccato; sed gloria Dei, &
 vitatio ejus offensæ est majus bonum, quàm celatio
 talis secreti, quia hæc respicit bonum creaturæ, v. gr.
 bonum famæ pœnitentis; ergo &c.

Resp. neg. ant. & dist. maj. Potest conferre ex fine ex-
 trius.

trinfeco, & per accidens; conc. ex fine intrinfeco, & per se, neg. maj. & min. nam finis extrinfecus secreti confessionis est Dei gloria, quæ venit ex confidentia peccatorum, qui sic alliciuntur ad pœnitentiam, à quo averterentur magis, quàm à peccato, si putarent peccata confessa posse manifestari. A peccatis autem, si non deterrentur comminatione pœnæ æternæ, non deterrebuntur timore manifestationis, quam non timebunt abstinentes ab eorum confessione.

Objic. 2. Alia jura naturæ non obligant super omnia, nec indispensabiliter; ergo nec istud secretum: non enim major est ratio de isto, quàm de aliis. Prob. ant. per casum vitandæ propriæ mortis per mortem injusti invasoris; ergo &c.

Resp. dist. ant. Si alia jura fortiora non concurrant, conc. si alia concurrant, neg. ant. & 2. conf. nam in casu vitandæ mortis contra invasorem, militat solum jus naturæ; sed in sigillo isto militant jura naturale, Divinum, & Ecclesiasticum.

Objic. 3. Si numquam possit revelari peccatum auditum in confessione, ipsa confessio fieri poterit impossibilis ipsi confessario; sed hoc est inconveniens; ergo &c. Prob. maj. fieri posset, ut Sacerdos absolveret Episcopum à simonia sine debita facultate, & sic peccaret gravissimè per absolutionem invalidam; sed non posset hic confiteri tale peccatum, quin confessarius alter cognosceret peccatum Episcopi; ergo secretum confessionis Episcopi fieret impossibile ejus confessario. Prob. min. nam iste deberet aperire circumstantiam dignitatis simoniaci, ex qua crescit notabiliter peccatum, & non adesset alius Episcopus, de quo posset suspicari.

Resp. ex Scoto [1] neg. 1. maj. & 2. min. & antec. nam posset ille Sacerdos vel differre confessionem, donec haberet confessarium, qui non cognosceret Episcopum, perinde enim esset, ac si deesset opportunitas confitendi, ut sic posset celebrare, vel posset tacere circumstantiam illam dignitatis personæ simoniacæ, quæ est aggravans, sed non specificans peccatum; dicendo absolvi invalidè hominem à gravissimo peccato reservato Papæ. Plus enim tenetur ad præceptum non proferendi culpam, quàm ad confitendum explicitè peccatum

sum suum, ait Doctor. Et sic non obligaret præceptum integritatis confessionis.

Dicerem etiam, quod cum secundus confessarius teneretur eadem obligatione secreti quoad Episcopum, & quoad illum Sacerdotem, non esset inconveniens, quod iste Sacerdos id explicaret, neque per hoc violaret sigillum: nam peccatum tam Episcopi, quam confessarii ejus manerent sub sigillo.

Objic. 4. Sequeretur confessarium non posse vitare hominem, quem ex confessione sciret excommunicatum; sed conf. est contra sacros Canones, cap. *Cum non ab homine*, scil. excommunicatus occultus debet vitari ab eo, cui notus est. Prob. maj. nam si vitaret, uteretur exterius notitia confessionis, & pœnitens videret peccatum suum publicari; ergo &c.

Resp. neg. min. & 2. conf. nam Canones non loquuntur de notitia per confessionem, quæ non obligat, imò nec permittit vitare excommunicatum.

Objic. 5. Antiqui Patres addicebant publicæ pœnitentiæ eos, qui gravia peccata, etiam occulta, confitebantur sacramentaliter: nam viris adulteris, aur idololatriis negabant absolutionem, donec quatuor classes pœnitentiæ publicæ decurrissent: mulieres autem adulteras mittebant ad existentes, qui erant quarti gradus, seu classis; sed hæc fieri non poterant, quin publicarentur eorum peccata, ergo tunc confessio non erat tam secreta: nam ex pœnitentia publica agnoscebantur peccata.

Resp. Quidquid sit de maj. neg. min. nam multi ex humilitate, & devotione stadium illud pœnitentiæ decurrebant æquè, ac peccatores publici; unde si aliqui ex confessione secreta illis pœnitentiæ gradibus addicebantur, non ideo, nec illicitò credebantur peccatores, nec rei atrocium criminum. Adde, quod hinc non poterant determinatè sciri species peccatorum, quia pro diversissimis eadem pœnæ imponebantur.

Objic. 6. Multi graves Theologi docebant ante hoc sæculum prælatos posse uti notitia confessionis ad externam Ecclesiæ, aut Religionis gubernationem; sed sic infringitur sigillum confessionis; ergo istud non est inviolabile.

Resp. dist. maj. Docebant erroneè, & malè, conc. vè-

ic,

rè, & benè, neg. maj. & conf. Unde ut abusus ille tolleretur, Clem. VIII. decrevit, ut tam superiores pro tempore existere, quàm confessarii, qui postea ad superioritatis gradum fuerint promoti, caveant diligentissimè, ne ex notitia, quam de aliorum peccatis ex confessione habuerunt, ad exteriorem gubernationem utantur.

Colliges 1. ex dictis, quod violatio hujus sigilli opponitur multis virtutibus, sc. charitati, fidelitati, justitiæ, ac Religioni: nam violatur res sacratissima, spectans ad sacramentum, & avertit homines ab ejus frequentatione.

2. Quod ex oppositione ad Religionem revelatio cujuscumque peccati, etiam levissimi, est grave peccatum, quia semper æqualiter lædit sacramentum, nec in hoc attenditur levitas materiæ, ubique est idem sacramentum, respiciens æqualiter levia, & gravia peccata in ratione sacramenti.

3. Hanc obligationem urgere pro omnibus peccatis auditis in confessione sacramentali, siue compleatur sacramentum, siue non, ut cùm pœnitens dimittitur siue absolutione: nam semper hæc peccata committuntur Sacerdoti in ordine ad sacramentum, & per consequens sub eodem secreto, nec magis potest revelare reservata, quàm alia.

CONCLUSIO II.

Non solum confessorius tenetur ad hoc sigillum, sed etiam, qui ex confessione sacramentali norunt peccata quomodocumque. Est communis.

Prob. 1. ex Scoto. [1] Dico, quod non solum confessor, sed & is, cui confessor revelat, licet illicitè, tenetur celare. Idem est de illo, qui audit confessionem confidentis, quique est alius à confessore; si enim audit casualiter, non peccat, tenetur tamen ad silentium; si verò dolosè, mortaliter peccat. Idem docet de interprete, & consulente.

Prob. 2. Nam omnes omninò debent eandem reverentiam sacramento; sed sigillum pertinet ad reverentiam sacramenti; ergo omnes obligat, qui ex illo quovis modo cognoscunt peccata, quæ dicuntur in ordine ad illud.

Confir.

[1] *ibid.* H. 13.

Confir. nam eadem rationes faciunt pro illis omnibus æquè, ac pro confessario.

Prob. 3. discurrendo per omnes casus, & modos, & personas, quæ præter confessarium possunt audire talia peccata, sive mediatè, & indirectè, sive mediatè, & directè. t. is, cui confessarius malitiosè, aut imprudenter diceret peccata. ut audita in confessione: nam inquit Doctor, *transferens in aliquem aliquid, quod non potest, nec debet transferre, non dat illi jus utendi re. translata.* Non enim potest dare plus juris, quam ipse habeat; sed ipse confessarius non habet jus utendi cognitione peccati confessi; ergo nec ille, cui confessarius sic revelaret.

2. Qui audit peccata, dum pœnitens confitetur, ad idem tenetur: nam respectu ejus, secretum est sacramentale, sicut & ipsa confessio directæ ad Sacerdotem, & ad finem Sacramenti; ergo quoad secretum est eadem obligatio cujuscumque audientis, sive ex casu, sive ex malitia.

3. Interpres, si adhibetur à pœnitente: nam iste concurrat ad sacramentum, & in ordine ad illud audit hæc peccata; ergo eadem est ejus obligatio, ac Sacerdotis, cum quo constituit unam personam, & uterque se habet ut unus confessarius.

4. Consiliarius, quem consulit confessarius, si peccatum, aut personam revelet imprudenter, aut illicitè: nam pro isto hæc notitia est etiam sacramentalis, & ad sacramentum ordinatur, aut venit ex sacramento.

Confir. nam confessarius consulens non dat, nec dare potest consultori licentiam violandi privilegium confessionis, quam ipsemet non habet.

5. Idem est de superiore, ad quem recurrit confessarius, aut pœnitens pro absolutione à reservatis: nam sive absolvat per se, aut absolutionem alteri committat, semper tenetur ad secretum, quia talis notitia peccati ordinatur ad confessionem sacramentalem. Certè, si Sacerdos inferior, qui audit, & non absolvit, tenetur sigillo, eo magis superior, qui absolvit, & perficit sacramentum per se, aut per alium.

6. Si quis fingens se Sacerdotem, excipit confessiones, eodem modo tenetur: nam dolus non eximit dolosum, & illa confessio non minus ordinatur ad sa-

cramentum, quàm si esset verè Sacerdos, nec minorem faceret injuriam sacramento. Non loquor de sacrilegio, quod est in illa fictione.

7. Idem est de confessione, quæ fieret laico in extrema necessitate ab illo, qui putaret se ad illam teneri deficiente Sacerdote: nam etiam tunc illa confessio ex intentione pœnitentis ordinaretur ad sacramentum, licet de facto non esset sacramentalis.

Dico, si ex intentione pœnitentis ordinaretur ad sacramentum, aliàs enim non teneretur ad secretum, nisi ex lege naturali, & ut secretum naturale.

8. Idem est de legente chartam, in qua scripta essent peccata, quæ quis confessus est, aut intendit confiteri, si legeret eam cum Sacerdote, vel pœnitente in actu confessionis sacramentalis: nam si eam legeret extra omnem actum confessionis, esset tantum de secreto naturali, sed in primo casu esset de sacramentali.

Quæres, Si Sacerdos juridicè interrogetur, an audiverit tale peccatum à penitente, quomodo respondere debet? nam si neget se audivisse, mentietur cum perjurio; si dicat se audivisse, violabit sigillum.

Respondent aliqui, quòd poterit æquivocare cum restrictione mentali, v.g. dicendo se non audivisse, sc. ut revelet audita. Ita docent multi ex nostris cum Scoto, ut Mastrius.

Respondent alii, ut Poncius, quòd deberet dicere liberè se nolle respondere de his, quæ audivit in confessione, & ita persistere constanter, etiam cum periculo vitæ, hæc mihi videtur rationabilior, & dignior homine Apostolico.

CONCLUSIO III.

Omnia peccata ex confessione cognita, & circumstantiæ illorum, ex quibus posset cognosci peccatum confessum, & persona complex peccati sunt materia hujus sigilli. Est communis.

Prob. 1. ex Scoto cit. [1] Dico, quòd non tantum peccatum principale confitentis, & circumstantias peccati, quia circumstantiæ non possunt bene revelari sine revelatione facti, sed & secunda persona cum qua pec-

[1] d. 21. q. 2 K. 16.

catur. Habes ergo totam conclusionem.

Prob. 1. p. ex dictis : nam omnia peccata, etiam venialia, sunt materia confessionis sacramentalis; ergo eorum revelatio est injuriosa sacramento.

Prob. 2. p. quia pœnitens non minus intendit, & intendere debet servare famam complicitis, quàm suam; ergo si aliquando imprudenter, aut ex necessitate aliqua pœnitens dicat personam, cum qua peccavit, eadem necessitate debet celari à confessario, sicut ipse pœnitens.

Confir. nam si complex, & peccatum ejus ex confessione cognitum posset revelari, detegeretur etiam peccatum ipsius pœnitentis; ergo eadem necessitate debet utrumque celari.

Quæres, *An etiam defectus naturales pœnitentis, v.g. quod sit illegitimus, irregularis, servus, libertus, &c. An illa sint materia hujus sigilli, quamvis sint non peccata.*

Resp. affirmativè, quatenus ex sola confessione sunt cogniti, non autem si aliunde sciuntur, & modò non loquatur de illis per ullum ordinem ad confessionem, poterunt tamen esse materia secreti naturalis.

Ratio est, quia ex tali revelatione pœnitens fit contemptibilior, & vilior, & inde confessio redderetur odiosa, sicque fieret gravis injuria sacramento, quia hæc sunt credita fidei confessionis, & confessarii; ergo ejus privilegio gaudere debent.

Dixi in conclusione, *Peccata, & circumstantias, & complices, ex confessione cognita.* Nam si aliunde sint cognita, nec de illis taceat confessarius, non peccat contra hoc sigillum; sed vel contra secretum naturale, aut contra charitatem; sed adhuc cavere debet, ne in his circumstantiis loquatur, in quibus videatur uti cognitione orta ex confessione.

CONCLUSIO IV.

POENitens non potest permittere confessario, ut loquatur de peccatis confessis, nec iste usi potest hac licentia, nisi ea ipse dixerit extra confessionem.

Prob. 1. ex Scoto cit. [1] Dico peccatum confessum debere celari, non est tantum jus consentis, sed jus com-

[1] ibid. L. 7.

munitatis, quia ex opposito, sc. ex revelatione, sequeretur continua perturbatio in communitate, quia passim quilibet reputaret alium abominabilem, & non licet isti renuntiare juri communitati, licet suo. Probat. adhuc, quia tunc confessor posita hac licentia, adhuc teneretur ad secretum ex aliis juribus, quibus pœnitens non potest renuntiare, scilicet juri divino, nec Ecclesiastico.

Prob. 2. quia obligatio sigilli non est privilegium solius pœnitentis, sed est bonum sacramenti, & Ecclesiæ, & institutum à Deo, & de jure divino, & naturali; sed juribus istis non potest unus, vel alter pœnitens, nec ullus homo validè renuntiare; ergo &c.

Prob. min. nam omnis res, per quascumque causas nascitur, per eas dissolvitur; sed lex hujus secreti nascitur ex voluntate Dei, & ex lege naturæ, & Ecclesiæ, quæ prohibent generaliter hanc violationem; ergo &c.

Confirm. ex hac licentia, & usu ejus fieret injuria sacramento, contemneretur apud homines, quia hi non considerarent voluntatem pœnitentis, sed fragilitatem sigilli, cui tribuerent istas revelationes.

Objic. 1. Qui commisit alicui secretum naturale, potest permittere, ut hoc aliis revelet; ergo idem est de pœnitente quoad peccata sua confessa. Prob. conf. quia tam potest renuntiare juri suo in istis, quàm in illo.

Resp. neg. 1. conf. & 2. ant. Nam lex secreti naturalis est in favorem committentis, qui potest illi juri renuntiare sine injuria alterius; non ita est de sigillo confessionis, ut dicebamus.

Inst. Quod ego permittam confessorio meo, ut revelet aliquibus peccata mea, nihil interest communitatis, vel Ecclesiæ magis, quàm si ego ipse ea revelem; sed ego possem ea revelare sine præjudicio communitatis; ergo & possum permittere confessorio, ut ea revelet.

Resp. neg. ant. nam ex ea licentia, & usu ejus aperitur via Sacerdotibus revelandi confessiones impunè; inde vilescit sacramentum, cui minor exhibetur æstimatio, & reverentia, populus non curat, an id fiat ex licentia pœnitentis, vel libertate confessorii, vel natura sacra-

men-

menti. Denique illa in violabilitas tam est privilegium sacramenti, & Ecclesiæ, quàm pœnitentis; ideo non est in potestate solius pœnitentis in hoc dispensare.

Inst. 2. De facto Sacerdos uritur hac licentia, cum rogatur à pœnitente, ut recurrat ad superiorem pro reservatis: nam tunc Sacerdos revelat reservata; ergo &c.

Resp. neg. antec. nec enim debet confessarius dicere superiori speciem peccati, nec personam, aut si utrumque, vel alterutrum dicit, hoc manet sub eodem sigillo, & in ordine ad idem sacramentum.

Objic. 2. Per nos pœnitens potest extra sacramentum dicere peccata confessa, & tunc de illis potest loqui Sacerdos; sed non est majus inconveniens, quod immediatè possit permittere, ut loquatur de confessis, quàm mediatè revelatione extrasacramentali; ergo tam de illis, quàm de istis potest loqui de licentia pœnitentis.

Resp. neg. min. Nam, ut dicebam, si loquitur de revelatis extra sacramentum, non lædit sacramentum, nec sigillum ejus, sicut cum revelat immediatè confessa.

Inst. Quando dico confessario, ut revelet, quæ confessus sum, non repetendo illa explicitè, idem est, ac si ea sic repeterem extra sacramentum; sed si ea sic repeto, potest ea revelare; ergo frustra est illa repetitio.

Resp. neg. maj. nam in primo casu facit injuriam sacramento, & confessarius illa revelat ut confessa, non autem in secundo.

Tamen multi graves Theologi docent posse pœnitentem permittere confessario, ut revelet suam confessionem, quod licèt sit probabile, tamen parcissimè, & cautissimè utendum esset hac licentia, nec debet hoc doceri propter periculum scandali. *Ubi enim timetur periculum scandali*, ait S. Bonaventura, [1] *quantumcumque pœnitens licentiat Sacerdotem, non debet Sacerdos assumere*; ideo monet, ut Sacerdos relinquat onus pœnitenti revelandi peccatum suum, & sit ipse suus nuntius, non autem Sacerdos sit nuntius pœnitentis.

QUÆSTIO VII.

An, quomodo, & quando Sacerdos possit uti cognitione, quam habet ex confessione, salva integritate sigilli.

ATtulimus suprâ Decretum Clementis VIII. quo graviter vetat Prælati Regularium usum notitiæ habitæ in confessione sacramentali. Jam in generali quærimus, an aliquando confessorius, salva integritate sigilli, possit uti notitia illa, v. gr. si audiat paratas esse sibi insidias, aut venenum in vino consecrando, &c. possit declinare insidias, manendo domi, vel tenendo aliam viam, vel abstinendo à celebratione, licet inde pœnitens, aut complices suspicentur confessorium in his uti notitia confessionis. Idem est de multis aliis casibus, qui facillè occurrunt, ut si confessorius novit ex sola confessione aliquem notabilem defectum in novitio, possit ex vi talis notitiæ negare illi suffragium ad professionem, An Abbas, qui ex sola confessione novit Monachum suum extra monasterium degentem in beneficio manuali habere mala quædam consortia, possit eum amovere ab illo loco, & revocare in monasterium, An qui novit ex sola confessione aliquem esse excommunicatum, possit illum vitare, aut illi negare Eucharistiam, & sic de aliis.

CONCLUSIO.

NUnquam licet uti notitia habita ex confessione sacramentali in aliquo facto, vel dicto, ex quo directe, vel indirecte cognosceretur peccatum pœnitentis, vel complicitis, bene verò si absit hoc periculum. Est communior.

Prob. I. ex Scoto cit. [1] qui dat hanc regulam pro declinante insidias, quæ pro aliis casibus intervenire potest. Generaliter potest dici, quod est signum (vel factum) quod est de se indifferens ad hoc, quod est tale peccatum esse confessum, vel non esse, licet aliquibus sit magis signum determinatum ex aliquo supposito, non est

[1] d. 21. q. 2. M. 20.

est signum revelativum confessionis, nec per consequens simpliciter illicitum confessori; ergo ex Scoto non potest confessarius uti ea notitia in præjudicium sigilli per actum, ex quo per se cognoscatur peccatum poenitentis, quia est signum determinatum ejus, bene verò si absit periculum notitiæ peccati, scil. si fiat per actum, qui de se id non significat determinatè, v. gr. Sacerdos sciens ex confessione sibi paratas esse insidias in nemore, quod intraturus erat, posset aliò declinare, quia factum illud (sc. declinatio) ex se non est signum revelativum confessionis, esto qui confessus est, ex sua confessione concipiet declinationem illam fieri, inquit Scholiasites.

Prob. 1. p. nam confessio est simpliciter, & absolute secreta; ergo nullo modo publicari potest, sed per usum notitiæ ibi acceptæ, ex qua directè, vel indirectè cognosceretur peccatum poenitentis confessum, revelaretur confessio; ergo talis usus est illicitus, si per illum directè, vel indirectè manifestetur peccatum poenitentis, aut complicitis. Ant. patet ex dictis de inviolabilitate sigilli. Prob. subf. nam qui viderent tales actus confessorii, v. gr. si parochum post confessionem negaret poenitenti eucharistiam, certò judicarent istum habere peccata, de quibus non potuit absolvi; ergo &c.

Prob. 2. p. Nam talis usus notitiæ non potest prohiberi, nisi quatenus ex eo violaretur secretum confessionis; ergo si ex eo usu non violatur hoc secretum, non est illicitus.

Confir. quia cessante periculo violationis secreti, nullo jure prohibetur, quin confessarius posset cavere sibi ab insidiis, aut à veneno, &c. per modos licitos; hoc enim est de jure naturæ; ergo &c. Prob. ant. Si quid prohiberet, maximè decretum prædictum Clementis VIII. pro Regularibus, aut sanctitas sacramenti; sed neutrum dici potest; ergo nec illud. Prob. min. 1. non decretum, sive quia non tangit, nisi Prælatos regulares, quibus id sæpius accidere potest, quia inferiores magis arctantur quoad confessarios, & ideo isti possent eis confiteri defectus, & inhabilitates suas, ne illi possent uti ea notitia sub prætextu, quod hæc illis confessi sunt. 2. non propter sacramentum, quia non est ibi periculum revelationis; ergo nec injuriæ sacramenti.

trinfeco, & per accidens; conc. ex fine intrinfeco, & per se, neg. maj. & min. nam finis extrinfecus secreti confessionis est Dei gloria, quæ venit ex confidentia peccatorum, qui sic alliciuntur ad pœnitentiam, à quo averterentur magis, quàm à peccato, si putarent peccata confessa posse manifestari. A peccatis autem, si non deterrentur comminatione pœnæ æternæ, non deterrebuntur timore manifestationis, quam non timebunt abstinentes ab eorum confessione.

Objic. 2. Alia jura naturæ non obligant super omnia, nec indispensabiliter; ergo nec istud secretum: non enim major est ratio de isto, quàm de aliis. Prob. ant. per casum vitandæ propriæ mortis per mortem injusti invasoris; ergo &c.

Resp. dist. ant. Si alia jura fortiora non concurrant, conc. si alia concurrant, neg. ant. & 2. conf. nam in casu vitandæ mortis contra invasorem, militat solum jus naturæ; sed in sigillo isto militant jura naturale, Divinum, & Ecclesiasticum.

Objic. 3. Si numquam possit revelari peccatum auditum in confessione, ipsa confessio fieri poterit impossibilis ipsi confessario; sed hoc est inconveniens; ergo &c. Prob. maj. fieri posset, ut Sacerdos absolveret Episcopum à simonia sine debita facultate, & sic peccaret gravissimè per absolutionem invalidam; sed non posset hic confiteri tale peccatum, quin confessarius alter cognosceret peccatum Episcopi; ergo secretum confessionis Episcopi fieret impossibile ejus confessario. Prob. min. nam iste deberet aperire circumstantiam dignitatis simoniaci, ex qua crescit notabiliter peccatum, & non adesset alius Episcopus, de quo posset suspicari.

Resp. ex Scoto [1] neg. 1. maj. & 2. min. & antec. nam posset ille Sacerdos vel differre confessionem, donec haberet confessarium, qui non cognosceret Episcopum, perinde enim esset, ac si deesset opportunitas confitendi, ut sic posset celebrare, vel posset tacere circumstantiam illam dignitatis personæ simoniacæ, quæ est aggravans, sed non specificans peccatum; dicendo absolvi invalidè hominem à gravissimo peccato reservato Papæ. *Plus enim tenetur ad præceptum non pro-*
dendi culpam, quam ad confitendum explicisè pecca-
sum

sum suum, ait Doctor. Et sic non obligaret præceptum integritatis confessionis.

Dicerem etiam, quod cum secundus confessorius teneretur eadem obligatione secreti quoad Episcopum, & quoad illum Sacerdotem, non esset inconveniens, quod iste Sacerdos id explicaret, neque per hoc violaret sigillum: nam peccatum tam Episcopi, quam confessorii ejus manerent sub sigillo.

Objic. 4. Sequeretur confessorium non posse vitare hominem, quem ex confessione sciret excommunicatum; sed conf. est contra sacros Canones, cap. *Cum non ab homine*, scil. excommunicatus occultus debet vitari ab eo, cui notus est. Prob. maj. nam si vitaret, uteretur exterius notitia confessionis, & pœnitens videret peccatum suum publicari; ergo &c.

Resp. neg. min. & 2. conf. nam Canones non loquuntur de notitia per confessionem, quæ non obligat, imò nec permittit vitare excommunicatum.

Objic. 5. Antiqui Patres addicebant publicæ pœnitentiæ eos, qui gravia peccata, etiam occulta, confitebantur sacramentaliter: nam viris adulteris, aut idololatriis negabant absolutionem, donec quatuor classes pœnitentiæ publicæ decurrissent: mulieres autem adulteras mittebant ad existentes, qui erant quarti gradus, seu classis; sed hæc fieri non poterant, quin publicarentur eorum peccata, ergo tunc confessio non erat tam secreta: nam ex pœnitentia publica agnoscebantur peccata.

Resp. Quidquid sit de maj. neg. min. nam multi ex humilitate, & devotione stadium illud pœnitentiæ decurrebant æquè, ac peccatores publici; unde si aliqui ex confessione secreta illis pœnitentiæ gradibus addicebantur, non ideo, nec illicitò credebantur peccatores, nec rei atrocium criminum. Adde, quod hinc non poterant determinatè sciri species peccatorum, quia pro diversissimis eadem pœnæ imponebantur.

Objic. 6. Multi graves Theologi docebant ante hoc sæculum prælatos posse uti notitia confessionis ad externam Ecclesiæ, aut Religionis gubernationem; sed sic infringitur sigillum confessionis; ergo istud non est inviolabile.

Resp. dist. maj. Docebant erroneè, & malè, conc. verè.

Confir. nam eadem rationes faciunt pro illis omnibus æquè, ac pro confessario.

Prob. 3. discurrendo per omnes casus, & modos, & personas, quæ præter confessarium possunt audire talia peccata, sive mediatè, & indirectè, sive mediatè, & directè. 1. is, cui confessarius malitiosè, aut imprudenter diceret peccata. ut audita in confessione: nam inquit Doctor, *transferens in aliquem aliquid, quod non potest, nec debet transferre, non dat illi jus utendi re translata.* Non enim potest dare plus juris, quam ipse habeat; sed ipse confessarius non habet jus utendi cognitione peccati confessi; ergo nec ille, cui confessarius sic revelaret.

2. Qui audit peccata, dum pœnitens confitetur, ad idem tenetur: nam respectu ejus, secretum est sacramentale, sicut & ipsa confessio directa ad Sacerdotem, & ad finem Sacramenti; ergo quoad secretum est eadem obligatio cujuscumque audientis, sive ex casu, sive ex malitia.

3. Interpres, si adhibetur à pœnitente: nam iste concurrat ad sacramentum, & in ordine ad illud audit hæc peccata; ergo eadem est ejus obligatio, ac Sacerdotis, cum quo constituit unam personam, & uterque se habet ut unus confessarius.

4. Consiliarius, quem consulit confessarius, si peccatum, aut personam revelet imprudenter, aut illicitè: nam pro isto hæc notitia est etiam sacramentalis, & ad sacramentum ordinatur, aut venit ex sacramento.

Confir. nam confessarius consulens non dat, nec dare potest consultori licentiam violandi privilegium confessionis, quam ipsemet non habet.

5. Idem est de superiore, ad quem recurrit confessarius, aut pœnitens pro absolutione à reservatis: nam sive absolvat per se, aut absolutionem alteri committat, semper tenetur ad secretum, quia talis notitia peccati ordinatur ad confessionem sacramentalem. Certè, si Sacerdos inferior, qui audivit, & non absolvit, tenetur sigillo, eo magis superior, qui absolvit, & perficit sacramentum per se, aut per alium.

6. Si quis fingens se Sacerdotem, excipit confessiones, eodem modo tenetur: nam dolus non eximit dolosum, & illa confessio non minus ordinatur ad sa-

cramentum, quàm si esset verè Sacerdos, nec minorem faceret injuriam sacramento. Non loquor de sacrilegio, quod est in illa fìctione.

7. Idem est de confessione, quæ fieret laico in extrema necessitate ab illo, qui putaret se ad illam teneri deficiente Sacerdote: nam etiam tunc illa confessio ex intentione pœnitentis ordinaretur ad sacramentum, licèt de facto non esset sacramentalis.

Dico, si ex intentione pœnitentis ordinaretur ad sacramentum, aliàs enim non teneretur ad secretum, nisi ex lege naturali, & ut secretum naturale.

8. Idem est de legente chartam, in qua scripta essent peccata, quæ quis confessus est, aut intendit confiteri, si legeret eam cum Sacerdote, vel pœnitente in actu confessionis sacramentalis: nam si eam legeret extra omnem actum confessionis, esset tantum de secreto naturali, sed in primo casu esset de sacramentali.

Quæres, si Sacerdos juridicè interrogetur, an audiverit tale peccatum à penitente, quomodo respondere debet? nam si neget se audivisse, mentietur cum perjurio; si dicat se audivisse, violabit sigillum.

Respondent aliqui, quòd poterit æquivocare cum restrictione mentali, v.g. dicendo se non audivisse, sc. ut revelet audita. Ita docent multi ex nostris cum Scoto, ut Maftrius.

Respondent alii, ut Poncius, quod deberet dicere liberè se nolle respondere de his, quæ audivit in confessione, & ita persistere constanter, etiam cum periculo vitæ, hæc mihi videtur rationabilior, & dignior homine Apostolico.

CONCLUSIO III.

Omnia peccata ex confessione cognita, & circumstantiæ illorum, ex quibus posset cognosci peccatum confessum, & persona complex peccati sunt materia hujus sigilli. Est communis.

Prob. 1. ex Scoto cit. [1] Dico, quod non tantum peccatum principale confitentis, & circumstantias peccati, quia circumstantiæ non possunt bene revelari sine revelatione facti, sed & secunda persona cum qua pec-

ca-

[1] d. 21. q. 2 K. 16.

catur. Habes ergo totam conclusionem.

Prob. 1. p. ex dictis: nam omnia peccata, etiam venialia, sunt materia confessionis sacramentalis; ergo eorum revelatio est injuriosa sacramento.

Prob. 2. p. quia pœnitens non minus intendit, & intendere debet servare famam complicitis, quàm suam; ergo si aliquando imprudenter, aut ex necessitate aliqua pœnitens dicat personam, cum qua peccavit, eadem necessitate debet celari à confessario, sicut ipse pœnitens.

Confir. nam si complex, & peccatum ejus ex confessione cognitum posset revelari, detegeretur etiam peccatum ipsius pœnitentis; ergo eadem necessitate debet utrumque celari.

Quæres, *An etiam defectus naturales pœnitentis, v.g. quod sit illegitimus, irregularis, servus, libertus, &c. An illa sint materia hujus sigilli, quamvis sint non peccata.*

Resp. affirmativè, quatenus ex sola confessione sunt cogniti, non autem si aliunde sciuntur, & modò non loquatur de illis per ullum ordinem ad confessionem, poterunt tamen esse materia secreti naturalis.

Ratio est, quia ex tali revelatione pœnitens fit contemptibilior, & vilior, & inde confessio redderetur odiosa, sicque fieret gravis injuria sacramento, quia hæc sunt credita fidei confessionis, & confessarii; ergo ejus privilegio gaudere debent.

Dixi in conclusione, *Peccata, & circumstantias, & complices, ex confessione cognita.* Nam si aliunde sint cognita, nec de illis taceat confessarius, non peccat contra hoc sigillum; sed vel contra secretum naturale, aut contra charitatem; sed adhuc cavere debet, ne in his circumstantiis loquatur, in quibus videatur uti cognitione orta ex confessione.

CONCLUSIO IV.

Pœnitens non potest permittere confessario, ut loquatur de peccatis confessis, nec iste uti potest hac licentia, nisi ea ipse dixerit extra confessionem.

Prob. 1. ex Scoto cit. [1] Dico peccatum confessum debere celari, non est tantum jus confitentis, sed jus com-

R 2

mn-

[1] ibid. L. 7.

munitatis, quia ex opposito, sc. ex revelatione, sequeretur continua perturbatio in communitate, quia passim quilibet reputaret alium abominabilem, & non licet isti renuntiare juri communitati, licet suo. Probat. adhuc, quia tunc confessor posita hac licentia, adhuc teneretur ad secretum ex aliis juribus, quibus pœnitens non potest renuntiare, scilicet juri divino, nec Ecclesiastico.

Prob. 2. quia obligatio sigilli non est privilegium solius pœnitentis, sed est bonum sacramenti, & Ecclesiæ, & institutum à Deo, & de jure divino, & naturali; sed juribus istis non potest unus, vel alter pœnitens, nec ullus homo validè renuntiare; ergo &c.

Prob. min. nam omnis res, per quascumque causas nascitur, per eas dissolvitur; sed lex hujus secreti nascitur ex voluntate Dei, & ex lege naturæ, & Ecclesiæ, quæ prohibent generaliter hanc violationem; ergo &c.

Confirm. ex hac licentia, & usu ejus fieret injuria sacramento, contemneretur apud homines, quia hi non considerarent voluntatem pœnitentis, sed fragilitatem sigilli, cui tribuerent istas revelationes.

Objic. 1. Qui commisit alicui secretum naturale, potest permittere, ut hoc aliis revelet; ergo idem est de pœnitente quoad peccata sua confessa. Prob. conf. quia tam potest renuntiare juri suo in istis, quàm in illo.

Resp. neg. 1. conf. & 2. ant. Nam lex secreti naturalis est in favorem committentis, qui potest illi juri renuntiare sine injuria alterius; non ita est de sigillo confessionis, ut dicebamus.

Inst. Quod ego permittam confessario meo, ut revelet aliquibus peccata mea, nihil interest communitatis, vel Ecclesiæ magis, quàm si ego ipse ea revelem; sed ego possem ea revelare sine præjudicio communitatis; ergo & possum permittere confessario, ut ea revelet.

Resp. neg. ant. nam ex ea licentia, & usu ejus aperitur via Sacerdotibus revelandi confessiones impunè; inde vilescit sacramentum, cui minor exhibetur æstimatio, & reverentia, populus non curat, an id fiat ex licentia pœnitentis, vel libertate confessarii, vel natura sacra-

men-

menti. Denique illa in violabilitas tam est privilegium sacramenti, & Ecclesiæ, quàm pœnitentis; ideo non est in potestate solius pœnitentis in hoc dispensare.

Inst. 2. De facto Sacerdos utitur hac licentia, cùm rogatur à pœnitente, ut recurrat ad superiorem pro reservatis: nam tunc Sacerdos revelat reservata; ergo &c.

Resp. neg. antec. nec enim debet confessarius dicere superiori speciem peccati, nec personam, aut si utrumque, vel alterutrum dicit, hoc manet sub eodem sigillo, & in ordine ad idem sacramentum.

Objic. 2. Per nos pœnitens potest extra sacramentum dicere peccata confessa, & tunc de illis potest loqui Sacerdos; sed non est majus inconveniens, quod immediatè possit permittere, ut loquatur de confessis, quàm mediatè revelatione extrasacramentali; ergo tam de illis, quàm de istis potest loqui de licentia pœnitentis.

Resp. neg. min. Nam, ut dicebam, si loquitur de revelatis extra sacramentum, non lædit sacramentum, nec sigillum ejus, sicut cùm revelat immediatè confessa.

Inst. Quando dico confessario, ut revelet, quæ confessus sum, non repetendo illa explicitè, idem est, ac si ea sic repeterem extra sacramentum; sed si ea sic repeto, potest ea revelare; ergo frustra est illa repetitio.

Resp. neg. maj. nam in primo casu facit injuriam sacramento, & confessarius illa revelat ut confessa, non autem in secundo.

Tamen multi graves Theologi docent posse pœnitentem permittere confessario, ut revelet suam confessionem, quod licèt sit probabile, tamen parcissimè, & cautissimè utendum esset hac licentia, nec debet hoc doceri propter periculum scandali. *Ubi enim timetur periculum scandali*, ait S. Bonaventura, [1] *quantumcumque pœnitens licentiar Sacerdotem, non debet Sacerdos assumere*; ideo monet, ut Sacerdos relinquat onus pœnitenti revelandi peccatum suum, & sit ipse suus nuntius, non autem Sacerdos sit nuntius pœnitentis.

Q U Æ S T I O VII.

An, quomodo, & quando Sacerdos possit uti cognitione, quam habet ex confessione, salva integritate sigilli.

Attulimus suprâ Decretum Clementis VIII. quo graviter vetat Prælati Regularium usum notitiæ habitæ in confessione sacramentali. Jam in generali quærimus, an aliquando confessarius, salva integritate sigilli, possit uti notitia illa, v. gr. si audiat paratas esse sibi insidias, aut venenum in vino consecrando, &c. possit declinare insidias, manendo domi, vel tenendo aliam viam, vel abstinendo à celebratione, licet inde pœnitens, aut complices suspicentur confessarium in his uti notitia confessionis. Idem est de multis aliis casibus, qui facile occurrunt, ut si confessarius novit ex sola confessione aliquem notabilem defectum in novitio, possit ex vi talis notitiæ negare illi suffragium ad professionem, An Abbas, qui ex sola confessione novit Monachum suum extra monasterium degentem in beneficio manuali habere mala quædam consortia, possit eum amovere ab illo loco, & revocare in monasterium, An qui novit ex sola confessione aliquem esse excommunicatum, possit illum vitare, aut illi negare Eucharistiam, & sic de aliis.

C O N C L U S I O.

Nunquam licet uti notitia habita ex confessione sacramentali in aliquo facto, vel dicto, ex quo directe, vel indirecte cognosceretur peccatum pœnitentis, vel complicitis, bene verò si absit hoc periculum. Est communior.

Prob. I. ex Scoto cit. [1] qui dat hanc regulam pro declinante insidias, quæ pro aliis casibus intervenire potest. Generaliter potest dici, quod est signum (vel factum) quod est de se indifferens ad hoc, quod est tale peccatum esse confessum, vel non esse, licet aliquibus sit magis signum determinatum ex aliquo supposito, non est

[1] d. 21. q. 2. M. 20.

est signum revelativum confessionis, nec per consequens simpliciter illicitum confessori; ergo ex Scoto non potest confessarius uti ea notitia in præjudicium sigilli per actum, ex quo per se cognoscatur peccatum penitentis, quia est signum determinatum ejus, bene verò si absit periculum notitiæ peccati, scil. si fiat per actum, qui de se id non significat determinatè, v. gr. Sacerdos sciens ex confessione sibi paratas esse insidias in nemore, quod intraturus erat, posset aliò declinare, quia factum illud (sc. declinatio) ex se non est signum revelativum confessionis, esto qui confessus est, ex sua confessione concipiet declinationem illam fieri, inquit Scholiasies.

Prob. 1. p. nam confessio est simpliciter, & absolute secreta; ergo nullo modo publicari potest, sed per usum notitiæ ibi acceptæ, ex qua directè, vel indirectè cognosceretur peccatum penitentis confessum, revelaretur confessio; ergo talis usus est illicitus, si per illum directè, vel indirectè manifestetur peccatum penitentis, aut complicitis. Ant. patet ex dictis de inviolabilitate sigilli. Prob. subf. nam qui viderent tales actus confessarii, v. gr. si parochum post confessionem negaret penitenti eucharistiam, certò judicarent istum habere peccata, de quibus non potuit absolvi; ergo &c.

Prob. 2. p. Nam talis usus notitiæ non potest prohiberi, nisi quatenus ex eo violaretur secretum confessionis; ergo si ex eo usu non violatur hoc secretum, non est illicitus.

Confir. quia cessante periculo violationis secreti, nullo jure prohibetur, quin confessarius posset cavere sibi ab insidiis, aut à veneno, &c. per modos licitos; hoc enim est de jure naturæ; ergo &c. Prob. ant. Si quid prohiberet, maximè decretum prædictum Clementis VIII. pro Regularibus, aut sanctitas sacramenti; sed neutrum dici potest; ergo nec illud. Prob. min. 1. non decretum, sive quia non tangit, nisi Prælatos regulares, quibus id sæpius accidere potest, quia inferiores magis atctantur quoad confessarios, & ideo isti possent eis confiteri defectus, & inhabilitates suas, ne illi possent uti ea notitia sub prætextu, quod hæc illis confessi sunt. 2. non propter sacramentum, quia non est ibi periculum revelationis; ergo nec injuriæ sacramenti.

Objic. 1. cont. 2. pat. Sacerdos non debet uti notitia ex sacramento accepta, nisi ad finem sacramenti; sed ille usus in casu conclusionis non est ad finem sacramenti; ergo non est licitus.

Resp. neg. maj. absolute: nam sufficit, quod non sit contra finem illum, & talis usus notitiæ non est contrarius.

Objic. 2. Si cessante periculo illo, usus talis notitiæ esset licitus, fideles deterrentur à confessione; sed hoc est contra intentiones Christi; ergo & ille usus. Prob. maj. nam subditus sciens prælatum, seu confessarium posse uti notitia illa in electionibus, non auderet illis confiteri peccata, pro quibus posset ei negare votum ad professionem, aut movere ab officio; ergo &c.

Resp. neg. maj. & 2. conf. nam licet pœnitens sciat, quod ex confessione minui poterit ejus æstimatio apud confessarium, non deterretur à confessione peccatorum, ita nec debet deterri ex eo, quod prævideat ista; & hæc inconvenientia sunt extra, sed non contra finem sacramenti, nisi per accidens.

Objic. 3. Si ex notitia illa confessarius posset declinare insidias sibi paratas à pœnitente, aut abstinere à vino venenato complices non possent dubitare de peccato confesso; ergo confessarius non posset uti illa notitia, quin revelaret peccatum confessum. Prob. antec. nam pœnitens, & complices sciunt confessarium non potuisse sic declinare, nisi ex illa notitia, quia ex tribus v.g. qui conspirarunt, solus Petrus confessus est, & nullus alius potuit insidias declarare, nec aliunde id potuit scire confessarius; ergo semper inde revelatur confessio, saltem indirectè; ergo ille usus notitiæ semper est illicitus.

Resp. neg. ant. & 2. conf. nam illa declaratio posset fieri ex alio motivo, & causa, quàm propter insidias, & quàm ex cognitione illarum posset confessarius manere domi, aut iter facere per aliam viam, aut aliquo impedimento diverti ab egressu, &c. ideo conspiratores temerè judicabunt de peccato confesso.

Inst. Verè tamen illa declinatio fiet ex illa notitia ex parte confessarii; ergo illud iudicium de peccato confesso non erit temerarium, sed verum.

Resp. dist. conf. Erit verum à parte rei, & in se, conc. ex fundamento & quoad ipsos, & quoad alios, neg. conf.

conf. nam illud fundamentum iudicii posset esse falsum ob rationes datas, non solum respectu eorum, qui nihil sciunt de insidiis, sed etiam respectu conspiratorum. Certè si ratio, aut verba haberent determinatam connexionem, saltem moralem, cum peccato confesso, in individuo, vel in specie, aut genere, aut circumstantiis, usus notitiæ esset illicitus, quia sic frangeretur sigillum, non autem quando signa, actiones, aut verba sunt æquivoca. Ideo, ut sit licitus ille usus, requiritur, ut confessarius habeat prætextus alios sic loquendi, vel agendi, quibus æquè possint tribui actiones, aut verba.

Hinc resolvi possunt plura dubia, & casus in hac materia occurrentes, & qui solent examinari, & obviunt apud Casuistas, v.g. confessarius, qui ex confessione audivit paratas esse sibi insidias in via, aut venenum in vino consecrando, posse manere domi, & abstinere à celebratione, v.g. prætextu infirmitatis, &c.

Item eum, qui novit ex confessione aliquem esse excommunicatum, posse istum vitare sub aliis prætextibus, qui non habeant connexionem cum confessione, alioqui non licebit ei vitare illum, ne frangat sigillum hoc sacrum; & sic de aliis, de quibus consulte Casuistas, maxime apud Cardinalem de Laurea.

Quæres 1. *Si Sacerdos interrogetur de aliquo, an ipsius absolverit, quem revera non absolvis, quid debeat respondere: nam si negat, revelat confessionem, si asserit, mentitur.*

Resp. multa multi, & casus est difficilis. Dicerem rectè facturum, si affirmet, quia obligatio sigilli prævalet præcepto non mentiendi, & illa affirmatio non est mendacium, nisi materiale.

Quæres 2. *An iussus sub juramento dicere, si audierit tale peccatum, quod verè audivit, possit negare.*

Resp. non teneri affirmare propter sigilli sanctitatem, & si neget, non erit perjurium, quia juramentum non obligat ad illicita.

Quæres 3. *Quid si peccator, & peccata ejus sint publica? Respondebitne se absolvisse, licet non absolverit?*

Responderem me fecisse, quod debui. Cardin. verò cit. docet respondendum affirmativè.

Quæres 4. *An quis ex confessione sciat hominem esse in-*

dignum professione, aut dignitate, possit ei negare suffragium.

Resp. affirmativè, modò caveat, ne conjici possit eum id facere ex notitia in confessione accepta: nam incapacitas ex multis aliis signis cognosci potest, & suffragium negari ex aliis motivis, quàm ex iis, quæ ex confessione habentur.

Quæres 5. An Sacerdos extra confessionem loqui possit cum pœnitente de auditis in confessione.

Resp. id posse de consensu libero, & licentia ipsius pœnitentis, sed non aliter, ne inde odiosa reddatur confessio propter pudorem, quo afficerentur pœnitentes, si extra sacramentum deberent confessa repetere, aut reficere.

Et hæc de pœnitentiæ virtute, & sacramento dicta sufficiant ad laudem, & gloriam Dei Opt. Max. & M. D. P. ac Seraphici P. S. Francisçi, sub censura Sanctæ Matris Ecclesiæ.

Hic potuissent annecti quædam de Indulgentiis, de Purgatorio, & de Censuris Ecclesiasticis. Sed de his erit tractatus seorsim, si Deus dederit. Ad alia sacramenta properamus.

S U M M Æ
 THEOLOGICÆ
 SCOTISTICÆ
 TRACTATUS XVI.

De Sacramento Extremæ Unctionis.

TRactatum hunc remittunt plurimi ad ultimum locum inter sacramenta, sicut ultimò solet hominibus administrari, & inde nomen habet *extremi*; sed alii magis communiter hunc ei locum tribuunt cum Patribus Concilii Tridentini, dicentibus, quòd non modò *pœnitentiæ*, sed & *totius vitæ christianæ*, quæ perpetua *pœnitentia* esse debet, consummativum est; quippe reliquias peccati abstergit, si quæ restant expiandæ post pœnitentiam. De illo igitur sacramento hìc disputamus.

D I S P U T A T I O U N I C A.

De existentia, essentia, materia, & forma, ministro, subiecto, effectibus, & necessitate extremæ unctionis.

PAuca veniunt de hoc sacramento disputanda, idè totum hunc Tractatum unica Disputatione concludemus.

R E Q U Æ

QUÆSTIO PRIMA.

*An, & quid sit sacramentum extremæ unctionis,
& de illius institutione.*

Sacramentum hoc nomen habet à materia, & à subjectis, quibus conferri solet, nam materia ejus est oleum, & unctio, quæ fit ex illo; sed quia in aliis etiam adhibetur unctio, sc. in baptismo, confirmatione, & ordine; additur vox *extrema*, quia non solet dari, nisi extremè laborantibus; ideo etiam oleum istud dicitur *infirmorum*: olim dicebatur *unctio sacramenti olei*, apud veteres *unctio infirmorum*, apud Græcos *oleum sanctum*, sive oratio cum oleo inuncta, in Conciliis Aquisgranensi, & Tridentino *sacramentum extremæ unctionis*, apud alios *sacramentum ex-euntium*, seu *morientium*.

Controversia nobis est cum hæreticis novissimis, qui nolunt hanc unctionem recenseri inter sacramenta; contra quos sit

CONCLUSIO I.

Exrema unctio est verè sacramentum novæ legis. Est de fide contra Lutheranos, & Calvinistas.

Prob. 1. ex Scoto. [1] Sit ergo prima conclusio, quòd respectu finalis remissionis venialium convenit, & potest esse, & est sacramentum novæ legis, & quod extrema unctio est tale sacramentum; ergo &c.

Prob. 2. ex Scriptura, & Conciliis: nam fundatur in illis verbis S. Jacobi, [2] *Infirmatur quis ex vobis, inducat presbyteros, & orent super eum, ungentes eum oleo in nomine Domini, & oratio fidei salvabit infirmum.... Et si in peccatis fuerit, remittentur ei.* Hæc enim de hoc sacramento intelligit Ecclesia, & Patres, & Theologi. Unde Concil. Cabilon. circa an. 818. sub Leone III.; *Juxta Beati Jacobi Apostoli documentum, cui etiam Decreta Patrum consonant, infirmi oleo, quod ab Episcopo benedicitur, à presbyteris ungi de-*

[1] d. 23. A. 2.

[2] Jac. 5.

debent, & post verba Apostoli concludit, *Non est itaque parvipendenda huiusmodi medicina, quæ animi, corporisque medetur languoribus.* Idem etiam apud D. Marcum insinuat, inquit Trident. Nam instituta est sacra hæc unctio infirmorum tanquam verè, & propriè sacramentum novi Testamenti à C. Domino nostro apud Marcum quidem insinuat, per Jacobum autem Apostolum fidelibus commendatum, ac promulgatum Quare nulla ratione audiendi sunt, qui contra tam apertam, & dilucidam Apostoli Jacobi sententiam docent hanc unctionem, vel signamentum esse humanum, &c. Apud Marcum [1] autem legitur de Apostolis, quod ungebant oleo multos ægros, & sanabant. Disputant autem Theologi, an illud oleum, & unctio sit eadem, de qua loquitur Jacobus, de quo vide Maldonatum. Nobis sufficiat, quod si non sit eadem in materia, est eadem in intentione, & quatenus una figurabat, & insinuabat aliam.

Confir. ex aliis Conciliis citatis pro numero sacramentorum, inter quæ numeratur istud, & novissimè Trident. [2] in quo definitur sacramenta novæ legis non esse plura, nec pauciora, quàm septem, Baptismum extremam unctionem, &c. Et infra, [3] Si quis dixerit extremam unctionem non esse verè, & propriè novæ legis sacramentum, &c. anath. sit. Et in Moguntino præcipitur, sacram unctionem doceant Pastores nostri esse infirmorum præsidium, & per Dominum traditam esse, & quam ejus jussu Apostoli primi exercuerunt, &c.

Confir. 2. ex perpetua traditione SS. Patrum: nam Origenes pro remissione peccatorum penitentiam memorat, & unctionem hanc, citans prædicta verba Jacobi: Si quis infirmatur, &c. Et Chrysost. Neque enim solium, cum nos regenerant (Sacerdotes) sed postea etiam condonandorum nobis peccatorum facultatem obtinent. Infirmitur, inquit, inter vos aliquis &c. Et Innoc. I. ad eadem verba Jacobi scribit, quod non est dubium de fidelibus ægrosantibus accipi debere, qui sancto oleo chrismatis perungi possunt, &c. Idem eisdem verbis colligit August. pluribi, Ambros. Hic, ron. & alii unanimiter.

Prob. 3. Nam in hac unctione adsunt omnes conditiones

[1] Mar. 6. [2] Sess. 7. can. 1. [3] Sess. 14. can. 1.

tiones veri sacramenti. 1. est signum sensibile, est unctionio externa, 2. ex signum efficax gratiæ; ex S. Jacobo, dat remissionem peccatorum. 3. est divinitus institutum, ut patebit infra; ergo habet omnes condiciones sacramenti.

Objic. 1. Si hæc unctionio esset sacramentum, S. Dionysius in sua Hyerarchia Ecclesiastica, & Clemens Romanus in constitut. Apostol. non omisissent eam, quia ibi omnia Christianorum mysteria tractant ex professo; sed eam prorsus omittunt illi SS. Patres, & alii sex primorum sæculorum de illa silent; ergo ab initio nascentis Ecclesiæ unctionio ista non censebatur sacramentum.

Resp. 1. argumentum esse negativum, & sic nihil concludit.

Resp. 2. neg. maj. Nam hæc mentio non erat illis ad propositum. *Dionys.* (inquit S. Tho) [1] *Non intendit determinare de sacramentis, nisi quatenus per ea innotescere posset Ecclesiastica hierarchiæ ordinata dispositio, quantum ad ministros, & actiones ministrorum, & recipientis.* Unde nihil etiam dixerunt de matrimonio.

Resp. 3. neg. min. Nam patet ex Origene, Chrylost. Innoc. I. & aliis, quos citavimus (vide apud Coccium) ex prioribus sæculis, quòd erat tunc in usu, & si aliqui siluerunt de illo, non sequitur, quin usitaretur, nec enim singuli omnia dixerunt.

Inst. Ille ritus ortum habuit potius ab ethnicis, & hæreticis Valentinianis, quàm à Christo, vel Apostolis, ut scribit Irenæus; ergo &c.

Resp. neg. ant. Nam id falsissimum est, nec id dicit Irenæus, qui loquitur de unctione mortuorum; non verò morientium, qualis est ista.

Objic. 2. Tota ratio asserendi hoc sacramentum petitur ex verbis Jacobi; sed hæc non valet, ergo malè asseritur. Prob. min. Nam Hæretici nolunt hanc Epistolam esse librum Canonicum; ergo &c.

Resp. neg. min. & ant. Nam ab omni ævo Epistola illa recipitur ab Ecclesia ut Canonica, ut patet ex Conciliis, Laodiceno, Milevit. Carthagin. Florent. & Trident. & calculo SS. Patrum.

Inst. 1. Hieron. & Euseb. Cæsarienses dicunt veteres non

[1] *supplem. 9. 29. a. l. ad 3.*

non agnovisse hanc Epistolam ut scriptam à D. Jacobo ; ergo non est canonica .

Resp. neg. conf. Nam ab initio multa non agnoscebantur , quæ tractu temporis apparuerunt vera , ut patet de Epistola Pauli ad Hebræos , de Apocalypsi , de 2. Petri , &c.

Objic. 3. Unctio , de qua loquitur S. Jacobus , erat medicinalis , non sacramentalis : nam erat similis ei , de qua loquitur Marcus , dicens , quod Apostoli *ungebant oleo multos , & sanabant eos* . Et ipse Jacobus dicit de ista , quod *oratio fidei alleviabit infirmum* ; ergo neutra unctio erat sacramentalis , sed medicinalis corporibus magis , quàm animabus .

Resp. neg. ant. & conf. prob. Nam Jacobus loquitur apertè de salute animæ , & remissione peccatorum , & quod mediante gratia , quam causat in anima , alleviatur corpus , & dat animæ vires ad tolerandos corporis dolores .

Inst. Vera sacramenta non dantur per modum orationis , nec eorum efficacia pendet à fide ministri ; sed hæc unctio datur per modum orationis , & ejus efficacia pendet à fide ministri , *Oratio fidei salvabit* ; ergo &c.

Resp. dist. maj. Omnia , con. aliqua , neg. maj. Nam debent conferri eo modo , quo instituta sunt à Christo . Istud verò institutum est , ut conferatur deprecatoriè , & d. 2. p. min. dependet à fide Ecclesiæ , con. à fide ministri seorsim , & singulariter , neg. min. nam forma ejus dicitur *oratio fidei* , quia confertur deprecatoriè in fide Ecclesiæ .

CONCLUSIO II.

EXtrema unctio est sacramentum novæ legis consistens in unctioe ex oleo benedicto per Sacerdotem facta infirmis extremè laborantibus , gratiam efficaciter significans .

Prob. 1. ex Scoto , [1] qui sic eam describit , *Est unctio hominis infirmi pœnitentis facta in partibus determinatis corporis , cum oleo consecrato ab Episcopo , ministrata à Sacerdote , simul verba cum debita intentione proferente , ex institutione Divina , efficaciter significans*

[1] d. 2. B. 3.

ficans curationem finalem venialium. Sic habes naturam, & effectus sacramenti hujus.

Prob. 2. Nam nostra illa descriptio coincidit cum aliis, quæ à Theologis assignantur, & sufficienter explicat naturam ejus per verum genus, & differentiam; ergo &c. Prob. ant. nam dicitur 1. *sacramenta novæ legis*, quod ponitur loco generis. 2. *consistens in unctione*, &c. Et per hoc incipit differre ab Eucharistia, pœnitentia, & matrimonio, quæ fiunt sine unctione. 3. *facta infirmis*, in quo est ultima differentia: nam baptisumus, confirmatio, & ordo, in quibus intervenit unctio, non sunt pro solis infirmis. Reliqua ponuntur ad clariorem notitiam ejus. Singule autem particulæ patebunt ex dicendis de materia, forma, subjecto, & ministro.

CONCLUSIO III.

E*xrema unctio verè, & immediatè instituta est à Christo Domino*. Est de fide post Concil. Trid. contra quosdam antiquiores putantes eam fuisse institutam ab Apostolis immediatè, aut à Spiritu S. ut putat S. Bonaventura, & multo magis contra dictos Hæreticos.

Prob. 1. ex Scoto [1] dicente, *hoc sacramentum fuisse institutum à Christo, ut patet d. 2. q. 1. Jacobus autem non erat nisi promulgator, seu præco, &c.*

Prob. 2. ex dictis de sacramentis in communi, quia de isto eadem est ratio, ac de aliis. Unde Conc. Trid. dicit, [2] *Omnia septem sacramenta fuisse à D. J. Christo instituta*; ergo & istud, quod est unum ex septem.

Confir. ex Concil. Senonensi an 1528. ubi dicitur istud fuisse à Christo Domino institutum nominatim, & in eodem Trident. [3] *instituta est autem hæc sacramentum novæ Testamenti à C. D. nostro, &c.*

Prob. 3. ex Patribus. Nam inquit S. August. post dicta verba S. Jacobi: *Ergo si roges de te fieri, & pro te, sicut dixit Apostolus Jacobus, imò per Apostolum suum Dominus; ipsa videlicet olei sacri delibutio intelligitur Spiritus S. typicalis unctio, &c.* ergo S. August.

[1] Ibid. E. 6. Sess. 7. can. 1.

[3] c. 10. Sess. 14. c. 1.

seu author illius libri censet, quod instituit illam unctionem. Idem dicendum cum iis, qui putant unctionem, quam usurpabant Apostoli vivente Christo, fuisse eandem, quam præcipit Jacobus, hoc enim non fecissent, nisi ejus jussu.

Prob. denique: nam Christus ipse instituit alia sacramenta; ergo & istud.

Objic. 1. Si Christus instituisset istud, id de illo constaret, sicut de aliis; sed non constat ullibi de isto, sicut de aliis, ut patet legendo Scripturas; ergo &c.

Resp. neg. min. Nam sufficienter constat ex Evangelio Marci, [2] in quo insinuat, ut loquitur Tridentinum, & ex Ep. Jacobi, à quo publicatur; nihil enim publicaverunt Apostoli, nisi ex jussu Christi, *decet servare omnia, quaecumque mandavi vobis.*

Objic. 2. Si Christus istud instituisset, etiam illud administrasset, sicut alia, sed istud non ministravit; ergo nec instituit.

Resp. neg. maj. Non enim dubitatur, quin instituerit Confirmationem, & Matrimonium, & neutrum legitur ministrasse.

Q U Æ S T I O II.

De materia, & forma extremæ unctionis.

Agitur de materia tam remota, quam proxima. *Remota* est res, quæ assumitur ad significandam gratiam, *Proxima* est applicatio talis rei, maxime in sacramentis, quæ consistunt in usu. Agitur etiam de forma præcisa, & necessaria, sicut de aliis sacramentis; Item de modo illam pronunciandi; an scil. proferatur indicativè, aut deprecativè.

C O N C L U S I O I.

Materia remota extremæ unctionis est oleum olivæ consecratum ab Episcopo, proxima autem est unctio ex eodem oleo. Est communis.

Prob. ex Scoto cit. [2] Cum oleo, nec oportet ibi aliquid confectum ex oleo, & balsamo, ut in materia confirmationis; ergo sufficit oleum. Consecratio autem

Epi-

[1] Mar. 6. [2] ibid. D. 5.

Episcopalis est necessaria ad hoc, ut sit materia apta, &c.

Prob. 2. ex Concil. Cabilon. [1] III. sub Leone III. ubi habetur, quod infirmi oleo, quod ab Episcopo benedicitur, à presbyteris ungi debent. Et Florent. in Decreto unionis, *Quintum sacramentum est extrema unctio, cujus materia est oleum olivæ.* Et Trid. [2] Intellexit Ecclesia materiam esse oleum ab Episcopo benedictum. Denique ex praxi Ecclesiæ, quæ id præcipit in Ritualibus, & docet in Catechismo Romano.

Confir. ex S. Jacobo dicente, *ungentes illum* (infirmum) *oleo.* Unde Theophilactus addit, *est igitur oleum ad labores utile, & lucis fomentum, & hilaritatis effectivum, & significat misericordiam Dei, & gratiam Spiritus, per quam à labore liberamur, & lumen, & gaudium, & hilaritatem Spiritus accipimus; ergo &c.*

Prob. 2. p. ex iisdem: nam Jacobus indicat actionem, dicens, *ungentes, &c.* Et Concil. Trid. *Aptissime Spiritus S. gratiam, qua invisibiliter anima egrotantis inungitur, representat; ergo ex Script. & Conciliis materia proxima consistit in illa unctione.*

Prob. 3. ex dictis de aliis sacramentis: nam materia proxima sacramenti est id, in quod cadit immediate forma, & quod immediate determinatur ad significandum efficaciter gratiam; sed forma hujus sacramenti immediate cadit in ipsam unctionem, & determinat eam ad significandam gratiam, quam efficit; ergo, &c.

Confir. Nam, ut diximus de aliis, materia proxima eorum, quæ consistunt in usu, est ipse usus, seu applicatio materiæ remotæ ad subjectum idoneum; sed extrema unctio consistit in usu, & unctio est usus, & applicatio olei, quod est materia remota; ergo &c.

Dixi 1. *oleum olivæ*, quod sc. ex baccis olivarum educitur, quod enim ex aliis fructibus educitur, non dicitur propriè oleum.

Dixi 2. *oleum consecratum*: nam ita docent Concilia citata, & Patres, & praxis Ecclesiæ. Nam inquit Innocent. I. *Quo (oleo) consecrato ab Episcopo, non solum Sacerdotibus, sed & omnibus Christianis uti licet in sua, aut suorum necessitate inungendo.* Et S. Gregor.

[1] Can. 48. [2] Ibid.

gor. in sacramentario, *Tunc offertur pontifici oleum; & benedicit illud tam ipse, quam omnes Presbyteri, sc. assistentes.* Et ita docent Ritualia Ecclesiæ.

Tamen illa benedictio non putatur de necessitate sacramenti, ita ut sine illa sacramentum non valeat. Nullibi enim legitur asserta hæc necessitas, nihil aliud requirit S. Jacobus, nisi *unctionem olei in nomine Domini*; ergo ad essentiam hujus unctionis sufficit, quod fiat ex oleo in nomine Domini, quod est invocandum.

Unde notat Juenin, quod Græci utuntur oleo benedicto à Presbyteris, quod probat ex Arcadio, & Decreto Clem. VII. in instructione directa ad Episcopos Latinos, & ex approbatione S. Congregationis de propaganda fide. Et Cardinalis noster Brancatus dicit, quod *ad faciendum istud oleum validè, sufficit quævis benedictio Ecclesiastico more facta, qua invocatur assistentia Spiritus S.* Et P. Frassen dicit, quod *illa benedictio Episcopi non est sic necessaria, quin ex dispensatione Episcopi, vel S. Pontificis à simplici Sacerdote posset benedici.* Contrarium docet P. Mastrius noster.

Revera Scotus dicit, quod *consecratio Episcopalis necessaria est ad hoc, ut (oleum) sit materia apta, quia communiter in sacramentis consistentibus in usu, solus baptismus non requirit materiam consecratam; sed Scotus non dicit de qua necessitate, an præcepti, an sacramenti.*

Notant etiam Theologi non ita esse essentialiter, ut oleum istud sit purum, quin valeat sacramentum collatum in Chrismate, ut colligit idem Cardinalis ex cap. i. Innocentii I. & ex Concilio Vormat. an. 868. dicente, quod *Episcopi est chrisma conficere, quo infirmi uti debent.* Verum quidem est, nomen chrismatis genericè sumi pro quavis unctione; ideo ratione magis hoc suaderetur, quia sc. Chrisma conficitur ex oleo pro majori parte cum modico balsamo; ergo non differt essentialiter ab oleo.

CONCLUSIO II.

Pluralitas unctionum est de necessitate præcepti, non sacramenti.

Prob. 1. ex Scoto dicente, hoc sacramentum esse unum unitate integritatis, sed non unitate indivisibilitatis; ergo si omitterentur plures unctiones partiales, sacramentum non esset quidem integrum, sed adhuc esset verum quoad essentiam. Et clariùs dicit, quòd, quia ordinatur ad deletionem venialium, venialia verò perpetrantur ab anima secundum unionem ejus ad carnem corruptam Ideo rectè in deletionem talium peccatorum debet adhiberi medicamentum exterius secundum id, quod habet sensibile circa organa ipsarum potentiarum ideo istæ partes unguuntur. Et sic patet, quod nec totum corpus debet inungi, nec una pars determinata. Habes, cur plures adhibeantur unctiones, & quòd nulla pars sit determinata, quæ de necessitate sacramenti debeat ungi.

Prob. 1. p. ex usu, & Ritualibus Ecclesiæ, & ex Catechismo Romano, in quibus designantur illæ unctiones, 5. aut 7. aut 12.

Prob. 2. p. 1. Quia in ejus institutione non fit mentio de pluralitate unctionum, neque ex Conciliis quidquam circa hoc determinatur; ergo &c. probat. ant. Script. non requirit absolutè, nisi unctionem, ungentes oleo. Et Tridentinum dicit præcisè, quod unctio aptissimè Spiritus S. gratiam representat; ergo nihil dicit de pluralitate unctionum; & sicut per unicam sufficienter significatur interior unctio animæ, ita in casu necessitatis unica sufficeret.

Confir. ex usu aliquarum Ecclesiarum, & judicio universitatis Lovaniensis, quibus constat, grassante peste, sufficere unicam in organo sensus magis exposito, & de facto P. Frassen cit. & Albertus Magnus id narrant de multis Ecclesiis.

Confir. 2. ex praxi Græcorum, qui non observant septuplicem illam unctionem, sed unguunt solum caput, pectus, manus, & pedes. Alii aliter. Ex quo patet hanc pluralitatem, & numerum non esse de essentia sacramenti hujus.

Obije.

[1] Sess. 14. c. 1. de extr. unct.

Objic. 1. con. 2. p. Concil. Florent. [1] in quo præscribuntur unctiones in singulis sensibus; ergo omnes sunt de necessitate sacramenti. Prob. conf. Nam Concilium ibi explicat essentiam sacramenti quoad materiam, & formam, & ex parte materiæ assignat loca unguenda; ergo illas omnes unctiones æqualiter assignat ut necessarias.

Resp. neg. utramque conf. Nam licet assignet materiam proximam, & remotam, sc. oleum, & unctiones, non tamen determinat, an omnes sint de materia necessaria ad valorem, sed ex præcepto.

Inst. Assignat æqualem necessitatem de singulis; ergo de singulis est absoluta. Prob. ant. *Ungendus est* (infirmus) *in oculis propter visum, in auribus propter auditum*, &c. sc. quia in singulis æquè peccamus; ergo æqualis est necessitas in singulis.

Resp. neg. conf. Nam unica unctione possent exprimi peccata omnia singulorum, unde arguitur pura necessitas præcepti fundati in illis rationibus, sed non sacramenti, prout de facto creditur institutum.

Objic. 2. Non est major ratio de ulla, quam de omnibus; ergo vel omnes sunt necessariae, vel nullæ.

Resp. neg. conf. Nam licet omnes integrent sacramentum, sitamen aliqua, vel aliquæ tantum in casu necessitatis fiant, & aliæ omittantur, valebit quoad essentiam.

Objic. 3. ex S. Thoma, [2] *Illæ unctiones ab omnibus observantur, quæ sunt ad 5. sensus, quasi de necessitate sacramenti*, ergo censet omnes esse sic necessarias.

Resp. neg. conf. Non enim loquitur absolutè, sed dicit, *quasi*. Imò notat, quòd *quidam non servant alias, quidam verò servant illam, quæ ad pedes, & non quæ ad renes*, &c. ergo non putat absolutè omnes esse de necessitate sacramenti. Unde S. Carolus monet, ut ministraturus mulieribus renes ne ungat.

Peccaret igitur, qui unam, aut. plures omitteret extra casum necessitatis.

CON-

[1] *decr. un. Arm.* [2] *3.p. q. 32. a. 6. supplem.*

CONCLUSIO III.

Forma sufficiens, & necessaria hujus sacramenti consistit in illis verbis, aut equivalentibus. Per istam sanctam unctionem, & piissimam misericordiam parcat tibi Dominus, quidquid narium.... deliquisti.

Prob. 1. ex Scoro cit. qui hanc in terminis tradit.

Prob. 2. ex Conc. Trid. [1] & Florent. cit. & ex praxi Ecclesiæ, ut patet ex Ritualibus.

Objic. sacramenta non solent conferri verbis deprecativis; sed hæc forma constat verbis deprecativis; ergo &c. Prob. maj. sacramenta debent significare, quod causant gratiam, & quidem infallibiliter, ut patet in omnibus aliis, *baptizo te*, &c. *confirmo te*, &c. sed forma deprecativa neutrum significat; ergo &c. Prob. min. forma deprecativa non significat causari, sed impetrari gratiam, & quæ impetrantur, pendent ex Dei beneplacito, nec habent infallibilitatem; ergo &c.

Resp. dist. maj. Aliqua sacramenta, conc. nulla, neg. maj. & dist. min. forma deprecativa, quam Christus non sic instituit, con. Nam Deus tam infallibiliter confert gratiam per sacramenta, quæ Christus instituit conferri deprecatoriè, quàm per illa, quæ voluit conferri indicativè, & tale est istud, quod S. Jacobus promulgavit sub hac forma.

Quæres, an valeret, si daretur in forma indicativa.

Resp. probabiliter, quod valeret, v. gr. si diceres, *ungo te oleo sancto*, &c. Nam olim in aliquibus Ecclesiis sic dabatur, ut in Mediolanensi tempore S. Ambrosii, ubi dicebatur: *ungo te oleo sanctificato in nomine Patris.... ut more militis uncti præparatus ad certamen, aereas possis superare potestates*. Et in Ecclesia Veneta, approbante Leone X. *Ungo te oleo sancto, ut hac unctione protectus, fortiter stare valeas adversus aereas catervas, in nomine*, &c. Idem ferè colligitur ex S. Gregorio, *inungo te oleo sancto*, &c. sed non est probabile illas Ecclesias errasse, & invalidè fecisse hoc sacramentum; ergo &c.

Sed quidquid sit de illis modis, certum est in Ecclesia tam Græca, quàm Latina formam proferri deprecato-

[1] Sess. 14. c. 1.

catoriè. De Græcis testatur Arcudius, [1] apud Græcos forma est deprecatoria, ut apud Latinos; de istis verò patet ex Ritualibus. Unde Scotus dicit, hanc formam continere septem orationes à Sacerdote cum septem unctionibus principalibus proferendas. Unde sine peccato mortali non potest aliter proferri.

Quæres 2. An omnia singula illa verba sint de essentia formæ.

Resp. 1. Non omnem variationem esse substantialem. Ideò dixi eam consistere in his verbis, aut æquivalentibus.

Resp. 2. cum Mastrio, & aliis, posse sufficere, si diceretur, per istam sanctam unctionem indulgeat, vel parcat, vel remittat tibi Deus, quidquid peccasti; sed tu sequere formam in Ritualibus præscriptam.

QUÆSTIO III.

De ministro hujus sacramenti.

Singula sacramenta suos habent ministros, sed quædam habent tales, ut ab eis dependeat valor sacramenti, solus baptisimus nullum habet determinatum, saltem in casu necessitatis, sed confirmatio, & ordinatio debent fieri ab Episcopo, de via ordinaria, Eucharistia, & pœnitentia à solo Sacerdote, de Extrema unctione id quærimus.

CONCLUSIO I.

Extrema unctionis minister sufficiens est solus Sacerdos, ita ut non valeat, nisi à solo Sacerdote rectè ordinato. Est de fide contra eosdem hæreticos dicentes, nomine presbyterorum intelligi ætate seniores, aut piores in populo.

Prob. 1. ex Scoto. [2] Quod dicitur, ministrata à Sacerdote, exprimit ministrum idoneum, non solum qui licitè exerceat, sed qui solus sacramentum administret, ita quòd si alius attentaret, nihil faceret, sicut si non Sacerdos attentet conficere Eucharistiam; ergo tam necessarius est Sacerdos ad hoc sacramentum, quàm ad Eucharistiam.

P. ob.

[1] l. 5. c. 5. [2] ibid. D. 5.

Prob. 2. ex Script. Nam S. Jacobus jubet *induci presbyteros, ut orent, &c.*

Prob. 3. ex Conciliis citat. Nam inquit Trid. *Si quis dixerit presbyteros Ecclesie, quos B. Jacobus adducendos esse ad infirmum inungendum hortatur, non esse Sacerdotes ab Episcopo ordinatos, sed aetate seniores in quavis communitate, ob idque proprium extremæ unctionis ministrum non esse solum Sacerdotem, anath. sit.*

Prob. 4. Quia cum hoc sacramentum sit quasi poenitentiae consummativum, delens ejus reliquias, merito spectat ad eundem ministrum, scil. Sacerdotem; ut idem dicat, *indulgeat tibi Deus, quidquid deliquisti*, cujus est dicere, *absolvo te a peccatis*; ergo ex institutione Divina solus presbyter est minister validus hujus sacramenti.

Cum dico *Sacerdotem*, non excluduntur Episcopi, nec Abbates, aut alii Prælati superioris ordinis, quia & ipsi sunt veri Sacerdotes.

Objic. 1. Dicitur, quod Apostoli vivente Christo ungebant ægrotos; sed tunc illi non erant Sacerdotes; ergo hoc ministerium non spectat ad solos Sacerdotes.

Resp. 1. neg. suppositum maj sc. quod illæ unctiones fuerint sacramentales, sed curativæ, & prænuntiativæ unctionis istius sacramentalis, ut loquitur Tridentinum.

Resp. 2. Quod si fuerunt sacramentales, ut volunt aliqui, id fiebat ex dispensatione divina Christi, qui tunc id permittebat per potestatem excellentiæ.

Inst. Innocent. I. non solum ad Episcopos, sed etiam ad quosvis fideles spectasse dicit hanc unctionem; ergo &c. Prob. ant. *Quo oleo ab Episcopo confecto, non solum sacerdotibus, sed omnibus Catholicis uti licet in sua, aut suorum necessitate inungendo.* Sed ibi loquitur de ministro æquæ, ac de recipiente unctionem; ergo &c.

Prob. min. Decentius interrogaverat Pontificem, an soli Sacerdotes, excludendo Episcopos, possent hoc ministrare? Respondet, *Superfluum videmus adjectum, ut de Episcopo ambigatur, quod presbyteris licere non dubium est.* Deinde dicit, *licere omnibus uti, inungendo in sua, aut suorum necessitate; ergo, &c.*

Resp.

Respondeo 1. dist. 1. maj. Unctionem, quæ non sit sacramentum, sed quoddam sacramentale, con. quæ sit sacramentum verum, neg. maj. Nam sicut si Laicus ex devotione, & deficiente Sacerdote, se ipsum; vel infirmum inungeret, non faceret sacramentum, nec intenderet facere, alioqui nihil faceret, nisi peccatum sacrilegii.

Resp. 2. neg. absolutè maj. nam ibi loquitur de Unctione, non quoad confectionem sacramenti, sed quoad susceptionem, & utilitatem pro suscipiente, non pro ministro, cum dicit, *omnibus Catholicis licet uri oleo benedicto*, &c. Nam ipse Sacerdos non ungit se ipsum, sed alios, & quidem non omnes indifferenter, sed solos fideles, & pœnitentes.

Objicies 2. Beda per Presbyteros explicat seniores; ergo censet non solos Sacerdotes, sed etiam seniores ministrare posse hanc unctionem. Prob. ant. dicit, *Infirmos moneri debere, ut seniorum adjutorio curari se meminerint, neque ad juniores, minùsque doctos causam suæ imbecillitatis deferant*, &c. ergo Beda per presbyteros intelligit seniores, seu sapientiores.

Respondeo dist. 1. an. 2. conf. Seniores in sensu morali, & mystico, con. in sensu literali, neg. 1. ant. & 2. conf. Nam literaliter intelligit solos Sacerdotes, qui ungant infirmos corporaliter: in sensu autem morali intelligit sapientiores, qui curent morbos spirituales animæ, ut legenti patebit.

Inst. Apud Tertullianum legitur de Monachis Ægyptiis, quod ungebant ægrotos, & idem sæpius legitur de aliis sanctis; sed nec isti, nec illi non erant Sacerdotes; ergo &c.

Resp. dist. maj. Unctione curativa corporum, con. unctione Sacramentali, neg. maj. & conf. Non enim novum, nec mirum, quòd Sancti viri ex devotione, & fide oleum sanctum adhiberent in creationibus miraculosis, sicut alii sumunt oleum lampadis Ecclesiæ in morbis, & vulneribus suis.

Objic. 3. Christus voluit quemlibet hominem ministrare baptismum propter ejus necessitatem; sed hoc sacramentum non est minùs necessarium; ergo quilibet posse debet istud ministrare. Prob. min. Non minùs periclitatur salus infirmorum in vita, quàm infantium in nativitate; ergo &c.

Resp. neg. min. & ant. Nam baptizmus est janua sacramentorum, & non potest suppleri per aliud, & est de necessitate medii, non autem unctio ista, nec instituta est ad delenda mortalia, saltem per se.

CONCLUSIO II.

Hoc sacramentum posset validè ministrari à quolibet Sacerdote, sed non licitè, nisi à solo parochio, vel de ejus licentia, vel nisi in casibus necessitatis. Est communis.

Prob. 1. ex Scoto cit. si non Sacerdos attentet conficere, nihil facit; ergo modò sit Sacerdos, per se loquendo, facit hoc sacramentum.

Prob. 2. tum quia Scriptura non loquitur nisi de presbyteris, nec ipsa Concilia: nam inquit Trid. cit. *Ostenditur illic proprios hujus sacramenti ministros esse Ecclesie presbyteros.* Tum quia non exigit ullam jurisdictionem, nec confertur judicialiter, ut exigit specialem potestatem ex natura sua, ut sacramentum poenitentiae; sed confertur per modum orationis, & deprecatoriè, ut dictum est; ergo &c.

Prob. 2. p. Nam Ecclesia hoc ministerium regulariter solis parochis reservat; & in Concil. Viennensi prohibetur specialiter Religiosis sub poena excommunicationis *ministrare clericis, aut laicis sacramenta unctionis extremæ, vel Eucharistiae, &c.* sc. sine licentia Episcopi, aut Parochi, & declaratur *hac esse jura parochialia*, unde infertur hoc reservari non tantum quoad Regulares, sed etiam quoad alios sacerdotes simplices, & non parochos; ergo &c.

Confir. ex praxi Ecclesie, nã ubique hoc ministerium reservatur parochis, seu habentibus curam animarum.

Prob. 3. p. de casibus extremæ necessitatis; in his enim non tantum licet, sed etiam ad hoc tenetur omnis Sacerdos, qui potest adesse, tum quia tunc cessat ratio reservationis, ideo enim sic statuerat, quia Religiosi *invadebant jura parochialia*. In his autem casibus, non invadunt, sed juvant, & sustinent onera parochorum. Tum quia numquam fuit mens Ecclesie limitare hoc ministerium in his casibus, imò S. Carolus dicit, quod si *parochus est impeditus, aut aliàs in mora, morsisque periculum instat, hoc Sacerdos alijs administret.*

Confir,

Confir. Nam Ecclesiæ decreta non dantur in perniciem animarum; sed si hæc reservatio valeret in casibus extremæ necessitatis, esset perniciofa animabus, quia plures sine hoc sacramento morerentur, & fortè perirent ejus defectu; ergo &c.

Dixi; Imò ad hoc tenetur, nam tunc maximè urget præceptum charitatis; ergo graviter peccaret Sacerdos, qui hoc non præstaret.

Quod autem dicimus de Parocho, à fortiori verum est de Episcopo, qui habet potestatem ordinis, & jurisdictionis eminenter, & in statu perfecto. Imò & hoc directè spectat ad Episcopum, & ad Sacerdotes in subsidium, nam inquit Innoc. I. cit. [1] Idcirco de presbyteris dictum est, quia Episcopi occupationibus aliis impediti ad languidos omnes ire non possunt. Cæterum, si Episcopus aut potest, aut dignum ducit aliquem à se visitandum, & benedicere, & ungere chrismate, sine cunctatione potest, cujus est chrisma conficere.

CONCLUSIO III.

Exrema unctio valide conferripotest ab unico, vel à pluribus ministris, item & licitè, modo singuli adhibeant debitam materiam, & formā. Est communior.

Prob. 1. ex Scoto [2] 1. p. qui in singulari designat ministrum; nempe Sacerdotem simul verba certa, cum debita intentione proferentem. Nam si putasset necessariò requiri plures Sacerdotes, non loqueretur in singulari.

Prob. 2. nam Concil. Florent. & Trident. loquuntur similiter de Sacerdote in singulari; ergo &c.

Confir. ex cap. [3] Quæsit, ubi definitur, quòd Sacerdos, uno clerico præsentè, & etiam solus, potest ungere infirmum. Et Innoc. I. cit. cum dicit Episcopum hoc posse, non dicit eum debere convocare Episcopos vicinos.

Confir. 2. Ex receptissima Ecclesiæ praxi.

Prob. 2. p. de pluribus. 1. quia Græci adhibent septem presbyteros, ut notat Arcudius [4] septem presbyteros numero Græcorum Ecclesia exigit sive propter peccata mortalia, sive, quia septenarius numerus in Scriptura valde commendatur. . . . dicerem etiam pro-

S 2

per

[1] Ibid. [2] Ibid. B. 3.

[3] de verb. signi. [4] l. 5. c. 3.

pter 7. partes corporis, quas ungunt. Alias convenientias hujus numeri affert Simon Thessalonicensis apud eundem Arcudium.

Probatur 2. quia cum istud sacramentum constet pluribus unctionibus, posset ungi una pars ab uno, & alia ab alio cum prolatione formæ convenientis. Vel singuli successive partes easdem ungerent cum verbis debitis.

Probatur 3. nam in Ecclesia Latina olim plures adderant Sacerdotes, ut scribit Ledesma apud Juenini. [1] Dico, quod de necessitate sacramenti unus solus sufficit, sed ex decentia debent esse plures sacerdotes, & ita habet consuetudo Ecclesiæ universalis, quod plures Sacerdotes conveniunt ad ministrandum hoc sacramentum. Vivebat hic author circa an. 1597. Nunc autem solus Sacerdos unus administrat.

Prob. 3. p. nam si unus Sacerdos adhiberet unctionem, & alter eodem tempore proferret formam, non facerent sacramentum; ergo singuli debent simul ungere, & proferre formam. probant. quia S. Jacobus dicit, quod presbyteri orent ungentes, &c. ergo debent orando ungere, & ungendo orare; sed id non facerent, si unus solus oraret, dum alter ungeret; ergo neuter faceret sacramentum.

Probatur 2. ex dictis de baptismo; si unus ablueret, & alter diceret, ego te baptizo, &c. non fieret sacramentum; ergo multo minus sic fieret istud, quod est longe minoris necessitatis.

Confirmatur. Nam in sacramentis, quæ in usu consistunt, actio ministri est materia proxima; ergo debet determinari per verba ejusdem ad significandam gratiam, quæ est effectus talis actionis; sed non rectè determinaretur per verba alterius, qui nihil ageret: unde sicut iste non ungit, non potest verè dicere, per istam S. unctionem, &c. quia respectu orantis, non esset, ista unctio; sed illa.

Objic. 1. con. 1. p. Infirmus debet inducere presbyteros, non autem presbyterum; ergo si ex hoc textu colligitur institutio hujus sacramenti, requirit plures Sacerdotes, nec valet ab uno.

Respondeo neg. conf. nam Scriptura solet uti numero plurali pro singulari indifferenter, & vicissim.

Sic S.

Sic S. Marcus dicit, *Latrones, qui crucifixi erant cum Christo, conviciabantur ei*; Lucas verò hoc dicit de uno, *unus de his, qui pendebant latronibus, blasphemabat*, &c. S. August. de consensu Evangelistarum, ergo verba illa Jacobi de presbyteris non sumuntur in rigore, quasi plures necessario requirantur ad hoc sacramentum.

Objicies con.2. Si plures ministrarent, vel ambo, nihil facerent, vel facerent duo sacramenta, sed neutrum dici potest: ergo plures simul non possunt dare hoc sacramentum.

Probatur maj. 1. unitas materiæ, & formæ in uno ministro requiritur ad unum sacramentum: sed ibi non esset unitas illa: ergo nec unum sacramentum; ergo nihil fieret. 2. singuli applicarent materiam, & formam; ergo singuli facerent suum sacramentum; ergo fierent plura sacramenta.

Respondeo, quod omnes simul facerent unum sacramentum unitate morali, & formali, sicut si plures simul proferant verba consecrationis super eundem panem, facient unum sacrificium unitate integritatis: ita si omnes simul ungant easdem partes, & proferant eadem verba, aut si unus ungat oculos, & alter pedes, &c. facient unam integram unctionem, & plures partiales.

Inst. Si in consecratione panis unus proferret partem unam formæ, & alter aliam partem, nihil facerent; ergo ita est in isto, si unus ungat oculos, & alter pedes cum verbis proportionatis; prob. conf. Nam eadem est ratio de utroque sacramento.

Resp. neg. 1. conf. & 2. ant. & disparitas est, quia neutra pars verborum consecrationis habet perfectum sensum pro effectu sacramenti Eucharistiæ: benè verò in isto, ut patet, nam forma prolata in unctione pedum perfectè significat gratiam deletivam peccatorum commissorum gressu.

Inst.2. Unitas sacramenti venit ab unitate intentionis ministri qui vult facere unicum per plures unctiones: sed talis unitas non adesset in hoc casu; ergo nec unitas sacramenti: prob. min. nam singuli intenderent facere suam unctionem, & causare suam gratiam; ergo &c.

Resp. neg. min. & dist. ant. Intenderent suam unctionem

nem partialem in ordine ad unum totum sacramentum, con. sine tali ordine: neg. ant. Nam singuli intenderent suam partialem unctionem in ordine ad unam integram, & totalem. Sicut cum plures Sacerdotes proferunt verba consecratoria super eandem hostiam, omnes simul faciunt idem numero sacramentum unitate rei, seu sacramenti, cum pluralitate actionum, & hoc intendunt facere singuli, sed in isto, res paulo aliter contingit, quia non est unum unitate indivisibilitatis, ut consecratio illa.

Objic. con. 3. p. In sacramento poenitentiae minister adhibet solam formam, & poenitens materiam, sc. peccata per confessionem, & contritionem; ergo si unus sacerdos adhiberet unctionem, & alter proferret verba, adhuc facerent sacramentum. Idem est de Eucharistia, & matrimonio, in quibus idem minister non facit utrumque.

Resp. neg. conf. & disparitas est. 1. quia poenitentia est sacramentum iudiciale, in quo requiritur reus confessus, & Sacerdos absolvens, in isto autem, idem minister facit utrumque, sc. ungit, & orat. 2. Eucharistia est sacramentum consistens in esse permanenti, nec requirit in ministro nisi prolationem formae debitae super panem, & vinum, istud verò consistit in usu, & actione, ac verbis ejusdem ministri. 3. In matrimonio singuli contrahentes, qui sunt ejus ministri, offerunt suam partem materiae, & formae in ordine ad unum totale sacramentum, & hoc facit pro nobis.

Dixi autem fieri posse à pluribus valide; non enim fieret licite, quia sine gravi necessitate non debemus discedere à ritibus praescriptis in Ecclesia, quae jam ab unico Sacerdote vult omnia fieri.

QUESTIO IV.

De subiecto, seu de suscipiente hoc Sacramentum.

IN subiectis sacramentorum attenduntur dispositiones naturales, v.g. aetas adulta, & usus rationis, & status vitae, & morales, ut sint baptizati, in statu gratiae, si sint sacramenta vivorum, &c. De quibus dicendum quoad sacramentum extremae unctionis.

CON-

CONCLUSIO I.

Nec mortui, nec sani, nec infantes, nec perpetuo amentes, aut furiosi, seu carentes usu rationis, sed solus christianus viator, habens usum rationis, & infirmus, est subiectum legitimum huius sacramenti. Et communis.

Prob. 1. ex Scoto. [1] Subditur, hominis infirmus; ideo non debet conferri sano, nec qualitercumque exposito periculo mortis, nec qualitercumque infirmo, sed periculose, ita quod probabiliter immineat sibi exitus de statu viatoris ad terminum.... excluduntur non usentes ratione, ut parvuli.... excluduntur amentes, & furiosi, & hoc, nisi per voluntatem præcedentem expressam præsumantur illud velle; ergo &c.

Prob. 1. p. Nam sacramenta non sunt instituta nisi pro viatoribus, nec mortuis adhibetur medicina; ergo &c. ant. patet ex dictis de Sacramentis in communi.

Prob. 2. p. ex script. qua constat hoc Sacramentum institutum esse pro infirmis. *Infirmatur quis ex vobis*, &c. Et ideo dicitur sacramentum, & oleum infirmorum; ergo non debet dari sanis, sed infirmis, & periculose, ita ut probabiliter timeatur mors eorum, & ideo dicitur *unctio extrema*.

Confirm. ex Conciliis cit. Nam inquit Florent. hoc sacramentum, non nisi infirmo, de cuius morte timeatur, dari debet. Et Trid. cit. *Extremæ unctionis Sacramento finem vitæ tamquam firmissimo præsidio munivimus* (Christianum.) Et loquens de effectu ejus dicit, quod *agroti animam alleviat, & confirmat.... fiduciam divinæ misericordiæ excitando, qua infirmus sublevatur, & morbi incommoda, & labores levius fert*, &c. Declaratur etiam, esse hanc unctionem infirmis adhibendam, illis verò præsertim, qui tam periculose decumbunt, ut in exitu vitæ constituti videantur, unde & sacramentum exeuntium nuncupatur, &c. Et ut docebat Concil. Mogunt. sub Leone IV. *Unctio hæc infirmis danda est, de quorum salute multum timeatur*.

Prob. 3. p. De infantibus ante usum rationis. Nam istis nulla sunt delenda peccata; ergo illis non prodesset hoc sacramentum.

Confir. Nam ex sua institutione debet peti ab infirmis,

mis, sed infantes ante usum rationis non sunt capaces talis desiderii; ergo &c. prob. nam dicit Apostolus, *Si quis infirmatur ex vobis, inducat, seu advocet presbyteros, &c.*

Prob. 4. p. De perpetuo amentibus; eadem ratione, &c. isti non habent peccata delenda, quæ deletio est primarius finis hujus sacramenti, nec sunt capaces desiderii ejus, nec vocandi presbyteros; ergo &c.

Idē est de furiosis, nō qui habent lucida intervalla, aut qui non habuerunt usum rationis, in quo potuerint illud desiderare, aut de facto petierint; alioqui nō esset eis denegandū, neque amentibus in simili casu.

Objic. con. 1. p. Olim ungebantur corpora defunctorum, & per hanc unctionem credebatur eos juvari; ergo hæc unctio dari potest mortuis.

Resp. Ungebantur, & credebantur juvari velut per quoddam sacramentale; con. velut per sacramentum, neg. ant. eodem modo, & intentione asperguntur aqua benedicta.

Objic. con. 3. p. Infantes sunt capaces gratiæ, & augmenti ejus; sed hoc sacramentum confert augmentum gratiæ; ergo dandum est illis.

Resp. dist. min. Confert augmentum illis, pro quibus institutum est: con. absolutē, & indifferenter omnibus, neg. min. quia non fuit institutum nisi pro illis, qui habent peccata delenda; & possunt illud desiderare, quales non sunt infantes.

Inst. Pueri sunt capaces confirmationis, & ordinis, ergo & hujus unctionis.

Resp. neg. conf. & disparitas est, quia illa imprimunt characterem, cujus capaces sunt pueri; istud verò nihil imprimit. Denique non ita placuit Christo, ut docemur ab Ecclesia divinæ mentis interprete infallibili, & fidei depositaria.

CONCLUSIO II.

Suscipiens hoc sacramentum debet esse in statu gratiæ. Non autem necesse est, ut actu habeat venialia, modo aliquando fueris peccator. Est communis quoad 1. p.

Prob. 1. ex Scoto cit. nam, inquit, nullus est capax hujus sacramenti dignē, nisi sit in gratia. Istud enim sacramentum non est remedium acquirendi gratiam, &c. Et si ergo infirmus habet mortalia, debet prius poenitere, & absolvi.

Prob.

Prob. 2. ex Conc. Trid. *Hæc unctio, si quæ sint delicta expianda, ac peccati reliquias abstergit.* Et supra dixerat hoc sacramentum esse pœnitentiæ consummativum; ergo supponit infirmum in statu gratiæ per pœnitentiæ acquisitæ, si opus fuerat.

Prob. 3. quia duo sacramenta non sunt instituta in eundem finem; sed pœnitentia instituta est in remedium peccati mortalis, & ad recuperandam gratiam; ergo hæc unctio non est ad hoc instituta, sed supponit gratiam in infirmo.

Confir. Tria sunt peccatorum genera, originale, mortale actuale, & veniale; pro 1. habetur baptismus, pro 2. pœnitentia, & pro 3. hæc unctio; ergo hæc exigit carentiam peccati mortalis.

Prob. 2. p. 1. ex Scriptura: nam S. Jacobus non exigit positivè, ut infirmus habeat peccata, sed solum dicit, *si in peccatis fuerit, remittentur ei*; ergo satis indicat, quod potest carere peccatis illis, dum suscipit hoc sacramentum.

Prob. 2. quia sic catechumenus, si post baptismum statim ægrotaret periculosè, non posset ungi, quia non habuisset tempus peccandi venialiter, & Sacerdos esset semper dubius de capacitate infirmi, & de validitate sacramenti: nam dubitaret, an infirmus confessus, & absolutus haberet venialia delenda; sed hæc sunt absurda, & inconvenientia; ergo &c.

Prob. 3. ex Scriptura: nam S. Jacobus non dicit absolute, quod hoc sacramentum remittat peccata, sed *si fuerit in peccatis, remittentur ei*. Et Trident. dicit, quod *remittit reliquias peccatorum*; sed hæc reliquæ non sunt peccata; ergo &c.

Prob. 3. p. nam, ut dicebamus ex Scoto, definitur hoc sacramentum *unctio hominis infirmi, & pœnitentis*; & addit, quod *sic excluduntur, qui non habent materiam pœnitentiæ ... saltem de venialibus, ut perfectè innocentes*; ergo suscipiens hoc sacramentum debet fuisse peccator.

Prob. 2. ex S. Bonaventura, quia *hoc sacramentum est principaliter ad venialia delenda, secundum quod possunt convenientem recipere effectum ... & ideo debet dari solis infirmis, qui peccare potuerunt*; alioqui forma ejus non esset vera, *Parcat tibi Deus, quidquid ... deliquisti.*

Prob. 3. ex eodem Concilio: nam si nullum præcepsit peccatum; ergo nec habere potest reliquias peccati remittendas. Item dicit hoc sacramentum *esse penitentiae consummativum*; sed si materia penitentiae desit, non poterit dari eius consummatio, quia eius initium non habetur, nec adest materia eius; ergo &c.

Hinc probabilius est, ac magis de mente Scoti, quòd qui nullum habet, nec habuit peccatum, ut B. Virgo, non est capax hujus sacramenti.

Dico *probabilius*: nam opinio dicentium, quòd sufficit, quod possit peccare, non caret probabilitate, maxime propter autoritatem gravissimorum Theologorum, inter quos sunt Cardinalis noster Brancatus, & P. Pontius, & Aretinus ex nostris, & tunc faceret ad præservationem, si non ad remissionem.

QUÆSTIO V.

De effectibus hujus sacramenti.

Sanctus Jacobus tres assignat fructus extremæ unctionis. 1. est sanitas corporis, *oratio fidei salvabit infirmum*, scilicet si Deus noverit expedire salutem animæ. 2. alleviatio à mœrore, torpore, languore, & molestia, *alleviabit eum Dominus*. 3. remissio venialium, & reliquiarum peccati, *si in peccatis fueris, remittentur ei*. Et, ut dicit Tridentinum, *Delicta, si quæ sunt expianda, ac peccati reliquias abstergit, & ægroti animam alleviat, & confirmat sanitatem interdum corporis, ubi salutem animæ expedierit, consequitur*.

Certum est autem, quòd causat gratiam habitualem, seu augmentum ejus, hoc enim commune est omnibus sacramentis nostris, de quo non dubitant Catholici, nec de auxiliis ad finem suum propriis, hoc enim essentiale est omni sacramento, ut præter gratiam habitualement, causet etiam actuales, quibus juvamus ad fines consequendos, ad quos institutum est, v.gr. in isto ad vincendas tentationes, quibus vexari solent infirmi instante morte, & ad morbi molestias patienter ferendas.

Conveniunt etiam omnes, quòd isti proprium est abstergere peccati reliquias, sed quid sint istæ reliquias.

quæ, non convenit inter Theologos. Probabilius videtur esse animi languores, torpores, mœrores, tristitias, fastidia, anxietates, aliasque pravas affectiones, quas in morbis relinquunt peccata, & quæ ex eorum cogitatione divexant animos instante morte, & possent inducere illos in desperationem, nisi juvarentur gratiis, quas accipiunt ex hoc sacramento.

Quæritur etiam, utrum aliquando remittat mortalia, quæ habere possunt infirmi, de quibus per oblivionem inculpabilem non sunt confessi, nec absoluti.

De his omnibus effectibus quæritur, qui sint primarii, & principales ex divina institutione, quive secundarii.

CONCLUSIO I.

Primarius, & principalis effectus unctionis sacramentalis est infusio gratiæ habitualis, cum remissione finali venialis peccati, non autem mortalis. Est communis, maximè inter Scotistas.

Prob. 1. ex Scoto, qui dicit, *hoc sacramentum esse unum, sicut effectus ejus est unus unitate plenariæ remissionis omnium venialium, ut omnibus remissis, nihil remaneat retardans à perceptione beatitudinis*. Et in ejus definitione dixerat hanc unctionem significare curationem venialium finalem. Sed remissio peccati non fit, nisi per infusionem gratiæ habitualis; ergo hæc infusio, & remissio est effectus primarius hujus sacramenti.

Prob. 2. ex Script. & Conciliis: nam inquit Jacobus; *si in peccatis fueris (infirmus) remittentur ei*; sed, ut dicebam, non remittuntur peccata sine infusione gratiæ, id non potest intelligi de mortalibus, quæ remittuntur per pœnitentiam; ergo loquitur de remissione venialium per infusionem gratiæ.

Confit. ex Concilio Tridentino, *Si quis dixerit sacram infirmorum unctionem non conferre gratiam, nec remittere peccata anath. sit*; & supra dixerat, quod res, seu effectus ejus gratia est Spiritus Sancti, cujus unctio delicta, si quæ sint adhuc expianda, ac peccati reliquias abstergit; ergo &c.

Prob. 3. Ille est effectus per se, & primarius unctionis sacramentalis, qui per formam ejus exprimitur; sed per formam hujus unctionis exprimitur remissio

peccatorum, quæ restant infirmo delenda finaliter in eo statu, & hæc sunt venialia, quia supponitur confessus; ergo &c. Prob. min. nam ad singulas unctiones dicitur, *Per istam sanctam unctionem parcat tibi Deus, quidquid oculorum, &c. vitio deliquisti*; ergo singulæ formæ significant gratiam remissivam peccatorum per singulos sensus commissorum.

Prob. 2. p. de mortalibus: nam hæc per se remittuntur per pœnitentiam; ergo per se non remittuntur per hoc sacramentum: nam, ut diximus, singula sacramenta habent effectus suos principales distinctos, nec duo, vel plura habent eundem effectum primum. Prob. ant. ex dictis, maximè ex Conc. Trid. *Fuit pœnitentia omnibus, qui se aliquo mortali peccato inquinassent, quovis tempore necessaria* (sc. tam tempore infirmitatis, quam sanitatis) *ad gratiam, & iustitiam assequendam, nec ullibi legimus, quod ad hoc necessaria sit unctio ista*; ergo &c.

Confirm. Tum quia si hæc unctio per se remitteret mortalia, non esset necessariò præmittenda confessio habenti mortalia, quia hæc sufficeret; sed consequ. est falsum; & contra praxim Ecclesiæ; ergo &c. Tum quia cum singulorum sensuum peccata remittantur singulis unctionibus, sequitur ea non esse mortalia, quia hæc non remittuntur per partes, nec successivè; ergo id solum dicitur de venialibus.

Dico per se, quia per accidens, & secundariò posset deleri mortale aliquod omissum inculpabiliter, supposita contritione, vel attritione.

Objic. 1. Primarius effectus sacramentorum novæ legis est infusio gratiæ; sed hæc infusio non est necessariò connexa cum remissione venialium, ut patet de Christo, & B. Virgine, & aliis Sanctis, quibus novæ gratiæ infunduntur, quamvis non habeant peccata; ergo principalis effectus extremæ unctionis non est remissio ullius peccati.

Resp. dist. maj. In his, qui non habent peccata, conc. in his, qui habent venialia, neg. maj. & min. nam institutio hujus sacramenti est ad delenda peccata in infirmo, si quæ habet. *Si in peccatis fuerit, remittentur ei.* Et id patet ex forma ejus.

Inst. Si esset institutum ad delenda peccata, maximè venialia, non deberet differri in finem vitæ, quia singu-

gulis momentis peccamus. *Septies ad minus in die cadit justus*, & idè toties adhibenda esset unctio; sed conf. est falsum, & contra praxim; ergo &c.

Resp. neg. maj. nam venialia illa possunt deleri tempore sanitatis pluribus aliis mediis, maximè per sacramentalia; sed in morbis extremis non possunt facile hæc adhiberi. Denique pro solis his infirmis fuit institutum, ut patet ex dictis.

Inst. 2. Peccata non remittuntur, nisi per absolutionem, & pœnitentiam, quia sunt culpæ; sed hic neutra intervenit; ergo nec remissio peccati. Prob. min. nam forma ejus est purè deprecatoria, non absolutiva, nec judicialis; ergo &c.

Resp. 1. neg. maj. nam venialia remittuntur per sacramentalia, orationes, & alia bona opera, ut dictum est aliàs.

Resp. 2. neg. min. nam verba formæ indicant veram remissionem, ut patet, & licèt dicantur deprecatoriè, non minus remittuntur à Deo.

Objic. 2. ex Scoto. *Per unctionem remittuntur ea, quibus homo retardatur à receptione beatitudinis*. Sed non minus retardatur per reatum pœnarum temporalium pro mortalibus, quàm per reatum venialium; ergo remissio reatus pœnarum est primarius effectus hujus sacramenti, non autem solius venialis.

Resp. neg. maj. nam Scotus ibi loquitur de solis venialibus: nam reatus pœnarum supponitur remissus per pœnitentiam, & per opera satisfactoria, & indulgentias; & si in extremis pœnæ illæ restant exsolvendæ, per accidens est.

Objic. 3. Effectus, qui absolutè tribuitur sacramento, est magis proprius, & principalior, quàm qui conditionatè, & quasi per accidens; sed remissio peccati tribuitur conditionatè, & quasi per accidens, salus verò, & alleviatio tribuitur absolutè; ergo hæc est principalior effectus ejus. Prob. min. nam Apostolus dicit, *Si in peccatis fuerit*, &c. Et Concil. *Delicta, si quæ sint adhuc expianda abstergit*; ergo remissio peccati non asseritur, nisi conditionatè, alii verò effectus ponuntur absolutè.

Resp. 1. neg. min. & 2. conseq. nam illud si non importat præcisè conditionem, sed æquivalet assertioni absolutæ, quasi diceret, peccata, quæ superfuerint, remittit-

mittentur, ut patet ex verbis formæ, quæ est absoluta, & Concilium ipsum dicit absolute, res enim hæc, *gratia est Spiritus Sancti*, quæ per se est deletiva peccati, collatio autem gratiæ non est effectus conditionalis sacramenti debite suscepti, sed absolutus, & primarius.

Resp. 2. neg. maj. nam si appositio conditionis tollet principalitatem effectus, infusio gratiæ, & propriissimi effectus omnium sacramentorum non essent nisi secundarii, quia hos non causant, nisi sub conditione, quod non adsit obex in suscipiente.

Inst. Tam Apostolus, quam Concilium prius tribuunt huic sacramento salutem, & alleviationem infirmi, & absterfionem reliquiarum peccati; ergo isti sunt effectus primarius ejus. Prob. ant. ex ipsis textibus.

Respon. dist. antec. Prioritate grammaticali, & orationis, conc. prioritate dignitatis, & præeminentiæ, seu principalitatis, neg. antec. nam principalitas, de qua loquimur, non petitur ex ordine, quo res ponuntur in oratione, imò sæpius principaliora, & optima sunt ibi ultima; imò & verba Concilii exprimunt deletionem peccatorum prius, quam absterfionem reliquiarum peccati.

Objic. 4. Si deletio venialium esset primarius effectus hujus sacramenti, sæpe exponeretur nullitati, & effectus iste esset incertus; sed hoc est absurdum, & inconueniens; ergo &c. Min. patet: nam de ratione sacramenti est causare infallibiliter gratiam, seu effectum, ad quem est principaliter institutum. Prob. maj. nam si infirmus non haberet peccata remittenda, sacramentum careret hoc effectu, & nihil faceret; ergo &c.

Resp. neg. maj. & ant. nam licet infirmus non haberet peccata, adhuc reciperet gratiam habitualement, quæ de se est deletiva peccati, & est primarius effectus omnium sacramentorum, & haberet etiam alios effectus secundarios, sicut qui recipit absolutionem sacramentalem de peccatis tantum venialibus, aut de peccatis jam confessis, & remissis, non recipit remissionem, sed gratiam remissivam.

Objic. 1. cont. 2. par. ex Conc. Trid. Effectus hujus sacramenti sunt peccata, & peccatorum reliquiæ; sed hæc possunt esse mortalia, & maximè si ex oblivione incul-

inculpabili non fuerunt remissa in confessione, hæc inquam sunt veræ reliquæ peccatorum; ergo primarius effectus hujus sacramenti est peccatum mortale æquè, ac veniale.

Respond. dist. maj. Sunt peccata hujus sacramenti objecta propria, conc. objecta propria aliorum sacramentorum, neg. maj. & min. nam licet possint restare mortalia oblita, id tamen est per accidens, quia mortalia sunt per se objecta pœnitentiæ, & non restant, cum suscipitur unctio, nisi per accidens; unde Concilium in Canone non loquitur de reliquiis, sed de gratia, & peccatis, quæ non possunt esse nisi venialia, quia hæc sola sunt per se objecta hujus sacramenti.

Inst. Illa omnia censentur posse remitti, quæ directè cadunt sub sensum formæ; sed omnia, etiam mortalia, cadunt sub sensum formæ; ergo &c. Prob. min. nam dicitur universè, *parcat tibi Deus, quidquid deliquisti*; ergo &c.

Resp. ut supra dist. maj. Si sunt de objecto ejus primario ex vi institutionis ejus, conc. sin minus, neg. maj. & conf. ob rationem allatam.

Non ergo negamus, quin per accidens remitti possint mortalia, si v. gr. ex oblivione inculpabili infirmus omiserit aliqua in confessione, de quibus non fuerit absolutus, nec contritus, sed solum attritus, sicut diximus de sacramento Eucharistiæ, & aliis, quæ dicuntur Vivorum.

CONCLUSIO II.

Effectus alii hujus sacramenti sunt gratiæ confortati-
væ infirmi, fiducia divinæ misericordiæ, patientia dolorum, resistentia tentationibus, & sæpè solatia, & levamenta dolorum, & ipsa sanitas corporalis, si Deus videat id expedire salutem animarum, & hæc operatur ex opere operato. Est communis.

Prob. ex dictis: nam Apostolus dicit, quod *Oratio fidei salvabit infirmum, & alleviabit eum Dominus*, &c. & Concil. Florent. dicit, quod *sanat mentem infirmi*; & Mogunt. quod *est contra terrores conscientie, dat hilaritatem, & alleviationem*; & Trident. quod *est institutum contra tentationes diaboli, agros*

animam alleviat, & confirmat, magnam divinæ misericordiæ fiduciam excitando, qua infirmus sublevatur, ac labores levius fert, tentationibus Dæmonis calcaneo insidiantis facilius resistit, & sanitatem corporis interdum ...consequitur. Habes totam conclusionem in terminis.

Quod autem hæc operetur ex opere operato, patet ex eo, quod id commune est omnibus sacramentis nostris, ut sic operentur effectus suos.

Objic. Si hæc essent, & maximè ex opere operato, infirmi omnes semper reciperent hos effectus; sed conf. est falsum, nam rarissimè illos experiuntur; ergo &c. prob. maj. nam sacramenta semper operantur effectus operis operati; ergo &c.

Resp. neg. maj. Nam quæ pendent ex fide, non cadunt sub experientiam, & præcipuè, quia possunt ea, quæ experimur, venire ex aliis causis, etiam naturalibus, & etiam, quia solet conferri in extremis, ita ut infirmi non benè reflectere possint super se ipsos. Et denique sæpe recipitur sine debitis dispositionibus fidei, ac fiduciæ in ejus virtutem.

Inst. Saltem justi deberent semper virtutem hanc experiri; sed hoc falsum est; ergo &c.

Resp. neg. maj. Imò quia isti magis conformantur divinæ voluntati, & magis diligunt Deum, & suspirant post æternam felicitatem, intus quidem percipiunt illos effectus, sed ad extra non ostendunt, nec corporalem curant sanitatem.

Quæres, *Quandonam unctio hæc producat suos effectus, An in prima, vel ultima unctione.*

Resp. probabiliter eam producere illos gradatim, scil. singulos ad singulas unctiones, ex quibus integratur hoc sacramentum, & sic ex singulis gradibus gratiæ integratur totalis gratia, & effectus ejus primarius, de quo loquimur.

Prob. ex Scoto dicente hoc sacramentum esse *unum unitate integritatis, non indivisibilitatis, sicut effectus ejus non est unus indivisibiliter, quia non est remissio unius venialis, sed unus unitate plenariæ remissionis omnium venialium*; ergo ex Scoto effectus totalis hujus sacramenti causatur successivè, sicut partes ejus existunt successivè.

Prob. 2. Nam quælibet unctio habet formam suam cum

eum propria significatione sui effectus partialis, v.g. unctio oculorum sua forma significat remissionem peccatorum per oculos commissorum, & sic de aliis; ergo statim ac uncti sunt oculi eum sua forma, infunditur gradus gratiæ illi correspondens, & remittuntur peccata per visum admissa, nec ulla apparet ratio in contrarium.

Confir. ex sacramento Eucharistiæ, quod integratur ex consecratione panis, & vini: nam prolatis verbis supra panem, statim convertitur in corpus Christi, antequam proferantur verba super calicem, & convertatur vinum in sanguinem; ergo ita fieri debet in singulis unctionibus.

Prob. 3. Si quid impediret successionem, esset indivisibilitas gratiæ, ac remissionis; sed neutra est indivisibilis: nam gratia dividitur per gradus, & nihil verat unum veniale remitti sine alio, sicut id repugnat de mortalibus; ergo &c.

QUÆSTIO VI.

De necessitate huius sacramenti, & de modo illud recipiendi.

Quæstio procedit de necessitate tam medii, quam præcepti. De utilitate autem patet ex præcedenti. Ubi de effectibus ejus.

CONCLUSIO I.

Extrême unctionis susceptio non est de necessitate medii, nec præcepti per se loquendo. Est communis.

Prob. 1. ex Scoto, [1] qui hanc necessitatem videtur dicere congruitatis. *Congruum est, recessurum ab hac vita finaliter à venialibus absolvi, quia ista non remissa essent impedimentum gloriæ consequendæ, & possunt esse non remissa usque ad exitum, quia peccator quasi continuè peccat talibus peccatis.* Et in Reportatis dicit, quòd congruum fuit (tale sacramentum) dari, & recipi ab infirmo laborante in extremis, quia tunc in januis mortis, quando Spiritus exit, potest recipiens liberari à peccato, quod retardaret eum à gloria, nisi

ama-

[1] Ibid. A. 2,

amoveretur, & deleteretur virtute sacramenti; ergo ex Scoto istud sacramentum non est necessarium absolute, sed ex congruitate.

Prob. 2. Quia non apparet ratio alterutrius necessitatis. 1. non necessitatis medii, quia omne impedimentum salutis amoveri potest per poenitentiam, & Eucharistiam; illa enim delent omne peccatum, & conferunt gratiam sanctificantem, & istud eam supponit, quam auget. 2. non praecepti, quia nullibi constat de praecepto Divino, vel Ecclesiastico, ut patet percurrenti Scripturam, & Concilia, & decreta Apostolica.

Confir. Nam Ecclesia non prohibet media necessaria salutis, v. g. baptismum, nec poenitentiam, bene verò hanc unctionem tempore interdicti; ergo &c.

Dixi autem, *per se*: nam qui ex contemptu, vel defectu fidei non credens illud esse verum sacramentum, aut ex alio pravo motivo illud negligeret, vel si ex ejus omissione scandalum, aut aliud periculum grave immineret infirmo, hic sine dubio peccaret graviter; sed hoc non venit ex natura sacramenti per se, neque ex ullo praecepto divino, vel humano.

Objic. 1. ex Scriptura. D. Jacobus jubet, ut infirmus *inducat presbyteros*, &c. ergo hoc sacramentum est necessarium ex praecepto Divino, vel Apostolico.

Resp. neg. ant. Neque enim hoc dicit praeicipiendo, sed docendo, & hortando, ut notant SS. Patres interpretes.

Objic. 2. Concil. Trid. [1] *declaras esse hanc unctionem adhibendam Et quòd nulla ratione audiendi sunt, qui contra tam apertam Jacobi sententiam docent, hanc unctionem non esse mandatum Dei*. Sed hæc sapiunt praeceptum etiam divinum; ergo &c. Idem infertur ex aliis, in quibus graviter præcipitur parochis, *ne in sacramento unctionis ministrando negligentiam, ullamve moræ culpam contrahant*, &c. Et Mediolan. V. narrat ex S. Bernardo maximum dolorem S. Malachiae Episcopi Hiberniae, quia mulier quædam culpa ejus decesserat sine unctione. Idem est de Colon. & Senonensi; sed hæc non ita dicerentur, nisi hoc sacramentum esset absolute necessarium; ergo ita est.

Resp. neg. min. Nam nomine *mandati* intelligitur insti-

[1] cap. 3.

institutio Divina huius sacramenti, non præceptum; nisi fortè agnoscendi illud ut verum sacramentum: Alioqui non vetaret illud contemni, sed declararet necessitatem. *Nec verò* (inquit Trid.) *Tanti sacramenti contemptus absque ingenti scelere, & Spiritus S. injuria esse posset*, &c. Alia Concilia sic loquuntur ob ejus maximam utilitatem, quam parochi graviter obligantur procurare infirmis suis.

Objic.3. Homo ex præcepto charitatis tenetur sibi providere de remediis salutis, & maximè contra tentationes, quæ instante morte sunt fortiores, & periculosiores, & amovere omnia, quæ retardare possunt gloriæ æternæ consecutionem; sed hæc fieri non possunt in morbis extremis sine hoc sacramento; ergo est necessarium, saltem ex præcepto charitatis.

Resp.1. Id non esse contra nos, quia loquimur de necessitate unctionis per se, & in se spectatæ, præcisè ab aliis extrinsecis, ut est charitas.

Resp.2. dist. maj. Si illa sint absolutè necessaria, nec possint aliter haberi, conc. si non sint ita necessaria, vel possint aliunde haberi, neg. maj. & min. nam per sacramenta poenitentiae, & Eucharistiæ homo fit satis certus de sua salute, & sibi sufficienter ad eam consulit, quamvis plurimum conferat unctio.

Objic.4. ex Conciliis cit. Hoc sacramentum non potest contemni sine peccato; sed non potest omitti ab infirmo in extremis sine contemptu; ergo nec sine peccato. Prob. min. nam inquit Concil. Senon. *Contemni dicitur, quando Episcopus est præsens, paratus dare, & persona hoc sciens, negligit, aut despicit recipere.* Et Colon. *privat Ecclesiastica sepultura eum, qui sacramentum istud nobis ab Apostolo Jacobo tantopere commendatum contempserit*; ergo Concilia censent non posse omitti sine contemptu.

Resp. neg. min. & 2. conf. Nam Concilia loquuntur de impiis, & hæreticis, qui illud respuunt, aut contemnunt, aut negligunt ex parvipenduntia. Potest autem omitti ex aliis motivis non malis, v.g. ex metu erroneo mortis, quam quidam putant certam reddi ex hac unctione, &c.

CONCLUSIO II.

Regulariter, & quantum potest, debet præmitti sacramentum penitentiae, & viatici, maxime si adsit peccatum mortale, aut si non possit confiteri, debet conteri, quantum potest.

Prob. 1. p. ex Catechismo Romano, qui docet, servandam consuetudinem perpetuam Ecclesiae, ut ante extremam unctionem, penitentiae, & eucharistiae sacramentum administretur, & Rituale pariter Rom. idem præcipit.

Probat. 2. Quia, ut dictum est, hoc sacramentum est vivorum, sc. supponit suscipientem in vita gratiae, & sine peccato mortali; nec enim per se confert primam gratiam, nec remittit mortalia, nisi valde per accidens; ergo regulariter debet præmitti confessio, per quam remittantur mortalia, si adsint.

Prob. 2. p. Quia, si non possit infirmus loqui, & confiteri, & habeat mortalia, debet conteri, ut deleantur, aut saltem atteri, ut tollatur obex, scilicet affectus ad peccatum, & sic sacramentum possit illud delere.

Ceteras dispositiones vide in Ritualibus; & patet ex definitione hujus sacramenti, & ex dictis de suscipiente, v. g. quod sit adultus, baptizatus, habens usum rationis, &c.

QUÆSTIO VII.

De obligatione Sacerdotis ad hoc sacramentum ministrandum.

Quæritur præcipue, quanta sit obligatio parochi; seu pastoris cujuscumque ministrandi hoc sacramentum infirmis suis, an cum periculo vitæ, v. g. tempore pestis.

CONCLUSIO.

Parochus, seu pastor quicumque tenetur administrare hoc sacramentum subditis suis infirmis, & peccantibus, & hoc non solum ex charitate, sed etiam ex iustitia, non tamen absolute cum periculo vitæ. Est communissima quoad primam partem, & communior quoad secundam.

Prob. 1. p. ex Dionysio Papa in decretis, [1] ubi præcipitur parochis, ut taliter Ecclesiam, & plebem sibi commissam custodiat, ut ante tribunal æterni iudicis ex omnibus sibi commissis rationem reddat, &c. ergo non tantum in necessariis, sed etiam in valde utilibus, ut est hoc sacramentum, debet providere illis ex iustitia, quandoquidem de illis est rationem redditurus.

Prob. 2. Nam pastores ex officio debent ministrare subditis sacramenta, quæ Christus instituit pro bono spiritualium eorum, ad hoc enim constituti sunt, ut attendant universo gregi, in quo posuit eos Spiritus S. Episcopos regere Ecclesiam Dei; ergo &c.

Probat. 2. p. nam 1. illa obligatio cum periculo vitæ non urget, neque ex præcepto speciali explicito in hac materia, quia de hoc nullibi constat. 2. non ex præcepto generali charitatis, quia istud non præcipit proximum diligere plusquam seipsum. 3. non ex iustitia: nam hæc non obligat cum tanto onere, ut in non necessariis pastor se exponat periculo vitæ, & ita communiter docent Theologi.

Dico, in non necessariis, & absolute: nam possent occurrere casus, & circumstantiæ, in quibus ad id teneretur, v. g. si timeret valde probabiliter, quod defectu huius subsidii periclitaretur animæ salus: nam tunc bonus pastor animam suam dat pro ovibus suis, & salus animæ infirmi prævalet saluti corporis proprii, & tunc urget non solum charitas, sed etiam iustitia.

Objic. con. 1. p. Parochus non tenetur administrare ovibus omnia purè utilia, sed solum necessaria; sed hoc sacramentum non est necessarium absolute, sed solum utile; ergo &c. prob. maj. si teneretur ad omnia utilia, onus parochi esset intolerabile, nec unus sufficeret pro duobus, aut tribus subditis; ergo &c.

Resp.

[1] 13. 9. 1. c. Ecclesi.

Resp. neg. maj. & 2. conf. Nam licet pastor non teneatur ad omnia prorsus, & quovis modo utilia, teneatur tamen ad ea, quæ ex institutione Divina specialem, & gravem habent utilitatem, ut hæc unctio in extremis.

Dixi autem 1. *parochus*, seu *pastor*, sub quo nomine intelliguntur omnes habentes curam animarum, ut superiores Religionum.

Dixi 2. *Parochus*, quia ipsi reservatur ministratio hujus sacramenti, ut dictum est, & ipsi directe incumbit hoc onus, sicut & honor. Unde colligitur, quod alius Sacerdos, absente parcho, ad id teneretur ex sola charitate, non ex officio, vel justitia.

Et hæc de extremæ unctionis sacramento dicta sufficiant pro instituto, cætera videri possunt apud Morales, & Casuistas.

S U M M Æ
 THEOLOGICÆ
 SCOTISTICÆ
 TRACTATUS XVII.

De Sacramento Ordinis .

QUINQUE sacramenta, quæ meditati sumus huc usque, spectant ad omnes fideles in quovis statu sint constituti, duo restant examinanda, quæ spectant ad speciales status, sc. *ordo*, qui pertinet ad eos tantum, qui sacris ministeriis destinantur; & *matrimonium*, quod spectat ad eos, qui humanæ propagationi incumbunt: à priori, quod dignitate præcellit, progrediemur ad posterius, & ultimum, si Deus dederit.

D I S P U T A T I O I.

De existentia, & essentia sacramenti ordinis.

Ordinis nomen, latissimè sumptum, significat relationem prioris, & posterioris inter res quascunque; & describitur ab Augustino, rerum parium, dispariumque cuique sua loca tribuens congrua dispositio. 2. magis propriè sumitur pro aliquo gradu eminenti in Republica, ut cùm dicitur, *ordo Equestris*, *ordo Senatorius*, &c. Sed propriissimè, & in præsentī significat statum, seu gradum personarum, quæ sacris, & Ecclesiasticis functionibus destinantur; item pro ipsa actione, per quam personæ istæ iisdem ministeriis deputantur, & vocatur magis propriè *ordinationis*.

natio. De ordine, & ordinatione in hoc proprio sensu hîc disputamus, quia sic tantum pertinet ad hoc sacramentum.

QUÆSTIO I.

An, & quid sit ordo sacramentalis.

ORdo, prout de illo hîc agimus, significat 1. gradum, seu statum clericorum supra cæteros eminentem in Ecclesia. 2. Potestatem, quam habent exercendi aliquos actus Ecclesiasticos, maxime circa sacramenta. 3. Ipsam ordinationem, seu unctionem sacram, per quam accipiunt illum gradum, & illam potestatem, & hæc est propriè sacramentum: nam in priori sensu est potius effectus sacramenti, & describitur à Doctore, *Gradus præeminens in Ecclesia, adijponens ad aliquem Ecclesiasticum eminentem, seu ad aliquem actum sacramentalem*.

Certum est igitur dari in Ecclesia ordines in 1. & 2. sensu, de quo non dubitant nequidem Hæretici, licet non conveniant de illorum usu, & potestate, & multò minus de illorum ordinatione, quàm nolunt esse sacramentalem, sed nudam electionem aliquorum de populo ad legendum, docendum, prædicandum, & aliqua sacramenta administrandum, sc. baptismum, & cœnam. Hæc autem veritas patet ex Scriptura: nam à Christo ipso Apostoli depurantur ad conficiendam, & ministrandam Eucharistiam. *Hoc facite in meam commemorationem*. Et ad pœnitentiam, *Accipite Spiritum S. quorum remiseritis peccata, &c.* Et Petrum constituit petram fundamentalem, & caput Ecclesiæ, & clavigerum regni Cœlorum. *Tibi dabo claves regni Cœlorum*. Et, *Quodcumque ligaveris, &c.* Denique Christus Deus in Ecclesia dedit quosdam quidem Apostolos... alios pastores, alios Evangelistas, &c. Item posuit Episcopos regere Ecclesiam Dei, &c. Denique de facto videmus in Ecclesia tales ordines hominum destinatorum ad sacras functiones.

Restat ergo disputandum cum hæreticis, an sint in Ecclesia veræ ordinationes, & in quo consistant, & an sint verè sacramenta.

CON-

CONCLUSIO I.

ORdo, seu ordinatio Ecclesiastica est sacramentum, quo confertur homini gratia, et potestas exercendi functiones sacras in ea; et est verum sacramentum.

Prob. 1. ex Scoto. [1] Dico, quod loquendo propriè de sacramento; ordo non est propriè sacramentum. Quid ergo est septimum sacramentum? Dico, quod ordinatio (est sacramentum) cujus descriptio potest esse ista. Ordinatio est institutio alicujus in gradu Ecclesiæ præeminentem, cui convenit aliquod ministerium circa Eucharistiam exhibendam facta à Ministro idoneo, certa verba cum debita intentione proferente, ministerium gradus illius aliquo signo visibili representans ex institutione divina efficaciter significans gratiam præeminentem, qua ordinatus dignè aliquod ministerium exequitur. In Reportatis idem habet, ubi ordinatio dicitur [2] collatio determinati gradus ad ministrandum circa Eucharistiam, facta à ministro idoneo certa verba cum debita intentione proferente, significans efficaciter ex institutione Divina effectum gratiæ invisibilis, quo ordinatus dignè exequitur aliquod ministerium. Habes in his descriptionibus per extensum, quod compendiosè diximus in conclusione.

Prob. 2. nam sic explicatur essentia hujus sacramenti secundum genus, & differentiam propriam, & verè convenit omni, & soli sacramento ordinis, prout de illo hic agimus. Dicitur 1. [3] sacramentum, loco generis. 2. Quo confertur homini gratia, quod etiam commune est omni sacramento [4] 3. Et potestas exercendi in Ecclesia functiones sacras: per quod differt ab aliis, quæ non sunt collativa ullius potestatis; & quoad sensum conveniunt omnes catholici, licet in verbis non nihil differant.

Prob. 2. Quòd sit sacramentum, contra hæreticos. 1. ex Concilio Chalcedonensi [5] docente, quod ordinatio confert gratiam. Si quis Episcoporum, accepta pecunia, ordinationem fecerit, et sub pretinm duxerit impretiabilem gratiam: &c. Audis gratiam hic conferri,

Tom VIII.

T

ferri,

[1] d. 24. F. 8. [2] ibid. n. 20.

[3] act. 15. a. can. 2. [4] Decr. Sess. 7. can. 1.

[5] Sess. 3. can. 3.

erri? & Branca, *Non aliquo pretio gratia Dei, & impositio manuum venditur*. Ideo anathema dicit danti, & accipienti. Et Florent. in decreto Eugen. *Sextum sacramentum est Ordinis, &c.* Et in Trident. post enumerata 7. sacramenta, inter quæ est istud: dicit anathema, *Si quis aliquod horum non esse verè, & propriè sacramentum dixerit*. Et alibi, cùm scripturæ testimonio, & Apostolica traditione, & patrum unanimi consensu perspicuum sit per sacram ordinationem.... gratiam conferri, dubitare nemo debet ordinem esse verè, & propriè unum ex 7. sacramentis. Item, si quis dixerit ordinem, seu sacram ordinationem non esse verè, et propriè sacramentum à Christo Domino institutum.... anath. sit.

Prob. 3. Ad rationem sacramenti nihil aliud requiritur, quàm ut sit *signum sensibile gratiam invisibilem ex institutione Divina significans, &c.* Sed hæc concurrunt in sacra ordinatione; ergo &c. maj. patet ex dictis de sacramentis in genere. prob. min. 1. est *signum sensibile*, quia ordines conferuntur per actus, & verba externa; sc. per manuum impositionem, aut traditionem alicujus rei, & cum certis verbis. 2. patet de *institutione Divina* ex Conciliis cit. & 3. de *causalitate gratiæ* patet ex iisdem. Et colligitur satis aperte ex Script. ut cum D. Paulus scribit ad Tim. [1] *noli negligere gratiam, quæ data est tibi per impositionem manuum presbyteris*. Et iterum, [2] *admonete, ut resuscites gratiam, quæ est in te per impositionem manuum mearum, &c.*

Prob. 4. ex SS. PP. & perpetua traditione, & praxi Ecclesiæ, qua constat hanc cæremoniam, & ministrorum Ecclesiæ institutionem semper habitam fuisse, ut verum Sacramentum, ut discurrenti per singulas ætates patebit.

Objic. 1. non constat ex scriptura, vel traditione de institutione ordinationis in ratione sacramenti; ergo gratis dicitur sacramentum. Prob. ant. Nam potius constat Christum ordinasse Apostolos sine ullo signo externo, ut patet in ultima cœna, cùm eos consecravit sacerdotes; ergo idem est de aliis.

Respondeo 1. neg. conf. nam Christus ut Deus; & ut habens potestatem excellentiæ poterat omnia con-

conferre sine ceremonia externa, & potuit aliter præcipere Apostolis.

Respondeo 2. neg. ant. Nam sicut dans illis potestatem remittendi peccata insufflavit eos, ita & dans eis potestatem conficiendi Eucharistiam, potuit hoc facere per aliquod signum externum, & de facto usus est verbis istis, *Hoc facite in meam commemorationem.*

Respondeo 3. neg. eandem conf. Nam sufficit, quod ex perpetuo usu, & traditione Ecclesiæ hoc ita determinetur: Ecclesia enim est fidelis interpret, & depositaria voluntatis Divinæ.

Inst. Sacramenta debent constare verbis, & rebus; sed non ita est de ordinatione; ergo &c. Prob. min. quia de neutro constat ex scriptura, sicut nec de institutione Divina, &c.

Respondeo neg. min. & 2. conf. Nam sufficit, quod hæc habeamus ex praxi, & traditione perpetua per Christum, & Apostolos.

Objic. 2. ex scriptura constat, quod inter fideles nulla est distinctio graduum; sed per baptismum omnes fiunt æquales; ergo ibi nullus est ordo, ergo nec ordinatio sacramentalis. prob. ant. [1] *Quicumque baptizati estis, Christum induistis: non est Judæus, nec Græcus, non est servus, neque liber; omnes vos estis unum in Christo* ꝑ. Item, [2] omnes fideles sunt sacerdotes, *Genus electum, Regale Sacerdotium*. Item Christus fecit nos omnes *Regnum, & Sacerdotes Deo*; ergo in Ecclesia non est ordo præminentiae, nec dignitatis; ergo nec ordinatio sacramentalis.

Resp. neg. 1. ant. & 2. conf. Neque enim talis æqualitas, & confusio decet Ecclesiam, imò ubique fit mentio de servis, & dominis in civilibus; de præpositis, & subditis in Ecclesia, quibus jubemur obedire. Loquitur ergo scriptura de æqualitate respectu prædestinationis ad gratiam, & gloriam, in quibus Deus nullam conditionem aspicit, sed sola merita. *Non est acceptatio personarum apud Deum*. Si quidem, [3] *omnes unum corpus sumus in Christo, una fides, &c.* Et sicut omnia unius corporis membra non eundem actum habent, nec ibi est æqualitas, nec confusio; ita est in Ecclesia. Loquitur etiam ibi de sacerdotio mystico, &

[1] Gal. 3.3.p.1. [2] Apoc. 2. [3] Rom. 2, inter

interno, quatenus quisque interna sacrificia, & oblationes facit Deo, non autem de externo, quod non spectat ad omnes.

Inst. ex Tertull. [1] *differentiam inter ordinem, et plebem Ecclesiæ constituit authoritas; ex parte autem Christi, nonne et Laici sacerdotes sumus? Scriptum est quoque, nos sacerdotes Deo, et patri suo fecit; ergo ordines, & ordinationes sunt ex institutione Ecclesiæ; ergo non sunt sacramenta.*

Resp. neg. ant. nec enim id intendit Tertull. Imò addit hoc esse à Deo. *Honor per ordinis confessum sanctificatus à Deo.* Docet æqualitatem inter sacerdotes, & Laicos quoad obligationem Monogamiæ, non autem æqualitatem status, nec dignitatis, quippe, *unius matrimonii esse oportere, quos allegi in ordinem sacerdotalem.* Et quoad hoc æquales eos facit. Vani sumus, si putaverimus, quod sacerdotibus non liceat; laicis licere, nonne et laici sacerdotes sumus. Vide rationem, *unusquisque enim de sua fide vivit.... Digamus tangit, digamus offert: &c.* Se internè per sacrificia fidei, orationum, jejuniorum, &c. non autem per sacrificia externa verisacerdotii.

Resp. 2. non magni faciendum hoc opus Tertulliani, quippe quod scripsisse dicitur post lapsum in errorem Montani, undenon mirum si irrepserint errores.

Objic. 3. Apud Græcos ordinatio dicitur manuum impositio: sed hæc impositio per se non est sacramentalis; ergo nec ordinatio. prob. min. Nam illa manuum impositio significat electionem per suffragia; ergo non est actio sacramentalis. prob. ant. nam in Concilio Laodicensi dicitur. [2] *Non licere manus impositionem super ordinandos fieri præsentibus Catechumenis.* Et in Carthag. III. *ut clerici non ordinentur, nisi omnes, qui cum eis sunt, fuerint fideles;* ergo illa manus impositio, & ordinatio intelliguntur de electionibus clericorum, quibus adesse non debent Catechumeni, vel infideles.

Resp. neg. min. & 2. & 3. conf. nam licet manuum impositio, & ordinatio supponant electionem ordinandorum, electi tamen ordinantur per actionem sacramentalem, ut etiam hodie fit de Episcopis electis, aut præsentatis per Reges, aut patronos.

Objic.

[1] *Exh. castit. 9.* [2] *ca. 18.*

Objic. 4. Si ordinatio esset sacramentum, darentur plusquam 7. sacramenta. Nam ipsi ordines, & ordinationes sunt 7. vel 8. Si Episcopatus est ordo distinctus à sacerdotio: sed conf. est falsum, & contra Concilia, & contra nos; ergo &c.

Respondeo neg. maj. & dist. prob. ordines sunt 7. vel 8. in speciebus subalternis: & quasi partialiter, congenericè, seu in specie totali, & integra: neg. maj. quia singulæ ordinationum referuntur, & constituunt unum totale sacramentum unitate generica, & reductivè: & sic non sunt nisi unum sacramentum totale.

CONCLUSIO II.

Sacramentum Ordinis fuit à Christo D. institutum; & probabiliter in ultima cœna.

Probatur 1. ex Scoto cit. [1] Nam in definitione huius sacramenti facit mentionem de institutione divina, ut patet ex citato textu. Et infra dicit, quod in consecratione sacerdotum *Episcopus concorditer agit cum summo Episcopo Christo, qui, ut dictum est prius, contulit potestatem Apostolis tam conficiendi, quàm absolvendi*; ergo censet ordinationem sacramentalem institutam esse à Deo Christo.

Prob. 2. ex præcedenti; nam hoc ipso, quod probavimus esse sacramentum: sequitur esse institutum à Christo: quia hæc institutio est essentialis sacramento.

Prob. 2. p. nam in ultima cœna Christus instituit sacerdotes, dans eis potestatem conficiendi, & ministrandi Eucharistiam; ut diximus aliàs; ergo tunc instituit ordines: nam sacerdotium est principalis ordo quoad præstantiam ministerii.

Probatur 2. ex Trid. [2] Christus Sacerdos secundum ordinem Melchisedech constitutus corpus, & sanguinem suum sub speciebus panis, & vini Deo patri obtulit: ac sub eorumdem rerum symbolis, Apostolis, quos tunc novi testamenti Sacerdotes constituebat, ut sumerent, tradidit, & eisdem, eorumque successoribus in sacerdotio, ut offerrent, præcepit per hæc verba, hoc facite, &c. Et infra, si quis dixerit illis verbis, hoc facite in meam commemorationem, Christum non instituisse Apostolos sacerdotes: &c. anath. sit. Per hoc factum

T 3

[1] Ibid. H. 9. [2] Sess. 22, c. 1.

factum instituit omnes inferiores ordines, & eisdem consulit potestatem ordinandi successores. Nam sub potestate Sacerdotali omnes alii inferiores ordines comprehenduntur quasi sub capite, & principali, & quasi consummatione, ac fine.

Confir. Non enim apparet, nec potest rationabiliter assignari aliud tempus, vel occasio talis institutionis, quam cum ipsam Eucharistiam instituit.

QUÆSTIO II.

De unitate, & multiplicitate ordinis sacramentalis.

JAm tetigimus dubium de unitate hujus sacramenti, ubi de numero sacramentorum, & in quæst. præcedenti, sed adhuc id examinandum specialiter, quia cū non numeretur in numero sacramentorū nisi pro uno inter septem, & tamen certum sit plures dari ordinationes; meritò quærimus, qualis sit ejus unitas in illa pluralitate; & quanta illa pluralitas, seu, quot sint illi ordines.

CONCLUSIO I.

Sacramentum ordinis est unum unitate generica, non verò specifica. Est communis.

Prob. 1. ex Scoto, [1] pater, quomodo ordines illi septem, qui sunt institutiones in ordinibus, dicuntur consineri sub sacramento ordinis, vel magis propriè sub sacramento ordinationis, in quantum est unum sacramentum. Et quærens [2] qualiter sacramentum ordinis est unum? R. unitate generis propinqui, &c.

Prob. 2. Omnes ordines conveniunt in ratione talis sacramenti, prout definitum est supra, ut patet; ergo habent quoad hoc unitatem genericam.

Prob. 2. p. Nam sub illo uno genere, seu ratione generica continentur plures gradus illam univocè participantibus sub diversis rationibus specialibus; ergo non est unum specie sacramentum, sed multiplex. prob. ant. Nam Diaconatus, & Subdiaconatus, & Presbyteratus sunt diversi ordines, & separatim cōse-

run-

[1] Ibid. H. 10. [2] Ibid. L. 11.

runtur, & diversis subjectis; ergo &c. prob. ant. habent diversa munia, actus, & effectus specie diversos, sicut in familia, cancellarius, pincerna, senescalcus, sunt officia diversa, & gradus specie differentes: sic subdiaconus non exercet officium diaconi, &c.

Confir. Nam conferuntur diversis actibus, materiis, & formis, ut patebit; ergo sicut alia sacramenta dicuntur diversa ex materiæ, & formæ diversitate, ita & istæ ordinationes sunt diversa sacramenta.

Confir. 2. Nam aliqui ordines non sunt sacri, alii sunt sacri, in primis sunt quatuor minores, & in istis sunt tres majores, sc. subdiaconatus, diaconatus, & sacerdotium; ergo differunt specie.

CONCLUSIO II.

Ordines sacramentales sunt principaliter septem: sc. *Officiarius, Lectoratus, Exorcistatus, Acolythatus, Subdiaconatus, Diaconatus, & Presbyteratus.*

Prob. 1. ex Scoto. [1] *In Ecclesia sunt tantum septem ordines, quorum primus est disponens ad consecrationem Eucharistiæ, & est sacerdotium. Secundus... est diaconatus, &c.*

Prob. 2. ex Concil. Trid. [2] definiente; *Si quis dixerit præter sacerdotium non esse in Ecclesia catholica alios ordines, & majores, & minores, per quos velut per gradus quosdam in sacerdotium tendatur, anathema sit.* Ipsos enumerat c. 2. sc. *Sacerdotes, diaconos, & subdiaconos, &c.*

Confir. ex SS. Canonibus, in quibus singuli enumerantur, ut cap. [3] perlectis, & de hoc non est difficultas, nec controversia inter catholicos.

Objic. 1. non plures sunt ordines, quam qui numerantur in Scriptura, & Patribus: sed ibi non numerantur nisi tres, Episcopatus, presbyteratus, & diaconatus; ergo non sunt plures. prob. min. nam in tota Scriptura nihil legitur de subdiaconatu, nec de minoribus: idem de S. Dionysio in sua Hierarchia Ecclesiastica: & de S. Hieronymo, qui non agnoscit in Ecclesia nisi quinque status: Episcoporum, presbyterorum,

T 4

rum,

[1] *ibid. D. 6.*

[2] *Sess. 3. can. 2. & cap. 2.*

[3] *disp. 25. & 23.*

rum Diaconorum, fidelium, & Catechumenorum; ergo inter ordines non sunt nisi tres illi.

Resp. neg. min. & conf. prob. nam inquit Doctor, Scriptura, & antiqui Patres nascentis Ecclesiæ non meminerunt ordinum inferiorum, quia ob paucitatem fidelium non poterant conferri diversis personis, sed ministeria inferiora supplebantur à Diaconis. [1] *In primitiva Ecclesia erant pauci credentes, & ideo pauci ministri sufficiebant ad dispensandam Eucharistiam.* Et hodie in pagis inter solemnia non adhibentur tot ministri.

Objic. 2. Ecclesia Græca non agnoscit nisi 4. ordines, lectorarum, cum tribus majoribus; ergo ex institutione Divina non sunt plures. prob. ant. nam ibi Sacerdos obit munus Exorcistæ; sicut in Ecclesia Latina subdiaconus, aut Lector supplet officia Ostiarii, & Acolythi; ergo &c. ita refert Arcudius.

Resp. neg. ant. nam plures Partes mentionem faciunt de omnibus. S. Ignatius salutatur *presbyterum, diaconos, subdiaconos, lectores, cantores, ostiarios, laborantes, exorcistas, confessarios, &c.* Et Epiphanius. [2] memorat lectores, exorcistas, *interpretes linguarum, laborantes, qui corpora mortuorum deponebant, janitores, &c.* Concil. Laodic. memorat. *Lectores, cantores, ostiarios, &c.* Uno verbo, sufficit nobis Ecclesiam hos quatuor retinuisse.

Objic. 3. Episcopatus est ordo distinctus à sacerdotio; ergo sunt saltem octo.

Resp. dist. ant. Distinctus inadæquatè, con. adæquatè: neg. ant. Nam Episcopatus includit essentialiter Sacerdotium; ita ut non valeret ordinatio Episcopi, nisi esset sacerdos; non ita est de aliis, qui regulariter quidem subordinantur sacerdotio, sed non ita essentialiter, quin possent valide separari, ut suppono ex dicendis. Præterea, cum Episcopatus longè supereminet sacerdotio, & ab eo incipiat Hierarchia, censetur quasi extra ordinem respectu aliorum, sed de hoc infra.

QUÆ-

[1] *Ibid.* K. 11. [3] *Ep. ad Antioch.*

QUÆSTIO III.

*An Episcopatus, et tonsura sint ordines distincti ab aliis.
Quid de Corepiscopis.*

Tonsura est ritus, & cœremonia, qua quis à laicorum statu in clericalem militiam introducitur. Dicitur *tonsura* propter tonsuram capillorum in capite per modum Crucis, qua significatur illum devoveri Deo, relictis sæcularibus curis, & pompis. Ideo dicit, *Dominus pars*, &c. ideo clerici graviter prohibentur nutrire comam.

Duplex est hæc tonsura, una, quam clerici deferunt in summitate capitis in modum coronæ, & figura orbiculari, & hæc præcipuè distinguit clericos à laicis; alia semel celebrata ab Episcopo absente extrema capillorum in modum crucis à sincipite ad occiput, & ab aure dextra ad sinistram. Hæc autem semel celebratur, quando scilicet quis ad clericatum destinatur, illa verò semper deferenda est, alioqui amittitur privilegium clericale. Et quæstio est de *tonsura actuali*, an sit sacramentum, & inter ordines numeranda.

Quoad Episcopatum considerari potest secundum potestatem jurisdictionis, qua regit, & imperat aliis ordinibus Ecclesiæ, & ipsam Ecclesiam regit, etiam laicos in his, quæ pertinent ad religionem, vel in *potestate ordinis*, quæ consistit in actibus sacris, v. gr. in consecratione, & dispensatione Eucharistiæ, quam habet ex Sacerdotio, & in collatione aliorum ordinum, scilicet Sacerdotii, Diaconatus, &c. De prima potestate non est quæstio: nam præcisè quoad illam jurisdictionem certum est ordinationem Episcopi non esse sacramentum, quia multi simplices Sacerdotes exercent jurisdictionem illam; sed quæstio est de ordinatione Episcopi quoad illam potestatem ordinis, an sit sacramentum, & an Episcopatus sit ordo distinctus à Sacerdotio.

CONCLUSIO I.

Probabilius est Episcopatum esse ordinem à Sacerdotio distinctum, saltem inadæquatè. Est hodie communis contra plures antiquos.

Prob. 1. ex Scoto, [1] qui licet in scripto Oxoniensi videatur dubius, & nolit hoc decidere, tamen in Parisiensi, seu Reportatis [2] positivè dicit, quod Episcopatus est ordo, & habes gradum eminentiorem, cui conjungitur omnis gradus inferior, & per consequens auctoritas, & potestas exequendi omnem actum pertinentem ad quemcumque gradum in Ecclesia, quia nullus est Episcopus, qui non sit Sacerdos, Diaconus, &c. Et id probat, maximè quia quidam actus competunt Episcopo soli, qui non competunt aliis ordinibus; ergo ex Scoto episcopatus est ordo sacramentalis, & distinctus.

Prob. 2. ex Script. nam D. Paulus [3] loquens de ordinatione Timothei in Episcopum, dicit, *Noli negligere gratiam, quæ data est tibi per prophetiam cum impositione manuum presbyterii*. Item, [4] *ut resuscites gratiam Dei, quæ est in te per impositionem manuum mearum*. Sed inquit S. Dionys. [5] *Manuum impositio docet eos, qui ordinibus sacris mancipantur, sacras omnes actiones, quasi sub Deo efficere*.... indicat protectionem principis perfectoris Dei, qua internè.... ab eo gubernatur.... qua virtutem, & robur ipsi largitur, &c. ergo consecratio, seu ordinatio Episcopalis est sacramentum, quod confertur per impositionem manuum. Sic Paulus ipse, & Barnabas ordinati sunt, cum ceteri Apostoli, [6] *jejunantes, & orantes, imponentesque eis manus dimiserunt illos*; quod confirmat S. Leo epist. ad Dioscorum.

Dices, hæc non posse intelligi de ordinatione, 1. quia Paulus jam antea fuerat electus à Christo in Apostolum. 2. quia id non potuit contingere, nisi vel prima vice, qua ascendit Jerosolymam, scil. anno tertio conversionis suæ, vel secunda vice, scil. post 14. annos, & utraque vice jam erat Apostolus jam prædicaverat, & alias functiones Apostolicas exercuerat.

Con-

[1] 4. d. 24. B. 5. [2] *ibid.* n. 7. [3] 1. Tim. 4.

[4] 2. Tim. 1. [5] Eccl. Hier. 5. [6] Act. 13.

Contra. Neutro illo tempore id contigit, sed medio quodam, sc. anno Christi 44. quo Antiocheni per illos collectam factam pro Apostolis miserunt Ierosolymam, & tunc redeuntes ordinati sunt. Non legitur autem, quod ante id tempus Ecclesiam ullam fundaverit, vel quemquam ordinaverit Paulus, sed tantum, quod prædicabat, & docebat, & licet Christus ipse per se immediate elegerit, tamen electio illa erat privata adhuc, & non solemnis in facie Ecclesiæ, donec impositæ sunt illi manus ab aliis Apostolis; ergo &c.

Prob. 3. ex Concil. Trid. [1] docente, præter ceteros Ecclesiasticos gradus, Episcopos, qui in Apostolorum locum successerunt, ad hanc hierarchiam præcipue pertinere, & positos, dicit Apostolus, à Spiritu S. regere Ecclesiam Dei. Et definit hierarchiam à Deo institutam in Ecclesia constare Coepiscopis, Presbyteris. Et si quis dixerit Episcopos non esse presbyteris superiores, vel non habere potestatem confirmandi, & ordinandi, vel eam, quam habent, illis esse cum presbyteris communem. Et, Si quis dixerit Episcopos, qui autoritate Romani Pontificis assumuntur, non esse veros Episcopos ... anathema sit; ergo ordinatio Episcoporum est verum sacramentum distinctum à Sacerdotali.

Idem colligitur ex Carthagin. IV. ubi dicitur, Episcopus cum ordinatur, duo Episcopi teneant, & ponant Evangeliorum codicem super caput, &c. ergo ordinatio Episcopi est sacramentum distinctum, quia est ordinatio diversa.

Prob. 4. ex Patribus; qui Episcopatum vocant ordinem, ut S. Dionys. cit. [2] qui tres ordines Ecclesiasticos enumerat, sc. Diaconorum, Presbyterorum, & Episcoporum. Et Epiph. [3] Dicere Episcopum, & presbyterum æquales esse, quomodo erit possibile? Episcoporum enim ordo patrum generator est. Patres enim generat ... Ecclesia, Presbyterorum vero ordo non potens generare patres, per lavacri regenerationem generat filios Ecclesiæ, non tamen patres; & sic de aliis; ergo sacramentum hoc differt ab aliis ordinationibus.

Prob. 5. Episcopatus est gradus præeminens, & potestas ad actus sacramentales distinctos à potestate, & actibus Sacerdotii; ergo est ordo distinctus, & ordi-

T 6

na-

[1] sess. 23. c. 4. [2] Eccles. hier. c. 5.

[3] hæc. 75.

natio ejus est sacramentum distinctum à Sacerdotio, & ejus ordinatione: nam inde petitur distinctio ordinum, & ordinationum. Prob. ant. nam actus, & potestas ordinandi presbyteros, & diaconos, & confirmandi, & consecrandi chrisma differunt ab actibus conficiendi Eucharistiam, & remittendi peccata; sed illi spectant ad solos Episcopos, & isti sunt communes Episcopis, & presbyteris; ergo &c.

Confir. nam ordines singuli distinguuntur per materiam, & formam; sed materia, & forma ordinationis Episcopi, & presbyteri differunt; ergo & ipsæ ordinationes.

Dixi, *saltem inadæquatè*: nam Episcopatus includit presbyteratum, non autem iste includit Episcopatum, & iste addit illi novum gradum supra presbyteratum.

Objic. 1. Apostolus presbyteros, & Episcopos pro eodem ordine confundit; ergo non putat eos distingui. Prob. ant. non memorat nisi Episcopos, & diaconos; sed presbyteros non memorat sub nomine diaconorum; ergo sub nomine Episcoporum, & sic eos confundit. Prob. maj. Scribit. [1] *Omnibus sanctis qui sunt Philippis, coepiscopis, et diaconibus*; & scribens ad Timotheum, [2] præscribit condiciones Episcopi, & diaconi. *Oportet Episcopum irreprehensibilem esse... Diaconos similiter pudicos, non bilingues*, &c. sed non omisit salutare presbyteros, nec omittere condiciones requisitas ad talem ordinem, nisi putasset eos contineri sub Episcopatu; ergo putavit Episcopatum, & Sacerdotium esse eundem ordinem.

Respon. neg. 1. conf. & dist. 1. maj. Non meminit, nisi Episcoporum quoad vocem, conc. quoad rem, neg. maj. & 2. conf. & idem dico ad 2. maj. nam, ut notat S. Chrysost. [3] tunc nomina Sacerdotis, & Episcopi erant adhuc communia, quamvis officia essent distincta: nam inquit, *an unius civitatis multi erant Episcopi? nequaquam; sed presbyteros isto nomine appellavit*. Quippe ob paucitatem fidelium iidem utroque munereungebantur, sc. Episcopali, & Sacerdotali: nam omnis Episcopus est etiam Sacerdos, sed non vicissim; ideo in Episcopis salutabat etiam Sacerdotes, in quibus requirebat easdem virtutes, licet diversa, & inæqualia essent munia. *Procedente verò tempore, proprium*

cui-

[1] Philip. 1. [2] 1. Tim. 1. [3] ibid. ser. 1.

cuique distributum est nomen; imò et ipse etiam Episcopus vocabatur diaconus.

Inst. ex D. Hieron. Idem est presbyter, qui Episcopus, et antequam diaboli instinctu studia in religione fierent, et dicerentur in populis, ego sum Pauli, communi presbyterorum consilio Ecclesiæ gubernabantur; ergo presbyteratus, & Episcopatus sunt idem ordo.

Resp. neg. conf. Nec enim id somniavit S. Doctor, sed solum vult, quod ab initio ante schisma Corinthianum, in quo dicebant fideles, ego sum Pauli, et ego Cephe, eodem nomine vocabantur presbyteri, & Episcopi, ut dicebamus ex Chrysostomo, & cum in singulis urbibus non constituerentur Episcopi, benè verò presbyteri, illæ regebantur communi consilio presbyterorum; sed numquam putavit simplicem Sacerdotem æquandum Episcopo in dignitate, & potestate.

Objic. 2. Episcopatus, ut distinctus à Sacerdotio, non ordinatur ad Eucharistiam conficiendam, & administrandam: nam sub hac distinctione, & respectu est supra Sacerdotium; ergo sub hac distinctione non est ordo sacramentalis. Prob. conf. ex definitione ordinis sacramentalis, qui habet ministerium aliquod circa Eucharistiam; sed Episcopatus, ut distinctus à Sacerdotio, non habet tale ministerium; ergo, ut distinctus, non est ordo sacramentalis.

Resp. neg. ant. & min. nam Episcopus etiam, ut distinctus, & superior presbytero, est minister ipsius ordinis Sacerdotalis, & illi confert potestatem conficiendi Eucharistiam, & aliis ordinibus inferioribus illam ministrandi; item consecrat templa, & altaria, vasa, & vestes sacras, quæ inserviunt illi ministerio; & hoc sufficit, ut illi conveniat dicta definitio.

Inst. De ratione ordinis sacramentalis est, ut exigat tempus certum, in quo conferatur; sed nullum tempus determinatur pro ordinatione Episcopi; ergo non est ordo sacramentalis.

Respon. neg. maj. nam licet Ecclesia determinaverit quædam tempora ordinationum, id tamen non est de essentia ordinum sacramentalium, ut patet ex praxi.

Resp. 2. neg. min. Nam Episcopi non debent consecrari, nisi in die Dominico, aut solemnī festivo.

CONCLUSIO II.

Tonsura clericalis non est propriè ordo, nec psalmista, nec cantor, nec laborans, seu solarius. Est communis contra paucos, qui volunt tonsuram esse ordinem.

Prob. 1. ex Scoto. [1] Nego primam tonsuram esse ordinem. Et cum dicis esse signum rei sacræ, respondeo non esse signum practicum efficax rei sacramentalis, id est gratiæ, &c.

Prob. 2. ex Conc. Trid. cit. [2] quod tonsuram clericalem non ponit inter ordines, sed ut dispositionem ad illos, ut qui jam clericali tonsura insigniti essent, per minores, & majores ordines ad Sacerdotium ascenderent; ergo est tantum dispositio quædam prævia ad ordines, non ordo.

Prob. 3. nam ordo est gradus, seu potestas eminens in Ecclesia, & disponens ad aliquem actum eminentem exercendum in ea in ordine ad Eucharistiam; sed nihil tale confertur homini per tonsuram; ergo &c. Patet maj. ex definitione ordinis: nam in verbis, quæ habent rationem formæ in hac cæremonia, nihil tale significatur nec formaliter, nec virtualiter; ergo per illam non datur tonsurato potestas ulla.

Prob. 2. p. eadem ratione, quia nullum ex illis officiis dat potestatem, nec præminentiam ullam in Ecclesia ad exercendos ullos actus spectantes ad Eucharistiam, nec per ullam cæremoniam conferebantur, quæ significaret gratiam sacramentalem.

Consi. m. nam illis ministeriis destinabantur quidam officiales, aut laici, aut etiam ex aliis ordinibus, & illa spectabant ad aliqua opera disciplinæ Ecclesiasticæ, ut *notarii*, aut charitatis, ut *laborantes*, & *defensores*, ac *fossarii*, aut religionis, ut *custodes martyrum*. Ex simplicibus clericis assumebantur *laborantes*, qui mortuorum corpora curabant, & *fossarii*, qui illis sepeliendis operam dabant. Ex omni statu, etiam laicorum, erant *confessores*, qui coram gentibus, & regibus confitebantur nomen Dei, & Christi ejus. Ex ostiariis, & subdiaconis sumebantur *custodes martyrum*, sive *sanctuarii*, seu *martyrii*, in quo

[1] *ibid.* L. 12. [2] *ibid.* c. 2.

quo sub altari recondita erant corpora martyrum, & reliquiae, & apud Latinos dicebatur *confessio*: nam adhuc Romae *Confessio Sancti Petri* est locus sub altari, in quo primum requievit corpus ejus. Ex ordine lectorum sumebantur non solum *psalmistae*, & cum illis confundebantur, sed etiam *notarii*, qui res Ecclesiasticas, & maximè passionem martyrum scribebant. Ex omnibus sumebantur *defensores*, qui viduarum, & pupillorum, & afflictorum, & pauperum patrocinium exercebant. Idem est de *cantoribus*, qui etiam sumebantur ex laicis, imò & ex Catechumenis. Unde in Concil. Carthagin. IV. dicitur, quòd *psalmista*, idest cantor, potest absque licentia Episcopi, sola jussione presbyteri, officium suscipere cantandi.... dicens tibi presbytero, Vade, ut, quod ore cantas, & corde credis, operibus comprobas; ergo in his, & similibus nulla est forma sacramentalis, nec propriae ordinationis.

Objic. 1. cont. 1. par. Per tonsuram homo extrahitur ex statu laicali, & deputatur ad ministeria Ecclesiastica, & ei datur potestas cantandi laudes divinas. Et Innocentius III. [1] vocat illam ordinem, & denique gaudet privilegiis clericorum; ergo est verus ordo; & verum sacramentum.

Resp. dist. ant. Extrahitur initiativè, & dispositivè ad ordines, conc. in ratione veri ordinis, neg. antec. & conseq. nam 1. facultas, seu onus psallendi commune est omnibus, etiam laicis, imò & catechumenis, ut dicebamus. 2. Innocentius loquitur de ordine latè sumpto, & improprie, non rigorosè, pro actu sacramentali, sicut & Xyxtus V. cum illi tribuit characterem clericalem, scilicet sumit illud nomen pro aliqua nota externa, vel interna, qua designantur destinati ad statum Ecclesiasticum, ut simplices clerici. Imò ex constitutione Xyxti patet illum characterem, seu clericatum non esse verum ordinem; sed dispositionem ad ordines, quia dicit, [2] *Munus est Praesulum militiae clericali adscribere, & ad majores, & minores ordines promovere*; ergo non censet clericatum esse inter ordines majores, aut minores. 3. quia privilegium clericale conceditur etiam monachis, & monia-

[1] cap. Cum continget.

[2] Constit. 91.

nialibus: ergo non est signum veræ ordinationis sacramentalis.

Objic. 2. Conc. Trid. [1] graviter prohibet Episcopis non subditos promoveri ad sacros, vel minores ordines, vel primam tonsuram. Item, [2] quod tonsura non iniungitur, de quibus probabilis conjectura non sit eos hoc vitæ genus elegisse, ut Deo fidelem cultum præstent. Item, [3] Prima tonsura iniunctus privilegia fori non gaudeat, nisi beneficium Ecclesiasticum habeat, aut tonsuram clericalem, et habitum deferens, alicui Ecclesiæ ex mandato Episcopi deserviat. Denique per tonsuram destinantur ad maiores ordines; ergo ex Conc. Trid. tonsurati ponuntur inter ordinatos ad ministerium Ecclesiæ, & ipsius Eucharistiæ; ergo est verus ordo.

Resp. neg. conf. nam ex his ipsis textibus patet Concilium non æstimare clericalem tonsuram esse ordinem, sed ad ordines disponere, & ideo ligat hos clericos, ut ad illos ordines se disponant.

Objic. 3. Tonsura est signum rei sacræ; ergo est verum sacramentum ordinis. Prob. ant. nam significat hominem Deo consecrari; ergo &c.

Resp. neg. conf. Non enim quæcumque res sacra est effectus, & significatum sacramenti, sed gratia, & potestas exercendi aliquos actus sacros in Ecclesia in ordine ad Eucharistiam. Et hæc non significat tonsuram nec ad hoc sufficit illa simplex, & remota destinatio ad statum Ecclesiasticum, quam significat.

Objic. cont. 2. par. Concilia, & Patres reponunt illa ministeria, sc. cantores, psalmistas, &c. inter alios ordines; ergo censent illos esse ordines, ut sunt alii. Prob. ant. In Collectione Canonum dicitur, non liceat in pulpito canere, ac legere, nisi qui ab Episcopo lectores sunt ordinati. Et in Constit. Apost. eodem Can. prohibetur presbyteris ordinare diaconos, vel lectores, vel cantores, vel janitores, &c. id reservatur solis Episcopis. Et in Conc. Carthag. IV. Clericorum nomen etiam lectores, et psalmistæ, et ostiarii retineant; ergo ista ministeria inter veros ordines reputantur.

Respon. neg. consequ. tum quia cantores, psalmistæ, & lectores sæpius pro eodem ministerio reputantur,

[1] sess. 23. c. 4. de reform.

[2] ibid. c. 6.

[3] ibid. c. 2.

tum, quia nomen *ordinum* sumunt in latiori significatione, & minus rigorosa.

Quæres, *Quid dicendum de corepiscopatu, an esset ordo verus, & distinctus ab episcopatu, vel Sacerdotio.*

Resp. negativè: nam corepiscopi nomen significat episcopum pagi, seu oppidi, seu vici, quia isti extra urbem episcopalem episcoporum vices agebant, quasi eorum vicarii. Porro illorum aliqui erant verè episcopi consecrati, sed sine plebe, & de illis loquitur Isidorus, cum dicit, quod *in vicis, & in villis instituti gubernant commissas sibi Ecclesias, habentes licentiam constituere lectores, subdiaconos, exorcistas, presbyteros autem, & Diaconos ordinare non audent præter conscientiam Episcopi, in cuius regione præesse noscuntur.* Igitur ordine, seu consecratione erant episcopi, alii verò erant simplices Sacerdotes instituti ad formam 70. Discipulorum, non autem duodecim Apostolorum, quibus succedunt Episcopi, ergo corepiscopatus non est ordo distinctus ab episcopatu, ut patet de primis, vel à Sacerdotio, ut patet de ultimis.

DISPUTATIO II.

De causis, materiali, formali, efficiente, seu ministeriali, & suscipiente sacramenti ordinis.

Sequimur hîc eundem ordinem, quem servavimus in aliis, ut postquam vidimus de ejus essentia, & existentia, unitate, & divisionibus, agamus de ejus causis singulis, non quidem de finali, aut principali efficiente, de quibus nihil restat speciale, nec quidquam dici potest, quod non sit ei commune cum aliis, sed de materia, & forma, & ministro, & suscipiente, seu subiecto.

QUÆ.

QUÆSTIO I.

De materiæ, & forma ordinis sacramentalis.

Suppono ex dictis de sacramentis in communi, quod singula constant aliquibus rebus, vel actibus, tamquam materia, & verbis, tamquam forma, & quod ex illis verbis, & rebus constituitur materia una totalis, cujus forma, etiam totalis, est significatio gratiæ sacramentalis, quæ est propria cuique sacramento, v. g. in sacramento baptismi, materia remota, & partialis est aqua naturalis, & ablutio, qua tingitur puer; forma etiam partialis, & remota, sunt verba, *ego te baptizo*, &c. Ex utraque verò conflatur signum totale materiale, cujus forma totalis est significatio gratiæ abluentis animam; & sic de aliis.

Suppono 2. quod sicut Christus D. instituit omnia sacramenta, ita & eorum materiam, & formam in genere, vel specie: in genere quidem omnium, in specie verò aliquorum, & non omnium, saltem per se, sed specificam determinationem reliquit iudicio, & dispositioni ecclesiæ, modò tam res, quàm verba sint symbola, seu signa sensibilia apta ad significandos effectus singulorum. Sic diximus, quod in matrimonio voluit consensum contrahentium esse materiam ejus proximam, & totalem conflata ex personis contrahentibus, & verbis, quibus expriment consensum mutuum, sed rationem contractus reliquit dispositioni Ecclesiæ. Ita est de ordine, Christus determinavit materiam in genere tantum, quatenus voluit ordines conferri in rebus, & verbis aptis ad significandos eorum effectus, sc. potestatem singulis propriam exercendi actus etiam proprios in Ecclesia circa sacrificium Eucharistiæ, seu Missæ, sed electionem rerum, & verborum, ex quibus constant signa, seu sacramenta, singula illa reliquit Ecclesiæ.

Hinc est, quòd in Ecclesia tam Orientali, quàm Latina singuli ordines dantur per aliquos ritus, & signa actuum, & verborum sensibilibus idem significantium, sed in specie atoma diversa sunt, ut patet ex Ritualibus.

CON-

CONCLUSIO I.

Materia singulorum ordinum in Ecclesia Romana est porrectio instrumentorum, quibus exercentur illorum actus, & forma verba, quibus significatur potestas data ad illos actus exercendos in Ecclesia.

Prob. 1. ex Scoto, quatenus docet hoc sacramentum conferri in aliquo signo sensibili representante ministerium gradus, & per verba prolata cum debita intentione, & pro Sacerdotio assignat duas formas partiales, quarum altera confertur potestas conficiendi eucharistiam, in reliqua potestas absolvendi in penitentia; et istis conjunguntur duæ materiae, hoc est duo signa visibilia, propria forma, prima traditio calicis, & patenæ cum hostiis: Accipe potestatem celebrandi, &c. Forma impositio manus episcopi super caput, &c. ergo idem est de aliis cum proportionem.

Confir. ex eodem in Reportatis. Pater, quod materia hujus sacramenti est aliquod sensibile externum, vel ostensio gradus eminentis in aliquo signo visibili ad exercendum aliquem actum eminentem circa corpus Christi verum forma vero sacramenti, secundum diversas ordinationes sunt certa verba, quæ sunt scripta in libris Episcoporum. &c.

Prob. 2. ex Concilio Florent. [1] dicente, Sextum sacramentum est ordinis, cujus materia est illud, per cujus traditionem confertur ordo, sicut presbyteratus traditur per calicis cum vino, & patenæ cum pane traditionem forma Sacerdotii talis est, &c. Et Trid. [2] Patrum unanimi consensu perspicuum est, per sacram ordinationem, quæ verbis, & signis exterioribus perficitur, gratiam conferri. Signa autem alia non apparent præter porrectiones instrumentorum, nec alia verba, quàm quæ significant functiones singulorum; ergo &c.

Prob. 3. Nam certum est omnia sacramenta constare signis sensibilibus, tamquam materia, & verbis, tamquam forma; sed singuli ordines sunt sacramenta; ergo singuli constant materia, seu rebus, & verbis; sed nullæ res possunt aptius assignari, quàm porrectiones instrumentorum, quibus exercentur actus eorundem,

[1] decr. Euge. [2] Sess. 23 c. 3.

rum, nec verba ulla melius, quàm illa, per quæ significatur dari potestas illos actus exercendi circa eucharistiam; ergo &c.

Objic. Materia, & forma sacramentorum debet institui, & determinari ab authore illorum; sed neutra determinata est à Christo, quia neutra usus est ipse, nec de illis fit mentio in Scriptura; ergo &c.

Resp. ex dictis dist. maj. Determinari in genere, vel specie, con. maj. & neg. min. in specie semper, neg. maj. & conf. nam sufficit determinatio in genere, & quod determinationem in specie reliquerit Ecclesiæ suæ, ut de facto reliquit istam.

Objic. 2. materia, & forma sunt partes essentielles sacramenti, sine quibus non existit; sed sine porrectione instrumentorum valet ordinatio; ergo porrectio illa non est materia ordinationis. Prob. min. nam apud Græcos non porriguntur ulla instrumenta, & tamen validè ordinant; ergo &c.

Resp. dist. min. sine porrectione formali, con. sine porrectione virtuali, aut signo æquivalenti, neg. min. & 2. conf. Nam Græci non porrigunt quidem instrumenta, sed adhibent signa æquivalentia, quibus ex illius Ecclesiæ determinatione immediata, & Christi determinatione mediata idem cum verbis significatur, quod per nostram porrectionem instrumentorum, & per verba significatur apud Latinos.

Igitur materia ostiariatus remota sunt claves Ecclesiæ, proxima est earum traditio, cum cymbalo ad convocandum populum. Forma est ista, *Sic age, quasi redditurus Deo rationem pro his rebus, quæ his clavibus recluduntur*. Quippe officium ostiarii, qui est janitor, seu *aditus* dicitur, est aperire Ecclesiam fidelibus, & claudere infidelibus, aperire sacrarium, pulsare campanam, aperire librum prædicanti, & quæ sunt in Ecclesia, custodire, ne pereant.

Materia lectoratus est liber, & traditio libri lectionum facta per Episcopum, forma verò verba, quæ profert Episcopus porrigendo librum, *Accipe, & esto verbi Dei relator*, &c. Quippe officium ejus erat in Ecclesia legere Scripturam sacram. Dico *legere*, non autem *prædicare*, quod est munus diaconi.

Materia exorcistatus est liber, & traditio libri exorcismorum; forma autem sunt verba Episcopi dicentis,

tis, *Accipe, & commenda memoriae, & habe potestatem imponendi manus super energumenos, &c.* Officium enim exorcistarum erat imponere manus super energumenos, & expellere ab eis Dæmones, legendo super illos exorcismos Ecclesiæ, & sic eos præparare, ut sacris possent interesse, & participare de illis.

Materia Acolythatus est cereus, & traditio ejus-extincti, & urceoli vacui. Forma sunt verba Episcopi, *Accipe ceroferarium cum cereo.... Accipe urceolum ad suggerendum vinum, & aquam ad eucharistiam, &c.* Vides materiam hujus ordinis constare duabus partibus integrantibus, quæ sunt traditio cerei, & urceoli, cum verbis cuique convenientibus. Quia officium Acolythi est lumina accendere, & deferre, & cum his assistere Sacerdoti celebranti, & præparare, ac porrigere vinum, & aquam subdiacono.

Idem est de materia subdiaconatus: tradetur ordinando calix vacuus cum patena, quam tangit manu dextera, Episcopo dicente, *vide, cujus ministerium tibi traditur, &c.* Et liber Epistolarum, dicente eodem, *Accipe librum Epistolarum, & habe potestatem legendi eas, &c.* scilicet duplex quoque hic est materia, & forma, quia ministerium subdiaconi est potestas legendi solemniter Epistolam, & ministrandi vasa corporis, & sanguinis Christi, quæ tamen non tangit, ex quo in eis est corpus, & sanguis ille divinus.

Idem etiam est de diacono: nam materia ordinationis ejus consistit in traditione libri Evangeliorum, & impositione manuum Episcopi, cum verbis utrique actioni propriis: nam tradendo librum dicit, *Accipe potestatem legendi Evangelium, &c.* Et imponendo manus dicit, *Accipe Spiritum S. & ad resistendum Diabolo, & temptationibus ejus in nomine Domini.* Unde officium Diaconi est: 1. assistere Sacerdoti in his, quæ spectant ad sacrificium Missæ, cui materiam consecrandam à subdiacono acceptam porrigit. 2. Evangelium in Missa solemni cantare. 3. olim erat Calicem communicaturis porrigere, & dispensare. 4. erat baptizare. 5. prædicare verbum Dei populis, & Evangelium explicare. 6. Ecclesiæ thesauro, & oblatis eleemosynis præesse, & eas pauperibus

bus erogare, juxta episcopi, vel sacerdotis decretum; & præcipue cura illi erat fidelibus, qui ob confessionem fidei carceribus detinebantur, providendi; sed duo tantum, vel tria priora munia videntur propriè spectare ad hunc ordinem, quia præcipue concernunt eucharistiam, & sacrificium Missæ.

Materia presbyteratus sunt signa sensibilia, quæ in ejus collatione adhibentur, & forma sunt verba, quæ in illorum signorum exhibitione proferuntur. Signa principalia sunt 1. porrectio calicis cum patena, & hostia, & verba huic correspondentia sunt, *Accipe potestatem offerendi sacrificium Deo, missæque celebrandi*, &c. 2. manuum impositio cum his verbis, *Accipite spiritum S. quorum remisistis peccata*, &c. Nam sacerdotium duplicem habet potestatem, unam consecrandi eucharistiam, & aliam remittendi, aut retinendi peccata in sacramento poenitentiae. Quibus agere de administrationem extremæ unctionis.

Materia denique episcopatus est manuum impositio, & forma sunt verba hæc, quæ à tribus episcopis consecrantibus proferuntur super ordinandum. *Accipe spiritum S.* Quæ licet sint generalia, tamen satis notant eminentiam istius ordinis, & dignitatis, quatenus aliquo modo, & sine limitatione, & mensura datur Spiritus S. qui limitatè datur in aliis, scil. ad fines, & functiones eorum speciales.

Accedit quidem unctio capitis; & manuum, sicut in baptismo, & ordinatione sacerdotis, & alibi; sed conveniunt Theologi hanc non esse de essentia hujus sacramenti, nec enim legitur, quòd Apostolicam adhiberent, nec aliud signum, præter manuum impositionem.

Hæc autem breviter tetigisse sufficiat studentibus nostris. Qui plura volet, legat Cardinalem nostrum Brancatum, & Patrem Frassen.

Q U Æ S T I O II.

De ministro huius sacramenti.

QUærimus præcipuè de ministro ordinario, cui competit ex officio, & specialiter administratio singulorum ordinum.

C O N C L U S I O I.

Solus Episcopus est minister ordinarius huius sacramenti. Est communis.

Prob. 1. ex Scoto dicente, quod potestas, quam addit Episcopatus supra Sacerdotium, respicit aliquem actum sacramentalem, sc. confirmare, & ordines conferre, actus sunt proprii Episcopo Et in definitione ordinis dicit, quod est institutio in gradu Ecclesiæ facta ab Episcopo. Et si quæras.... Quis est minister idoneus? Dico, quod Episcopus, & solus in sacris ordinibus: in aliis autem non sacris, aliquando ex commissione, aliqui privilegiati, ut Abbates.

Prob. 2. ex Script. Nam Christus in ultima cœna ordinavit Apostolos in Sacerdotes, & ipsi Apostoli post ejus Ascensionem ordinarunt Episcopos, & Presbyteros, & Diaconos sic: *Paulus, & Barnabas constituerunt per singulas Ecclesias presbyteros.* Et Paulus dicit se ordinasse Timotheum, dicens, *noli negligere gratiam, quæ in te est cum impositione manuum presbyterii*, quod de se dicit, ut colligitur ex præcedenti, *Ut resuscites gratiam, quæ est in te per impositionem manuum mearum.* Et ad Titum, *Reliqui te Crætæ, ut ea, quæ desunt, corrigas, & constituas per civitates presbyteros, &c.*

Prob. 3. ex Concil. nam in Florent. dicitur, *Ordinarius minister huius sacramenti est Episcopus.* Et in Trid. dicitur, *Episcopus sacramentum confirmationis conferre, & ministros Ecclesiæ ordinare, &c.*

Confir. ex Patribus. Nam S. Dion. refert ritum ordinandi Episcopum, Sacerdotem, Diaconum, & alios à Pontifice, seu Episcopo. Idem docet Hieron. reservans Episcopo confirmationem, & ordinationem.

Objic. Coepiscopi olim conferebant ordines; sed illi

illi non erant Episcopi; ergo &c. Prob. maj. ex Concilio Antioch. Ubi de illis dicitur, quodd *ordinent leſtores, & ſubdiaconos, atque exorcistas*. Et in Nicæno permittitur eis *leſtores ordinare*; ergo &c.

Reſp. diſt. maj. Si erant Episcopi, & ex commiſſione Episcoporum, conc. ex poteſtate ordinaria, & ſi non erant Episcopi, neg. maj. & 2. conf. Nam in illo primo Concilio non permittitur eis ordinare diaconos, & in 2. dicitur expreſſè, quod *ex antiqua conſuetudine corepiscopos. Episcopi permiſſu oportet leſtores ordinare*; ergo id faciebant poteſtate delegata, etiam quamvis eſſent Episcopi, ut ſunt hodie Episcopi titulares, qui carent plebe: nihil enim facere poſſunt, niſi permiſſu diœceſani.

CONCLUSIO II.

Ordinatio minorum ordinum, imò & ſubdiaconorum, ac diaconorum poteſt committi preſbyteris, non Episcopis.

Prob. 1. ex Scoto citat. Nam in aliis non ſacris, aliquando ex commiſſione aliqui privilegiati, ut Abbates, ſc. ſunt miniſtri idonei minorum ordinum.

Prob. 1. ex Concil. Trid. *Abbatibus, & aliis quibuſcumque, quamvis exemptis, non liceat in poſterum intra fines alicujus diœceſis conſiſtentibus, etiam ſi nullius diœceſis, vel exempti eſſe dicantur cuiquam, qui regularis ſubditus ſibi non ſit conſuram, vel minores ordines conferre, &c.* ergo poſſunt ordinare Regulares ſibi ſubditos ordinibus minoribus, & Tonsura. Idem patet ex pluribus decretis Apoſtolicis, quæ habes apud Cardinalem de Laurea. Inter alia citat B. Innoc. VIII. an. 1489. pro Abbate Ciſterciensi, & aliis quatuor coabbatibus. *Ne Monachi dicti ordinis pro ſuſcipiendis ordinibus ſubdiaconatus, & diaconatus extra clauſtrum hinc inde diſcurrere cogantur, tibi, et ſucceſſoribus tuis, ut quibuſcumque dicti ordinis Monachis ſubdiaconatus, ac diaconatus ordines ritè conferre, &c.* ergo hæ ordinationes poſſunt delegari non Episcopis: nam à facto ad poſſe valet conſeq.

CONCLUSIO III.

Regulariter, & ex præcepto Ecclesiæ hodie requiruntur tres Episcopi ad consecrationem Episcopi.

Prob. 1. ex Script. cit. qua constat Timotheum fuisse ordinatum cum impositione manuum presbyterii, sc. manuum Pauli cum aliis Episcopis. Et ipse Paulus cum Barnaba ordinati sunt per Apostolos, qui erant Hierosolymis, quippe imponentes eis manus, dimiserunt illos.

Prob. 2. ex SS. Canonibus, & Concil. 1. in can. Apostolorum dicitur; *ex tribus Episcopis ordinetur Episcopus*. In Concil. Arelat. 1. prohibetur ordinare Episcopum nisi assumptis secum aliis 7. Episcopis (aut saltem) *sine tribus fratribus*. Et in Nicæno 1. *Episcopum convenit maximè quidem ab omnibus, qui sunt in provincia, ordinari: Si autem hoc difficile fuerit, saltem, illis consentientibus per scripta, ordinatio celebretur*. Idem statuitur in aliis pluribus. Et Gregor. Mag. ad Augustinum Anglorum Episc. scribit *Episcoporum ordinatio, sine aggregatis tribus, vel 4. Episcopis fieri non debet*. Et ad Bonifacium Moguntinum. *Quoties Episcopum consecraveris, duo, vel tres conveniant tecum Episcopi*.

Igitur varia fuerunt decreta Ecclesiæ circa ordinationem istam. Aliquando statutum erat, ut fieret à Metropolitano, præsentibus, aut consentientibus aliis comprovincialibus Episcopis, ut in Concilio Nicæno 1. Et in Concilio Africano, ut saltem à duodecim. Aliquando à duobus, ut in Can. cit. Apostol. & in Concilio Rhegiensi, ubi confirmatur ordinatione Episcopi Ebredunensis facta à duobus. Aliquando etiam ex Papæ dispensatione sufficit unus, ut dispensatum fuit à Gregorio XIII. cum Patriarcha Æthiopiæ, ut solus ordinaret Episcopos, si vellet. Idem concesserunt alii Pontifices commorantibus in Æthiopia, & America, & sic de aliis. Vide Cardinalem cit.

Dixi propterea, *Regulariter*. Nam hodie, & ab initio, & ferè semper, hæc ordinatio facta est à tribus.

2. Dixi, *Ex præcepto Ecclesiæ*: nam si adesset præceptum Divinum non posset in eo dispensari. Et non

legimus Christum in hoc quidquam determinasse, sed hoc dispositioni Ecclesiæ reliquisse.

Cur autem plures ad hoc requirantur Ministri, ratio esse potest, ut ex pluralitate in unum concurrentium repræsentetur Ecclesiæ unitas, quæ ex pluralitate coalescit. 2. Ad ampliorem gratiam, quæ convenit huic ordini, qui est plenitudo sacerdotii. 3. exiguntur plures; ne res tanti momenti, unius Episcopi iudicio permittatur.

Q U Æ S T I O III.

De subjecto ordinis.

Certum est 1. Suscipientem ordines debere esse baptizatum, quia baptismus est janua sacramentorum, ut sæpe dictum est, sed quaeritur, an Christiani omnis sexus, & ætatis, & conditionis possint valide, aut licite ordinari, v. g. fœminæ, aut pueri ante usum rationis? An spurii? &c.

C O N C L U S I O I.

Fœminæ ordinari non possunt valide, & hoc de jure divino æque, ac Ecclesiastico. Est communis contra Colliridianos Cataphrygas, qui volebant fœminas esse capaces sacerdotii.

Probatur 1. ex Scoto, [1] qui docet, quod hoc non est tenendum præcisè tamquam per Ecclesiam determinatum, sed habetur hoc à Christo. Non enim Ecclesia præsumpsisset totum sexum muliebrem privasse sine culpa sua actu, qui sibi licite competeret, & qui esset ordinatus ad salutem mulieris, & aliorum in Ecclesia per eam. Quia hoc videretur maximæ injustitiæ, non solum in toto sexu, sed etiam in paucis personis. Nunc autem, si de lege Divina licite posset competere mulieri ordo Ecclesiasticus, posset esse ad salutem, & earum, & aliorum per eas, &c.

Prob. 2. cum eodem ex Script. Nam inquit Apost. [2] Docere mulierem non permittas, neque dominari in virum, sed esse in silentio . . . non permittas, quia nec Christus permisit, cujus argumentum evidens accipitur, quia nec matrem suam posuit in aliquo gradu in

[1] d. 25. q. c. 4. [2] 1. cor. 11,

in Ecclesia, cui nulla alia potuit, vel non poterit in sanctitate comparari. Ratio autem naturalis huic dicto consonat, quam Apost. innuit, nam natura non permittit mulierem (saltem post lapsum) tenere gradum eminentem in specie humana. Si quidem est dictum sibi in pœnam peccati sui, sub viri potestate eris, &c.

Confir. hæc ratio ex eodem Apost. qui postquam vetuit permitti mulierem docere, nec dominari, addit, Adam enim prior formatus est, deinde Heva, Item, Adam non est seductus; mulier autem seducta in prævaricationem fuit; sc. Lex divina, quæ excludit fœminas ab Ecclesiasticis dignitatibus, & ordinibus, fundatur in lege primatus, qui pertinet ad virum, & in lege justitiæ, quæ non vult tantum onus credi sexui tam fragili: attenta sc. fragilitate, quam exhibuit in culpa, in cuius pœnam addicta est perpetuæ subiectioni.

Confir. 2. ex eodem Apostolo [1] prohibente fœminas, nequidem loqui in Ecclesia, ut interrogent, & discant. *Mulieres in Ecclesia taceant; non enim permittitur eis loqui, sicut & lex dicit. Si quid autem velint discere, domi viros suos interrogent, turpe est enim mulieri loqui in Ecclesia; ergo multò minus licebit eis loqui in docendo, vel administrando sacramenta.*

Prob. 3. Nam si sola Ecclesiæ lex id prohiberet, aliquando ipsa in hoc dispensasset in aliquot fœminis sanctissimis, & sapientissimis, ut dicebat Doctor de Maria Deipara: sed nusquam legitur Ecclesiam permisisse fœminam ullam ordinari. Unde Tertul. [2] dicebat, *Non permittitur mulieri in Ecclesia loqui; sed nec docere, nec tingere, nec offerre, nec ullius virilis muneris, nec dum sacramentalis officii sortem sibi vindicare.* Quod non solum ab initio nascentis Ecclesiæ, sed etiam ab initio mundi apud veræ Religionis cultores observatum est, ut nulla fœmina sacerdotali officio functa sit.

Prob. 2. p. de præcepto Ecclesiæ 1. ex Concil. Carthagin. IV. & Constantiensi, constitut. Martini V. prohibentur prædicare, & solemniter baptizare, in. Parisiensi VI. prohibentur Eucharistiam administrare. In Laodic. VI. prohibentur inservire altari, & lectiones legere, &c.

V 2

Obije,

[1] 1. Cor. 14. [2] de vel. virg. c. 8.

Objicies 1. Diaconissæ per veram ordinationem instituebantur; ergo Diaconatus conferebatur fœminis. Prob. ant. ex Tertull. [1] *Ecclesia bigamos non finit præsidere, aut viduam adlegi in ordinationem, nisi univiram non concedit.* Vides ordinationem viduæ. Et in Concil. Nicæno 1. postquam concessit Paulianistas rebaptizatos posse iterum ordinari ab Episcopo, similiter de Diaconissis, & universè de iis, qui in clero recensentur, eadem forma servabitur. Et in Chalcedon. [2] *Statuitur Diaconissam non ordinandam ante annum 40. & hanc cum summo libramine; si verò suscipiens manus impositionem, semet ipsam tradat nuptiis, gratiam Dei contumeliam faciens, anathematizetur.* Sed nihil clarius dici potest pro vera ordinatione; ergo &c.

Resp. dist. ant. & min. Per veram ordinationem cæremonialem: con. sacramentalem: neg. ant. & min. Nam illæ ordinationes fiebant quidem per aliquas cæremonias ab Ecclesia institutas, quibus fœminæ illæ ad quædam pia ministeria circa fœminas destinabantur, sed non ad ullum sacramentum, & maxime ad sacramentum altaris conficiendum, aut dispensandum; sed ut muliebris sexus honestati consulatur, si ve, ut baptismi tempore adsit . . . si ve cum nudandum est mulieris corpus, ne virorum, qui sacris operantur, aspectui sit exposita, sed à sola Diaconissa videatur, quæ sacerdotis mandato mulieris curam gerit. Inquit S. Epiphan. [3]

Objic. 2. In Canonibus antiquis quædam dicuntur presbyteræ, & Episcopæ; ergo sunt etiam capaces ordinis presbyteralis. prob. ant. ex Concil. Turon. [4] 11. *Episcopum non habentem, nulla sequitur turba mulierum . . . si inventus fuerit presbyter cum sua presbyterissa, aut Diaconus cum sua Diaconissa, aut subdiaconus, &c. per annum excommunicatus habeatur.* Et Gregor. Mag. mentionem facit de vestibus, quibus utuntur presbyteræ; ergo &c.

Resp. neg. ant. & 2. cons. Nam ita dicebantur illæ fœminæ, non quod participarent de illis ordinibus, sed quia mariti earum ordinati erant Episcopi, aut presbyteri; seu, sic vocabantur ex dignitate maritorum, à quibus

[1] c. 44. [2] can. 9. ca. 15.

[3] Her. 79. [4] can. 12. & 20.

quibus tamen divortium fecerant, nam inquit Concil. Antisiodor. [1] *Non licet presbytero in uno lecto post acceptam benedictionem cum presbyteria sua dormire.* Et in Concil. Trullano jubetur uxor Episcopi consecrati; *Monasterium ingredi procul ab Episcopi habitatione extructum.*

Objic. 3. Moniales Abbatissæ ordinantur vera ordinatione; ergo &c. prob. ant. Nam moniales deputantur Psalmodiæ Ecclesiasticæ, accinunt, & respondent Sacerdoti celebranti, & ministrant. Et Abbatissæ jurisdictionem exercent, non solum in suas Moniales, sed etiam in clericos, ut constat ex cap. *Dilecto*, ubi Honorius III. præcipit Abbati Abradensi, ut per censuras compellat clericos, & Canonicos obedire Abbatissæ de Brubigen. & *ejus salubria monita*, & *mandata observare*; ergo Monialium, & Abbatissarum vera est ordinatio.

Respondeo neg. 1. ant. & 2. conf. Imo inde constat nullam fuisse illius Abbatissæ jurisdictionem spiritualem, sed merè temporalem, & œcumenicam. Ille autem cantus non est actus veri ordinis, sed nudæ pietatis. Nam olim fideles omnes in Ecclesia psallebant simul, & promiscuè; sed jam id prohibitum est. Abbatissarum autem benedictio est purè cæremonialis, non sacramentum.

Objic. 4. ex script. [3] *In Christo ꝑ. non est servus, neque liber, non est masculus, neque femina*; ergo ex Christi voluntate omnia sacramenta sunt omnibus communia sine distinctione sexuum, nec conditionum.

Respond. ex Scoto. dist. conf. quoad consecutionem gratiæ, & gloriæ: con. quoad gradum habendum in Ecclesia, & quoad administrationem; neg. conf. nam quoad hoc *benè decet esse distinctionem inter virum, & mulierem in lege Christi*; quia hoc consonum est legi nature.

Colligis 1. Quod in primitiva Ecclesia fuerunt Diaconissæ, quarum munus erat, non quidquam agere circa sacramentum altaris, sed vel pauperum feminarum curam gerere, & foeminarum baptismo adesse, ut in iis nudandis, aut induendis non paterent oculis sacerdotis, &c. in iis abstergendis post unctionem, &c.

V 3

2. Col.

[1] c. 314. can. 48. [2] Gal. 3. [3] *ibid.* F. 8.

2. Colligis illas quidem per orationes, & manus impositionem solitas inaugurari, sc. deprecatoriè, sicut vivente Christo ungebant Apostoli infirmos: sed non erant actus sacramentales. Et hodie similes orationes, & cæremoniæ fiunt in monialium receptionibus, & professionibus, & Abbatissarum electionibus.

CONCLUSIO II.

Pueri ante usum rationis, imò & amentes, validè, sed non licitè possunt ordinari. Est communis.

Prob. 1. ex Scoto [1] dicente. *Primo modo*, (sc. licitè, & honestè) *puer non habens discretionem, non potest recipere ordines, quia non potest cum debita reverentia recipere talem gradum, qui confertur in ordine.* 2. *modo* (sc. licitè) *puer non potest recipere ordinem sacram, licet illo modo possit recipere ordines inferiores, &c.* ergo ex Scoto, tam pueri, quam amentes possunt validè ordinari, sed non licitè, nec honestè.

Prob. 2. nam, ordinis sacramentum, sicut nec Baptismus, nec confirmatio ad effectum suum non requirunt actum consensus ex parte suscipientium, sed ista possunt validè conferri in quavis ætate, etiam pueris, & amentibus; ergo & istud. prob. maj. Nam ille consensus requireretur vel ut materia, vel ut forma, vel ut conditio ad effectum ordinationis: sed nullum horum dici potest; ergo &c. Prob. min. 1. Non ut materia, vel forma, patet enim, quòd neutra includit actum consensus ex parte suscipientis magis, quam baptismus, vel confirmatio. 2. Non ut conditio; quia sacramentum ordinis non est minoris efficaciz, quam illa: sed efficacia baptismi, & confirmationis, imò nec Eucharistiæ, non pendet à consensu, seu acceptatione subiecti; ergo &c.

Prob. 2. ex SS. Canonibus, quia ætatem, & tempora ordinationum determinant, ut cap. *vel non*, de tempor. ordinat. ubi Honor. III. Suspendi jubet Episcopum, qui Diaconatum contulit puero ante 13. ætatis annum, & ipsum ordinatum ab executione ordinum, & vult, quòd Episcopus provideat puero de beneficio Ecclesiastico competenti. Et in Concilio Trid. [2] præfigitur ætas pro singulis ordinibus sacris.

Objic.

[1] d. 25. q. 2. A. 2. [2] Sess. Ref. c. 12.

Objic. con. 1. p. Ad validam ordinationem requiritur consensus suscipientis; sed puer, nec amens ante usum rationis non potest consentire; ergo nec ordinari. pro. maj. ex cap. *Majores*, ubi dicitur, quod inviti non baptizantur validè: *Tunc enim characterem sacramentalis imprimi operatio, cum obicem voluntatis contrariæ non invenit obfistentem*. Sed qui non consentit, est invitus; ergo &c.

Resp. dist. maj. Consensus negativè saltem; con. positivè: neg. maj. utramque. Nam Papa loquitur de contrarietate positiva, non de negativa. Imò non judicat hanc ordinationem invalidam, sicut nec baptismum, aut confirmationem: sed supponit ab eis imprimi characterem; quia pueri, & amentes non habent obicem contrariæ voluntatis, propriè loquendo:

Inst. Valida ordinatio includit votum, seu obligationem cælibatus, & suscipiens transfertur à statu laicali ad clericalem; sed hæc translatio requirit consensum positivum: non enim potest ligari nisi volens; ergo & ordinatio.

Resp. neg. maj. nam in baptismo contrahuntur non minores obligationes, & mutationes. Ibi fit mutatio à statu peccati, & æternæ damnationis, & servitutis diaboli ad statum gratiæ, & filiationis Divinæ, cum obligatione servandi leges Evangelicas, & Ecclesiasticas, ad quas baptizati omnes compelli possunt; ut constat ex eodem Canone; ergo sicut hæc non impediunt effectum baptismi, nec impressionem characteris, ita nec in isto.

Objic. 2. Episcopatus habet aliquam rationem matrimonii: Episcopi cum Ecclesia, quæ illi datur: sed matrimonium exigit consensum nubentibus, quem habere non potest puer, nec amens; ergo &c.

Resp. neg. maj. absolute; nam hoc dicitur metaphoricè. Matrimonium verum exigit consensum reciprocum inter nubentes; Ecclesia autem, quæ dicitur sponsa, non consentit, sed se habet purè passivè. Præterea multi consecrantur Episcopi sine Ecclesia sponsa.

Objicies 3. Episcopus, & Sacerdos sunt mediatores inter Deum, & populum: sed hoc non potest convenire puero, vel amentiantè usum rationis; ergo nec illi ordines. prob. min. mediatio non fit sine acceptione; ergo &c.

V. Resp.

bus erogare, juxta episcopi, vel sacerdotis decretum; & præcipuè cura illi erat fidelibus, qui ob confessionem fidei carceribus detinebantur, providendi; sed duo tantum, vel tria priora munia videntur propriè spectare ad hunc ordinem, quia præcipuè concernunt eucharistiam, & sacrificium Missæ.

Materia presbyteratus sunt signa sensibilia, quæ in ejus collatione adhibentur, & forma sunt verba, quæ in illorum signorum exhibitione proferuntur. Signa principalia sunt 1. porrectio calicis cum patena, & hostia, & verba huic correspondentia sunt, *Accipe potestatem offerendi sacrificium Deo, missasque celebrandi*, &c. 2. manuum impositio cum his verbis, *Accipite spiritum S. quorum remisistis peccata*, &c. Nam sacerdotium duplicem habet potestatem, unam consecrandi eucharistiam, & aliam remittendi, aut retinendi peccata in sacramento poenitentiae. Quibus adde administrationem extremæ unctionis.

Materia denique episcopatus est manuum impositio, & forma sunt verba hæc, quæ à tribus episcopis consecrantibus proferuntur super ordinandum. *Accipe spiritum S.* Quæ licet sint generalia, tamen satis notant eminentiam istius ordinis, & dignitatis, quatenus aliquo modo, & sine limitatione, & mensura datur Spiritus S. qui limitatè datur in aliis, scil. ad fines, & functiones eorum speciales.

Accedit quidem unctio capitis; & manuum, sicut in baptismo, & ordinatione sacerdotis, & alibi; sed conveniunt Theologi hanc non esse de essentia hujus sacramenti, nec enim legitur, quod Apostoli eam adhiberent, nec aliud signum, præter manuum impositionem.

Hæc autem breviter tetigisse sufficiat studentibus nostris. Qui plura volet, legat Cardinalem nostrum Brancatum, & Patrem Frassen.

Q U Æ S T I O II.

De ministro huius sacramenti.

QUærimus præcipuè de ministro ordinario, cui competit ex officio, & specialiter administratio singulorum ordinum.

C O N C L U S I O I.

Solus Episcopus est minister ordinarius huius sacramenti. Est communis.

Prob. 1. ex Scoto dicente, quod potestas, quam addit Episcopatus supra Sacerdotium, respicit aliquem actum sacramentalem, sc. confirmare, & ordines conferre, actus sunt proprii Episcopo ... Et in definitione ordinis dicit, quod est institutio in gradu Ecclesiæ facta ab Episcopo. Et si quæras.... Quis est minister idoneus? Dico, quod Episcopus, & solus in sacris ordinibus: in aliis autem non sacris, aliquando ex commissione, aliqui privilegiati, ut Abbates.

Prob. 2. ex Script. Nam Christus in ultima cœna ordinavit Apostolos in Sacerdotes, & ipsi Apostoli post ejus Ascensionem ordinarunt Episcopos, & Presbyteros, & Diaconos sic: Paulus, & Barnabas constituerunt per singulas Ecclesias presbyteros. Et Paulus dicit se ordinasse Timotheum, dicens, noli negligere gratiam, quæ in te est cum impositione manuum presbyterii, quod de se dicit, ut colligitur ex præcedenti, Ut resuscites gratiam, quæ est in te per impositionem manuum mearum. Et ad Titum, Reliqui te Creta, us ea, quæ desunt, corrigeas, & constituas per civitates presbyteros, &c.

Prob. 3. ex Concil. nam in Florent. dicitur, Ordinarius minister huius sacramenti est Episcopus. Et in Trid. dicitur, Episcopus sacramentum confirmationis conferre, & ministros Ecclesiæ ordinare, &c.

Confir. ex Patribus. Nam S. Dion. refert ritum ordinandi Episcopum, Sacerdotem, Diaconum, & alios à Pontifice, seu Episcopo. Idem docet Hieron. reservans Episcopo confirmationem, & ordinationem.

Objic. Coepiscopi olim conferebant ordines; sed illi

illi non erant Episcopi; ergo &c. Prob. maj. ex Concilio Antioch. Ubi de illis dicitur, quod *ordinent lectores, & subdiaconos; atque exorcistas*. Et in Nicæno permittitur eis *lectores ordinare*; ergo &c.

Resp. dist. maj. Si erant Episcopi, & ex commissione Episcoporum, conc. ex potestate ordinaria, & si non erant Episcopi, neg. maj. & 2. conf. Nam in illo primo Concilio non permittitur eis ordinare diaconos, & in 2. dicitur expresse, quod *ex antiqua consuetudine corepiscopos, Episcopi permisso oportet lectores ordinare*; ergo id faciebant potestate delegata, etiam quamvis essent Episcopi, ut sunt hodie Episcopi titulares, qui carent plebe: nihil enim facere possunt, nisi permisso diœcesani.

CONCLUSIO II.

Ordinatio minorum ordinum, imò & subdiaconorum, ac diaconorum potest committi presbyteris, non Episcopis.

Prob. 1. ex Scoto citat. Nam in aliis non sacris, aliquando ex commissione aliqui privilegiati, ut Abbates, &c. sunt ministri idonei minorum ordinum.

Prob. 2. ex Concil. Trid. *Abbatibus, & aliis quibuscumque, quamvis exemptis, non liceat in posterum intra fines alicujus diœcesis consistentibus, etiam si nullius diœcesis, vel exempti esse dicantur cuiquam, qui regularis subditus sibi non sit consuram, vel minores ordines conferre, &c.* ergo possunt ordinare Regulares sibi subditos ordinibus minoribus, & Tonsura. Idem patet ex pluribus decretis Apostolicis, quæ habes apud Cardinalem de Laurea. Inter alia citat B. Innoc. VIII. an. 1489. pro Abbate Cisterciensi, & aliis quatuor coabbatibus. *Ne Monachi dicti ordinis pro suscipiendis ordinibus subdiaconatus, & diaconatus extra claustrum hinc inde discurrere cogantur, tibi, et successoribus tuis, ut quibuscumque dicti ordinis Monachis subdiaconatus, ac diaconatus ordines ritè conferre, &c.* ergo hæ ordinationes possunt delegari non Episcopis: nam à facto ad posse valet consequ.

CONCLUSIO III.

Regulariter, & ex præcepto Ecclesiæ hodie requiruntur tres Episcopi ad consecrationem Episcopi.

Prob. 1. ex Script. cit. qua constat Timotheum fuisse ordinatum cum impositione manuum presbyterii, sc. manuum Pauli cum aliis Episcopis. Et ipse Paulus cum Barnaba ordinati sunt per Apostolos, qui erant Ierosolymis, quippe imponentes eis manus, dimiserunt illos.

Prob. 2. ex SS. Canonibus, & Concil. 1. in can. Apostolorum dicitur; *ex tribus Episcopis ordinetur Episcopus*. In Concil. Arelat. 1. prohibetur ordinare Episcopum nisi assumptis secum aliis 7. Episcopis (aut saltem) *sine tribus fratribus*. Et in Nicæno 1. *Episcopum convenit maximè quidem ab omnibus, qui sunt in provincia, ordinari. Si autem hoc difficile fuerit, saltem, illis consentientibus per scripta, ordinatio celebretur*. Idem statuitur in aliis pluribus. Et Gregor. Mag. ad Augustinum Anglorum Episc. scribit *Episcoporum ordinatio, sine aggregatis tribus, vel 4. Episcopis fieri non debet*. Et ad Bonifacium Moguntinum. *Quoties Episcopum consecraveris, duo, vel tres conveniant tecum Episcopi*.

Igitur varia fuerunt decreta Ecclesiæ circa ordinationem istam. Aliquando statutum erat, ut fieret à Metropolitano, præsentibus, aut consentientibus aliis comprovincialibus Episcopis, ut in Concilio Nicæno 1. Et in Concilio Africano, ut saltem à duodecim. Aliquando à duobus, ut in Can. cit. Apostol. & in Concilio Rhegiensi, ubi confirmatur ordinatio Episcopi Ebredunensis facta à duobus. Aliquando etiam ex Papæ dispensatione sufficit unus, ut dispensatum fuit à Gregorio XIII. cum Patriarcha Æthiopiæ, ut solus ordinaret Episcopos, si vellet. Idem concesserunt alii Pontifices commorantibus in Æthiopia, & America, & sic de aliis. Vide Cardinalem cit.

Dixi propterea, *Regulariter*. Nam hodie, & ab initio, & ferè semper, hæc ordinatio facta est à tribus.

2. Dixi, *Ex præcepto Ecclesiæ*: nam si adesset præceptum Divinum non posset in eo dispensari. Et non
Tom. VIII. V. legi.

legimus Christum in hoc quidquam determinasse, sed hoc dispositioni Ecclesiæ reliquisse.

Cur autem plures ad hoc requirantur Ministri, ratio esse potest, ut ex pluralitate in unum concurrentium repræsentetur Ecclesiæ unitas, quæ ex pluralitate coalescit. 2. Ad ampliorem gratiam, quæ convenit huic ordini, qui est plenitudo sacerdotii. 3. exiguntur plures; ne res tanti momenti, unius Episcopi iudicio permittatur.

QUÆSTIO III.

De subiecto ordinis.

Certum est 1. Suscipientem ordines debere esse baptizatum, quia baptismus est janua sacramentorum, ut sæpe dictum est, sed quaeritur, an Christiani omnis sexus, & ætatis, & conditionis possint valide, aut licite ordinari, v.g. foeminae, aut pueri ante usum rationis? An spurii? &c.

CONCLUSIO I.

Foeminae ordinari non possunt valide, & hoc de jure divino aequè, ac Ecclesiastico. Est communis contra Colliridianos Cataphrygas, qui volebant foeminas esse capaces sacerdotii.

Probatur 1. ex Scoto, [1] qui docet, quod hoc non est tenendum præcisè tamquam per Ecclesiam determinatum, sed habetur hoc à Christo. Non enim Ecclesia præsumpsisset totum sexum muliebrem privasse sine culpa sua actu, qui sibi licite competeret, & qui esset ordinatus ad salutem mulieris, & aliorum in Ecclesia per eam. Quia hoc videretur maximæ injustitiæ, non solum in toto sexu, sed etiam in paucis personis. Nunc autem, si de lege Divina licite posset competere mulieri ordo Ecclesiasticus, posset esse ad salutem, & earum, & aliorum per eas, &c.

Prob. 2. cum eodem ex Script. Nam inquit Apost. [2] Docere mulierem non permittas, neque dominari in virum, sed esse in silentio. . . . non permittas, quia nec Christus permisit, cujus argumentum evidens accipitur, quia nec matrem suam posuit in aliquo gradu

in

[1] d. 25. q. c. 4. [2] 1. cor. 11,

in Ecclesia, cui nulla alia potuit, vel non poterit in sanctitate comparari. Ratio autem naturalis huic dicto consonat, quam Apost. innuit, nam natura non permittit mulierem (saltem post lapsum) tenere gradum eminentem in specie humana. Si quidem est dictum sibi in pœnam peccati sui, sub viri potestate eris, &c.

Confir. hæc ratio ex eodem Apost. qui postquam vetuit permitti mulierem docere, nec dominari, addit, *Adam enim prior formatus est, deinde Heva*, Item, *Adam non est seductus; mulier autem seducta in prævaricationem fuit*, sc. Lex divina, quæ excludit fœminas ab Ecclesiasticis dignitatibus, & ordinibus, fundatur in lege primatus, qui pertinet ad virum, & in lege iustitiæ, quæ non vult tantum onus credi sexui tam fragili: attenta sc. fragilitate, quam exhibuit in culpa, in cujus pœnam addicta est perpetuæ subiectioni.

Confir. 2. ex eodem Apostolo [1] prohibente fœminas, nequidem loqui in Ecclesia, ut interrogent, & discant. *Mulieres in Ecclesia taceant; non enim permittitur eis loqui, sicut & lex dicit. Si quid autem velint discere, domi viros suos interrogent, turpe est enim mulieri loqui in Ecclesia*; ergo multò minùs licebit eis loqui in docendo, vel administrando sacramenta.

Prob. 3. Nam si sola Ecclesiæ lex id prob beret, aliquando ipsa in hoc dispensasset in aliquor fœminis sanctissimis, & sapientissimis, ut dicebat Doctor de Maria Deipara: sed nusquam legitur Ecclesiam permisisse fœminam ullam ordinari. Unde Tertul. [2] dicebat, *Non permittitur mulieri in Ecclesia loqui; sed nec docere, nec tingere, nec offerre, nec ullius virilis muneris, nec dum sacramentalis officii sortem sibi vindicare*. Quod non solum ab initio nascentis Ecclesiæ, sed etiam ab initio mundi apud veræ Religionis cultores observatum est, ut nulla fœmina sacerdotali officio functa sit.

Prob. 2. p. de præcepto Ecclesiæ 1. ex Concil. Carthagin. IV. & Constantiensi, constitut. Martini V. prohibentur prædicare, & solemniter baptizare, in. Parisiensi VI. prohibentur Eucharistiam administrare. In Laodic. VI. prohibentur inservire altari, & lectiones legere, &c.

V 2

Objic,

[1] 1. Cor. 14. [2] de vel. virg. c. 8.

Objicies 1. Diaconissæ per veram ordinationem instituebantur; ergo Diaconatus conferebatur fœminis. Prob. ant. ex Tertull. [1] *Ecclesia bigamos non finit præsidere, aut viduam adlegi in ordinationem, nisi univiram non concedit.* Vides ordinationem viduæ. Et in Concil. Nicæno 1. postquam concessit Paulianistas rebaptizatos posse iterum ordinari ab Episcopo, similiter de Diaconissis, & universè de iis, qui in clero recensentur, eadem forma servabitur. Et in Chalcedon. [2] *Statuitur Diaconissam non ordinandam ante annum 40. & hanc cum summo libramine; si verò suscipiens manus impositionem, semet ipsam tradat nuptiis, gratiam Dei contumeliam faciens, anathematizetur.* Sed nihil clarius dici potest pro vera ordinatione; ergo &c.

Resp. dist. ant. & min. Per veram ordinationem cæremonialem: con. sacramentalem: neg. ant. & min. Nam illæ ordinationes fiebant quidem per aliquas cæremonias ab Ecclesia institutas, quibus fœminæ illæ ad quædam pia ministeria circa fœminas destinabantur, sed non ad ullum sacramentum, & maxime ad sacramentum altaris conficiendum, aut dispensandum; sed ut muliebris sexus honestati consulatur, sive, ut baptismi tempore adfit . . . sive cum nudandum est mulieris corpus, ne virorum, qui sacris operantur, aspectui sit exposita, sed à sola Diaconissa videatur, quæ sacerdotis mandato mulieris curam gerit. Inquit S. Epiphan. [3]

Objic. 2. In Canonibus antiquis quædam dicuntur presbyteræ, & Episcopæ; ergo sunt etiam capaces ordinis presbyteralis. prob. ant. ex Concil. Turon. [4] *Episcopum non habentem, nulla sequitur turba mulierum . . . si inventus fuerit presbyter cum sua presbyterissa, aut Diaconus cum sua Diaconissa, aut subdiaconus, &c. per annum excommunicatus habeatur.* Et Gregor. Mag. mentionem facit de vestibis, quibus utuntur presbyteræ; ergo &c.

Resp. neg. ant. & 2. conf. Nam ita dicebantur illæ fœminæ, non quod participarent de illis ordinibus, sed quia mariti earum ordinati erant Episcopi, aut presbyteri, seu, sic vocabantur ex dignitate maritorum, à quibus

[1] c. 44. [2] can. 9. ca. 15.

[3] Her. 79. [4] can. 12. & 20.

quibus tamen divortium fecerant, nam inquit Concil. Antisiodor. [1] *Non licet presbytero in uno lecto post acceptam benedictionem cum presbytera sua dormire.* Et in Concil. Trullano jubetur uxor Episcopi consecrati; *Monasterium ingredi procul ab Episcopi habitatione extructum.*

Objic. 3. Moniales Abbatisſæ ordinantur vera ordinatione; ergo &c. prob. ant. Nam moniales deputantur Psalmodiæ Ecclesiasticæ, accinunt, & respondent Sacerdoti celebranti, & ministrant. Et Abbatisſæ jurisdictionem exercent, non solum in suas Moniales, sed etiam in clericos, ut constat ex cap. *Dilecto*, ubi Honorius III. præcipit Abbati Abradensi, ut per censuras compellat clericos, & Canonicos obedire Abbatisſæ de Brubigen. & *ejus salubria monita*, & *mandata observare*; ergo Monialium, & Abbatisſarum vera est ordinatio.

Respondeo neg. 1. ant. & 2. conf. Imò inde constat nullam fuisse illius Abbatisſæ jurisdictionem spiritualem, sed merè temporalem, & œcumenicam. Ille autem cantus non est actus veri ordinis, sed nudæ pietatis. Nam olim fideles omnes in Ecclesia psallebant simul, & promiscuè; sed jam id prohibitum est. Abbatisſarum autem benedictio est purè cæremonialis, non sacramentum.

Objic. 4. ex script. [3] *In Christo ꝑ. non est servus, neque liber, non est masculus, neque femina*; ergo ex Christi voluntate omnia sacramenta sunt omnibus communia sine distinctione sexuum, nec conditionum.

Respond. ex Scoto. dist. conf. quoad consecutionem gratiæ, & gloriæ: con. quoad gradum *habendum in Ecclesia*, & quoad administrationem; neg. conf. nam quoad hoc *benè decet esse distinctionem inter virum, & mulierem in lege Christi*; quia hoc consonum est *legi nature*.

Colligis 1. Quod in primitiva Ecclesia fuerunt Diaconissæ, quarum munus erat, non quidquam agere circa sacramentum altaris, sed vel pauperum fœminarum curam gerere, & fœminarum baptismo adesse, ut in iis nudandis, aut induendis non paterent oculis sacerdotis, &c. in iis abstergendis post unctionem, &c.

V 3

2. Col-

[1] c. 314. can. 48. [2] Gal. 3. [3] ibid. F. 8.

2. Colligis illas quidem per orationes, & manus impositionem solitas inaugurari, sc. deprecatoriè, sicut vivente Christo ungebant Apostoli infirmos: sed non erant actus sacramentales. Et hodie similes orationes, & cæremoniæ fiunt in monialium receptionibus, & professionibus, & Abbatissarum electionibus.

CONCLUSIO II.

Pueri ante usum rationis, imò & amentes, validè, sed non licitè possunt ordinari. Est communis.

Prob. 1. ex Scoto [1] dicente. *Primo modo*, (sc. licitè, & honestè) *puer non habens discretionem*, non potest recipere ordines, *quia non potest cum debita reverentia recipere talem gradum, qui confertur in ordine*. 2. *modo* (sc. licitè) *puer non potest recipere ordinem sacrum*, licet illo modo possit recipere ordines inferiores, &c. ergo ex Scoto, tam pueri, quam amentes possunt validè ordinari, sed non licitè, nec honestè.

Prob. 2. nam, ordinis sacramentum, sicut nec Baptismus, nec confirmatio ad effectum suum non requirunt actum consensus ex parte suscipientium, sed ista possunt validè conferri in quavis ætate, etiam pueris, & amentibus; ergo & istud. prob. maj. Nam ille consensus requireretur vel ut materia, vel ut forma, vel ut conditio ad effectum ordinationis: sed nullum horum dici potest; ergo &c. Prob. min. 1. Non ut materia, vel forma, patet enim, quòd neutra includit actum consensus ex parte suscipientis magis, quam baptismus, vel confirmatio. 2. Non ut conditio; quia sacramentum ordinis non est minoris efficaciz, quam illa: sed efficacia baptismi, & confirmationis, imò nec Eucharistiæ, non pendet à consensu, seu acceptione subiecti; ergo &c.

Prob. 2. ex SS. Canonibus, quia ætatem, & tempora ordinationum determinant, ut cap. *vel non*, de tempor. ordinat. ubi Honor. III. Suspendi jubet Episcopum, qui Diaconatum contulit puero ante 13. ætatis annum, & ipsum ordinatum ab executione ordinum, & vult, quòd Episcopus provideat puero de beneficio Ecclesiastico competenti. Et in Concilio Trid. [2] præfigitur ætas pro singulis ordinibus sacris.

Objic.

[1] d. 25. q. 2. A. 2. [2] Sess. Ref. c. 12.

Objic. con. 1. p. Ad validam ordinationem requiritur consensus suscipientis; sed puer, nec amens ante usum rationis non potest consentire; ergo nec ordinari. pro. maj. ex cap. *Majores*, ubi dicitur, quod inviti non baptizantur validè: *Tunc enim characterem sacramentalis imprimi operatio, cum obicem voluntatis contrariæ non invenit obfistentem*. Sed qui non consentit, est invitus; ergo &c.

Resp. dist. maj. Consensus negativè saltem; con. positivè: neg. maj. utramque. Nam Papa loquitur de contrarietate positiva, non de negativa. Imò non judicat hanc ordinationem invalidam, sicut nec baptismum, aut confirmationem: sed supponit ab eis imprimi characterem; quia pueri, & amentes non habent obicem contrariæ voluntatis, propriè loquendo:

Inst. Valida ordinatio includit votum, seu obligationem cælibatus, & suscipiens transfertur à statu laicali ad clericalem; sed hæc translatio requirit consensum positivum: non enim potest ligari nisi volens; ergo & ordinatio.

Resp. neg. maj. nam in baptismo contrahuntur non minores obligationes, & mutationes. Ibi fit mutatio à statu peccati, & æternæ damnationis, & servitutis diaboli ad statum gratiæ, & filiationis Divinæ, cum obligatione servandi leges Evangelicas, & Ecclesiasticas, ad quas baptizati omnes compelli possunt; ut constat ex eodem Canone; ergo sicut hæc non impediunt effectum baptismi, nec impressionem characteris, ita nec in isto.

Objic. 2. Episcopatus habet aliquam rationem matrimonii: Episcopi cum Ecclesia, quæ illi datur: sed matrimonium exigit consensum nubentibus, quem habere non potest puer, nec amens; ergo &c.

Resp. neg. maj. absolutè; nam hoc dicitur metaphoricè. Matrimonium verum exigit consensum reciprocum inter nubentes; Ecclesia autem, quæ dicitur sponsa, non consentit, sed se habet purè passivè. Præterea multi consecrantur Episcopi sine Ecclesia sponsa.

Objicies 3. Episcopus, & Sacerdos sunt mediatores inter Deum, & populum: sed hoc non potest convenire puero, vel amenti ante usum rationis; ergo nec illi ordines. prob. min. mediatio non fit sine acceptione; ergo &c.

V. *

Resp.

Resp. dist. min. Non potest convenire quoad actum, seu exercitium : con. quoad habitum, & potestatem : neg. min. & 2. conf. Sæpe enim confertur potentia, & habitus, antequam homo possit exercere. Multi sunt Reges in cunis.

Ad licitam autem ordinationem requiritur 1. ætas taxata in Conciliis, & Canonibus.

2. Libertas, ideo servi non debent ordinari ante manumissionem, ut patet per totum tit. de servis non ordinandis.

3. Legitimitas; ut patet ex tit. de spuriiis non ordinandis, & de filiis presbyterorum. Nam, inquit Scotus, [1] illi præsumuntur imitatores paternæ incontinentiæ. Es male morigerati, quia male educati.

4. Corporis forma, ut constet ex tit. de non ordinandis corpore vitiatis. Excluduntur ergo deformes corpore, notabili deformitate.

5. Excluduntur castrati, criminosi, infames, &c. Hæc, & similia reddunt ordinationes illicitas, non tamen invalidas.

DISPUTATIO III.

De effectibus hujus Sacramenti.

PRæter effectus communes omnibus sacramentis, singula speciales habent, ideo istud habere debet suos, de quibus hic agimus.

QUÆSTIO I.

An, & qualem gratiam causet Sacramentum Ordinis.

NON dubitatur de gratia habituali; hoc enim habet omne sacramentum, ut causet hanc gratiam primam, aut secundam, sed quæritur de gratiis, quæ sint speciales effectus ordinationis, & an hoc habeant singuli ordines.

[1] d. 25. q. 1. E. 2.

CONCLUSIO I.

PRæter gratiam habitualementem, seu augmentum ejus, quam causant singuli ordines, causant etiam specialem gratiam, quæ est jus ad auxilia necessaria ad singulos eosdem ordines rectè exercendos. Videtur de fide.

Prob. 1. ex Scoto [1] dicente ordinem significare efficaciter gratiam præminentem, quæ ordinatus dignè aliquod ministerium exequatur. Et in Reportatis dicit, effectus propinquus sacramenti ordinationis, & res est determinatus gradus eminentiæ in Ecclesia ad administrandum circa Eucharistiam, vel character, vel ordo, qui sunt res, & effectus propinquissimus.... & isti effectui, quantum est ex vi sacramenti, effectus ultimus, & principaliter intentus, scilicet gratia invisibilis gratum faciens, & disponens ad congruè, & dignè exequendum actum convenientem tali gradui in Ecclesia circa Eucharistiam consecrandam. Habes in utroque textu totam conclusionem, imò & in 2. decisionem totius disputationis.

Prob. 2. de gratia habituali, quia est verum sacramentum novæ legis; ergo confert non ponenti obicem gratiam habitualementem 1. aut 2. quia hoc est essentialiter commune omni sacramento novæ legis.

Confir. ex Patribus: nam inquit S Gregor. [2] Sacrorum ordinum sacramenta ab Ecclesiæ ductoribus foris accipimus, sed sacramentorum virtute ab omnipotenti Deo interiorius roboramur; virtus verò sacramenti gratia est sepiiformis, &c.

Prob. 3. ex Conc. maximè ex Trid. [3] Cum Scripturæ testimonio, & Apostolica traditione, & Patrum unanimi consensu conspicuum sit per sacram ordinationem, quæ verbis, & signis exterioribus perficitur, gratiam conferri, dubitare nemo debet ordinem esse verè, & propriè unum ex septem sacramentis. Idem definit infra. Item ex Florent. Effectus hujus sacramenti est augmentum gratiæ, quia debet homo illud recipere in statu gratiæ, & sine culpa mortali.

Confir. ex praxi Ecclesiæ, quæ præcipit ordinandis, ut præmittant confessionem sacramentalem, ut docet Concil. Colon II.

V 5 Probi

[1] d. 24. F. [2] 1. Regist. 10. [3] sess. 3.

466 *De effectibus ordinationis*

Prob. 2. p. 1. ex iisdem Conciliis: nam Florent. dicit *dari gratiam ordinato, ut sit idoneus minister*, sc. quoad cælibatus constantiam, & legum custodiam, & functionum exercitium. Et Concil. Mogunt. IV. dicit, *gratiam divinitus conferri ritè ordinatis, qua ad Ecclesiastica munera ritè, & utiliter apti, & idonei efficiantur, & quæ rata sint, & efficacia, quæ à ritè ordinatis in Ecclesia Christi... geruntur.*

Prob. 2. ex dictis de effectibus sacramentorum in communi, ubi probatum est, singula, præter gratiam sanctificantem 1. aut 2. conferre jus quoddam ad gratias actuales necessarias singulis suscipientibus ad fines singulorum eorundem; sed finis proprius sacræ ordinationis est, ut ord natus rectè se gerat in exercitio potestatis, qua insignitur per illam; ergo &c.

Confir. Nam singuli ordinati egent speciali auxilio divine protectionis, & illuminationis, ut purè, sanctè, attentè, exactè se gerant in exercitio sui characteris, & officii; ergo &c.

Dixi, *jus quoddam ad auxilia*, &c. nam ille effectus debet esse aliquid habituale, & permanens, non verò actuale, & transiens, alioqui, transacta actuali ordinatione, nihil restaret auxilii ad rectè obeunda munia.

Objie. ex Concil. Florent. Ipsa gratia habitualis præstat illud auxilium, scil. *ut ordinatus sit idoneus minister*; ergo gratis fingitur alia gratia.

Resp. neg. ant. nam si hæc auxilia provenirent ab ipsa gratia habituali, semper deessent post amissam illam gratiam, & sic habens peccatum mortale, non posset ritè exercere suum ordinem, quod est hæreticum.

Q U Æ S T I O II.

De characterè, an omnes, & singuli ordines imprimant characterem.

Qui nolūt singulos ordines esse sacramentales, dubitare debent, imo & negare, quod omnes imprimant characterē: quia hic est effectus proprius & specialis alicui sacramento. Nemo autem catholicus id negat de omnibus, & maximè de presbyteratu, & Episcopatu, si hujus ordinatio sit sacramentū distinctum,

CON-

CONCLUSIO I.

Sicut omnes, & singuli ordines sunt sacramenta distincta, ita & singuli causant in anima ordinatorum characteres sibi proprios, & distinctos. Est communior.

Prob. 1. ex Scoto. [1] Concedo plures esse characteres, & probabilius, quod alterius speciei, ut apparet ex actibus, ad quos isti gradus disponunt, qui gradus vel sunt characteres, vel habent proprios characteres necessario correspondentes.

Prob. 2. ex Conc. Flor. & Trid. [2] In sacramento ordinis, sicut in baptismo, & confirmatione character imprimitur, qui nec deleri, nec auferri potest Si quis dixerit per sacram ordinationem non dari Spiritum S. aut per eam non imprimi characterem anathema sit. Et quidem id verum est, non solum de aliqua ordinatione, sed de singulis, quia eadem est ratio de omnibus.

Prob. 3. Ubi est eadem ratio, ibi est idem effectus; sed eadem est ratio de singulis ordinationibus: nam singulae sunt vera sacramenta, & de illis non distinguit Concilium, dicens, sacram ordinationem esse verum, & proprium sacramentum; ergo &c.

Confir. nam singulae sunt aequè irreiterabiles, & operantur diversos gradus, & diversa ministeria singulis suscipientibus, ut patet ex dictis; ergo & diversis characteribus debent notari.

Objic. 1. Character sacramentalis est indelebilis; sed omnes ordines non sunt inamissibiles; ergo non dant characterem. Prob. min. In Concilio Toletano IV. statuitur, quod si minister ordinatus injustè dejectus, fuerit inventus innocens, non potest esse, quod erat, nisi gradus amissos recipiat coram altari de manu Episcoporum, scilicet per eadem signa, & instrumenta, per quae fuerat ordinatus. Denique ea in recuperationem sui recipiant, quae, cum ordinarentur, perceperant; ergo ordinationes sunt iterabiles, & ordines sunt amissibiles; ergo non imprimunt characteres indelebiles.

Resp. neg. min. & 2 conf. Nam illa caeremonia erga degradatos non restituit ordines, sed usum ordinum;

V 6 & hoc:

[1] *ibid.* K. II, [2] *sess.* 23. c. 4.

Dixi, *sacros ordines*: nam clericis infra subdiaconatum, nequidem in quatuor minoribus constitutis, non interdicitur matrimonium, ut constat ex multis Canonibus, sed fiunt incapaces beneficiorum Ecclesiæ, ita ut ea nec acquirere, nec retinere possint, stante matrimonio: nam inquit Alex. III. [1] *Si qui clericorum infra subdiaconatum acceperint uxores, ipsos ad beneficia Ecclesiastica relinquenda, & uxores retinendas diffinitione Ecclesiastica compellatis.*

De ordinibus sacris à subdiaconatu usque ad Episcopatum restat quæstio, & quidem apud Latinos, an possint contrahere matrimonium post ordinationem, vel eo uti, si ante ordinationem contraxerant; & quo jure id prohibeantur, an Divino, vel Ecclesiastico.

CONCLUSIO I.

Non licet subdiaconis, diaconis, presbyteris, & Episcopis nubere post ordinationem, nec Latinis uti matrimonio antea contracto. sed tenentur ad perpetuum cælibatum. Est communis contra hæreticos Lutheranos, & Calvinistas, qui legem cælibatus dicunt iniquam, & libidinum matrem.

Prob. 1. ex Scoto, [2] qui citat cap. *Placuit*, 23. ubi dicitur, *Placuit Episcopos, presbyteros, diaconos, et subdiaconos, secundum priora instituta, abstinere ab uxoribus, id est, non contrahere*, ait Glossa. Item ex cap. *Presbyteris*, d. 37. & dat rationem legis: nam ordo talis deputatur ministerio sacro, quod requirit munditiam mentis, et carnis, perspicacitatem intellectus, et fervorem affectus, ad quæ omnia disponit continentia, et ad eorum oppositum frequentia carnalis actus.

Prob. 2. ex Conciliis: nam in Concilio Apostolorum solis cantoribus, & lectoribus permittitur nubere, quod repetitur in Quinisexto. Quoniam in Apostolicis canonibus dictum est, eorum, qui non ducta uxore in clerum promoventur, solos cantores, et lectores uxorem posse ducere, et nos hoc servantes decernimus, ut deinceps nulli penis hypodiacono, vel diacono, vel presbytero post sui ordinationem contrahere liceat. Concilium Ancyranum jubet presbyteros, qui matrimonium contraxerint, deponi, et reduci ad communionem laicalem. In Neocæsariensi, presbyter, si

uxorem duxerit, ab ordine deponatur; & sic de aliis. Et hoc, ut vides, statutum est pro universali Ecclesiam tam Græca, quam Latina, quippe major pars eorum Conciliorum celebrata sunt in Oriente. Novissimè id definitur in Tridentino. [1]

Prob. 2 p. de usu matrimonii apud Latinos: nam, ut legitur cap. *Aliter*, [2] dicitur, *Aliter se habet Orientalium Ecclesiarum traditio, aliter huius sanctæ Romanæ Ecclesiæ: nam earum Sacerdotes, Diaconi, et Subdiaconi matrimonio copulantur* (copula utuntur, ait Glossa) *Istius autem Ecclesiæ, vel Occidentaliæ, nullus Sacerdotum à Subdiacono usque ad Episcopum licentiam habet conjugium sortiendi, &c.* Lege totam illam distinctionem, in qua hæc prohibentur Latinis.

Igitur Latinis non permittitur uti matrimonio ante ordinationem contracto, nec contrahere post ordinationem in sacris ordinibus; sed Græcis non prohibetur ille usus, benè verò hic contractus, saltem regulariter: nam, ut docet Cardinalis Brancatus, non tantum subdiacono utrumque licuit, saltem ex tolerantia, & pro aliquo tempore, sed etiam diaconis, & presbyteris.

Verum quid olim factum sit, relinquo historicis, sufficiat nobis scire, quid hodie faciendum sit, scilicet nulli ordinato in sacris licere apud nos contrahere matrimonium, neque uti contracto ante ordinationem; sed si quis post contractum matrimonium vult ordinari, vivente uxore, debet ab ea separari, & curare, ut ipsa ingrediatur monasterium, & voveat castitatem, nisi gravioris sit ætatis, in qua non timeatur de ejus incontinentia: nam cap. *Conjugatus*. [2] *Nullus conjugatorum est ad sacros ordines promovendus, nisi ab uxore continentiam proficiente fuerit absolutus, &c.*

Horum decretorum motiva adduximus ex Scoto, quæ suadent eorum justitiam contra hæreticorum impudentiam, qui audent ea improbare.

Objic. 1. cont. 1. par. Scriptura præcipit, & est de jure Divino, ut qui non se continent, nubant; ergo nulla lege humana id potest vetari. Prob. ant. Deus jubet, [3] *Crescite, et multiplicamini; & dicit, Non esse bonum ho-*

mi-

[1] dist. 31. [2] de convers. conjug. 5. et 6.

minem esse solum. Et Apost. [1] *Unusquisque uxorem suam habeat.* Et, *Melius est nubere, quam uri.* Et, *Oportet Episcopum esse unius uxoris virum.* Et, *Diaconi sint unius uxoris viri;* ergo matrimonii prohibitio est contraria juri divino.

Resp. dist. ant. Præcipit sub initio mundi, conc. pro semper, neg. ant. & 2. conf. nam ab initio potuit præcipi ob repletionem terræ; & pro primis hominibus, tunc non erat bonum hominem esse solum; sed in plenitudine temporum bonum fuit aliquibus *mulieres non tangere*; & ex tunc dictum est, *qui sine uxore es, noli querere uxorem*, & jam prædicebantur futuræ virgines innumeræ, sc. *centum quadraginta quatuor millia, quæ sequuntur Agnum*, quia *virgines sunt.* Et Apostolus ab altari removel bigamos. Et Christus ipse laudat eunuchos, *qui se castraverunt propter regnum celorum*, qui sc. ex amore Dei abstinēt à venereis, & servant castitatem.

Inst. Apostolus dicit, [2] *hanc doctrinam (esse) dæmoniorum prohibentium nubere;* & de seipso dicit, [3] *Numquid potestatem habemus mulierem sororem (id est sororem uxorem) circumducendi, sicut et ceteri Apostoli, et fratres Domini?* ergo prohibitio matrimonii pro presbyteris, & Episcopis est de doctrina dæmonis, & contra doctrinam Apostoli.

Resp. neg. conf. Nec enim eò tendunt verba illa. Re-
probat Apostolus doctrinam hypocritarum, qui absolute prohibent nuptias, quas non prohibet Ecclesia, sed tantum in Sacerdotibus, qui se Dei obsequio in Ecclesia manciparunt. Et per sororem uxorem intelligit feminam pro domesticis obsequiis, ut alii Apostoliscum ducebant, sed cum eis vivebant castissime. Sorores autem vocabat feminas omnes fideles, sicut viros dicebat fratres.

Inst. 2. Quando Paulus scribit, [4] *Rogo te germane compar*, plures legunt *germana compar*, sic vocans uxorem; ergo ipsemet habebat uxorem.

Resp. neg. ant. nam soli hæretici sic legunt, non autem SS. Patres, qui hoc vertunt in masculino, ut doceant cum loqui de collega, & socio laboris Apostolici: nam ipse vixit inuuptus, dicens, *non nuptis, et*

[1] 1. Cor. 7. 4. [2] 1. Tim. 4.
[3] 1. Cor. 9. 3. [4] Phil. 4.

viduis, bonum est illis, si sic remaneant, sc. innuptæ, & viduæ, sicut et ego, inquit.

Objic. 2. in can. 6. Apostolorum dicitur: *Episcopus, aut presbyter, aut Diaconus uxorem suam prætextu Religionis non abjicito*. 2. in Syn. VI. In Trullo damnatur praxis Ecclesiæ Romanæ, quia obligat Sacerdotes suos ad cælibatum. 3. cap. *His igitur*, dicitur clericis, *Ut castimoniam non violati corporis perpetuo fervore studeant, aut certè unius matrimonii vinculo fœderentur*. 4. cap. de Syracusanis. 4. Gratianus ex illo textu infert, quod *electus in Episcopatum non prohibetur habere uxorem, et filios.... Apparet, quod in præfatis ordinibus constituti, licitè matrimonio uti possunt*. 5. Stephanus Papa fatetur Episcopos, diaconos, & subdiaconos in Orientali Ecclesia nubere; ergo ex Conciliis, & SS. Canonibus, & Patribus, matrimonium, nec usus ejus non est illicitus in sacris ordinibus.

Resp. neg. conf. nam 1. Canon Apostolorum non vult, ut Sacerdotes uxorati curam abjiciant uxorum prætextu Religionis, sed eis provideant independentè ab usu matrimonii. 2. Canones illi VI. Synodi sunt supposititii, ut patet ex VII. sc. additi sunt ab aliquibus Episcopis sine autoritate Concilii, ideo reprobantur à SS. Pontifice. 3. Canon ille loquitur ad ordines etiam minores, & omnibus commendatur *castimonia in violati corporis*. 4. Gratianus ita loquitur non ex mente propria, sed adversariorum, quibus postea respondet, ut patebit. Præterea notat, quod illa Concilia erant pro Orientalibus, quibus non prohibetur usus matrimonii contracti.

Objic. 3. Lex de cælibatu Sacerdotum non solum est observatu impossibilis, sed etiam causat innumera scandala, & peccata; ergo est iniqua. Probat. antec. Nam inquit Christus, [1] *non omnes capiunt verbum istud*, sc. non sunt capaces cælibatus; ergo &c.

Resp. neg. ant. & 2. conf. Nam lex in se bona est, & sancta, sed ex nequitia humana veniunt inde scandala, non solum ex cælibatu, sed etiam ex matrimonio inter uxoratos, ut patet de illo, qui uxorem patris sui habebat, quem ideo jussit Apostolus *tradere Sathane in interitum carnis*; nec desunt in uxoratis adulteria. Quod autem non omnes apti sint cælibatui, quid

quid inde? nec isti apti sunt Sacerdotio, nec ad illud coguntur. Nulli est impossibilis, nec dura continentia, si Deus dederit, & dabit omni petenti, & cooperanti gratiæ Divinæ. [1] *Scivi, quod aliter non possum esse continens, nisi Deus dederit, adii Dominum, & deprecatus sum illum.*

Objic. 1. con. 2. p. pro Græcis, qui utuntur matrimonio contracto ante ordinationem, ex Script. [2] *Quod Deus conjunxit, homo non separet*; ergo iniqua est lex prohibens Sacerdotibus usum matrimonii contracti. [3] 2. *Connubium est honorabile*; ergo iniquè illud rejicimus. 3. Canon 6. Apostol. cit. prohibet, ne Episcopi, aut presbyteri prætextu Religionis uxores abjiciant; ergo &c.

Resp. neg. conf. 1. Quia ille cœlibatus non est separatio vinculi, sed tori, & pro Deo, & in Deo est major conjunctio. 2. non damnamus, nec contemnimus connubium, sed ab ejus usu abstinendum dicimus, ut serviamus Deo, cui devovemur per sacram ordinationem. 3. jam diximus illum Canonem prohibere abjectionem curæ, quæ debetur uxori, non autem hanc separationem tori.

Inst. Concil. Ancyranum [4] statuit, quod si Diaconis in ipsa ordinatione protestati sunt velle se habere uxorem, nec posse continere; hi postea si uxores duxerint, manent in ministerio. Et Gangrense [5] damnat eos, qui recusant sumere Eucharistiam de manu Sacerdotis uxorati; ergo approbantur conjugia, & eorum usus in diaconis, & presbyteris.

Resp. neg. conf. Imò primus ille Canon, quod cessante protestatione, ordinatio inducit obligationem cœlibatus, & quod Episcopus sic protestantes ordinabat, dispensabat cum eis. 2. aliud est damnare nolentes accipere Eucharistiam à Sacerdote uxorato, & aliud Sacerdotem illum non abstinere ab usu conjugii. Primum faciebant, qui damnati sunt in Concilio Ancyrano, quia horrebant nuptias, ut malas; & sic justè damnati sunt.

Objic. 2. Sacerdotes Mosaici utebantur uxoribus, saltem pro tempore, quo non ministrabant in templo; ergo à fortiori hoc debet permitti Evangelicis: nam lex:

[1] Sap. 8. [2] Matth. 19. [3] Heb. 13.

[4] can. 10. [5] can. 4.

lex Evangelica est mitior.

Resp. neg. conf. Nam hæc prohibitio non attenditur penes mititatem, sed sanctitatem legis nostræ, & mysteriorum, ac ministerii Sacerdotalis. Certè, si illis dicebatur, *mundamini, & mundi estote, qui fertis vasa Domini*, quantò magis dicendum hoc est nostris Sacerdotibus, qui non vasa, & figuras, sed veritatem, & Dominum ipsum ferunt manibus, & ore manducant?

CONCLUSIO II.

Obligatio calibatus in sacris ordinibus non est de jure divino, sed Ecclesiastico ab ipso tempore Apostolorum. Est communior quoad 1. p. Quoad 2. verò est contra eosdem hæreticos, qui volunt hanc legem datam esse post 4. sæculum.

Prob. 1. p. ex Scoto, qui fatetur quidem ut certum, quod *persona suscipiens ordinem, efficitur simpliciter illegitima ad contrahendum matrimonium*; sed cum dicitur hoc fieri vel per Ecclesiam, vel immediatè à Christo, quia in primitiva Ecclesia non tenebatur, docet hanc inhabilitatem non venire vi voti, quod supponitur annexum ordini Sacro, alioqui obligatio esset de jure Divino, sed provenit ex eo, quod *Ecclesia facit talem personam simpliciter illegitimam*; ergo obligatio cœlibatus in sacris ordinibus non est de jure Divino, sed Ecclesiastico ex Scoto.

Prob. 2. ex Conciliis: nam Tridentinum [1] tribuit hanc legem Ecclesiæ. *Si quis dixerit, clericos in sacris ordinibus constitutos ... posse matrimonium contrahere, non obstante lege Ecclesiastica, anath. sit*; ergo totum impedimentum hoc matrimonii in sacris ordinibus venit ab Ecclesiæ lege. Item ex can. Apostol. *Præcipiente Episcopum, & presbyterum ordinari, qui sine monogamiæ. Post ordinationem tamen, si uxores non habent, præcipimus, ut non liceat ampliùs ducere*. Audis Ecclesiam de se, non ex parte Christi præcipientem? Idem patet ex aliis Conciliis, in quibus de tali præcepto fit mentio.

Prob. 3. Nam illa lex nullibi legitur in tota Scriptura, saltem expressè; sed in solo jure Ecclesiastico; cr-

go

[1] Sess. 14. can. 9.

go non est immediate à Deo , vel Christo , sed ab Ecclesia .

Confir. Si esset de jure divino , non posset in ea dispensari , sed hoc est falsum , ut patet in Ecclesia Orientali , in qua toleratur matrimonium Sacerdotum , nec enim tolerarentur errores contra Dei legem .

Prob. 2. p. Nam de antiquitate constat ex Canone Apostolorum citato ; & ex Constitutionibus Apostolicis , & ex Ep. I. Clementis I. *Ad Dominica ministeria tales eligantur , qui ante ordinationem suam uxores suas non cognoverint . Quod si post ordinationem suam , ministro altaris contigerit proprium uxoris cubile invadere sacrarii non intret limina .* Notandum autem , quòd hæc Epistola scribitur ad S. Jacobum , ubi dicit , quod hæc omnia accepit à S. Petro , cujus successor ferè immediatus fuit . Et Synodus Trullana an. 711. citat Canones Apostolicos , quibus prohibetur , quod deinceps , „ nulli penitus hypodiacono post sui ordinationem contrahere liceat . Et S. Hieron. testatur , Apostolos , qui ante vocationem habebant uxores , assumpti postea in Apostolatum , relinquunt officium conjugale : nam cum Petrus ex persona Apostolorum dicit ad Dominum : nos reliquimus omnia , & sequuti sumus te , respondit ei Dominus , Amen dico vobis , quod nemo est , qui dimiserit domum aut uxorem propter regnum Dei , qui non recipiat plura . S. Petrus non dixisset verè , *reliquimus omnia* , si retinuisent uxores .

Hanc doctrinam receptam ab Apostolis dicit Concil. Carthagin. II. *Ut quod Apostoli docuerunt , et ipsa servavit antiquitas , nos quoque custodiamus .* Et sic de aliis Conciliis , Pontificibus , & Patribus ; ergo lex cælibatus in ordinibus sacris est à tempore nascentis Ecclesiæ , & Apostolorum .

Objic. 1. con. 1. p. ex Syricio Papa , qui hoc præceptum tribuit Christo , & Apostolo , quarum sanctionum Sacerdotes omnes , & Levitæ insolubili lege constringimur , ut à die ordinationis nostræ sobrietati , ac pudicitie corda nostra mancipemus , & corpora . Et S. Epiphanius . Hæc obligatio venit ex traditione , & eminentia ministerii , quæ enim ad Sacerdotium tradita sunt propter eminentiam celebrationis sacrorum revera enim non suscipit san-

„ cta

„ ita Dei prædicatio post Christi adventum eos, qui à
 „ nuptiis, mortua eorum uxore, secundis nuptiis con-
 „ juncti sunt; ergo obligatio cælibatus est de jure Di-
 vine.

Resp. neg. conf. Nam in neutro loco fit mentio de hoc præcepto. Syricius dicit quidem, quod Christus nobis dedit exemplum castitatis, sed non, quod eam præceperit, & licet concederem hanc legem esse Apostolicam, adhuc non sequeretur eam esse divinam. Nec etiam hoc vult Epiphan. Imò concludit eam legem servari, maxime *ubi synceri sunt Canones Ecclesiastici*; ergo censet esse legem Ecclesiasticam.

Quæres 1. *An hæc obligatio veniat ex vi ordinationis, an ex vi voti, quod illi est annexum.*

Resp. 1. Non venire ex vi ordinationis præcisè, tum quia Orientalium ordinatio est vera, & bona, & tamen non trahit secum hanc obligationem, tum quia ex Concilio Ancyrano dicitur, quod Diaconus, qui cum ordinatur, declarat se nolle continere, si postea nupserit, non amittit gradum, *maneant in ministerio, propterea quod his Episcopus licentiam dederit.*

Resp. 2. Eam obligationem oriri ex voto, seu promissione castitatis, quam emittit ordinandus in ipsa ordinatione.

Prob. 1. ex Concil. cit. Statuit enim, quòd si diaconi in sua ordinatione tacent, & non protestantur se nolle continere, censentur vovere continentiam, saltem tacitè; ideo si postea nupserint, cessare debebunt à ministerio; ergo obligatio cælibatus venit à voto tacito, vel expresso castitatis, quod annectitur ordinationi.

Confir. ex S. Gregorio relato in Decretis, ubi statuitur, ut à præsentis die Episcopis omnibus dicatur, ut nullum subdiaconum facere præsumant, nisi qui se victurum castè promiserit. Et certè durum esset cogere ad castitatem, nisi promitteretur. Idem statuebat Concil. Tolet. IV. ut legitur cap. *Quando.*

Quæres 2. *An in Ecclesia Latina possit licitè ordinari uxoratus ad sacros, et iste sacros ordines suscipere.*

Resp. negativè, nisi adsit causa divortii ex parte uxoris, imò cessante causa illa, non sufficit nuda licentia, sed debet ipsa vovere castitatem in Religione, aut saltem in sæculo, si sit valdè senex, ut dictum est.

Ra-

466 *De effectibus ordinationis*

Prob. 2. p. 1. ex iisdem Conciliis: nam Florent. dicit dari gratiam ordinato, ut sit idoneus minister, sc. quoad cælibatus constantiam, & legum custodiam, & functionum exercitium. Et Concil. Mogunt. IV. dicit, gratiam divinitus conferri ritè ordinatis, qua ad Ecclesiastica munera ritè, & utiliter apti, & idonei efficiantur, & quæ rata sint, & efficacia, quæ à ritè ordinatis in Ecclesia Christi, ... geruntur.

Prob. 2. ex dictis de effectibus sacramentorum in communi, ubi probatum est, singula, præter gratiam sanctificantem 1. aut 2. conferre jus quoddam ad gratias actuales necessarias singulis suscipientibus ad fines singulorum eorundem; sed finis proprius sacræ ordinationis est, ut ord natus rectè se gerat in exercitio potestatis, qua insignitur per illam; ergo &c.

Confir. Nam singuli ordinati egent speciali auxilio divine protectionis, & illuminationis, ut purè, sanctè, attentè, exactè se gerant in exercitio sui characteris, & officii; ergo &c.

Dixi, *jus quoddam ad auxilia*, &c. nam ille effectus debet esse aliquid habituale, & permanens, non verò actuale, & transiens, alioqui, transacta actuali ordinatione, nihil restaret auxilii ad rectè obeunda munia.

Objic. ex Concil. Florent. Ipsa gratia habitualis præstat illud auxilium, scil. ut ordinatus sit idoneus minister; ergo gratis fingitur alia gratia.

Resp. neg. ant. nam si hæc auxilia provenirent ab ipsa gratia habituali, semper deessent post amissam illam gratiam, & sic habens peccatum mortale, non posset ritè exercere suum ordinem, quod est hæreticum.

Q U Æ S T I O II.

De characterè, an omnes, & singuli ordines imprimant characterem.

Qui nolūt singulos ordines esse sacramentales, dubitare debent, imo & negare, quod omnes imprimant characterē: quia hic est effectus proprius & specialis alicui sacramento. Nemo autem catholicus id negat de omnibus, & maximè de presbyteratu, & Episcopatu, si hujus ordinatio sit sacramentū distinctum,

CON.

CONCLUSIO I.

Sicut omnes, & singuli ordines sunt sacramenta distincta, ita & singuli causant in anima ordinarum characteres sibi proprios, & distinctos. Est communior.

Prob. 1. ex Scoto. [1] Concedo plures esse characteres, & probabilius, quod alterius speciei, ut apparet ex actibus, ad quos isti gradus disponunt, qui gradus vel sunt characteres, vel habent proprios characteres necessario correspondentes.

Prob. 2. ex Conc. Flor. & Trid. [2] In sacramento ordinis, sicut in baptismo, & confirmatione character imprimitur, qui nec deleri, nec auferri potest Si quis dixerit per sacram ordinationem non dari Spiritum S. aut per eam non imprimi characterem anathema sit. Et quidem id verum est, non solum de aliqua ordinatione, sed de singulis, quia eadem est ratio de omnibus.

Prob. 3. Ubi est eadem ratio, ibi est idem effectus; sed eadem est ratio de singulis ordinationibus: nam singulae sunt vera sacramenta, & de illis non distinguit Concilium, dicens, sacram ordinationem esse verum, & proprie sacramentum; ergo &c.

Confir. nam singulae sunt æquè irreiterabiles, & operantur diversos gradus, & diversa ministeria singulis suscipientibus, ut patet ex dictis; ergo & diversis characteribus debent notari.

Objic. 1. Character sacramentalis est indelebilis; sed omnes ordines non sunt inamissibiles; ergo non dant characterem. Prob. min. In Concilio Toletano IV. statuitur, quod si minister ordinatus injuste dejectus, fuerit inventus innocens, non potest esse, quod erat, nisi gradus amissos recipiat coram altari de mano Episcoporum, scilicet per eadem signa, & instrumenta, per quæ fuerat ordinatus. Denique ea in recuperationem sui recipiant, quæ, cum ordinarentur, perceperant; ergo ordinationes sunt iterabiles, & ordines sunt amissibiles; ergo non imprimunt characteres indelebiles.

Resp. neg. min. & 2 conf. Nam illa cæremonia erga degradatos non restituit ordines, sed usum ordinum;

V. 6 & hoc

[1] ibid. K. II; [2] sess. 23. c. 4.

honorem externum, quia neque gradum, neque dignitatem internam, aut characterem aufert degradatio. Unde in illa cæremonia non dicuntur verba formæ sacramentalis.

Inst. Factum Stephani Papæ VII. aut VI. an. 897. qui declaravit irritas ordinationes factas à Formoso, quem mortuum exhumari fecit, & citatum in iudicium condemnavit, & in Tyberim projici jussit, voluitque omnes ab illo ordinatos iterum ordinari; ergo vel ordinationes factæ contra canones Ecclesiæ sunt invalidæ, & non tenent ex jure divino, nec sunt sacramentales, vel, si sunt validæ, non imprimunt characterem.

Resp. neg. conf. Nam factum Stephani in illa Synodo Romana fuit error non in fide, sed in facto, & actus furoris tyrannici, non justitiæ, inquit Baronius ad illum annum. Et Joannes IX. coacto Concilio 74. Episcoporum Ravennæ an. 904. rescidit acta illa Stephani contra Formosum, & dejectos Sacerdotes, & Episcopos restituit, ut canonicè consecratos. Vide Brancatum, & Jueninum hîc.

Objic. 2. Licèt daretur singulos priores ordines imprimere characterem, tamen posteriores non imprimerent novum, nec diversum specie à primo; ergo singuli non imprimunt proprium, & diversum characterem. Prob. ant. Nulla est necessitas sic multiplicandi species illas characterum, sed sufficit, quod singuli addant priori novas extensiones; ergo &c.

Resp. neg. utrumque ant. Nam imaginariæ sunt novæ illæ extensiones sine nova aliqua nota, aut qualitate, nec conceptibile est, quòd singulæ illæ notæ à differentibus causis non sint tot speciales characteres inter se distincti.

Quæres, *An illi characteres sint ita inter se essentialiter subordinati, ut superior non imprimatur sine inferioribus, v. g. Sacerdotalis sine diaconali.*

Resp. 1. ex dictis, non imprimi Episcopalem sine presbyterali, quia ordo Episcopalis includit Sacerdotalem; ergo idem est de characteribus, licèt sint distincti.

Resp. 2. Quod subordinatio aliorum ordinum non est de jure Divino, sed Ecclesiastico, & sicut ordinatio Sacerdotis per saltum, id. ante diaconatum (& sic
de

de aliis inferioribus) non esset invalida, ita & posset imprimi character Sacerdotalis sine characteribus ordinum inferiorum.

Id patet ex titulo, *de clerico per saltum promotu*, ubi homo, qui ante acceptum diaconatum acceperat presbyteratum, permittitur ministrare in illo ordine, postquam susceperit diaconatum, ergo ille acceperat characterem presbyteralem ante diaconalem.

Quæres 2. *An character Episcopalis sit dignior Sacerdotali.*

Resp. cum Scoto, [1] quod absolute ordo, & character Episcopalis est dignior, non tamen præcisè, & secundum id, quod addit supra sacerdotalem. Quia inquit, & si includendo Sacerdotium, & Episcopatum sit eminentia gradus, quia ad plures actus, quam per alterum solum, tamen illud, quod præcisè addit Episcopatus supra Sacerdotium, non est ita excellens gradus, sicut Sacerdotium, quia per illud, quod sibi superaddit, non conveniunt sibi actus ita nobiles, sicut conveniunt Sacerdoti per Sacerdotium Actus nobilissimus in Ecclesia simpliciter est consecratio Eucharistiæ, & ita supremus, sive nobilissimus, propter nobilitatem actus, ad quem disponit, est Sacerdotium, &c.

Respondent alii, quod actus consecrandi sacerdotes, & quo datur eis potestas consecrandi Eucharistiam, est simpliciter nobilior, quia ex ordine altiori respicit eandem Eucharistiam. Elige, quod malueris.

QUÆSTIO III.

De obligatione ordinatorum in sacris ad castitatem, & celibatum, unde, & qualis, & quanta sit.

Certum est apud Catholicos, ordinationem sacrorum ordinum operari obligationem ad celibatum, seu continentiam ab actibus venereis, ita ut ordinatis non liceat uti matrimonio, si illud contraxerunt ante ordinationem, nec contrahere post ordinationem, & esse ad illud impedimentum dirimens, nam celibatus matrimonium excludit.

Dixit,

[1] *ibid.* c. 6.

Dixi, *sacros ordines*: nam clericis infra subdiaconatum, nequidem in quatuor minoribus constitutis, non interdicitur matrimonium, ut constat ex multis Canonibus, sed fiunt incapaces beneficiorum Ecclesiæ, ita ut ea nec acquirere, nec retinere possint, stante matrimonio: nam inquit Alex. III. [1] *Si qui clericorum infra subdiaconatum acceperint uxores, ipsos ad beneficia Ecclesiastica relinquenda, & uxores retinendas districtione Ecclesiastica compellatis.*

De ordinibus sacris à subdiaconatu usque ad Episcopatum restat quæstio, & quidem apud Latinos, an possint contrahere matrimonium post ordinationem, vel eo uti, si ante ordinationem contraxerant; & quo jure id prohibeantur, an Divino, vel Ecclesiastico.

CONCLUSIO I.

Non licet subdiaconis, diaconis, presbyteris, & Episcopis nubere post ordinationem, nec Latinis uti matrimonio antea contracto, sed tenentur ad perpetuum cælibatum. Est communis contra hæreticos Lutheranos, & Calvinistas, qui legem cælibatus dicunt iniquam, & libidinum matrem.

Prob. 1. ex Scoto, [2] qui citat cap. *Placuit*, 23. ubi dicitur, *Placuit Episcopos, presbyteros, diaconos, et subdiaconos, secundum priora instituta, abstinere ab uxoribus, id est, non contrahere*, ait Glossa. Item ex cap. *Presbyteris*, d. 37. & dat rationem legis: nam ordo talis deputatur ministerio sacro, quod requirit munditiam mentis, et carnis, perspicacitatem intellectus, et fervorem affectus, ad quæ omnia disponit continentia, et ad eorum oppositum frequentia carnalis actus.

Prob. 2. ex Conciliis: nam in Concilio Apostolorum solis cantoribus, & lectoribus permittitur nubere, quod repetitur in Quinisexto. Quoniam in Apostolicis canonibus dictum est, eorum, qui non ducta uxore in clerum promoventur, solos cantores, et lectores uxorem posse ducere, et nos hoc servantes decernimus, ut deinceps nulli penitus hypodiacono, vel diacono, vel presbytero post sui ordinationem contrahere liceat. Concilium Ancyranum jubet presbyteros, qui matrimonium contraxerint, deponi, et reduci ad communionem laicalem. In Neocæsariensi, presbyter, si

uxorem duxeris, ab ordine deponatur; & sic de aliis. Et hoc, ut vides, statutum est pro universali Ecclesiam tam Græca, quàm Latina, quippe major pars eorum Conciliorum celebrata sunt in Oriente. Novissimè id definitur in Tridentino. [1]

Prob. 2 p. de usu matrimonii apud Latinos: nam, ut legitur cap. *Aliter*, [2] dicitur, *Aliter se habet Orientalium Ecclesiarum traditio, aliter huius sanctæ Romanæ Ecclesiæ: nam earum Sacerdotes, Diaconi, et Subdiaconi matrimonio copulantur* (copula utuntur, ait Glossa) *Istius autem Ecclesiæ, vel Occidentaliæ, nullus Sacerdotum à Subdiacono usque ad Episcopum licentiam habet conjugium sortiendi, &c.* Lege totam illam distinctionem, in qua hæc prohibentur Latinis.

Igitur Latinis non permittitur uti matrimonio ante ordinationem contracto, nec contrahere post ordinationem in sacris ordinibus; sed Græcis non prohibetur ille usus, benè verò hic contractus, saltem regulariter: nam, ut docet Cardinalis Brancatus, non tantum subdiacono utrumque licuit, saltem ex tolerantia, & pro aliquo tempore, sed etiam diaconis, & presbyteris.

Verum quid olim factum sit, relinquo historicis, sufficiat nobis scire, quid hodie faciendum sit, scilicet nulli ordinato in sacris licere apud nos contrahere matrimonium, neque uti contracto ante ordinationem; sed si quis post contractum matrimonium vult ordinari, vivente uxore, debet ab ea separari, & curare, ut ipsa ingrediatur monasterium, & voveat castitatem, nisi gravioris sit ætatis, in qua non timeatur de ejus incontinentia: nam cap. *Conjugatus*. [2] *Nullus conjugatorum est ad sacros ordines promovendus, nisi ab uxore continentiam profitente fuerit absolutus, &c.*

Horum decretorum motiva adduximus ex Scoto, quæ suadent eorum justitiam contra hæreticorum impudentiam, qui audent ea improbare.

Objic. 1. cont. 1. par. Scriptura præcipit, & est de jure Divino, ut qui non se continent, nubant; ergo nulla lege humana id potest vetari. Prob. ant. Deus jubet, [3] *Crescite, et multiplicamini; & dicit, Non esse bonum homi-*

[1] *dist. 31.* [2] *de convers. conjug. 3. et 6.*

minem esse solum. Et Apost. [1] Unusquisque uxorem suam habeat. Et, Melius est nubere, quam uri. Et, Oportet Episcopum esse unius uxoris virum. Et, Diaconi sint unius uxoris viri; ergo matrimonii prohibitio est contraria juri divino.

*Resp. dist. ant. Præcipit sub initio mundi, conc. pro semper, neg. ant. & 2. conf. nam ab initio potuit præcipi ob repletionem terræ; & pro primis hominibus, tunc non erat bonum hominem esse solum; sed in plenitudine temporum bonum fuit aliquibus mulieres non tangere; & ex tunc dictum est, *quisine uxore es, noli quærere uxorem*, & jam prædicebantur futuræ virgines innumeræ, sc. *centum quadraginta quatuor millia, quæ sequuntur Agnum*, quia *virgines sunt*. Et Apostolus ab altari remouet bigamos. Et Christus ipse laudat eunuchos, *qui se castraverunt propter regnum cælorum*, qui sc. ex amore Dei abstinere à venereis, & seruant castitatem.*

Inst. Apostolus dicit, [2] hanc doctrinam (esse) dæmoniorum prohibentium nubere; & de seipso dicit, [3] Numquid potestatem habemus mulierem sororem (id est sororem uxorem) circumducendi, sicut et ceteri Apostoli, et fratres Domini? ergo prohibitio matrimonii pro presbyteris, & Episcopis est de doctrina dæmonis, & contra doctrinam Apostoli.

*Resp. neg. conf. Nec enim eò tendunt verba illa. Re-
probat Apostolus doctrinam hypocritarum, qui absolute prohibent nuptias, quas non prohibet Ecclesia, sed tantum in Sacerdotibus, qui se Dei obsequio in Ecclesia manciparunt. Et per sororem uxorem intelligit feminam pro domesticis obsequiis, ut alii Apostoli secum ducebant, sed cum eis vivebant castissime. Soteres autem vocabat feminas omnes fideles, sicut viros dicebat fratres.*

Inst. 2. Quando Paulus scribit, [4] Rogo te germane compar, plures legunt germana compar, sic vocans uxorem; ergo ipsemet habebat uxorem.

Resp. neg. ant. nam soli hæretici sic legunt, non autem SS. Patres, qui hoc vertunt in masculino, ut doceant cum loqui de collega, & socio laboris Apostolici; nam ipse vixit innuptus, dicens, non nuptis, et vi-

[1] 1. Cor. 7. 4. [2] 1. Tim. 4.
[3] 1. Cor. 9. 3. [4] Phil. 4.

viduis, bonum est illis, si sic remaneant, sc. innuptæ, & viduæ, sicut et ego, inquit.

Objic. 2. in can. 6. Apostolorum dicitur: Episcopus, aut presbyter, aut Diaconus uxorem suam prætextu Religionis non abjicito. 2. in Syn. VI. In Trullo damnatur praxis Ecclesiæ Romanæ; quia obligat Sacerdotes suos ad cælibatum. 3. cap. His igitur, dicitur clericis, Ut castimoniam non violati corporis perpetuo fervore studeant, aut certè unius matrimonii vinculo faderentur. 4. cap. de Syracusanis. 4. Gratianus ex illo textu insert, quod electus in Episcopatum non prohibetur habere uxorem, et filios.... Apparet, quod in præfatis ordinibus constituti, licitè matrimonio uti possunt. 5. Stephanus Papa fatetur Episcopos, diaconos, & subdiaconos in Orientali Ecclesia nubere; ergo ex Concilijs, & SS. Canonibus, & Patribus, matrimonium, nec usuejus non est illicitus in sacris ordinibus.

Resp. neg. conf. nam 1. Canon Apostolorum non vult, ut Sacerdotes uxorati curam abjiciant uxorum prætextu Religionis, sed eis provideant independentes ab usu matrimonii. 2. Canones illi VI. Synodi sunt supposititii, ut patet ex VII. sc. additi sunt ab aliquibus Episcopis sine autoritate Concilii, ideo reprobantur à SS. Pontifice. 3. Canon ille loquitur ad ordines etiam minores, & omnibus commendatur castimonia inviolati corporis. 4. Gratianus ita loquitur non ex mente propria, sed adversariorum, quibus postea respondet, ut patebit. Præterea notat, quod illa Concilia erant pro Orientalibus, quibus non prohibetur usus matrimonii contracti.

Objic. 3. Lex de cælibatu Sacerdotum non solum est observatu impossibilis, sed etiam causat innumera scandala, & peccata; ergo est iniqua. Probat. antec. Nam inquit Christus, [1] non omnes capiunt verbum istud, sc. non sunt capaces cælibatus; ergo &c.

Resp. neg. ant. & 2. conf. Nam lex in se bona est, & sancta, sed ex nequitia humana veniunt inde scandala, non solum ex cælibatu, sed etiam ex matrimonio inter uxoratos, ut patet de illo, qui uxorem patris sui habebat, quem ideo jussit Apostolus tradere Sata-næ in interitum carnis; nec desunt in uxoratis adulteria. Quod autem non omnes apti sint cælibatui, quid

quid inde? nec isti apti sunt Sacerdotio, nec ad illud coguntur. Nulli est impossibilis, nec dura continentia, si Deus dederit, & dabit omni petenti, & cooperanti gratiæ Divinæ. [1] *Scivi, quod aliter non possum esse continens, nisi Deus dederit, adii Dominum, & deprecatus sum illum.*

Objic. 1. con. 2. p. pro Græcis, qui utuntur matrimonio contracto ante ordinationem, ex Script. [2] *Quod Deus conjunxit, homo non separet*; ergo iniqua est lex prohibens Sacerdotibus usum matrimonii contracti. [3] 2. *Connubium est honorabile*; ergo iniquè illud rejicimus. 3. Canon 6. Apostol. cit. prohibet, ne Episcopi, aut presbyteri prætextu Religionis uxores abjiciant; ergo &c.

Resp. neg. conf. 1. Quia ille cœlibatus non est separatio vinculi, sed tori, & pro Deo, & in Deo est major conjunctio. 2. non damnamus, nec contemnimus connubium, sed ab ejus usu abstinendum dicimus, ut serviamus Deo, cui devovemur per sacram ordinationem. 3. jam diximus illum Canonem prohibere abjectionem curæ, quæ debetur uxori, non autem hanc separationem tori.

Inst. Concil. Ancyranum [4] statuit, quod si Diaconis in ipsa ordinatione protestati sunt velle se habere uxorem, nec posse continere, hi postea si uxores duxerint, manent in ministerio. Et Gangrense [5] damnat eos, qui recusant sumere Eucharistiam de manu Sacerdotis uxorati; ergo approbantur conjugia, & eorum usus in diaconis, & presbyteris.

Resp. neg. conf. Imò primus ille Canon, quod cessante protestatione, ordinatio inducit obligationem cœlibatus, & quod Episcopus sic protestantes ordinabat, dispensabat cum eis. 2. aliud est damnare nolentes accipere Eucharistiam à Sacerdote uxorato, & aliud Sacerdotem illum non abstinere ab usu conjugii. Primum faciebant, qui damnati sunt in Concilio Ancyrano, quia horrebant nuptias, ut malas, & sic justè damnati sunt.

Objic. 2. Sacerdotes Mosaici utebantur uxoribus, saltem pro tempore, quo non ministrabant in templo; ergo à fortiori hoc debet permitti Evangelicis: nam

lex:

[1] Sap. 8. [2] Matth. 19. [3] Heb. 13.

[4] can. 10. [5] can. 4.

lex Evangelica est mitior.

Resp. neg. conf. Nam hæc prohibitio non attenditur penes mititatem, sed sanctitatem legis nostræ, & mysteriorum, ac ministerii Sacerdotalis. Certè, si illis dicebatur, *mundamini, & mundi estote, qui fertis vasa Domini*, quantò magis dicendum hoc est nostris Sacerdotibus, qui non vasa, & figuras, sed veritatem, & Dominum ipsum ferunt manibus, & ore manducant?

CONCLUSIO II.

Obligatio cœlibatus in sacris ordinibus non est de jure divino, sed Ecclesiastico ab ipso tempore Apostolorum. Est communior quoad 1. p. Quoad 2. verò est contra eosdem hæreticos, qui volunt hanc legem datam esse post 4. sæculum.

Prob. 1. p. ex Scoto, qui fatetur quidem ut certum, quod *persona suscipiens ordinem, efficitur simpliciter illegitima ad contrahendum matrimonium*; sed cum dicitur hoc fieri vel per Ecclesiam, vel immediatè à Christo, quia in primitiva Ecclesia non tenebatur, docet hanc inhabilitatem non venire vi voti, quod supponitur annexum ordini Sacro, alioqui obligatio esset de jure Divino; sed provenit ex eo, quod *Ecclesia facit talem personam simpliciter illegitimam*; ergo obligatio cœlibatus in sacris ordinibus non est de jure Divino, sed Ecclesiastico ex Scoto.

Prob. 2. ex Conciliis: nam Tridentinum [1] tribuit hanc legem Ecclesiæ. *Si quis dixerit, clericos in sacris ordinibus constitutos posse matrimonium contrahere, non obstante lege Ecclesiastica, anath. sit*; ergo totum impedimentum hoc matrimonii in sacris ordinibus venit ab Ecclesiæ lege. Item ex can. Apostol. *Præcipiente Episcopum, & presbyterum ordinari, qui sine monogami. Post ordinationem tamen, si uxores non habent, præcipimus, ut non liceat ampliùs ducere. Audis Ecclesiam de se, non ex parte Christi præcipientem?* Idem patet ex aliis Conciliis, in quibus de tali præcepto fit mentio.

Prob. 3. Nam illa lex nullibi legitur in tota Scriptura, saltem expressè; sed in solo jure Ecclesiastico; ergo

[1] Sess. 14. can. 9.

go non est immediatè à Deo , vel Christo , sed ab Ecclesia .

Confir. Si esset de jure divino , non posset in ea dispensari , sed hoc est falsum , ut patet in Ecclesia Orientali , in qua toleratur matrimonium Sacerdotum , nec enim tolerarentur errores contra Dei legem .

Prob. 2. p. Nam de antiquitate constat ex Canone Apostolorum citato ; & ex Constitutionibus Apostolicis , & ex Ep. I. Clementis I. *Ad Dominica ministeria tales eligantur , qui ante ordinationem suam uxores suas non cognoverint . Quod si post ordinationem suam , ministro altaris contigerit proprium uxoris cubile invadere sacrarii non intret limina .* Notandum autem , quòd hæc Epistola scribitur ad S. Jacobum , ubi dicit , quòd hæc omnia accepit à S. Petro , cujus successor fere immediatus fuit . Et Synodus Trullana an. 711. citat Canones Apostolicos , quibus prohibetur , quod deinceps , „ nulli penitus hypodiacono post sui ordinationem contrahere liceat . *Et S. Hieron. testatur , Apostolos , qui ante vocationem habebant uxores , assumpti postea in Apostolatum , relinquunt officium conjugale : nam cum Petrus ex persona Apostolorum dicit ad Dominum : nos reliquimus omnia , & sequuti sumus te , respondit ei Dominus , Amen dico vobis , quod nemo est , qui dimiserit domum aut uxorem propter regnum Dei , qui non recipiat plura . S. Petrus non dixisset verè , reliquimus omnia , si retinuisent uxores .*

Hanc doctrinam receptam ab Apostolis dicit Concil. Cathagin. II. *Ut quod Apostoli docuerunt , et ipsa servavit antiquitas , nos quoque custodiamus .* Et sic de aliis Conciliis , Pontificibus , & Patribus ; ergo lex cælibatus in ordinibus sacris est à tempore nascentis Ecclesiæ , & Apostolorum .

Objic. 1. con. 1. p. ex Syricio Papa , qui hoc præceptum tribuit Christo , & Apostolo , quarum sanctionum Sacerdotes omnes , & Levitæ insolubili lege constringimur , ut à die ordinationis nostræ sobrietati , ac pudicitie corda nostra mancipemus , & corpora . *Et S. Epiphanius .* Hæc obligatio venit ex traditione , & eminentia ministerii , quæ enim ad Sacerdotium tradita sunt propter eminentiam celebrationis sacrorum revera enim non suscipit san-

„ cta

33. Et a Dei prædicatio post Christi adventum eos, qui à
 33. nuptiis, mortua eorum uxore, secundis nuptiis con-
 33. juncti sunt; ergo obligatio cælibatus est de jure Di-
 vino.

Resp. neg. conf. Nam in neutro loco fit mentio de hoc præcepto. Syricius dicit quidem, quod Christus nobis dedit exemplum castitatis, sed non, quod eam præceperit, & licet concederem hanc legem esse Apostolicam, adhuc non sequeretur eam esse divinam. Nec etiam hoc vult Epiphan. Imò concludit eam legem servari, maxime *ubi sinceri sunt Canones Ecclesiastici*; ergo censet esse legem Ecclesiasticam.

Quæres 1. *An hæc obligatio veniat ex vi ordinationis, an ex vi voti, quod illi est annexum.*

Resp. 1. Non venire ex vi ordinationis præcisè, tum quia Orientalium ordinatio est vera, & bona, & tamen non trahit secum hanc obligationem, tum quia ex Concilio Ancyrano dicitur, quod Diaconus, qui cum ordinatur, declarat se nolle continere, si postea nupserit, non amittit gradum, *maneant in ministerio, propterea quod his Episcopus licentiam dederit.*

Resp. 2. Eam obligationem oriri ex voto, seu promissione castitatis, quam emittit ordinandus in ipsa ordinatione.

Prob. 1. ex Concil. cit. Statuit enim, quod si diaconi in sua ordinatione tacent, & non protestantur se nolle continere, censentur vovere continentiam, saltem tacitè; ideo si postea nupserint, cessare debebunt à ministerio; ergo obligatio cælibatus venit à voto tacito, vel expresso castitatis, quod annectitur ordinationi.

Confir. ex S. Gregorio relato in Decretis, ubi statuitur, ut à præsentis die Episcopis omnibus dicatur, ut nullum subdiaconum facere præsumant, nisi qui se victurum castè promiserit. Et certè durum esset cogere ad castitatem, nisi promitteretur. Idem statuerebat Concil. Tolet. IV. ut legitur cap. *Quando.*

Quæres 2. *An in Ecclesia Latina possit licitè ordinari uxoratus ad sacros, et iste sacros ordines suscipere.*

Resp. negativè, nisi adsit causa divortii ex parte uxoris, imò cessante causa illa, non sufficit nuda licentia, sed debet ipsa vovere castitatem in Religione, aut saltem in sæculo, si sit valdè senex, ut dictum est.

Ra-

Ratio 1. p. est, quia *vir non habet potestatem sui corporis, sed mulier*. Unde jubet, *nolite fraudare invicem, nisi fortè ex consensu ad tempus, ut vacetis orationi*; ergo vir non potest licitè ordinari sine consensu uxoris, quia sic illam fraudaret pro semper.

Confir. ex capit. un. de voto, ubi Papa vetat, *ne quisquam durante matrimonio, etiam non consummato, aliquem de sacris ordinibus præsumat accipere, nisi prout sacris Canonibus noveris convenire*. Sed Canones exigunt consensum alterius partis; ergo &c.

Dixi, *nisi adsit causa divortii ex parte uxoris*, quia tunc uxor amisit jus petendi debitum; ergo tunc vir remanet liber, ut videbimus de divortio, & patet ex cap. *Gaudeamus, de convers. conjugat.*

Ratio 2. p. petitur 1. ex cap. *Conjugatus*, & ex Concil. Lateran. III. appendice de conjugatis, & alibi. Sed de his aliàs, ubi de matrimonio.

Et hæc de sacramento ordinis dicta sufficiant ad laudem, & gloriam Dei, & B. V. M. ac Seraphici Patriarchæ, &c. sub censura S. M. Ecclesiæ.

S U M M Æ
THEOLOGICÆ
SCOTISTICÆ
TRACTATUS XVIII.

De Sacramento Matrimonii.



Sacramentum hoc magnum est in Christo, & Ecclesia, inquit Apostolus: magnum, inquam, tam in se, & literaliter, qualem est inter virum, & scēminam, quā mysticē, & prout significat unionem Christi Domini cum sponsa sua Ecclesia.

Magnum est mysterium, quod relinquat homo patrem suum, & matrem suam, & adhereat ukori suæ, ut sint duo in carne una. Nam inquit Chrysostomus, [2] revera est mysterium, & magnum mysterium, eo, qui procreavit, qui genuit, qui educavit, ea, quæ concepit, quæ cum dolore peperit, & afflictione, qui tot, & tantis affecerunt beneficiis, cum quibus diuturnus fuit usus, & consuetudo, relictis, ei adherere, quæ nequidem visa fuit, & cum eo nihil habet commune, & eam omnibus præferre, revera mysterium est. Sed adhuc majus est in Christo, & Ecclesia, quoniam & ipse dimisso Patre, descendit, et venit ad sponsam, & factus est in spiritum unum: nam, qui adheret Deo, unus est spiritus.

De tanto sacramento restat hīc agendum, & quīdem Theologicē, & Scholasticē: nam de eodem agunt juris civilis Doctores, considerantes illud, ut contractum quemdam civilem: item & Canonistæ, & Casuistæ pro decisione plurimorum casuum, ac difficultatum moralium, quæ in illa materia occurrunt.

DIS-

DISPUTATIO I.

*De essentia, et existentia Sacramenti
matrimonii.*

Nomine matrimonii dicimus vinculum quoddam morale, quo vir, & foemina in unum junguntur in ordine ad prolificandum. Dicitur 1. *matrimonium*, quasi *matris munium*, seu *munus*, quia proles magis pendet à matre, in cuius utero formatur, gestatur, nutritur, &, ut loquitur Gregor. IX. *Infans magis materno indiget solatio, quam paterno, sibi-que ante partum onerosus, dolorosus in partu, et post partum laboriosus esse noscitur*, &c. 2. *Connubium*, seu *Nuptiae* propter velum, quo sponsa operiebatur, quasi nube, ob pudorem, & in signum subjectionis. 3. *Conjugium*, à *conjunctione*, seu magis à communi iugo, quod subeunt contrahentes.

Porro tria præcipuè hic consideranda. 1. ipsum vinculum, quasi habituale, quo indissolubiliter duæ personæ sic colligantur. 2. *Contractus*, seu mutuus consensus, & pactio, ex qua nascitur illud vinculum. 3. *sacramentum*, quod advenit contractui, & gratiam confert contrahentibus. De singulis agemus sub communi titulo matrimonii.

QUÆSTIO PRIMA.

An sit, et quid sit matrimonium.

MOx dicebamus ex Scoto tria maximè considerari in matrimonio, juxta quæ potest describi *vinculum*, quod manet, & resultat ex actu, quo mas, & foemina in unum consentiunt. 2. *contractus*, qui est ille actus, seu consensus, quo sic se colligant, & 3. *sacramentum*, quo sanctificatur ille contractus, & solidatur vinculum per infusionem gratiæ, & abundantiam auxiliorum divinorum.

Aliter etiam spectari potest per partes minutiores, sc. 1. quoad consensum mutuum, & internum contrahentium. 2. quoad contractum, qui est signum externum, quo consensus ille exprimitur. 3. quoad *materia-*

riale, sc. corporum mutuam donationem per consensum, & contractum. 4. quoad vinculum, & obligationem, quæ ex illis actibus resultat, & permanet indissolubiliter, quamdiu ambo vivunt. 5. jus reciprocum inter conjuges. 6. obligatio mutua ad debitum conjugale reddendum petenti. 7. denique illius obligationis executio, & consummatio matrimonii.

Item in matrimonio consideratur, quòd sit *legitimum*, sc. quod non nisi per verum, & legitimum consensum fiat. 2. quod sit *ratum*; sc. per adventum sacramenti post contractum civilem, aut naturalem, quòd sit ratificatur, & confirmatur. 3. sit *consummatum* per carnalem copulam contrahentium.

Porro, matrimonii *ut sic*, & prout abstrahit à ratione sacramenti, existentiam, non est, quòd problema quippe luce clarior est per quotidianam, & perpetuam experientiam, & praxim. Sed de bonitate ejus dubitarunt olim quidam Hæretici damnantes illud, ut rem turpem, & à dæmone suggestam. De præcisa ratione formali ejus, in quo consistat, disputant Theologi, an sit sacramentum. Et id controversitur inter catholicos, & nuperos hæreticos.

CONCLUSIO I.

Matrimonium sufficienter describitur, viri, & feminae corporum legitima traditio pro usu perpetuo ad procreandam sobolem, debite educandam. Estque res bona, & honesta.

Prob. 1. ex Scoto. [1] qui dicit, quod ad procreandam prolem, debite educandam marem, et feminam vinculo indissolubili, sibi mutuo copulari honestum est, & quod matrimonium est illud vinculum, et obligatio mutua. Et in reportatis approbat definitionem magistri dicentis [2] *matrimonium est viri, et mulieris conjunctio maritalis inter personas legitimas individuum vite consuetudinem retinens.*

Probatur 2. quia sic explicatur natura hujus rei per verum genus ejus, & veram differentiam, ita ut definitio, & definitum convertantur. Denique explicat totum, quod pertinet ad matrimonium præcisè à ratione sacramenti, & prout est contractus; ergo

Tom. VIII.

X

&c.

[1] 426, A, 2, [2] *ibid.* O. 17. d. 27. q. 2,

482 *De essentia, & existentia matrimonii*

&c. Dico, prout est contractus, nam in ratione vinculi describeretur obligatio ex illa traditione resultans: ut docet Scotus.

Prob.2.p. ex Script. [1] Nam ipse Deus illud instituit, & approbavit, dicens, *non est bonum hominem esse solum; & præcepit protoparentibus: crescite, et multiplicamini, & relinquet homo patrem suum, et matrem suam, et adhærebit uxori suæ. Et Christus. [2] Quod Deus conjunxit, homo non separet; ergo Deus hanc conjunctionem instituit. Quæ autem à Deo sunt, ordinata sunt, ait Apost. [3] & ipse Christus per præsentiam suam nuptias approbavit, & per eundem Apostolum dixit. [4] *Alligatus es uxori, noli quærere solutionem. Si acceperis uxorem, non peccasti. Item, virginem suam, bene facit. Et illud vocat. [5] venerabile conjugium* &c.*

Prob.2.cum Scoto [6] ratione naturali. „ Nam hominem velle procreare prolem in specie humana est actus rectè circumstantionabilis. prob. Non est actus de se malus. ... non est magis contra rectam rationem, vel naturalem inclinationem, hominem salvare suam speciem, quàm alia animalia suam, imò tantò magis secundum inclinationem, quanto ista species est perfectior. Non autem potest salvari ista species in isto statu mortalitatis nisi per propagationem. Tum quia si esset immortalis, adhuc secundum rectam inclinationem naturæ cōpeteret, communicare perfectionem suam eo modo, quo est possibile: hoc autem est propagando, &c. ergo matrimonium in illo sensu est honestum, & bonum. Vide alias rationes ibid. & quidem solidas, & infra magis patebit ex bonis matrimonii.

Objic.1.con.2.p. Ille contractus non est bonus, cujus usus non est honestus, sed usus matrimonii non est honestus, sed turpis, & pudendus; ergo &c. Probmin. nam ille usus numquam est sine peccato propter excessum concupiscentiæ; ergo &c.

Resp.neg.min. & ant. Nam usus matrimonii ex fine debito est actus justitiæ, & ille excessus est per accidens, & extra finem conjugii, & sæpe involuntarius, sc. permiscetur usui velut motus purè naturalis.

[1] Gen.2.& 9. [2] Matth.19. [3] Rom.13.
[4] 1.cor.7. [5] Hebr.13. [6] Ibid.6.3.

lis talis causæ. Nam, inquit Gregor. [1] *ut legitima carnis copula causa prolis sit, non voluptatis, & carnis commixtio creandorum liberorum sit gratia, non satisfactio vitiorum.* Quod autem pudendi sint illi actus, non ideo est, quod sint peccatum, sed propter spectatorum fragilitatem.

Objic. 2. Matrimonium distrahit à Deo; ergo non est bonum, sed pessimum. prob. ant. ex parabola cœnæ, ad quam non venit, qui uxorem duxit. Et ex Apost. [2] *Qui sine uxore est, sollicitus est, quæ Domini sunt, qui cum uxore est, sollicitus est, quæ sunt mundi, &c.* Et iterum, [3] *qui in carne sunt, Deo placere non possunt;* ergo &c.

Resp. dist. 1. ant. & 2. conf. Distrahit per accidens, & præter finem suum: con. per se, & ex fine suo: neg. 1. ant. & 2. conf. Id enim venit ex culpa conjugatorum, qui nimium indulgent illi voluptati, aut sollicitudini familiæ relicto Deo: non autem ex fine conjugii, qui sanctus est. Et sic textus illi sunt contra objicientes. Vide S. Augustinū, & Catechismum Rom. ubi habes causas, & fines honestos actus conjugalis.

Inst. ex S. Hieronymo relato in cap. *Connubia.* *A tempore, quo actus conjugales geruntur, non dabitur præsentia Spiritus S.* ergo illi actus sunt mali, alioqui adesset Spiritus S.

Respondeo dist. ant. Non dabitur per assistentiam, & gratiam specialem, con. recedit quasi ob peccatum, & præcisè ob illum actum sublati excessibus, & malis circumstantiis, neg. ant. nec enim id cogitavit Hieron. sed tantum docet, quod hæc, & alia plura sunt, in quibus sufficit sola vis humana, neque res indiget, neque decet adesse præsentiam Spiritus S. ait Hieron. Idem est de hoc actu, sicut de aliis purè naturalibus, in quibus non requiritur specialis assistentia Divina.

Objicies 3. Actus conjugii non pertinet ad virtutem ullam; ergo non est bonus. prob. ant. 1. quia nulla potest assignari. 2. quia si esset actus virtutis, indigeret ad actus illos auxilio speciali gratiæ, quod negamus; ergo &c.

Resp. neg. utrumque ant. Nam pertinere potest ad Religionem, charitatem, justitiam, imo & castitatem, quatenus intendi potest in remedium incontinen-

X 2

tiæ.

[1] c. vir. de cons. d. 2. [2] *Luc. 14. 1. cor. 7.* [3] *Rom. 8,*

484 *De essentia, & existentia matrimonii*
tia. Ad 2. dist. ant. prob. indigeret auxilio gratiæ, pro-
ut impetaretur ab aliqua virtute, & ad meritum; con.
prout esset actus pure naturalis in se præcisè, neg. ant.
nam sub hoc respectu negamus ad illos actus requi-
ri auxilia specialia gratiæ supernaturalis, benè verò si
spectentur, ut imperati ab aliqua virtute, & maxi-
me ad meritum.

Inst. Actus matrimoniales augent concupiscentiam
ergo non sunt ex ulla virtute, sed ab ipsa concupi-
scentia, & vitio.

Respondeo neg. ant. Sunt enim potius remedia
concupiscentiæ. Ideo dicit Apostolus, *melius est nu-
bere, quam uri*. Et S. Bonavent. [1] *Qui cognoscit u-
xorem, concupiscentiæ non satisfacit, sed obviat, ne u-
ratur: & ideo non intenditur in eo, sed remittitur fer-
vor concupiscentiæ.*

Objic. 3. Matrimonium non fit ex bono fine, sed
propter voluptatem, aut avaritiam, seu dotem; ex-
go illud non est bonum, sed potius malum. prob. ant.
experientia; nam omnes nubunt ex ardore amoris
carnalis, aut cupiditate dotis.

Respond. neg. ant. utrumque, alioqui non esset pro-
priè bonum præcisè ex illis motivis. Quia sunt præter,
aut contra intentionem Dei, & naturæ instituentis
matrimonium.

Inst. Si fieret ex bono fine, esset meritorium: sed
conf. est falsum; ergo &c. Prob. min. ex Chrysost.
[2] *Matrimonium, licet utentibus panam non inferat,
mercedem tamen non præstat; ergo non est merito-
rium.*

Resp. neg. min. & 2. conf. Nam si usus matrimonii es-
set ex fine charitatis, vel alterius virtutis, posset me-
ritorius esse, ut in Osea, dum jubetur sumere filiam
fornicationum, & in Zacharia, cum illi promittitur
generatio J. Baptistæ.

Inst. 2. Abstinencia ab illo usu, & ab illis actibus
est meritoria, ut patet de virginitate; ergo illi actus
non sunt boni, nec meritorii.

Resp. dist. ant. Est meritoria comparativè, & in
aliquibus circumstantiis: con. absolutè, & simplici-
ter stante matrimonio: neg. ant. nam, stante matri-
monio, conjuges sibi mutuo debent usum illum alte-
ro

[1] 4. 26. p. 2. q. 3. [2] *ho. 1. op. imper,*

ro nolente continere, ut videbimus, virginitas autem in cęlibatu est meritoria, aut ex mutuo consensu conjugum.

Inst. 3. Actus meritorius habet laborem, seu difficultatem, sed hic usus non habet laborem, sed voluptatem, ad quam impellit caro; ergo &c.

Resp. dist. maj. Habet laborem in se, vel in virtute imperante, con. in se solo, & absolutę, neg. maj. & cons. voluptas impellit in actum ipsum, sed non in virtutem, per quam imperatur, ut sit meritorius.

CONCLUSIO II.

Matrimonium consistit essentialiter in vinculo indissolubili inter marem, & fęminam quoad reciprocā potestatem in corpora sua in ordine ad prolem creandam, quo l. vinculum non est formaliter quid absolute, nec relatio intrinsecus adveniens, aut rationis pure, sed relatio extrinsecus adveniens, seu denominatio extrinseca, relicta ex actu, seu consensu præterito, & mutuo conjugum.

Prob. 1. ex Scoto cit. Matrimonium est illa obligatio mutua, & vinculum illud... est vinculum indissolubile inter marem, & fęminam ex mutua translatione potestatis corporum suorum in se invicem facta, ad procreandam prolem debite educandam.

Prob. 2. Nam quęrimus rationem formalem matrimonii in ratione rei permanentis, quę dat jus perpetuum reciprocum maritalis utendi corporibus ad invicem: sed nihil tale potest assignari præter illud vinculum manens ex contractu præterito, quo consenserunt in talem translationem; ergo in eo consistit ratio formalis matrimonii. Maj. patet. Nam ratio formalis matrimonii debet durare inter maritatos, ut verè dicantur maritali. prob. min. nam actus contractus, seu consensus in illam translationem non manet; ergo sola obligatio ex illo actu consensus resultans manet; ergo illa est ratio formalis matrimonii.

Prob. 2. p. nam illud vinculum non potest melius explicari: sic enim exprimuntur omnes ejus conditiones, & effectus, ut patet ex præcedenti definitione; ergo &c.

Prob. 3. p. tum quia non potest dici, quid sit illud absolute, nec in quo genere entis consistat, nec quo-

486 *De essentia, & existentia matrimonii*

modo producat, nec adest ulla necessitas illud asserendi; ergo illud vinculum non est quid absolutum.

Prob. 4. p. de relatione intrinsecus adveniente. Nam hæc requirit fundamentum, & terminum realiter existentia; sed hæc non adsunt in conjugibus, quamvis daret matrimonium quoad vinculum, & adhuc ligantur post 10. aut 20. annos initi matrimonii; ergo illud non est relatio realis intrinsecus adveniens. Prob. min. fundamentum proximum, & formale huius vinculi fuit actualis contractus, seu actus mutui consensus, & traditionis mutue corporum; sed illa traditio non existit; ergo nec fundamentum formale proximum vinculi.

Confir. ex Scoto. [1] Nam vinculum est *permanens in animabus conjugum*, & consensus actualis præterit; ergo & præterit fundamentum proximum vinculi, seu relationis. Ant. patet ex omnium consensu, & ex Script. [2] *Nam mulier alligata est legi, quamdiu vir ejus vivit, & mulier non habet potestatem sui corporis, sed vir, &c.* ergo &c.

Confir. 2. quia gratis, & sine fundamento assereretur talis relatio realis durans inter conjuges, ergo, &c.

Prob. 5. p. de relatione rationis; quia independenter ab ulla fictione relationis, & à parte rei viget illud vinculum inter maritatos, & illud jus reciprocum in sua corpora; ergo non consistit in relatione purè imaginaria, seu ficta; quæ non posset denominare illos verè, & à parte rei unitos, & ligatos.

Prob. 6. p. 1. ex Scoto. Nam vinculum, *Quod est permanens in animabus conjugum, est relatio tantum realis extrinsecus adveniens, vel, quod verius, est relatio rationis, (seu moralis) quia nihil est ibi, nisi dominium novum, & nova servitus pro nova commutatione: sed Dominium tale, vel servitus nihil reale ponit in Domino, vel servo; ergo, &c.* sic loquitur, non ut intelligamus relationem, seu denominationem esse purè imaginariam, aut fictam, nec realem intrinsecus advenientem; sed quod est denominatio extrinseca ex contractu reali præterito, & moraliter durante, quoad effectum ligandi perinde, ac si actu duraret, & existeret actio traditiva reciproca.

Prob.

[1] *Ibid.* [2] 1. cor. 7.

Probatur 2. ex dictis in Philosophia. Nam denominationes extrinsecæ quasi mediant inter reales, & rationis, & ita est de relationibus extrinsecis. Istæ non sunt purè reales, quia nihil reale ponunt in rebus denominatis, sicut nec denominatio visû in pariete, nihil reale novum ponit in illo, sed tamen verè, & à parte rei denominat illum visum, quia verè, & à parte rei, nullo fingente paries terminat, aut terminavit meam visionem. Ita est in proposito; conjuges denominantur maritali, & ligati per denominationem, seu relationem extrinsecam, per quam significatur, quod illi inter se contraxerunt matrimonium, quo sibi mutuo potestatem reciprocam suorum corporum tradiderunt irrevocabiliter, & ex illa traditione reciproca, & irrevocabili remanet illa potestas moraliter, perinde ac si actu, & de præsentî contraherent.

Hæc relatio, seu denominatio dici potest rationis, quia tota ejus realitas remanet in memoria, & æstimatione, non per existentiam Physicam, prout existunt ipsi conjuges, sed tamen dicitur realis, prout reale opponitur fictitio. Nam verè, & à parte rei, & nullo fingente, illi sibi sua corpora reciprocè tradiderunt, & ex vi traditionis illius præteritæ, vir non habet potestatem sui corporis, sed mulier, & vicissim.

Objic. con. hanc p. Illud vinculum esset reale simul, & rationis: sed hoc implicat, ergo & illud.

Resp. dist. maj. Reale & rationis sub diverso respectu, & sensu, con. maj. & neg. min. sub eodem respectu, & sensu: neg. maj. & conf. est rationis, prout opponitur existenti physicè, sed significat existentiam quandam moralem, & æquivalentem; est autem reale, prout opponitur rei fictæ, seu imaginariæ.

Q U Æ S T I O II.

An matrimonium sit verum Sacramentum novæ legis.

IN præcedenti consideravimus matrimonium, ut contractum, quo vir, & foemina sibi reciprocè sua corpora tradunt præcisè, & quasi in abstracto. Nunc quærimus, an sit sacramentum novæ legis. Dico, *le-*

488 *De essentia, & existentia matrimonii*

gis novæ, non enim puta illud fuisse tale in lege naturæ, nec scripta, saltem de hoc non disputo, sed tantum de lege Evangelica, an fuerit elevatum à Christo ad dignitatem sacramenti, ita ut sit signum sensibile, & efficax gratiæ ex ejus institutione.

CONCLUSIO I.

Matrimonium in Ecclesia catholica est verum sacramentum à Christo D. institutum. Est de fide contra quosdam hæreticos antiquos, qui damnabant nuptias; & nuperos, qui putant illud esse nudum contractum humanum.

Prob. 1. ex Scot. [1] Quia tenet Ecclesia matrimonium esse septimum inter sacramenta Ecclesiastica, & de sacramentis Ecclesiæ non est aliter sentiendum, quàm S. Ecclesia Romana, extra de Hæret. c. ad Abolendam. Ideo dici potest, quod contractui matrimoniali annexit Deus sacramentum proprie dictum saltem pro lege Evangelica. Et tunc oportet dicere, quod institutum fuit à Christo, sicut universaliter dictum est de sacramentis Ecclesiasticis.

Prob. 2. ex Conciliis; nam in Florentino [2] hoc enumeratur inter alia sacramenta. In Senon. an. 1528. dicitur, Matrimonium abunde satis S. Matris Ecclesiæ usu, & autoritate comprobatur.... Qui neget itaque matrimonium esse sacramentum.... inter hæreticos habeatur. Et Trid. [3] Si quis dixerit matrimonium non esse verè, & propriè unum ex 7. Ecclesiæ sacramentis à Christo D. institutum, sed ab hominibus in Ecclesia inventum, neque gratiam conferre, anath. sit.

Prob. 3. ex perpetuo usu, & traditione Ecclesiæ, quæ semper tenuit matrimonium inter sacramenta. Christus enim (inquit S. Martialis) ad quasdam nuptias invitatus, eas præsentia suæ majestatis sanctificavit, & miraculo magnifice stupendo latificavit. Et Tertull. Unde sufficiam ad enarrandam felicitatem ejus matrimonii, quod Ecclesia conciliat, et confirmat oblatio, & obsignatum Angeli renuntiant, & Pater ratò habet. Et Cyril. Alex. Ep. ad Nestor. quam probavit Concil. Ephes. dicit Christum ad nuptias cum Apostolis invita-

[1] d. 26. K. 12. [2] decr. Eng. pro Arm.

[3] Sess. 24. c. 1. & can. 1.

invitatum se contulisse, suaeque benedictione easdem dispensatorie cohonestasse. Et alibi dicit, Christum sanctificasse conjugium, & gratiam nuptiis præparasse, ut aditus hominis in hanc vitam benediceretur. Et Ambrosius dicit, eum sacramenti caelestis amittere consortium, & peccare in Deum, qui alienam uxorem ambit, sc. facit injuriam sacramento matrimonii. Et Siricius Papa dicit, illum esse reum sacrilegii, quia illa benedictio, quam nupturae Sacerdos imponit, violatur, &c. Et Innoc. I. Statuimus, fide catholica suffragante, illud esse conjugium, quod primitus erat divina gratia fundatum. Ideo declarat, secundum cum alia femina, vivente adhuc prima, non esse legitimum. Et Augustinus vocat illud sacramentum nuptiarum bonum nuptiarum per omnes gentes, atque homines in causa generandi est, & in fide castitatis. Quod autem ad populum Dei pertinet, etiam in sanctitate sacramenti est in Ecclesia, nuptiarum, non solum vinculum, sed etiam sacramentum commendatur, &c. Et sic de aliis SS. Patribus communiter.

Prob. denique, tum ex dictis de numero sacramentorum, tum quia illi competunt conditiones omnes sacramenti. Est enim signum sensibile, & divinitus institutum, gratiam Dei efficaciter significat, ordinatur ad salutem hominis viatoris; ergo &c.

Confir. ex Scoto cit. [1] Contractui prædicto congruum est annexi collationem gratiae, quia contractus ille est difficilis, cum ex eo nascatur obligatio valde difficilis, cujus difficultas conjuncta est honestati, ut probatum est, ad honestum autem, & difficile congruum est gratiam conferri. Et per consequens institui sacramentum, cujus intuitu conferatur infallibiliter.

Hinc etiam patet de institutione divina, tum quia Concil. a, & Patres citati id aperte asserunt, tum quia de essentia sacramenti est, ut sit institutum à Deo, ut dictum est.

Dixi autem in Ecclesia: nam licet ab initio mundi, & in tota lege veteri, & positiva divina, & naturali viguerit matrimonium in ratione contractus, & ut figura unionis Christi cum Ecclesia, tamen non fuit ibi ut verum sacramentum, nec ut signum efficax gratiae. Ideo Conc. Trid. [2] non solum dicit illud ef-

X 5 se

[1] *ibid.* I, 11. [2] *sess.* 14, c. 1.

490 *De essentia, & existentia matrimonii*
se sacramentum novæ legis, sed etiam ab initio sessionis dicit illud, *in lege Evangelica veteribus connubiis per Christum gratia præstare.*

Dixi 2. *in Ecclesia*, scilicet inter fideles, & baptizatos: nam pro infidelibus, & non baptizatis non est propriè sacramentum, quia baptisimus est janua sacramentorum: sed de hoc infra.

Objic. 1. pro hæreticis. Omnium sacramentorum institutio, & efficacia legitur in Scriptura; sed nihil tale habetur de matrimonio; ergo non est sacramentum. Maj. patet ex dictis de aliis singulis. Prob. min. nam Theologi Catholici nihil probant ex Scriptura; ergo &c.

Resp. dist. maj. In Scriptura expressè, aut implicite, aut saltem ex traditione, conc. explicitè, & formaliter, & ex sola Scriptura, neg. maj. & conf. & sic dist. antec. Nam SS. Patres, & Concilia non incongruè hanc veritatem probant ex Evangelio, ubi Christus dixit [1] de conjugatis, *jam non sunt duo, sed una caro.* Et de ejus insolubilitate dixit, *quod Deus conjunxit, homo non separet.* Et efficaciam ejus innuit Apost. [2] *Viri diligite uxores vestras, sicut Christus Ecclesiam*, quia scilicet sacramentum hoc magnum est in Christo, &c. Et sic ratiocinantur Patres Tridentini.

Dixi, *saltem ex traditione*: nam licèt nullum haberemus textum formalem, aut virtuale in Scriptura, sufficit, quòd hoc habeamus ex traditione: nam inquit Trident. [3] *Merito inter sacramenta novæ legis annumerandum (matrimonium) Sancti Patres nostri, Concilia, & universalis Ecclesiæ traditio semper docuerunt, &c.*

Objic. 2. Quæ sunt ex sacramento, præstant virtutibus, quibus non est annexum sacramentum; sed hoc falsum est de matrimonio; ergo non est verum sacramentum. Maj. patet: nam sacramenta sunt causæ infallibiles gratiæ. Prob. min. nam virginitas præstat matrimonio, imò & istud retardat perfectionem vitæ spiritalis: nam, [4] *qui cum uxore est, cogitat, quæ sunt mundi, & uxoris, & divisa est.* Et, qui non sumpsit (uxorem) melius facit.

Resp. dist. maj. Formaliter, & reduplicativè, & compa-

- [1] *Math. 19.* [2] *Ephes. 5.*
[3] *sess. 24.* [4] *1. Cor. 7.*

parativè ratione sacramenti, conc. maj. & neg. min. absolute, & secundum se, neg. maj. & conf. 1. & 2. nam licet virginitas non sit virtus sacramentalis, nec signum efficax gratiæ, certum est eam esse effectum gratiæ singularis, & eam ex opere operantis majorem mereri mercedem ex promissione Dei. Certè comparando statum matrimonii cum statu virginitatis, hic longè altior est. Si verò comparetur cum sacramento, matrimonium sub hoc respectu præcellit.

Idem est de impedimento perfectionis: hoc enim dicitur præscindendo à ratione sacramenti, imò & ob id matrimonium debuit elevari per sacramentum, quia de se est longè inferius, & ex suppositione, quod eligatur, maritali egent majoribus auxiliis sacramentalibus.

Objic. 3. Sacramenta non debent opponi sacramentis, nec per unum debet excludi aliud; sed per matrimonium excluditur aliud sacramentum ordinis; ergo &c.

Respond. neg. absolute maj. Nam Christus instituit sacramenta pro singulis statibus, & membris Ecclesiæ juxta diversos actus, quos habent, & cum homo per unum sacramentum sit membrum singulare corporis mystici, limitatur ad hanc functionem, & excluditur ab actibus aliorum membrorum. Sic per matrimonium homo limitatur ad statum laicalem, & per ordinem limitatur ad statum Ecclesiasticum, & excluditur à laicali. *Singula membra non eundem actum habent.*

Resp. 2. dist. min. Excluditur aliud, sc. ordo, ex lege Ecclesiastica, & ex natura functionum, conc. ex lege divina, neg. min. nam, ut diximus tract. præcedenti, neque ex lege divina, neque ex ratione sacramenti, neque absolute ex natura rei status conjugalis non repugnat Sacerdotali, sed ex gravi congruitate, ac decencia leges Ecclesiasticæ limitant Sacerdotium ad statum celibatus.

Objic. 4. Matrimonium fidelium, & infidelium est ejusdem rationis; sed infidelium non est sacramentum; ergo nec illud.

Resp. dist. maj. Ejusdem rationis secundum quid, & ratione contractus in beneficium naturæ, conc. simpliciter, & per omnia, neg. maj. & conseq. Inter infideles

492 *De essentia, & existentia matrimonii*

habet rationem contractus, & superaddit rationem sacramenti favore fidelitatis.

Objic. 5. In omni sacramento debent adesse materia, forma, & minister specialis ex institutione divina; sed nihil horum est in matrimonio; ergo &c. Prob. min. Non adsunt ullæ res, nulla verba determinata, nec ullus minister: nam soli contrahentes sine verbis, sine applicatione ullius signi sacri per ullum ministrum sacrum, sicut in aliis sacramentis sufficiunt, & meriti nutus, quibus significetur mutus consensus, non autem gratia ulla: ergo &c.

Resp. neg. min. & 2. conf. nam hæc omnia adesse probabimus, & verba, seu signa, quibus exprimitur consensus, satis significant gratiam unitivam, quam operatur sacramentum, ut docet Trident. [1] *Gratia, quæ naturalem illum amorem perficeret, & indissolubilem unitatem confirmaret, conjugesque sanctificaret, ipse Christus nobis promeruit.*

Objic. 6. Si matrimonium esset sacramentum, copula carnalis esset pars ejus, & concurreret ad gratiam; sed confest absurdum, & contra nos; ergo &c. Prob. maj. nam quæ faciunt matrimonium in ratione contractus humani, & causant vinculum, & unitatem carnis, se habent, saltem ut materiale in sacramento; sed copula carnalis ita se habet in hoc contractu; ergo est de essentia sacramenti.

Resp. neg. 1. maj. & 2. min. nam matrimonium habet totam suam essentiam in ratione contractus, & sacramenti independentem à copula actuali, ad quam dat jus, sed non in ea consistit.

Objic. 7. Non possumus pacisci de sacramento sine simonia; sed paciscimur de matrimonio; ergo non est sacramentum. Min. patet: nam paciscimur de dote, & aliis conditionibus. Prob. maj. in ratione sacramenti esset quid spirituale supernaturale, ergo pacificationes circa matrimonium essent simoniacæ, si esset sacramentum.

Resp. dist. min. Paciscimur de matrimonio, ut contractu civili, & quoad ea, quæ in eo sunt purè temporalia, conc. in ratione sacramenti, neg. min. nam de dote paciscimur propter onera purè temporalia, & sine respectu ad sacramentum, sicut paciscimur de pretio cali-

calicis, etiam consecrati, quoad valorem argenti, vel auri, & quoad laborem opificis sine respectu ad consecrationem.

Inst. Saltem adulteri violantes jura matrimonii essent sacrilegi; sed hoc dici non potest, nec ullus admittet; ergo &c. Prob. maj. nam violaret sacramentum; ergo &c.

Respond. neg. maj. & anteced. Violatur quidem fides contractus conjugalis, & civilis; sed sacramentum manet illæsum.

CONCLUSIO II.

Matrimonium non fuit verum, & proprium sacramentum ante legem Evangelicam. Est communis.

Prob. 1. ex Scoto, [1] dicente positivè, quod omnibus contractibus precedentibus legem Evangelicam non fuit annexum sacramentum propriè dictum, nec fuisset annexum in statu innocentie, si perseverasset, sicut dictum est supra d. 26. &c.

Prob. 2. ex Conc. Trid. [2] Si quis dixerit matrimonium non esse verè, & propriè unum ex sacramentis legis Evangelicæ, &c. Item, [3] Si quis dixerit sacramenta omnia novæ legi non fuisse à Jesu Christo instituta, aut esse plura, vel pauciora, quam septem (inter quæ ponit matrimonium) anath. sit; ergo ante Christum non erat hoc sacramentum, sicut nec alia. Idem patet ex Lateran. III. & Florent. & aliis, quatenus docet sacramenta omnia nostra fuisse instituta à Christo, & ibi reponunt istud: nam ante legem Evangelicam non potuerunt institui à Christo.

Prob. 3. nam si matrimonium fuisset sacramentum ante legem Evangelicam, non diceretur sacramentum novæ legis, sed omnium legum. & statuum; sed hoc est falsum, & contra Concilia cit. ergo &c. Prob. maj. quia nomen haberet ex statibus, in quibus viguisset.

Prob. denique. Non potest dici, quandonam fuisset institutum. 1. non in statu innocentie: nam omnia sacramenta efficaciam habent ex meritis passionis Christi exhibitæ, vel prævisæ; sed Adamo non peccante, non fuisset passio Christi, nequidem prævisæ;
ergo

[1] d. 39. A. 2. [2] sess. 14. c. 1. [3] sess. 7. c. 10.

494 *De essentia, & existentia matrimonii*
ergo nec sacramenta, saltem ex tali merito. 2. non in lege naturæ: nam ibi non legitur aliud sacramentum, quam pro originali in parvulis. 3. non in Moisaica, quia nec etiam ibi legitur talis institutio matrimonii alterius rationis inter Judæos, quam inter alias nationes.

Dixi autem, *verum, & proprium sacramentum*: nam in latiori significatione, sc. pro signo cujuscumque rei sacræ dici potest, quod in omni statu, etiam innocentiae, fuit aliquale sacramentum: nam in omni statu fuit figurativum unionis Christi cum Ecclesia, quæ unio est sacratissima; ideo dicit Apost. *Sacramentum hoc magnum est in Christo, et Ecclesia.*

Objic. 1. In omni lege matrimonium fuit bonum & meritorium gratiæ; ergo & sacramentum.

Resp. dist. ant. Meritorium ex opere operantis, & de congruo, transeat, ex opere operato, & in ratione sacramenti, neg. ant. & conseq. nam sacramenta debent causare gratiam ex opere operato.

Objic. 2. In statu innocentiae Deus *masculum, et feminam creavit eos, et benedixit eis, dicens, crescite, &c.* Et in omni statu verum fuit dicere, *Sacramentum hoc magnum est.* Item, *Relinquet homo patrem, et matrem, &c.* Et post peccatum duravit hæc benedictio, maximè post diluvium; ergo in omni statu matrimonium fuit verum sacramentum, & signum gratiæ, seu benedictionis.

Resp. neg. conseq. nec enim ex illa benedictione & verbis, & factis Dei arguitur institutio sacramenti: nam dicta sunt, & facta, etiam pro bestiis, ut patet legenti Genesim. Quoad figurationem autem nihil etiam concludit pro ratione sacramenti veri, sicut nec figuræ baptismi, vel Eucharistiæ, ut Agnus Paschalis, non fuerunt sacramenta.

Objic. 3. SS. PP. docent matrimonium à tempore creationis, & semper fuisse sacramentum; ergo ita est. Prob. antec. ex Leone Papa, ex Chrysostomo supra citato, ex Augustino, & Innocentio relato in decretis. *Cum sacramentum conjugii apud fideles, et infideles existat*; ergo à fortiori apud Patriarchas fideles fuit sacramentum.

Respon. dist. 1. antec. & 2. conseq. Sacramentum largè, & improprie, conc. proprie, & strictè, prout hic loqui-

loquimur de sacramento, neg. antec. & conseq. loquuntur de sacramento in sensu prædicto, quatenus ab initio fuit figura, & signum unionis mysteriorum Christi cum Ecclesia, non autem, quod fuerit semper signum efficax gratiæ.

Inst. Post peccatum fuit institutum, & vim habuit contra concupiscentiam; ergo fuit causa gratiæ: nam per hanc solam fiatur concupiscentia.

Resp. dist. antec. Contra concupiscentiam, ut officium naturæ, & remedium naturale, conc. ut sacramentum efficax gratiæ, neg. antec. post peccatum fuit remedium contra concupiscentiam, præbendo modum licitum illam sedandi, & propagandi speciem humanam, & ne ardor carnis ad illicita impelleret; sed nunc addit vires supernaturales in eundem finem, & ad ferenda onera conjugii.

Quæres, Quando, et ubi Christus instituit hoc sacramentum.

Resp. Scotus [1] non invenit planius, quam Matth. 19. Et licet ibi tantum approbaverit contractum institutum Gen. 2. et per consequens illud non instituit, tamen instituit sacramentum, quod potest accipi ex illa verba, quod addidit: Quod Deus conjunxit, homo non separet; ut non intelligatur ibi conjunxisse, pro instituisse præcisè contractum matrimonii, sed conjunxisse ex tunc gratiosè per institutionem sacramenti comitatis, illum contractum conjugalem conjungentem. Censet ergo, quod Christus elevavit contractum istum ad rationem sacramenti, & dedit illi vim conferendi gratiam, quando ejus antiquam institutionem, & indissolubilitatem in ratione contractus memorans, addidit confirmationem, dicens; Quod Deus conjunxit, homo non separet.

Alii dicunt, quod hæc institutio contigit in nuptiis in Cana Galilææ, quia tunc per præsentiam suam nuptias generaliter sanctificavit; sed hæc sanctificatio, seu approbatio non videtur convincere institutionem nuptiarum in ratione sacramenti, quod valde probabile est. Ideo

Resp. non esse necesse, ut sciamus præcisè, quando, vel ubi Christus hunc contractum jam divinitus institutum in creatione mundi, elevaverit ad esse sacramen-

[1] *ibid.*

496 *De essentia, & existentia matrimonii*
menti, sufficit scire, & credere cum Ecclesia, quod hoc
fecit aliquando, nec enim omnia, quæ fecit, & di-
xit, scripta sunt.

QUÆSTIO III.

An matrimonium infidelium sit sacramentum :

NON loquimur de infidelibus præcisè, qui contra-
hant matrimonium in infidelitate, & in ea per-
severant: certum enim est apud omnes, illud non es-
se sacramentum, sed contractum purè civilem, sed
loquimur vel de infidelibus, qui post matrimonium
baptizantur, & quæritur, an per susceptionem bap-
tismi primum illud matrimonium evadat sacra-
mentum absque novo contractu, vel de matrimonio infi-
delis cum fidei, an istud sacramentum sit pro parte
fidei.

Suppono autem aliquod matrimonium stare posse
inter fidelem, & infidelem, sive quia existeret ante
conversionem eius: nam tunc *sanctificatus est vir in-
fidelis per mulierem fidelem*, & vicissim; & possunt re-
manere simul ex consensu, ut docet Apost. [1] vel ex
dispensatione ab impedimento *disparitatis cultus*, de
quo aliàs. Et quæritur, an per hoc, quòd unus con-
jugum baptizetur, alio remanente in infidelitate,
matrimonium initum evadat sacramentum, saltem
pro baptizato.

CONCLUSIO I.

Matrimonium contractum inter infideles nunquam
fit sacramentum, sed possunt de novo contrahere,
& tunc erit sacramentum.

Prob. l. p. ex Scoto, [2] quatenus docet cum Apo-
stolo, matrimonium posse dissolvi, quando alter con-
vertitur, & baptizatur, & non potest, aut non vult
habitare cum infidei propter periculum fidei: nam
priora matrimonia rata erant, nisi superveniret fortius
vinculum, cum quo non posset stare istud, cujusmodi
est nova obligatio ad Deum per fidei susceptionem, &c.
ergo ex Scoto tantum abest, ut per conversionem, &
Bap-

[1] 1. Cor. 7. [2] d. 39. c. 4.

Baptismus unius prior contractus evadat sacramentum, quin potius evadit solubilis, si fidelis non possit cohabitare cum infideli sine periculo, vel injuria fidei in Deum, *ad quam magis tenetur, quam ad vinculum conjugale*, inquit.

Prob. 2. Quia cum infideles baptizantur, non contrahunt, & non existit materia proxima, nec forma sacramenti matrimonii; ergo &c. Probat. ant. Nam materia, & forma sunt contrahentes, & contractus ipse per verba, aut signa consensuum in vinculum; ergo tunc matrimonium non fit sacramentum, quia sacramentum exigit materiam, & formam præsentem pro eo instanti, quo fit. Ant. patet experientia, & supponitur: nam fortè non cogitant de matrimonio.

Confirm. Nam per receptionem baptismi nulla fit mentio de matrimonio præterito; ergo istud non potest evadere sacramentum per baptismum.

Prob. 3. Si tunc matrimonium elevaretur ad esse sacramenti, causaret gratiam sibi propriam; sed hoc est falsum; ergo &c. maj. patet: nam omne sacramentum causat gratiam sibi propriam. Probat. min. quod non est, nec fuit sacramentum, non potest dare gratiam sacramentalem. Sed matrimonium inter infideles, & ante baptismum non fuit sacramentum, ut supponitur, nec existit, cum baptizantur, quia tunc nullum ejus signum apparet, nec materia, nec forma ejus; ergo non potest tunc dare gratiam illi sacramento propriam.

Prob. 2. p. Quia si conjuges conversi de novo contrahant, applicatur vera materia, & vera forma cum debita intentione, & sunt capaces gratiæ sacramentalis, denique adsunt omnia essentialia sacramenti; ergo est verum sacramentum matrimonii, & habet effectum ejus. Prob. ant. 1. adsunt contrahentes, & exprimunt consensum suum eodem modo, ut cæteri omnes sponsi, & sunt capaces sacramenti. 2. cum jam sint fideles, id faciunt cum debita intentione. 3. nulla lege prohibetur illa renovatio consensus in illis circumstantiis; ergo &c.

Confix. Si quid impediret, maximè quia reciproca donatio suorum corporum jam est facta, & consummata; sed hoc non impedit; ergo nihil. Maj. admittitur ab adversariis, & est eorum fundamentum.
Nam

498 *De essentia, & existentia matrimonii*

Nam ait Hiquæus, [1] *contractus, qui est completè consummatus, irri nequit*. Prob. min. tum quia illa donatiomutua non fuit facta sub præsentì conditione, & intentione, & possunt resilire à præcedenti contractu, & sibi invicem redonare corpora ad hunc effectum, nec id prohibet lex ulla; tum quia donatio illa prior conjugum non est fortior, nec insolubilior ea, quæ fit per vota Religionis, quæ non sunt sacramentalia, sed hæc vota possunt iterari, & renovari ad novum meritum, & gratiam novam; ergo & contractus matrimonialis ad finem adeo sanctum, quale est bonum sacramenti.

Objic. 1. con. 1. p. *Matrimonium inter infideles est verum, sed non ratum, inter fideles autem est verum, & ratum*; ergo hoc ipso, quod conjuges baptizantur, & fiunt fideles, matrimonium infidelium fit ratum, & sacramentum.

Resp. neg. conf. Nam canon per matrimonium ratum inter fideles intelligit illud, quod contraxerunt, ut fideles, & post baptismum, & quod fuit verum sacramentum, & prorsus insolubile, etiamsi alter apostataret à fide per paganismum, vel hæresim. Sed non loquitur in casu nostro de contracto in infidelitate, quod non est adeo insolubile, quin uno converso, possit ipse separari ab alio, si velit, aut non possit cohabitare sine periculo fidei, aut gratiæ; ergo ille canon non est ad rem; bene verò pro 2. p. quia probat, quod matrimonium infidelium venientium ad fidem, possit, & debeat ratificari, ut fiat sacramentum.

Objic. con. 2. p. Per baptismum infidelium matrimonium illorum fit insolubile; ergo & fit sacramentum: nam insolubilitas venit ex sacramento.

Resp. neg. conf. & prob. ejus. Nam ille contractus de se, & natura sua, & jure divino talis est, ut non possit dissolvi inter fideles.

Resp. 2. neg. ant. absolute: nam si unus conjugum maneat in infidelitate, ille, qui fuerit baptizatus, poterit ab infideli discedere, ut docet Canon cit. non autem ille, qui contrahitur inter fideles; ergo ille contractus non habet eandem insolubilitatem, etiam post baptismum, quam qui fit inter fideles, & sic ruit objectio. Imò & si evaderet insolubilis, hoc non fieret

ret ex vi sacramenti præcisè, sed ex vi talis contractus, & mutatione talis circumstantiæ.

Inst. Conversio non debet esse onerosa conversis; sed nisi matrimonium fieret sacramentum, conversio esset eis onerosa: nam contractus fieret insolubilis æquè, ac contractus fidelium, & nullam reciperent gratiam sacramentalem; ergo &c.

Resp. neg. min. & prob. Nam possent ambo renovare contractum, qui fieret sacramentum, & conferret gratias, deinde per baptismum supplerentur illæ gratiæ.

Inst. 2. Potuit Deus velle, ut ex vi contractus præcedentis, conversi per baptismum reciperent gratias, quas fideles recipiunt, dum contrahunt; ergo ita est, quia sic magis commendatur Dei bonitas.

Resp. neg. conf. Quia sine fundamento in Scriptura, vel traditione Ecclesiæ nihil debemus asserere circa sacramenta. Unde quia in aliis, quæ consistunt in usu, non confertur gratia, nec sunt sacramenta, nisi in suo fieri, ita dicendum est de isto.

Objic. 1. con. 2. p. Contractus ille 2. nihil operaretur; ergo non faceret sacramentum. Nam istud requirit contractum validum, qualis non esset iste. Prob. ant. Si quid operaretur iteratus, posset saepius iterari, & toties fieret sacramentum. Sed hoc est falsum, & contra praxim; ergo nihil operatur. Prob. maj. nam eadem est ratio de 3. 4. & 5. &c. ac de illo 2. ergo si 2. post baptismum esset sacramentum, ita & posteriores.

Resp. neg. 1. ant. Nam operatur gratiam, & insolubilitatem, dum addit novam circumstantiam, quæ reddit contractum istum materiam aptam sacramento, & facit, ut sit sacramentum, sc. statum baptismi, & fidei, qui status ex Dei institutione requiritur ad hoc sacramentum, posteriores verò nihil novi adderent, ideo nihil facerent.

Objic. 2. Si unus tantum convertatur, non tenentur de novo contrahere, & tamen pro converso primus contractus evadit sacramentum; ergo multò minus tenebuntur, si ambo convertantur.

Resp. dist. ant. Non tenentur iterare contractum, nisi velint habere sacramentum, con. absolutè, neg. ant. ut patet ex dictis: imò forte nequidem iterando
con-

500 *De essentia, & existentia matrimonii*
contractum habebitur sacramentum pro conjugē fide-
li, ut patebit.

CONCLUSIO II.

S*ifidelis contrahat cum infideli, non fiet sacramen-*
tum.

Dico, *si contrahat*, etiam cum aliqua dispensatione
super impedimento disparitatis cultus, quod est dirim-
ens.

Prob. 1. ex Scoto, [1] *Tali contractui non esset an-*
nexum sacramentum fidei Christianæ, nec etiam ibi
esset bonum sacramenti, sc. insolubilitas, & propterea
Ecclesia prohibuit tale matrimonium; ergo contractus
iste fidelis cum infideli non potest esse sacramentum
Ecclesiæ ex lege ejusdem.

Prob. 2. Quia illud matrimonium non esset insolu-
bile ex neutra parte; ergo nec sacramentum, quia in-
solubilitas venit ex sacramento: nam apud infideles
non censebatur insolubile. Prob. ant. ex Apost. [2]
cit. nam si infidelis non vult habitare cum fidei, iste
potest ab eo discedere, & dissolvitur matrimonium,
quod non liceret: si semel fuisset validum sacramen-
tum, ut pater, quando unus cadit in hæresim, vel
paganismum; fidelis manet ligatus, quamdiu vivit
apostata, quia voluit sacramentum, ut videbimus;
ergo &c.

Prob. 3. Essentia matrimonii consistit in mutuo, &
debito consensu utriusque conjugis, qui consensus est
illi essentialis, & uterque conjux debet esse capax e-
jus; sed conjux infidelis non est capax talis consen-
sus, qui faciat sacramentum; ergo &c.

Prob. 4. Sacramentum hoc essentialiter est unum,
constans uno contractu inter duos, sc. marem, & fœ-
minam, & requirit subjectum capax; sed infidelis
cum fidei non sunt subjectum unum capax sacramen-
ti hujus; ergo ille contractus non erit sacramentum.
Prob. min. Nam ex Script. Conciliis, & Patribus so-
lus contractus baptizatorum est materia apta hujus
sacramenti; sed iste contractus non est verè baptiza-
torum, licet unus conjugum sit baptizatus; ergo &c.

Confir. Nam si lex jubet, quod contractus vendi-
tionis non valeat, nisi inter nobiles, non valebit, si
alter

alter sit ignobilis. Sed lex Ecclesiæ non vult, quod iste contractus valeat inter dispares cultu, seu inter fidelem, & infidelem, nec Christus voluit, ut illi annectatur sacramentum; ergo si fieret, non esset sacramentum.

Objic. 1. Nihil deest tali contractui, ut sit sacramentum; ergo &c. Prob. ant. adest consensus mutuus cum debita intentione faciendi, quod faciunt fideles; ergo &c.

Respond. neg. utrumque ant. nam infideles non respiciunt hunc contractum, nisi ut civilem, aut naturalem: nam non agnoscunt contractum sacramentalem, ut fideles; ergo non possunt illum intendere, ut talem.

Objic. 2. Si quid deesset ad sacramentum pro fidei, maximè consensus infidelis; sed hic non deest; ergo nihil deest. Prob. min. nam iste consentit, ut pro parte fidelis fiat, quod fit in Ecclesia, non sibi, sed ipsi fidei; sed iste intendit sacramentum; ergo & infidelis idem intendit.

Resp. neg. 1. min. & 2. maj. vel sic dist. consentit materialiter, & invalidè, con. maj. & neg. min. validè, & debitè, neg. maj. & conf. Nam ad hoc deberet ipse esse capax talis intentionis, & sacramenti, quod non est divisibile.

Inst. Si duorum fidelium unus haberet peccatum mortale, divideretur effectus sacramenti, & ille non reciperet gratiam, ut innocens; sed ita est de valore quoad fidelem cum infideli; ergo similiter contractus esset sacramentum pro fidei, non pro infideli, & sic divideretur effectus, & ipsum sacramentum.

Resp. neg. min. Nam aliud est sacramentum dividi, aliud effectum dividi, istud quotidie accidit non tantum in duobus subjectis, sed etiam in eodem, qui baptizatur, vel ordinatur cum obice peccati, non recipit gratiam, benè verò characterem. Sed ipse baptismus, nec ordo, nec matrimonium sunt indivisibilia.

Inst. 2. Quod contractus valeat ut sacramentum pro uno, & non pro alio conjugum, non dividitur quoad essentiam, sed quoad integritatem materialem; sed divisio quoad integritatem non invalidat sacramentum; ergo &c.

Resp.

§ 02 De essentia, & existentia matrimonii

Resp. neg. maj. Nam de essentia hujus contractus, & sacramenti est, ut sit inter duos, & pro duobus; ergo non valet pro uno solo.

Quæres, *An inter duos fideles dari possit matrimonium validum in ratione contractus, & non sacramenti.*

Resp. posse. 1. quia nulla est in hoc implicantia. 2. quia de facto contingit in hæreticis Lutheranis, & Calvinistis, qui cum non agnoscant matrimonium ut sacramentum, sed purè ut contractum civilem, nihil aliud intendunt; ergo nec ad aliud valet. Imò si Catholicus ex malitia, vel errore non intenderet, nisi contractum, non reciperet sacramentum, quia deesset debita intentio ad sacramentum.

Dices ex Scoto, [1] *In quocumque contractu in lege Evangelica concomitatur sacramentum, quia illud signum, quod requiritur ex institutione divina, est sacramentum;* ergo quoties adhibentur necessaria ad valorem contractus matrimonialis, fit sacramentum.

Resp. dist. conf. Si adsit debita intentio ad contractum, & sacramentum, conc. si desit intentio ad sacramentum, neg. conf. Nam Scotus ubique requirit debitam intentionem ad valorem sacramenti, & sæpius dicit matrimonium valere posse ut contractum, sine sacramento, v. g. si non adhiberetur forma debita ex institutione Christi; ideo sequitur, quòd alicubi valet ut contractus, & non ut sacramentum: nec in hoc est implicantia, vel absurditas, quidquid dicant quidam Theologi, etiam Scotistæ.

QUÆSTIO IV.

De materia, & forma matrimonii.

IN aliis sacramentis vidimus ea constare quibusdam rebus pro materia, & verbis, tamquam forma; idem dicendum esset de isto, sed quid illa sint, non convenit inter Theologos.

Certum est autem hæc sensibilia concurrere in matrimonio. 1. personas, seu sponso. 2. actus, quibus se sibi mutuò tradunt, qui sunt consensus interni externè significati per verba, vel nutus sensibiles. Hinc

[1] d. 26.

quæritur, quid ex his habeat locum materiæ, & formæ, & in hoc variè loquuntur Theologi. Quid verius videatur, accipe.

CONCLUSIO I.

Materia remota sacramenti hujus sunt corpora sponsorum, & proxima est eorum ad invicem traditio. Est communior.

Prob. 1. ex Scoto, [1] qui dicit, *Circa materiam habilem, vel inhabilem aliquid immutat (Ecclesia) sed non circa illud, quod est essenziale contractui matrimonii, præsupposita materia idonea. Sed illa mutatio facta est circa personas aliquas, quæ alias essent legitime ad contrahendum, & eas Ecclesia illegitimat; ergo censet personas contrahentium esse materiam remotam hujus sacramenti.*

Prob. 2. Materia remota contractus est res, de cujus traditione agitur, & proxima est ratio, sub qua in tractatum cadit; sed matrimonium est verus tractatus, in quo agitur de corporibus sponsorum tradendis sibi ad invicem; ergo materia remota ejus sunt corpora, & traditio eorumdem est proxima. Prob. min. ex allata definitione matrimonii: nam dicitur, *legitima traditio corporum*, &c. & hunc traditionis contractum Christus evexit ad statum sacramenti; ergo, &c.

Probat. 3. Nihil enim congruentius assignari potest pro materia hujus sacramenti, quàm illa corpora, ut tradenda, vel tradita, ut patebit solutione objectionum, quibus prætenditur alia assignari; ergo &c.

Confir. Illud habet rationem materiæ in sacramento, quod se habet ut subjectum, & ut determinabile physicum, & sensibile ad significatum, seu ad rem sacramenti; sed nihil est in sacramento, quod sit magis determinabile, & sensibile physicum ad significandum effectum ejus, quàm corpora sponsorum, ut tradenda; ergo illa corpora, ut tradenda, sunt materia remota, & proxima ejus.

Objic. 1. Causa efficiens sacramenti non potest esse causa materialis ejusdem; sed sponsi sunt causæ efficientes matrimonii; ergo &c. Patet maj. Nam idem
non

[1] d. 26. S. 20.

504 *De essentia, & existentia matrimonii*

non potest agere, nec causare seipsum, & causæ materialis, & efficiens distinguuntur. Prob. min. ex dicendis de causa efficiente.

Resp. dist. maj. Non potest sub eodem respectu, con. sub diverso respectu, neg. maj. & min. & antec. Nam contrarium patet experientia tam de actibus immanentibus, quos intellectus, & voluntas produciunt in se ipsis, quàm de transeuntibus, ut eùm homo tradit seipsum servituti, aut se ab ea redimit.

Objic. 2. Illud est materia matrimonii, in quo fundatur ratio sacramenti, & quod ad eam elevatur; sed ratio, & elevatio fundantur in contractu, non in corporibus conjugum; ergo &c.

Resp. dist. min. Fundatur in contractu formaliter, & proximè, con. materialiter, & remotè, neg. min. nam contractus omnis est de aliqua re, quæ est materia remota, in qua fundatur ipsa tractatio, & traditio, quæ est materia proxima, & ratio fundandi sacramenti.

Objic. 3. Materia, & forma sacramentorum sunt determinatæ à Christo, nec Ecclesia potest quidquam circa illa immutare, quia sunt de essentia eorum; sed Ecclesia mutavit plura circa corpora, & personas sponso- rum, ut eùm inhabilitavit sacerdotes, & monachos, & affines, &c. ergo &c.

Respond. dist. maj. & min. Sunt determinatæ à Deo quoad substantiam, & in genere, con. maj. sunt determinatæ in specie atoma, & quoad accidentia, neg. maj. & min. Nam quoad substantiam, & in genere nihil mutavit Ecclesia, sed tantum in specie, & quoad accidentia. Deus pro materia instituit corpora maris, & fœminæ, ut tradenda mutuo per contractum legitimum juxta leges civiles, & canonicas, & quoad hoc nihil mutavit Ecclesia, sed tantum circa conditiones contractus humani, & personas habiles ad contrahendum, defectu quarum conditionum non sunt materia apta ad sacramentum, & hoc, quia Christus ipse hanc facultatem Ecclesiæ reliquit.

CONCLUSIO II.

Forma huius sacramenti sunt verba, seu signa externa, quibus sponsi consensum suum internum ad invicem manifestant de illa traditione mutua corporum.

Prob. 1. ex Scoto. [1] Forma est aliquod signum sensibile institutum à Deo ad significandam efficaciter gratiam tunc collatam, sc. signum, ex impositione humana, ut sit signum sufficiens ad contractum. Quæ forma est una unitate integritatis; non unitate indivisibilitatis, verba enim hinc inde expressiva consensus sunt unum signum integrum respectu contractus, et respectu gratiæ, ergo ex Scoto forma consistit in verbis, aut signis, quibus sponsi significant consensum in illam traditionem mutuam corporum suorum.

Prob. 2. ex Concil. Florent. [2] dicente, quòd in sacramentis res habent locum materiæ, & verba formæ; ergo verba, aut nutus contrahentium, quibus significant consensum suum in illam traditionem reciprocam, habent rationem formæ in isto.

Confir. In sacramentis illa habent rationem formæ, quibus res, & actus ministrorum determinantur ad significandos effectus eorum, sed verba illa, seu signa id præstant in hoc sacramento, sc. gratiam sanctificantem, & auxilia necessaria ad vitam conjugalem servandam, & onera ejus ferenda: ergo &c.

Dixi, seu nutus, seu signa verbis æquivalentia, &c. Nam surdi, & muti, qui non possunt audire, & loqui per verba formalia, possunt tamen nubere. Ut patet in SS. Canonibus cap. [3] Cum apud; & cap. Tuæ fraternitati. Ubi decernitur de muto, & surdo, quòd si talis velit contrahere, sibi non potest, vel debet denegari; cum, quod verbis non potest, signis valeat declarare, Imò, si fœmina ex pudore non audeat, vel non possit verbis exprimere consensum, sufficit, ut nutibus, v. g. capitis inclinatione, vel scripto, aut alio signo declaret, & talis est praxis Ecclesiæ.

Obijcies. Forma sacramenti debet esse à Christo determinata: sed quoad verba, aut signa ista nihil habemus determinatum: ergo non sunt forma in isto.

Tom VIII.

Y

prob.

[1] *ibid.* K.L. 3. et 14. [2] *decr. Eug.*

[3] *de spon.*

306 De essentia, & existentia matrimonii

prob. min. nam hæc traditio, & consensus modò fit per ista, modò per alia verba, & signa; ergo &c.

Resp. ut supra, determinata in genere, aut specie: con. maj. in specie atoma: neg. maj. & cons. Nam sufficit determinatio, quoad substantiam, & in genere, quo significant sensibilibus effectum insensibilem sacramenti; quod faciunt verba, & signa varia.

Inst. ex Concilio Florent. cit. Sacramenta constant verbis tamquam forma; & de istis dicit, quod causa efficiens est consensus *per verba de presenti expressus*; ergo verba, & non nutus, sunt de essentia formæ matrimonii.

Resp. i. dist. i. ant. & 2. cons. Omnia regulariter, & quando alia signa, quàm verba, non exprimunt sufficienter effectum illorum: con. singula, & quando non possunt adesse verba, sed alia signa æquivalenter significant effectum: neg. ant. & cons. Nam sicut in contractibus humanis nutus, & signa suppleant defectus verborum, ut in mutis, & surdis, ita ad valorem contractus matrimonialis signa suppleant verba.

Amplior resolutio hujus quæstionis pendet ex sequenti; nam qui tenent sacerdotem esse ministrum hujus sacramenti, facile possunt dicere formam ejus esse verba, quæ iste profert super sponso audito eorum consensu; v. g. *Ego vos conjungo*, &c. Nos verò in hac conclusione supposuimus cum sententia communiori, conjuges ipsos esse ministros ejusdem sacramenti, quod suscipiunt.

Quæres, *An in utroque conjugum matrimonium sit unum sacramentum.*

Resp. Esse unum unitate essentiali, & integrali: non autem unitate indivisibili. Ratio est, quia omnis contractus essentialiter constat pluribus, & est saltem inter duos; & constat actibus duorum, uno promittente, alio acceptante, vel ambobus reciprocè promittentibus, & acceptantibus, & tamen dicitur unus. Sic in matrimonio, ambo sponsi tradunt sibi ad invicem corpora sua, & ambo acceptant eadem ad invicem in ordine ad generandum prolem, &c. ex illis mutuis actibus resultat unus contractus, & unum sacramentum integrum ex duabus partibus contrahentibus, in quibus operatur suum effectum. Nec in hoc apparet dubitandi ratio.

QUÆ.

QUÆSTIO V.

De Ministro Sacramenti Matrimonii.

Certum est, quod olim, & ante Concilii Trid. [1] sessionem 24. Matrimonium sæpè celebrabatur inter solos sponfos sine interventu sacerdotis, & Concilium definit illa matrimonia fuisse valida. *Dubitan- dum non est clandestina matrimonia libero contra- hentium consensu facta, rata, &c. vera esse matri- monia, quandiu Ecclesia irrita illa non fecit.* Sed nunc illa declarat irrita, ideo necessaria est præsentia pa- rochi cum duobus testibus, ut valeant. Ideo quæri- tur, an ille Sacerdos sit verus minister hujus sacramen- ti, an verò sponfi ipsi sint sibi ad invicem ministri.

CONCLUSIO.

Probabilius est sacerdotem non esse verè, & propriè ministrum sacramenti matrimonii, sed ipsos spon- sos. Est communis.

Probat 1. ex Scoto. [2] *De Ministro aliud est du- bium. Quia ut plurimum ipsi contrahentes ministrant sibi ipsis hoc sacramentum, vel mutuò, vel uterque si- bi. Sed nec id requiritur necessariò, si in omni contra- ctu est sacramentum; quia aliquando patres contrahunt pro filiis, & filiabus præsentibus, eis non exprimentibus signa propria.*

Probat 2. ex Concil. nam Florent. [3] docet, quòd *causa efficiens* (septimi hujus sacramenti) *est mutuus consensus per verba de præsentibus expressus.* Sed minister, & causa efficiens sacramenti sunt idem; ergo &c. Et Tridentinum docet *clandestina matrimo- nia libero contrahentium consensu facta rata, & vera esse.* Sed in his non aderat sacerdos, sed soli duo sponfi; ergo ille non est verus minister matrimonii. sed soli sponfi: nam sacramentum non valet sine pro- prio ministro.

Dices, hæc Concilia loqui de matrimonio, ut contractu, non ut sacramento.

Y 2

Con-

[1] Sess. 24. c. 1. [2] *ibid.* M. 15.[3] Dec. Eug. *ibid.*

308 *De essentia, & existentia matrimonii*

Contra Concil. Florent. loquitur de matrimonio, quod dixerat esse unum ex 7. sacramentis, & de illo sub illa ratione ibi agebatur. Idem est de Tridentino: nam loquitur de matrimonio, quod docet *inter novæ legis sacramenta annumerandum*. Et quod deinceps decernit, *Fore irritum, et nullum*. Sed ubique loquitur de matrimonio, ut sacramento. Item ministerium parochi limitat ad benedicendos sponso. *Viro, et muliere interrogatis, et eorum mutuo consensu intellecto dicat, ego vos in matrimonium conjungo. &c. Et hortatur, ut conjuges ante benedictionem sacerdotalem, in templo suscipiendam in eadem domo non cohabitent, statuitque benedictionem à proprio paracho fieri, &c.* Nomine autem benedictionis, nullibi significatur collatio sacramenti.

Dices, Concilium, per *benedicere* idem intelligit, ac *conjungere*: Dicens, *nemini licere alterius parochiæ sponso sine illarum parochi licentia matrimonio conjungere, aut benedicere; ergo &c.*

Contra, quia tam dici potest, quod *conjungere* non plus significat, quam *benedicere*. Si benedictio, de mente Concilii significaret conjungere sacramentaliter; non prohiberet *benedicere* in secundis nuptiis; quia in istis tam requiritur præsentia parochi, & non minus sunt sacramentum, quam primæ; ergo illa benedictio non est sacramentum.

Confir. 2. ex Rituali Rom. [1] dicente, quod meminerint parochi à *Dominica 1. Adventus usque ad diem Epiphaniæ... prohibentur nuptias benedicere. Matrimonium autem omni tempore contrahi potest; ergo illa benedictio non est nisi quædam solemnitas matrimonii, non autem de ejus essentia; ergo nec sacramentum.*

Probatur 3. Nam Christus per institutionem matrimonii in sacramentum nihil immutavit de ratione contractus, & ipsum sacramentum est essentialiter contractus: sed in omni contractu contrahentes sunt ministri; ergo & ibi.

Confir. Nam si defectu sacerdotis matrimonia non essent sacramentum, Concilium non diceret solemnitates præcipi *ob gravia peccata, quæ ex clandestinis conjugii sortum haberent, sed dixisset, ea non fuisse sacramenta defectu ministri legitimi, nempe, sacerdotis,*

tis, & hoc motivum fuisset fortius, quàm illa inconvenientia. Imò docet ea fuisse valida, etiam ut sacramenta.

Probatur 4. Nam matrimonium contrahi potest per procuratorem, imò & per epistolas, & tunc est verum sacramentum: nec adest sacerdos, sed soli contrahentes per procuratores; ergo sacerdos non est verus minister.

Prob. denique, quia si sponsi contraherent præsente paracho, & testibus, ipso non benedicente, sed potius contradicente, plures Theologi tenent valere matrimonium: sed tunc sacerdos non se haberet, ut minister, sed ut merus testis; ergo sacerdos non est minister necessarius sacramenti hujus. Scio modum hunc contrahendi prohiberi, & merito, & sub censuris: sed non video id prohiberi cum clausulis irritantibus.

Objic. 1. ex Concilio Carthagin. IV. [1] *Sponsus, et sponsa cum benedicendi sunt à Sacerdote, à parentibus suis, vel paranympis offerantur: qui autem benedictionem acceperint, eadem nocte, pro reverentia benedictionis, in virginitate permaneant.* Eadem benedictio præcipitur in Tridentino cit. *parochus mutuo consensu intellecto dicat, ego vos conjungo, &c.* Colonienſe docet *Accedente sacerdotali precatone dari donum Spiritus S. scilicet gratiam sacramentalem....* Et in Enchiridio dicit, *Sacerdotes legitimos hujus sacramenti ministros esse.* Et Cameracense, *admonendos esse fideles, diximus parochos sacramenti ministros..* Et Mediolan. [2] *Cum sacramenta quinque tantum, scilicet Baptismum, Eucharistiam, penitentiam, matrimonium, et extremam unctionem parochus administrare possit; ergo sacerdos, & non sponsi est solus minister matrimonii.*

Respond. neg. conf. Nec enim rectè inferitur ex illis textibus, nec ea est mens Conciliorum, 1. reverentia illa suadetur propter sacramentum, quod comitatur illa benedictio: alioqui non deberent benedici thalami propter irreverentiam, quæ inferretur illis benedictionibus. 2. patet ex dictis, quod per illam benedictionem Tridentinum non intelligit collatio-

Y 3

nema

[1] can. 13.

[2] c. 11. p. 4. §. 2.

510 *De essentia, & existentia matrimonii*
nem sacramenti. 3. Concil. Colon. nobis potius faveat,
nam precatio illa non facit, sed supponit matrimo-
nium, quod optat benedicere. 4. Enchiridion loquitur de
ministro improprie, non strictè. Et Cameracense. Et
5. Mediolanense; sicut sacerdos, vel Diaconus por-
rigens Eucharistiam, dicitur *minister*, & omnes, qui
assistent Sacerdoti consecranti, seu celebranti dicun-
tur *ministri*. Igitur ministerium sacerdotis in matri-
monio importat puram solemnitatem ejus in facie Ec-
clesiæ, quæ ex decreto Concilii est conditio neces-
saria, ut valeat sacramentum. Quidquid dicant ad-
versarii. [1]

Inst. 1. ex Concil. Trid. & Ritualibus; sacerdos in-
tellecto consensu sponsum jubetur dicere super il-
los; *Ego vos conjungo*, &c. sed hæc verba significant ef-
ficientiam, seu causam ministerialem vinculi; ergo
ex conciliis, & Ritualibus sacerdos est verus minister.
Prob. min. eodem sensu, & modo dicit, *ego vos conjun-
go*; quo dicit, *ego te baptizo*. Sed hæc verba signifi-
cant efficientiam ministerialem in Baptismo; ergo &
in matrimonio.

Resp. neg. 1. min. & 2. min. Et differentie ratio pe-
titur ex ipso Concilio docente matrimonia olim va-
luisse sine illis verbis, non autem baptismum; ergo
valde alio sensu loquitur sacerdos in baptismo, quam
in matrimonio.

Inst. 2. Si verba illa nihil aliud significarent, nec
operarentur conjunctionem conjugalem, non posset
probari contra hæreticos matrimonium esse sacra-
mentum: sed conf. est inconveniens; ergo &c. prob.
maj. Non posset assignari materia, & forma veri sa-
cramenti; ergo &c.

Resp. neg. maj. & ant. Nam qui credunt Concilio
Tridentino, probant matrimonia clandestina ante il-
lud celebrata fuisse vera, & rata; & tamen non erat ibi
sacerdos, nec ejus præsentia putabatur necessaria, &
non deerat materia, & forma veri sacramenti, qualem
nos assignamus.

Objicies 2. ex Concil. Florent. sacramenta omnia
constant rebus, & verbis, sed nisi verba sacerdo-
tis sint necessaria matrimonio, non possunt assigna-
ri alia, quæ habeant rationem formæ; ergo &c.

Resp.

Resp. neg. min. Nam verba formalia, aut virtualia conjugum, quibus significant suum consensum, sunt verba, & forma hujus sacramenti, ut olim ante decretum necessitatis præsentiæ Parochi.

Objic. 3. Conjuges sunt suscipientes; ergo non possunt esse efficientes illud, nec ministri. Prob. conf. in omnibus talis suscipiens, & minister distinguuntur; ergo &c.

Resp. neg. 1. ant. & 2. conf. Sacerdos est simul minister subjectum Eucharistiæ.

Inst. Fœminæ non possunt ministrare Sacramenta; ergo nec matrimonium suum. Prob. ant. ex cap. *Tribus gradibus* dicitur, *commissa Sacramenta Presbytero, Diacono, et ministro*; ergo &c.

Resp. neg. ant. & 2. conf. Nam iste canon loquitur de Sacramentis consecratoris, & maxime de Eucharistiæ consecratione, dispensatione, & custodia, ut legenti patet.

Inst. 2. Si conjuges essent ministri, peccarent mortaliter duplici peccato, si contraherent in statu peccati mortalis, nam susciperent, & ministrarent in peccato, & duplicem facerent irreverentiam sacramento, sed conf. est falsum; ergo &c.

Resp. neg. min. Quod esset in hoc durum, aut inconveniens; nam sanctè tractanda sancta. Imò Concilia hortantur, ut, *antequam contrahant, consiteantur, aut saltem triduo ante consummationem*. Et ea die abstineant à copula, quæ de se non est peccatum; ergo exigunt statum gratiæ.

QUÆSTIO VI.

An hoc Sacramentum valeat inter absentes.

QUæritur, an valeat Matrimonii Sacramentum, si fiat per procuratorem, aut per epistolas, aut per parentes, & quidem in ratione Sacramenti; nam certum est, quod de ratione contractus non est necesse, ut partes contrahentes sint præsentes, modò procuratores habeant mandatum authenticum, & non excedant.

CONCLUSIO.

Matrimonium inter absentes, per procuratorem, aut nuntium, aut epistolam valet in ratione contractus, et sacramenti. Est communis.

Prob. 1. ex Scoto. [1], Concedo, quod ad contractum sufficit parentes contrahere pro filiis: & sufficeret sine quibuscumque verbis contractus per litteras; si quidem in aliis contractibus emptio- nis, & venditionis firmior contractus habetur in litteris, quàm verbis nudis: ita autem in istis signis salvetur ratio sacramenti. Dixerat supra. Si ergo ibi est sacramentum, oportet dicere, quod minister hujus sacramenti potest indifferenter, quicumque potest esse minister in contractu matrimonii. Sed contractus potest fieri inter absentes, per procuratores, & epistolas, &c. ergo &c.

Prob. 2. ex cap., procurator: ubi dicitur, quod procurator non aliter censetur idoneus ad matrimonium contrahendum, quàm si ad hoc mandatum habeat speciale, &c. ergo si procurator habeat mandatum speciale, potest contrahere. Et cap., Honoratur ex S. Ambros. Consultitur puella, non de sponsalibus. (non est enim virginalis pudoris eligere maritum) sed jam desponsata viro, de professionis consultitur die (loquitur de Rebecca) ergo contrahitur per procuratores, aut parentes.

Confir. ex Script. [2] Nam Rebecca nupsit Isaaco per Eliexer servum Abraham missum in Mesopotamiam. Ubi vocata illa coram patre, & nuntio, & proposito sibi matrimonio cum Isaac, ipsa consensit, & contractus valuit; ergo &c.

Prob. 3. Nam alii contractus valent per procuratores; ergo & iste. Prob. conf. nam ut contractus nihil habet speciale præter materiam; ergo &c. prob. conf. si quid obstarat in isto, maximè defectus præsentiae parochi statuta per Trident. Sed per hoc nihil innovatum est, quod invalider contractum; ergo &c. prob. min. Concilium nihil novi exigit, nisi ut contrahatur coram parochio, & testibus; sed hoc fieri potest in contractu per procuratores, & nuntios. Quod enim

[1] d. 27. q. 2. B. 3. [2] Gen. 24.

enim impedit illos ibi adesse, & per istos vocati æquè, ac si per se ipsos contraherent sponsi; ergo &c.

Confir. ex jure civili: nam l. *Sufficit*, & l. fin. de sponsal. definitur inter absentes æquè, ac inter præsentes matrimonium contrahi posse, positis ponendis, scilicet conditionibus bonæ procurationis, aut delegationis.

Prob. 2. p. 1. quia in tali contractu adsunt omnia requisita ad sacramentum, scilicet materia, & forma idonea, & ministri, scilicet contrahentes adsunt per nuntios, vel procuratores, adest consensus per verba, aut signa expressus, adsunt parochus, testes, prout exigit Ecclesia; ergo &c.

Confir. nam ante Concilium matrimonia sic contracta erant verè sacramenta; ergo & nunc, modò adsint solemnitates, quas præscribit. Prob. ant. ex traditione, & praxi, maxime inter principes; imò & ipsum Concilium innuit solita matrimonia sine illis solemnitatibus fuisse vera sacramenta.

Confir. 2. nam si talia non valerent, nunc Concilium non obmisisset id docere, quia ex professo reformabat, & statuebat omnia necessaria ad hoc sacramentum; sed nihil quoad hoc statuit; ergo &c.

Objic. 1. Alia sacramenta non dantur absentibus per procuratores, aut alios, ut diximus de singulis; ergo idem est de isto, quia in hoc est ejusdem rationis.

Resp. neg. conf. & disparitas est, quia validitas istius fundatur in validitate contractus, ad quam non requiritur præsentia personalis contrahentium, modò constet de consensu; non ita est de aliis.

Inst. Procurator, vel nuntius, vel epistola, non potest dicere coram parochus, *Ego te accipio in meam*, &c. nec parochus, *Ego vos conjungo*; sed sine his formis non valet sacramentum; ergo &c. Prob. min. ex Concil. Trid. cit.

Resp. dist. maj. & min. Non possunt dicere formalibus verbis, & materialiter, conc. maj. & neg. min. æquivalenter, neg. maj. & conf. sufficit, ut expriman- tur consensus sponzorum de præsentis per procuratores: unus potest dicere Petro, *Accipio te in meum nomine Jacobæ*; & alter, *Accipio te in meam nomine Petri*, &c. Et parochus, *Ego vos conjungo in Petro, et Jacobæ, pro quibus agitis*.

514 De essentia, & existentia matrimonii

Objic. 2. Si valeret sacramentum pro absentibus, causeret in eo gratiam, etiam ipso dormiente, & procurator peccaret pro ipso, scilicet si Petrus dormiret, vel esset in peccato, dum pro illo contrahit; sed hæc sunt absurda; ergo &c.

Resp. dist. min. Sunt absurda ex culpa sponzorum, conc. invalidantia sacramentum, neg. min. nam quod sponsi sint in peccato, aut dormiant, cum procuratores pro ipsis contrahunt, illorum culpa est, & incongruitas, sed non ideo invalidus est contractus, nec sacramentum, sicut si quis post petitum baptismum, vel absolutionem cadat in lethargiam, non invalida sunt illa sacramenta, si dentur illis. Et si per se conjuges contraherent in peccato, non reciperent gratiam, sed sacramentum valeret; ergo ita est de absentibus.

Inst. Non valet confessio, nec absolutio absentium; ergo nec matrimonium. Ant. patet ex dictis de poenitentia. Prob. conf. Eadem ratio est de utroque; ergo &c.

Resp. neg. 1. conf. & 2 ant. Nam confessio, & absolutio sacramentalis exigunt dispositiones poenitentis, quæ debent esse præsentibus Sacerdoti, cum absolvit, scilicet verecundia, & contritio, & propositum non peccandi, quæ oriri debent ex corde, & quæ vix præsentia possunt esse in absente, cum profertur absolutio; epistola, aut procurator non erubescit, ideo Ecclesia strictè prohibet eam praxim. Hæc autem non urget in matrimonio, quod non exigit, nisi consensum realem, de quo sufficienter constat per procuratorem cum mandato speciali.

Inst. 2. Fieri potest, ut dum legitur epistola, vel auditur procurator, sponsus mutet voluntatem, & dissentiat; ergo exponeretur sacramentum nullitati, quia deesset consensus.

Resp. neg. conf. saltem de periculo imputabili, aliqui non posset unquam securè conferri ullum sacramentum, etiam præsentibus, in quibus possent deesse dispositiones internæ, sed tamen prudenter confervatur, quia non præsumitur malitia, nec dolus in rebus tanti momenti.

Inst. 3. Ipse procurator posset agere cum intentione interna, & contraria sacramento; ergo etiam ex hoc capite exponeretur sacramentum prophanationi, & nullitati.

Resp.

Respon. neg. conseq. ob eandem rationem, quia scilicet id potest contingere in præsentibus, nec præsumitur dolus, aut malitia in isto magis, quàm in aliis. Deinde procurator significat intentionem mittentis, non suam.

Objic. 3. Non datur actio in distans; ergo sacramentum datum Camberii non potest operari gratiam Romæ; ergo nec vinculum conjugale.

Respon. dist. antec. Actio agentis physicè, conc. agentis moraliter, neg. antec. Contractus celebratus Camberii per legitimum procuratorem ligat Petrum existentem Romæ, Sacramenta autem operantur actione morali.

QUÆSTIO VIII.

De consensu requisito ex parte conjugum.

PER consensum intelligitur actus voluntatis, quo objectis sibi propositis assentitur simul cum aliqua persona: nam consentire est cum aliquo sentire, & definitur *duorum, vel plurium sensus in idem*, cap. *Quod autem*, 29. quæst. 1. sic, *Assensus contrahentium matrimonium est actus voluntatis eorum, quo in illud mutuò assentiuntur, valentes sibi invicem transferre dominium suorum corporum in ordine ad procreationem prolis, & individuan, ac perpetuam societatem.*

De hoc consensu jam sæpe locuti sumus, & ex dictis constat illum esse efficientem vinculi, quod est ratio formalis matrimonii. Item constat illum præstari posse per procuratorem, nuntium, vel epistolam inter absentes; sed restant pauca dicenda de ejus necessitate, libertate, sensibilitate, sinceritate, objecto, &c. quæ hic breviter expediemus.

CONCLUSIO I.

UT validum sit matrimonium, necessarius est maris, & feminae consensus sensibiliter significatus. Est de fide.

Præb. 1. ex Scoto. [1] Contractus dicitur, quasi si-

[1] D. 16. G. 8.

§ 16 De essentia, & existentia matrimonii

mul. tractus duarum voluntatum, & per consequens requirit actus voluntatum concordēs in translatione corporum mutua; & infra, [1] Contractus includit duas partes, scilicet assensum huius, & illius, & in utroque etiam duos actus, scilicet interiorem, & exteriorem, significantem illum interiorem; ergo ex Scoto necessarius est cōsensus mutuus ad validitatem matrimonialis contractus.

Prob. 2. ex sacris Canonibus, & Conciliis: nam cap. Quod autem [2] dicitur, Consensus utriusque facit matrimonium. Et cap. Sufficiat, Nicolaus I. dicit, Sufficiat secundum leges solus eorum consensus, de quorum conjunctionibus agitur, qui consensus, si in nuptiis solus fortē defuerit, cetera omnia, etiam cum ipso coitu celebrato frustrantur. Et cap. Tuā, ex Innoc. III. Matrimonium in veritate contrahitur per legitimum viri, & mulieris consensum. Et Concil. Florent. [3] Causa efficiens matrimonii regulariter est mutus consensus per verba de præsenti expressus. Et Trident. cit. [4] præcipit, ut parochus intelligat viri, & femina mutuum consensum, &c. ergo &c.

Prob. 3. Omnis contractus fit per consensum liberum, & mutuum contrahentium; sed matrimonium est essentialiter contractus, aut saltem ex illo nascitur illud vinculum, in quo consistit; ergo &c.

Prob. 2. p. 1. ex iisdem Canonibus, & Conciliis: nam in Florent. dicitur, mutus consensus per verba de præsenti expressus. Et Trident. jubet interrogari virum, & mulierem, ut ex eorum verbis, aut nutibus intelligat eorum consensum; & ita docet Rituale Romanum, sc. utriusque consensum debere exprimi signo sensibili, siue fiat per se, siue per procuratorem; ergo consensus debet exprimi sensibilibiter.

Prob. 2. quia de ratione omnis contractus est, ut fiat per actus humanos, & sensibiles, seu perceptibiles à contrahentibus, maximè in ordine ad sacramentum, quod essentialiter est signum sensibile: nec enim homo in hac vita agit, nisi mediantibus sensibus, non autem sicut Angeli per actus purè internos, & spirituales; ergo ita est de consensu in contractu matrimoniali.

Obijc. 1. cont. 1. par. Multa matrimonia habentur ut legi-

[1] d. 27. q. 1. 2. [2] 27. q. 2.

[3] decr. de spons. [4] sess. 24. c. 1.

legitima, in quibus non adfuit verus consensus. Item ex Scoto, & Canonibus, filii nubunt solo consensu, non suo, sed parentum, & illi, cum adoleverint, debent matrimonium sic contractum adimplere, cap. *Tua nos*; [1] ergo non est necessarius consensus conjugum.

Respond. dist. 1. par. anteced. Habentur legitima in foro externo, conc. in foro interno, & à parte rei, neg. antec. nam defectu consensus interni, & veri, sunt à parte rei nulla, licet appareant valida propter consensum externum fictum. Quoad secundam verò part. anteced. neg. consequ. nam filii debent semper consentire propria voluntate, cum adolescunt. Canon autem ille loquitur non de matrimonio, sed de sponsalibus, & cum dicitur, quod *cum filius pervenerit ad perfectam ætatem, omnino debet hoc implere*, hoc debitum est honestatis, non necessitatis, ait Glossa.

Objic. 2. Consensus est quid internum, & spirituale, matrimonium verò est quid externum, & sensibiles ergo consensus non est quid essentiale matrimonio.

Resp. dist. conf. Consensus purè internus, & solus per se immediatè, conc. consensus externè expressus, neg. conf. nam de isto loquimur.

Objic. 1. con. 2. par. Significatio externa consensus est incerta, potest esse ficta; ergo non facit ad sacramentum, quia esset incertum.

Resp. neg. conf. & dist. prob. Incertum physicè, conc. moraliter, neg. alioqui nullum unquam posset adhiberi sacramentum, quia subesse potest falsitas ex parte ministri, aut suscipientis. Sufficit illa certitudo, quæ haberi solet in actibus humanis, & contractibus, ait Doctor: nam quilibet præsumitur verax, de quo non habetur signum oppositi.

Objic. 2. Innoc. III. dicit, [2] quod *necessaria sunt verba consensum exprimentia de presenti*; sed quantum ad Ecclesiam; ergo expressio externa consensus non est de necessitate sacramenti, sed tantum præcepti Ecclesiæ.

Resp. neg. conf. nam quod debeat exprimi propter Ecclesiam, quæ non judicat de occultis, non excludit necessitatem sacramenti, sed venit ex natura ejus, quod est

[1] de spons. imp. [2] d. 28. q. 2. §

§ 18 De essentia, & existentia matrimonii

est essentialiter sensibile; & contractus humani debent fieri humano modo, ita ut contrahentes agnoscant suas intentiones ad invicem, &c.

Dixi, *sensibiliter, et externè significatus consensus*: nam licet regulariter fiat per verba inter præsentes, aut per procuratores, quantum fieri potest, tamen si contrahitur inter absentes, aut cum mutis, aut surdis, qui verba non proferunt, vel non audiunt, vel idiomata non intelligunt, sufficiunt nutus, aut alia signa, per quæ Sacerdos, testes, & sponsi intelligant consensum mutuum. Valet etiam scriptura, maxime inter absentes.

CONCLUSIO II.

Absolute loquendo solus contrahentium consensus sufficit ad valorem hujus sacramenti. Est communis.

Prob. 1. ex Scoto, [1] qui quidem dicit, *sufficere parentes contrahere pro filiis*; sed nunquam requirit consensum parentum, aut aliorum, quando ipsi sunt capaces consensus validi. Et supra dixerat, [2] quod expedis illos obligari per proprias voluntates.

Prob. 2. ex Canonibus, & Conciliis cit. nam cap. Sufficiat, Nicol. I. *Sufficit secundum leges solus eorum consensus, de quorum conjunctionibus agitur*. Et Florent. nihil aliud requirit, quàm *mutuum consensum viri, et mulieris*. Et Concl. Turon. II. & Moguntin. IV. id docent quoad validitatem. Et Trident. *Sancta Synodus anathemate damnat eos, qui falso affirmant matrimonium contractum à filiis familias sine consensu parentum contracta, irrita esse, et parentes ea rata, et irrita facere posse*.

Prob. 3. quia nec Christus, nec Ecclesia ex parte Christi alium consensum ad valorem hujus sacramenti requirunt ex parte contrahentium; ergo &c.

Dico, *absolute, et ad valorem sacramenti*: nam ad licitè contrahendum in filiis familias requiritur consensus parentum, ut colligitur ex Decreto Urbani I. & aliis Canonibus exigentibus illum consensum. Imò & legibus civilibus dicitur, quod *nuptiæ constare*

non

[1] d. 27. q. 2. B. 3.

[2] d. 26. G. 8.

non possunt, nisi consentiant omnes, qui coeunt, et quorumcumque sunt in potestate.

Favent congruentiæ. 1. quia parentes sunt sapientiores, & præcisa omni passionis præventionē, ac præcipitationē, personas convenientiores eligunt. 2. sunt amantiores, ut eis provideant, quæ utiliora sunt. 3. id exigit jus naturæ, ut filii sint subditi parentibus, maximè in iis, quæ respiciunt bonum familiæ. 4. leges, quæ permittunt parentibus exhæredare filios, qui illis invitis nubunt, l. *Non tantum*, in quo tamen corriguntur per leges Canonicas, ut dicebamus ex Concil. Trid. cit.

Ex his autem patet, quòd pater, vel mater non potest validè contrahere matrimonium pro filiis sine aliquo istorum consensu, saltem implicito, & virtuali, ita ut parentes non sint, nisi velut organum, vel procuratores filiorum, quorum illi exprimunt cōsensum: nam cap. *Tua Sanctitas*, & c. 1. de sponsal. impub. dicitur, *Patres nulla modo posse pro filio facere matrimonium, si filius aliquo modo non consentit.*

Ut autem censeatur filius consentire, sufficit, si præsens non contradicit: nam inquit Glossa ibi, *Tua fraternitas nos requisivit de filio adulto, quem pater vult contrahere, si sine voluntate facere potest? Ad quod dicimus, si aliquo modo non consentit filius, fieri non posse.* Et Glossa dicit, *Tacens habetur pro consentiente.*

2. Colligis, quod parentes non possunt consentire pro filiis incapacibus doli, sive sint præsentēs, sive absentes, quia tunc nullus adest consensus viri, & uxoris, nequidem implicitus, aut virtualis.

CONCLUSIO III.

Consensus in matrimonium suppleri non potest per ullam potestatem creatam, benè verò per Divinam de potentia absoluta. Est communior.

Prob. ex Scoto, [1] qui dicit, quod in casu matrimonii dictum Apostoli: *Filii obedite parentibus vestris*, non intelligitur quoad istud, quia in isto filius non tenetur obedire patri; sed nulla est major potestas creata super hominem, quàm paterna; ergo si pater

non

[1] d. 29. H. 12.

320 De essentia, & existentia matrimonii

non potest cogere filios ad consentiendum matrimonio, nec supplere illorum consensum, multò minus aliæ potestates.

Prob. 2. ex Canonibus, & Conciliis cit. nam exigunt consensum proprium viri, & foeminae, seu contrahentium, non autem alterius potestatis, & hoc est essentiale huic contractui, sed si fiat iussu, vel voluntate parentum, aut superiorum, non erit consensus sponforum.

Confir. ex Glossa in cap. *Tua fraternitas* cit. dicens, *filium, cum adoleverit, debere implere factum, seu promissum patris, scilicet debito honestatis, non necessitatis*; ergo non censet consensum parentum sufficere, si contrahentes filii non consentiant propria voluntate aliquo modo.

Prob. 3. nam iste contractus consistit in traditione mutua corporum; ergo ab illis solis fieri potest, qui sunt Domini corporum sponforum, hoc enim est de essentia donationis, ut donans sit dominus rei donatae; sed nulla potestas creata, præter sponfos ipsos, habet dominium in eorum corpora; ergo nulla potestas creata potest de illis donandis contrahere, aut supplere consensum illorum.

Prob. denique. Si ulla potestas posset supplere talem consensum, maxime quia Princeps, aut Resp. id faceret pro bono publico, quia in tali casu habet potestatem in res, & in corpora civium, quatenus expedit pro illo bono; sed non expedit bono publico, ut vir, & foemina jungantur per alienam voluntatem contra suam propriam; ergo &c. Probat. minimum quia ordinariè contractuum illorum exitus sunt infelices, tum quia id fieret contra voluntatem Dei, qui instituit matrimonium tam in ratione sacramenti, quam contractus, ut liberum contrahentibus. 3. quia hic contractus ex natura fundatur in amore mutuo conjugum, sine quo non junguntur corporaliter ad prolificandum. 4. quia sic videretur violari ius ipsum naturæ, quod quisque habet in suum corpus, & libertatem.

Prob. 2. p. de potestate Divina: nam dominium ejus in corpora, & animas est majus illo, quod qui vis homo præstendere potest in corpus, & animam suam propriam; ergo Deus conjugum corpora melius donare potest
illis

illis adinvicem, quam ipsimet. Unde strictiori, & altiori jure, & vinculo tales ligarentur, quam qui propria voluntate contrahunt.

Confirm. ex Concilio Florentino, quatenus dicit consensum conjugum esse causam efficientem matrimonii; sed Deus de potentia absoluta potest efficere, quidquid efficere possunt creaturæ; ergo per se potest efficere matrimonium inter virum, & sœminam.

Objic. 1. con. 1. p. Princeps ob bonum publicum potest disponere, etiam de vita subditorum; ergo & de illorum corporibus in ordine ad matrimonium, & usum ejus.

Resp. dist. conf. Disponere mediante illorum consensu, con. sine ullo eorum consensu, neg. conf. poterit quidem princeps præcipere sub pœnam vitæ, ut contrahant, si hoc expediat bono publico, & isti debebunt obedire, & nubere, sed sine istorum consensu non valebit contractus.

Inst. 1. Princeps cogere potest ad alios contractus, v. g. ad venditionem, aut cessionem domus, aut agri; ergo & ad istum.

Resp. 1. neg. ant. Nam de ratione contractus est, ut fiat ex propria voluntate contrahentium: potest præcipere, ut vendant, sed non potest vendere valide pro ipsis, nisi velint: potest per se disponere de bonis illorum, sed hoc non erit contractus eorum.

Resp. 2. neg. conf. Nam essenziale est huic contractui, præ cæteris, & ejus fini, ut sese mutuo ament conjuges, ac mutua charitare, & obsequiis completantur ad filios procreandos, & educandos, quod non facient, si nubant nolentes.

Objic. 2. Papa in casu necessitatis potest cogere ad Episcopatum. Sed tunc fieret matrimonium spirituale inter hominem, & Ecclesiam; ergo ita esset in matrimonio corporali.

Resp. ut supra neg. maj. Nam Papa juberet quidem homini, ut velit episcopatum, & hic deberet velle; sed si nollet Ecclesiam, ut sponsam, non esset verè sponsus ejus.

Objic. 3. ex Concil. Florent. *Consensus contrahentium est regulariter causa efficiens matrimonii*; ergo de potentia absoluta sufficiet consensus superiorum, v. g. principis.

Resp.

§.22 De essentia, & existentia matrimonii

Resp. neg. ant. Nam Florentinum dicit, quod *ille consensus regulariter debet esse expressus per verba de presenti*; ideo ly *Regulariter*, cadit non in substantiam consensus, sed in modum manifestandi.

Objic.4. Ecclesia decernit matrimonium tenere in iis, qui sponsalia contraxerunt, si sequatur copula, & inter illos, qui contraxerunt sub conditione impossibili; sed neutri verè consentiunt; ergo Ecclesia in utrisque supplet consensum.

Resp. dist. min. Neutri consentiunt explicitè, & formaliter, con. implicitè, & virtualiter, & quoad forum Ecclesiæ, neg. min. nam copula post sponsalia, quæ sunt pro futuro, facit matrimonium, & æquivalet contractui per verba de presenti, vel coguntur in poenam consentire. Idem est de conditione impossibili: nam ex iudicio Ecclesiæ talis conditio habetur pro non posita, & talis consensus æquivalet absoluto.

Idem dicerem de ficto consensu, seu de iis, qui verbo, sed non mente consentiunt, sc. non debent audiri allegantes dissensum internum, sed cogi ad assensum syncerum.

Objic.1. con.2.p. Consensus conjugum est de essentia conjugii; sed, si Deus causaret se solo conjugium, nullus adesset consensus conjugum; ergo nec conjugium.

Resp. neg. maj. Nam in rigore, & de mente Concilii Florent. consensus est causa, non formalis, sed efficiens vinculi conjugalis habitualis, quod cessante consensu actuali permanet. Deus autem supplere potest causam efficientem.

Instab. Vinculum conjugale conjungit animas, & corpora; sed hæc conjunctio consistit formaliter in consensu; ergo consensus est causa formalis vinculi conjugalis.

Resp. dist. min. conjunctio passiva, & habitualis est ipse consensus pariter habitualis, & quasi passivus, con. consensus actualis, & activus, respectu vinculi passivi, & habitualis, neg. min. Nam consensus activus est causa efficiens vinculi passivi, & habitualis, non autem causa formalis.

Objic.2. Vinculum istud est relatio, & denominatio extrinseca resultans ex illo consensu; sed talis relatio pendet essentialiter à fundamento, & illud includit;

dit; ergo & vinculum istud includit formaliter consensum.

Resp. dist. maj. ex illo consensu aliquali, & formaliter, vel æquivalenter, & regulariter, con. formaliter, & absolute, neg. maj. & dist. pariter min. dependet efficienter, con. formaliter, neg. min. & conf. Nam vinculum habituale inter conjuges resultat, & remanet ex actu, quo sua sibi invicem corpora tradiderunt; & illa traditio est causa ejus, velut efficiens, non autem formalis, & eadem traditio potest fieri à Deo juxta absolutissimum dominium ejus in omnes creaturas.

Objic. 3. Deus sine meo consensu non posset facere me Religiosum adstrictum voto; ergo nec potest facere conjuges adstrictos vinculo conjugali, nisi consentiant per se ipsos.

Resp. 1. neg. ant. absolute, vel sic dist. adstrictum voto ex promissione mea, con. ex sua voluntate, & jussu absoluto, neg. ant. Nam Deo per potentiam absolutam jubere essem religiosus adstrictus legibus Religionis æque, ac si propria voluntate vovissem. Ita est de viro, & muliere quoad leges conjugales: iis enim ligarentur æquè, ac si per se ipsos consensissent in vinculum illud.

Resp. 2. neg. conf. Nam de ratione voti est, ut obliget titulo fidelitatis, quæ nascitur ex promissione Religiosi. Unde si Deus se solo me faceret Religiosum, tenerer legibus regulæ ex obedientia, sed non ex fidelitate, & voto.

CONCLUSIO IV.

Consensus conjugum debet esse de presenti traditio reciproca corporum, non autem sufficit consensus de futuro. Est communissima.

Prob. 1. ex Scoto. [1] Matrimonium est permutatio, & traditio mutua potestatis corporum; sed nullus promittendo tradit illud, quod promittit. Imo est contradictio, quia promissio est de tradendo in futurum. Consensus autem expressus de futuro... non est, nisi promissio; ergo in matrimonio debet esse consensus de presenti.

Prob. 2. ex Conciliis, & Canonibus cit. Nam inquit Con-

[1] d. 2. A. 2.

524 De essentia, & existentia matrimonii

Concil. Florent. [1] *causa efficiens matrimonii est consensus de præsenti expressus*. Et Trid. dicit, *talem debere esse consensum, ut parochus possit dicere, Ego vos conjungo*. Et ita loquitur Gregorius IX. cap. *Si inter, &c. Adolescens*, ubi docetur sponsalia de futuro, etiam jurata, posse dissolvi per posteriora de præsenti, sine quibus non consistit matrimonium.

Probat. 3. rationibus Scoti. 1. quia matrimonium consistit in donatione libera corporum inter contrahentes; ergo includit consensum de præsenti, quia consensus de futuro est promissio dandi, non autem datio. 2. quia matrimonium est sacramentum, quod efficienter est à consensu; sed sacramentum operatur de præsenti, & quando fit, & per hoc differt à sponsalibus, quod ista sunt promissiones matrimonii, & per verba de futuro, illud verò consistit in actuali donatione potestatis corporum ad invicem; ergo debet fieri per verba de præsenti. 3. hoc sacramentum datur, & operatur, sicut alia, sed alia conferuntur, & operantur per verba de præsenti: dicitur, *Ego te baptizo, Absolve te, &c.* Et in isto Sacerdos dicit, *Ego vos conjungo*; ergo, &c.

Objic. 1. Matrimonium factum per verba de futuro fit ratum, & validum per copulam carnalem; ergo sufficiunt verba de futuro.

Resp. Quod tempore Scoti fortè concedebantur, aut quia ex copula præsimebatur consensus de præsenti. Sed post Concil. Trid. neg. ant. Quia præter omnem consensum requiritur publicitas, seu præsencia parochi, & testium.

Objic. 2. Ad matrimonium sufficit consensus, ex quo fiat vinculum insolubile inter virum, & foeminam; sed ad hoc sufficit consensus per verba de futuro: nam iste sufficienter ligat ex fidelitate, maxime si addatur juramentum; ergo &c.

Resp. dist. maj. Ex quo fiat vinculum matrimoniale, conc. vinculum fidelitatis, aut religionis, aut aliud, neg. maj. ex verbis de futuro exurgit vinculum promissionis, seu fidelitatis, & religionis, si adsit juramentum, sed non matrimoniale, nec sacramentale, nec tantæ insolubilitatis.

[1] *de spons.*

Quæ-

Quæres, An isti consensus debeant fieri simul, & eodem tempore.

Resp. Sufficere simultatem moralem, quia non requiritur major simultas, & coexistentia consensuum in hoc contractu, quàm in aliis; sed in aliis non requiritur simultas physica consensuum, & sufficit moralis, imò physica est vix possibilis, quia necessariò proferunt successivè; ergo &c.

Confir. ex dictis matrimonium valet inter absentes; ergo absens, qui consentit per nuntium, vel epistolam, aut procuratorem consensum emisit, cum scripsit, vel misit nuntium; ergo & diu consentit, antequam consentiat alter, audito nuntio, aut lecta epistola. Quod etiam patet ex praxi Ecclesiæ.

CONCLUSIO V.

UT valeat matrimonium, consensus debet esse verus, ita ut non sufficiat externus sine interno. Est communissima.

Prob. 1. ex Scoto. [1] *Contractus iste includit duas partes, sc. assensum hujus, & illius, & in utroque etiam duos actus, sc. interiorem, & exteriorem, significantem illum interiorem.*

Prob. 2. Cætera sacramenta non valent sine debita intentione ministri, & suscipientis; ergo nec istud; ergo si alter, vel uterque non consentiant internè sine intentione se obligandi, non valebit sacramentum; imò peccabunt mortaliter, & sacrilegè, nec unquam valebit, etiamsi sequatur copula: nam hæc non facit sacramentum sine consensu.

Prob. 3. ex SS. Canonibus, & Conciliis: nam semper requirunt consensum expressum per verba, aut signa de præsentì; sed verba, seu signa de præsentì supponunt actum internum, quem significant, nec de hoc potest dubitari, & consensus fictus non est consensus; ergo &c.

Confir. Nam consensus fictus est purè externus, & imago, & figura interni, sicut homo pictus non est verus homo, sed imago ejus; sed Patres, & Concilia requirunt consensum; ergo consensum verum, & sincerum, sc. internum cum externo.

Objic.

[2] d. 27. q. 1. 2.

526 De essentia, & existentia matrimonii

Objic. 1. Si non sufficeret externus, numquam posset validari sacramentum, nisi uterque de novo consentiret in facie Ecclesiæ, posito, quod prima vice ambo, vel unus eorum fictè consensisset; sed hoc esset inconveniens propter scandalum, & propter infamiam, aut alia gravia detrimenta; ergo &c. Probat. maj. nam quando sic contraheretur in facie Ecclesiæ cum tali fictione, nullum esset sacramentum; ergo repetendus esset consensus syncerus cum omnibus conditionibus necessariis ad validum sacramentum.

Resp. cum gravibus Theologis, quos citat Maffrius, [1] probabiliter sufficere; ut qui fictè consenserat, syncerè consentiat, & privatim, quia consensus alterius fuit verus, & durat moraliter, ac præsens est, & quoad publicitatem, seu in facie Ecclesiæ adfuit utrimque consensus externus; ergo nihil deest, nisi ut ipse consentiat internè.

Resp. 2. cum aliis, neg. min. Quia cum sacramentum fuerit nullum, non potest valere, nec operari sine utriusque vero consensu. Vide Casuistas, qui plura in hoc casu suggerunt remedia contra hoc inconveniens.

Inst. Novus ille consensus deberet fieri coram parcho, & testibus; sed hoc fieri non posset sine detrimento famæ, & aliorum bonorum; ergo &c.

Resp. neg. ant. Nam istud matrimonium in facie Ecclesiæ censeretur validum, & sic quoad hunc finem non deberet iterari: sufficeret ergo privatus consensus inter sponfos ad reparandam nullitatem occultam.

CONCLUSIO VI.

Consensus matrimonialis debet esse liber. Est communissima.

Prob. 1. ex Scoto, [2] quia consensus in matrimonium isto modo coactus non sufficit ad contractum matrimonii Quia iste contractus est datio, & licet non liberalis, quia dat, ut detur, & quidem æquale, est tamen libera datio. Quia contra rationem dationis est, quod non sit libera. 2. Quia Deus voluit istam translationem domini in corpora summè liberam, unde non est istud determinatum ab Ecclesiâ; sed tantum expressum.

Pa-

[1] d. 6. n. 36. & a. n. 377. [2] d. 29. D. 7.

Patet enim, quod etiam in lege natura istud erat requisitum in contractu matrimonii, &c. ergo consensus in matrimonium debet esse liber.

Prob. 2. Nam certum est, quod pueri ante plenum usum rationis, & amentes, furiosi, & ebrii, pro tempore, quo carent illo usu, sunt incapaces hujus contractus, & id definiunt SS. Canones, quia sine hac libertate non esset actus humanus.

Prob. 3. de libertate à coactione per metum gravem, & cadentem in virum constantem. Nam, ut dicebamus ex Scoto, Deus in omni lege voluit hunc contractum esse omnino liberum, & hoc requirit finis, & natura ejus. Sed de hoc redibit sermo infra de impedimento coactionis.

Objic. 1. Consensus ex metu gravi, & cadente in virum constantem est absolutè, & simpliciter consensus, quia voluntas non potest cogi ad actus elicitos; ergo est absolutè voluntarius; ergo & est liber, & sufficit ad matrimonium.

Resp. dist. ant. Est consensus, & voluntarius secundum quid, con. simpliciter, & sine ulla involuntarietate, neg. ant. & conf. Nam ad valorem matrimonii debet esse omnino liber.

Inst. Qui sic contrahit, consentit tam internè, quàm externè; ergo liberè consentit, nihil enim cogit ad consensum internum.

Resp. dist. ant. Consentit cum aliqua repugnantia, & involuntarietate, con. sine repugnantia, neg. ant. & conf. Nam qui sic consentit, dissentiret, nisi timeret sibi malum imminens, & si posset, non contraheret, ut diximus de mercatore projiciente merces metu naufragii. Adde, quod posset non consentire ullo modo internè.

Inst. 2. Alii contractus valent cum tali metu, ut patet de venditione, locatione, emptione, quæ valent factæ ex metu infamiae, aut gravioris damni, v. gr. ne incarceretur propter debita; ergo & iste valebit ob eandem rationem.

Resp. neg. conf. & rationem ejus: nam alii non sunt indissolubiles, nec adeò ligant, sicut matrimonium, contra quod non datur recursus ad rescissionem: ideo requirit plenam libertatem, quia inducit unionem tam cordium, quàm corporum.

Inst.

§ 28 De essentia, & existentia matrimonii

Inst. 3. Baptismus ex metu susceptus, & vota religionis sic facta ligant; ergo & matrimonium.

Resp. neg. conf. Quidquid sit de ant. quod de votis non placet: nam tales professiones rescindi solent. De baptismo autem, & poenitentia aliud est, quia in illis conditio baptizati fit melior, & peccatum, quod ex metu poenarum cavetur, aut expiatur, est majus malum, quam omnes poenae. Non ita est de matrimonio, quod renitenti est minus malum morte, cuius metus cogit ad contrahendum.

Objic. 2. Malum, quod timetur, & ipse timor, non causat consensum, nisi per quandam inductionem moralem, sicut nec blanditiae, vel preces; ergo non tollit sufficientem libertatem ad valorem consensus matrimonialis.

Resp. dist. ant. Non causat elicitive, & simpliciter, conc. secundum quid, neg. ant. Nam licet consensus eliciatur à voluntate, tamen id facit cum repugnantia tanta, ut si non urgeret ille metus, illa omnino non consentiret, ideo non valet consensus in matrimonio, quod requirit plenam libertatem contrahentium. Aliud est in precibus, & blanditiis, quae alliciunt voluntatem sine ejus renitentia, sed potius cum aliqua delectatione, & complacentia, renitentia verò est levissima.

Inst. Quantuscumque sit metus impellens ad consensum, non est cadens in constantem virum; ergo non tollit libertatem necessariam ad hunc consensum; ergo non invalidat illum. Prob. ant. nullus timor cadens in virum constantem dicitur trahere ad peccatum mortale; sed si aliquis metus causaret nullitatem matrimonii, traheret ad peccatum mortale; ergo &c. prob. min. causaret nullitatem sacramenti; sed hoc est peccatum mortale sacrilegii, ergo &c.

Resp. neg. 1. ant. & utramque min. nam sic consentiens non agit ut minister sacramenti, nec cogitat de peccato, nec fortè de invalidatione sacramenti.

CONCLUSIO VII.

Consensus contrahentium debet esse absolutus, & rarissime valet conditionatus, et longè rariùs licet.

Prob. 1. ex Scoto, [1] *contrahentes cum aliqua conditione pugnante alicui bonorum matrimonii, nihil faciunt . . . v. g. accipio te in meam, donec occurrat magis placens . . . aut, ita ut non tenear tibi servare fidem . . . nec ad reddendum, nisi cum voluero, aut, si procuraveris venenum sterilitatis, &c.* Non omnes condiciones ita repugnant bonis matrimonii, sed tamen omnes invalidant, aut infirmant, ideo semper sunt illicitæ.

Prob. 2. Nam condiciones, quæ apponuntur consensui, sunt de præterito, vel de præsentī, vel de futuro, sed omnes vel invalidant, vel infirmant, vel suspendunt; ergo &c. prob. min. 1. de præteritis, & præsentibus, si extiterint, vel existant, non invalidant quidem, modo id noverint sponsi, sed frustra, & irritoriæ sunt, & prophanant, ut si dicas, *accipio te in meam, si ex matre fœmina sis nata, &c.* Si verò non existant, nec extiterint, nihil fit: aut si ignorentur existere, saltem conjux ignorans non potest consummare matrimonium, donec id sciat. 2. si de futuris, vel sunt possibiles, & honestæ, vel impossibiles, aut turpes. Si impossibiles, vel habentur, ut non appositæ, ut volunt multi, ut si dicas, *accipio te, si sol stet per totam noctem, aut si tetigeris cælum digito, &c.* Et has reprobatur Gregor. IX. [1] cap. *Si condiciones.* Puto tamen talem consensum invalidum esse, si serio loquatur conjux: nam quia scit solem non posse stare, nec cælum posse tangi; ideo censetur nolle eam in uxorem. Idem est de conditione turpi ob eandem rationem, quia tales repugnant matrimonio, sicut & illæ, quæ opponuntur bonis matrimonii, ut dicebamus ex Scoto. Si autem sunt possibiles, & honestæ, non habent majorem vim, quam sponsalia, seu consensus per verba de futuro, nec valet sacramentum de præsentī: unde interim contrahentes possent pœnitere, sicut in sponsalibus, nisi fortè, quando tempus conditionis ponendæ esset determinatum.

Tom. VIII.

Z

V. 5.

[1] de cond. oppo.

330 De essentia, & existentia matrimonii

v.g. *Accipite in meam, si intra tres dies pater tuus consenserit*; ergo vix umquam tales consensus valent in hoc sacramento, licet possent valere in aliis contrahibus.

Confir. quia non videtur Christum instituisse hoc sacramentum potius, quàm reliqua sub conditionibus suspensivis efficaciar ejus, aut incerti eventus: sic enim exponeretur nullitatibus, & irreverentiis.

Dixi 1. *Quod rarissimè valet consensus datus sub conditione*. Non enim dico nullam unquam conditionem posse apponi, quin invalidet contractum: sed solum dico, quod conditiones sæpius arguunt consensum imperfectum, aut dubium, aut invalidum, aut illicitum; quod videbis apud Theologos, & Canonistas, qui tam diverse sentiunt de his, & tantas ibi reperiunt difficultates. Vide Cardinalem nostrum Brancatum, Mastrium, &c.

Dixi 2. *Longè variùs licent*, nec sine gravi necessitate debent permitti hujusmodi matrimonia. 1. quia, ut dicebam, reddunt incertum sacramentum, & parùm illud decent. 2. quia conjuges sub hoc prætextu consummant, ante quam vel sint certi de existentia conditionis, vel antequam sit impleta, & tamen possent resilire, antequam sit purificata conditio, sicut in sponsalibus. 3. quia sacramentum non existit nisi pro instanti positæ conditionis, potest unus, vel uterque resilire, aut esse in peccato, quando perficitur, & sic non recipiet gratiam, vel de novo peccabit peccato sacrilegii. Sed hæc sunt inconvenientia; ergo &c.

QUÆSTIO VIII.

De objecto, & fine contractus matrimonialis. An includat formaliter consensum in copulam carnalem.

Nomine objecti, & finis hic intellige bonum, ad quod respicere debent contrahentes, & illud communiter dicitur triplex. 1. *Proles*, seu, *prolificatio*, seu, *procreatio filiorum*, & eorum educatio. 2. *Fides*, seu *fidelitas*, quam sibi adinvicem debent conjuges ita ut aliis non adhæræant. 3. *Sacramentum*. Id est, unio per-

perpetua, & insolubilis inter eosdem, quæ est figura unionis Christi cum Ecclesia, sicut, & gratiæ, quam ex hoc contractu coram Ecclesia inito percipiunt. Quæritur ergo, an ad validitatem contractus matrimonialis debeant contrahentes respicere hæc bona saltem implicitè, & virtualiter, ita ut, si hæc, vel unum illorum bonorum excluderent nolentes ea, contractus, & sacramentum esset nullum, & in particulari, quæritur, an qui contraheret animo, & intentione conservandi virginitatem, valide faceret.

Porro, ex dictis patet matrimonium actuale consistere in contractu mutuo, quo vir, & femina sibi donant sua corpora quoad jus utendi illis ad finem procreandi, & educandi filios. Unde, non dubitatur, quin eorum intentio esse debeat traditio talis juris ad invicem; benè verò, si talis intentio debeat explicitè ferri in copulam carnalem, quæ est medium ad talem finem, & ad quam institutum est; ita ut illa intentio sit essentialis sacramento. Aliud est jus ad copulam; & de hoc non dubitatur, & aliud est usus talis juris; nam potest quis velle dare alicui jus in suum corpus, excipiendo usum talis juris per copulam carnalem.

CONCLUSIO I.

Consensus matrimonialis debet necessario respicere, & intendere maritalem animorum conjunctionem, & translationem mutuum juris, ac dominii corporum ad finem sacramenti, saltem confusè, & implicitè, non tamen directè, & explicitè ad usum talis juris quoad copulam carnalem.

Prob. 1. ex Scoto, [1] dicente, quod B. Virgo, absolute vovit virginitatem.... Quomodo ergo potuit contrahere matrimonium? R. Quod in contractu matrimoniali est mutua datio corporum ad copulam carnalem non nisi sub conditione implicita; sc. si petatur. Unde contrahentes cum proposito statim vovendi castitatem, verè contrahunt, &c. Sed isti non habent intentionem formalem, & explicitam utendi matrimonio per copulam carnalem; ergo ex Scoto copula carnalis non est explicitè, & formaliter de objecto consensus matrimonialis.

532 De essentia, & existentia matrimonii

Prob. 2. Usus domini corporum, quod per hunc contractum transfertur inter conjuges, non est de essentia matrimonii; ergo sine intentione formali copulæ carnalis, sive usus talis juris, potest stare verum matrimonium. prob. ant. Nam si hoc esset, matrimonium non existeret ante copulam; sed hoc est falsum, & contra omnes: nam matrimonium ratum est verum sacramentum matrimonii, & est insolubile secluso privilegio Religionis ante bimestre, & talis est praxis Ecclesiæ; ergo &c.

Confir. 1. ex Scoto, usus facti potest separari à dominio: ergo in matrimonio unus conjugum potest dare alteri dominium sui corporis sine intentione explicita dandi usum, vel acceptare idem dominium, sine intentione explicita utendi illo. ant. patet Joanne XXII. definiente; [1] *quod retento dominio, concedere aliis usum, non est inutile*; ergo nec erit inutile concedere dominium sui corporis ad talem actum, si justè petatur, retento tamen usu, si ab illo non petatur.

Confir. 2. Nam in aliis contractibus talis separatio domini ab usu, & vicissim, possibilis est, nam Dominus potest vendere omnem operam sui servi, retento dominio ejus; ergo idem potest fieri in contractu matrimoniali: mulier tradit viro dominium sui corporis cum pacto, ut non petat usum, seu debitum conjugale, & ipsa cedit juri petendi illud ab eo.

Hinc docent graves Theologi cum Mastrio, valere matrimonium sub hac conditione; *Duco te. si perpetuam castitatem promittas, vel ingressum religionis.*

Prob. 3 ex eodem. Qui contraxit sponsalia juramento firmata, & postea unus, vel ambo vovent virginitatem, aut Religionem, tenentur adhuc contrahere per verba de præsentis propter juramentum, & tamen ligantur adhuc voto castitatis, aut religionis: sed talis contractus non respiceret formaliter usum matrimonii, seu copulam carnalem, sed puram traditionem juris ad illam: Denique illi non haberent præ obiecto, vel fine copulam illam, saltem formaliter, sed potius illam excluderent; ergo &c.

Prob. 4. Non apparet contradictio, quòd vir, & femina velint contrahere matrimonium, quoad omnem tradi-

[1] *extr. de ver signi.*

traditionem domini corporum suorum ad invicem cum pacto mutuo non petendi usum: sed cohabitandi in perpetua castitate. Nam tale creditur fuisse matrimonium B. Virginis M. cum D. Josepho: sed talia matrimonia non respicerent nisi copulam mentium, & non carnalem; ergo &c.

Objic. 1. Contractus cum intentione contraria bonis matrimonii non fuit matrimonium: sed sine intentione formali copulæ est contraria bonis matrimonii, negativè, aut positivè; ergo non facit matrimonium. prob. min. proliificatio est principale bonum, & finis matrimonii. Sed talis contractus non respiceret illud bonum, & finem; sed potius illud excluderet: quia non potest respici, nisi per copulam, quam excluderet; ergo &c.

Resp. dist. min. Proliificatio voluntaria ex parte contrahentium, & in actu primo, & jus mutuum ad illam: con. proliificatio actualis, seu in actu exercitoe: neg. min. talis autem intentio non excludit proliificationem liberam, & in actu primo, nec jus mutuum ad illam; sed tantum actualem, modo neuter faciat quidquam illicitum ad impediendam proliificationem. Neuter obligatur ad petendum debitum, sed solum ad reddendum petenti debitè; ergo alter, vel uterque potest cedere juri suo ad petendum, vel saltem non petere.

Inst. ex cap. cit. [1] *Si conditio, Conditio etiam honesta, si contra substantiam conjugii inferatur, puta, si alter dicat alteri, contraho tecum, si generationem prolis evites.... caret effectu. Sed qui contrahit animo continendi à copula, vel sine animo ea utendi: vult vitare generationem prolis; ergo non facit sacramentum.*

Resp. neg. min. Non enim cogitat directè, vel explicitè de vitanda generatione, saltem per media illicita, sed tantum cogitat de continencia, & quantum licuerit, licet inde sequatur non proliificatio, præter intentionem; seu de qua non cogitat.

Objic. 2. Jus mutuum petendi, & obligatio reddendi sunt de essentia matrimonii: sed sine formali intentione copulæ neutrum subsistit, ergo hæc intentio est necessaria. prob. min. Si contrahens intendit

Z 3

solum

[1] de cond. appos.

§ 34 De essentia, & existentia matrimonii

solum dare dominium sui corporis nihil cogitans de usu: imò sibi reservat illud, & excludit, nolens copulam, non acquirit sibi jus petendi, nec contrahit obligationem reddendi debitum conjugale; ergo &c. prob. ant. Non tenetur reddere: quia noluit dare jus in corpus suum quoad hoc: nec potest petere, quia nec etiam, quoad hoc, acceptavit dominium corporis alterius; ergo &c.

Resp. dist. maj. & min. Jus, & obligatio radicalis, & remota; con. maj. & neg. min. jus, & obligatio proxima, & in actu 2. neg. maj. & conf. Nam jus illud, & obligatio illa proxima, & formalis non est de essentia sacramenti, nec illius mutui dominii, quod per illud contrahitur; sed solum jus radicale, & obligatio in actu primo.

Objicies 3. ex Augustino. [1] Matrimonium nomen habet à *foemina*, quæ nubit, ut mater efficiatur; ergo intendit formaliter, & explicitè effici mater: sed non potest explicitè effici mater, quin explicitè velit copulam: unde Concil. Florentinum dicit, quod *potissimum bonum matrimonii prolem designat*; ergo nubentes debent explicitè intendere copulam, sine qua non prolificant.

Resp. neg. conf. Quia sufficit intentio respiciens virtualiter maternitatem ex ratione contractus; nec aliud cogitat Augustinus. Nam, ut legitur cap. *B. Maria*, ipse Augustinus dicit, *B. Virginem consensisse implicitè, & secundum id, quod spectabat ad contrahendum: absque tamen ullo proposito actualis copulæ, cum jam de illo fuerat certificata*; ergo qui consentit in matrimonium, consentit implicitè in actus matrimoniales ex vi contractus, licet de illis non cogitet explicitè.

Dixi autem sufficere, ut contrahentes respiciant confusè, & implicitè bona matrimonii, & hæc sunt objectum totale, & integrum talis contractus, non autem in particulari, & explicitè. Certè multi contrahunt non cogitantes, nec cupientes illa distinctè. Sufficit, quod velint consentire in contractum, qui dicitur matrimonii, per quod vir, & foemina se sibi mutuò donant, & accipiunt ad vitam individuum, licet non cogitent de singulis actibus, & oneribus talis vi-

ta,

tæ, modò tamen non excludant explicitè ullum ex his, quæ sunt essentialia.

CONCLUSIO II.

Qui contrahunt ex fine opposito finibus essentialibus matrimonii, v. g. ex pacto repudii, aut solutionis vinculi conjugalis, invalidè contrahunt: qui verò intendunt principaliter fines extrinsecos, illicitè faciunt.

Prob. 1. ex Scoto. [1], Nam indissolubilitas est bonum intrinsecum matrimonii novæ legis; ita quòd impossibile est esse matrimonium formaliter sine illo, quod est forma ejus. Et in lege Evangelica Christus reduxit matrimonium simpliciter perfectum, id. indissolubile, sicut institutum fuerat in lege naturæ; ergo qui intenderet contrahere matrimonium dissolubile, vellet finem essentialiter oppositum huic sacramento, & intentioni Christi; ergo nihil faceret.

Prob. 2. ex SS. Canon. Nam cap., Si conditiones Gregor. IX. decernit, quòd, si conditiones contra substantiam matrimonii inserantur, puta si alter dicat alteri, contraho tecum. . . . donec inveniam aliam. . . . Matrimonialis contractus caret effectu: sed conditio solubilitatis talis est, ut suppono ex omnium consensu; ergo &c.

Probatur 3. ex dictis. Nam minister sacramenti, & suscipiens debent velle facere, quod instituit Christus, seu, quod intendit Ecclesia: sed, contrahentes sunt ministri, & suscipientes hujus sacramenti, & qui contrahunt ex fine opposito fini essentiali, matrimonii non intendunt, quod intendit Christus, vel Ecclesia; ergo nihil faciunt validè. prob. min. Nam Christus instituit matrimonium, ut indissolubile, ut dicemus; ergo &c.

Dixi, cum pacto explicito divortii, seu dissolubilitatis. Nam implicitus non præsumitur, nec dissolvit in foro externo, in quo non judicatur de internis; bene vero in foro conscientiæ. Ideo, qui sic contraheret, maneret quidem ligatus coram Ecclesia; sed coram Deo, non posset petere debitum.

Prob. 2. p. Nam fines extrinseci sunt mali, vel turpes,

Z 4

pes,

[1] d 33. q. 3. B. 5.

336 *De essentia, & existentia matrimonii*

pes, aut indifferentes, aut honesti, & excludunt, vel non excludunt fines proprios. Si mali, cum exclusione veri finis; patet, quod illicitè, & nulliter faciunt, & peccant. Si non excludantur debiti fines, valide quidem, sed illicitè fit, nam omnis actus moralis, bonitatem, aut malitiam sumit à fine; ergo peccat, qui nubit ob finem malum. Si verò fines sunt indifferentes, patet etiam, quod peccatur venialiter saltem; nam fit irreverentia sacramento, dum finis non bonus, sed extraneus miscetur illi, & præfertur fini proprio, & debito, quem Deus, & ratio illi præfixit, v. g. si nubit pure ob voluptatem, divitias, honores, imò & mortaliter, si excludantur debiti fines, ob eandem rationem à fortiori; ergo qui contrahit principaliter ob fines alienos à finibus debitis hujus sacramenti, peccat mortaliter, aut saltem venialiter, aut nulliter facit, si excludantur fines proprii, & nisi includantur saltem implicitè, & virtualiter.

Dixi, *Principaliter*. Nam si secundariò tantum intendas fines bonos, aut indifferentes, non videris vitare actum, qui est bonus ex fine principali.

Objic. con. 1. p. Judæi, & infideles contrahunt cum pacto formali repudii, aut polygamie, & tamen valet illud matrimonium apud Ecclesiam, si convertantur; ergo contractus ex fine opposito bonis, vel essentiali matrimonii, valet. Patet conf. nam si non valeret, Ecclesia non permetteret illos conjuges cohabitare post conversionem. Prob. ant. Nam Innoc. III. cap. *Gaudemus*, jubet, quod si paganus conversus ad fidem habeat plures uxores, debet retinere primam, & quamvis Judæus nubat cum pacto explicito repudiandi uxorem, quam ducit, jubetur eam retinere, si convertatur. Imò, si ante conversionem repudiaverat & primam, & duxerat aliam, jubetur resumere primam; ergo &c.

Resp. neg. 1. ant. & 2. conf. Nam cum illa matrimonia fuerint nulla, monentur quidem dare novum consensum legitimum ex debito fine, & ex vi hujus consensus jubentur cohabitare insolubiliter, quia contractus evasit sacramentum, sed non aliter.

Quæres; An qui nuberet ad vitandam fornicationem, peccaret?

Resp. negativè; modo non excluderet alios fines debi-

debitos, quia ille finis est honestus, quia respicit ob-
servantiam legis divinæ, *Non mœchaberis.*

Dices, ille finis intendit libidinis expletionem; sed
nubere ex illo fine est peccatum, imò & usus matri-
monii ex illo fine est malus; ergo &c.

Resp. dist. maj. Intendit secundariò, & per acci-
dens, conc. per se, & primariò, neg. maj. & conf.
primario, & per se intendit peccatum vitare, quod
autem ibi habeat voluptatem, per accidens est, &
præter intentionem illam, de qua loquimur. Aliud
esset, si directè, & primariò quæreret voluptatem;
nam sic peccaret.

DISPUTATIO II.

*De effectibus; & proprietatibus
matrimonii.*

SAtishucusque dictum est de natura, & existen-
tia, & conditionibus matrimonii in ratione
contractus, & sacramenti. Descendimus ad ef-
fectus, & proprietates ejus. Effectus autem
sunt gratia, quam confert, sicut alia sacramenta,
bona, quæ illi sunt propria, scilicet fides, proles, &
sacramentum. Proprietates verò sunt, necessitas, u-
nitas, insolubilitas, seu perpetuitas, & publicitas.

QUÆSTIO PRIMA.

Quinam sint effectus matrimonii.

HOc ipso, quod diximus matrimonium esse ve-
rum novæ legis sacramentum, debet dici cau-
sare gratiam habitualement primam, aut secundam, quæ
est effectus communis omnium sacramentorum, &
gratias actuales sibi proprias, scilicet in ordine ad fi-
nem suum, propter quem institutum fuit à Deo. Præ-
terea ex natura sua speciali, & ratione contractus o-
peratur alia plura bona, maximè fidem, prolem, &
sacramentum.

CONCLUSIO I.

Sacramentum hoc causat ex opere operato gratiam habituales in utroque conjugē disposito, & ius ad gratias actuales supernaturales ad finem, & onera conjugii debite sustinenda. Est de fide.

Prob. 1. ex Scoto, [1] qui quærens, *Quis sit effectus matrimonii*, respondet, *Due gratie in animabus contrahentium, & hoc, nisi sit obex peccati mortalis hinc, & inde: non enim sufficit, quod contrahens non sit fideus respectu sacramenti, sed oportet, quod prius penituerit, quia istud sacramentum non dat primam gratiam. Effectus est unio animarum contrahentium, quod fit per gratias actuales, & adjuvantes ad unionem contrahendam, & fovendam.*

Prob. 2. tota Conclusio ex Conciliis citatis de causalitate, & effectibus sacramentorum in genere, & de singulis in particulari: nam de fide est omnia sacramenta nostra causare gratiam habituales primam, aut secundam, si non sit obex, & ius ad gratias actuales, quibus suscipientes juvantur ad perveniendum, & operandum juxta fines singulorum, & hoc ex opere operato; sed est etiam de fide, quod matrimonium inter fideles est sacramentum novæ legis; ergo & quod causet tales gratias.

Objectiones hæreticorum solutas habes supra, ubi probata est minor, & tract. I, ubi de causalitate sacramentorum.

CONCLUSIO II.

Effectus huius sacramenti principales, seu bona eius sunt perpetuitas, prolis susceptio legitima, & educatio pia, & tori conjugalis fides. Hæc principaliter debent intendi in omni matrimonio.

Prob. 1. ex Scoto. [2] Sic erga patet, quomodo sacramentum, ut hic accipitur, est bonum matrimonii primum, & intrinsecum, & forma: fides, id est fidelitas in reddendo iuste actum debitum, est bonum ejus, ut finis proximus, sed minus principalis: bonum prolis est ejus bonum extrinsecum, ut finis ultimus, sed principa-

[1] d. 26. N. 15. [2] d. 31. A. 4.

cipalis. Et probat, quomodo hæc tria sunt in quolibet matrimonio.

Prob. 2. ex Conciliis, & Patribus: nam Colon. II. dicit, *matrimonium tria complecti, fidem, prolem, & sacramentum. In fide attenditur, ne præter vinculum conjugale, cum altera, vel altero concumbatur. In prole, ut amanter suscipiatur, benignè nutriatur, religiose educetur. In sacramento autem, ne conjugium separetur, neve dimissus, aut dimissa, etiam prolis causa, alteri jungatur.* Et in Florent. assignatur triplex bonum matrimonii. 1. est proles suscipienda. 2. est fides, quam unus conjux alteri servare debet. 3. est insolubilitas matrimonii, quia significat conjunctionem Christi cum Ecclesia. Et Augustinus [1] eadem enumerat, & explicat, dicens, *In fide attenditur, ne propter vinculum conjugale cum altero concumbatur. In prole, ut amanter suscipiatur, benignè nutriatur, religiose educetur. In sacramento autem, ne conjugium separetur; ergo &c.*

Prob. 2. p. sc. quod hæc intenduntur in omni matrimonio: nam hæc tria præ cæteris, & principaliter sequuntur essentiam matrimonii, & propter hæc omnia institutum fuit à Christo; ergo &c.

Dixi 1. *intenduntur*: nec enim necesse est, ut omnia semper adsint actualiter, v. g. non semper adest proles, ut in sterilibus, & continentibus, nec semper fides, ut in adulteris. Sed sensus conclusionis est, quod omne matrimonium debet iniri cum intentione ad hæc tria bona, saltem implicitè, & virtualiter, & omnia de se tendunt, & regulariter illa causant.

Dixi 2. *principaliter*, seu præ cæteris: nam plura alia bona causant non exigua, v. g. remedium concupiscentiæ, ne in fornicationem, & alia peccata pertrahat. 2. ut humanæ vitæ infirmitatibus, & indigentis mutuo sint adiutorio, & solatio, &c. Sed illa tria sunt principales fines, propter quæ fideles debent nubere.

Objic. 1. In adulteris manet vinculum absque fide, & in sterilibus absque prole; ergo fides, & proles non sunt effectus matrimonii. Prob. conf. Causæ necessariæ non carent suis effectibus; sed sacramenta sunt causæ necessario agentes; ergo &c.

Z 6 Resp.

[1] in Gen. ad litt. 17.

§ 40 De effect. & propriët. matrimonii

Resp. dist. ant. Absque fide, & prole in actu, conc. in debito, & obligatione, neg. ant. & conf. Sufficit, quod ex vi matrimonii conjuges ad hæc teneantur, & hæc obligatio est permanens.

Inst. Ut hæc obligent ex vi contractus, debent in eo intendi; sed multi non cogitant, nec intendunt; ergo nec obligant.

Resp. dist. maj. Intendi saltem virtualiter, & implicite, conc. maj. & neg. min. formaliter, & explicitè, neg. maj. & conf. nam, ut diximus, ad valorem matrimonii hæc debent intendi, saltem implicite, & ex parte contractus id importatur, alioqui non esset matrimonium, licet actu, & explicitè conjuges non cogitent, nisi de matrimonio.

Objic. 2. Posset quis velle post contractum matrimonium ingredi religionem ante consummationem; sed tunc abesset intentio fidei, & prolis, & tamen esset verum matrimonium; ergo &c.

Respond. neg. min. quoad 2. par. nam intentio religionis excludit voluntatem veri matrimonii, excludit donationem, & acceptionem mutuam corporum.

Inst. 1. Post contractum potest conjux petere bimestre ante consummationem, & eligere religionem; ergo licet contraxerit cum intentione debita, non resultat obligatio fidei, nec prolis.

Respon. dist. conseq. Supposita dispensatione, & privilegio divino, conc. præcisa illa dispensatione, neg. conseq. Nam libertas illa post matrimonium contractum venit ex privilegio, & dispensatione divina, ut dicemus.

Inst. 2. Matrimonium B. Virginis fuit verum, sed fuit sine intentione fidei, & prolis; ergo &c. Prob. min. Fuit sine intentione dandi corpus suum ad prolificandum cum sponso; ergo &c.

Respond. neg. min. & 2. conseq. nam bona illa omnia ibi fuerunt, omne nuptiarum bonum impletum est in illis parentibus Christi, proles, fides, sacramentum, ait Augustinus relatus in Decretis. Prolem cognoscimus ipsum Dominum Jesum, &c. Solus ibi concubitus nuptialis defuit. Voverat quidem illa virginitatem, & sic de se non poterat consentire in copulam, sed tamen consensit sub Dei placito; nam inquit idem Au-

gustinus

gustinus ibidem relatus, *Committens virginitatem suam divinæ dispositioni, consensit in carnalem copulam, non illam appetendo, sed divinæ inspirationi in utroque obediendo.*

QUÆSTIO III.

De necessitate matrimonii.

Matrimoni necessitatem non admitterent illi hæretici, qui nequidem licitum, vel honestum reputarunt illud, & è contra, nimiam dicent illi, qui celibatum damnant. Et de ethnicis dicit Ambrosius. [1] *Qui deorum suorum adulteria, & probra venerantur, celibatus statuere penas, ut amuli criminum mulctarent studia virtutum, specie quidem, qua fecunditatem quærerent, sed studium castitatis propositum abolerent.* Quærimus ergo, an matrimonium sit, aut fuerit aliquando necessarium, & qua necessitate.

Certum est illud non esse de necessitate medii, nec præcepti pro omni tempore, alioqui nunc, neque ab initio nascentis Ecclesiæ non licuisset celibatus, nec adeo laudaretur virginitas, nec diceret Apostolus, [1] *Qui matrimonio jungit virginem suam, bene facit, & qui non jungit, melius facit.*

CONCLUSIO.

Matrimonium fuit aliquando necessarium ex præcepto divino, & adhuc esse posset in communi, non autem in lege Evangelica quoad omnes, & singulos, & præcisa necessitate communi totius generis humani. Est communis quoad 1. par. & contra hæreticos quoad 3. quatenus damnant celibatum.

Prob. 1. ex Scoto, [3] *Congruum fuit institui à Deo donationem mutuam corporum inter virum, & feminam, quia nulli obligarent se communi obligatione, saltem difficili, nisi ad hoc esset aliquid adstringens, vel sicut lex mutua naturæ, vel sicut lex positiva divina, vel humana.* Aliud est præcipere contractum illum,

[1] lib. de vid. [2] 1. Cor. 7. [3] 2. 26. H. 9.

§42 De effect. & propriet. matrimonii

& aliud præcipere adhesionem perpetuam, præmisso primo contractu. Primum expedit præcipi pro tempore illo, pro quo esset necessitas propagationis, & maximè si soboles essent difficiles ad hoc sine præcepto; sed pro alio tempore, pro quo necessitas non est, non oportet obligare, seu præcipi. Res hæc non potest melius explicari.

Prob. 2. ex Script. nam primis parentibus in creatione præcepit Deus, [1] Crescite, & multiplicamini, &c. Et Noe post diluvium, [2] Ingredimini super terram, crescite, & multiplicamini, & replete eam. Et inquit Chrysostomus, [3] Postquam accepit mandatum à Domino, et benedictionem, &c. & S. Cyprianus, Prima Dei sententia crescere, et generare præcepit, secunda continentiam suavit, &c. ergo ex Scriptura, & Patribus aliquando matrimonium posset, & de facto fuit de præcepto divino, & posset esse in similibus casibus, unde

Prob. 2. p. nam posset contingere similis necessitas propagandi genus humanum, qualis fuit post diluvium, v.gr. injuriis bellorum, & pestilentiarum, & aliis flagellis justitiæ divinæ; posset genus humanum redigi ad eam paucitatem, Deus, aut etiam magistratus, & principes præciperent, ut omnes apti ad propagationem, deberent nubere, ne genus humanum penitus deleteretur, & deficeret in mundo ante tempus à Deo præfixum; ergo posset accidere necessitas matrimonii ex præcepto.

Confir. nam dato casu, quo in aliquo regno nulli vellent nubere; non video, quin posset princeps præcipere, ut aptiores matrimonio illud contraherent, & vacarent generationi, & hoc verum est in communi pro toto genere humano.

Prob. 2. nam præceptum datum Noe, & Adæ potest dari etiam nunc, & usque ad finem mundi propter idem bonum; ergo & eadem necessitas, & obligatio. Prob. ant. nam usque ad finem mundi à Deo præfixum debet propagari genus humanum æquè, ac tempore Adæ, & Noe; ergo &c.

Prob. 3. ex Doctore. [4] Est institutio per modum præcepti affirmativi, quod obligat semper, sed non ad semper, sed tempore necessitatis, non tantum in principio,

[1] Gen. 1. [2] Gen. 8.

[3] hom. 26. [4] ibid. Q. 18.

capio, sed adhuc videtur eodem modo obligare, si paucitas in filiis in aliquo casu accideret, &c. Quod etiam putat necessarium ex lege naturæ, licet non primo, nec ut necessarium notum, sed secundario consonum.

Prob. 3. p. quia præcisa tali necessitate universali, & in lege Evangelica, status virginitatis præstat matrimonio, & est de consilio; sed non datur consilium contra præceptum; ergo in lege Evangelica non ita, viget præceptum matrimonii, saltem generaliter, & quoad singulos. Prob. mai. nam inquit Apostolus, [1] *De virginibus præceptum Domini non habeo, &c. Et, Bonum est homini mulierem non tangere. Et postquam dixerat, unusquisque suam uxorem habeat propter fornicationem, ne id præcipere videatur, addit, Dico, secundum indulgentiam, non secundum imperium, & qui jungit matrimonia virginem suam, bene facit, & qui non jungit, melius facit; ergo &c.*

Confir. ex Conc. Trid. [2] *Si quis dixerit statum conjugalem anteponendum esse statui virginitatis, vel cælibatus, & non esse melius, ac beatius manere in virginitate, aut cælibatu, quam in matrimonio, anathema sit.*

Item ex Patribus: nam inquit Cyrillus cit. [3] *Cum adhuc rudis esset mundus, & inanis, copia fecunditatis generante propagamus, et crescimus ad humani generis augmentum. Cum jam refertus est orbis, et impletus mundus, qui capere continentiam possunt, spædonum more viventes, castrantur ad regnum. Et S. Thomas dicit, [4] præceptum matrimonii esse implendum à multitudine, sed non à singulis, quo non quilibet de multitudine tenetur.*

Confirm. denique ex praxi Ecclesiæ, quæ ab initio clericos obligat ad cælibatum, ut diximus tract. præcedenti: nam si ad matrimonium singuli tenerentur, perperam, & contra Dei, aut naturæ legem, id statueret.

Objic. cont. 1. par. Si aliquod præceptum obligaret ad matrimonium, virginitas fuisset aliquando peccatum, nam fuisset transgressio præcepti; sed consequens est falsum, nam virginitas, & cælibatus de se præstant matrimonio; ergo &c.

Resp.

[1] 1. Cor. 7. [2] sess. 14. c. 10.

[3] hom. 26. [4] 2. 2. q. 15. a. 4.

544 *De effect. & propriet. matrimonii*

Resp dist. maj. Aliquando, sc. pro tempore præcepti, & pro illis, quibus præcipiebatur matrimonium, conc. maj. & neg. min. absolutè, & simpliciter, & de se, neg. maj. & conf. nam si Adam, & Eva noluisent nubere, & vacare generationi (idem est de filiis Noë) peccassent. Audi Ambrosium, [1] *Quis ignorat, quod ante Abraham placuit in conjugio, si nunc virgines placent in perpetua castitate: servivis ille legi, et tempori suo, serviamus et nos Evangelio, et tempori nostro.* Objectiones contra cœlibatum dedimus supra.

QUÆSTIO III.

De unitate matrimonii, et polygamia.

Non agimus de unitate matrimonii in se, nam certum est, quod cum in utroque conjugē fiat sacramentum, & duplex sit subiectum, ita sunt duo partialia sacramenta, quæ unum faciunt integrum unitate integritatis, non autem indivisibilitatis, ut diximus de aliis. Sed hæc quæstio principaliter proponitur de unitate opposita polygamie, seu pluralitati matrimoniorum.

Porro hæc pluralitas alia est *successiva*, quando scil. vir unus plures uxores, vel eadem mulier plures viros ducit successivè, sc. uno, vel una mortua, ducit alium, vel aliam: Alia *simultanea*, quando idem vir eodem tempore habet plures uxores viventes, & hæc rigidior polygamia est. Tamen de utraque differendum; quia olim quidam hæretici, ut Montanistæ, & Novatiani damnarunt secundas nuptias, & polygamiam successivam, & alii recentiores, ut Lutherani, approbant, vel tolerant simultaneam: nam inquit Lutherus scribens ad Lanthgravium Hassiæ circa an. 1539. *Certis casibus locus est dispensationi, (ad plures uxores habentes) si quis apud exterarum nationes captivus, ad curam corporis, et sanitatem, inibi alteram uxorem superinduceret, vel si quis haberet leprosam In his casibus alteram ducere cum consilio pastoris sui, non intentione legem novam inducendi, sed suæ necessitati consulendi, hanc nescimus, quæ ratione damnare liceret.*

CON-

[1] *lib. de Abrah. 4.*

CONCLUSIO I.

Polygamia simultanea est illicita, & invalidat matrimonium Successiva autem, nequidem est illicita, sic matrimonium non est necessario unum, sed potest iterari cum diversis viris, aut feminis, mortuo, vel mortua priore. Est de fide quoad 1. p.

Prob. 1. ex Scoto. Considerando contractum istum, ut est ad utrumque finem, sc. ad procreationem proliis, & remedium vitandæ fornicationis, requiritur commutatio unius corporis pro unico, (corpore) & unius cum uno: & in hoc completa est iustitia. Et ita Deus instituit & pro statu innocentie, & pro statu nature lapsæ, sc. sicut mulier tradit corpus suum uni viro, ita & vir tradat suum uni femine. Et infra docet, quodd non nisi ex dispensatione divina permissum est aliquando, ut præsumitur de Abrahamo, & quibusdam aliis Patribus, ad maiorem multiplicationem cultorum Dei, quæ sine hoc non fieret, &c.

Prob. 2. ex Script. dicente, relinquet homo patrem suum, & matrem suam, & adhærebit uxori suæ, & erunt duo in carne una. Item Deus, masculum, & feminam creavit eos. Et dixit Deus, non est bonum hominem esse solum, faciamus ei adiutorium simile sibi; ergo uni viro voluit unam feminam, alioquid dixisset, adhærebit uxoribus suis. Et, erunt tres, aut quatuor in carne una. Et, feminas creasset. Et (ut notat Hieron.) dicendo masculum, & feminam, in Genesi, ostendit secunda vitanda conjugia, non enim masculum, & feminas, ut unius conjugis consortia necerentur, similiter dixit: adhærebit uxori suæ, non uxoribus. Quod iterum scribit contra Jovinianum. Et Innoc. III. cap. Gaudemus. Idem patet ex Euangelio. Qui fecit hominem ab initio, masculum, & feminam creavit eos erunt duo in carne una Itaque jam non sunt duo, sed una caro. Ad quod Theophylact. Ostendit opus, & legislationem ejus, qui nos a principio formavit, esse monogamiam. Ab initio enim Deus unam conjunxit uni. Atque ita non oportet unum virum conjungi multis feminis; neque unam feminam multis viris.

Prob.

[1] Gen. 2.

§ 46 De effect. & propriet. matrimonii

Prob. 3. ex Concil. nam in Florent. [1] dicitur, quod bonum matrimonii est fides, quam unus conjugum servare debet. Et, quod ex causa fornicationis liceat tori separationem facere, non tamen aliud matrimonium contrahere fas est. Et Trident. Si quis dixerit licere Christianis plures simul habere uxores, & hoc nulla lege prohibitum esse, anath. sit.

Confir. ex SS. Canon. quos longum esset referre, ut; cum dicunt matrimonium cum 2. vivente 1. esse nullum, & de mulieribus; quæ putantes primum virum esse mortuum nupserunt 2. jubentur redire ad 1. qui reperitur vivens, & secunda conjugia separanda esse, & prima redintegrandæ, inquit Leo Papa, cap. Cum per bellicam, &c.

Prob. 4. ratione Scoti. Tum quia per contractum istum conjuges sibi donant mutuò corpora sua, & sic neuter vivente altero potest amplius donare suum, juxta illud, *Vir non habet potestatem sui corporis, sed mulier*; ergo neuter potest amplius dare, quod suum non est. Tum quia justitia commutativa exigat, quod sicut unus conjux dat, & servat fideliter totum suum corpus alteri, ita & iste debet totum illi dare, & servare; ergo non debet dare illud pluribus.

Fatetur tamen Doctor, quod si est aliqua inæqualitas corporum viri, & mulieris, corpus viri plus valet, & sic non esset tanta injustitia in viro, si plures duceret uxores, quia posset illas fecundare, quàm in femina, si plures viros duceret, quia pluralitas virorum potius offenderet fecunditati ejusdem uxoris. Ideo posset cum viris dispensari in casu necessitatis ad multiplicandum, & eis permitti pluralitas uxorum, ut aliquando permissum est. Non potest autem permitti, nec unquam permissum est uni sceminae habere plures viros.

Prob. 2. p. ex Script. Dicit enim Apost. *Mulier alligata est legi, quanto tempore vir ejus vivit, quod si dormierit vir ejus, liberata est, cui vult, nubat*. Et alibi, *Si mortuus fuerit vir ejus, liberata est à lege viri, ut non sit adultera, si fuerit cum alio viro*. Et Christus non improbavit, quod eadem mulier nupsisset successivè septem viris, nec arguit Samaritanam, quæ habuerat 5. sed tantum, quod quem tunc habebat, non erat vir ejus.

Con-

Confit. ex Concil. & Decretis. Nam in Nicæno jubetur, ut Cathari, qui redierint ad fidem, *profiteantur se communicare bigamis*. Et id permissum declaratur ex multis canonibus, & cap. *Aperiant*, ex S. Hieronymo, & cap. *Deus masculum*, & cap. *Quod si dormierit*, & August. & Urb. III. & Innoc. III. nolunt mulierem infamari eò, quòd ante transactum annum viduitatis nupserit, licèt id statuant leges civiles, cap. *Super illa*, & cap. *Cum secundum Apostolum*. Ergo polygamia successiva est licita, & sic valent multiplicata, seu iterata matrimonia pro eodem viro, aut fœmina.

Probat. denique ex quotidiana praxi Ecclesiæ, quæ quotidie talia matrimonia permittit, & celebrat, ut sc. idem vir successivè plures uxores ducat, aut mulier viros plures, mortuis prioribus.

Confit. Nam secundæ, & posteriores nuptiæ non pugnant cum lege ulla naturæ, aut positiva divina, vel humana; ergo non sunt invalidæ, nec illicitæ.

Objic. 1. con. 1. p. Gregorius II. [1] decernit, quod *si mulier infirmitate correpta, non potest reddere debitum viro, & si hic non potest continere, nubat magis, non tamen subsidii opem subtrahat ab illa, quàm infirmitas præpedit*; ergo illi permittitur polygamia simultanea.

Resp. neg. conf. Nam matrimonium non erat ratum, nec consummatum cum illa infirma, nec cum ea vir ille contraxerat, nisi sponsalia per verba de futuro, & sic ducens aliam, non erat polygamus; monetur tamen, ut primam a lat ex charitate.

Objic. 2. Polygamia illa non repugnat nec rationi contractus, nec legi naturæ, aut positivæ divinæ, vel humanæ; ergo nec matrimonio. Prob. ant. Nihil vetat virum de suo corpore virili contrahere contra duo, vel plura fœminea, & maximè quia potest singula fœcundare, & sic non esset enormis læsio, vel inæqualitas, & quisque est dominus sui corporis, ut nolit illud dare, nisi sub illis conditionibus. 2. non ex lege naturali, vel divina, alioqui numquam potuisset in hoc dispensari, quod apertè falsum est. 3. non lege humana, alioqui Ecclesia, vel princeps posset in ea dispensare æquè, ac in aliis; sed hoc non admittimus.

§ 48 De effect. & propriet. matrimonii

mus; ergo polygamia simultanea ex nulla lege repugnat.

Resp. neg. ant. Nam ex his omnibus legibus repugnat, 1. ex ratione contractus, non genericè, sed in specie hujus contractus, qualis de facto institutus est, licèt aliter potuisset institui: nam sic institutus est, ut unus cum una, & non tres, aut plures, sed duo fiant una caro, juxta illud, *erunt duo in carne una*. 2. Idem est de lege divina: nam Deus, qui potuit aliter decernere, voluit, quòd *homo adhærebit*, non uxori-bus, sed *uxori suæ* singulari. 3. Quoad legem naturæ, polygamia quidem non est contra jus ejus primarium, nec contra principia ex terminis nota, aut conclusiones ex eis ductæ, sed contra secundarium, quales sunt propositiones practicæ congruentes juri illi primario. Nam illa unitas matrimonii valdè conformis est hoc modo rationi naturali. 4. Fateor, quod si sola lege humana prohiberetur hæc polygamia, posset in ea dispensari, sed hoc impediunt aliæ leges.

Objic. 3. SS. Patriarchas, qui hac polygamia usi sunt sine peccato; ergo hæc non est contra legem ullam. Prob. ant. Abraham duxerat Saram, & Agar, Jacob Liam, & Rachel, & sic de aliis. Imo si moriebatur sine liberis, frater mortui jubebatur ut ejus vidua, ut mortuo suscitaret semen, & fiebat retenta propria uxore; ergo &c.

Resp. neg. conf. Nam hæc fiebant ex dispensatione divina, & id expediebat ad multiplicandos fideles, ut diximus.

Objic. 4. In Deuteronomio statuitur, quòd si homo habuerit duas uxores, unam dilectam, aliam odiosam, non poterit auferre filiis odiosæ jus primogenituræ, nec facere filium dilectæ primogenitum; ergo ex illa supponit polygamiam licitam.

Resp. neg. conf. Nam textus ille intelligitur de habente duas uxores, non simul, sed successivè. Dicerem etiam Moysen loqui de habente duas simul, sed ex dispensatione Divina: nam tunc dispensationes illæ frequentes erant, & in eo casu lex statuebat, ne fieret injuria primogenitis.

Objic. 5. ex August. In lege naturali, & scripta, Patres illi, non lasciviendi, sed gignendi causa illis faminis utebantur; ergo tunc mos, & fas erat ducere plu-

plures uxores simul.

Resp. neg. conf. Nam, ut dicebam, id tunc fiebat quasi de more, quia frequentes erant illæ dispensationes ad multiplicationem populi Dei. *Ex revelatione (divina) quæ censebatur quandoque mos*, ait Glossa.

Objic. 1. con. 2. p. SS. Patres contra pluralitatem nuptiarum invehuntur; ergo non sunt licitæ. Probat, ant. Nam S. Basil. dicit, *tertias nuptias non esse matrimonium, sed castigatam fornicationem*. Et Nazianz. *primum matrimonium lex est, 2. indulgentia, 3. iniquitas*. Et in Concil. Neocæsar. an. 314. *De his, qui in plurimas nuptias inciderunt, tempus quidem (pœnitentiæ) præfixum est, sed conversatio eorum, & fides abbreviat*. Ideo prohibetur, ne presbyteri illis secundis nuptiis assistant. *In nuptiis bigami, presbyteris prandere non convenit, quia pœnitentiam bigamus agat, qui cum erit presbyter, qui propter convivium talibus nuptiis possit præbere consensum?* Denique sub gravibus pœnis prohibentur sacerdotes benedicere secundas nuptias, cap. *vir autem*, & in Rituali Rom. ergo secundæ nuptiæ, seu hæc polygamia successiva est illicita.

Resp. dist. ant. Quia sunt parum decentes, & sapiunt incontinentiam, con. quia sunt illicitæ, & peccaminosæ, neg. 1. ant. & 2. conf. Nam intentio SS. Patrum, & Ecclesiæ non est damnare, nec prohibere absolute plures nuptias, sed vellent ab eis deterrere fideles, ut vidui continerent. Hoc fuit præcipuum motivum Ecclesiæ, cum prohiberet benedicere secundas nuptias, & hæc benedictio ideo illis negatur, ne ex iteratione vilescat, & quia unus talium conjugum jam accepit illam.

Inst. Si Ecclesia putaret illas nuptias esse licitas, non prohiberet eas benedici; ergo &c. Prob. ant. non potest dici aliud motivum talis prohibitionis; ergo &c.

Resp. neg. utrumque ant. Nam sufficiens motivum est, quod intendit deterrere fideles ab illis nuptiis, & eis suadere continentiam vidualem, & quia per secundas primæ cessant esse sacramentum repræsentativum conjunctionis Christi cum Ecclesia sponsa sua, quippe illud matrimonium Christi erit perpetuum, & unicum.

Objic. 3. Ecclesia declarat bigamos irregulares, & Apostolus vult Episcopum esse *unius uxoris virum*, sc.

550 *De effect. & propriet. matrimonii*

sc. ut non habuerit plures uxores; ergo in secundis nuptiis est peccatum: nam irregularitas supponit peccatum.

Resp. neg. conf. Nec enim id venit ex peccato, sed ob rationem datam, quia sc. illa iteratio nuptiarum arguit intemperantiam; quæ non decet ministros Ecclesiæ, fortè etiam illæ nuptiæ improbantur, non quod per se sint malæ, sed per accidens, ne qui non sunt satis contenti de primis, desiderent solutionem earum sub spe secundarum, in quibus magis gaudeant.

Colligis ergo 1. matrimonium debere esse unum respectu amborum conjugum, ita ut neutri liceat pluries nubere, quandiu durat prior contractus; & hoc præcisa dispensatione divina, quæ ante adventum Christi sæpè contingebat, sed numquam in lege Evangelica legitur contigisse.

Colligis 2. quod illa dispensatio contigit quidem pro viris, ut plures haberent uxores simul, nunquam pro fœminis, ut una plures simul habuerit viros, quia istud potius officit bono generationis, propter quod dispensabantur viri. Nam vir unus potest fœcundare plures fœminas, non autem fœmina una potest fœcundari à pluribus viris. Non sic repugnaret, si unus vir esset sterilis, aut factus impotens, qui casus non legitur contigisse, & turpius id esset in fœmina.

Colligis 3. Præcipuam rationem nullitatis 2. matrimonii durante 1. peti non solum ex jure naturæ, sed etiam ex Divino, & Ecclesiastico: licet enim hoc sit valdè congruens legi naturæ, maximè propter bonum societatis, & pacis domesticæ, quæ longè tranquillior est inter duos, sc. virum unum, & unam fœminam, quàm cum pluribus, ut docet experientia.

Quoad polygamiam successivam varii fuerunt ritus, & leges in Ecclesia: nam aliquando non permittebatur ultra secundas nuptias, imo & contrahentes addicebantur publicæ pœnitentiæ, aliquando limitabatur ad tertias, aliquando ad quartas, sed hodie, & communiter toties permittuntur, quoties casus occurrit.

QUÆSTIO IV.

*De perpetuitate, seu insolubilitate
matrimonii.*

Duplex notatur solutio matrimonii. 1. quoad
torum, & cohabitationem conjugum, 2. quoad
vinculum, qua cessat mutua illa potestas, quam
sibi ad invicem super corpora sua dederunt conjuges
in contractu, & fiunt omnino liberi inter se, quasi
non contraxissent. Quæritur, an tale vinculum illud
sit, ut non nisi per mortem alterius possit dissolvi.

Matrimonium dicitur. 1. *legitimum*, quod per consensum verum juxta leges contrahitur, & tale est etiam inter infideles, & judæos. 2. *ratum*, quando illi contractui legitimo accedit ratio sacramenti, per quod quasi ratificatur, & solidatur, ita ut fiat indissolubile. 3. *consummatum*, cum prioribus accedit mutua corporum copula in ordine ad veram generationem: nam, ut sit, & dicatur verè consummatum, talis utrimque debet esse copula post matrimonium ratum, qualis requiritur ad generationem proles. Matrimonium infidelium dicitur quidem *legitimum*, & *consummatum*, sed non dicitur *ratum*.

Dixi, *copulam post matrimonium ratum*: nam si præcesserit, non facit illud consummatum, sed est actus fornicationis, non matrimonii.

CONCLUSIO I.

Matrimonium Christianorum est prorsus indissolubile quoad vinculum, si sit consummatum. Est de fide contra Græcos schismaticos, & Hæreticos Lutheranos, & Calvinistas, qui volunt illud posse dissolvi multis de causis, etiam ob molestam cohabitationem.

Prob. 1. ex Scoto. [1] *Ad procreandam prolem, & debite educandam, marem, & femina in vinculo indissolubili sibi mutuò copulari, & obligari honestum est ... pro usu perpetuo corporum suorum ... obligationem illam expedit esse indissolubilem ex actu voluntatis personæ*

[1] d. 26. A. 2. F. 8. G. H.

552 De effect. & propriet. matrimonii

sanarum innasci pro usu perpetuo in istum finem
lex naturæ & si obliget ad insolubilitatem vinculi
 prædicti, præmisso tractatu Aliud est præcipere ad-
 hæsiōem perpetuam, præmisso primo tractatu, istud ex-
 pedit dari pro semper, quia illam indissolubilitatem
 ostensam est esse consonam legi naturæ, &c. Et definit
 matrimonium, vinculum indissolubile inter marem,
 & fæminam, &c. Et ubique supponit in matrimonio
 perpetuitatem, & indissolubilitatem.

Prob.2. ex Script. Nam Deus dixit ab initio, *Relin-
 quet homo patrem suum, & matrem suam, & adha-
 rebit uxori suæ, non momentaneè, vel ad tempus, sed
 perpetuò, & tota vita durante*, inquit Doctor. Et
 Christus D. *Quod Deus conjunxit, homo non separet.*
 Et, *Quicumque dimiserit uxorem suam, & aliam du-
 xerit, adulterium committit super eam.* Et, *Si uxor
 dimiserit virum, et alium duxerit, mæchatur.* Et A-
 postolus, *Mulier alligata est legi, quanto tempore vir
 ejus vivit, &c.*

Prob.3. ex Concil. Nam in Milevit. dicitur, *Pla-
 cuit, ut secundum Evangelicam, et Apostolicam disci-
 plinam, neque dimissus ab uxore, neque dimissa à ma-
 rito, alteri conjungatur, sc. separatio tori non solvit
 vinculum.* Et Forojul. *Placuit, ut resoluta fornicationis
 causa jugali vinculo, non liceat viro, quamdiù
 adultera vivit, aliam ducere.* Idem statuitur in Nan-
 netensi, & Florent. *Quamvis ex causa fornicationis
 liceat tori separationem facere, non tamen aliud ma-
 trimonium contrahere fas est, cum matrimonii vincu-
 lum legitimè contracti perpetuum sit.* Denique in Tri-
 dent. dicitur, *Matrimonii perpetuum, indissolubilem-
 que nexum, primus humani generis parens, divini Spi-
 ritus instinctu, pronuntiavit, dicens, hoc nunc os ex
 ossibus meis, &c.* Idem docetur in Lateran. Afric. Au-
 xelian. II. &c. Et id patet ex perpetua praxi Ecclesiæ,
 sc. matrimonii vinculum esse perpetuum, & indisso-
 lubile.

Prob.4. ex Patribus. Nam inquit August. *Manet
 inter (conjuges) viventes quoddam vinculum conjuga-
 le, quod nec separatio, (tori) nec cum altero copu-
 latio (seu adulterium) possit auferre.* Et Hieron. cit.
 cap. Omnes, ait, *Apostolus apertissimè definiuit, viven-
 te viro, esse adulteram mulierem, si alteri nupserit*

Quam

Quamdiu vivit vir, licet adulter sit, licet sodomita, & ab uxore propter hæc scelera derelictus maritus ejus reputatur. Et Beda, Vir uxorem si dimiserit, quod causa fornicationis permittitur, maneat sine uxore; ergo &c.

Dixi, *Si sit consummatum*, Nam de matrimonio rato quid sentiendum sit de illius insolubilitate, dicemus infra.

Objicies, ex Script. Judæi repudiabant uxores, & Christus dixit, *Quicumque dimiserit uxorem suam, nisi ob fornicationem, & aliam duxerit, mæchatur, & qui dimissam duxerit, mæchatur*; ergo vel Judæi peccabant communiter repudiantes uxores suas, vel dissolutio matrimonii licita erat; ergo & nunc licita esse debet Christianis ex eadem causa. Prob. conf. Nam post repudium poterant aliis nubere, & illa exceptio Christi, *nisi ob fornicationem*, vana esset, nisi liceret dimittere adulteram.

Resp. neg. conf. Nam illa exceptio valet solum pro separatione tori, non vinculi; tum quia si Christus loqueretur de solutione vinculi, non diceret eum mæchari, qui duxerit dimissam: nam soluto vinculo, hæc maneret libera æque, ac dimittens, ut olim repudiata poterat alii nubere. Tum quia Innoc. III. exprimit locum illum absolutè ex fine illo, *nisi*; ergo signum est illam vocem non facere ad rem. Quoad Judæos autem quidam dicunt eos verè peccasse, si post repudium alias ducebant. Sed veriùscum Scoto dixerim, Deum pro tunc cum eis dispensasse, *propter eorum duritiam*, ne uxores difficiles, incommodas, vel adulteras occiderent, quam licentiam Christus revocavit in lege nova.

Objic.2. In Concil. Arelat. dicitur *de his, qui uxores suas in adulterio deprehendunt, & ii sunt adolescentes, & prohibentur nubere, placuit, ut in quantum potest, consilium eis detur, ne viventibus uxoribus, licet adulteris, alias accipiant*; ergo insolubilitas vinculi in eo casu est solum de consilio, non præcepto.

Respondeo neg. conf. Nam nomine *consilii* intelligunt illi patres exhortationem ad prohibitionis observantiam, & intimationem præcepti. Ideo dicunt, *prohibentur nubere*. Non enim prohiberentur, si esset tantum de consilio.

§ 54 De effect. & propriet. matrimonii

Objic. 3. ex Concilio Veneto dicente, *Eos, qui relictis uxoribus suis, sicut in Evangelio dicitur, excepta causa fornicationis, sine adulterii probatione, alias duxerint, statuimus a communione coercendos*; ergo qui prius probaverint adulterium, non erunt arcendi, si alias duxerint; ergo pro istis vinculum non est insolubile.

Resp. neg. conf. Non enim Concilium requirit probationem adulterii, ut alias ducant, sed ut suas deserant, & hoc quoad torum, non quoad vinculum, alioqui sine probatione, & à parte rei valerent, & in foro interno valerent secunda matrimonia, & sufficeret certitudo criminis.

Inst. Vetus Pontificale Rom. decernit, quòd *uxor, quæ juridicè probaverit se invitam, & jubente marito adulterasse. si se continere non potest, nubat, cui voluerit, tantum in Domino, maritus verò sine uxoria spe in perpetuū maneat*; ergo probatio adulterii reddit novum matrimonium licitum, & dissolvit primum, & id non potest explicari de solo divortio tori.

Resp. neg. utramque conf. nam illud Pontificale, si fidem mereatur, vult tantum, quod si uxor illa supervivat marito illi, poterit quidem nubere post mortem ejus, quia invita peccavit, non autem ille, si supervixerit, & hoc in pœnam talis prostitutionis. Eodem sensu loquitur quidam Canon Capitularium Caroli Magni, quo dicitur, *ut mulier, quæ cum fratre mariti peccaverit, ipsa, & ille adulter in pœnam peccati, quoad vivunt, nunquam amplius habeant conjugium, maritus verò innocens poterit accipere aliam uxorem*, sc. post mortem adulteræ.

Objic. 4. Matrimonia infidelium sunt vera matrimonia; sed hæc sunt solubilia; ergo & nostra: nam insolubilitas non est de essentia matrimonii.

Respond. dist. min. Solubilia ex errore, & pravitate, conc. de jure, neg. min. nam Deus pro omni matrimonio statuit perpetuitatem, & apud omnes homines illa est conformis dictamini rectæ rationis, nec aliter facere possunt hæretici, vel infideles, nisi ex errore, vel pravitate.

Objic. 5. Alii contractus ex partium consensu resolvuntur; sed matrimonium est verus contractus; ergo ex conjugum mutuo consensu potest dissolvi. Prob. maj.

maj. ex regula juris, *Per quas causas formantur, per easdem solvuntur*; ergo &c.

Resp. dist. min. Est contractus diversæ, & singularis naturæ, conc. similis naturæ, neg. maj. & conf. Nam iste talis est de se, ut dissolvi nequeat, etiam volentibus partibus.

Inst. Fideles etiam post consummationem possunt ex mutuo consensu separari, & ingredi religionem; sed tunc matrimonium dissolvitur; ergo etiam inter fideles, & consummatum est solubile de consensu mutuo partium.

Resp. neg. min. Nam in eo casu separatio est quoad torum, & non quoad vinculum, unde si dispensante Papa in votis eorum, redirent ad sæculum, manerent ligati, & possent convenire.

Objic. 1. cont. 2. par. Cælestinus III. dicitur sensisse, matrimonium de præsentis solvi posse, si alter conjugum cadat in hæresim; ergo etiam consummatum solvi potest.

Resp. neg. antec. Non enim hoc reperio in illo cap. *Laudabilem*, nec in toto tit. *de frigidis*, tamen Innoc. II. qui docet contrarium, cap. *Quanto*, supponit aliquem Papam hoc videri docuisse.

Resp. 2. fortè hoc dixisse ex privata opinione, non decretaliter, quod innuit Innoc. III. dicens, *Licet quidam prædecessor noster aliter sensisse videatur*; aliud est sentire, & aliud decernere, aut definire; illud est doctoris privati, istud est Pontificis definientis.

Dixi autem 1. *matrimonium fidelium*: nam de infidelibus, & Judæis, qui non servant legem Christi ex errore, ut dicebam, vel dispensatione divina, ut olim, dissolvuntur matrimonia.

2. *Si sit consummatum*: nam de matrimonio rato mox dicemus, an sit solubile.

CONCLUSIO II.

Matrimonium validum, & ratum, & non consummatum dissolvi non potest, nisi in casu, quo ante consummationem velit alter conjugum profiteri religionem approbatam. Est communis.

Prob. 1. ex Scoto dicente, quod datione mutua corporum pro usu perpetuo, sine qua non esset verum

556 De effect. & propriet. matrimonii
matrimonium novæ legis. Ex datione ista contrahunt
vinculum insolubile nisi per...revocationem, seu, rela-
xationem illius, qui statuit hoc esse ita indissolubile...
Christus autem, qui istam indissolubilitatem induxit,
reprobans pro lege sua repudium Mosaycum, ipse rela-
xavit indissolubilitatem, quando alter conjugum con-
vertitur ad Religionem. Unde Ecclesia numquam at-
tentasset, post matrimonia rata, non consummata, li-
centiare alterum ad religionem, altero manente in sæ-
culo, nisi Christus hoc instituisset.

Prob. 2. Nam consummatio nihil addit contractui
rato præter usum: sed in ratione talis contractus habet
indissolubilitatem, ut patet ex præcedenti; ergo ma-
trimonium ratum est de se indissolubile. prob. maj.
Nam matrimonium ratum, & consummatum est es-
sentialiter idem contractus, & idem sacramentum. I-
dem est utrobique vinculum. Patet ant. ex matrimo-
nio B. Virginis cum S. Joseph, non enim fuit nisi ratum,
non autem consummatum. Nam (inquit August.)
consensus cohabitandi, & individuan vitam consuetu-
dinem retinendi, fecit eos conjuges.

Confir. ex dictis, nam matrimonium non facit co-
pula, sed consensus; ergo ex ratione cōtractus, qui con-
sistit in consensu, nascitur vinculum, & insolubilitas
matrimonii: denique hic valent rationes datæ supra.

Prob. 2. p. ex Concil. nam in Lateran. III. dicitur,
post consensum legitimum de præsentī licitum est alteri
(conjugum) altero etiam repugnante, monasterium eli-
gere, sicut quidam sancti, de nuptiis vocati sunt; dum-
modo inter eos commixtio carnis non intervenerit; &
altero remanenti, si commonitus noluerit servare conti-
nentiam, licitum esse videtur, ut ad 2. vota transire pos-
sit: quia cum non essent una caro facti, potest unus ad
dominum transire, & alter in sæculo manere. Idem do-
cent plures Canones, & Trid. Si quis dixerit matrimo-
nium ratum, non consummatum per solemnem religio-
nis professionem non dirimi, anath. sit.

Confirmatur ex facto Christi, nam dicitur quod
Joannem 1. die nuptiarum vocavit ad Apostolatum,
ut notat Doctor, cit. Cujus exemplum secuti sunt SS.
Patres, Alexius, Theonus, & alii. Et cap. Ex parte tua,
dicitur: Ex S. eloquii interpretatione, & divina reve-
latione, in Ecclesia Christi semper fuit custoditum, ut
ratum

ratum matrimonium, per professionem solemnem, dissolveretur; ergo &c.

Addit Scorius, quod *Hec relaxatio Christi rationabilis fuit, quia rationabile est obligationem ad minus bonum commutari ad majus bonum ab eo, qui habet auctoritatem commutandi. Professio autem in Religione est ad majus bonum, quia ad spirituale.*

Hinc argumentor. Semper licitus est transitus de statu minus perfecto ad perfectiorem, si hoc fiat sine injuria alterius: sed status Religionis est perfectior matrimoniali, & potest fieri transitus ab isto ad illum sine injuria alterius; ergo &c. prob. min. patet quoad 1. p. saltem apud Catholicos. prob. quoad 2. p. Nam cum matrimonium non sit consummatum, nulla est proles, nulla fit divisio carnis, quia nondum hæc contraxit unitatem; & alter conjux liberatur à vinculo; & potest nubere: nec denique incurrit ullam infamiam; ergo ille transitus fit sine injuria alterius.

Objic. 1. con. 2. p. Talis dissolutio non licet in matrimonio consummato; ergo nec in rato. ant. admittitur. prob. conf. matrimonium ratum, & consummatum est idem contractus: & sacramentum eodem jure divino institutum; ergo & eadem indissolubilitas.

Resp. neg. utrumque conf. quia hæc differentia non venit ex natura contractus, sed ex voluntate Christi; qui unum præ alio voluit dissolvi ob rationes datas.

Inst. Matrimonium, etiam consummatum, solvi potest, si uterque velit ingredi Religionem: aut si unus consentiat in professionem alterius, & velit manere cælebs, aut recipere ordines sacros; ergo idem est de consummato, & rato.

Resp. neg. ant. Nam tunc uterque manet ligatus, & retinet jus remotum in corpus socii, sed renuntiat proximo ad debitum conjugale. Unde si ex dispensatione professus, vel sacerdos rediret ad sæculum, non posset alteri nubere.

Objic. 2. Vinculum matrimonii rati ligat ex lege naturæ, saltem nisi ambo consentiant: sed nulla professio valet contra jus naturæ; ergo non solvit hoc vinculum, alio repugnant. c. prob. maj. fidelitas in promissis est de jure naturæ: sed conjuges promiserunt sibi mutuam, & individuum vitæ societatem in matri-

358 *De effect. & propriet. matrimonii*

monio; ergo ad eam obligantur de jure naturæ, quamdiu alter non consentit.

Resp. neg. 1. maj. & dist. 2. Fidelitas in promissis absolutis, & sine restrictione, seu retentione juris resiliendi, conc. in promissis conditionatis, saltem virtualiter, neg. maj. & min. nam contractus iste fit cum hac retentione implicita, & virtuali, qua contrahentes sibi retinent per aliquod tempus jus resiliendi per electionem melioris status. Hæc conditio sic continetur in omni matrimonio catholicorum.

Inst. ex regulis juris naturalis, *quod semel placuit, amplius displicere non potest*. Item, *mutare consilium quis non potest in detrimentum alterius*; sed conjux resiliens sine alterius consensu non vult, quod semel voluerat, & mutat consilium cum alterius damno; ergo &c.

Resp. eodem modo dist. maj. Quod semel placuit absolute, excludendo omnem reservationem, conc. per voluntatem, & pactum includens aliquam conditionem, neg. maj. ob rationes datas, alioqui repudium Mosaicum fuisset contra jus naturale, & quidem à fortiori: nam fiebat injuria mulieri repudiatæ, & difamata.

Objic. 3. Ratio majoris boni pro statu religioso, tam valet pro matrimonio consummato, quam pro rato; sed per nos non valet pro consummato; ergo nec pro rato.

Resp. neg. maj. nam, ut diximus, Christus non dispensat pro uno, sicut pro alio, & maximè, quia in consummatio id fieret cum detrimento prolis, aut cum scandalo post copulam.

Objic. 4. ex Patribus: nam inquit Gregor. *Sunt, qui dicunt religionis causa conjugia debere dissolvi. Verum sciendum est, quia & si hoc lex humana concessit, lex tamen divina prohibuit*; ergo illa dissolutio est illicita, & contra jus divinum. Et Alex. III. *Dicimus, quod nisi uxor ad religionem transferis, aut perpetuò castitatem promiserit, vir potest, & debet de monasterio revocari*; ergo à fortiori potest impediri, ne intret, aut profiteatur sine consensu alterius.

Resp. neg. utramque cons. nam uterque Pontifex loquitur de matrimonio consummato. Unde Greg. citat Scripturam, *erunt duo in carne una* (quæ unitas non fit,

fit, nisi per copulam) absurdum reputans, *unam, eandemque carnem ex parte transire ad continentiam, et ex parte remanere in pollutione.* Idem est de Alexandro, nisi sibi contradiceret: nam c. seq. *Verum*, id permittit, *dummodo carnalis commixtio non interveneris inter eos, et alteri remanenti licitum est ad secunda vota transire*; ergo in priori capite loquitur de matrimonio consummato, & in præsentī de rato.

Igitur Ecclesia divinitus inspirata permittit conjugibus, vel eorum alteri post matrimonium ratum differre consummationem per duos menses ad deliberandum de ingressu in religionem approbatam, nec potest alter hoc impedire, durante illo bimestri, & si ibi profiteatur, matrimonium per illam professionem dissolvitur, & alter potest, si nolit continere, transire ad alias nuptias.

CONCLUSIO III.

Matrimonium inter infideles contractum potest dissolvi, si alter eorum convertatur ad fidem, et infidelis nolit habitare cum illo, vel si iste fidelis non possit habitare cum infideli sine contumelia Creatoris, aut sine periculo salutis sue.

Prob. 1. ex Scoto, qui quærenti, cur Apostolus suadet matrimonium inter infideles contractum esse servandum post conversionem alterius, respondet, Causa Apostoli patet ibi: Salvabitur, inquit, vir infidelis per mulierem fidelem. Igitur servare matrimonium prius contractum est occasio convertendi conjugem infidelem. Cessante autem evidenter causa illa, non debent simul commanere, ut puta, si non consentit habitare cum converso, vel non sine injuria Creatoris, blasphemando, vel sollicitando conversum ad infidelitatem, etc. ergo ex Scoto in illis circumstantiis solvitur illud matrimonium: nam ibi non est quæstio de separatione tori, sed vinculi.

Prob. 2. ex Script. nam Apostolus ait, Si infidelis discedit, discedat (fidelis) non enim servitus subiectus est frater, aut soror in huiusmodi; ergo si infidelis non vult habitare cum fideli, vel si iste non potest cum illo habitare sine injuria Creatoris, vel periculo fidei, poterit iste ab illo discedere, & sic liberabitur ab

380 De effect. & propriet. matrimonii

illius subjectione; ergo & à vinculo, ratione cuius non habet corporis sui potestatem. prob. cons. nam, inquit Chrysost. Propterea hoc appellavit debitum, ut ostenderet nullum esse sui dominum, sed esse alterum alterius servum... Quid est autem, si infidelis discedat, aut separetur? Ut si jubet te sacrificare, aut esse sociam impietatis propter matrimonium, aut recedere, melius est, ut divellatur matrimonium, quam pietas.

Prob. 3. ex SS. Canon. Nam cap. si infidelis, ex D. Gregorio dicitur, quod dimissio propter Deum non est peccatum, si alii se copulaverit, contumelia quippe creatoris solvit jus matrimonii circa eum, qui relinquitur. Et ex Ambros. simili cap. Hic agnoscat fidelis suam libertatem, ne ita subiectum se deputet servituti, ut ipsam dimittat fidem, ne amittat infidelem. Et Innoc. III. cap. Quanto. Nam in illo casu, qui relinquitur, ad secunda, si voluerit, vota transibit. . . contumelia Salvatoris solvit jus matrimonii. Idem est de multis aliis, quos citat Cardin. Brancatus noster.

Prob. 4. Nam Deus saluti fidelium consulens hanc eis libertatem dedit, ne per fragilitatem adducantur à fide, aut Dei obsequio, si cohabitent cum infidelibus conjugibus. Et quidem, indulgentia est potius, quam præceptum; ait August. [1] ubi ventum est ad questionem de dimittendis conjugibus, vel admittendis, adhibitis etiam Apostolicis testimoniis, dicerem Consilium esse Apostoli, non præceptum domini.

Objic. Insolubilitas matrimonii est de jure divino; ergo ab homine solvi non potest sub ullo prætextu non expresso in lege: sed in lege nulla est exceptio, nam absolute dicit, Quod Deus conjunxit, homo non separet, & Christus legem repudii abrogavit, ut concessum judæis propter duritiam cordis eorum; ergo in nullo casu licita est solutio hujus vinculi.

Resp. neg. subf. Nam Apost. sciebat legem divinam, quam didicerat ab ipso Deo, & expresse docet hanc solutionem in illis circumstantiis.

Inst. Imò Apostolus jubet fidelem manere cum infideli, si velit iste; ergo &c.

Resp. ex Aug. [2] jubet manere ex charitate: con. ex necessitate vinculi: neg. ant., cur ergo non expediat in fideles dimitti à fidelibus? causa evidenter expressa est,

[1] de adul. conj. 18. [2] ibid. 13. & 14.

est; non enim propter vinculum conjugale cum talibus servandum, sed ut acquiratur Christo, recedi ab infidelibus Apostolus vetat. Multa enim sunt facienda, non jubente lege, sed libera charitate. Hoc consilium est charitatis, non præceptum.

Objic. 2. Universaliter dicitur, mulier alligata est legi, quanto tempore vir ejus vivit. Et Christus ipse. [1] Quicumque dimiserit uxorem suam nisi ob fornicationem, & aliam duxerit, moechatur; ergo conjux dimitti non potest ob infidelitatem, & quamdiu ambo vivunt, vinculum ligat.

Resp. dist. conf. Quamdiu vivunt, & præcisè ob infidelitatem solam, con. in circumstantiis ab Apostolo notatis, neg. conf. nam ille apertè concedit separationem ab infideli, casu, quo iste discedat, vel adsit periculum perversionis, vel injuriæ creatoris. Christus eisdem casus excipit per Apostolum suum: corrigit legem repudii, qua judæi abutebantur dicentes, *posse dimitti uxorem quacumque ex causa*. Nimis ampliabatur lex illa: ideo Christus eam limitat ad solos casus conclusionis, sc. quoad infideles, & quoad ingressum Religionis, denique Christus ibi dat legem pro matrimonio fidelium, non infidelium.

Objic. 3. Propter hæresim unius non solvitur hoc vinculum; ergo nec propter infidelitatem. Ant. recipitur communiter. prob. conf. Non est minus periculum contumeliæ creatoris, vel perversionis fidelis per hæreticum, quàm per infidelem; ergo &c.

Resp. neg. 1. conf. & 2. ant. Nam matrimonium infidelium non est sacramentum, benè verò istud, quod dat jus ad auxilia divina, quibus resistatur tentationibus hæresis: & ut tale, magis est indissolubile.

Igitur non statim, nec præcisè, quia unus venit ad fidem, & alter manet infidelis, sit hæc separatio, sed requiritur, ut infidelis discedat, & dimittat fidelem, nolens habitare cum illo: vel, ut iste non possit permanere cum infideli sine injuria creatoris, aut periculo suæ perversionis; quia sc. infidelis cum sollicitat ad impietates, & blasphemias. Sed si fidelis sperat se posse convertete infidelem, debet saltem ex charitate, remanere cum illo. 1. patet ex verbis Apostoli; & cap. Quanto, & cap. Gaudemus,

A a 5

demus,

[1] *Math. 19.*

562 *De effect. & propriet. matrimonii*
demus, & aliis sacris Detreis, & ex Augustino cit.
Quæres 1. *Quid dicendum. si infidelis tandem conver-*
tatur, an prior conversus tenebitur conciliari cum isto,
et eum resumere.

Resp. affirmativè, si hæc conversio fiat, antequam al-
ter contraxerit alias nuptias, quia tunc vinculum esset
adhuc integrum. Et cessat ratio dissolutionis.

Quæres 2. *An si fidelis statim nuberet alteri post suã*
conversionem, non expectato recessu infidelis, nec peri-
culo perversionis, an inquam validè faceret.

Resp. negativè, quia tunc cessarent allatæ rationes
dissolutionis prioris vinculi ex parte conversi, seu fi-
delis.

Quæres 3. *An ad validam executionem huius liber-*
tatis requiratur iudicium Ecclesiæ.

Resp. id quidem securius, & rationabilius esse, non
tamen necessarium, quia Ecclesia non habet jurisdi-
ctionem supra infidelem, ut eum liberet ab onere vin-
culi. Certè ex ipso recessu infidelis, & à fortiori si nu-
pserit iste, liberatur fidelis, nec enim ejus conditio fit
deterior. Id constat ex cap. *Quanto*: nam inquit Glos-
sa, *Ille, qui relinquit transcurrentem ad fidem, peccat, et*
sola contumelia Creatoris, et non per Ecclesiam solvi-
mur. Ideo si interveniat sententia Ecclesiæ, hæc erit
purè declaratoria juris istius.

Quæres 4. *An infidelis deserens fidelem, possit statim*
validè contrahere cum alio.

Resp. non posse, donec fidelis mutaverit statum per
ingressum religionis, aut per susceptionem ordinis sa-
cri, aut per aliud matrimonium, quia privilegium
solutionis est ad-favorem fidelis, non autem infidelis.
Postquam autem sumpsit statum impossibilem
cum illo primo, remanet primus contractus solutus,
& infidelis pariter liber. Sed quandiu fidelis non vult
uti privilegio suo dissolutionis, manet integrum vin-
culum.

Quæres 5. *An fideles ex mutuo consensu possint dissol-*
vere vinculum matrimonii rati, et non consummati.

Resp. negativè, nisi per ingressum religionis, ut dixi-
mus: nam inquit Bonifacius VIII. *A Deo in paradiso*
matrimonii vinculum fuit institutum insolubile. Idem
docet Concil. Trident.

CONCLUSIO IV.

Probabilius est Papam dissolvere posse matrimonium ratum inter fideles, non autem consummatum. Est hodie communior, licet pars negativa non careat probabilitate. Prima pars patet ex 1. Conclusionem.

Prob. 1. p. ex principiis Scoti, [1] qui hanc tradit regulam, *De sacramentis Ecclesiae non est aliter sentiendum, quam sentit Romana Ecclesia*, ex cap. *Ad abolendam*; [2] sed jam sentit Ecclesia Romana Papam posse in hoc dispensare, & de facto dispensat saepe; ergo ex hac regula Scotus inclinaret in hanc sententiam, & id positive dixisset, si scivisset hoc fieri. Citatur tamen pro contraria, ut videbimus.

Prob. 2. ex praxi: nam propter ingens aliquod Ecclesiae bonum, plures Pontifices dispensarunt in matrimonio rato, ut testatur Sanctus Antoninus de Martino V. & Eugenio IV. Et Cajetanus, & Navarrus testantur de Paulo III. & Pio V. Et Henriquez de Gregorio XIII. quem scribit uno die dispensasse cum undecim. Sed non potest dici, quod in hoc erraverint illi Summi Pontifices; & à facto ad posse valet consequentia; ergo &c.

Confix. quia Papa dispensat in votis solemnibus religionis, ut notant Theologi apud Maftrium, ergo à fortiori potest dispensare in matrimonio: nam 1. status religionis, quem fideles contrahunt per illa vota, est longè sanctior, & ideo indispensabilior. 2. quia matrimonium ratum dissolvitur in favorem religiosae professionis, & non è contra; ergo si Papa dissolvere potest vinculum hujus professionis, poterit & vinculum matrimonii rati.

Prob. 2. p. ex Scoto docente, quod si consummatum esset matrimonium, esset omnino indissolubile usque ad mortem, ita, quod si conjuges pari voto continerent, matrimonium non solveretur inter eos, etiam per ingressum religionis; ergo ex Scoto matrimonium consummatum est indissolubile per omnem potentiam humanam, etiam Papalem.

Prob. 2. ex Script. & PP. citatis in 1. Conclusionem: nam loquuntur absolutè, & sine limitatione.

Aa 6

Prob.

[1] d. 26. k. 13. [2] ex sr. de haeret.

364 *De effect. & propriet. matrimonii*

Prob. 3. Quia insolubilitas matrimonii consummati, in quo duo fiunt una caro, per mixtionem seminum, venit ex lege divina positiva, ut patet ex Script. cit. sed Papa non habet potestatem supra legem divinam; inferior enim dispensare non potest in lege superioris cap. *cum inferior* de major. & cap. *ne Romani* Clem. de elect. ergo Papa non potest dispensare ad solutionem matrimonii consummati.

Prob. 4. ex praxi, nam SS. Pontifices semper abstinuerunt à tali dispensatione, & eam reservarunt soli Deo, ut patet ex Nicol. I. & Adriano II. Circa matrimonium Regis Franciæ, cap. *Scriptis*, & cap. *Lotarius*, & Epist. Adriani, qui declarant non posse illud dissolvere; quia, inquiunt, *non potest homo dissolvere, quod Deus conjunxit.*

Dices, hanc legem non afficere Papam, qui non est purus homo, sed supra homines, & Vicarius Christi.

Contra, quia magis assentativè, quàm verè hoc dicitur, ut patet ex ipsorum Pontificum dictis, nam, Nicol. I. cit. declarans, cur matrimonium ratum solvi possit per ingressum Religionis, dicit hoc fieri ab ipso Deo. *Deus, non homo separat*, quando intuitu divini, amoris: *ex consensu utriusque matrimonia dissolvuntur.*

Confir. ex Innoc. 3. decernente repudium in Evangelio reprobatum esse cap. *Gaudemus*. Nam talis dispensatio resuscitaret divortia, quæ fierent auctoritate humana, non maritorum, sed Papæ, ergo Papa iste non se reputat nisi puram hominem.

Obje. con. 1. dicit, quod *Ecclesia nunquam attentasset post matrimonium licentiaré alterum ad Religionem, altero manente in seculo, nisi Christus hoc instituisset*; ergo ex Scoto, Ecclesia, nec SS. Pontifex non potest dissolvere matrimonium ratum, nisi Christus ita instituerit. Sed nullibi constat de hac institutione, & ante tempora Scoti non legebatur Papam in hoc dispensasse; ergo nec modò id fieri potest.

Resp. neg. subl. nam ex mente Scoti cit. rectè arguitur Christum ita instituisse, quandoquidem Ecclesia attentavit sic dissolvere matrimonia rata; nam illa non potest errare.

Obje. 2. Si posset dissolvere ratum; posset etiam consummatum; nam consummatio nihil addit Sacra-

mēto præter executionem, quæ non mutat essentiam contractus; sed conf. est contra nos; ergo &c.

Resp. neg. maj. & conf. prob. nam Christus non permisit solutionem pro consummato. sed pro rato, quod colligitur ex Ecclesiæ praxi. Et ratio petitur tum ex ratione prolis, quæ venit ex consummatione, tum ex unitate carnis ex eodem contactu.

Inst. *Quod Deus conjunxit, homo non separet; sed Papa est purus homo; ergo &c.*

Resp. dist. maj. Homo non separet potestate humana, conc. potestate divina, neg. maj. Papa autem in his agit ex potestate à Christo accepta, & divina.

Objic. 3. Indissolubilitas matrimonii est de jure divino, & naturali; ergo nullus homo potest illud dissolvere.

Resp. dist. ant. de jure divino, & naturali secundo, conc. de naturali primario. neg. ant. & dist. conf. Nullus homo potestate purè humana. conc. divinitus accepta, neg. conf. nam, ut diximus, Christus hanc facultatem concessit Ecclesiæ suæ in suo capite.

Objic. 4. Papa ex plena sua potestate non potest impedire effectum sacramenti in subiecto capaci, v. gr. ne baptizatus censeatur de familia Christi, aut ne corpus ejus sit in hostia ritè consecrata; ergo nec efficere potest, ne post matrimonium ratum, conjuges sint indissolubiter ligati vinculo illo: nam istud est effectus talis sacramenti.

Resp. neg. conf. nam Papa in hoc dispensans non impedit effectum sacramenti, sed solum declarat Deum nolle, ut illud vinculum amplius teneat inter personas, quas ejus Vicarius liberat per potestatem, quam ad hoc ei delegavit.

Resp. 2. Papam non impedire talem effectum, sed declarare, quod sacramentum, vel contractus non valet inter illos conjuges ob causas, quæ movent eum ad sic judicandum, nec enim ullus unquam attentavit dispensare, nisi propter urgentissimas causas. Fortè etiam hoc fit per interpretationem voluntatum conjugum ipsorum, quatenus non censentur voluisse consentire in vinculum in talibus circumstantiis.

Objic. 1. cont. 2. par. ex cap. *Proposuisti*, Gregor. XIII. dicit, matrimonium posse dissolvi ob supervenientem infir-

§ 66 *De effect. & propriet. matrimonii infirmitatem uxoris*. Et cap. *Concubuiſti*, Zacharias dicit, ſolvi poſſe matrimonium ejus, qui concubuit cum ſore uxoris. Unde ſi hæc conſcia non ſit ſceſeris, poterit inire aliud conjugium; ergo Papa in aliquo caſu poteſt diſſolvere matrimonium conſummatum.

Reſp. neg. conſ. Nam Gregor. loquitur de infirmitate ſuperveniente poſt matrimonium non conſummatum, vel de matrimonio contrahendo, ſeu contracto per verba de futuro, non per verba de præſenti. Zacharias autem loquitur de uxore poſt mortem viri, vel de ſponſa de futuro, ut notat Gloſſa. Dicunt alii hoc decretum Gregorii non reperi in Epistoſis ejus.

QUÆSTIO V.

De divortio, ſeu de ſolutione matrimonii quoad torum.

INter obligationes conjugum non ultima eſt obligatio cohabitandi, & unitas tori, de qua dicitur, *velinques homo patrem, et matrem, et adhærebit uxori ſuæ*. Et in definitione matrimonii dicitur, *viri, et uxoris individuan vitam conjunctionē continens*. Conjuges quippe ſine cohabitatione nequeunt mutuo corporum uſui vacare, nec generationi, nec educationi filiorum, nec alia ſibi ad invicem præſtare obſequia, ad quæ inſtitutum eſt matrimonium. Quæritur ergo hic de conjugum ſeparatione, non quoad vinculum conjugale, de quo jam diximus, ſed quoad torum, & cohabitationem, ſtante vinculo illo, & quando, ſeu ex quibus cauſis liceat.

Divortium dicitur à *divertendo*, quia conjux alter ab altero divertit. Vel à *diverſitate mentium*, & ſignificat unius conjugum ab alio ſeparationem, vel utriuſque ab invicem ex mutuo conſenſu. Et triplex eſt. 1. *Quoad vinculum*, quo nexus conjugalis ſolvitur, ut dictum eſt, nec de hoc reſtat dicendum. 2. *quoad torum*, quatenus ſeparantur corpore, & non copulantur carnaliter, ut ſæpè accidit, etiam ex conſilio Apoſtoli, ut vacent orationi. Et de iſto hic non loquimur. 3. *quoad torum, & cohabitationem*, ſolo

restante vinculo conjugali, & de hoc loquimur hîc, & quærimus, an aliquando sit licitum inter conjuges.

Certum est autem, tale divortium aliquando esse licitum. Nam inquit Concilium Trident. [1] *Si quis dixerit Ecclesiam errare, cùm ob multas causas separationem inter conjuges quoad torum, et cohabitationem ad certum, incertumve tempus fieri posse decernit, anath. sit.* Restat quærendum, quibus de causis possit hoc fieri.

Certum est 2. Conjuges etiam post consummatum, matrimonium ex mutuo consensu, posse ab invicem divertere, sive mutando statum per ingressum religionis, & susceptionem ordinum, sive manendo seorsum in statu laicali, & hoc sive ad tempus, & quandiu voluerint, sive in perpetuum, salvo tamen semper vinculo maritali. Dico *ex mutuo consensu*: nam cessante causa divortii, non licet uni divertere, alio nolente, unde velambo debent consentire, sive ex devotione in Deum, sive ex aliis rationabilibus motivis.

CONCLUSIO I.

SI alter conjugum cadat in verum adulterium voluntarium, innocens potest ab eo divertere quoad torum, si velit. Est communis.

Prob. 1. ex Scoto, [2] qui, ut probet potestatem in corpora posse separari ab usu, dicit, *Adultera habet potestatem alterius conjugis, quia per matrimonium fuit sibi data indefectibiliter, tamen non habet, nec habere potest usum corporis illius propter peccatum suum; ergo peccatum potest perpetuò prohibere usum, stante potestate in matrimonio; ergo ex Scoto propter adulterium unius conjugis potest innocens ab eo divertere, & separari quoad torum sine dissolutione vinculi.*

Prob. 2. Nam id colligitur ex verbis Christi dicentis, [3] *quicumque dimiserit uxorem suam, nisi ob fornicationem.* Et antea dixerat, *Ego autem dico vobis, quia omnis, qui dimiserit uxorem suam, excepta fornicationis causa, facit eam machari.* Hoc enim intelligitur de dimissione quoad torum, ut diximus.

Prob.

[1] Sess. 24. can. d. 30. q. 2. E. 7.

[3] Matth. 19. c. 5.

568 *De effect. & propriet. matrimonii*

Prob. 3. ex Conciliis, & sacris Canonibus, ver.gr. ex Conc. Eliberitano c. 9. Milevit. 17. Later. 3. in Append. Agathensi c. 25. & Venerico c. 2. Docent enim divortium licere ex causa adulterii quoad torum, & prohibent illud quoad vinculum. Item ex cap. *Qualis*, ubi Leo I. dicit, quod *in omnibus diebus vite, nisi ex consensu, et causa vacandi Deo, propter hominem nunquam separanda, et, si fornicata fuerit, dimittenda, sed illa vivente, altera non ducenda*. Et Alex. III. cap. *Significasti*, decernit, quod *si notorium est ipsam adulterium commisisse, ad eam recipiendam prefatus vir cogi non debet, nisi constaret ipsum cum alia adulterium commisisse, &c.*

Prob. 4. quia conjux adulter frangit alteri fidem, & sic dat causam innocenti denegandi ei debitum conjugale, juxta commune effatum, *frangenti fidem non debetur fides*.

Dixi 1. *verum adulterium*, & reale, seu per consummatam copulam carnalem cum alio, etiam sodomiticam, aut bestialem, ut volunt multi, inter quos Card. Brancatus noster, & quidem hoc videtur verum à fortiori, quia in his fit gravior injuria innocentis.

Dixi 2. *Conjux innocens divertere potest*, sed iste non amittit jus petendi debitum à reo, nec iste liberatur ab obligatione illud reddendi. Et si utrimque sit adulterium, fit compensatio jurium, & injuriarum, & neuter divertere potest. De aliis autem actibus obscœnis, v.g. osculis, tactibus, pollutionibus, &c. hæc non sufficiunt ad divortium.

3. *Conjux innocens*, sive vir, sive mulier: nam quoad hoc in jure sunt æquales, & ut loquitur August. *Ob concupiscentias sine crimine, et uxorem dimittere, et uxor virum*.

4. *Conjux innocens, si velit*: nam innocens non obligatur ad divortium, sed hoc ei liberum est, ac pœna pro reo, quam innocens potest remittere, & reconciliari, quando voluerit, nec reus potest resistere.

5. *Adulterium voluntarium*: nam si mulier per vim hoc pateretur, non posset vir eam dimittere. Idem est, si ignoranter, sc. putans invincibiliter esse virum suum: nam illa dimissio fit in pœnam, quæ non debetur innocenti.

CONCLUSIO II.

Potest etiam conjux ab alio divertere ob alias causas, v.g. ob scandalum, si alter trahat eum ad peccatum, vel ob periculum contrahendi morbum lethalem, aut contagiosum, vel ob nimiam sævitiam, vel ob hæresim, & infidelitatem, &c. Est communis quoad omnes partes.

Prob. 1. nam Christus dixit amovendas esse occasiones scandali: *Si manus tua, vel pes tuus scandalizat te, abscide eum*, &c. ergo à fortiori debet amoveri conjux inducens ad peccatum, & scandalizans.

Prob. 2. Nulla est major obligatio, quam cavendi offensam Dei, & æternæ salutis pericula, ergo & recedendi à conjuge inducente ad peccatum.

Confirm. Nam, ut dicemus, potest quis discedere à conjuge ob evidens periculum salutis corporalis, v. gr. si laborat morbo contagioso, v. gr. lepra, aut peste; ergo à fortiori ob periculum salutis animæ, si sit valdè probabile.

Prob. 3. ex Patribus, & Decretis: nam inquit Augustinus relatus cap. *Idololatria*, ex quo intelligitur, quod propter illicitas concupiscentias. quaslibet, quæ animam corpore male utentem à lege Dei aberrare faciunt, & perniciosè, turpiterque corrumpunt, possit sine crimine, & vir uxorem dimittere, & uxor virum, quia exceptam Dominus facit causam fornicationis, quam fornicationem generalem cogimur intelligere, sc. sollicitatio ad peccatum est gravis fornicatio, propter quam Christus licitum docet divortium, dicens: *Quicumque dimiseris uxorem, excepta causa fornicationis*, &c. Glossa dicit, idem est si cogat ad quodcumque peccatum mortale. Et cap. *Uxor*, eadem Glossa dicit, *fidelis fidelem bene potest dimittere, si compellatur ab eo ad mortale peccatum*. Idem patet ex cap. *Quanto te*; ergo si unus conjugum timeat rationabiliter periculum subversionis ab alio, poterit, imò debet ab eo discedere quoad torum, & cohabitationem.

Prob. 2. p. de periculo vitæ corporalis ex morbo, vel gravi sævitia: nam jure naturali nemo tenetur satisfacere alteri cum tam gravi damno, quale est

da.

570 *De effect. & propriet. matrimonii*

damnum propriæ vitæ, & morborum illorum: Sed hæc mala imminet conjugii ex morbis contagiosis, & ex nimia sævitia mariti, aut si iste rationabiliter sibi timeat venenum ab uxore, aut si nimium molesta sit ejus cohabitatio propter rixas graves, & frequentes, &c.

Confir. ex cap. *Transmissa*, ubi Gregor. IX. decernit, quod si vir capitali odio mulierem prosequitur, quod meritis de ipso diffidat (uxor) alicui probæ mulieri custodienda committatur in loco, ubi vir, aut parentes ejus mulieri non possint violentiam inferre. Et Innoc. III. cap. *Litteras*, dicit, quod si tanta sit viri sævitia, ut mulieri trepidanti non possit sufficiens securitas provideri, non solum debet illi restitui, sed ab eo potius debet amoveri.

Prob. 3. p. de hæresi, apostasia, & infidelitate: nam si propter adulterium carnale, quo unus conjugum violat fidelitatem debitam alteri, potest hic ab illo divertere; ergo multò magis propter adulterium spirituale contra fidelitatem Deo promissam, & debitam.

Confir. Nam ex cohabitatione cum apostata, vel hæretico non minus imminet periculum perversionis, & peccati, quàm aliunde; ergo ex hoc capite tam licitum est divortium ex parte innocentis, quàm ex alio ullo, imò & debet fieri.

Confir. 2. Nam ex dictis, matrimonium dissolvi potest quoad vinculum, quando unus convertitur, altero manente in infidelitate, & conante istum avertere à fide; ergo à fortiori poterit, & debet divertere ob apostasiam, vel hæresim.

Objic. 1. Christus non permittit divortium nisi ob fornicationem, id. adulterium unius; ergo illicitum est ob alias causas. Prob. ant. nam excipit solam fornicationem. *Excepta causa fornicationis.*

Resp. neg. 1. ant. Excepta causa fornicationis per viam repudii perpetui, conc. per viam solius divortii quoad torum, neg. ant. Nam Christus ibi agit de lege repudii, quam ipse repudiat, ut patet ex textu, hic autem non solvitur vinculum, ut in repudio illo dicebamus.

Objic. 2. ex S. Hieron. [1] cum Christus dixisset, non licere dimittere uxorem, nisi ex causa fornicationis, di-

[1] in c. 9. *Matth.*

dicunt ei discipuli ejus, si ita est, grave pondus uxorum est: Quid enim, si temulenta fueris? si iracunda? si malis moribus? &c. Tenenda eris istiusmodi? volumus, nolumus, sustinenda est? cum enim essemus liberi, voluntarie nos subjacimus servituti, &c. ergo Christus censet non licere divortium ex ulla alia causa præter adulterium.

Resp. neg. conf. Nam Hieron. supponit mulierem, de qua loquitur, esse pœnitentem, & ideo eam debere retineri; nos autem loquimur absolute.

CONCLUSIO III.

Conjux innocens potest divertere quoad torum propria auctoritate in foro conscientie, modo certus sit de veritate, sed quoad habitationem debet expectari judicium Ecclesiæ.

Prob. 1. p. Nam supposita certitudine fractæ fidei ab adultera innocens non tenetur in conscientia servare illi fidem; ergo ex se potest illi negare debitum, & ab ea separari quoad torum. Prob. ant. ex Regula, Frustra sibi poscit fidem ab eo servari, cui fidem à se præstitam servare recusat. Nam jus naturæ dicat, quod mutuo obligari ad idem, si deficit unus, alter non tenetur.

Prob. 2. In casu adulterii potest innocens recurrere ad judicem pro divortio; ergo & ipse potest adultero negare debitum, alioqui reddendo debitum amitteret jus recurrendi, quia per copulam sequentem censeretur reconciliatus.

Prob. 3. Quia nullo jure prohibetur tale divortium, imò videtur conforme dictamini rectæ rationis, nec videntur conjuges tradere se sibi mutuo, nisi sub ea conditione, ut uno frangente fidem, dispensetur innocens ab obligatione reddendi debitum.

Prob. 2. p. Nam separatio quoad habitationem fieri non potest sine scandalo, est enim actio publica ex se pertinet ad externam gubernationem; ergo privata auctoritate fieri non debet; ergo ut licite fiat, debet expectari judicium Ecclesiæ, ad quam spectant materiæ sacramentales.

Confir. 1. Nam si tales separationes fieri possent privata auctoritate, quotidie audirentur jurgia, & dis-

sen-

572 *De effect. & propriet. matrimonii*
sensiones in familiis, singuli prætenderent causas sufficientes, aut eas supponerent, & essent iudices in propria causa.

Confir. 2. Nam cum unus dimitteret alium, vel iste consentiret, & sic licite fieret, quia neutri fieret injuria, vel iste reclamaret apud quem, nisi apud legitimum iudicem causarum sacramentalium? neuter enim potest esse iudex in propria causa.

Prob. 3. ex SS. Decretis. Ex cap. *Saculares*, ubi Concil. Carthagin. *Si antequam apud Episcopos comprovinciales diffidii causas dixerint, et priusquam in iudicio damnentur, uxores suas abiecerint, a communione Ecclesie, et populi cætu ... excludantur.* Et cap. *Porrò*, ubi Alex. III. decernit, *prudencia tua cognoscat, quòd si etiam parentela esset publica, et notoria, absque iudicio Ecclesie ab ea separari non potuit; ergo multò minùs si causæ separationis sint occultæ, & incertæ, poterunt fieri sine iudicio Ecclesie.*

Confir. ex Glossa: nam sententia divortii est pœna, & pœna debet inferri per iudicem. Et cap. *Ex parte*, eadem Glossa dicit, *nemini uxorem suam sine manifesta causa fornicationis licet dimittere, id. sine causa probata, et subsecuta sententia.* Idem constat ex aliis; ergo &c.

Prob. denique, si propria autoritate fierent divortia, idem esset pars, & iudex, & executor in propria causa, & innocens exerceret vindictam, quam Deus sibi reservat. Unde in lege veteri repudium non fiebat autoritate propria.

Dixi autem, *modo conjux innocens sit certus*, saltem moraliter de crimine consortis: nam pro culpa incerta non datur pœna certa.

Hoc autem supposito, & modò absit scandalum, potest divertere occultè, quoad fieri poterit, ne reum diffamet. Quod à fortiori verum est de aliis causis, v. gr. durioris sævitie, & cautelæ contra machinationes, ut provideatur vitæ corporalis securitati.

Objic. 1. con. 2. p. cap. *Significasti* Alex. III. decernit, quod si notorium est mulierem ipsam commisisse adulterium, ad eam recipiendam vir cogi non debet, nisi constaret ipsum cum alia commisisse adulterium; ergo approbat divortium privata autoritate viri factum, Et cap. *Ex parte*, dicit idem, *nemini licet u-*

xorem suam sine manifesta causa fornicationis dimittere; ergo ex tali causa id licet.

Resp. neg. utramque conf. 1. quia casus primi capituli non est ad rem: nam mulier illa non curabat recipi à viro, & sic acceptabat divortium. Et in 2. vox *manifesta causa*, significat notorietatem culpæ, ut juridicè probatam, & secutam sententiam, ut dicebamus.

Objic. 2. Quando adulterium, aut sævitia est manifesta, cessat metus scandali; ergo tunc non debet expectari sententia, nec probatio: Prob. conf. Nam præcipua ratio asserendi necessitatem expectandi iudicium Ecclesiæ, est vitatio scandali; ergo si cessat illa ratio, sc. metus scandali, cessat ratio expectandi iudicium illud.

Resp. neg. 1. conf. & 2. ant. Nam ratio principalis expectandi est defectus jurisdictionis, quæ pertinet ad Ecclesiam, & quam sibi reservat ad vitanda inconvenientia, quæ acciderent, si ab arbitrio privato partis unius penderet executio divortii, & iudicium de sufficientia causæ illius.

Cetera de divortio sunt obvia, & facilia apud Casuistas.

QUÆSTIO VI.

De solemnitate, et publicitate matrimonii. An, et qualis esse debeat, ut valeat matrimonium, An, et quo jure clandestina matrimonia sint invalida.

PER matrimonium *clandestinum* intellige illud, quod sine debitis solemnitatibus fit, maximè sine proclamationibus præviis, & sine præsentia parochi, & testium, ratione quorum dicitur fieri in facie Ecclesiæ; in hoc consistit matrimonii *publicitas*.

Certum est autem, quòd hodie, & post Concilii Tridentini publicationem, propter gravia peccata, quæ ex clandestinis coniugiis oriuntur, Concilii Lateranensis vestigiis inherendo, præcipitur, ut in posterum, antequam matrimonium contrahatur, ter à proprio contrahentium paracho tribus continuis festivis diebus, in Ecclesia, inter Missarum solemnities publicè denun-

574 De effect. & propriet. matrimonii

zietur, inter quos matrimonium sit contrahendum. Quibus denuntiationibus factis, si nullum opponatur impedimentum, ad celebrationem matrimonii in facie Ecclesie procedatur. (Potest tamen Episcopus dispensare in denuntiationibus ex causa.) Qui aliter, quam præsente paroco, vel alio sacerdote, de illius parochi, vel ordinarii licentia, & duobus, vel tribus testibus, matrimonium contrahere attentabunt, eos S. Synodus ad sit contrahendum inhabiles omnino reddit, & tales contractus nullos, & irritos esse decernit, prout eos præsenti decreto facit irritos, & annullas. En igitur solemnitates, & publicitatem jam necessarias ad valorem hujus sacramenti, & defectu quarum dicitur clandestinum, & nullum.

Certum 2. tales solemnitates non fuisse necessarias ad valorem sacramenti ante præfatum decretum. Nam inquit, Dubitandum non est clandestina matrimonia libero contrahentium consensu facta, rata, & vera esse matrimonia, quandiu Ecclesia ea irrita non fecit, et eos anathemate damnat, qui ea vera, & rata esse negant.

Igitur duplici ex causa matrimonium dicitur clandestinum. 1. si denuntiationes non præmittantur. 2. si non fiat coram paroco, & testibus. In 1. potest dispensari, non in 2. Restat videndum, quinam illorum defectuum invalidet sacramentum; & an semper fuerint prohibita, & quo jure potuerit Ecclesia sic illa irritare matrimonia clandestina.

CONCLUSIO 1.

Matrimonia semper fuerunt prohibita, non jure naturali stricto, nec divino, sed Ecclesiastico, non tamen fuerunt invalida ante decretum Concilii Tridentini.

Prob. 1. Non ex Scoto (quia suo tempore non extabat decretum, nec de hoc disputabatur) sed ex SS. Decretis, cap. *Aliter*, Evaristus, qui sedebat an. 110. A patribus accepimus, & à SS. Apostolis, eorumque successoribus traditum invenimus, non sit conjugium, nisi ab his, qui super sœminam ipsam dominationem habere videntur, & à quibus custoditur, uxor petatur, & à parentibus, et propinquiorebus sponsetur, et suo

suo tempore, sacerdotaliter, ut mos est... à Sacerdote benedicatur; ergo non solum ab initio 2. sæculi, quo regnabat iste, sed à tempore Apostolorum non fiebant conjugia clandestina, sed coram propinquis, parentibus, & Sacerdote. Et cap. Nullus, in Concilio Arelat. I. an. 310. Sine publicis nuptiis quisquam nubere, vel uxorem ducere præsumat. Et cap. Sponsus, Concil. Carthagin. IV. an. 395. jubet sponsum, & sponsam à paranympis, aut parentibus offerri benedicendos à Sacerdote. Et cap. Nullus, Hormisdas, Nullus fidelis occultè nuptias faciat. Et cap. Qualis, Leo IV. an. 855. Virgo casta, et desponsata in publicis nuptiis, et in conjugium liquidè sumenda, &c. Et cap. Nostrates, Nicol. I. an. 867. Ambo conjuges ad nuptialia sàdera perducuntur, et primò quidem in Ecclesia Domini... per Sacerdotem, benedictionem, et velamen cœlestes suscipiunt. Et in Concil. Lateran. III. & IV. an. 1180. & 1215. idem præcipitur, ut testatur Trident. cit. ergo ab initio, & ex perpetua praxi Ecclesiæ conjugia debent publicè celebrari coram Sacerdote, & hoc patet de jure Ecclesiastico.

Probat. 2. p. Quia nullibi apparet quidquam de jure Divino determinatum circa hoc, neque de jure naturæ stricto: non enim id patet ex terminis, nec est principium practicum primum, neque ex ullo tali principio evidenter, & immediatè deducitur. Denique præsentia parochi non requiritur inter infideles, quia non habent parochos, sed apud illos viget jus naturæ; ergo &c.

Confir. Nam si publicitas matrimonii præciperetur jure Divino, vel naturali stricto, nulla matrimonia clandestina umquam valuissent inter fideles, vel infideles in lege naturæ, vel scripta, nec inter Christianos ante Concilium Trident. Sed sub pœna anathematis credendum est illa valuisse, ut patet ex decreto; ergo &c. Prob. maj. Nam in nulla lege potuit dispensari à jure Divino, vel naturali stricto.

Prob. 3. p. De jure Ecclesiastico ex dictis pro 1. p. quibus constat de illo jure à tempore Apostolorum.

Prob. 4. p. Quod ante Trident. publicitas ista non esset necessaria ad valorem: nam ibi definitur, quod antea valuerunt matrimonia clandestina.

Objic. 1. Decretum Tridentini invalidans clandestina,

na, fundatur in malis, quæ ex illis sequebantur; sed ius naturæ prohibet illa mala; ergo & illa matrimonia, sicut & eorum causas.

Resp. dist. maj. Quæ sequuntur per accidens, conc. per se, & velut ex causis necessariis, neg. maj. & conf. Nam mala illa sequebantur ex illis matrimoniis per accidens, & ex malitia humana, ut patet: nam si homines essent fideles in matrimonio semel, & privatim contracto, ut possent, & deberent, non sequerentur adulteria, concubinatus, polygamiæ simultaneæ, &c. Adde, quod hæc non semper, nec in omnibus accidunt.

Obijc. 2. Recta ratio ex natura matrimonii dicitur; ut in communitate sciatur, qui sint veri conjuges, & filii legitimi, & parentes eorum, & ne pro libitu possint conjuges separari ab invicem, nec nova inire conjugia. Ideo inter barbaros solent publicari; ergo ex iure naturæ præcipitur publicitas matrimonii.

Resp. dist. ant. Dicitur ex congruentia, & mediatè, seu remotè, con. directè, & immediatè, & ex necessitate absoluta, neg. ant. Alioqui sicut nullam virtutem, nullumque præceptum habemus, quod sit contra dictamen rectæ rationis, sic omnes leges, & actus non mali essent de iure naturæ, & omnia peccata essent contra naturam.

Obijc. con. 4. p. Evaristus dicit matrimonia clandestina non esse legitima, sed adulteria, vel contubernia, stupra, fornicationes; ergo jam ab initio, & ante Concil. Trident. illa non erant valida.

Resp. neg. conf. Nam Papa sic ea vocat, non ob invaliditatem, sed ob peccatum, & inobedientiam sic contrahentium, & ea dicit illegitima, id. illicita, & contra leges prohibentes quidem, sed non irritantes.

Inst. ex Regulis juris, *Quæ sunt lege prohibente, pro infectis habentur*; sed per nos illa conjugia fiebant lege prohibente; ergo pro infectis habenda erant.

Resp. neg. maj. Nam contra illam Regulam facit ista, *Multa fieri prohibentur, quæ facta tenent*. Aliud est de factis contra legem prohibentem, & irritantem, qualis est nunc ista.

Inst. cap. *Videtur nobis*, dicitur, *quod contra dictum, et ordinem Ecclesiæ factum est, tamquam inordinatum*,

ratum non haberi, tam divinæ, quàm humane legis proclamat auctoritas; sed illa matrimonia fiebant contra ordinem Ecclesiæ; ergo non erant rata.

Resp. dist. maj. Non haberi ratum, id est licitum, & approbatum, con. id est validum, neg. maj. nam 1. *Ratum* ibi non significat validum, sed licitum, & laudatum. Igitur de 2. Matrimonio durante primo, seu de polygamia simultanea ideo jubetur vir redire ad primam uxorem. 3. ita interpretandum esse illud decretum, docet Decretum Concilii, quo declarantur valida fuisse illa matrimonia.

CONCLUSIO II.

Ecclēsia non solum potuit, sed etiam debuit justissimis de causis irritare matrimonia clandestina.

Prob. ex eodem Concilio, si quis dixerit Ecclesiam non potuisse constituere impedimenta matrimoniorum dirimentia, vel in iis constituendis errasse, *Anath. sit.* Nam idem est de hoc impedimento, ac de aliis.

Confir. Nam nisi sic dicamus, dicendum esset Ecclesiam in hoc Concilio generali errasse, quod esset hæreticum.

Prob. 2. p. Nam motiva Ecclesiæ fuerunt urgentissima: non enim poterant aliter vitari gravissima peccata in Deum, & in politia civili: v. g. polygamie enormes, adulteria, concubinatus, dissidia, & perturbationes familiarum, & alia hujusmodi; ergo &c. prob. ant. nam illa matrimonia, & abusus prohibentur gravissimè legibus divinis, & humanis, imò & naturalibus: & Ecclesia videbat, prohibitiones illas propter hominum inobedientiam non prodesse; ergo debuit illa matrimonia irritare, ne sub eorum prætextu fierent illa peccata.

Objic. 1. con. 1. p. Ecclesia nihil potest mutare circa essentialia Sacramentorum; v. g. circa materiam, & formam, sed si decretum hoc circa matrimonia valeret, mutasset essentialia Sacramenti; ergo &c. maj. patet ex dictis de Sacramentis in genere. Prob. min. Sacramentum hoc decernitur invalidum in forma, in qua valebat: sed hoc fieri non potest sine mutatione in essentialibus; ergo &c.

Resp. ex dictis. dist. maj. essentialia, v. g. materiam,

Tom. VIII,

B b

&

& formam in specie determinatam à Christo, con. determinatam in genere, neg. maj. & conf. Nam in hoc Sacramento Christus instituit pro materia contractum humanum, & personas habiles ad contrahendum: & habilitatem personarum ad contrahendum, & conditiones contractuum reliquit Ecclesiæ, & hæc pro diversitate, & exigentia temporum, & rerum statuit diversas conditiones necessarias ad validos contractus istos, & personas contrahentium, inter quas conditiones statuit publicitatem, & solemnitates prædictas: & sic materia, & forma est semper eadem in genere, quam Christus instituit.

Inst. Ecclesia non potest invalidare materiam, aut formam aliorum sacramentorum: v. g. aquam pro baptismo, vel panem triticeum pro Eucharistia, &c. ergo nec materiam contractus, aut personarum conditiones pro matrimonio.

Resp. neg. conf. Quia illæ materiæ sunt merè naturales, & in illa specie sunt determinatæ à Christo. Non ita est de contractibus, quorum valor pendet ex legibus humanis, & hunc voluit Christus pendere à legibus Ecclesiasticis.

CONCLUSIO III.

Deffectus Episcopi, aut parochi, aut sacerdotis ab eis deputati, & testium facit matrimonium clandestinum, & nullum; nec ab ista publicitate dispensari potest, benè vero à publicitate proclamationum.

Prob. 1. & 3. p. ex eodem Concilio. Nam clausulam irritantem non adhibet nisi pro præsentia parochi, & testium; denuntiationum dispensationem relinquens arbitrio Episcopi; ergo solus defectus parochi, & testium irritat matrimonium, non autem defectus denuntiationum. Prob. ant. ex textu, nam de denuntiationibus dicit, *nisi ordinarius ipse expedire judicaverit, ut prædictæ denuntiationes omittantur*. Quoad parochum vero dicit, *Qui aliter, quam præsentè parochò . . . & duobus, vel tribus testibus, matrimonium contrahere attentabunt, eos S. Synodus ad sic contrahendum omninò inhabiles reddit, & hujusmodi contractus irritos facit*, ergo Concilium non irritat matrimonia præcisè, nisi defectu parochi,

chi, & testium; non defectu denuntiationum.

Prob. 2. Nam proclamationes non instituuntur præcisè ad publicitatem, sed ad detegenda impedimenta, si quæ sint; si *nullum legitimum opponatur impedimentum*, inquit, & satis erit publicum supposita sola præsentia parochi, & testium; ergo sola præsentia parochi, & testium est essentialis; non autem proclamationes. Et idem confirmant plures S. Congregationis declarationes, quibus decernitur matrimonia defectu proclamationum præcisè, non esse invalida.

Prob. 2. p. nam Concilium nulli relinquit hujus dispensationis facultatem, sicut de proclamationibus. Ideo licentia in his dispensandi excludit dispensationem in aliis, quia, *Exceptio firmat regulam*.

Dices, saltem in casu necessitatis, posset valere testimonium sine paracho: v. g. instante morte, & absente paracho, ut provideretur famæ mulieris, & filiorum educationi, ac legitimationi; nam isti testes viderentur sufficere ad publicitatem contractus moribundi cum fœmina concubina, nam in his, & similibus casibus cessat finis legis, & propter instantem mortem cessat periculum malorum, propter quæ posita est.

Contra. Nam lex irritans eodem modo loquitur ubique de hoc impedimento, & de aliis: sed in aliis, casus, & instantia mortis non dispensat; ergo nec in isto. Video tamen plures Theologos dicere in his casibus valere matrimonium per Epikeiam, interpretando mentem Concilii non fuisse hæc irritare cum tanto rigore in casibus tanti momenti. Sic tenet Rosignolius post alios.

Objic. 1. Pro casibus necessitatis Ecclesia providet in aliis sacramentis: v. g. instante morte, & absente sacerdote, potest fœmina baptizare, in pœnitentia, moribundus habens reservata potest absolvi à quolibet sacerdote; ergo ita debet esse in matrimonio quoad hanc solemnitatem in similibus casibus.

Resp. neg. ant. In nullo casu potest suppleri defectus partis essentialis, qualis est publicitas ista. 2. neg. conf. nam in matrimonio non est necessitas salutis, ut in baptismo, & pœnitentia, ideo in istis Christus permisit aliquas dispensationes; & potest aliter provideri filiis, & famæ mulieris: & moriens potest penitere de concubinato; nec fama illa tanti est momenti,

§ 80 *De effect. & propriet. matrimonii*

ut debeat exponi sacramentum sub hoc prætextu.

Objic. 2. Si in contractu publico defuisset consensus internus conjugum, & sic matrimonium fuisset nullum, posset suppleri per solum consensum illorum sine paracho, & testibus, & tunc fieret sacramentum: sed tunc istud esset purè clandestinum; ergo clandestinum aliquando valere potest.

Resp. neg. min. Nam tunc consensus ille valeret ex vi aliarum conditionum præexistentium, & moraliter perseverantium, quæ faciunt publicitatem.

CONCLUSIO IV.

IN regnis, in quibus hoc decretum non fuit receptum, consensus conjugum, aliunde legitimus, & matrimonium non erit invalidum ex tolerantia Ecclesiæ. Est communis.

Prob. 1. ex variis decretis S. Congregationis, quas habes apud Cardinalem Brancatum, quibus declaratur talia matrimonia valere, ubi concilium non est promulgatum, vel receptum. Constat autem ex dictis alibi, leges non obligare, nisi promulgatæ sint sufficienter, & acceptatæ.

Prob. 2. Si ex hoc defectu matrimonia in illis Regnis essent irrita, sequeretur ibi Ecclesiam tolerare concubinatus perpetuos, & filios omnes in illis esse illegitimos, & clericos, ac sacerdotes esse irregulares, &c. sed hoc est falsum, & absurdum; ergo &c.

Dixi, *Tolerare*; nam 1. Incredibile est, tot provincias catholicas, & regna nescire hoc decretum concilii, & defectu promulgationis ejus. Si verò non esset promulgatum, valerent ibi matrimonia clandestina æquè, ac ante concilium.

2. Vix credo defectum solum acceptionis talis decreti excusare ab observantia ejus, ita ut valerent talia matrimonia: nec enim puto, quòd liberum sit fidelibus catholicis non acceptare decreta Ecclesiæ facta pro bono totius christianitatis. Quid quid sit: certum est Ecclesiæ tolerantiam sufficere ad excusandos illos populos ab hac lege, & hoc pro bono pacis, aliisque justis motivis. Multa enim sunt toleranda, quando non possunt corrigi sine gravioribus malis, & cum agitur de multitudine populorum. Et ut dicebat

cebat Leo I. *circumstant nos hinc mansuetudo clementiæ, hinc censura justitiæ, ut credamus quædam delicta toleranda, quædam verò panitus amputanda maxime cum timentur ex rigore graviora mala: v.g. schismata, hæreses, &c. Tunc enim temperandus est rigor legum.*

Quæres 1. Quis sit ille Parochus, cujus præsentia hic dicitur necessaria.

Resp. Esse parochus loci, in quo domicilium habent contrahentes. Nam iste pro tunc eorum curam gerit animarum; ergo ad eum spectat illis administrare sacramenta, & eos pascere spiritualiter.

Quæres 2. An sufficiat præsentia physica parochi, & testium, si non adsint moraliter, ita ut advertant, & intelligant ea, quæ fiunt.

Resp. Non sufficere solum præsentiam physicam; sed requiri etiam moralem. Alioquin contractus non esset verè publicus magis, quàm si fieret coram dormientibus. Nam intentio Concilii est, ut parochus, & testes possint testificari de illo ad fines vitandæ polygamie, & aliorum malorum, quæ ex clandestinitate veniunt, sed non possent testificari, nisi adessent moraliter æquè, ac physicè; ergo &c.

Plura vide apud Casuistas, ubi de impedimento clandestinitatis, sicut & de usu matrimonii, seu, debito conjugali, de quo pauca videntur disputanda inter scholasticos.

DISPUTATIO III.

De sponsalibus.

SPONSALIA sunt quædam Matrimonii præambula, & promissiones ad rectam illius celebrationem, non quidem absolutè necessaria, sed valde utilia. Ideo ad plenioram matrimonii tractationem hæc particula non videtur omittenda.

QUÆSTIO PRIMA.

Quid sint sponsalia, & quomodo fiant.

SPonsalia dicuntur à verbo *spondeo*, quod est spontanea quædam promissio; unde hic significant quandam futuri matrimonii promissionem: nam olim puella promittebatur viro, & parentes, vel propinqui, vel tutores, qui eam promittebant, dicebantur *sponsores*, & ipsa dicebatur *sponsa*, & vir *sponsus*, & ambo *sponsi*. Aliquando tamen sponsalia sumuntur pro donis, quæ sponsæ fieri solent, ut cum David [1] dicebat ad Saul spondenti ei filiam suam: *Non habet Rex sponsalia necesse, nisi centum præputia Philistinorum*, sc. olim viri coehebant sponsas, & dabant earum parentibus munera pro uxoribus quasi emendis, & ideo David attulerat Saul centum præputia Philistinorum ad obtinendâ Michol. 2. Sumuntur pro ipso contractu matrimonii ante consummationem, quod tunc dicitur *sponsalia de presenti*; Immo & significat ipsum matrimonium, dum actu celebratur... Propriè, & ut de illis legimus, significant contractum prævium ad matrimonium, qui est promissio matrimonii contrahendi; & dicuntur etiam *matrimonium per verba de futuro*.

CONCLUSIO I.

SPonsalia describuntur futuri matrimonii sensibilis, seu, externa promissio, mutua, & utrimque acceptata inter legitimas personas. Est communis.

Prob. 1. ex Scoto, qui sponsalia dicit esse *promissionem de futuro, quæ non facit indissolubilitatem*. Et ibi omnino supponit, & dicit in hoc consistere sponsalia, & ea non facere matrimonium. Quod etiam docet in Reportatis.

Prob. 2. Nam sic explicatur natura huius actus, prout communiter à Theologis, & Canonistis usurpatur. Dicitur *promissio*. In hoc convenit cum aliis pactis, & promissionibus. 2. *Futuri matrimonii*; & sic desi-

designatur res promissa, & fienda, sc. matrimonium ut contrahendum. 5. *Externa, & sensibilis*, ita ut à compromittentibus percipiatur. 5. *Voluntaria*. Nam si non fiat libere, seu spontè, non erit sponsio, nec habebit vim obligandi. 5. *Mutua*. Nam sicut matrimonium petit amborum consensum, ita & sponsio, seu promissio de illo fiendo debet esse reciproca, ut liget utrumque. 6. *Mutuo acceptata*. Hoc enim ipso, quod promissio est mutua, est etiam acceptata, & nisi singuli gratam haberent promissionem alterius, non repromitterent. 7. Denique *inter legitimas personas*, id. quæ sint capaces promittendi, & exequendi, seu, capaces matrimonii, quod promittunt se contracturos. Ideo sponsalia non valerent inter Religiosum professum cum scemina libera, nec inter uxoratum, & virginem. Denique requiritur ad valorem sponsalium, ut nullum habeant impedimentum ad matrimonium contrahendum pro tempore.

Hic ergo habes & naturam, & præcipuas conditiones ad sponsalia valida: de aliis dicemus infra:

Dixi autem, *Pro tempore*, nam possunt fieri inter adolescentes, qui nondum sunt apti ad matrimonium per verba de præsentì contrahendum, & tunc non obligabunt nisi pro tempore, quo pervenerint ad ætatem.

Objic. con. 3. part. Promissio interna jure naturæ obligaret æquè, ac externa; ergo sufficeret ad sponsalia; ergo non requiritur externa, saltem necessariò.

Resp. neg. ant. Nam quia hæc promissio debet esse reciproca, ideo debet esse etiam externa, & sensibilis, ut cognoscatur inter sponsores promittentes, & acceptantes mutuò.

Inst. Promissio interna obligat coram Deo; ergo & hic obligaret sufficienter sponsores in conscientia.

Resp. neg. conf. Nam Deus tam videt actus internos, quàm externos: non ita homines, qui non vident, nisi ea, quæ parent, per sensus saltem in statu viæ.

Objic. con. 4. sponsalia fieri possunt per parentes, & quidem in ætate, in qua illi non sunt liberi. Nam puer, aut puella septennis potest sponderi; ergo non est necesse, ut promissio sit plenè libera.

Resp. neg. conf. quia illa sponsalia non ligant impu-

beres strictè, nisi cum pervenerint ad plenam libertatem per seipso, & liberè consentiant: Imò sufficit, ut si fuerint præsentès, non dissentiant, cum nubunt de præsentì, quia tunc sunt plenè liberi, & possunt resiliire, si adsit ratio.

Objic. con. 5. In aliis pactis sufficit, ut unus promittat, & alter acceptet; ergo & in isto non requiritur mutua promissio: sed sufficit, ut unus promittat nubere, & alter acceptet; prob. ant. in acceptatione promissionis includitur repromissio; ergo &c. prob. ant. non enim hic potest acceptare promissionem nubendi, nisi & ipse velit nubere; ergo &c.

Resp. trans. ant. & neg. 1. conf. Nam de ratione specifica hujus pacti est, ut promissiones sint reciprocae: nam in isto uterque mutuo agit, & patitur: in aliis verò unus agit, & alter patitur, unus dat, & alter accipit, in matrimonio uterque præbet corpus suum, & agit suo modo. Unde neg. 2. & 3. ant. nam, qui solus promitteret, solus obligaretur, non autem acceptans, qui posset cedere juri per promissionem alterius, & suam acceptationem acquisito.

Objic. 2. Quando unus promittit, & alter acceptat, istius repromissio continetur sufficienter in hac acceptatione; ergo non requiritur promissio mutua, saltem formalis; prob. ant. si vir in matrimonio dicat, *accipio te in meam*. Et ista dicat, *placet*, seu, *accepto*. Hoc sufficit ad matrimonium: sed tunc non adest mutua promissio; ergo & in sponsalibus sufficiet promissio ab uno, & acceptatio ab alio.

Resp. neg. ant. & dist. min. Non adest formaliter, & explicitè, con. æquivalenter, & implicitè, ac virtualiter; neg. min. & conf. quia matrimonium claudicare non potest, nam essentialiter consistit in mutua donatione corporum, & cum unus acceptat donationem alterius ad finem matrimonii, censetur & ipse consentite, & tradere suum, alioqui alterius donatio vana esset ad eum finem.

Resp. 2. neg. ant. & min. Nam in matrimonio acceptatio alterius necessariò importat consensum in illud, nec ista possunt separari, verba de præsentì id important; in sponsalibus autem potest unus acceptare obligationem alterius nubendi, & nolle se illi ad hoc obligare ex parte sua.

Inst.

Inst. qui promittit, intendit, ut alter repromittat; & se obliget; ergo vel promissio illius non tenet, nec obligat, vel alter etiam obligatur.

Resp. dist. ant. Si promittit sub ea conditione, con. si promittit absolutè; neg. ant. nam si vir promittit fœminæ sub ea conditione, ut ipsa repromittat, certum est eum liberari ab obligatione promissionis, si illa non repromittat: quia deficit conditio, sine qua non vult se obligare: sed si absolutè promittit, absolutè obligatur, quamvis illa nolit se obligare, & ille tenebitur nubere, quando ipsa voluerit, & non vicissim.

CONCLUSIO II.

Licet sponsalia soleant publicè, coram notario, & testibus, aut etiam parochio fieri: valere tamen possunt facta inter solos sponso, denique publicitas non est necessaria ad valorem sponsaliorum.

Prob. 1. ex praxi, nam ut docet Nicol. i. c. *Nostres*, enumerans conditiones in his servari solitas in Ecclesia Romana, addit, *peccatum autem esse, si hæc omnia non intervenerint, non dicimus*; ergo si in sponsalibus omittantur solemnitates solitæ, non peccatur; ergo illa valent. Et Concil. Trident. invalidans matrimonia clandestina, nihil quoad hoc decernit de sponsalibus.

Prob. 2. quia nec ipsa sponsalia sunt necessaria ad matrimonium; ergo à fortiori hæc valebunt sine solemnitatibus istis.

Prob. 3. quia nulla lege canonica id præcipitur, saltem sub pœna nullitatis. Nec ullibi constat de illa; ergo &c.

Confir. Nam ex sponsalibus clandestinis non sequuntur inconvenientia, ob quæ matrimonia clandestina irritantur, non oritur polygamia, nec adulteria, nec concubinatus, nam post sponsalia valida validè contrahitur matrimonium cum aliis sponso, & priora sponsalia per subsequens conjugium dissolvuntur; ergo &c.

Objic. 1. ex cap. *Inhibitio*, Evaristus dicit, *non esse legitimum connubium, nisi ab his, qui super fœminam dominationem habere videntur, & à quibus censoditur, uxor petatur*; ergo desponsatio per petitionem

nem feminae in uxorem, non valet sine sponsalibus. Et cap. *Nostrates*, cit. Matrimonia post sponsalia, quæ futurarum nuptiarum sunt promissa, sœdera quoque consensu eorum, qui hæc contrahunt, & eorum, in quorum potestate sint, & postquam Arrhis sponsam sibi sponsus desponderis; ergo Ecclesia præcipit solemnitates, & publicitatem sponsaliorum, ut valeant.

Resp. neg. conf. Nam Evaristus loquitur de conjugio, non de sponsalibus, & nihil ibi præcipit sub pena nullitatis. Nicolaus autem, ut diximus, narrat solum Bulgarisea, quæ usitantur apud Romanos in conjugis, imò & dicit ea posse omitti sine peccato; ergo & sine nullitate.

Inst. *Ubi est eadem ratio, ibi esse debet eadem juris dispositio*: Sed est eadem ratio pro sponsalibus, & pro matrimoniis clandestinis; ergo utraque sunt invalida ex jure.

Resp. neg. min. quidquid sit de maj. nam longe differunt sponsalia, & matrimonia quoad rationem publicitatis, ut dicebamus.

Inst. 2. Canonistæ cap. *cum inhibicio* cit. docent prohibitionem matrimonii clandestini extendi ad sponsalia; ergo est eadem ratio, & juris dispositio de utrisque.

Resp. neg. conf. 1. quia licet quidam ita sentiant, plures tamen tenent contrarium. 2. Quia illi scribebant ante Concil. Tridentini decretum, quo irritantur matrimonia clandestina, non verò sponsalia, quia sc. ex istis, si fiant clandestinè non sequuntur mala, sicut ex talibus conjugis. Et sic non erat eadem ratio de illis, ac de istis, nec ideo debuit esse eadem juris dispositio.

Igitur sponsalia privatim facta sunt valida, licet illicita.

Quæres, cur sponsalia impuberum valeant, non autem alii contractus facti in minoritate.

Resp. id esse ex dispositione juris, ex ratione naturali, & æquitate, tum quia sponsalia non sunt propriè contractus, tum quia sunt maximè favorabilia: natura enim magis inclinat ad nuptias, quàm ad alios actus civiles, & politicos: ideo jura non eodem modo disponunt de sponsalibus, ac de aliis contractibus. Adde, quod sponsalia facilius dissolvantur, quàm alii contractus.

QUÆSTIO II.

De consensu requisito ad sponsalia. Quæ libertas, ætas, & aliæ conditiones ad ea requirantur.

IAm diximus promissionem, quam important sponsalia, debere esse mutuatam, & voluntariam. Ita est de consensu, & acceptione; sc. debent esse libera, non coacta, libertate requisita ad alios actus morales, ut imputentur, sed magis ex professo de hac conditione hic disputamus: de reciprocitate, & acceptione sensibili nihil restat dicendum, benè verò de ætate, & habilitate contrahentium.

CONCLUSIO I.

Consensus sponſorum coactus, aut metu extortus invalidat sponsalia.

Prob. 1. ex SS. Decretis. Nam cap. ex litteris, dicitur de puero annorum 10. cui voluntate parentum potius, quàm de sua, desponsata fuit puella quædam 12. annorum, & in domum patris pueri deducta. Decernit Pontifex, quod, si puella nolit expectare complementum ætatis pueri, sponsalia solvantur. Sed non apparet alia causa talis solutionis præter defectum libertatis puellæ; ergo ille defectus invalidat sponsalia.

Prob. min. tum ex ipso textu dicente, quod nolens, & invita, minis parentum impulsæ, moram fecit per annum. Et addit Pontifex, quod, si commonita, ut donec compleat puer an. 14. expectet, non duxerit expectandum, libera ei facultas detur, ut ducat alium virum. Et Glossa dicit, quod sponsalia illa non tenuerunt, & in casu dixerat, quod sponsalia per vim contracta non tenent, & ideo datur huic licentia contrahendi, sc. cum alio.

Conſir. quia licet sponsalia minùs ligent, quàm matrimonium, tamen aliunde nocent libertati sponſorum, qui ex humanis respectibus, & metu parentum eorundem non audent resilire; ergo merito irritantur sic contracta.

Objic. 1. Actiones ex metu non sunt simpliciter

involuntariæ, sed secundum quid, & non invalidant alios contractus; ergo nec sponsalia.

Resp. neg. conf. Nam, quidquid sit de aliis contractibus, sufficit, quod iste, & ipsum matrimonium petunt plenam libertatem, & debent fieri ex amore sponсорum, non ex voluntate aliena, ob inconvenientiam gravissimam, quæ accidunt inter conjugatos defectu amoris mutui. Ideo inter omnes contractus humanos, maximè in istis requiritur plena libertas. Si autem cessante metu, & causa ejus, sponsi consentiunt, aut si metus non fuerit vera causa horum contractuum, tunc sponsus, & sponsa tenentur in conscientia stare promissis.

CONCLUSIO II.

Ante annum septimum ætatis completum non valent sponsalia, bene verò si fiant post illam ætatem adeptam, licet ante pubertatem.

Prob. 1. quoad utramque p. ex decretis Apostoli. [1] Nam, cap. *Accessit* Alexander III. decernit, quod, si puella non esset septennis, cum desponsata fuit, validum fuit matrimonium Petri cum Matre puellæ, quia sc. invalida fuerunt sponsalia cum puella filia; sic enim fuit sine impedimento publicæ honestatis, quod non nascitur nisi ex sponsalibus validis. E contra verò, matrimonium istud non valuisset propter tale impedimentum, quod adfuisset, si sponsalia viri cum puella filia valuissent; ergo censet Papa, quod sponsalia valent post septennium ætatis completum, & non ante. Idem constat ex cap. *Duo pueri*. Ubi Clem. III. decernit, quod sponsalia ante septimum annum tam maris, quam feminae sunt nulla pro tunc; sed, si postquam attigerunt illam ætatem, consentiunt, contrahunt impedimentum publicæ honestatis, nec possunt licitè resilire, quia per posteriorem hunc consensum validant sponsalia, quæ tamen postea solvantur, si contrahant per verba de præsentibus cum aliis; ergo sponsalia non valent ante septennium, bene verò deinceps, & ante pubertatem.

Prob. 2. quia hæc decernuntur pro libertate contra-

[1] de Spons. imp.

trahentium, seu libertas non censetur perfecta ante annum septimum completum; ergo ante illum non valent sponsalia, bene verò deinceps.

Dixi annum 7. completum. Nam licet pauci dies, probabile est, ut multi tenent, non valere sponsalia, nec inducere illud impedimentum. 1. Quia id colligitur ex decretis citatis *Desponsationes, & matrimonia ante septem annos fieri non possunt*, inquit Alex. III. non caret tamen probabilitate opinio dicentium, quod si desint pauci dies de anno septimo; non sunt invalida ex regula juris; *Quod parum distat, nihil distare videtur*. Et in moralibus, *parum pro nihilo reputatur*. Et cap. *juvenis* Eugen. III. decernit sponsalia viri cum puella nondum septem annorum (sc. completorum) fuisse valida.

Objic. 1. con. 1. p. Ideo canones volunt septennium, quia regulariter non prius adest usus rationis, sed potest adesse ante septennium completum; ergo ante illud valent sponsalia. prob. min. sæpè *malitia supplet ætatem*; ergo &c.

Resp. dist. maj. Ideo ita ut ob motivum illud ita decreverit Ecclesia generaliter, & absolutè: con. ita ut noluerit obligare generaliter; neg. maj. & conf. Nam leges non attendunt ad casus raros, sed ad eos, qui ordinariè occurrunt, & non patiuntur interpretationes, quando loquuntur absolutè, & determinatè ut hic, sanè in hac re gravissima sæpius contra veritatem facti fierent sponsalia invalida, & infantibus tribueretur, quod non habent; scil. anticipatus usus rationis.

Inst. ad matrimonium potest præveniri ætas taxata in jure, si malitia suppleat ætatem; ergo à fortiori hoc licet pro sponsalibus.

Resp. neg. conf. Et disparitas est, quia leges non tam strictè determinant ætatem debitam pro matrimonio, sicut pro sponsalibus, ideo dant locum interpretationi pro illo, & non pro istis: Tempus matrimonii taxatur ex habilitate ad generandum, quæ in istis est promptior, & in aliis tardior, & habet signa certa, & visibilia: non ita est de rationis usu, ac libertate, quæ potius tardat, quàm præveniat ætatem.

Objic. 2. ex cap. *Juvenis* cit. patet, quòd sponsalia puellæ nondum septennis fuerunt valida, quia indu-

xerunt impedimentum publicæ honestatis; ergo non requiritur ille annus completus.

Resp. neg. ant. Non enim dicitur absolutè fuisse nuda sponsalia, sed matrimonium: saltem de hoc dubitabatur, ideo dicit Eugenius. *In his, quæ dubia sunt, quod certius existimamus, tenere debemus. . . quia & illius uxor fuisse dicitur, tum propter dubitationem mandamus, &c.* Et supra dixerat, *Juuenis quidam puellam nondum septennem duxerat; ergo non erant nuda sponsalia, sed matrimonium, quo puellam habuerat ut uxorem. Unde cum illa sentavit, quod completere non potuit.*

Denique dubitabat an esset verum matrimonium, ideo Papa decernit non potuisse illum juvenem postea nubere cum puellæ mortuæ consobrina.

Dubitabatur præterea, num post completum septennium puella consenserit in sponsalia præcedentia, & an per consensum ad tales conatus pro consummatione transierint in matrimonium de præsentī. Ideo dicit canon; *Quia conjux illius fuisse dicitur.*

Colligis autem, quòd de mente Ecclesiæ, ex sponsalibus valde nascitur impedimentum publicæ honestatis, non autem ex invalidis. De quo infra.

QUÆSTIO III.

De effectu, & solubilitate sponsalium.

QUæritur hic, quam obligationem pariant sponsalia inter sponso? An in foro interno, vel externo teneantur nubere in tempore præfixo: & an peccatum alterius illorum cum tertio sit verum adulterium? Item an, & quomodo sint solubilia.

CONCLUSIO I.

SPONSI tenentur in conscientia, & sub peccato mortali implere promissum, & nubere, & ad hoc possunt compelli in foro externo. Est communis.

Prob. 1. ex SS. Decretis cap. *Ex litteris* Alex. III. decernit, ut vir, qui juraverat contrahere, ad id compellatur per censuras, nisi adsit impedimentum, & puellam in uxorem recipiat, & maritali affectu pertractet.

tractet. Mitius tamen decernit Lucius III. cap. [1] *Requisiuis* dicens, quod mulier, quærenuit nubere, & se nupturam cum iuramento affirmavit... cum libera debeant esse matrimonia, monenda est potius, quàm cogenda. Sed Glossa notat, quod prius monenda est, & nisi acquieverit, postea compellenda. Et infra, potius monenda, id est, prius monenda, &c. Postea movenda propter iuramentum. Et cap. *Desponsatam*. dicit Eusebius. *Desponsatam puellam non licet parentibus alii viro tradere.* Et cap. *de conjugali* idem gravius prohibetur: nam cum quæreretur à Syricio, si puellam desponsatam uni possit alter in matrimonium accipere? respondet, *Tale connubium anathematizamus, & modis omnibus, ne fiat prohibemus; ergo si sponitalia sint jurata, si non, semper debent impleri, & hoc sub gravi peccato.* Fortè tamen Syricius supponit fuisse desponsatam per verba de præfenti, & sic fuisse matrimonium ratum, sed priora decrcta non patiuntur hanc interpretationem.

Confirmatur ex cap. *Si qui*: Ubi Concil. Eliberit. decernit, quod, si partes fidem fregerint sponsaliorum, triennii tempore abstineant se à communione, quod intelligendum est de sponsalibus factis ex mutuo consensu, imo & si non consenserint, debent tamen dare operam, ut impleantur, ait Glossa. Et Bonifac. VIII. cap. *si infantes* statuit quoad filios, pro quibus parentes sponsalia contraxerunt, si ipsi filii expresse consenserint, vel tacite.... obligantur. Et August. cap. *Duobus* dicit, si aliquis alicui mulieri fidem fecerit passionis, non debet aliam ducere, si aliam duxerit, debet penitentiam agere de fide mentita; ergo obligatio servandi fidem in sponsalibus datam est gravis, & sub peccato mortali.

Probatur 2. de contractibus, maximè de onerosis oritur obligatio ex iustitia, & fidelitate, & quidem sub mortali in materia gravi: sed sponsalia sunt contractus mutui, & onerosus in materia gravissima; ergo obligant sponfos sub mortali, & maximè in foro conscientie.

Confirmatur. Nam si sint firmata iuramento, obligant sub novo titulo, sc. Religionis, ut constat ex cap. cit. *Ex litteris.*

Prob.

[1] de spons. 10.

Prob. 2. p. de foro externo, nam c. mox cit. præcipitur, ut, si post monitionem sponsus illo non acquieverit, *Ecclesiastica censura compellatur, ut ipsam uxorem accipiat*. Et idem Papa statuit de quibusdam foeminis, ex quarum culpa non tenuerunt sponsalia, nec perfecta sunt matrimonia, ut eis pœnitentia injungatur (scil. in foro externo) antequam eis permittatur nubere aliis: quippe ex Concil. Trident. causæ matrimoniales spectant ad judices Ecclesiasticos.

Objic. 1. cap. ex litteris Sylvani, cit. Papa loquitur tantum de sponsalibus juratis; ergo si non sint jurata, non ita ligant. Prob. ant. Ratio ejus est, quia *periculosum est venire contra juramentum*, non dicit; *contra promissum, aut fidem*. Et glossa dicit, quod non compellitur ex vi sponsalium, sed propter juramentum; ergo &c.

Resp. neg. conf. nam licet verba illa explicitè sint de sponsalibus juratis, non tamen excludunt alia, nam semper ista habent rationem sponsaliorum, & ut talia inducunt impedimentum publicæ honestatis, non autem ratione solius juramenti, sicut alii contractus ligant, licet non sint jurati. Quod etiam patet ex aliis decretis citatis, quæ non loquuntur de juramento.

Objic. 2. Qui sponte promittit nubere, potest nolle se obligare graviter, nec in conscientia, nec sub gravi peccato; ergo sponsalia per se non sic obligant. prob. ant. nam id pendet à contrahentis arbitrio. Patet etiam conf. vix enim ullus intendit ita se ligare.

Resp. dist. ant. potest alio contractu, quàm sponsaliorum con. contractu sponsaliorum; neg. ant. & conf. nã iste contractus ex natura sua talis est, ut sic obliget.

Inst. In aliis contractibus gravitas rei non impedit, ne leviter promittatur; ergo nec in isto.

Resp. dist. ant. cessante præjudicio alterius, con. si adsit præjudicium alterius, & quidem grave; neg. ant. & conf. nam qui in isto vellet se leviter obligare, deciperet alium, & peccaret contra leges naturalem, & divinam, quæ non permittunt res tanti momenti leviter tractari; ergo vel non est promissio, quæ sit sponsalia, vel graviter obligat.

Objic. 1. con. 2. p. cap. *Requisivit*, cit. Lucius III. de-

decernit, quòd, *cùm libera esse debeant matrimonia; non coacta*, mulier, quæ cum juramento nubere cuidam viro promiserat, resiliēbat, *potius erat monenda, quàm cogenda*. Et cap. *præterea*, Innocent. III. dicit quòd *qui de matrimonio contrahendo sine omni conditione fidem dederunt, commonendi sunt, & modis omnibus inducendi, ut propositam fidem observent*; ergo sponsi non debent compelli in foro externo ad promissas nuptias.

Resp. dist. conf. Si adsit ratio resistendi: vel si ambo consentiant, con. absolutè; neg. conf. nec enim id intendunt illa decreta, sed tantum quod prius monendi, quàm compellendi, sed si monitio non prodest, debet iudex compellere subditos ad reddenda promissa, & ad contractus observandos.

Alium effectum habent sponsalia, causant impedimentum publicæ honestatis, sed de hoc infra ubi de impedimentis.

CONCLUSIO II.

Fornicatio sponsi cum alia persona non est propriè adulterium, nec præcise aliud, quàm fornicatio. Est communior.

Prob. 1. ex SS. Canonibus: nam cap. *Puto*. Augustinus dicit illum adulterum esse hominem uxoratum, *qui alteri commixtus est faminæ*. Et cap. *non Machaberis*. Isidorus dicit quod specialiter adulterium facit, *qui præter suam ad alteram accedit*. Et sic communiter tam Canonistæ, quàm Theologi definiunt adulterium, actum contra fidem matrimonii, quo vir habens uxorem, vel uxor habens virum alteri, quàm viro, vel uxori commiscetur. Sed sponsus non habet uxorem, nec sponsa virum, nec inter se dederunt fidem conjugalem; ergo si alter peccat cum alio, vel alia, non adulteratur, nec frangit fidem conjugii.

Dixi. *Non esse propriè adulterium*, nam adulterium latè sumptum significat omnem actum venereum, qui committitur inter alios, quàm conjuges. Ut docet Ambros. c. *nemo*, seu, *Quidquid in ea, quæ non est legitima uxor, commissum fuerit... nec hoc solum est adulterium, cum aliena peccare conjuge, sed & omne, quod non habet potestatem conjugii*. Conclusio autem loquitur de stricto adulterio.

Objic. de jure civili, idem est peccatum, quo violatur matrimonium, & sponsalia: sed illud est propriè adulterium; ergo & istud. prob. maj. nam l. si uxor, in sponsa hoc idem vindicandum, quia neque in matrimonium qualecumque, in spem matrimonii, (ut sunt sponsalia) violare permittunt Imperatores, ergo idem est peccatum sponforum, & conjugum.

Resp. neg. suppositum, maj. & conf. prob. non enim ex lege civili, sed canonica discernuntur peccata. Ponerunt leges civiles utrisque pœnas easdem decernere, sed canones non ita decernunt, sicut nec jus naturæ. Evidens est, quòd sicut sponsi nondum se sibi mutuò dederunt, sed tantum promiserunt dare, ideo non sibi faciunt tantam injuriam utentes propriis corporibus, quamdiu sunt magis liberi, sunt quidem aliquo modo adulteria, sed non propriè.

Dixi. 2. Non esse præcisè aliud, quàm fornicationem, quamvis gravius peccatum sit ob circumstantiam illam. 2. Potest etiam esse intra speciem stupri, aut sacrilegii, vel incestus, aut adulterii ex circumstantiis personarum, cum quibus peccatur, ut si cum sacerdote, propinquo, virgine, aut persona conjugata.

CONCLUSIO III.

Sponsalia sunt solubilia variis de causis, maxime ex mutuo consensu sponforum, si sint puberes.

Prob. 1. ex SS. Decretis. Nam cap. præterea, Innoc. III. dixit de sponsis, quòd si se adinvicem admittere noluerint, videtur, quòd ad instar eorum, qui societatem interpositione fidei contrahunt, & propterea eandem sibi remittunt, possit in patientia tolerari: sed contractus societatis ex mutuo consensu dissolvuntur; ergo & iste.

Confir. ex regula juris, Res omnis per quascumque causas nascitur, per easdem dissolvitur, nisi aliunde prohibeatur. Sed sponsalia ex solo consensu mutuo sponforum nascuntur, & nulla lex aliter disponi ergo ita dissolvuntur.

Dico, nisi aliunde prohibeatur, ut in matrimonio, quòd ideo non potest dissolvi, tum ratione Sacramenti, tum ex jure naturali, & positivo; ut vidimus.

Prob.

Probat. 2. Quia nullo jure statuitur indissolubilitas sponsalium. 1. non jure naturali, aut divino, alioqui nulla potestate creata possint dissolvi, nequidem per mutuum consensum; sed hoc est falsum, & contra praxim; ergo &c. 2. nec jure positivo, ut etiam patet. ergo &c.

Dixi autem in conclusione, *si sint puberes*; & ann. ætatis 14. attigerint, quia non prius dissolvi possunt sponsalia per illos inita ante pubertatem, quia sic consulitur immaturitati judicii eorum, propter quam ex levitate sæpius ea contraherent, aut solverent, & sic impedimenta publicæ honestatis contraherent, unde si alter pubertatem ante alium attingat, non potest resilire, donec alter attigerit, ut possit validè consentire dissolutioni, ut constat ex cap. *De illis*.

Objic. cap. *Præterea*, patet eam dissolutionem ab Ecclesia non approbari, sed tolerari. *Hoc poteris impatientia tolerari*, inquit Papa: ergo dissolutio non est licita. Prob. ant. Ideo toleratur, quia timetur majus malum, quàm id, quod dicitur tolerari patienter; ergo talis solutio est in se mala, & illicita, licèt minùs mala, quàm inconvenientia, quæ timentur ex necessitate nubendi.

Resp. neg. 1. conf. & 2. ant. Non enim tolerantia semper arguit malum in re tolerata, saltem positivum; sed negativum, quatenus non adeo bona est, ut oppositum, ut in proposito. Ideo Papa dicit, quod sponsi *commonendi sunt, & modis omnibus inducendi, ut datam fidem observent*.

QUÆSTIO IV.

De aliis causis dissolutionis sponsalium, v. gr. de ingressu religionis, & votis castitatis, an per ista solvantur.

Canonistæ plures modos, & causas examinant, quibus videntur solvi posse sponsalia, præter prædictum consensum mutuum, verbi gratia, si alter ingrediatur Religionem, aut Sacerdotium, aut voceat castitatem, aut nubat cum alio, &c.

CON.

CONCLUSIO I.

Sponsalia licite solvuntur per ingressum Religionis unius, vel utriusque, modo non sint jurata: Item per receptionem ordinis sacri, aut votum ejus.

Prob. 1. p. ex dictis de matrimonio: nam istud dissolvitur per ingressum illum; ergo à fortiori sponsalia, quia non sunt adeo firma. Prob. ant. ex cap. Verum, ubi Alex. III. decernit, quod etiam altero repugnante, licitum est alteri eligere monasterium.

Confir. Nam promissio de nubendo includit implicitè conditionem, nisi Deus inspiret statum religionis, aut nisi elegerit statum meliorem, sicut includitur in ipso contractu matrimoniali; ergo adveniente tali conditione, resolvitur promissio.

Dixi, modo non sint jurata, quia ratione juramenti videntur strictius ligari, & debere nubere, deinde ingredi religionem, aut implere votum. Id videtur decisum c. commissum. ubi Alex. III. dicit, quod tutius est ei Religione juramenti servata prius contrahere, & postea; si elegerit, ad Religionem migrare.

Verum Glossa tenet contrarium, sc. illos non teneri contrahere, tum quia ille intrando religionem non infringit juramentum, quod in melius commutat, & ita tutius est non contrahere sine peccato potest intrare religionem, & non contrahere. Tum quia dici posset, quod etiam in sponsalibus juratis, implicitè continetur dicta conditio, scilicet nisi Deus inspiret religionem, & sic conditione veniente non ligat juramentum.

Quæres, Quid si sequatur copula, poterunt ne dissolvi sponsalia.

Resp. Quod ante Concil. Trident. vel ubi non est receptum, non possent ita dissolvi, nec sponsus ingredi religionem, si copula fuisset ex affectu maritali, quia per talem copulam sponsalia transeunt in matrimonium de præsentì. Sed post Tridentinum Concil. & post decretum irritans matrimonia clandestina, non sic transeunt per copulam sequentem sponsalia, & ille posset eligere religionem, sed tepèretur compensare injuriam sponsæ illatam. Docet etiam probabiliter Pyrrhinc, cum debere nubere, quia non pot.

potest aliter injuriam violatæ virginitatis, & honoris reparare.

Prob. 2. p. Nam professio religionis, & ordo sacer est impossibilis cum matrimonio; ergo hoc ipso, quod unus, vel ambo sponsi intrant religionem, aut ordinem sacrum, fiunt incapaces nubendi; ergo liberantur ab hac obligatione.

Probat. 3. p. eodem modo: nam vota ingrediendi religionem, vel ordinem sacrum sunt impossibilia cum matrimonio; ergo & cum obligatione illud contrahendi: nam impossibile nulla est obligatio.

Objic. con. 1. & 2. p. Deus non acceptat promissionem rei alienæ, aut alteri promissæ, sed per sponsalia (& à fortiori per matrimonium ratum) corpora, & vota sponzorum, quæ sunt Deo de ingressu religionis, aut sacerdotii, offeruntur illi res aliis promissæ, aut datæ; ergo Deus ea vota non acceptat; ergo non solvunt sponsalia.

Resp. dist. maj. alteri datæ, aut promissæ absolutè, & simpliciter, conc. datæ, aut promissæ sub conditione, neg. maj. & dist. min. Offeruntur res promissæ, aut datæ sub conditione, conc. datæ simpliciter, & absolutè, neg. min. Nam in matrimonio rato, & sponsalibus fiunt sub conditione, nisi eligatur melior status, imò & Deus id sibi reservat altiori jure, ut diximus.

Objic. 2. cap. *Veniens*, imponitur pœnitentia mulieri, quæ voverat religionem post sponsalia; ergo illud votum est illicitum.

Resp. neg. ant. Non enim imponitur illi pœnitentia propter votum illud, sed quia post sponsalia, & post votum volebat nubere alteri. *Mandamus, quatenus, si plus non processit fide sibi data, & voto violato, congruam satisfactionem indicas*; ergo ex mala intentione voverat castitatem, sc. ne cogeretur sponso suo nubere, nec fidem illi servare, nec ipsum votum implere, sed alteri nubere volebat; ergo id potius probat votum post sponsalia valere.

Quæres, *An post ingressum religionis alter sponsus, qui manet in sæculo, posset statim alteri promittere, et nubere: An verò teneatur expectare, donec professionem emisisset.*

Resp.

Resp. Id quidem verum esse de matrimonio rato ; sc. vinculum durat usque ad professionem, & in sponsalibus, qui ingreditur religionem, manet semper obligatus, si alter expectet ; sed iste statim fit liber, nec tenetur expectare, quia ille per ingressum, aut votum renuntiat juri sponsaliorum.

CONCLUSIO II.

Secunda sponsalia non solvunt prima, etiam jurata, vel cum copula ex secundis secuta, bene verò matrimonium per verba de presenti, quamvis illicite factum.

Prob. Nam stantibus primis, posteriora sunt invalida ; ergo per ista non possunt solvi prima. Probat. ant. nam cap. *Ex litteris*, Innoc. III. decernit, quod sponsalia de futuro solvuntur per sponsalia de presenti, non autem per secunda de futuro. Nam inquit Papa, matrimonium 2. loco contractum, legitimum iudices ; & ad illud servandum compellas eundem, & pro 2. p. Quod si forte per verba de futuro sponsalia cum utraque (læmina) contraxit, iuramentum primum, sicut licite factum est, ipsum servare compellas, de secundo ei penitentiam injuncturus ; ergo secunda sponsalia, stantibus primis, sunt nulla.

Prob. 2. Nam in aliis contractibus, v. gr. venditionis, & emptionis, posteriores non solvunt priores, sed posteriores sunt nulli, si post venditam domum Petro, vendas eandem Paulo, hæc 2. venditio nulla est ; ergo ita est de secundis sponsalibus, si primæ fuerint validæ, postquam Petrus promisit nubere cum Martha, non potest validè promittere nuptias cum Berta.

Hoc verum est ex parte illius, qui frangit fidem : nam si alter velit recedere, liberatur per illam infidelitatem spondentis secundò, sed si nolit cedere juri suo sibi acquisito per prima sponsalia, tenetur ille satisfacere.

Dixi, *etiam jurata* : nam iuramentum non potest esse vinculum iniquitatis, nec obligare contra jus, aut rationem, & bonos mores : est enim contra fidelitatem, & justitiam ; ergo non facit, ut secunda sponsalia valeant contra prima.

Dixi

Dixi 2. *etiam secuta copula cum secunda sponsa.* Nam licet olim, & nunc, ubi non est receptum decretum Tridentinum contra matrimonia clandestina, copula in illis locis præsumatur in matrimonium de præsentī, & sic dissolvat priora, tamen nunc, & ex vi talis decreti, id non potest præsumi copula cum secunda sponsa, non liberata vinculo priorum magis, quam ipsa secunda sponsalia. Prob. conf. Nam per illam copulam non contrahitur majus vinculum, quam sponsalitiū, sit quidem injuria illi secundæ, & nova infidelitas primæ; sed nova illa iniquitas non debet præjudicare juri hujus primæ, nec ille debet emolumentum capere ex sua iniquitate; ergo remanet semper ligatus cum prima, nisi hæc velit cedere, ut potest.

Dico, *ut potest.* Nam, ut notavimus, hoc ipso, quod sponsus consensit in secunda sponsalia, prior sponsa potest acceptare solutionem priorum, maxime propter infidelitatem, & peccatum.

Prob. iterum de matrimonio ex cap. *Si inter*, Greg. IX. statuit, quod sponsalia de præsentī non solvuntur per matrimonium sequens, benè verò sponsalia de futuro. Nam *inter sponso accessit tantummodo promissio de futuro si alius mulierem illam sponsaverit per verba de præsentī hujusmodi desponsationis intuitu secundum matrimonium non poterit separari*; ergo &c.

Certum est tamen, quod hæc mulier consentiens matrimonio huic, peccavit graviter, & illicitè contraxit, sed tamen validè: nam peccavit contra fidelitatem, & justitiam, imò & contra religionem, si sponsalia prima erant jurata.

CONCLUSIO III.

S*Post sponsalia superveniat aliquod impedimentum impediens, vel dirimens, illa resolvuntur.*

Prob. 1. ex SS. Canonibus, quibus statuuntur illa impedimenta, de quibus infra: nam sponsalia non obligant contra legem, rationem, aut jura, sed positivis impedimentis, illa matrimonia essent contra leges, rationem, & jura, verbi gratia, si sponsus peccaret cum sorore sponsæ, aut ista cum fratre sponsi, & sic de aliis; ergo &c.

Cer-

Certè in casu illo de fornicatione, aut simili, ex tunc Innocens liberaretur quidem ab illa obligatione, non autem reus, qui non posset aliam ducere, si innocens nollet cedere juri suo, reus verò deberet potius petere dispensationem ab impedimento, quod spontè incurrisset. Idem est de illo, qui post sponsalia, inscio consorte, castitatem voto simplici voveret: nam instante alio sponso deberet petere dispensationem, ut posset satisfacere fidei datæ.

CONCLUSIO IV.

Fornicatio sponsi, aut sponsæ, etiam violenta, superveniens, sufficit ex parte innocentis ad solvenda sponsalia. Idem est de lapsu in hæresim, vel apostasiam, vel aliud crimen, ex quo veniret infamia, vel dedecus grave.

Prob. 1. ex cap. Quemadmodum, ubi Innocent. III. statuit, quòd is, qui juravit cum muliere contrahere, eam repellere poterit propter fornicationem supervenientem, non propter præcedentem: nam inquit, *Si post contractum conjugium vir propter fornicationem potest uxorem dimittere, longè fortius ante conjugium celebratum, ob eandem causam sponsus potest licitè in suam cohabitationem non admittere sponsam.* Eadem est ratio de sponsa respectu sponsi.

Dixi, etiam violenta: nam capit. Raptor, dicitur, quod si sponsus sponsam raptam recipere noluerit, liceat sibi alii nubere, & ipsa eidem crimini non consenserit, licentia alii nubendi non negetur. Ratio est, quia licèt sponsa si violenter oppressa non peccaverit, tamen inde maculam gravem contraxit, & dedecus, propter quod licet sponso resilire. Sicut si post ingressum religionis, aut professionem egrediatur, quia esset aliquod dedecus viro nubere cum monacha, aut fœminæ cum monacho.

Prob. 2. p. de Hæresi, vel Apostasia: est enim fornicatio spiritualis, periculosior, & gravior corporali; ergo si propter istam potest sponsus innocens dimittere reum, à fortiori propter spiritualement.

Confir. Nam ob lapsum unius in hæresim, vel apostasiam potest conjux innocens separari quoad torum, & habitationem; ergo multò magis sponsus.

Prob.

Prob. 3. Nam ; ut dicemus , mutatio notabilis superveniens uni sufficit ad solutionem sponsaliorum ; sed per Hæresim , & Apostasiam fit mutatio notabilis : nam incurrit infamiam , & excommunicationem ex decretis Ecclesiæ , cap. *Placuit* , ex Clem. VII. & *inconfusilem* , ex Innocent. IV. Et c. *cum ex Apostolatu* , ex Paulo V. ergo &c.

Prob. 3. ex periculo perversionis innocentis per hæreticum , vel apostatam , & propter salutem prolis , quæ posset infici erroribus patris , aut matris .

Probat. 3. p. de crimine ob eandem rationem infamie , ac dedecoris , ac mutationis status : nam ex gravi crimine hæc oriuntur ; ergo sufficiunt ad solvenda sponsalia .

CONCLUSIO V.

Notabilis mutatio superveniens uni sponso , siue in corpore , siue in moribus , siue in bonis , sufficit ad solvenda sponsalia .

Prob. 1. p. ex cap. *Quemadmodum* cit. ubi Innoc. III. statuit , quòd si post huiusmodi iuramentum mulier fieret leprosa , aut paralytica , vel oculos , aut nasum amitteret , aut quidquam turpius eveniret , numquid vir eam ducere teneretur in uxorem ? Quasi dicat , non tenetur , inquit Glossa ; ergo si alterutri accideret aliqua huiusmodi , ex quibus cohabitatio fieret molesta , vel ingrata , vel odiosa , aut unus fieret minus habilis ad onera matrimonii , solvi possent sponsalia . Idem patet cap. *Litteras* , ubi Urbanus III. dicit , quod vir cogi non potest ad accipiendam fœminam , cui post sponsalia supervenit lepra .

Confir. Hæc sufficerent ad divortium à toro , ergo à fortiori ad non nubendum .

Probat. 2. p. Nam mutatio in moribus , ut nimia asperitas unius , vel inimicitie graves subortæ inter sponso , aut eorum parentes , & familias , aut si alter reperiatur sævus , & truculentus , aut ebrietari deditus , &c. talia inquam sufficiunt ad divortium à toro inter conjugatos ; ergo à fortiori ad solutionem sponsaliorum , quæ innocens non contraxisset , si hæc scivisset .

Confir. ex decretis citatis ; nam hæc mala non minus

nus repugnant societati conjugali, quàm ea, quibus concedunt eam solutionem; ergo æquè ad eam sufficiunt.

Probat. 3. p. de mutatione in bonis fortunæ, aut famæ: nam si uni adveniat magna paupertas, ita ut vel mulier non possit habere dotem, aut vir fiat decoratus, & miser, & incapax ferendi onera, & alendæ familiæ, non debent cogi ad nubendum, quia status conjugii esset nimis molestus, & non fuit intentio promittendi nubere in illis circumstantiis: vir non intendebat promittere nuptias foeminæ sine dote, nec illa viro sine bonis, quæ videbatur habere; ergo si hæc defint, deficiunt conditiones, sine quibus non promittebant.

Idem est de gravi infamia. Non enim fuit intentio contrahendi cum persona sic infami. Et hæc vera sunt, sive mutationes illæ de facto advenerint post inita sponsalia in re, vel in cognitione, cum antea latent, ac ignorarentur ab altero sponzorum: nam si hæc nota fuissent, alter non contraxisset.

Plures aliæ causæ hujus solutionis habentur apud Casuistas, verbi gratia, longior absentia unius, aut peregrinatio in longinqua: nam sponsus remanens potest præsumere, quod absens renuntiavit juri suo. Et nimia dilatio post tempus præfixum idem facit præsumere innocenti. Item defectus conditionis explicitæ, vel implicitæ appositæ in pactis sponsaliorum. Nam qui est in mora, censetur resilire, & innocens sic potest interpretari, & acceptare resilienciam. Ita est de aliis causis multis, quas longum esset recensere.

Notandum autem, quod quando causæ solutionis non sunt evidentes, aut quando una pars non consentit solutioni, expectandum est judicium Ecclesiæ.

DISPUTATIO IV.

De impedimentis matrimonii.

Impedimenta hæc alia sunt *dirimentia*, quæ non tantum prohibent, ne fiat matrimonium inter illos, qui hæc habent, sed etiam irritant illud, si fiat: alia sunt purè *impedientia*, quibus existentibus prohibetur fieri, aut illicitè fit: sed si fiat, tenet, ac validum est. De utrisque hic agimus, saltem de præcipuis, quatenus sunt in usu.

QUÆSTIO PRIMA.

An dentur, & quid sint impedimenta matrimonii, & quo jure statui possint.

Impedimentum, de quo agitur, est aliquid præexistens contractui matrimoniali positivè, aut negativè, quod illud facit illicitum, aut invalidum jure naturali, aut divino, vel humano. Dicitur 1. *Præexistens*: nam si superveniat, non inficit contractum, sed reddit usum illicitum, aut vinculum solvit, ut professio in religione approbata post matrimonium ratum, & non consummatum. 2. *positivè, aut negativè*: nam alia sunt positiva, ut crimen, & votum, alia negativa, ut impotentia. 3. *facit illicitum*, ut impedientia. 4. *vel invalidum*, ut dirimentia. 5. *jure naturali*, ut impotentia, error, &c. quæ juræ naturæ invalidant matrimonium. 6. *vel divino*, ut consanguinitas in 2. gradu: nam in lege divina irritabat illud. 7. *vel humano*, sc. ecclesiastico, ut raptus, crimen, &c. quæ ex sola humana lege dirimunt.

Porro impedimenta *dirimentia* sunt impedimenta simpliciter, quæ nec fieri permittunt, nec facta patiuntur subsistere; alia verò secundum quid, & purè *impedientia*, per quæ contrahitur illicitè ab his, quæ aliquid tale habent, sed, cum facta fuerint, tenent, sive, ut loquitur Doctor, *impedimentum simpliciter, post quod si fuerit attentatum, nihil fit, non simpliciter autem dico prohibitionem quamcumque, pro-*

604 De impedimentis matrimonii

per quam illegitimè sit, si tamen sit, non est irritum.
Dirimentia olim erant 12. per Concilium autem
 addita sunt duo, & sic hodie sunt 14. & continentur
 his versibus.

Error, conditio, votum, cognatio, crimen.
Cultus disparitas, vis, ordo, ligamen, honestas,
Amens, affinis, si clandestinus, & impos.

Adde duo

Si sponsam rapias, si clandestinus inibis.
He facienda vetant conjugia, facta retractant.
Impedimenta unde prohibentia olim dicebantur 12.
Vel 14. his versibus latent

Ecclesiæ veritum, necnon tempus feriatum,
Atque catechismus, sponsalia, iungito votum,
Incestus, raptus sponsatæ, mors muliebris,
Susceptus propriæ sobolis, mors presbyteralis,
Vel si peniteat solemniter, aut monialem
Accipiat, prohibent hæc conjugium faciendum.

Quinque priora oriuntur sine culpa, reliqua verò
 sunt quasi poenæ aliquot peccatorum in personis nu-
 bentibus. Videndum quo jure statuta sint, saltē di-
 rimentia.

CONCLUSIO I.

Dantur aliqua impedimenta matrimonii ex jure
 naturæ, aliqua ex jure Divino, & aliqua ex ju-
 re humano, seu Ecclesiastico. Est communis.

Prob. 1. ex Scoto, [1] qui enumerat, & explicat il-
 la impedimenta, & distinguit ea, quæ sunt ex natu-
 ra contractus, & per consequens de jure naturæ, &
 quæ oriuntur ex statuto Ecclesiæ, & quædam notat ex
 jure positivo Divino. Ex statuto Ecclesiæ sunt tan-
 tummodò impedimenta ex parte personarum. Et de
 propinquitate dicit, quod in omni lege (tam naturæ,
 quam positiva divina) aliqua propinquitas impedit;
 ergo ex Scoto sunt impedimenta matrimonii ex jure
 naturali, divino, & humano.

Prob. 2. de jure naturæ: nam, ut dicit Scotus, cer-
 tum est aliqua impedimenta oriri ex natura contra-
 ctus in genere, vel specie; ergo ista veniunt ex jure
 naturæ. Probat. ant. libertas est essentialis omni con-

[1] d. 42. M. & N. 11. & 12. D. 4.

tractui genericè, & specialiter contractui huic, quæ contrahentes sibi mutuo tradunt corpora sua usui ad prolificandum; ergo quod tollit libertatem contrahentibus matrimonium ad sic contrahendum, impedit. valorem hujus contractus ex natura ejus. Sed, vis, error, metus, & conditio tollunt hanc libertatem, si influant in hunc contractum; ergo impediunt ex jure naturæ.

Probat. 2. p. de jure divino: nam, ut dicebamus ex eodem, Deus etiam prohibuit matrimonium inter consanguineos descendentes in linea recta; ergo &c. Prob. ant. Dixit enim Deus, *Relinquet homo patrem, & matrem, & adhærebit uxori suæ.* Et in Levitico, *Omnis homo ad proximam sanguinis sui non accedet, ut revelet turpitudinem ejus, scilicet prohibet conjunctionem personarum prohibitarum,* inquit Hugo Cardin. &c.

Probat. 3. p. de jure Ecclesiastico: nam certum est, quod impedimenta voti, raptus, & clandestinitatis, &c. non sunt de jure naturali, nec divino, sed de Ecclesiastico, ut videbimus de singulis in particulari.

Igitur Ecclesia illegitimavit plures personas ad matrimoniale statum, vel propter nimiam propinquitatem sanguinis, aut affinitatis inter se, vel propter applicationem specialem ad cultum Divinum, ut sacerdotes, vel propter horrenda quædam crimina, &c. quæ magis patebunt, cum de singulis agemus. Videamus de potestate Ecclesiæ ad statuenda illa impedimenta.

CONCLUSIO II.

Ecclēsia habet legitimam potestatem statuendi aliqua matrimonii impedimenta, etiam dirimentia. Est de fide contra hæreticos negantes hanc potestatem. Prob. 1. ex Scoto cit. in præcedenti, ubi dicit, quod ex statuto Ecclesiæ sunt tantummodo impedimenta ex parte personarum, quia Ecclesia nihil determinavit circa materiam, & formam hujus contractus, sed solum personas aliquas illegitimavit; &c. ergo censet Ecclesiam habere hanc potestatem, alioqui hoc non attenderet.

Probat. 2. ex Concil. Trid. *Si quis dixerit Ecclesiam*

Ec 3 non

606 De impedimento matrimonii

non potuisse statuerē impedimenta matrimonium dirimentia, vel in eis constituendis errasse, anath. sit. Idem definitur in Senonensi.

Probat. 3. ex perpetua praxi Ecclesiæ, quæ ob talia impedimenta irritavit matrimonia plurima, ut contraria legibus suis. Ut Syricus, qui circa an. 385. damnat matrimonia quorundam monachorum, quæ publicæ leges, & Ecclesiastica iura damnant. S. Basilus eadem ratione scribit contra virum, qui sororem uxoris suæ mortuæ duxerat. Nam, inquit, sanctiones istæ nobis à sanctis viris sunt traditæ. Idem de duobus fratribus sanciebatur in Concilio Neocæsariensi. *Mulier si duobus fratribus nupserit, abjiciatur usque ad mortem. Tamen in exitu, si promiserit, qui si convaluerit, solvet matrimonium, propter humanitatem penitentiam habebit;* ergo jam ante an. 314. impedimentum in 1. gradu affinitatis erat impedimentum dirimens, non autem in lege naturæ, vel Moyse, in quibus Jacob duxit duas sorores, & frater superstes jubebatur ducere viduam mortui, ut illi suscitaret semen.

Similiter votum Religionis ante an. 450. impediebat: nam in Hybernia sub S. Patricio irritatur matrimonium Monachæ. Et an. 511. in Concil. Aurelian. irritatur matrimonium relicte presbyteri, aut Diaconi, sc. propter ligamen, quod durabat cum Presbytero, vel Diacono, à quo relicta fuerat propter Sacerdotium. Idem statuebatur in alia Synodo ibidem an. 533. Denique pleni sunt libri Decretalium similibus decretis Pontificum, quibus irritantur matrimonia cum variis impedimentis inita; ergo ab initio nascentis Ecclesiæ; & perpetuò statuit impedimenta dirimentia matrimonii, & quidem legitime.

Confir. ex Principum silentio, vel approbatione; ergo existimarunt jus istud principaliter ad Ecclesiam pertinere, & hoc ipsi confirmarunt legibus suis, ut Canonum Sacrorum executores. Unde legitur in Capitularibus Caroli Magni. *De reliquis vero propinquis, juxta statuta SS. Patrum, & Canonum decreta judicetur.* Et Chilpericus dicebat Episcopo Rotomagensi, qui permiserat Meroveum ducere amitam suam, O Episcope! An ignarus eras, quæ pro hac causa Canonum statuta sanxissent? sc. non allegat leges civiles, & rem-

porales, sed Canonicas pro nullitate talis matrimonii. Hoc autem dicebat coram Synodo Parisiensi an. 577. apud Gregor. Turon. & Pallavicinus narrat in histor. Concil. Trid. quod decretum de impedimento clandestinitatis datum est præcipuè ad instantiam oratorum Regis Christianissimi.

Objic. pro Hæret. ex ipso Conc. Trid. nulla potestas humana potest mutare quidquam circa sacramentorum substantiam; sed si posset Ecclesia statuere impedimenta dirimentia, mutaret substantiam matrimonii sacramenti; ergo id non potest. Prob. min. Nam matrimonium, quod valebat ante illa decreta, irritatur per illa; sed hoc fieri non potest sine mutatione substantiali, sc. mutaretur materia: nam quæ antea valebat, non valeret deinceps; ergo &c.

Resp. neg. 1. & 2. min. & dist. prob. Mutaretur materia in ratione contractus, con. in ratione sacramenti, neg. ant. Nam, ut diximus alias, materia matrimonii sacramenti est contractus legitimus civilis, & quandiu contractus ille est validus, tamdiu est materia valida sacramenti. Et quia validitas contractus pendet à legibus humanis, aut canonicis, & istæ requirunt novas solemnitates ad valorem contractus, ita & hoc sacramentum, licet semper eadem sit ejus materia proxima, sc. contractus validus, qualis exigitur ex Christi D. institutione.

Objic. 2. Nullibi constat de hac potestate Ecclesiæ in Scriptura, sed potius contrarium; ergo nulla est. Prob. ant. Nam in Levitico Deus determinat personas, inter quas non licebat nubere, & ibi nihil dicitur de gradibus affinitatis, aut aliis impedimentis, quæ asserimus; ergo &c.

Resp. neg. maj. Nam sola Scriptura non est regula fidei nostræ, sed etiam traditiones Apostolicæ, & Ecclesiasticæ, & per istas constat de hac potestate, ut probatum est. Ad prob. ex Levit. neg. conf. tum quia lex Evangelica absolvit nos à jugo legis Mosaicæ, & Christus legem suam commisit directioni Ecclesiæ suæ in iis, quæ noluit per se ipsum determinare. Denique non dubito, quin Deus reliquerit etiam Synagogæ potestatem plura statuendi juxta rerum, & temporum exigentias circa matrimonia, & alias cæremonias legales.

608 *De impedimentis matrimonii*

Resp. 2. Gretserus, quod fortè Moyses ibi statuit i-
sta auctoritate civili, non divina, nec ut promulgator
divinæ. Hac inquam statuit ut dux, & princeps il-
lius populi, ad quietem, & incolumitatem ejus.

Resp. 2. Moyses impedimenta reduxit ad pauciores
gradus, quia temporis necessitas id petebat, ut faci-
lius propagaretur populus ille Dei, nunc autem ratio
illa cessat.

Objic. 3. Matrimonium est contractus purè civilis,
& temporalis; sed potestas Ecclesiæ non extenditur
ad temporalia, & politica; ergo &c.

Resp. dist. maj. Temporalis materialiter, & remo-
tè, con. formaliter, & proximè, neg. maj. & conf.
Nam contractus ille inter fideles ordinatur, & elevan-
dus est ad rationem sacramenti, & quoad hoc cadit
sub directionem Ecclesiæ, & est quid sacrum, & spi-
rituale.

Objic. 4. Principes nequidem Christiani non reci-
piunt illa impedimenta ut statuta ab Ecclesia, sed ea-
dem ipsi statuerunt; ergo prætendunt jus illud specta-
re ad Tribunal civile, & temporale. Prob. conf. Nam
si per illas suas leges usurpassent jura Ecclesiæ, hoc il-
la non dissimulasset: Nam *error, cui non resistitur, ap-
probatur*. Et Ecclesia illis legibus in suis canonibus se
conformat. Ideo Leo [1] magnus prohibet servorum
matrimonia, invito Domino, *Quia legibus Impera-
torum irritantur*. Et Nicolaus I. circa gradus consan-
guinitatis remittit ad leges. *Quid leges hic sanciunt,
jam meminimus*; ergo Ecclesia agnoscit apud princi-
pes jus statuendi impedimenta.

Resp. 1. neg. conf. Nam quòd principes statuta Ec-
clesiæ suis inferant legibus, pietas eorum facit, non
æmulatio, sc. ut ad eorum observantiam urgeant sub-
ditos, id faciunt, ut canonum protectores, & execu-
tores, & huic patrocinio debet Ecclesia blandiri, non
resistere, & si aliquando hæ leges illorum allegat in
suis decretis, prout statuunt conditiones contractus
conjugalis, hunc considerat, non ut sacramentalem,
sed ut civilem.

Notandum igitur ex S. Tho. [2] quod *personæ ille-
gitimæ ad contrahendum matrimonium dicuntur ex
eo, quòd sint contra legem, qua matrimonium constitui-*
tur;

[1] Ep. 82. [2] 4. d. 24. a. 14.

sur : matrimonium autem , in quantum est officium naturæ , statuitur jure naturæ , in quantum est in officium communitatis , statuitur jure civili , in quantum est sacramentum , statuitur jure divino : ideo ex qualibet dictarum legum naturæ , humanæ , & divinæ , potest persona effici ad matrimonium illegitima . Vides quomodo principes , & Ecclesia concurrunt ad statuendas condiciones , & impedimenta matrimonii secundum diversos respectus , & fines ejus .

Hinc autem colliges , quòd possunt principes sæculares statuere condiciones necessarias ad valorem contractus conjugalis in ratione contractus civilis , non autem directè in ratione sacramenti , quia non se immiscent in rebus sacris , & sacramentalibus . Quod à fortiori verum est de principibus infidelium , & etiam fidelium ante Christum , quia apud eos hic contractus non ordinabatur ad sacramentum , sed erat contractus purè humanus , & naturalis .

Colliges 2. Potestatem statuendi impedimenta hujus sacramenti spectare propriè ad Ecclesiam universalem in Conciliis , vel ad Papam ex cathedra Apostolica loquentem , quia licet in Synodis particularibus , vel ab Episcopis in suis diocesisibus possint aliqua statui , tamen vigorem firmum non habent , nisi à Papa confirmentur . Unde ex libris decretorum constat , quod ab initio nascentis Ecclesiæ , & undecumque ad illum recurritur in quæstionibus , & causis matrimonialibus , sive pro decisione , sive pro dispensatione impedimentorum .

Certè Concil. Vormatiense 1. Forojulienſe , & Tol. II. & Parisiense III. statuerunt impedimentum consanguinitatis , quod in Conciliis generalibus , & à Papa fuit confirmatum . Idem est de impedimento affinitatis in Arelat. quod id statuit de noverca , de Arimin. & Parisiensi de privigna , & relicta arunculi , de Vormat. 1. cum filiastra . Et Neocæsar. cum duabus sororibus , & Aurelian. I. de iisdem , ac de uxore fratris ,

Q U Æ S T I O II.

*De impedimentis non dirimentibus, an, & quot,
& ad quod illa sint.*

Suppono dari aliqua impedimenta non dirimentia, quibus stantibus non licet nubere, sed, si fiat, peccatur quidem contra Ecclesiæ præceptum, sed tamen matrimonia facta tenent, qualia sunt ista, *Ecclesiæ vetitum*, seu *interdictum*, *catechismus*, *votum simplex*, *sponsalia*, & *crimen*.

1. *Interdictum*, seu *vetitum*, seu *prohibitum* significat generaliter omnia impedimenta: nam omnia vetant conjugia celebrari, sed specialiter cadit in aliquas personas, quas ob graves causas Ecclesia, vel Episcopus, vel ipse Parochus prohibet nubere in aliquibus circumstantiis, & donec causa examinetur, vel cadit generaliter in personas, etiam habiles, & hoc non ratione sui, sed temporum, in quibus ex Ecclesiæ statuto non decet nuptias celebrare, juxta Concilii Trident. decretum, nempe ab Adventu usque ad diem Epiphaniæ, & à feria 4. Cinerum usque in octavam Paschæ inclusivè, & quidem potius prohibentur solemnitates, & circumstantiæ aliquot nuptiarum, quàm ipsæ nuptiæ. Nam anni tempore fieri possunt & sponsalia, & nuptiæ, saltem de licentia Episcopi, ex causa rationabili, modò fiant sine externa sæculari solemnitate, ut sunt convivia, traductio sponsæ cum pompa, &c. Et hoc in versibus significatur per *tempus feriatum*.

2. *Catechismus*, quia Patrinus, qui in baptismo ad januam Ecclesiæ respondet pro baptizando, contrahit cum illo quandam cognationem spiritualem, propter quam prohibetur cum illo nubere. Per *catechismum* (ait Scotus) qui præcedit baptismum, cognatio spiritalis contrahitur, per quam matrimonium contrahendum impeditur. Per istam tamen cognationem matrimonium post contractum minimè separatur.

Multi tamen putant, quod hodie post Tridentinum hoc impedimentum non subsistit: nam postquam Concilium determinavit personas, inter quas vult contrahi cognationem spiritualem, isti non reperiuntur.

tur. Omnibus inter alias personas hujus cognationis spiritualis cognationis impedimentis omnino sublati. Agitur quidem de impedimentis dirimentibus, sed idem est de impedientibus à fortiori, quia sunt minoris momenti, & sic declarasse dicitur Sacra Congregatio Interpretum Concilii: Igitur hoc impedimentum non videtur esse amplius in usu.

3. *Votum*, sc. simplex, aut *juramentum* castitatis, aut religionis, aut ordinum sacrorum, aut non nubendi: nam isti omnes prohibentur nubere, & si nubant sine dispensatione, peccant mortaliter, & sacrilegè, quia violant votum, aut juramentum.

Quidam distinguunt inter istos, quòd qui vovent Castitatem perpetuam, aut religionem, si nubant, non possunt petere debitum conjugale, benè verò qui voverunt Sacros Ordines suscipere, vel non nubere, quia isti non videntur præcisè vovisse, nisi abstinenciam ab actu contrahendi, vel susceptionem Ordinis Sacri; ideo semel tantum fregerunt votum, post quod non possunt amplius votum implere: bene vero qui perpetuam vovent abstinenciam à copula carnali. Sed non video, cur in voto cœlibatus, & Sacerdotis non contineatur abstinencia illa perpetua, quæ continetur in cœlibatu, & Sacerdotio, & Religione.

Saltem id certum videtur, quod mortua conjuge; tenentur vota implere, & ingredi religionem, vel ordines suscipere, aut castè vivere, nisi dispensentur ab illis votis.

4. *Sponsalia*, seu promissio valida nubendi cum determinata persona: nam iste non potest aliam ducere, stantibus primis sponsalibus, & hoc sine peccato mortali contra justitiam, & fidelitatem, impò & contra Religionem, si sponsalia sint cum juramento, nisi adsit causa dissolutionis, ut dictum est.

5. *Crimen*, de quo hìc agitur, non est mors, aut machinatio mortis, aut adulterium unius conjugis sub spe matrimonii cum alio: nam istud est impedimentum dirimens, sed comprehendit multa alia crimina, ut uxoricidium sine animo nubendi cum complici, occisio sacerdotis, incestus cum consanguinea sponsæ usque ad 4. gradum, raptus sponsæ alienæ ad

612 De impedimentis matrimonii

explendam libidinem, matrimonium cum Monacha sacrilegè attentatum, & alia hujusmodi crimina, propter quæ agenda erat publica pœnitentia: nam hac pœnitentia durante non licebat nubere.

QUÆSTIO III.

De impedimentis dirimentibus, & primò de coactione, seu violentia.

JAM diximus, quòd consensus in matrimonium debet esse utrimque liber, hîc quærimus, ex quibus causis cesset esset liber, ita ut sit invalidus.

Suppono autem ex dictis aliàs, quid sit coactio, & quænam requirantur in actu humano, ut dicatur liber. Quid, & quotuplex sit metus, & quomodo impediatur, ne actus sit voluntarius, & liber. Hæc faciunt ad decisionem hujus quæstionis, in qua quæritur, an metus illatus per minas graves, & cadens in virum constantem sit impedimentum dirimens matrimonium.

CONCLUSIO I.

Coactio ex metu levi non dirimit matrimonium, bene verò ex metu gravi cadente in virum constantem. Est communis.

Prob. 1. ex Scoto, qui postquam descripsit modos coactionis ex metu, dicit, quòd cui imminet metus peccati, mortis, vel carceris, secundum rectam rationem, debes dicere verba matrimonialia, quæ exiguntur ab eo, & ex consequenti debet consentire interius verbis concorditer, nec tamen per hunc consensum transfert potestatem sui corporis in illum, quia nullus consensus est translativus, nisi merè liber. Et antè probat ex SS. Canonibus, & ex Scriptura, & ratione, quòd iste contractus debet esse liber à metu cadente in virum constantem; qualis non est metus ex levi causa, sed ex gravi. Lege illum textum.

Prob. 2. ex SS. Decretis: nam cap. *Veniens*, Alex. III. decernit matrimonium tenere cum famina, nisi metu coactus, qui posset in virum constantem cadere, eam desponsaverit. Et cap. *Consultationi*, Honor. III. in causa mulieris prætendentis se coactam, dicit, quòd de illato metu est cum diligentia inquirendum, & si talis metus in-

*inveniat illatus, qui possit cadere in virum constan-
tem, erunt non immerito audiendæ; ergo non sufficit
metus levis, sed gravis invalidat.*

*Confir. ex jure civili. Nam l. Metus ff. de eo qui metus
causa dicitur quod si quis meticulosus, rem illam fru-
metuerit, per hoc edictum non restituitur.*

*Prob. 3. rationibus Scoti . 1. ,, ex causa formali con-
tractus; nam est donatio quædam, non quidem li-
beralis, sed essentialiter libera, hoc enim essentialiter
est omni donationi . 2. ex causa efficiente, nempe
Dei, qui talem instituit illam translationem, sc.
summè liberam, unde, istud non est ab Ecclesia de-
terminatum, sed tantum expressum, seu publi-
catus. Patet enim, quod etiam in lege naturæ istud
erat determinatum in contractu matrimonii. Ad-
hærebit uxoris suæ, Sed non adhæret quis illi, quod
invitè tenet. Et adducit exemplum de Rebecca, cu-
jus consensum liberum expectarunt parentes ejus,
antequam concederent eam pro Isaac . 3. ex parte
finis, quæ est proles procreanda, ex quo nascitur in-
dissolubilitas vinculi. Sed ad istum requiritur ac-
tionem (Corporum) esse simpliciter liberam; quod
enim quis non diligit, facile contemnit. cap. præ-
sens; ergo &c.*

*Objic. 1. Coactio non impedit effectum baptismi;
ergo nec matrimonii. prob. ant. nam coactè baptiza-
tus potest cogi ad observantiam præceptorum; ergo
baptismus coactus valet.*

*Resp. neg. conf. & parit. Nam conditio baptizati fit
melior absolute, & sic quasi passivè se habens adopra-
tur in filium Dei, & mundatur à sorde peccati, sic
sufficit, ut se habeat passivè, sine proprio consensu,
ut patet in infantibus, qui sunt incapaces omnis con-
sensus: non ita est de matrimonio.*

*Objic. 2. Per metum non dirimitur matrimonium,
nec ut contractus, nec ut sacramentum; ergo nullo mo-
do dirimitur. prob. ant. 1. non ut contractus, quia me-
tus non dirimit alios; ergo nec istum . 2. non ut talis
contractus, sive, ut sacramentum, quia quoad hoc nihil
habet speciale præ aliis: sed alia non irritantur ex me-
tu; ergo si valet, ut contractus, ita & sacramentum.*

*Resp. neg. ant. nam irritatur in ratione contractus,
ob rationes allatas, sc. quia ex ratione sua specifica,
con-*

614 *De impedimentis matrimonii*

consistit in donatione mutua corporum ad proflificandum; donatio autem, & finis ille requirunt plenam libertatem, & necessario prodire debent ex amore, qui esse non potest sine libertate, & nihil magis nostrum est, quàm corpus nostrum. Hoc etiam speciale est in isto contractu, quòd alii rescindi possunt auctoritate principis, si partes in illis lædantur, vel ex mutuo illarum consensu; hic verò est prorsus indissolubilis; ergo plus exigit libertatis, ut fiat validè.

Objic. 3. Metus non magis cogit, quàm promissiones & blanditiæ: sed ista non cogunt, sed tantum inducunt; ergo & minæ non cogunt; ergo non magis irritant per metum, quàm blanditiæ, aut promissiones per spem, aut desiderium.

Resp. neg. maj. nam inductio per minas, & metum plus habet de involuntario: voluntas enim odit objectum, v. g. personam, & media ipsa, seu mala, quorum metu fit inductio: blanditiæ verò placent, & alliciunt, non impellunt. Minæ irritant, & displicent; promissiones, & blanditiæ excitant ad amorem, & sic augent libertatem.

Objicies 4. cap. *Sicut nobis*, Innoc. III. decernit hominem cogendum esse ad observantiam regulæ, quam infirmus, & credens se moriturum, & metu mortis voverat: sed non major requiritur libertas ad matrimonium, quàm ad professionem validam; ergo metus etiam mortis non invalidat matrimonium.

Resp. neg. maj. nec enim talis est casus illius decreti, dicit enim Papa, *si habitum regularem se postulante recepit, ad observationem Religionis Canonice sua se professione ligavit. Ad resumendum habitum... iste cogendus*; ergo supponit voluntariam susceptionem, & professionem Regulæ.

Colligis ergo, quòd cum metus iste debeat esse gravis, ita ut sit cadens in virum constantem, causetque consensum involuntarium, non debet esse pura suspicio, sed metus realis, & ex rationabili existimatione mali gravis imminentis, quod minans possit inferre, & quod timens non possit facile vitare.

Mala autem, quæ possunt sic timeri, sunt, mors imminens, gravis cruciatus, mutilatio membrorum, ami-

amissio libertatis, captivitas, aut diutinus carcer, exilium, amissio dignitatis, aut status: infamia iuris, aut facti, stuprum, censuræ Ecclesiasticæ, jactura partis notabilis bonorum, &c. Metus, inquam, horum malorum, si ex negatione consensus in matrimonium incutiat, tollit voluntarietatem necessariam ad valorem matrimonii.

CONCLUSIO II.

Metus, seu vis, dirimens matrimonium debet esse ab extrinseco, & in ordine ad extirpandum consensum in matrimonium. Est communis.

Prob. 1. Quia veniens ab intrinseco, v. g. ex remorsu conscientiæ, aut apprehensione damnationis æternæ, aut mortis ex infirmitate, non infert violentiam, nec coactionem; & quæ fiunt ex tali metu, sunt spontanea; ergo non irritant matrimonia. prob. ant. ex cap. cit. *Sicut nobis*. Nam, ille Papa non vult solvere obligatione ab observantia regulæ virum, qui in extrema infirmitate professus erat Religionem: quia nemine ab extra cogente id fecerat. Item ex cap. *Cum locum*. Ubi Alex. III. decernit, quod *locum non habet consensus, ubi metus, vel coactio intercedit*. Sed coactio venit ab extrinseco; ergo quod fit ex metu veniente ab intrinseco, non fit invitè, nec coactè.

Unde si homo in extrema infirmitate timens damnationem proponat ducere concubinam, & eam ducat, validè facit: quia nemo eum ad id cogit. Idem est, si metu mortis imminenti ex morbo, cui non potest mederi nisi per matrimonii usum, statuatur nubere, vel nubat cum fœmina, quam aliunde non amabat; tales metus non irritant matrimonia, quia non coactè, nec invitè, sed spontè fiunt.

Confirm. ex dictis de attritione ex metu gehennæ; nam ad opera poenitentiae non minor requiritur libertas, & voluntarietas, quam ad matrimonium.

Probatur 2. p. Nam si iudex pronuntiet sententiam mortis in nobilem virum propter homicidium, & iste, ut vitet mortem, nubere velit cum iudicis filia, validè faciet, quia iudex non minatur mortem ex intentione illum inducendi ad nuptias cum filia, sed

Ad ad satisfaciendum obligationi suæ ex iustitia.

Confir. Quia metus, ut invalidet consensum, debet influere in illum ex intentione agentis: alioqui non extorquebitur ab extrinseco, sed veniet ab intrinseca voluntate contrahentis, & si vim aliquam patitur, eam patitur à se ipso. Ideo si infirmus ex metu mortis sibi ex morbo imminenti promittat ducere filiam medici, ut sui curam diligentiorē agat, vel quia hic sacusat curare illum, validè contrahit, quia metus ille non cadit, nec intenditur in finem extorquendi consensum illum: sed infirmus spontè eligit medium illud ad vitandam mortem.

Objicies 1. cap. *Gonsaldus*, & cap. *Perlatum*. Votum Religionis infirmi non tenet, si iste convalescens non ratificaverit, quia est ex metu mortis, & involuntarius; ergo idem est de matrimonio: sed ille metus non est ex causa extrinseca, neque ex intentione extorquendi consensum in illud; ergo &c. prob. 1. conf. Quia non major libertas requiritur in matrimonio, quàm in professione religiosa.

Respondeo neg. 1. anr. Nam ille defectus non est libertatis, sed considerationis, quatenus ille novitius professus fuerat, non ex sana mente, sed ex fervore doloris, nec annum probationis expleverat, ut præscribunt Regulæ, ideo; nequidem valuit renuntiatio beneficii. Casus 2. Capitis favet potius nobis: nam illa mulier intraverat monasterium coacta. Ut patet in textu.

Objicies 2. Metus quicumque inducit ad consensum; ergo vel numquam, vel semper irritat consensum. prob. conf. non enim consentiretur cessante metu; ergo &c.

Resp. neg. conf. Nam, cum metus venit à causa externa, ut extorqueatur consensus, iste est verè coactus, quia venit contra omnem inclinationem personæ, quando autem venit ab intrinseco, vel causa naturali, vel ex alio motivo, ut causa inferentis metum, ut ex parte iudicis, qui agit ex motivo iustitiæ, eligitur consensus liberè ad vitandum supplicium iuste infligendum.

Inst. 1. Semper malum imminens est causa talis electionis consensus; ergo semper consensus est minus liber.

ber; prob. ant. nam cessante causa illa, reus non cogitaret, nec vellet illud matrimonium.

Resp. dist. conf. Minus liberum per accidens, & secundum quid; con. per se, & sufficienter ad coactionem: neg. conf. nam, ut dicebamus, illud medium, & electio ad vitandam mortem, est à reo, non ab intentione iudicis.

Instabis 2. Si iudex procederet ex intentione extorquendi consensum, non magis, nec minus extorqueret illum, quam cum iuste procedit; ergo consensus est æquè, ac utrobique coactus, & irritus, vel numquam.

Resp. dist. ant. Non magis quoad effectum; con. quoad causam: neg. ant. nam in 1. casu metus directè incutitur ex intentione cogendi ad consensum in matrimonium: & est ab ipso iudice: in 2. verò, cum iudex nihil cogitat de matrimonio, intendit solam punitionem criminis; & electio matrimonii est à solo reo ad vitandam pœnam.

CONCLUSIO. III.

Metus etiam iuste illatus à persona privata irritat matrimonium; non autem illatus à iudice, aut principe.

Suppono, quod metus dicitur iuste incuti, vel ex parte objecti, quando id, quod timetur, est verè in se malum grave, & prudenter creditur imminere, nisi fiat id, quod proponitur faciendum, nec possit aliter vitari malum illud, quam faciendo id, quod proponitur; v. g. quàm consentiendo in matrimonium. Vel 2. ex parte objecti simul, & personæ; quando sc. ille, qui minatur illud malum, habet jus, & potestatem inferendi illud, ut princeps, & iudex: & è contra dicitur iniustus ex parte personæ, quando ille, qui minatur, non habet jus, aut potestatem illam, nisi per injuriam: ut si homo privatus minatur mortem viro, quem reperit stuprantem cum puella, nisi eam ducat in uxorem.

Rursus, metus est iustus ex parte agentis ex causa, quando præcessit legitima causa minarum; ut si iudex minetur mortem, aut carceres, nisi stuprator ducat puellam, quam sub spe matrimonii defloravit. Vel est iniustus ex defectu causæ, quando iudex intonat,

&

618 De impedimentis matrimonii

& minatur pœnas illas, & mala gravia ex propriæ voluntatis arbitrio, ut hominem cogat ad nubendum; & tunc metus est injustus. Hic suppositis.

Probatur 1. Nam cap. *veniens*, Alex. III. audiens, quod pater cujusdam puellæ, cum invenisset eam in lecto cum quodam viro pernoctasse, coegit illum nubere per verba de præsentī, Papa jubet, ut vir ille naneat cum ipsa, nisi metu coactus, qui posset cadere in virum constantem, eam desponsaverit; ergo censet talem metum, quantumvis justum, & à persona privata incussum, irritare matrimonium. Nam ille metus erat justè incussus, sed pater erat persona privata.

Confir. ex cap. *Abbas*, ubi Glossa dicit, quòd *qualiscumque metus interveniat in casu matrimonii, siue culpa sua, siue sine culpa, matrimonium contractum per metum non tenet*. Quia matrimonia debent esse libera; & ubi metus, vel coactio intercedit, consensus non potest esse liber. Item cap. *Gemma mulier*. Gregor. IX. non patitur in matrimonio, nequidem metum pœnæ ex parte conveniæ, & impositæ à parentibus contra sponsores resiliētes cū matrimonia debeant esse libera, ideo talis stipulatio propter pœnæ impositionem merito improbanda est. Et Glossa addit, quòd, *matrimonia, siue sponsalia libera debent esse ab omni coactione personæ; vel pecuniæ, ergo quicumque metus, etiam justus, influens in matrimonium irritat illud*.

Prob. 3. Nam quoad libertatem, perinde est, quòd metus justè, vel injustè inferatur, hoc ipso, quod causatur ab illegitima potentia ad extorquendum consensum.

Prob. 2. p. ex Script. dicente, si quis seduxerit virginem nec dum desponsatam, dormieritque cum ea, dotabit eam, & habebit eam in uxorem. Et alibi, Si invenerit vir puellam virginem, quæ non habet sponsum, & apprehensam concubuerit cum illa, & res ad judicium venerit, dabit, qui dormivit cum illa, patri puella quinquaginta siclos argenti, & habebit eam uxorem; ergo metus ex causâ, & à iudice illatus ex lege divina non irritat matrimonium.

Prob. 2. Nam tunc non tam ab homine, quam à lege

[1] de spons.

lege, & ex propria culpa imminet illud malum; ergo non tam ab extrinseco, quàm ab ipso timente venit metus; ergo non est propria coactio.

Objic. con. 1. p. Metus non aliter extorquet consensum illatus à iudice, quàm à persona privata, & iustè, vel iniustè; ergo vel utrobique dirimit, vel nullibi. Prob. ant. utrobique est idem objectum, sc. idem malum; & eadem causa extrinseca; ergo

Resp. neg. utrumque ant. nam, cum iustè infertur, & à iudice lex, seu ratio, & iustitia, & culpa, urget ab intrinseco ex parte conscientiae, ad vitandum peccatum grave, & hæc non adsunt in metu iniusto, & illato à privata persona: tunc tota vis est ab objecto, & à minante malum.

Inst. ratio, & conscientia potius urgent stupratorem ad nubendum, & augent vim, & minuunt libertatem; ergo magis debent invalidare consensum. Prob. ant. nam licet nullus minaretur mortem, aut aliud malum, adhuc stuprator teneretur ducere puellam ex conscientia, & lege, & ratione; ergo hæc augent vim.

Resp. neg. 1. ant. & 2. conf. nam licet ex parte causæ moralis sit eadem obligatio in utroque casu; non tamen ex parte causæ extrinsecæ metus; non enim tenetur stuprator obedire personæ privatæ, sicut legitimo iudici, & ideo causa illa metus est magis propriè cogens, & ab extrinseco.

CONCLUSIO IV.

Metus purè reverentialis, & sine minis, non dirimit matrimonium. Est communior.

Prob. 1. nam puella non dicitur consensisse invita, nisi parentes minas adhibuerint. Et cap. Ex liberis, dicitur, nolens, & invita minis parentum impulsam. Ideo dicitur, quod si nolit expectare, & de novo consentire, liceat alteri viro nubere. Et cap. Puellæ, Martinus decernit, quod puellæ, quæ non coactæ parentum imperio, sed spontaneo iudicio virginittatis propositum, & habitum susceperunt, si postea nuptias eligunt, prævaricantur; ergo timor purè filialis, seu reverentialis non dirimit matrimonium se solo, bene verò, si adsint minæ, quia inducunt coactionem.

Prob.

620 De impedimentis matrimōnii

Prob. 2. nam metus purè reverentialis non tollit libertatem sufficientem ad validam professionem; ergo nec ad validum matrimonium, non enim ad istud requiritur major libertas, quàm ad illam, ant. patet ex can. cit. nam cap. *Quamvis* Bonifac. VIII. decernit, quòd peccatum filiae in favorem patris ex solo metu reverentiali factum cum juramento valere debet, ergo &c.

Confir. Nam ex iisdem decretis, ut metus irritet matrimonium, debet esse gravis & cadens in virum constantem, & venire ab extra: sed metus purè reverentialis non est talis, non habet malum grave pro objecto, nec imminens, & venit ab amore, & reverentia interna filiorum in parentes, aut subditorum in superiores, potius quàm à causa externa; ergo &c.

Confir. 2. Nam plures Theologi, & Canonistæ, vix putant metum illum, etiam cum minis paternis sufficere ad dirimendum, quia ex effectu patris præsumitur non sæviturus, nec verberaturus: id. non inferet mala, quæ minatur; ergo minæ paternæ non extrahunt metum extra ordinem reverentiæ.

Q U Æ S T I O IV.

De impedimento conditionis.

PLures sub hoc titulo agunt de conditionibus, non in proprio sensu, quatenus reddant contractum *conditionalem*, oppositum *absoluto*; sed prout significat conditionem, seu qualitatem personæ; quæ sit libera, aut serva, nobilis, aut ignobilis, quod displicet Scoto. Nam, inquit, per impedimentum *conditionis*, Canonistæ intelligunt illud, quod oritur ex consensu dato sub conditionibus oppositis bono matrimōnii. De hoc jam pauca diximus ab initio; sc. consensum debere esse absolutum.

Conditio est suspensio actus, seu contractus ex eventu futuro. Alia est *necessaria*, quæ licet non apponeretur contractui, adhuc subintelligeretur, & implicite continetur in omni contractu, ut si vir dicat, *accipio te, si tu es famina*. Licet enim hæc non adjiceret, adhuc subintelligeretur, quasi apposita. Alia est *contingens*, quæ potest abesse, vel adesse, ut

¶ di-

si dicas, accipio te, si tu es Virgo, vel, si habes tantam dotem. Et istæ sunt, vel de futuro: Ut ista, si deris tantam dotem; vel de præsentī, ut illa, si tu es Virgo, vel de præterito: ut accipio te, si non peccasti, &c.

Rursus, contingentes, aliæ sunt turpes, ut, accipio te, si velis adulterare cum amicis meis; Aliæ, honestæ, ut si velis identidem abstinere à copula, ut vacemus orationi. Inter Turpes, aliæ sunt contra bonum matrimonii, ut accipio te, si velis impedire conceptionem: alia non ita, ut, si velis furari. Denique aliæ sunt possibiles, ut prædictæ, aliæ impossibiles, ut accipio te, si tangas digito solem, &c. Quærimus quænam harum conditionum dirimant matrimonia, si apponantur contractui conjugali.

CONCLUSIO I.

Conditio apposita contractui dirimit matrimonium si sit contraria substantiæ, seu bonis ejus; non vero si sit impossibilis, vel turpis.

Prob. 1. ex Scoto. [1] Contrahentes sub aliqua conditione repugnante alicui istorum trium bonorum nihil faciunt, puta contra 1. si dicas accipio te, donec occurrat magis placens (sc. apponitur insolubilitati matrimonii) vel accipio te, ita ut non tenear servare tibi fidem, &c.

Prob. 2. Qui apponit conditiones contrarias substantiæ, vel bonis, ac finibus matrimonii, non vult verum matrimonium: seu non consentit in illud: sed sine consensu illud non valet; ergo illæ conditiones dirimunt.

Prob. 3. Nam cap. si conditiones, Gregor. IX. dicit, si conditiones contra substantiam conjugii inferuntur, puta, si alter dicat, contraho tecum, si generationem prolis evites... matrimonialis contractus, quantumcumque sit favorabilis, caret effectu. Et pro 1. p. pro 2. autem. Licet aliæ conditiones appositæ in matrimonio, si turpes, aut impossibiles fuerint, debeant pro non adjectis haberi. Idem quoad 1. p. statuerat Innoc. III. C. Tua nos; ubi

[1] d. 31. E. 7.

622 De impedimentis matrimonii

ubi decernit nullum esse matrimonium, cum in eo, nec substantia conjugal contractus; nec forma contrahendi conjugium valeat inveniri; sc. cum falso nomine, & cum sola voluntate fornicandi, nubere finxerant: sed in contractibus sic conditionatis non apparet substantia contractus conjugal; ergo &c.

Prob. 2. p. tum ex Can. cit. Gregorii IX. tum ex regula, quam ibi ponit; sc. Ecclesia tales conditiones, (sc. impossibiles; aut turpes) vult haberi pro non apposis; ergo &c.

Objic. con. 1. p. Conditiones turpes non dirimunt; sed quæ sunt contra substantiam conjugii, sunt turpes; ergo &c.

Resp. dist. min. Turpitudine apposita honestati virtutis, con. apposita honestati pudoris, neg. min. v. g. conditio excludens generationem est peccaminosa, & irrationabilis, sed non contra pudorem; sicut nec illa, qua contrahit ea conditio, ut non teneatur reddere debitum conjugale.

Objic. 2. Possunt conjuges validè contrahere cum pacto mutuo intrandi Religionem, aut continentiae perpetuæ; sed illæ conditiones opponuntur substantiæ, & bonis matrimonii; ergo istæ non invalidant.

Resp. dist. min. Opponuntur, secluso privilegio, con. supposito privilegio divino, neg. min. nam, quod post contractum matrimonium possit unus, vel uterque conjux intrare Religionem, aut vovere castitatem perpetuam, privilegium est Divinum. Si verò unus tantum intraret, aut voveret, fateor non subsistere matrimonium, de quo diximus, ubi de insolubilitate.

Præterea, conditio illa non esset contra primariam essentiam conjugii, quæ consistit in mutua traditione dominii corporum; nam dominii jus separari potest ab usu, ut diximus de matrimonio Deiparæ Virginis cum S. Joseph; nam illud fuit verum, quamvis ambo vovissent virginitatem perpetuam.

CONCLUSIO II.

Appositio conditionis de præterito, vel præsenſi, ſi hæc non exiſtat, dirimit matrimonium: non autem, ſi ſit impleta.

Prob. 1. quia ſi non ſit poſita, nullus eſt conſenſus, & ſi ſit poſita, conſenſus eſt verus, & nihil deeſt ad valorem conjugii: v. g. ſi quis dicat, *Accipio te in meam, ſi fuiſti baptizata, vel ſi es virgo*. Validitas hujus contractus pendet ab exiſtentia hujus conditionis; ſc. baptiſmi, aut virginitatis. Si non fuit baptizata, aut ſi non eſt virgo, non vult eam. Hoc per ſe patet ſatis.

Objic. 1. Formæ Sacramentorum non ſunt conditionatæ; ergo nec intentiones miniſtrorum.

Reſp. neg. conf. quidquid ſit de ant. Nam ſi baptizans diceret, *ſi non es baptizatus, ego te baptizo*, vere baptizaret infantem non baptizatum, aut nihil faceret, ſi jam eſſet baptizatus. Imo, forma illa licet prolata absolute, æquivaleret; ergo appoſitio talium conditionum non nocet valori ſacramenti, maximè ſi conditiones ſunt neceſſariæ. Sed aliud eſſet, ſi diceret, *ſi es femina, ego te baptizo*. Nam hæc conditionalis non ſubintelligitur in forma absolute, & prolata ſuper puerum maſculum, nihil faceret, & ita eſt de virginitate in caſu objectionis.

Inſt. effectus ſacramenti non pendet niſi à materia, forma, & intentione miniſtri; ergo non pendet à conditione.

Reſp. neg. conf. Nam conditio continetur in intentione miniſtri, qui non vult facere ſacramentum, niſi ſub conditione poſita, modò hæc non ſit contraria ſubſtantię illius.

Objic. 2. ſi poſſent apponi tales conditiones, ſponſi non poſſent ab invicem petere, & reddere debitum; ergo non valeret matrimonium. Prob. ant. non poſſent petere, nec reddere, donec certi eſſent de exiſtentia conditionis: ſed hæc certitudo non citò, nec facile haberi poſſet; ergo &c.

Reſp. neg. conf. nam licet non poſſent petere, nec reddere debitum, donec certi eſſent de exiſtentia conditionis, non minùs tamen à parte rei matrimonium valeret, ſi à parte rei conditio exiſteret. Ita eſt de nullitate.

C O N-

CONCLUSIO III.

Conditio de re possibili, & non turpi, non dirimit matrimonium.

Prob. 1. nam cap. *Super eo*, Urbanus III. decernit circa virum, qui consensit in mulierem, si pater ejus daret assensum. Quod cum consensus liber dici non possit, qui in alieno arbitrio reservatur, ac conditionem ipsam canonica non improbet statuta: nisi voluntas patris postmodum intercedat, nequaquam (ille vir) cogendus est ad consummandum matrimonium; ergo Ecclesia non improbat conditiones honestas de re futura, in matrimonio, & illæ suspendunt consummationem, donec conditiones sint impletæ, tunc autem matrimonium tenet.

Confir. ex glossa ejusdem. Nam, inquit, *Matrimonium contrahitur sub conditione, sicut emptio, & alii contractus... Matrimonium contrahi potest sub conditione: non tamen tenet, nisi conditio extiterit, vel nisi recessum sit à conditione per contrarium effectum: v. g. si non expectato consensu patris consummassent matrimonium, quia tunc censebantur recessisse à conditione.*

Prob. 2. nam idem est de hoc contractu, ac de aliis: sed alii possunt fieri sub talibus conditionibus, nec ligant ante positionem conditionis in esse; ergo &c.

Objic. 1. non dantur sacramenta sub conditionibus de futuro; sed matrimonia catholicorum sunt sacramenta; ergo non possunt fieri sub conditione de futuro; prob. maj. sacramenta agunt, ut causæ naturales; ergo non expectant futurum, sed agunt statim, ac existunt, & operantur statim independenter à conditione de futuro.

Resp. dist. conf. sub conditione de futuro in ratione sacramenti: con. in ratione contractus, neg. conf. Nam in ratione contractus eadem est ratio de isto, ac de aliis: in ratione autem Sacramenti non existit ante impletam conditionem, qua impleta, transit in absolutum.

Inst. non potest fieri sacramentum, nisi adsint materia, & forma ejus. Sed hæc non adsunt realiter pro instanti, quo ponitur conditio; ergo tunc non fit sacramentum; prob. min. tunc non adsunt verba, aut signa exprimentia consensum; ergo &c.

Resp.

Resp. dist. maj. nisi adsint physicè, aut moraliter, seu virtualiter, con. nisi adsint physicè. neg. maj. & min. nam signa consensus durant moraliter, & virtualiter, donec tempus complendæ conditionis transierit, aut de facto impleta fuerit, & hoc sufficit pro hoc Sacramento, cuius tota essentia consistit in aliquo ente morali.

Obijc. 2. Si fiat matrimonium sub conditione de futuro, possunt sponsi ante illam impletam recedere vel à conditione, vel à consensu, sed conf. est falsum, ergo &c. prob. maj. nam alii contractus sic possunt dissolvi; ergo & iste.

Resp. 1. neg. min. nihil enim vetat sponso sic posse recedere, sicut possunt in sponsalibus. Nam illud matrimonium habet tantum vim sponsaliorum, donec impleta sit conditio. Ideo potest eodem modo resolvi.

Resp. 2. neg. maj. nam si tempus præfigatur, intra quod debet impleri conditio, non possunt recedere intra illud tempus; saltem licitè, sed peccaret, qui recederet sine iusta causa, & quidem contra fidelitatem.

Quæres, an quando impletur conditio, & ut fiat Sacramentum, requiratur novus consensus, qui sit absolutus.

Resp. non requiri; modò tempore consensus conditionati non adesset aliud impedimentum, & ante eandem impletam non retractaverint.

Ratio est, tum quia nisi sufficeret prior consensus, ille superfluous fuisset, nec dici posset, quod matrimonium suscipiat conditionem, & consensus deberet semper esse absolutus. Tum quia Urbanus 3. cit. non diceret, quod conditionem non improbant canonica instituta.

Dices: ex hoc canone colligitur contrarium. Nam Papa dicit, quod nisi voluntas patris postmodum intercedat, vir ille non est cogendus ad contrahendum; ergo supponit, quod de novo debet consentire, seu contrahere posita conditione.

Resp. neg. 1. ant. & 2. conf. nam *ly contrahendum* ibi significat consummationem matrimonii, non autem novum contractum. Nam, inquit glossa; *hoc facia conditio apposita, quæ suspendit contractum usque ad tempus conditionis extantis*; ergo conditio non invalidat primum consensum, sed solum suspendit; sed quod suspenditur, non eget iteratione; ergo &c.

626 *De impedimentis matrimonii*

Inst. Prior consensus erat de præsenti, sed non valuit de præsenti, propter conditionem; ergo Papa merito requirit novum consensum, qui sit de præsenti.

Resp. dist. maj. erat de præsenti quoad verba, & grammaticaliter, con. quoad sensum, & effectum vinculi, neg. maj. erat ergo de præsenti, non pro præsenti, sed pro tempore impletæ conditionis; sc. quando pater consenserit.

Quæres 2. *Cur voluerit Ecclesia conditiones impossibiles, & turpes haberi, ut non possitas.*

Resp. quia non præsumpsit fideles velle Sacramentum pendere à talibus conditionibus, & illud exponere tam evidenti nullitati, & sic deterret eos ab illarum usu; declarando, quòd non favebunt eorum fraudibus, qui eis se vellent tegere. Ideo consensus dati sub illis conditionibus habendi sunt, ut absoluti.

QUÆSTIO V.

De impedimento servitutis, seu conditionis personæ.

Quia, ut dicebamus, multi sub impedimento conditionis agunt de conditione, & qualitate personarum nubentium, non incongruè hic immediate agimus de illo sub hoc eodem nomine. Potest etiam examinari sub impedimento erroris; an sc. error circa conditionem personæ dirimat matrimonium.

Porro servitus est triplex. 1. *vera*, & *rigorosa*, qua homo sic subicitur alteri, ut iste, sc. dominus, possit vendere servum, ut pecudem (ait Scotus [1]) & tales, dicuntur *mancipia*. 2. *adscriptitia*, qua quidam sunt addicti certis operibus, v. g. culturæ agrorum, ea conditione, ut fructus eorum pertineant ad dominum deductis victu, & expensis, ideo dicuntur *adscriptitii*. 3. *Originis*, & est eorum, qui nascuntur ex præcedentibus, seu ex *adscriptitiis*. Et dicuntur *servi originarii*. Non agimus de his duobus ultimis, sed de solis primis, & quærimus, an illa servitus sit impedimentum dirimens.

Agitur de servitute absolutè, & secundum se, non de ignorata ab altero sponsorum; certum enim est, quod

[1] d. 36. A. B. 2. 3.

quod si liber nubat cum servo, quem credit liberum sic error dirimit matrimonium, ut dicemus infra de impedimento erroris.

CONCLUSIO I.

Hodie servitus illa non est impedimentum dirimens: sed tales servi possunt nubere, etiam invito domino.

„ Prob. 1. ex Scoto, servus contrahere potest
 „ matrimonium de voluntate domini, & si onus
 „ matrimonii sit in aliquo repugnans consuetis ser-
 „ vitiis, dominus concedens sibi contrahere, rela-
 „ xat sibi implicite illa servitia.... potest etiam con-
 „ trahere invito domino, pro quanto habet aliquid
 „ juris in corpore suo, non enim privavit se quacum-
 „ que libertate ad quoscumque actus. Et pro quan-
 „ to corpus ejus est suum, potest illud commutare
 „ cum alio, quia si alius, sive servus, sive liber
 „ velit esse contentus illa modica potestate; sive ad
 „ modicum usum, quem scit eum posse dare, bene
 „ potest sibi ipsi præjudicare, & tenet commutatio.
 „ Habes hic totam conclusionem, sed breviter infra di-
 „ cit, quod servitus non impedit, si non sit ignota.

„ Prob. 2. ex SS. decretis. Nam cap. Omnibus, Ju-
 „ lius 1. dicit, quod omnibus nobis unus est pater in
 „ coelis, & unusquisque dives, & pauper, liber, &
 „ servus æqualiter pro se, & animabus eorum ratio-
 „ nem est redditurus. Quapropter omnes cujus-
 „ cumque conditionis sint, unam legem (quantum ad
 „ Deum) habere non dubitamus... ergo sicut inge-
 „ nuus dimitti non potest, sic nec servus semel conju-
 „ gio copulatus, ulterius dimitti poterit. Et in Con-
 „ cil. apud Vermeriam coram Pepino dicitur, quod, qui
 „ ancillam duxit putans eam esse liberam, si postea dete-
 „ gat servitutem, eam redimat, si potest; si non potest,
 „ & si voluerit, aliam accipiat; si autem ancillam
 „ eam scierat, & collaudaverat, prout legitimam
 „ eam habeat, similiter ingenua de servo alterius
 „ facere debet; ergo servitus non est impedimentum
 „ dirimens nisi in casu erroris. Idem patet ex cap.
 „ Si fœmina; ubi idem Concil. Si fœmina ingenua
 „ acceperit servum, sciens, quod servus esset, habeat
 „ eum. Et cap. Dictum est, Concil. Cabilon. prohi-

628 *De impedimentis matrimonii*

bet, ne conjugia servorum dirimantur, etiam si diversos dominos habeant. Et cap. Dignum est, Adrianus ait, nec inter servos debet matrimonium prohiberi, & si contradicentibus dominis, & invitis, contracta fuerint, nulla ratione sunt propter hoc dissolvenda.

Prob. 3. ratione Scoti, nam servi non privant se omni jure corporis sui, ita ut non possint eo uti ad actus naturales, quales sunt matrimoniales; ergo possunt ad illos actus corpora sua commutare per legitimos contractus matrimonii.

Dixi, *hodie præcipue*, à 5. aut 6. sæculis. Nam videtur, quod tempore D. Basilii Magni, non valebant; scribit enim ad Amphilochem, *Quæ propter domini sententiam se viro tradidit, fornicata est. quæ sine iis, qui habent potestatem fiunt matrimonia, sunt fornicationes*. Et id videtur colligi ex verbis cit. Concil. Cabil. II. an. 813. nam postquam dixit, *non debere dirimi servorum conjugia*, addit, *ubi legalis conjunctio fuit, & per voluntatem dominorum*; ergo videtur, quod nisi adesset consensus dominorum, servitus erat impedimentum dirimens. Notat tamen Magister, quod hoc non obstante, multi putant valida fuisse illa, quæ fiebant insciis dominis.

Objic. 1. Nemo dat, quod non habet, sed servus non habet dominium sui corporis; ergo non potest illud dare conjugi. Prob. min. Dominus uti potest ad libitum corpore servi sui; ergo iste non habet dominium ejus: matrimonium autem consistit in mutua traditione corporum inter conjuges.

Resp. cum Scoto dist. min. non habet quoad omnem usum, con. quoad aliquos actus, & usus, neg. min. nam quoad actus naturales edendi, bibendi, dormiendi, & similes, quibus non minuuntur domini obsequia, & qualis est actus conjugalis, servi habent potestatem corporum suorum.

Objic. 2. Servi jubentur obedire dominis suis in omnibus, sed non possent ita obedire in conjugio, nam inquit idem Apost. *Qui cum uxore est, ne quidem cogitat, quæ Domini sunt, sed quomodo placeat uxori, & divinus est*; ergo multò minus poterit uxoretus cogitare, quæ sunt domini temporalis.

Resp. dist. maj. In omnibus, quæ non sunt juris natu-

ræ, & Dei: con. in omnibus absolutè, & simpliciter: neg. maj. nec enim hoc intendit Apostolus. Idem respondetur ad alios textus. Nam habens uxorem impendit ei officia, quæ non spectant ad dominum, & sic non facit huic injuriam.

Inst. Servus non potest satisfacere legibus matrimonii; ergo &c. prob. ant. 1. non potest cohabitare, sc. si dominus mittat eum in longinqua, & ibi vendat eum: sed hoc contra bonum, & leges Sacramenti; ergo &c. 2. cum alter peteret debitum, ille cogeretur adstare domino: quod est contra bonum fidei. 3. Non posse vacare educationi filiorum, quod est contra bonum prolis; ergo matrimonium servorum est contra leges matrimonii, & bona ejus.

Resp. neg. ant. & 2. conf. Nam in 1. casu deberet uxor sequi virum; 2. casus est purè metaphysicus, & illo urgente deberet satisfacere debito conjugii, quod est strictius. 3. posset educari proles ex charitate propinquorum, aut reipub. ut solet.

Objic. 3. Servus invito domino profiteri non potest Religionem; ergo nec nubere. Patet conf. nam causa Religionis est favorabilior. Ant. prob. ex cap. *Generalis*, & cap. *dimittuntur*, ubi Gelasius, & Leo prohibent admitti servos ad Religionem invitis dominis, & multò minùs ad ordines Sacros; ergo &c.

Resp. neg. conf. Nam, inquit Doctor, per Religiosam professionem, totus homo totaliter subtrahitur domino temporali, & subjicitur prælato, non ita est de matrimonio, per quod non subtrahitur nisi quoad pauca, quæ non impediunt principalia obsequi debita illi domino.

Dixi, *etiam invito domino*. Nam ille non habet jus hoc prohibendi, quia, quoad hoc servi non subduntur illis, sed utuntur jure naturæ, & ut loquuntur SS. *Canones* cit. [1] *In Christo, neque liber, neque servus est à Sacramentis Ecclesiæ removendus; ita nec inter servos debent matrimonia ullatenus prohiberi. Et, si contradictionibus dominis, & invitis contracta fuerint, nulla ratione propter hoc dissolvi debent.* Tota ergo conclusio fundatur in Doctrina Ecclesiæ.

Quæres, *An dominus possit distrahere servum ab usu matrimonii contracti ipso invito?* nam si consenserat

D d 3

sal-

[1] *Adri. 3. de conj. serv. a. 1.*

630 *De impedimentis matrimonii*

saltem negativè, censetur quoad hoc cessasse juri suo ; si aliquid habebat .

Resp. Non debere , nec posse rationabiliter , nam hoc ipso, quod matrimonia servorum , etiam invitis dominis , sunt valida , & justa , ita & consequentia cum eis naturaliter connexa , qualis est usus matrimonii . Denique si dominus non potest prohibere , ne nubant , multò minùs impedire potest , ne utantur matrimonio , & ejus officia faciant .

Quæres 2. *An in concursu obligationum matrimonii, & servitutis, prævaleat conjugalis.*

Resp. Prævalere conjugalem, maximè si in uno conjugum adsit periculum peccati .

Ratio est , quia sicut jus nubendi prævalet alteri , ita & jus præstandi connexa cum matrimonio prævalet aliis obligationibus .

Dixi , maximè si adsit periculum peccati ex una parte , quia tunc salus animæ , & ubi agitur de offensa Dei vitanda , nihil huic obligationi prævalere potest .

Confir. ex Apost. *Propter fornicationem unusquisque suam uxorem habeat ; uxori vir debitum reddat , &c.*

Confir. ex cap. *Dignum est* , ubi glossa notat , [1] *Dicunt quidam , quòd potius obediendum domino , nisi periculum fornicationis timeatur , vel magnum præjudicium fiat uxori , sed potius videtur , quod debitum reddat uxori . . . Quia sic nullum , aut modicum præjudicium fit domino . Denique altiori jure debetur obedientia in matrimonio , quàm in servitute .*

Dices : Adrianus dicit , quod servi uxori tenentur præstare dominis debita , & consueta servitia ; ergo hæc obligatio prævalet conjugali .

Resp. dist. ant. consueta servitia , quæ non præjudicant juri naturali . & divino , con. si præjudicant uni , vel utrique illi juri ; neg. ant. obligatio conjugalis venit ex jure naturali , & divino .

QUÆSTIO VI.

De impedimento erroris.

Suppono ex dictis de voluntario, quod ignorantia est privatio cognitionis: & dicitur *simplicis negationis*. Error verò est iudicium perversum intellectus, & dicitur ignorantia *perversæ dispositionis*. Et utraque impedit voluntarium. Ideo error ponitur inter impedimenta dirimentia matrimonium, quia cum debeat esse maximè voluntarium, seu liberum, omnis defectus libertatis illi repugnat.

Rursus duplex est error. 1. circa *substantiam* personæ, ut si pro Rachele supponatur Lya. 2. circa *qualitatem* personæ, ut si pro libera substituaturserva, aut pro virgine, vidua, aut pro divite, pauper.

3. Error alius est *antecedens*, qui est causa contractus, ita ut vir ille non contraheret, nisi erraret. Alius est tantum *concomitans*, qui quidem inest, dum contrahitur, sed non est causa contractus, quia hic fieret, etiam si abesset error: v. g. si Jacob sic fuisset dispositus, ut non minus duxisset Lyam, si eam scivisset sibi apponi pro Rachele; quod notandum valde in hac materia.

CONCLUSIO I.

Error circa substantiam personæ est impedimentum dirimens. Est communis.

Prob. 1. ex Scoto. [1] Error, si ve apprehensio erroris quantum ad omnem conditionem requisitam per se ad contractum facit contractum nullum esse. Sunt autem in genere tres tales conditiones; duæ ex parte personarum, una, quod hæc persona putetur esse illa, alia, quod persona serva, putetur esse libera. 3. ex parte contractus, &c. De primo errore patet, quod impedit omnem venditionem. Idem est de 2. Quia servus non potest dare potestatem sui corporis liberi, sicut illa è converso, &c. sc. non potest adeo liberè, nec plenè commutare servus, sicut liber; licet possit aliquantulum.

Prob. 2. Nam matrimonium essentialiter fit ex con-

Dd 4

sensu

[1] d. 30. q. 1. A. 2.

sensu duorum: sed in errore personæ non est consensus duorum; ergo &c. prob. min. nam qui errat, non sentit; ergo nec consentit; & ut loquitur Innoc. III. cap. *Tua nos*, in tali errore, *deest omnino consensus, sine quo cætera nequeunt factus perficere conjugale.*

Confirmatur ex eodem Scoto post Gratianum. Si quis venderet mihi aurichalcum pro vero auro, non teneret venditio; ergo *sicus error materiæ excludit consensum, ita in matrimonio error personæ, excludit enim consensum.*

Dices, id quidem esse verum de errore antecedente, non de concomitante.

Contra. Nam licet error concomitans non involvat dissensum positivum, non habet tamen consensum nisi negativum: sed ad matrimonium requiritur consensus positivus, & hunc impedit error concomitans; ergo hic error dirimit. Prob. maj. Sponsus non cogitat positivè nisi de Anna, & nihil de Berta, quæ substituitur pro Anna, & quam ducit putans eam esse Annam; ergo non consentit verè, nec positivè in Bertam; ergo nec verè nubit cum illa, licet fortè in eam consensisset, si de illa cogitasset.

Obj. c. 1. Matrimonium Jacob tenuit cum Lya, sed hoc fuit cum errore, saltem comitante; ergo hic non dirimit. prob. min. nam constat, quod Jacob non cogitaverat nisi de Rachel, pro qua servierat 7. annis; ergo &c.

Resp. dist. maj. tenuit ex consensu sequenti: con. ex consensu antecedenti, vel comitanti: neg. maj. & conf. Jacob, detesto errore, & fraude, consensit in Lyam, quam noluit dimittere audita ratione Labani dicentis debuisse prius collocari primogenitam, sed retenta Lya, voluit adhuc Rachelem, pro qua servivit aliis 7. annis; sed ante ratificationem illam non erat matrimonium cum Lya.

Inst. 9. Copula illa fuit fornicaria etiam in Jacob, cujus error non fuit invincibilis: sed hoc dici non potest de sanctissimo Patriarcha; ergo dicendum potius, quod valuit matrimonium.

Resp. dist. conf. fornicatia materialiter, con. formaliter, ita, ut Jacob peccaverit, neg. conf. quia ignorans fecit nequidem suspicans de errore, vel fraude, donec *facto mane, vidit Lyam, & conquestus est ad socerum*

rum Jacob, & Lyam non fecit conjuges consensus præcedens, sed subsequens, ait Gratianus.

Objic. 2. Multa alia facta ex errore tenent; ergo & matrimonium maximè consummatum.

Prob. ant. Jacob ipse subripuerat benedictionem primogenituræ fingens se esse Esau, & tenuit benedictio non obstante errore Isaaci; ergo &c.

Resp. neg. 1. ant. & dist. 2. Tenuit ex ratificatione sequenti, con. ex actu antecedenti, neg. ant. nam, inquit Doctor, Isaac sentiens se deceptum, *admirans expavit*, id. in extasim raptus, in qua novit à Spiritu S. eam benedictionem approbari à Deo. Unde & ab extasi rediens dixit, *Benedixi, eritque benedictus*.

Objicies 3. Si quis erret circa mores personæ, v. g. putans eam esse piam, castam, cum sit impia, & luxuriosa, error ille non dirimit; ergo nec si putet esse Annam, cum sit Berta. Prob. conf. nam defectus illi sunt graviores, quàm differentia individualis duarum fœminarum, & plus nocent bonis matrimonii; ergo &c.

Resp. neg. 1. conf. & 2. ant. nam in hac materia error circa individualem differentiam est substantialis, & circa mores est accidentalis reparabilis per correctionem, & pœnitentiam. Fortè tamen in foro conscientiae non teneret contractus iste ex errore gravi in moribus, sed non admitteretur in foro externo, alioqui nullum matrimonium esset cerrum; omnes prætenderent se deceptos.

Objic. 4. Saltem error concomitans non debet dirimere; ergo &c. prob. ant. nubens, & sic errans, non est determinatus ad certam personam, sed est indifferens ad hanc, vel aliam, ut sacerdos baptizans unum, quem putat alium; ergo &c.

Resp. neg. 1. ant. & dist. 2. conf. si sit ira dispositus, ut consentiat in personam præsentem, sicut sacerdos baptizans, con. si positivè, & explicitè intendat ducere unam, neg. conf. Nam ad matrimonium requiritur consensus utrimque positivus, nec sufficit negativus ex una parte, ut in baptismo: consensus autem in Bertam, quæ putatur esse Anna, non est positivus ex parte errantis.

CONCLUSIO II.

Error conditionis, seu circa qualitatem servitutis, dirimit matrimonium. Est communis.

Probat. 1. ex Scoto cit. nam matrimonium est permutatio potestatis corporis pro potestate corporis, servus autem non potest dare potestatem sui corporis liberæ sicut illa; & è converso... & per consequens, qui nescit eam qualitatem, non consentit scienter in servam.

Prob. 2. nam cap. ad nostram. Innoc. III. decernit, quatenus si constiterit, quod miles ignoranter contraxit cum ancilla, ita quod, postquam intellexit conditionem ipsius, nec verba, nec facta consenserit in eandem... contrahendi cum alia, liberam ipsi concedas facultatem. Idem dixit Alex. III. cap. proposuit, & Glossa ibidem: & ut notat Gratianus cit. Error personæ consensum non admittit. Et in Concil. apud Vermeriam, ut legitur cap. Si quis ingenuus dicitur, quod si ingenuus ancillam acceperit putans eam esse liberam, servitute detecta, si eam à servitute redimere potest, facias; si non potest, si voluerit, aliam accipiat, & vicissim mulier, &c. ergo Ecclesia censet errorem conditionis personæ quoad servitutem esse impedimentum dirimens.

Prob. 3. nam lumine naturæ patet non tenere pactum de commutatione rei liberè tractabilis cum re non sic tractabili: sed inter liberum, & servam talis esset permutatio, nam corpus liberi est liberè tractabile; non autem corpus servæ, quia servus non potest plenè disponere de se ipso, sed in multis pendet à dispositione domini sui, ut patet; ergo &c. prob. maj. nam matrimonium exigit, ut conjuges possint liberè uti corporibus ad invicem ad fines talis contractus.

Confir. nam in omni jure error invalidat contractum, in quo conditio unius fit notabiliter deterior: nam huic fit notabilis injuria, nec censetur consentire: sed in tali conjugio fit notabilis injuria personæ liberæ, & conditio ejus fit notabiliter deterior, tum ratione vilitatis, tum ex aliis incommodis gravibus; ergo &c.

Dico, error, nam si sciens, aut dubitans de illa conditio-

ditione, adhuc nubat; censetur consentire, & vel-
le: volenti autem non fit injuria.

Objicies 1. Servitus, ex se, non impedit matrimo-
nium; ergo neque impedit ex errore. patet ant. ex
dictis. prob. conf. nam ignorantia servitutis non mu-
tat naturam ejus.

Resp. neg. utramque conf. nam licet utrobique ser-
vitus sit eadem, non ita est de consensu: quia igno-
rans eam non vult eam, nec consentit in eam, ut il-
le, qui sciens ducit servam. Voluntas non fertur in in-
cognitum.

Objic. 2. Error ille non dirimit jure naturæ, nec po-
sitivo; ergo nullo jure. prob. ant. 1. non jure naturæ,
alioqui matrimonium non valeret cum serva cognita.
2. non positivo, nam istud non solet prohibere, nisi
quæ repugnant rationi; ergo &c.

Resp. neg. ant. nam ex utroque repugnat. 1. juri na-
turæ, quod in hoc contractu exigit liberum consen-
sum, & 2. indidem prohibetur jure positivo, sc. quia
alter decipitur, & admittitur, si reclamare velit con-
tra talem contractum, ut patet ex decretis citatis, &
ipso jure civili.

Objic. 3. Error circa alios defectus non dirimit; er-
go nec circa hanc conditionem. Non est enim major
ratio de isto, quàm de aliis. prob. ant. error circa vir-
ginitatem, aut munditiam corporis, v. g. circa le-
pram non dirimit; ergo &c.

Resp. neg. conf. nam si tales errores non dirimunt,
forte erit, quia non impediunt consensum eorum, qui
censetur deesse in errante circa servitutem. Possit et-
iam negari ant. nam qui sic exigeret virginitatem, aut
munditiam, ut essent conditiones, sine quibus non con-
sentiret, verè illi defectus dirimerent, saltem in foro
interno, ut dicebamus; imo & in externo, si publi-
cè de illis protestaretur.

CONCLUSIO III.

Error circa alias qualitates magis accidentales non
dirimit matrimonium.

Probat 1. ex Scoto cit. [1] nam error conditionis
melioris non dirimit, nec servitus, si non sit ignota. Et

D d 6

solum

[1] *ibid.*

636 De impedimentis matrimonii

solum errorem circa servitutem putat dirimere.

Prob. 2. ex Gratiano dicente [1] quod error fortunæ, & qualitatibus, non excludit consensum. Quæ nubis pauperi, putans esse divitem, non potest renunciare privi conditioni, quamvis erraverit, sicut qui emit agrum, aut vineam, quam putabat esse uberrimam, quamvis erraret in qualitate rerum, rem minus fertilem emendo, non potest venditionem rescindere: similiter, qui ducit uxorem meretricem, vel corruptam, quam putabat esse castam, vel virginem, non potest eam dimittere, & aliam ducere; ergo error circa tales qualitates non dirimit.

Prob. 3. nam si tales errores irritarent matrimonia, vix unquam ullum valeret: sed cons. est falsum, & absurdum; ergo &c. prob. maj. vix ullum est, in quo nubentes non putent, ac desiderent meliores qualitates, & conditiones in sponsis, quam quæ adsunt: sic perturbarentur omnes familiæ, & societates fidelium, quilibet posset dicere se deceptum; ergo &c.

Prob. denique. Nam error circa illas qualitates non impedit veritatem matrimonii quoad substantiam, sed solum quoad circumstantias accidentales: sed quamdiu valet consensus circa substantialia, manet contractus, & tenet; ergo & valet matrimonium.

Objic. 1. Error circa servitutem dirimit; ergo & circa alias qualitates. Prob. cons. aliæ plurimæ non sunt minoris momenti: v. g. si vir crederet, & intenderet non ducere nisi virginem, aut divitem, & inveniret corruptam, aut pauperem; ergo &c.

Resp. neg. 1. cons. & 2. ant. nam, ut diximus, servitus magis opponitur finibus matrimonii, ex defectu virginitatis, aut divitiarum mulier non sit minus apta ad reddendum debitum, & ad alia substantialia, sicut ex servitute, qua fit, ut non possit liberè adesse viro, sed sæpius cogitur abesse, &c.

Inst. Tam potest quis nolle consentire nisi in virginem, quam nisi in liberam: sed nisi mulier inventiatur libera, consensus erit nullus; ergo & nisi sit virgo.

Respondeo neg. maj. nam si exprimeret vir talem conditionem, non admitteretur ad contrahendum; quia illæ conditiones turbarent pacem societatis inter fami-

familias, & in societatibus. Et cum Ecclesia nolit errorem circa illas irritare matrimonia, ita non debet eas condiciones admittere. Si autem explicitè apponantur, & deficient, fateor irritari contractum, cum reperientur deficere, ut patet ex dictis de consensu conditionato. Sed, ut dicebam, imprudenter omninò permitterentur apponi, ob innumera gravia inconvenientia.

Objic. 2. ex philos. Error cujusque circumstantiæ tollit voluntarium, sed matrimonium debet maxime esse voluntarium, ut valeat; ergo ex quocumque errore circa notabiles qualitates dirimitur.

Resp. dist. maj. Tollit voluntarium secundum quid: con. maj. & neg. min. voluntarium simpliciter; neg. maj. & conf. Nam involuntarium leve, & secundum quid non dirimit matrimonium.

Objic. 3. ex Scoto, [1] in donatione non est justitia, si donans non merè liberaliter donat... *Non autem merè liberaliter donat, qui vel deceptus, vel quasi necessitate coactus donat, quia ignorantia, & aliqualis coactio, excludunt voluntarium simpliciter: sed minor libertas requiritur ad validum matrimonium, quàm ad donationem validam; ergo error de qualitate personæ sumendæ tollit libertatem necessariam, & irritat matrimonium.* prob. maj. nam inquit, *ex hoc sequitur, quod deceptus de eo, cui donat, quantum ad illam rationem, propter quam donat, non simpliciter donat.....* Si alicui, ut egeno, donat, qui non est egenus, hic injustè recipit, quia non est in donante voluntarium, propter conditionis ignorantiam, quam respicit in donando; ergo ex Scoto, error circa qualitates, etiam accidentales personæ, irritat donationem, seu contractum istum.

Resp. dist. maj. & ant. In puris donationibus, con. in donationibus conjugalibus, sicut & in aliis multis contractibus; neg. maj. & ant. nam in puris donationibus respicitur unica conditio accipientis; v. g. in elemosyna respicitur sola paupertas accipientis, quæ conditio, si desit, cessat totaliter voluntas, & intentio donantis: at in matrimonio sunt plura motiva, & fines concurrentes ad illud, & una ex illis conditionibus deficiente, non deficient aliæ, quæ

suffi-

[1] d. 15. q. 2. X. 24.

638 *De impedimentis matrimonii*

sufficiunt ad valorem actus, v.g. deficiente in fœmina virginitate, aut divitiis, quas potest intendere sponsus, adsunt aliæ conditiones substantiales, in quibus subsistit matrimonium in contrahentis voluntate. Ecclesia enim non præsumit, quod vir ex defectu talium qualitaturn accidentalium noluerit consentire in matrimonium, nisi de hoc expressè, & publicè protestatus fuisset: & tunc Ecclesia non permisisset contractum ob rationes datas.

QUÆSTIO VI.

De impedimento clandestinitatis.

DE hoc impedimento nihil ferè dicendum restat suppositis dictis de publicitate matrimonii, ubi probavimus matrimonia clandestina semper fuisse illicita, quamvis tolerata, seu non irrita, ante decretum Concilii Tridentini, per quod irritantur absolute. Diximus etiam, quod in regnis, quæ non observant Concilium illud, clandestinitas non est impedimentum dirimens. Restant conditiones requisitæ ad hanc solemnitatem, & ad vitandum hoc impedimentum.

CONCLUSIO I.

Sacerdos, ut validè assistat matrimonio, debet esse parochus loci; in quo contrahentes habent domicilium, pro vagis autem, & extraneis, non debet assistere, nisi sibi constet de contrahentium libertate. Denique regulariter debet esse Sacerdos, non tamen necessariò.

Prob. i. p. Parochus, cujus præsentia requiritur ex Concilii decreto, est ille, qui curam habet animarum existentium in loco determinato, sed Sacerdos non habet curam nisi degentium, seu domiciliatorum in illa sua parochia; ergo ille specialiter debet assistere matrimoniis in eadem. Maj. patet; nam ideo dicitur *Curatus*, quia curam gerit talium animarum cum potestate, & onere illis administrandi Sacramenta, & eas pascendi pane doctrinæ salutis. Prob. min. nam huic soli competit potestas, & onus

ministrandi Sacramenta in suo districtu, ut patet c. *Ecclesias*, ubi Dionysius statuit unumquemque presbyterum in sua Parochia *jus proprium habere, ita ut nullus alterius parochiæ terminos, aut jus invadas...* & taliter, & plebem sibi commissam custodiat, ut de illis coram Deo rationem reddat; ergo ad hunc solum Sacerdotem ex officio spectat hoc Sacramentum ministrare suis parochianis, seu domiciliatis in sua parochia.

Confir. ex quadam Cardinalium Concilii declaratione, quam refert Juvenin, dicente parochi nomine intelligi parochum loci, quem nubens actu incolit.

Confr. 2. Quia non licet alteri curam gerere habitantium in aliqua parochia, præter parochum ejus, ut patet ex praxi; ergo hoc ipso, quod quis habet domicilium alicubi, subest illi parocho quoad spiritualia, & Sacramenta.

Prob. 2.p. ex Concilio Trident. Nam qui vagantur, & incertas habent sedes, raro probi sunt ingenii, & prima uxore relicta, plerumque plures, illa vivente, diversis in locis ducunt... cui malo cupiens S. Synodus occurrere, monet, ne hoc genus hominum vagantium facile ad matrimonium admittant.... parochi autem, ne illorum matrimoniis intersint, nisi prius diligentem inquisitionem fecerint, & re ad ordinarium delata, ab eo id faciendi licentiam obtineant. Hoc autem posito, ille erit eorum parochus, cujus parochiam elegerint ad celebrandum matrimonium.

Id patet ex declaratione S. Congregat. Cardin. 28. August. 1621. apud Barbosa. *Parochus vagandi potest esse omnis, ubi reperitur, licet adsit certus parochus mulieris.* Aliam refert Cardin. Brancatus, qua declaratur, quod *vagus, ducens uxorem in aliquo loco, ubi est domicilium mulieris, potest contrahere in alio loco, ubi voluerit, quamvis adsit parochus mulieris. Quia tunc ille alius in loco alio, ubi vagus reperitur, est etiam verè parochus vagi.*

Prob. 3.p. ex decreto cit. ejusdem Concilii, quod dicitur parochum non debere assistere, nisi prius diligenter fecerit inquisitionem, & intentionem Episcopi audierit. Certè, nisi sic se gereret, inutilis es-

640 *De impedimentis matrimonii*

set cautio Ecclesiæ contra polygamiam talium hominum.

Prob. 4. p. de Sacerdotio, nam Concilium loquitur *de parcho, vel alio Sacerdote de ejusdem parochi, vel ordinarii licentia*; ergo sicut parochus est regulariter Sacerdos; sic regulariter assistens debet esse Sacerdos: & sicut aliquis nondum Sacerdos potest institui parochus: ita & poterit assistere matrimonio, nondum Sacerdos, quia tunc parochus potest exercere ea, quæ sunt jurisdictionis parochialis.

Confir. ex cap. *Transmissa*, ex Cœlestino III. nam hæc assistentia non est actus consecrationis, sed meræ jurisdictionis, ut notat Brancatus cit.

Confir. ex declaratione dictæ congregat. quam refert Juvenin. Et ubi dicit, *non esse irritum matrimonium, cui adfuerit parochus nondum ordine Sacerdotali donatus*. Posset tamen, Sacerdotem deputare ad hoc ministerium, & id satius esset. Non puto tamen cum posse delegare alium non Sacerdotem.

Objic. contra 4. p. Concilium dicit, *qui aliter, quam præsentem parcho, vel alio sacerdote de parochi licentia, &c.* ergo supponit parochum, ut assistat, debere esse Sacerdotem, nam *alio*, designat similitudinem in illo ordine.

Resp. neg. conf. nam licet parochus sit ordinariè Sacerdos, & id supponat Concilium, non sequitur, quin possit quis institui parochus ante adeptum Sacerdotium, & in illo statu assistere matrimonio, aut committere alium Sacerdotem non parochum.

Inst. ante Concilium, assistens debebat esse Sacerdos; ergo & post illud, nec enim quoad hoc quidquam innovavit. prob. ant. nam Concil. Lateran. sub Innoc. III. semper, & ubique requirit præsentiam Sacerdotis: idem est de aliis pontificibus; ergo ante Concilium Trid. assistens matrimonio debebat esse Sacerdos.

Resp. dist. ant. Sacerdos ad benedicendas nuptias, con. ad assistendum, neg. ant. & 2. conf. nam ante Concilium non aderat Sacerdos nisi ad benedicendas nuptias: non autem ut assisteret ad publicitatem, ut nunc assistit.

Inst. 2.

Inst. 2. etiam nunc parochus benedicit sponfos, & anulum, & dicit Missam super ipsos; ergo etiam nunc debet esse Sacerdos. ant. patet ex praxi, & ex Rituali, imò, & id innuit Concilium; ergo &c.

Resp. dist. ant. benedicit per se, aut per alium, & non ex necessitate Sacramenti, sed ex devotione, & congruentia: con. per se omnino, & ex necessitate Sacramenti: neg. ant. nam præterquam quod potest fieri matrimonium sine illis benedictionibus, quæ non sunt de ejus essentia, hæc omnia parochus potest committere aliis, sicut & missam.

CONCLUSIO II.

Probabile est Parochum excommunicatum, irregularem, interdictum, aut suspensum, modo non sit privatus, aut suspensus ab officio Parochi, posse valide assistere matrimonio, non tamen licite. Est communior.

Prob. 1. ex declarationibus prædictorum Cardinalium apud dictum Juenin, & Cardinal. Brancatum. Dicunt enim *Matrimonii validitati non obstare, quod parochus sit suspensus, aut irregularis*. Imò id colligi videtur ex ipso Concilio, quod non exigit nisi præsentiam parochi absque ullo ministerio; ergo quandiu est parochus, semper potest id præstare, sed per excommunicationem, irregularitatem, suspensionem, præcisè non cessat esse parochus; ergo semper potest valide assistere.

Prob. 2. nam censuræ illæ non invalidant administrationem, vel consecutionem aliorum Sacramentorum, sed reddunt illicitam; ergo nec assistentiam matrimonii, quamvis Sacerdos hic se haberet ut minister, de quo non conveniunt omnes.

Confir. nam in ipsis nubentibus, qui dicuntur ministri, non irritatur, si nubant in statu talium censurarum; ergo nec in parocho. Et ita tenent illustres Canonistæ, & Theologi, ut Barbosa de potest. Episc. & Parochi, & Cardin. Brancatus cit. licet probabilius putet eum posse delegare, quia delegatio est actus jurisdictionis.

Dixi, non tamen licite, quia per censuras illas prohibentur illi actus omnes sacri, & circa divina.

Objic.

644 *De impedimentis matrimonii*

parochus , & testes possent invalidare matrimonia , nec possent cogi ad assistendum , aut testificandum , sed *conf.* est falsum , & *con. 2. p.* ergo &c. prob. maj. nam licet possent cogi ad præsentiā corporalem , non tamen ad interiorem advertentiam , possent nolle attendere , & sic matrimonia coram invitis non valerent ; ergo &c.

Resp. neg. maj. & ant. Nam hoc ipso, quòd oculos averterent, vel clauderent, vel aures obturarent, contra ipsos præsumeretur advertentia.

Objic. 1. con. 2. p. Præsentiā inviti non est moralis, nec humana, sed Concilium exigit præsentiā humanam, & moralem; ergo &c. prob. maj. actus moralis debet esse voluntarius, & cum cognitione; ergo &c.

Resp. dist. maj. non est moralis ad meritum, vel demeritum, *con.* ad testificandum, *neg. maj. & con.* nam ad testimonium veritatis non requiritur voluntarietas, nec consensus in ea, quæ videntur.

Objic. 2. In ministro Sacramenti requiritur intentio, sed parochus invitus, & dissentiens non intendit; ergo nec facit Sacramentum; ergo nec matrimonium.

Resp. dist. maj. in vero ministro, qui conficit Sacramenta, *con.* in ministro assistente Sacramento ab aliis confecto, *neg. maj. & conf.* nam parochus, & testes non conficiunt matrimonium, sed sunt ministri purè assistentes, ut testes, vel arbitri.

Dico, ut testes, nam idem est de testibus, ac de Parocho, ut jam monuimus, debent, & sufficit eos adesse ita, ut videant, & intelligant, quæ fiunt, & de iis possint testificari. Unde pueri ante usum rationis, amentes, dormientes, &c. non sufficiunt, bene verò alii, quamvis aliunde in judiciis fidem non facerent, ut excommunicati, & foeminae. vide Brancatum cit.

Quæres, quis sit ille Ordinarius, qui præter parochum potest adesse?

Resp. esse omnes illos, qui Episcopalem, aut similem habent jurisdictionem in locis, ubi celebrantur matrimonia; & hi possunt assistere per se, vel per delegatos.

QUÆ-

QUÆSTIO VIII.

De impedimento impotentia.

Impotentia hic significat negationem facultatis ad copulam conjugalem, per quam ex commixtione seminum intra vas foeminae, ambo fiant una caro. Alia est *perpetua*, quæ tolli non potest sine miraculo, vel peccato, vel periculo mortis evidenti. Alia *temporalis*, quæ per remedia licita tolli potest. Rursus, alia est *absoluta*, quæ est respectu omnium: alia *respectiva*, quæ est respectu unius, non alterius.

Potest etiam venire ex variis causis. 1. Est *naturalis*, & *interna*, ut nimia frigiditas in viro, quæ reddit copulam impossibilem, vel ætas puerilis, vel senilis, vel nimius ardor, quo fit, ut statim ante copulam semen effundatur, nec possit illa perfici, maxime ex parte viri: vel nimia arctatio in foemina, quæ non possit à viro penetrari naturaliter. 2. Est *externa artificialis*, v.g. ex amputatione testiculorum, aut membri genitalis. 3. est *præternaturalis*; v.g. ex maleficio dæmonum, quo impediuntur, maxime viri, ne possint coire, & consummare matrimonium. 4. est defectu potentia rationalis, ut in furiosis, vel amentibus. Quæritur autem de his impotentiis, an dirimant matrimonia, si eæ præcedunt in alterutro conjugē.

Dico, quando præcedunt, nam si superveniant contractui, certum est, quod non dirimant, nam inquit Doctor, jam potestas in corpora fuit tradita, & capta possessio.

CONCLUSIO I.

Impotentia simpliciter, ac perpetua præcedens matrimonium, impedit contrahendum, & dirimit contractum, siue sit cognita impotenti, siue non. Est communis contra paucos, qui volunt aliquos cum tali impotentia posse velle nubere cum intentione castè vivendi, ut frater, & soror. Isti magis fortè desponsant divitias, quam personas, inquit Doctor.

Prob.

646 De impedimentis matrimonii

Prob. ex Scototriplici ratione. 1. Quia iste contractus est datio potestatis in corpora ad talem actum, si petatur, sed iste non habet potestatem ad talem actum; ergo nihil tale dare potest; ergo nec contrahere. 2. in contractu isto, conjux obligat se ad talem actum, si petatur; sed talis actus est sibi impossibilis; ergo se obligat ad impossibile; obligatio autem ad impossibile nulla est, ex lege Divina; ergo lex Divina non approbat talem obligationem; ergo hæc nulla est. 3. Alia persona intendit commutare potestatem sui corporis pro potestate corporis alterius; ergo credit e converso alium posse commutare, sed non potest; ergo hic est error pertинens ad aliquid, quod est per se requisitum ad contractum: talis autem error facit contractum nullum, ut dictum est supra; ergo habes conclusionem solide probatam.

Prob. 2. ex SS. Canon. nam cap. *Quod sedem*, Alex. III. decernit, quod qui impotentes sunt, minimè apti ad contrahendum matrimonium reputantur. Idem colligunt Doctores ex cap. *Consultationi*, ubi videtur Lucius III. consentire, ut si viri non possint eas habere ut uxores, habeant ut sorores, scil. abstinentes ab omni carnali commercio. Sed Cœlest. III. c. *Laudabilem*, positivè statuit, ut si mulier per justum judicium de viro probare potuerit, quod cum ea coire non possit, accipiat alium. Et cap. *litteræ vestre* idem dicit de viro, qui probatus fuerat non potuisse per octo annos cognoscere carnaliter uxorem, jubet eos separari.

Confir. ex communi Ecclesiæ praxi, quæ prohibet talia conjugia fieri, & facta rescindit.

Prob. 2. p. nam cognitio impedimenti intrinsecè oppositi naturæ, & fini hujus contractus non potest reddere illum validum; sed talis impotentia est intrinsecè opposita naturæ, & fini contractus conjugalis; ergo ejus cognitio non potest facere, ut valeat matrimonium cum illa. maj. patet, nam cognitio aliorum impedimentorum non facit, ut valeat matrimonium cum illis contractum. prob. min. nam essentia matrimonii consistit in mutua commutatione potestatis corporum ad proli ficandum; sed impotentia ista opponitur illi commutationi, & fini; ergo opponitur intrinsecè naturæ, & fini matrimonii.

Confir.

Confir. ex SS. Decretis cit. nam absolutè, & indistinctè statuunt impotentiam absolutam, & perpetuam esse impedimentum dirimens, nec distinguunt de potentia cognita, vel non cognita. Quod maxime constat ex Bulla Sixti V. *Cum frequenter*. Nam inquit Pontifex hoc repugnat *secundum canonicas sanctiones, & naturæ rationem*. Qui frigide nature sunt, & impotentes, iidem minime apti ad matrimonium reputantur; ergo cognitio impotentiae non reddit eos potentes, nec aptos ad validè contrahendum.

Prob. 2. rationibus allatis ex Scoto, nam concludunt talem impotentiam ex natura sua opponi essentiae hujus contractus; ut legenti patebit. Nam finis intrinsecus ejus est prolixficatio, & remedium concupiscentiae, sed neuter finis potest intendi à cognoscente se sic impotentem; ergo cognitio impotentiae non juvat.

Objic. 1. con. 1. p. non repugnat matrimonium sine copula; ergo nec cum impotentia copulae. Ant. patet ex matrimonio B. V. Deiparae cum S. Joseph, & de similibus, qui in matrimonio virginitatem servarunt, & de aliis, qui contrahere possunt validè cum voto mutuae continentiae. prob. conf. nam sive ex impotentia physica, sive morali, & spontanea, semper excluduntur illi fines matrimonii; sed hoc non obstante valent ista; ergo & illa matrimonia.

Resp. dist. ant. Sine copula actuali, aut intenta explicite, con. sine copula aptitudinali, & intenta saltem implicite, & virtualiter, neg. 1. ant. & pariter dist. 2. matrimonium Deiparae supposita dispensatione divina (idem esset de aliis) con. seclusa dispensatione divina, neg. ant. & conf. nam inquit S. Bonaventura; *Ordinabilitas ad copulam est essentialis, quia est necesse, ut consentiant sponsi in mutuam corporum potestatem*. Matrimonium verò Mariae fuit cum submissione ad Dei voluntatem. Nam inquit Doctor, in contractu matrimoniali, est mutua datio corporum ad copulam carnalem, sub conditione implicita, si petatur. Et B. V. sic contraxerat cum S. Joseph, sciens ex revelatione divina non fore petendam.

Objic. 2. Senes possunt nubere validè, sed senes sunt impotentes; ergo impotentes possunt validè nubere.

solum errorem circa servitutem putat dirimere.

Prob. 2. ex Gratiano dicente [1] quod error fortunæ, & qualitatis, non excludit consensum. Quæ nubit pauperi, putans esse divitem, non potest renunciare privi conditioni, quamvis erraverit, sicut qui emit agrum, aut vineam, quam putabat esse uberrimam, quamvis erraret in qualitate rerum, rem minus fertilem emendo, non potest venditionem rescindere: similiter, qui ducit uxorem meretricem, vel corruptam, quam putabat esse castam, vel virginem, non potest eam dimittere, & aliam ducere; ergo error circa tales qualitates non dirimit.

Prob. 3. nam si tales errores irritarent matrimonia, vix unquam ullum valeret: sed cons. est falsum, & absurdum; ergo &c. prob. maj. vix ullum est, in quo nubentes non putent, ac desiderent meliores qualitates, & conditiones in sponsis, quam quæ adsunt: sic perturbarentur omnes familiæ, & societates fidelium, quilibet posset dicere se deceptum; ergo &c.

Prob. denique. Nam error circa illas qualitates non impedit veritatem matrimonii quoad substantiam, sed solum quoad circumstantias accidentales: sed quamdiu valet consensus circa substantialia, manet contractus, & tenet; ergo & valet matrimonium.

Objic. 1. Error circa servitutem dirimit; ergo & circa alias qualitates. Prob. cons. aliæ plurimæ non sunt minoris momenti: v. g. si vir crederet, & intenderet non ducere nisi virginem, aut divitem, & inveniret corruptam, aut pauperem; ergo &c.

Resp. neg. 1. cons. & 2. ant. nam, ut diximus, servitus magis opponitur finibus matrimonii, ex defectu virginitatis, aut divitiarum mulier non fit minus apta ad reddendum debitum; & ad alia substantialia, sicut ex servitute, qua fit, ut non possit liberè adesse viro, sed sæpius cogitur abesse, &c.

Inst. Tam potest quis nolle consentire nisi in virginem, quam nisi in liberam: sed nisi mulier inveniat libera, consensus erit nullus; ergo & nisi sit virgo.

Respondeo neg. maj. nam si exprimeret vir talem conditionem, non admitteretur ad contrahendum; quia illæ conditiones turbarent pacem societatis inter fami-

familias, & in societatibus. Et cum Ecclesia nolit errorem circa illas irritare matrimonia, ita non debet eas condiciones admittere. Si autem explicitè apponantur, & deficient, fateor irritari contractum, cum reperientur deficere, ut patet ex dictis de consensu conditionato. Sed, ut dicebam, imprudenter omninò permitterentur apponi, ob innumera gravia inconvenientia.

Objic. 2. ex philos. Error cujusque circumstantiæ tollit voluntarium, sed matrimonium debet maxime esse voluntarium, ut valeat; ergo ex quocumque errore circa notabiles qualitates dirimitur.

Resp. dist. maj. Tollit voluntarium secundum quid: con. maj. & neg. min. voluntarium simpliciter; neg. maj. & conf. Nam involuntarium leve, & secundum quid non dirimit matrimonium.

Objic. 3. ex Scoto, [1] in donatione non est justitia, si donans non merè liberaliter donat... *Non autem merè liberaliter donat, qui vel deceptus, vel quasi necessitate coactus donat, quia ignorantia, & aliqualis coactio, excludunt voluntarium simpliciter: sed minor libertas requiritur ad validum matrimonium, quàm ad donationem validam; ergo error de qualitate personæ sumendæ tollit libertatem necessariam, & irritat matrimonium.* prob. maj. nam inquit, *ex hoc sequitur, quod deceptus de eo, cui donat, quantum ad illam rationem, propter quam donat, non simpliciter donat.....* Si alicui, ut egeno, donat, qui non est egenus, hic injustè recipit, quia non est in donante voluntarium, propter conditionis ignorantiam, quam respicit in donando; ergo ex Scoto, error circa qualitates, etiam accidentales personæ, irritat donationem, seu contractum istum.

Resp. dist. maj. & ant. In puris donationibus, con. in donationibus conjugalibus, sicut & in aliis multis contractibus; neg. maj. & ant. nam in puris donationibus respicitur unica conditio accipientis; v. g. in elemosyna respicitur sola paupertas accipientis, quæ conditio, si desit, cessat totaliter voluntas, & intentio donantis: at in matrimonio sunt plura motiva, & fines concurrentes ad illud, & una ex illis conditionibus deficiente, non deficiunt aliæ, quæ
suffi-

[1] d. 15. q. 2. X. 24.

638 *De impedimentis matrimonii*

sufficiunt ad valorem actus, v.g. deficiente in fœmina virginitate, aut divitiis, quas potest intendere sponsus, adfunt aliæ conditiones substantiales, in quibus subsistit matrimonium in contrahentis voluntate. Ecclesia enim non præsumit, quod vir ex defectu talium qualitatum accidentalium noluerit consentire in matrimonium, nisi de hoc expressè, & publicè protestatus fuisset: & tunc Ecclesia non permisisset contractum ob rationes datas.

QUÆSTIO VI.

De impedimento clandestinitatis.

DE hoc impedimento nihil ferè dicendum restat suppositis dictis de publicitate matrimonii, ubi probavimus matrimonia clandestina semper fuisse illicita, quamvis tolerata, seu non irrita, ante decretum Concilii Tridentini, per quod irritantur absolute. Diximus etiam, quod in regnis, quæ non observant Concilium illud, clandestinitas non est impedimentum dirimens. Restant conditiones requisitæ ad hanc solemnitatem, & ad vitandum hoc impedimentum.

CONCLUSIO I.

Sacerdos, ut valide assistat matrimonio, debet esse parochus loci; in quo contrahentes habent domicilium, pro vagis autem, & extraneis, non debet assistere, nisi sibi constet de contrahentium libertate. Denique regulariter debet esse Sacerdos, non tamen necessario.

Prob. i. p. Parochus, cujus præsentia requiritur ex Concilii decreto, est ille, qui curam habet animarum existentium in loco determinato, sed Sacerdos non habet curam nisi degentium, seu domiciliatorum in illa sua parochia; ergo ille specialiter debet assistere matrimoniis in eadem. Maj. patet; nam ideo dicitur *Curatus*, quia curam gerit talium animarum cum potestate, & onere illis administrandi Sacramenta, & eas pascendi pane doctrinæ salutis. Prob. min. nam huic soli competit potestas, & onus

mi-

ministrandi Sacramenta in suo districtu, ut patet e. *Ecclesias*, ubi Dionysius statuit unumquemque presbyterum in sua Parochia *jus proprium habere, ita ut nullus alterius parochiæ terminos, aut jus invadat.... & taliter, & plebem sibi commissam custodiat, ut de illis coram Deo rationem reddat*; ergo ad hunc solum Sacerdotem ex officio spectat hoc Sacramentum ministrare suis parochianis, seu domiciliatis in sua parochia.

Confr. ex quadam Cardinalium Concilii declaratione, quam refert Juvenin, dicente parochi nomine intelligi parochum loci, quem nubens actu incolit.

Confr. 2. Quia non licet alteri curam gerere habitantium in aliqua parochia, præter parochum ejus, ut patet ex praxi; ergo hoc ipso, quod quis habet domicilium alicubi, subest illi parocho quoad spiritualia, & Sacramenta.

Prob. 2.p. ex Concilio Trident. Nam qui vagantur, & incertas habent sedes, rarò probi sunt ingenii, & prima uxore relicta, plerumque plures, illa vivente, diversis in locis ducunt.... cui malo cupiens S. Synodus occurrere, monet, ne hoc genus hominum vagantium facile ad matrimonium admittant..... parochi autem, ne illorum matrimoniis intersint, nisi prius diligentem inquisitionem fecerint, & re ad ordinarium delata, ab eo id faciendi licentiam obtineant. Hoc autem posito, ille erit eorum parochus, cujus parochiam elegerint ad celebrandum matrimonium.

Id patet ex declaratione S. Congregat. Cardin. 28. August. 1621. apud Barbosam. *Parochus vagabundi potest esse omnis, ubi reperitur, licet adsit certus parochus mulieris*. Aliam refert Cardin. Brancatus, qua declaratur, quod vagus, ducens uxorem in aliquo loco, ubi est domicilium mulieris, potest contrahere in alio loco, ubi voluerit, quamvis adsit parochus mulieris. Quia tunc ille alius in loco alio, ubi vagus reperitur, est etiam verè parochus vagi.

Prob. 3.p. ex decreto cit. ejusdem Concilii, quod dicitur parochum non debere assistere, nisi prius diligenter fecerit inquisitionem, & intentionem Episcopi audierit. Certe, nisi sic se gereret, inutilis es-

640 *De impedimentis matrimonii*

set cautio Ecclesiæ contra polygamiã talium hominum.

Prob. 4. p. de Sacerdotio, nam Concilium loquitur *de parcho, vel alio Sacerdote de ejusdem parochi, vel ordinariis licentia*; ergo sicut parochus est regulariter Sacerdos; sic regulariter assistens debet esse Sacerdos: & sicut aliquis nondum Sacerdos potest institui parochus: ita & poterit assistere matrimonio, nondum Sacerdos, quia tunc parochus potest exercere ea, quæ sunt jurisdictionis parochialis.

Confir. ex cap. *Transmissa*, ex Cœlestino III. nam hæc assistentia non est actus consecrationis, sed mere jurisdictionis, ut notat Brancatus cit.

Confir. ex declaratione dictæ congregat. quam refert Juvenin. Et ubi dicit, *non esse irritum matrimonium, cui adfuerit parochus nondum ordine Sacerdotali donatus*. Posset tamen, Sacerdotem deputare ad hoc ministerium, & id satius esset. Non puto tamen cum posse delegare alium non Sacerdotem.

Objic. contra 4. p. Concilium dicit, *qui aliter, quam præsentem parcho, vel alio sacerdote de parochi licentia, &c.* ergo supponit parochum, ut assistat, debere esse Sacerdotem, nam *alio*, designat similitudinem in illo ordine.

Resp. neg. conf. nam licet parochus sit ordinariè Sacerdos, & id supponat Concilium, non sequitur, quin possit quis institui parochus ante adeptum Sacerdotium, & in illo statu assistere matrimonio, aut committere alium Sacerdotem non parochum.

Inst. ante Concilium, assistens debebat esse Sacerdos; ergo & post illud, nec enim quoad hoc quidquam innovavit. prob. ant. nam Concil. Lateran. sub Ianoc. III. semper, & ubique requirit præsentiam Sacerdotis: idem est de aliis pontificibus; ergo ante Concilium Trid. assistens matrimonio debebat esse Sacerdos.

Resp. dist. ant. Sacerdos ad benedicendas nuptias, con. ad assistendum, neg. ant. & 2. conf. nam ante Concilium non aderat Sacerdos nisi ad benedicendas nuptias: non autem ut assisteret ad publicitatem, ut nunc assistit.

Inst. 2.

Inst. 2. etiam nunc parochus benedicit sponfos, & anulum, & dicit Missam super ipsos; ergo etiam nunc debet esse Sacerdos. ant. patet ex praxi, & ex Rituali, imò, & id innuit Concilium; ergo &c.

Resp. dist. ant. benedicit per se, aut per alium, & non ex necessitate Sacramenti, sed ex devotione, & congruentia: con. per se omnino, & ex necessitate Sacramenti: neg. ant. nam præterquam quod potest fieri matrimonium sine illis benedictionibus, quæ non sunt de ejus essentia, hæc omnia parochus potest committere aliis, sicut & missam.

CONCLUSIO II.

Probabile est Parochum excommunicatum, irregularem, interdictum, aut suspensum, modo non sit privatus, aut suspensus ab officio Parochi, posse valide assistere matrimonio, non tamen licite. Est communior.

Prob. 1. ex declarationibus prædictorum Cardinalium apud dictum Juenin, & Cardinal. Brancatum. Dicunt enim *Matrimonii validitati non obstare, quod parochus sit suspensus, aut irregularis*. Imò id colligi videtur ex ipso Concilio, quod non exigit nisi præsentiam parochi absque ullo ministerio; ergo quandiu est parochus, semper potest id præstare, sed per excommunicationem, irregularitatem, suspensionem, præcisè non cessat esse parochus; ergo semper potest valide assistere.

Prob. 2. nam censuræ illæ non invalidant administrationem, vel confectionem aliorum Sacramentorum, sed reddunt illicitam; ergo nec assistentiam matrimonii, quamvis Sacerdos hic se haberet ut minister, de quo non conveniunt omnes.

Confir. nam in ipsis nubentibus, qui dicuntur ministri, non irritatur, si nubant in statu talium censurarum; ergo nec in parcho. Et ita tenent illustres Canonistæ, & Theologi, ut Barbosa de potest. Episc. & Parochi, & Cardin. Brancatus cit. licet probabilius putet eum posse delegare, quia delegatio est actus jurisdictionis.

Dixi, non tamen licite, quia per censuras illas prohibentur illi actus omnes sacri, & circa divina,
Objic.

642 De impedimentis matrimonii

Objic. 1. Iste actus in parcho est jurisdictionis, sine qua tales actus sunt nulli; sed excommunicatus &c. caret omni jurisdictione; ergo talis actus in tali parcho est nullus.

Resp. dist. maj. est jurisdictionis improprie, constrictae, & propriae, neg. maj. & cons. est enim nudus actus officii parochialis, ex decreto Concilii, unde sicut non est privatus officio, ut suppono; ita nec tali functione. Quod inde potest confirmari, quia ipso praesente, & non consentiente in matrimonium, adhuc valere potest.

Objic. 2. Parochus assistit ut testis, vel ut minister, sed neutrum dici potest de excommunicato, ut valeat actus; ergo &c. prob. min. 1. non ut testis, nam homo per excommunicationem fit inhabilis ad testificandum, sicut & ad accusandum, cap. testes, & cap. cum inter, & cap. significasti, de except. ergo &c. 2. non ut minister, nam ministratio esset actus ordinis, vel jurisdictionis, sed neutrum dici potest, ergo &c. prob. min. 1. non ordinis: alioqui hoc competeret omni, & soli Sacerdoti, quod est falsum, & contra nos. 2. non jurisdictionis, quia haec tollitur per excommunicationem, ut patet, cap. excommunicati, & cap. ad probandum; ergo &c.

Resp. neg. 1. min. nam assistit ut testis, & dist. ant. ad testificandum, si debeat deponere, con. si non debeat deponere, neg. ant. requiritur ergo nuda praesentia, ut praeviniatur vitium clandestinitatis, seu, ut loquitur S. Congregat. Cardin. praestat solum praesentiam ad effectum tollendi clandestinitatem.

CONCLUSIO III.

Non sufficit praesentia physica parochi, sed debet etiam esse moralis, ita ut advertat ad ea, quae fiunt: non tamen necesse est, ut consentiat, sed sufficiat praesentia coacta. Est etiam communis.

Prob. 1. p. ex Concil. quod exigit hanc praesentiam, ut sponso interroget de mutuo consensu ad invicem, & illo audito, dicat, *Ego vos conjungo*. Sed hoc praestare non posset, si adesset dormiens, aut alio modo distractus, ita ut non adverteret ad ea, quae fiunt; ergo &c.

Confir.

Confir. nam ideo requiritur hæc præsentia, ut videtur clandestinitas, & polygamia, & se habet saltem ut testis, sed ad hæc non sufficeret sola præsentia Physica, & corporea, sine scil. morali attentione ad ea, quæ fiunt: ergo &c. prob. min. nam dormiens testis adhiberetur, ut olim milites à Judæis contra Christi Resurrectionem.

Prob. 2. p. ex decreto S. Congr. apud Farinacium, & Brancatum cit. ubi quæritur, *An, si invitatus, & compulsus per vim parochus adsit, & contrahatur matrimonium, præcedente prohibitione Ordinarii, tale matrimonium subsistat?* S. Congregatio respondit subsistere. Habes duplicem violentiam. 1. contra prohibitionem Episcopi, & 2. contra voluntatem parochi, & tamen validè contrahitur coram isto; ergo non est necesse, ut iste volens adsit, modò adsit videns, & intelligens, quid agatur. Idem docet Barbosa, de offic. & potest. Episcopi, & de officio parochi.

Idem dicunt de testibus, modò similiter videant, audiant, & intelligant, quid agatur.

Objic. 1. con. 1. p. Concilium non requirit nisi nudam præsentiam, sed ad hoc non est necesse, ut videat, nec intelligat, quid agatur; ergo &c. prob. min. nam advertentia, & inadvertentia sunt actus merè interni, qui nequeunt percipi ab Ecclesia; ergo.

Resp. neg. min. & 2. conf. nam moraliter loquendo advertentia convertitur cum præsentia, alioqui dormiens, aut amens posset dici præsens, aut testis. Ideo advertentia interior præcipitur indirectè, ut connexa cum præsentia externa.

Inst. Si advertentia interior esset necessaria, semper dubitaretur de valore matrimoniorum, quia litigaretur de advertentia, imò & ipse parochus posset eam negare, sed hoc est maximum inconveniens, ergo &c.

Resp. neg. maj. nam ex præsentia externa, & modo, quo adest, colligitur interna, nec ipsi crederetur dicenti contra se de distractione, & inadvertentia in re talis momenti, sive ex negligentia, sive ex malitia.

Objic. 2. Si advertentia interior esset necessaria, paro-

644 *De impedimentis matrimonii*

parochus , & testes possent invalidare matrimonia , nec possent cogi ad assistendum , aut testificandum , sed *conf.* est falsum , & *con. 2. p.* ergo &c. *prob. maj.* nam licet possent cogi ad præsentiā corporalem , non tamen ad interiorem advertentiam , possent nol-
le attendere , & sic matrimonia coram invitis non valerent ; ergo &c.

Resp. neg. maj. & ant. Nam hoc ipso, quòd oculos averterent, vel clauderent, vel aures obrurarent, contra ipsos præsumeretur advertentia.

Objic. 1. con. 2. p. Præsentia inviti non est moralis, nec humana, sed Concilium exigit præsentiā humanam, & moralem; ergo &c. *prob. maj.* actus moralis debet esse voluntarius, & cum cognitione; ergo &c.

Resp. dist. maj. non est moralis ad meritum, vel demeritum, *con.* ad testificandum, *neg. maj. & con.* nam ad testimonium veritatis non requiritur voluntarietas, nec consensus in ea, quæ videntur.

Objic. 2. In ministro Sacramenti requiritur intentio, sed parochus invitus, & dissentiens non intendit; ergo nec facit Sacramentum; ergo nec matrimonium.

Resp. dist. maj. in vero ministro, qui conficit Sacramenta, *con.* in ministro assistente Sacramento ab aliis confecto, *neg. maj. & conf.* nam parochus, & testes non conficiunt matrimonium, sed sunt ministri purè assistentes, ut testes, vel arbitri.

Dico, ut testes, nam idem est de testibus, ac de Parocho, ut jam monuimus, debent, & sufficit eos adesse ita, ut videant, & intelligant, quæ fiunt, & de iis possint testificari. Unde pueri ante usum rationis, amentes, dormientes, &c. non sufficiunt, bene verò alii, quamvis aliunde in judiciis fidem non facerent, ut excommunicati, & fœminæ. vide Brancatium cit.

Quæres, quis sit ille Ordinarius, qui præter parochum potest adesse?

Resp. esse omnes illos, qui Episcopalem, aut similem habent jurisdictionem in locis, ubi celebrantur matrimonia; & hi possunt assistere per se, vel per delegatos.

QUE-

Q U Æ S T I O VIII.

De impedimento impotentiae.

Impotentia hic significat negationem facultatis ad copulam conjugalem, per quam ex commixtione seminum intra vas foeminae, ambo fiant una caro. Alia est *perpetua*, quae tolli non potest sine miraculo, vel peccato, vel periculo mortis evidenti. Alia *temporalis*, quae per remedia licita tolli potest. Rursum, alia est *absoluta*, quae est respectu omnium: alia *respectiva*, quae est respectu unius, non alterius.

Potest etiam venire ex variis causis. 1. Est *naturalis*, & *interna*, ut nimia frigiditas in viro, quae reddit copulam impossibilem, vel aetas puerilis, vel senilis, vel nimius ardor, quo fit, ut statim ante copulam semen effundatur, nec possit illa perfici, maxime ex parte viri: vel nimia arctatio in foemina, quae non possit à viro penetrari naturaliter. 2. Est *externa artificialis*, v.g. ex amputatione testiculorum, aut membri genitalis. 3. est *præternaturalis*; v.g. ex maleficio dæmonum, quo impediuntur, maxime viri, ne possint coire, & consummare matrimonium. 4. est defectu potentiae rationalis, ut in furiosis, vel amentibus. Quæritur autem de his impotentibus, an dirimant matrimonia, si eæ præcedunt in alterutro conjugue.

Dico, quando præcedunt, nam si superveniant contractui, certum est, quod non dirimant, nam inquit Doctor, jam potestas in corpora fuit tradita, & capta possessio.

C O N C L U S I O I.

Impotentia simpliciter, ac perpetua præcedens matrimonium, impedit contrahendum, & dirimit contractum, siue sit cognita impotenti, siue non. Est communis contra paucos, qui volunt aliquos cum tali impotentia posse velle nubere cum intentione castè vivendi, ut frater, & soror. Isti magis forte desponsant divitias, quam personas, inquit Doctor.

Prob.

646 De impedimentis matrimonii

Prob. ex Scoto triplici ratione. 1. Quia iste contractus est datio potestatis in corpora ad talem actum, si petatur, sed iste non habet potestatem ad talem actum; ergo nihil tale dare potest; ergo nec contrahere. 2. in contractus isto, conjux obligat se ad talem actum, si petatur; sed talis actus est sibi impossibilis; ergo se obligat ad impossibile; obligatio autem ad impossibile nulla est, ex lege Divina; ergo lex Divina non approbat talem obligationem; ergo hæc nulla est. 3. Alia persona intendit commutare potestatem sui corporis pro potestate corporis alterius; ergo credit è converso alium posse commutare, sed non potest; ergo hic est error pertinens ad aliquid, quod est per se requisitum ad contractum: talis autem error facit contractum nullum, ut dictum est supra; ergo habes conclusionem solidè probatam.

Prob. 2. ex SS. Canon. nam cap. Quod sedem, Alex. III. decernit, quod qui impotentes sunt, minimè apti ad contrahendum matrimonium reputantur. Idem colligunt Doctores ex cap. Consultationi, ubi videtur Lucius III. consentire, ut si viri non possint eas habere ut uxores, habeantur sorores, scil. abstinentes ab omni carnali commercio. Sed Cœlest. III. c. Laudabilem, positivè statuit, ut si mulier per justum judicium de viro probare potuerit, quod cum ea coire non possit, accipiat alium. Et cap. litteræ vestre idem dicit de viro, qui probatus fuerat non potuisse per octo annos cognoscere carnaliter uxorem, jubet eos separari.

Confir. ex communi Ecclesiæ praxi, quæ prohibet talia conjugia fieri, & facta rescindit.

Prob. 2. p. nam cognitio impedimenti intrinsecè oppositi naturæ, & fini hujus contractus non potest reddere illum validum; sed talis impotentia est intrinsecè opposita naturæ, & fini contractus conjugalis; ergo ejus cognitio non potest facere, ut valeat matrimonium cum illa. maj. patet, nam cognitio aliorum impedimentoꝝ non facit, ut valeat matrimonium cum illis contractum. prob. min. nam essentia matrimonii consistit in mutua commutatione potestatis corporum ad proli ficandum; sed impotentia ista opponitur illi commutationi, & fini; ergo opponitur intrinsecè naturæ, & fini matrimonii.

Confir.

Confir. ex SS. Decretis cit. nam absolutè, & indistinctè statuunt impotentiam absolutam, & perpetuam esse impedimentum dirimens, nec distinguunt de potentia cognita, vel non cognita. Quod maxime constat ex Bulla Sixti V. *Cum frequenter*. Nam inquit Pontifex hoc repugnat *secundum canonicas sanctiones, & naturæ rationem*. Qui frigide nature sunt, & impotentes, iidem minime apti ad matrimonium reputantur; ergo cognitio impotentiae non reddit eos potentes, nec aptos ad validè contrahendum.

Prob. 2. rationibus allatis ex Scoto, nam concludunt talem impotentiam ex natura sua opponi essentialitè hujus contractus; ut legenti patebit. Nam finis intrinsecus ejus est proliçficatio, & remedium concupiscentiae, sed neuter finis potest intendi à cognoscente se sic impotentem; ergo cognitio impotentiae non juvat.

Objic. 1. con. 1. p. non repugnat matrimonium sine copula; ergo nec cum impotentia copulae. Ant. patet ex matrimonio B. V. Deiparae cum S. Joseph, & de similibus, qui in matrimonio virginitatem servarunt, & de aliis, qui contrahere possunt validè cum voto mutuae continentiae. prob. cons. nam sive ex impotentia physica, sive morali, & spontanea, semper excluduntur illi fines matrimonii; sed hoc non obstante valent ista; ergo & illa matrimonia.

Resp. dist. ant. Sine copula actuali, aut intenta explicitè, con. sine copula aptitudinali, & intenta saltem implicitè, & virtualiter, neg. 1. ant. & pariter dist. 2. matrimonium Deiparae supposita dispensatione divina (idem esset de aliis) con. seclusa dispensatione divina, neg. ant. & cons. nam inquit S. Bonaventura; *Ordinabilitas ad copulam est essentialis, quia est necesse, ut consentiant sponsi in mutuam corporum potestatem*. Matrimonium verò Mariae fuit cum submissione ad Dei voluntatem. Nam inquit Doctor, in contractu matrimoniali, est mutua datio corporum ad copulam carnalem, sub conditione implicita, si petatur. Et B. V. sic contraxerat cum S. Joseph, sciens ex revelatione divina non fore petendam.

Objic. 2. Senes possunt nubere validè, sed senes sunt impotentes; ergo impotentes possunt validè nubere.

bere. maj. patet ex praxi, & ex facto Davidis cum Samitide.

Resp. neg. maj. Supposito, quod non possint consummare, non possunt nubere. Nam inquit Doctor, *Licet aliqua posset consentire in eum ad cohabitandum, sicut frater, & soror, & ita fortè plures magis desponsant divitias, quàm personas.* Ex facto autem Davidis nihil concluditur, quia licet dicatur, quod non cognovit eam, non sequitur, quin potuerit cognoscere.

Inst. Copula non est de essentia matrimonii, ergo impotentia ad illam non est impedimentum dirimens illud, quia ejus essentia subsistit cum illa.

Resp. dist. ant. Copula actualis, con. aptitudinalis, seu possibilis, neg. ant. sicut ratiocinatio actualis non est de essentia hominis, sed rationabilitas, sic copulatio non est de essentia matrimonii, bene verò copulabilitas, seu copulativitas.

Objic. 1. con. 1. p. Qui cognoscit se impotentem, potest accipere fœminam, ut ea utatur tamquam sorore, & tenet hoc matrimonium; ergo impotentia cognita non dirimit.

Prob. ant. ex cap. *Requisisti*, ubi Gregor. 1. dicit, quod si frigidus non potest uti fœmina pro uxore, habeat eam ut sororem, aut maneat utrique innupti. Et cap. *Consultationi* Lucius III. dicit, quod *Ecclesia Romana consuevit in consimilibus* judicare, ut quas uxores habere non possunt, habeant sorores; ergo impotentia non solvit vinculum, & tale matrimonium cum illa intentione valet.

Resp. neg. ant. & 2. conf. non enim rectè inferitur ex illis textibus. Nam Gregor. de impotentibus, & frigidis jubet, ut mancant innupti, & quod mulieres aptæ nubant aliis, si velint. Non etiam dicit, quod potuerint nubere cum ea intentione, sed solum quod possunt sic manere, cum post contractum reperiunt se impotentes. Lucii verò decretum non est præceptum, sed consilium, ait Glossa: nec dicit valuisse illud matrimonium scienter contractum, nec quod verè illi sint conjuges.

Inst. Lucius dicit impossibile esse, quod cum fœminis impotentibus velint contrahere viris ergo supponit, quod si tamen velint, valet contractus.

Resp. neg. conf. nam aliud est, quod vir sciens eam impo-

impotentem velit contrahere, & contrahat, & aliud, quod contrahat validum, & verum matrimonium; illud geri potest, non istud; erit contractus cohabitationis, & societatis fraternæ, sed non matrimonii veri. Nam inquit Glossa, *Nota, quod cum arcta matrimonium contrahi non potest, poterunt simul manere, si consentiant ambo, non ex vi conjugii, sed amicitiae quasi fraternæ.*

Inst. 2. Veri conjuges possunt cohabitare, ut frater, & soror, sc. cum perfecta continentia; ergo cum canones dicunt, ut simul habitent impotentes, ut frater, & soror, non excludunt verum matrimonium.

Resp. dist. conf. Si loquuntur ex suppositione conjugii facti legitimè, & sine impedimento, con. si supponunt contractum cum impedimento, neg. conf. Nam de his non possunt loqui, ut de veris conjugibus.

Objic. ubi sunt aliqua bona conjugii, ibi potest esse verum conjugium: sed inter impotentes possunt esse aliqua bona conjugii, v. g. solatia societatis, humanitatis, & alia; ergo & verum conjugium. prob. min. ex cap. *Nuptiarum*, ubi Augustinus docet, quod nuptiarum bonum fuit aliquando legi. obsequium; nunc est infirmitatis remedium, in aliquibus, humanitatis solatium; ergo istud bonum est sufficiens ad matrimonium inter impotentes.

Resp. dist. min. aliqua bona minùs principalia, con. principalia, neg. min. & 2. conf. nam canon ille non cogitat de præsentì quæstione: sed solum probare vult, malas non esse nuptias, ut volebant Manichæi, & ideo memorat illarum bona, & utilitates.

Colligis ergo, quod undecumque proveniat impotentia, sive ex natura, ut in frigidis, vel foeminis arctis, sive ex arte, & ab extrinseco, ut in Eunuchis, quibus amputata sunt genitalia; sive absoluta, sive respectiva, propter aliquam improprietatem inter duos, sive ex maleficio, semper impedit fieri, & dirimit factum ex parte impotentis; ita ut alter possit, si velit, alteri nubere: imo, si sit respectiva tantum, poterit uterque nubere, quia improprietio cum uno, potest non esse cum alio.

CONCLUSIO II.

Impotentia non perpetua, nec illa, quæ subsequitur matrimonium validum, non est impedimentum dirimens. Est etiam communis.

Prob. 1. p. ex Scoto [1] Habens impedimentum perpetuum, & hoc respectu cuiuslibet, debet manere sine spe conjugii, & tutum esset sibi intrare Religionem, quia si post contrahat de facto, & carnaliter copuletur, cogetur redire ad priorem, quia apparet sententiam divortii processisse ex errore... quia impedimentum, quod putabatur perpetuum, non erat; ergo impotentia temporanea non dirimit.

Prob. 1. ex SS. Decretis Ecclesiæ, quæ semper, & ubique supponit impotentiam simpliciter, & perpetuam esse dirimentem, & quoties non constat de incurabilitate ejus expectandum esse, donec id certò sciatur. Ut cap. *Laudabilem* cit. ubi Lucius III. non permittit mulierem accipere alium, nisi per justum iudicium probare potuerit de viro, quòd cum illa coire non possit. Et Glossa. c. *Frigiditas*, dicit, quòd tam frigidus, quàm maleficiatus expectare debet, usque ad triennium. Et Honor. III. dicit, quòd si constiterit virum, & mulierem infra octo annos per continuum triennium simul habitasse, & se commiscere carnaliter non potuisse, proferatur divortii sententia inter illos. Quod à fortiori verum est de maleficiatis, quia de istis, magis sperandum est impedimentum removeri posse, quòd non processit à naturalibus, ait Glossa. Idem patet cap. *si per sortiarias*; ergo quandiu speratur, quòd impotentia curari possit, non dirimit matrimonium.

Confir. ex cap. *fraternitatis*, ubi mulier, quæ licet fuisset reperta arcta incurabiliter, ideoque matrimonium fuisset irritatum, tamen cum alteri nupisset, & vas fuisset dilatatum, nescio quo medio, Innoc. III. decrevit secundum matrimonium esse nullum, & eam reddendam esse priori viro, quia impedimentum non erat perpetuum, quòd præter divinum miraculum, per opus humanum, absque corporali periculo posuit removeri, sententiam divortii per errorem,

[1] d. 34. E. 6.

rem, licet probabilem, novimus esse prolatam, &c. ergo impotentia temporanea etiam absoluta non dirimit. Nam de essentia matrimonii non est, ut statim, vel intra tempus determinatum consummetur, vel possit consummari, quando impotentia non est perpetua: sufficit, quod possit aliquando consummari. Quia lex conjugii est affirmativa, & non obligat ad semper; ergo &c.

Prob. 2. p. Nam si post matrimonium validè contractum, superveniat impedimentum, seu impotentia; non potest retroagere ad illud dirimendum; ergo impotentia superveniens matrimonio non dirimit illud.

Quæres, *quomodo cognosci possit, an impotentia sit ex maleficio, & perpetua.*

Resp. hanc regulam tradi solere, sc. ut exorcismi Ecclesiæ adhibeantur, & orationes, jejunia, & alia pia opera celebrentur, & tandem per triennium cohabitent illi conjuges, & si post illa media, & illud tempus constet maleficio non esse sublatum, censetur perpetuum, & dirimens. Nam, inquit Scotus, maleficio præsumitur perpetuum, si per triennium perseverat. Et decret. cit. assignant illud tempus, maxime, cap. *Laudabilem*, &c.

Quæres 2. *Quid dicendum de Eunuchis.*

Resp. integrè castratos inhabiles esse ad matrimonium; non autem si imperfectè solum, ita ut non careant utroque testiculo.

Ratio. 1. p. est, quia isti carent vero semine, & sic inepti sunt ad finem principalem, & primarium matrimonii, licet fortè non sint inepti ad coitum, & ad sedandam propriam, vel alienam libidinem, & ita statuit Xyxtus V. an. 1581. B. cum frequenter.

Ratio 2. p. est à contrario, quia isti habent verum semen, & possunt consummare matrimonium ob finem primarium ejus.

Quæres 3. *Quid de hermaphroditis, qui habent utrumque sexum.*

Resp. Eos contrahere posse in sexu, qui prævalet, vel si in utroque sint æquales, poterunt eligere alterum, & in eo contrahere, jurando se non usuros alio sexu durante illo matrimonio.

Ratio est, quia in sexu prævalente potest consummari matrimonium ob finem ejus primarium, & ex

illo sexu dicuntur viri, aut fœminæ. Ut patet ex L. *Queritur*.

Idem est de illis, qui æquales sunt in utroque. Nam possunt uti eo sexu, quem elegerint.

Quæres 4. Quid dicendum, si impotentia naturalis, quæ judicata fuit perpetua, re vera non sit talis. Dico, naturalis, nam de causali dicemus infra.

Resp. Quod si vir declaretur naturaliter impotens, & postea reperiatur potens, cum alia simili fœmina, cum qua contraxit; debet redire ad primam, non verò si contraxerit cum dissimili.

Ratio 1. p. patet ex cap. *Fraternitatis*, cit. quia declaratio fuit erronea; ideo, inquit Papa, primum conjugium fuit verum, & ideo 2. est invalidum.

Ratio 2. p. Quia tunc impotentia censetur respectiva, & perpetua respectu prioris fœminæ, aut viri, ideoque potuit aliam ducere.

Quæres 5. Quid si impotentia erat ex maleficio, & judicata fuerat perpetua.

Resp. Valere declarationem, & separationem, quia impotentia ex maleficio præsumitur respectiva, & pro una, vel uno, non pro omnibus; ergo licet declarata sit perpetua inter conjuges illos, non censetur perpetua respectu aliorum. Ideo, data sententia divortii, potest cessare in eis maleficio quoad alios, & sic poterunt aliis nubere.

Confir. ex cap. cit. *Si per sortiarias*; ubi de maleficiatis dicitur, quod si forte sanari non poterunt, separari valebunt. Sed postquam alias nuptias expetierint, illis in carne viventibus, quibus juncti fuerant, prioribus, quos reliquerant, etiam si possibilitas concubendi eis reddita fuerit, nequaquam quibunt. Cur autem aliud statuatur in casu impotentiae naturalis? Ratio est, quia, ut dicebam, naturalis præsumitur perpetua, & ad omnes extendi, & si aliter id esse comperiat, sententia divortii præsumitur erronea, ideo prius conjugium subsistit. At, è contra, impotentia ex maleficio præsumitur respectiva, & ideo sententia divortii censetur iusta inter primos, & sic nova matrimonia subsistunt. Sic conciliantur Canones *Laudabilem*, & *si per sortiarias*. Qui videntur pugnare.

Notat autem *Juenin*, quod non admittitur ista distinctio.

stinctio in praxi. Qui enim per quaecumque impotentiam à priori uxore per sententiam iudicis discesserit, numquam ad eam redire sinitur, & iudex Ecclesiasticus, qui reditum illum decerneret, daret locum appellationi, quam *ab abusu* vocant.

Quæres 6. *An senectus decrepita censeatur impotentia dirimens.*

Resp. ex Scoto, [1] quod *si senex est omnino impotens, dicerem, quod non contraheret matrimonium.* Et Brancatus addit, quod nec Ecclesia id eis permittit; sed solum in senibus potentibus copulari, & addit Scotus, quod *licet aliqua posset consentire in eum ad cohabitandum, sicut frater, & soror, & ita forte plures magis desponsant divitias, quam personas;* ergo non est verum matrimonium, sed pura societas humana. Igitur, senectus non est impedimentum impotentiae, quandiu senes possunt perficere copulam seminando, ait Brancatus, sed si non possunt eam perficere, ita nec nubere; non enim possunt dare potentiam sui corporis, quam ipsi non habent.

Reliqua ad hanc materiam habes apud Casuistas. Hæc studentibus nostris pro nunc sufficiant.

QUÆSTIO IX.

De impedimento ligaminis, seu polygamiae.

PAUCA de isto dicenda restant, suppositis, quæ diximus supra de unitate matrimonii. Ligamen istud nihil aliud est, quàm vinculum indissolubile, quod per verum matrimonium contrahitur inter virum, & mulierem, ita ut quamdiu ambo vivunt, neuter possit alium ducere, seu, quamdiu subsistit illud matrimonium, non possit valide aliud contrahi, sic nec vir potest eodem tempore habere plures uxores; nec mulier duos viros, ut diximus de polygamia simultanea, quam probavimus prorsus illicitam, & invalidare matrimonium.

CONCLUSIO I.

Ligamen est impedimentum absolute, & simpliciter dirimens matrimonium. Est communis, & patet ex dictis de polygamia.

Prob. ex Scoto, [1] quia Deus instituit, & pro statu innocentie, & pro statu nature lapsae regulariter istam commutationem (corporum viri, & foeminae, in qua consistit essentia matrimonii) debere fieri unius cum uno. In hoc ergo est completa iustitia.

Prob. 2. ex Concil. Trid. [2] Si quis dixeris licere Christianis plures simul habere uxores, & hoc nulla lege divina esse prohibitum, anath. sit. Sed qui post contractum matrimonium cum una, & ea vivente, duceret aliam, haberet duas uxores, (idem est de foemina, quae vivente priore viro, duceret alium) ergo &c.

Prob. 3. Nam essentia matrimonii consistit in mutua traditione corporum inter marem, & foeminam; ergo ut valide contrahant, debent habere plenum dominium suorum corporum; nemo enim dare potest, quod suum non est: sed stante conjugio unius viri, cum una foemina, ille non est amplius dominus sui corporis; ergo &c. Prob. subf. nam, mulier non habet potestatem sui corporis, sed vir, nec vir habet potestatem sui corporis, sed mulier; ergo &c.

Dixi, stante matrimonio; nam sicut per mortem unius, dissolvitur matrimonium, ita & ligamen. Ideo asserimus licitam esse polygamiam successivam, non simultaneam.

Objic. Ligamen non dirimit lege ulla divina, vel humana; ergo &c. Prob. ant. 1. Non lege divina, nam constat ex Script. SS. Patriarchas habuisse plures uxores, ut Abraham, Jacob, &c. 2. Non lege humana; alioqui Ecclesia, vel Princeps posset in hoc dispensare, quod dici non potest.

Resp. neg. 1. ant. & dist. 2. habuisse ex dispensatione divina, con. sine dispensatione, neg. ant. Nam ut diximus, cum Patriarchis Deus dispensabat ob rationes praedictas.

CON-

[1] d. 33. b. 3. [2] sess. 24. ca. 2.

CONCLUSIO II.

Impedimentum hoc nascitur ex matrimonio rato, licet non consummato.

Prob. 1. ex Scoto, [1] qui non putat probabile, quod insolubilitas matrimonii veniat ex actu carnali superaddito, sed simpliciter ex contractu, qui est datio mutua, & quod actus iste (carnalis) non est aliquid novi contractus, nec aliquam novam insolubilitatem inducit; ergo tam ligamen nascitur ex matrimonio rato, quam consummato, quia in utroque est tota essentia matrimonii.

Prob. 2. In ipso contractu, & ante consummationem conjuges sibi mutuò dant corpora sua; ergo in ipso contractu, præcisè, contrahunt ligamen, quo amittunt potestatem suorum corporum ad invicem; ergo & potestatem nubendi aliis.

Confit. Ante copulam, matrimonium est verum Sacramentum, & habet totam ejus essentiam; ergo & totum vinculum impediens, ne possint ulterius contrahere, quia nihil eis restat donandum ulterius.

Prob. 3. ex Concil. Later. III. ubi definitur, quod si matrimonium sit ratum cum una, & contrahatur cum alia, iste 2. contractus est nullus. Et cap. licet, ubi Alex. III. dicit, quod postquam duo consenserunt per verba de præsentì, non licet mulieri alteri nubere, & si nupserit, etiam si carnalis copula secuta sit, ab eo separari debet, ut ad primum redeat. Et cap. fin. idem Innoc. 3. in pari casu decernit, id, quod prius factum fueras de jure, non potuit irritari. Idem statuit Gregor. IX. cap. Si inter.

Objic. Alex. 3. cit. can. dicit aliter aliquando fuisse judicatum ab aliis; ergo istud ligamen non necessariò nascitur ex matrimonio rato: alioqui illi alii Pontifices errassent, quod nemo dixerit.

Resp. dist. ant. Aliter ab aliis judicatum doctrinaliter, & opinativè, con. definitivè, & decretoriè, seu ex cathedra, neg. ant. Nam ut docent Canonistæ, illi prædecessores Alexandri, sic opiniati sunt ut doctores privati, non ex cathedra, nec ut doctores universales Ecclesiæ. Ideo nullibi habentur eorum decreta sicut habentur contraria. Imò gravissimi Doctores

docent Papa facere non posse, quod matrimonium ratum per verba de præsenti dissolvatur per subsequens consummatum, quia per 1. translatum est dominium corporum inter sponfos, lege divina, & naturali insolubile.

Inst. Glossa dicit, quod in Ecclesia Mutinensi mos erat, ut per 2. matrimonium consummatum dissolveretur 1. quod non erat nisi ratum; ergo &c.

Resp. dist. ant. ex errore, vel ignorantia, aut corruptela, con. ex usu legitimo, neg. ant. ideo mos ille *correctus fuit*, inquit Glossa ipsa.

Objic. 2. Ideo matrimonium inducit ligamen dirimens alia, quia per illud conjuges duo fiunt una caro, sed non fiunt una caro per matrimonium ratum, & ante copulam; ergo matrimonium ratum non facit ligamen dirimens.

Resp. neg. maj. nam ligamen dirimens nascitur ex natura hujus contractus, quo conjuges sibi mutuo donant corpora sua, quæ amplius sua non sunt, ut ea donent aliis, & quia Deus sancivit, quod *relinquet homo patrem... & adhærebit uxori suæ*, & Christus dixit, *Quæ Deus conjunxit, homo non separet*. Et hæc non dependent ex copula carnali, sed nascuntur ex contractu cum sacramento.

Inst. Insolubilitas vinculi venit ex repræsentatione unionis Christi cum Ecclesia: sed hoc non repræsentat nisi per copulam, & consummationem; ergo &c.

Resp. neg. ant. nam potius insolubilitas matrimonii est causa talis repræsentationis. Nisi enim esset insolubile, non repræsentaret illam unionem inviolabilem Christi cum Ecclesia, quæ est sponsa ejus unica, *sicut Christus est unus sponsus unius Ecclesiæ, & Ecclesia est unica sponsa unici sponsi Christi*, ait Scotus. [1]

Objicies 5. Vir post matrimonium ratum nondum possidet Annam, benè verò possidet Bertam, si ducit eam, & consummet cum ea; ergo hoc 2. matrimonium prævalet 1. & tenet; ergo ligamen cum Anna non dirimit matrimonium 2. cum Berta. prob. conf. *Nam melior est conditio possidentis*.

Resp. neg. ant. nam per consensum mutuum, vir, & Anna se se mutuo possident, & in his, *prior tempore potior est in jure*.

Inst.

[1] d. 33. q. 2. B. 3.

Inst. Vir consentiens in Annam potuit retinere voluntatem ducendi Bertam; ergo per illum priorem consensum non contraxit ligamen dirimens 2.

Resp. dist. ant. Potuit retinere per contractum invalidum, & fictum con. per contractum validum, & verum, neg. ant. nam cum tali intentione contractus ille primus esset invalidus.

CONCLUSIO III.

Impedimentum ligaminis est de jure Divino, & Ecclesiastico, & aliquo modo de jure secundario naturali. Est communis.

Prob. 1. ex Scoto cit. [1] nam inquit, Deus constituit pro statu naturæ lapsæ, & innocentie regulariter istam commutationem (corporum in matrimonio) deberet fieri unius cum una. Et alibi docet monogamiam esse de lege naturæ, secundario, sc. quatenus regulariter est consonum legi naturæ primo modo dictæ. Et infra, pro lege Evangelica non habet locum polygamia, nec licet dimittere uxorem; ergo nullo modo, ipso vivente, sive dimissa, de facto, sive non dimissa, licet cum alia contrahere; ergo ex Scoto, impedimentum hoc est de jure Divino, naturali, & humano. v.d. 26. q. 1. H.

Prob. 2. ex dictis, nam Concil. Trid. cit. dicit anathematizantibus polygamiam nulla lege divina esse prohibitam; ergo impedimentum ligaminis venit ex lege divina, qua prohibetur contractus cum uno, vel una 2. fœmina vivente prima.

Prob. 3. ex Script. nam Deus per os Adæ dixit, Erunt duo in carne una: non tres, nec quatuor. Et Christus. Qui fecit hominem ab initio, masculum, & fœminam creavit eos. Et ut notat Chrysost. Non dixit, quia virum, & mulierem unam solum modo fecit: verum etiam, quia iussit, ut unus uni conjungatur; nam si voluisset alteram etiam conducere uxorem uni viro creato, multas formasset mulieres: ergo Deus voluit hoc impedimentum, quo ligaretur unus vir uni soli fœminæ, & vicissim.

Prob. 2. p. de jure Ecclesiastico, tum ex Concil. cit. tum ex can. 48. Apostol. si quis laicus, sua uxore

E c 5

reje-

[1] d. 3. q. 1. G. 3.

658 De impedimentis matrimonii

rejeſta, aliam acceperit, vel ab alio ſolutam, ſegregetur, & id conſtat etiam ex Concil. Florent. cit. de polygamia.

Prob. 3. p. nam congruit legi, ac rationi naturali, ut proles bene educetur, & pax in familia ſervetur, & æquitas: ſed hæc fieri non poſſunt, ſi vir ligatus cum una ducat ſimul alias uxores, non poterit æqualiter curare omnes earum filios, nec æqualiter amare, non ſervabit juſtitiam inter illas, nec per conſequens pacem, nec fidem, ſorores erant Lya, & Rebecca; nec tamen concordabant; ergo &c.

Objic. 1. Script. Nullibi prohibet pluralitatem uxorum; ergo iſtud impedimentum non eſt de jure Divino.

Reſp. diſt. ant. nullibi prohibet explicite, & formaliter, con. implicite, & virtualiter, neg. ant. ut patet ex locis citatis, juxta mentem SS. Patrum.

Inſt. Si Deus id prohibuiſſet; peccaſſent Patriarchæ, qui plures duxerunt, ut Abraham, qui Saram, & Agar, Jacob, qui Lyam, & Rachel, & Lamech, qui ſeptem habuiſſe legitur, &c.

Reſpondeo diſt. ant. Peccaſſent, niſi Deo inſpirante, & diſpensante id feciſſent, con. abſolute, & ſimpliciter ſuppoſita diſpenſatione, neg. ant. Illi SS. Patriarchæ plures ita duxerunt Deo inſpirante, & diſpensante, ita ut ligamen non fuerit pro illis impedimentum dirimens.

Objic. con. 3. p. Si eſſet impedimentum de jure naturæ, non poſſet in eo diſpenſari; ſed conf. eſt contra nos, ergo hoc impedimentum non eſt de lege naturæ.

Reſpondeo diſt. maj. Si eſſet de jure primario naturæ, con. ſi de ſecundario, neg. maj. Non enim dicimus id eſſe de jure primario naturæ, ſed ſolum de ſecundario.

CONCLUSIO IV.

Impe^dimentum ligaminis ceſſat in ſuperſtite conjugum, altero mortuo, ſed debet haberi certitudo de morte iſtius. Eſt de fide quoad 1. p. & patet ex dictis de polygamia ſucceſſiva.

Prob. 1. ex Scoto cit. [1] de perpetuitate, & inſolubilitate

litate matrimonii, nam hæc non potest extendi ultra vitam amborum simul.

Prob. 2. ex Script. dicente Apost. [1] *Quæ sub viro est mulier, vivente viro alligata est legi, si autem mortuus fuerit vir ejus, soluta est lege viri.* Et alibi, *mulier alligata est legi, quanto tempore vir ejus vivit. Quod si dormierit vir ejus, liberata est: cui vult, nubat.* Idem est de viro mortua uxore: ergo &c.

Confir. ex dictis de insolubilitate. Nam ibi probatum est non prohiberi polygiam successivam, ita ut vir mortua una uxore possit ducere aliam, & similiter de uxore mortuo viro.

Prob. 2. p. etiam ex dictis. Nam in re tanti momenti non debet procedi ex levibus conjecturis, aut testimoniis, vel signis incertis.

Colliges 1. Quod ad licitè, & validè nubendum non sufficit absentia septem, aut plurium annorum, sed nequidem 20. aut plurium, ut patet ex cap. in presentia, ubi Clem. III. dicit de mulieribus, *quæ viros suos causa captivitatis, vel peregrinationis absentes ultra septennium præstolata fuerint, nec certis carj possunt de vita, vel morte ipsorum, licet ad hoc sollicitudinem adhibuerint diligentem, & juvenili ætate, seu fragilitate carnis nequeunt continere...* Respondemus, quod quantocumque annorum numero, ita remaneant, viventibus viris suis, non possunt aliis nubere. Quid clarius? In matrimonio non currit præscriptio (inquit Glossa) licet omnia jura præscriptione tollantur.... Alter conjugum debet expectare, quousque sit certus de morte alterius. Item notat, quod, per hanc decretalem abrogantur leges, quæ dicunt mulierem per quinquennium tantum debere expectare virum.

Colliges 2. non sufficere solam famam de morte. 1. Quia hæc fama sæpissimè fallit. 2. Quia Ecclesia prohibet foeminas illas contrahere, donec certum nuntium accipiunt de morte virorum. 3. Quia in criminalibus sola fama non probat, cap. tua nos; ergo neque in nuptiis.

3. A fortiori non sufficit moralis existimatio, ut patet ex eodem canone, qui exigit certum nuntium, & cap. Dominus, ubi Lucius III. prohibet secundas nuptias, donec mulieri constet, quod ab hac vita migravit.

660 *De impedimentis matrimonii*

veris conjux ejus. Unde S. Congregatio Concilii an. 1658. præscribit tres, ut si dixerint, quod contrahens habuit uxorem, aut maritum, qui sit mortuus, debent illi interrogari de loco, & tempore mortis, & quomodo id sciant, & si dixerint fuisse in aliquo hospitali, & vidisse sepeliri, &c. decernit non debere permitti, ut contrahant, nisi recepto testimonio authentico à Rectore illius hospitalis.

4. Nec sufficere veri similitudinem, quia hæc non est veritas, sed sæpe fallit; ergo qui sub illa veri similitudine nuberet, exponeret Sacramentum.

5. Requiritur ergo saltem duo testes idonei de usu, aut saltem unus, non quidem solus, sed cum aliis adminiculis, v.g. cum fama, aut liber parochi, in quo describuntur nomina mortuorum, cognomina, patria, & dies mortis, aut sepulturæ.

Sed de his satis. v. Cardinal. nostrum Brancatum, & alios.

QUÆSTIO X.

De impedimento consanguinitatis.

Consanguinitas est *vinculum personarum ab eodem stipite proximo descendantium carnali propagatione contractum*. Stipes autem est persona illa, in qua uniuntur consanguinei, seu cujus sanguinem participant. *Linea* est ordo, seu collectio personarum sanguine junctarum, & triplex est. *Ascendentium*, qua progreditur à propagatis ad propagantes, ut à filio ad patrem, matrem, &c. 2. *Descendentium*, qua progreditur à propagantibus, seu, progenitoribus ad propagatos, seu progenitos, ut à patre, vel matre ad filium, aut filiam, ad nepotem, vel neptem, &c. 3. *collateralis*, seu *transversa*, in qua ordinantur personæ ab illo stipite descendentes, sed inter se independentes, seu à se invicem non descendentes, ut frater, & soror, qui sunt immediatè ab eodem patre, & consobrinus, & consobrina, qui sunt ab illis fratre, & sorore.

Rursus, quædam linea dicitur *Recta*, in qua ordinantur personæ sic descendentes à stipite, ut etiam una ab alia directè procedat per carnalem propagationem, ut filius à patre, & nepos à filio, & pronepos

à ne-

à nepote. 2. alia *transversa*, quam mox descripsimus in laterali. 3. alia *æqualis*, in qua sunt, qui æqualiter distant à stipite, ut frater, & soror. 4. alia inæqualis, in qua sunt, qui inæqualiter distant à stipite, ut frater, & filius sororis: nam frater est in 1. gradu, & filius sororis est in 2. *Æqualis* dicitur etiam *recta*, quia in ea nulla pars est altior, vel inferior alia, ut patet de fratribus, & sororibus.

Nomine *graduum*, quibus constant lineæ, intelligitur determinata propinquitas, vel distantia unius personæ ab alia secundum sanguinem, quia per illos cognoscimus, quantum ad se invicem pertineant, aut distent per singulas personas, ascendendo, vel descendendo quasi per gradus scalæ.

Notandum, quòd in jure civili gradus lineæ transversę computantur absolute secundum numerum personarum à stipite descendendum, sic duo fratres faciunt duos gradus, tres fratres faciunt tres gradus, sed in jure Canonico centum fratres non faciunt nisi unum gradum, quia uno tantum gradu distant ab eodem patre.

His præmissis pro intelligentia terminorum, ponuntur tres regulæ pro computandis his gradibus. 1. in linea recta ascendendum, & descendendum tot sunt gradus, quot personæ ex uno stipite descendentes, dempto stipite. Sic Pater, & filius sunt quidem duæ personæ, sed unicus gradus, quia pater, qui est stipex, non numeratur, sic filius est in 1. gradu, nepos in 2. pronepos in 3. & abnepos in 4. Idem est de fratre, & sorore, seu de pluribus fratribus, sunt enim omnes in 1. gradu, quia non plus distant à stipite, seu patre.

2. Regula est pro *linea transversa æquali*. Personæ tot gradibus inter se distant, quot singulæ distant à communi stipite: sic filii fratrum, seu consobrini sunt in 2. gradu, & istorum filii sunt in 3. quia tribus gradibus distant à stipite, seu à patre fratrum.

3. Est pro *linea transversa æquali*. Personæ tot gradibus inter se distant, quot gradibus remotior illarum distat à stipite. Sic Japhet, & Arphaxat filius Sem sunt in 2. gradu, quia Arphaxat distat duobus gradibus à Noe, licet Japhet sit in 1. respectu Noe, & patris sui Japhet. Ratio harum duarum regularum est:

est: Nam inquit Doctor, qui sunt in linea transversali, non habent inter se propinquitatem, nisi ratione stipitis, & ideo non possunt inter se propinquijs coniungi, quàm remotior eorum coniungatur stipiti.

Conveniunt autem omnes, quod in linea ascendentium, & descendentium nullus datur gradus, in quo valeat matrimonium. Ideo si Adam adhuc viveret, non posset in toto genere suo nubere, & licèt ab initio creationis fieret matrimonium in 1. gradu transverso, numquam tamen fiebat in linea descendente. Quod videtur innuere Scriptura, dicens, [1] *relinquet homo patrem, & matrem suam, & adhærebit uxori suæ*, Id *Relinquet* quoad copulam conjugalem, quod non intelligitur tantùm de patre proximo, sed de quocumque in linea recta.

CONCLUSIO I.

IN omni lege aliqua propinquitat sanguinis impeditur matrimonium. In lege Evangelica impediēbat aliquando usque ad 7. gradum; sed post Concilium Lateran. sub Innoc. III. impedit solum usque ad 4. inclusivè. Est communis.

Prob. 1. ex Scoto cit. Dico, quod in omni lege aliqua propinquitat impeditur. In lege naturæ illa sola, ut dictum est, in 1. gradu in linea descendente ... forè etiam post multiplicationem humani generis, si stetisset in innocentia, fuisset prohibitio in quibusdam gradibus ultra primum. Sed in principio non potuit fieri. In transversa ne quidem prohibebatur in 1. quia tunc non erant aliæ fœminæ, quàm sorores. In Lege Moysi erat prohibitio quantum ad quosdam gradus ultiores, ut patet Levit. 18. In lege autem Evangelica fuit aliquando prohibitio usque ad 7. gradum ... sed sub Innoc. III. restricta est usque ad 4. gradum inclusivè. Habes ergo hic totam conclusionem in Doctore Subtili.

Prob. 1. p. Certum est, quod filii Adæ duxerunt sorores suas defectu aliarum fœminarum, & istorum filii nupserunt tantùm consobrinis; sed nusquam legitur matrimonium inter ascendentes in linea recta.

Dico, in linea recta: nam quoad transversam, & lateralem, patruī, & avunculi duxerunt neptes, Abraham duxit Saram filiam fratris sui Aran; ideo di-

dicebat eam sororem, *Soror mea est filia fratris mei, & non filia matris meae*. Quod significat tunc non licuisse amplius nuptias inter fratres, & sorores, aliqui non se ab hoc excusaret Abraham. Idem est de nepotibus cum amitis, seu sororibus patrum; ideo Amram pater Moysis duxit Jocabelem filiam Levi, qui erat avus Amram.

Confir. ex Lege Moysis. Nam in linea recta inter descendentes, & ascendentes in quantumcunque distant gradu prohibita sunt semper conjugia, juxta illud, *Turpitudinem matris tuae non discooperies... Turpitudinem filiae filii tui, vel neptis ex filia, non revelabis, quia turpitudine tua est*. Similiter in linea laterali inter fratres, & sorores, *Turpitudinem sororis tuae ex patre, sive ex matre... non revelabis*. Item in 2. gradu inter nepotem & avunculam, *Turpitudinem sororis patris tui non discooperies, quia turpitudine est patris tui*. Idem est de sorore matris. Non ita est de linea laterali descendantium: nam avunculus poterat ducere neprem, nec enim tanta est incongruentia naturalis, ut quæ est natura inferior, ut neptis respectu avunculi, fiat etiam inferior ex conjugio, quàm, ut qui natura est superior, qualis est avuncula respectu nepotis, fiat inferior conjugio.

Prob. 2. p. Nam licet Christus non dederit expressè de hoc præceptum, nec inveniatur alia prohibitio ultra prohibitionem Legis naturæ (ait Doctor) nec etiam explicitè confirmavit prohibitionem super hoc factam in lege Moysæ, sed Ecclesia illegitimavit personas aliquando in gradu remotiori, postea in 4. gradu. Hæc abhorruit matrimonia in 1. gradu lineæ rectæ transversalis, sc. inter fratres, & sorores, licet aliquando permiserit in 2. inter consobrinos, & consobrinas. Id colligitur ex l. *Celebrando*, in qua rescinditur lex Theodosii senioris prohibentis matrimonium inter consobrinos, & dicitur, *matrimonium inter consobrinos habeatur legitimum*. Legimus tamen, quod Greg. Magnus scribens ad Augustinum Anglorum Episcopum improbat hanc legem. Et Concil. Agathense an. 506. & Turon. II. an. 567. damnant matrimonia inter consobrinos. Et sic de aliis.

Prob. ex SS. Canonibus, & historiis Ecclesiasticis: nam cap. *de affinitate*, in Concilio Meldensi dicitur,
de

de affinitate consanguinitatis per gradus cognationis placuit usque ad 7. generationem observare, & cap. Nullum, quod tribuitur eidem Gregorio, vel Concil. Aurelian. & cap. de sanguinitate, idem habetur. Et cap. Nulli, ex Concil. Lugdun. & cap. Contradicimus, ex Concil. Cabilon.

Prob. 3. p. ex Concil. Lateran. IV. & cap. Non debet, ubi dicitur, quod prohibitio copulae conjugalis 4. consanguinitatis, & affinitatis gradum de cetero non excedat. Et è contra, qui contrahunt intra 4. gradum, consanguinitas est impedimentum dirimens, & non ultra. Et talis est hodie praxis Ecclesiae.

CONCLUSIO II.

Matrimonium jure naturae prohibetur in 1. gradu linea rectae ascendentium, imò & probabiliter in aliis ejusdem lineae, atque etiam inter fratres, & sorores, sed in aliis lineis, & gradibus prohibetur jure positivo. Est communis.

Prob. 1. ex Scoto cit. In lege naturae illa sola, ut dictum est, in 1. gradu in linea descendente (sc. propinquitas impedivit) id non intelligitur tantum de patre proximo, sed de quocumque in linea recta, &c. ergo ex Scoto lex naturae prohibet matrimonium inter consanguineos in omnibus gradibus lineae rectae ascendentium, & in aliis lineis id prohibetur ab Ecclesia.

Prob. 2. i. p. Nam ipse Scotus, & S. Bonaventura, & alii ad hoc probandum utuntur his verbis Script. Relinquet homo patrem, & matrem, sc. quantum ad copulam carnalem; ergo lex naturae horret tale conjugium, & ab eo excipit duas illas personas; vinculum sc. consanguinitatis, quod est stipitis ad prolem, impedit propter dictamen naturae, ait Seraph. Doctor, & Scotus dixit ex Philosopho, quod ipsa bruta abhorrent à copula cum matribus suis, afferens exemplum de equo, & elephante.

Prob. 3. ex horrore omnium gentium, quantumvis barbararum: non enim venit ab ulla lege positiva, sed purè ex naturali. Unde legitur de filio Semiramidis, qui sollicitatus à matre impudicissima ad concubium, ex horrore eam occidit.

Prob. 2. De gradibus inferioribus in illa linea iisdem

rationibus, & maximè ex omnium nationum sensu, id enim venire non potest, nisi à natura, quæ vel à cogitatione talis conjunctionis abhorret. Certe reverentia nepotum in avos, & atavos facit, ut ratio naturalis horrescat concubitus inter illos, nec alius amor vigere potest inter illos, quàm reverentialis, quæ reverentia tanto major est, quanto remotiores sunt.

Prob. 3. p. de 1. gradu lineæ transversæ, seu de fratribus, & sororibus: nam filii Adæ cum sororibus suis nupserunt ex necessitate, & propter inopiam aliarum fœminarum; sed extra hunc casum non legitur fratres nupsisse cum sororibus, nequidem apud barbaros; ergo id non habuerunt nisi ex lege naturæ, seu ex lumine rationis naturalis.

Confir. ex facto Abrahæ: nam cùm ingrediens Ægyptum timeret se occidendum ab Ægyptiis propter Saræ pulchritudinem, rogavit, ut se diceret non uxorem, sed sororem. *Dic, obsecro, quod soror mea sis*, ne sc. suspicentur te esse meam uxorem; ergo sciebat Abraham Ægyptios, licet barbaros, horrescere naturaliter conjugium in 1. gradu lineæ transversæ, seu inter fratres, & sorores.

Prob. 4. p. tum ex Script. cit. pro lege Moysæ; nam ibi legitur, [1] *Omnis homo ad proximam sanguinis sui non accedet, ut revelet turpitudinem ejus*, & declarat gradus prohibitos, ut dictum est. Et pro lege Evangelica adduximus plurima decreta Sanctorum Pontificum, & Conciliorum, maximè Lateran. IV.

Confir. ex Trident. [2] quatenus definit alios consanguinitatis, & affinitatis gradus dirimere, aut impedire, præter illos, qui in Levitico exprimuntur, & Ecclesiam illa impedimenta statuere potuisse; ergo de facto Ecclesia statuit impedimenta inter consanguineos in pluribus gradibus consanguinitatis.

Objic. 1. con. 1. & 2. Si natura prohiberet matrimonium in 1. gradu, magis prohiberet, ubi est major conjunctio, & unitas carnis; sed non prohibuit, ubi est major conjunctio carnis, quam in 1. gradu; ergo &c. Probat. ant. In Adam, & Eva fuit major conjunctio carnis, quam inter patrem, & filiam;

Eva

[1] Lev. 18. [2] Sess. 24. can. 3. & 4.

Eva erat os de ossibus, & caro de carne Adæ, scilicet unitate materiali, & formali; sed in patre, & filia unitas illa est longè minor, est enim solum virtualis.

Resp. dist. maj. major per viam generationis carnalis, conc. maj. & neg. min. alio modo, neg. maj. & 2. conf. quia unitas carnis Adæ, & Evæ non fuit per viam generationis carnalis, sed miraculosæ conversionis, qua Deus ædificavit *costam in mulierem*. Talis autem unitas non pertinet ad naturam.

Objic. cont. 2. Nulla ratio naturalis vetat conjugia in gradibus remotissimis in linea recta descendantium; ergo gratis asseritur hoc impedimentum in hac linea. Prob. ant. Nam multi infideles, ac barbari sic nupsunt, & si venirent ad fidem sic nupti, tales manerent; ergo &c.

Resp. neg. 1. ant. & 2. conf. Nam reverentia, quam debent nepotes avibus, & atavis suis, non patitur æqualitatem, & familiaritatem, quam exigit societas conjugalis, sed facit, ut abhorreant à maritali concubitu, & certè monstruosum est in natura, quod generatio retrocedat, & ex tali barbarie nihil bonum inferri debet, nec tolerarentur illa conjugia, si venirent ad fidem.

Inst. ex cap. *Gaudemus*, Innoc. III. dicit, *Infideles conversos, & conjunctos in gradibus prohibitis non debere separari, quia per sacramentum baptismi conjugia non solvuntur, sed peccata dimittuntur; alioqui ab amplectenda fide averterentur, ne cogèrentur separari dimittendo uxores; ergo manerent nupti.*

Resp. dist. 1. ant. & 2. conf. in gradibus ab Ecclesia prohibitis, conc. in prohibitis à natura: neg. ant. & conf. nec enim de istis loquitur Papa, sed de gradibus ab Ecclesia prohibitis, sc. in lineis laterali, & transversa.

QUÆSTIO XI.

De impedimento affinitatis.

Affinitas dicitur à finium vicinitate Agri dicuntur affines, quia uno quasi limite, & termino finiuntur ad invicem. Est ergo *affinitas*, de qua hic agitur, *vinculum personæ ad personam ex coitu proveniens, carens omni parentela*. Nam hoc ipso, quòd Petrus nubit, & coit cum Berta, omnes consanguinei Petri accedunt ad fines ejusdem Bertæ. Idem est de consanguineis Bertæ cum Petro. Et isti dicuntur affines Petri; & illi affines Bertæ. Petrus autem, & Berta non dicuntur affines, sed causæ affinitatis.

Dixi, *consanguinei Petri cum Berta*, non verò cum consanguineis Bertæ. Nam inter consanguineos eorum non exurgit affinitas. Ideo frater Petri potest ducere sororem Bertæ, & filius Bertæ ex alio viro potest ducere filiam Petri ex alia uxore; & sic de aliis.

Porro, *affinitas*, alia est ex copula *conjugali*, & *legitima*; alia ex copula *illicita*, fornicaria: & ex illis non nascitur idem impedimentum. Agimus de utraque,

CONCLUSIO I.

Affinitas est impedimentum dirimens matrimonium intra 4. gradum; si est ex copula conjugali: & usque ad 2. gradum inclusive, si est ex copula fornicaria. Est communis.

Prob. 1. ex Scoto. Dico, *Affinitas simpliciter dirimit matrimonium*... Et in eodem gradu... In quo consanguinitas. Et hoc de affinitate propriè dicta, Et quoad aliam. Non solum cum uxore; sed cum concubina, vel meretrice contrahitur affinitas consanguineorum ipsius viri; ergo &c.

Prob. 1. p. ex Canonibus cit. pro consanguinitate; nam de utraque loquuntur eodem modo. Et cap. *De propinquis*, ubi Fabianus dicit, quòd, *qui ad affinitatem veniunt per virum, & uxorem defunctæ uxore,*
vel

vel viro in quinta generatione conjunguntur? In quarta si inventi fuerint, non separentur, sc. tunc dirimebat in 3. gradu. Sed alii Pontifices extenderunt hoc impedimentum ad 4. gradum, ut constat ex cap. *Si qua mulier*, ex Hygino, & cap. *Æqualiter*, ubi Julius 1. decernit, quod, *æqualiter vir conjungatur consanguineis propriis, & consanguineis uxoris suæ*. Tunc consanguinitas impediēbat usque ad 7. gradum, ut patet cap. *Nullum*. Idem statuit Gregor. 1. cap. *progeniem*, sed Concil. Lateranen. IV. decernit, quod *prohibitio copulæ conjugalis 4. consanguinitatis, & affinitatis gradum de cetero non excedat*. Idem dixit Alex. III. cap. *ex litteris*, & Innocen. III. cap. *non debet*.

Prob. 3. ex praxi Ecclesiæ, quæ affines in 4. gradu ex copula conjugali ad nuptias non admittit; ergo &c.

Prob. 2. p. de copula illicita 1. ex Concil. Trid. [1] dicente, *impedimentum, quod propter affinitatem ex fornicatione contractam inducitur, & matrimonium postea factum dirimit, ad eos tantum, qui in 1. & 2. gradu conjunguntur, restringi*; in ulterioribus verò gradibus non dirimere. Idem statuit Pius V. c. ad Romanum, dicens, *declaramus, & Apostolica auctoritate decernimus, nullum hodie impedimentum remanere, quominus in ulterioribus gradibus hujusmodi (post 1. & 2.) liberè, & licitè matrimonium contrahi possit*; ergo ex copula fornicaria nascitur impedimentum affinitatis, usque ad 1. & 2. gradum dirimens matrimonium, si in eis contrahatur.

Quæres, *An etiam contrahatur ex copula contra naturam*.

Resp. negativè; nam licet actus sint horrendi, tamen per illos non miscentur propriè sanguines, nec contrahitur unitas carnis. Ita decernit Urbanus II. cap. *Extraordinaria*. Nam, inquit glossa, *pollutio illa non facit sanguinis conjunctionem, nec carnis unitatem*.

Quæres 2. *An contrahitur ex copula violenta, v. g. cum dormiente*.

Resp. affirmativè; nam per eam fit unitas carnis, & sanguinis. Sic statuit Innocen. III. cap. *discretionem*.

Quæ-

Quæres 3. *An si semen immittatur per Dæmonem in vas feminae, contrahatur affinitas inter consanguineos viri, à quo excipitur semen, & femina recipientis?*

Resp. negativè, 1. Quia tunc vir non adhæret mulieri. 2. quia non posset sciri, à quo decusum sit, & hinc conscientia vexarentur mille scrupulis, & dubiis.

Quæres 4. *An nascatur etiam ex copula imperfecta, v. g. si solus vir seminet; vel si non seminet intra vas mulieris.*

Respond. negativè, quia tunc per talem copulam, non fiunt una caro; non miscentur sanguines; ad hoc enim requiritur perfecta utrinque copula, qualis requiritur ad generationem.

CONCLUSIO II.

Impedimentum affinitatis non venit ex lege naturæ; nequidem in 1. gradu ascendentiū, sed ex lege positiva, maximè ex Ecclesiastica. Est communior contra nonnullos, qui volunt, quod in linea recta descendentiū, & in 1. gradu lineæ transversæ nascatur.

Prob. 1. ex Scoto cit. [1] Dico, affinitas simpliciter impedit matrimonium, & ratio non est nisi statutum Ecclesiæ illegitimañtis affines; ergo hoc impedimentum dirimit ex sola lege positiva, maximè Ecclesiastica inter Christianos.

Prob. 2. quoad 1. gradum lineæ rectæ, ex quo à fortiori concludetur de aliis; nam præcipua ratio, cur in linea recta consanguinitatis non possit valere; est superioritas, & jus reverentiæ in ascendentiis, quod impedit usum matrimonii: sed hæc ratio non valet in affinitate: non enim tanta debetur reverentia novercæ, quantà matri; ergo hoc impedimentum non venit ex juræ naturæ. Prob. min. Illa superioritas in ascendentiis, & reverentia in descendentiis petitur ex ratione dependentiæ quoad esse, quod ibi accipiunt ab illis per generationem; in affinitate autem venit solum ex unitate carnis, quam noverca contrahit cum patre per copulam, sed hæc unitas non
val-

[1] *Ibid*, c. 3.

valdè indirectè, & leviter, & quasi moraliter attingit filios patris per affinitatem; ergo non est eadem ratio de affinitate in hac linea, quæ est de consanguinitate.

Confir. Nam si vivente patre, quis accederet ad uxorem ejus, summa ei fieret injuria propter adulterium, & violationem tori; quod esset impium in filio; sed si mortuo patre, filius, aut nepos ducat novercam viduam, non facit tantam injuriam patri, vel avo defuncto, ergo, &c.

Prob. 3. Quia sine fundamento asseritur hoc impedimentum esse de jure naturæ, ut patebit solutione objectionum.

Prob. 2. p. Nam ex dictis patent in Scriptura prohibitiones nubendi cum noverca, sub nomine uxoris paternæ, aut cum filia uxoris, seu novercæ, &c. ergo istud impedimentum affinitatis hujus est de jure positivo.

Prob. 3. p. ex Canonibus cit. & Concil. Trid. quibus prohibentur matrimonia inter affines intra 4. gradum; nec ullibi in novo Testamento, vel alibi legitur ea prohiberi à Deo, saltè immediatè, & nisi per Ecclesiam; ergo inter Catholicos impedimentum affinitatis non venit nisi à jure positivo Ecclesiastico.

Objic. 1. contr. 1. p. Impedimentum in linea recta descendendum per consanguinitatem est de jure naturali, ergo & per affinitatem in eadem linea. Prob. conf. nam Canones eodem modo prohibent conjugia cum affinibus, & consanguineis, ergo, &c.

Resp. n. 1. conf. & d. st. 2. ant. Eodem modo ex jure positivo, conc. ex omni jure, neg. ant. nam inter affines ascendentes, & descendentes per affinitatem non viget eadem dependentia in descendentibus, nec superioritas in ascendentibus, quæ est per consanguinitatem: in ista, descendentes habent esse naturale ab ascendentibus, non autem per affinitatem: filius enim nihil habet à noverca, &c.

Inst. Eodem modo Scriptura prohibet cum matre, & cum noverca; ergo eodem jure utrinque inest impedimentum. Prob. ant. Nam Scriptura pro matre dicit: [1] *Turpitudinem matris suæ non discooperies*. Et pro noverca; *Turpitudinem uxoris patris tui*, &c.

&c. sed per 1. importatur impedimentum consanguinitatis, & per 2. impedimentum affinitatis; ergo eodem modo prohibentur hæc conjugia.

Resp. neg. conf. & dist. min. importatur quoad jus positivum Divinum, con. quoad naturale, neg. min. Nam quod pater, dum viveret, factus sit una caro cum noverca, non facit, quod filius, qui jam natus erat ex 1. uxore, accipiat aliquid à 2. & sic non est eadem ratio prohibendi conjugium filii cum ista, licet utrumque Deus prohibeat.

Inst. 2. Ratio prohibendi *revelare turpiudinem matris* venit ex unitate sanguinis cum illa, & cum patre, sed eadē est ratio pro noverca in affinitate; ergo &c. Prob. min. nam sanguis novercæ unitur sanguini patris, cui etiam unitur sanguis filii, & à quo iste habet esse; ergo sanguis filii, & novercæ etiam uniuntur in patre.

Respond. neg. min. & 2. conf. Nam hæc unio filii cum noverca est moralis, & non physica, quia filius existit, antequam illa cum patre istius uniatur in sanguine. Idem est de marito matris respectu filii istius.

Objic. 2. Apostolus tam horrescit concubitum novercæ, quàm matris, & vocat illum fornicationem inauditam. [1] *Qualis nec inter gentes, ita ut uxorem patris sui quis habeat*. Et Jacob maledixit Ruben, quia [2] *ascenderat cubile patris sui, & maculaverat stratum ejus*. Et S. Joannes B. graviter arguit Herodem, quia *tulerat uxorem fratris sui*, quæ erat in 1. gradu lineæ transversæ; ergo &c.

Resp. neg. conf. nam licet horrendæ sint fornicationes illæ, ac repugnent rationi; non tamen inferitur, quod repugnent primario juri naturali, de quo loquimur: habent indecentiam quandam naturalem, sed non talem, qualem in illo gradu consanguinitatis. Ruben autem id fecerat vivente patre cum aliqua ex uxoribus ejus, & idem forte dicerem de illo, quem arguit Paulus, & ibi erat adulterium cum incestu, sicut & in Herode. Denique tunc illa prohibebantur jure Divino; maxime pro Herode.

Porro in arbore affinitatis ponuntur octo præcipua nomina, quæ debent intelligi. 1. *Socer*, qui est

Pa-

[1] 1. cor. 5. [2] Gen. 49.

672 *De impedimentis matrimonii*

Pater viri, vel uxoris. 2. *Socrus*, quæ est mater viri, aut uxoris. 3. *Gener*, qui est vir filiae. 4. *Nurus*, quæ est uxor filii. 5. *Noverca*, quæ est 2. uxor Patris respectu filiorum prioris conjugii. 6. *Vitricus*, qui est maritus matris respectu filiorum prioris conjugii ejusdem matris. 7. *Privignus*, & *Privigna*, qui sunt filii, & filiae respectu vitrici, & novercæ. 8. *Levir*, qui est frater viri respectu uxoris istius, & *Glos*, quæ est soror ejusdem viri respectu ejusdem uxoris.

Denique pro affinitate dantur istæ Regule. 1. Consanguinei conjugum non fiunt affines inter se, v.g. consanguinei viri non sunt affines consanguineis uxoris; nec vicissim. Unde duo fratres possunt ducere duas sorores. 2. Sicut inter consanguineos dirimitur matrimonium intra quatuor primos gradus, ita & inter affines. 3. Affinitas non habet propriè gradus, sed eos mutuatur, & numerat ex gradibus consanguinitatis. v. Canonistas.

Q U Æ S T I O XII.

De impedimento publicæ honestatis.

Publica honestas est quedam propinquitas jure Ecclesiastico stabilita, quæ oritur ex sponsalibus inter sponsum, & consanguineos sponsæ, & vicissim inter sponsam, & consanguineos sponsi, ut dicebamus de affinitate. Eadem à fortiori venit ex matrimonio rato, & non consummato. Et hæc impedit, aut dirimit matrimonium inter sponsum, & consanguineos sponsæ, & vicissim, inter consanguineos sponsi, & sponsam. Differt autem ab affinitate, quia hæc contrahitur per carnalem copulam: honestas verò illam excludit, sed oritur purè ex vinculo, seu contractu sponsalium, aut matrimonii per verba de præsentì ante copulam. Quæritur ergo, an, & quo jure, & quoto gradu publica honestas impediatur, aut dirimat Matrimonium. Vocatur autem à juristis justitia publicæ honestatis.

C O N C L U S I O I.

Ex sponsalibus veris, & validis, & ex matrimonio rato, nascitur vinculum publicæ honestatis, quod est impedimentum simpliciter, seu dirimens. Est comm.
Prob.

Prob. ex Scoto. *Extendendo affinitatem*, dicitur contrahi non solum cum uxore carnaliter cognita, sed etiam cum non cognita. Ecce pro matrimonio rato, & non consummato, & quod plus est cum illa, cum qua præcisè contrahuntur sponsalia & dicitur communiter publicæ honestatis iustitia; ergo ex Scoto contractus sponsaliorum, & matrimonii ante copulam causat hoc impedimentum inter conjuges, & consanguineos eorum respectivè.

Prob. 2. ex Concil. Lateran. III. prohibente matrimonia inter sponsam desponsatam per verba de futuro, & consanguineos sponsi, & inter eos non adesse consanguinitatem, nec affinitatem, sed publicam honestatem, ut patet in Appendice de sponsalibus, & matrimonio, ubi Papa decernit, sponsam alterius, si ætati nubili est proxima, nullus consanguineorum aliquando sibi potest matrimonio copulare. Et qui filiam per verba de futuro desponsaverat, licet hæc postea resiliat, inhonestum tamen videtur, ut matrem ejus habeat, cujus filia fuerat sibi desponsata Nec fas est eidem sponso de consanguinitate puella sibi aliquam copulare. Denique sponsam alterius, si est nubili ætati proxima, nullus consanguineorum aliquando potest sibi matrimonio copulare. Et cap. Sponsam. Et cap. ad Audientiam. Et cap. Duo pueri. Denique ex Concil. Trid. [1] *Iustitiæ publicæ honestatis impedimentum*, ubi sponsalia quacumque ex causa invalida fuerint, Synodus prorsus tollit. Ubi autem valida fuerint, primum gradum non excedant. Idem decernit Pius V. cap. ad Romanum, constit. 62. ergo intra primum gradum hæc honestas impedit, vel dirimit.

Confir. ex praxi totius Ecclesiæ Romanæ, quæ reprobat matrimonia facta in primo gradu inter sponsum, & sororem, aut matrem sponsæ, & vicissim.

Prob. 2. p. de matrimonio rato: nam vinculum, quod contrahitur ex sponsalibus per verba de præsentibus, est longè strictius, quàm per verba de futuro; ergo si istud impedit, aut dirimit, multo magis illud, quod est indissolubile.

Prob. 2. ex SS. Decretis: nam cap. Si quis, dicitur quòd si quis desponsaverit sibi aliquam, & præveniente mortis articulo, eam cognoscere non potuerit, frater et

Tom. VIII.

FF

jus

[1] Sess. 24. c. 3.

674 De impedimentis matrimonii

ius non potest eam ducere in uxorem. Hoc intelligitur de sponsa per verba de presenti, inquit Glossa: nam per verba de futuro non fieret uxor. Idem statuit Julius II. cap. *Si quis desponsaverit*, & Gregor. I. cap. *Si quis uxorem*, & Pius V. cap. cit.

CONCLUSIO II.

Publicæ honestatis impedimentum ex sponsalibus de futuro non dirimit ultra primum gradum, sed ex matrimonio rato dirimiturque ad quartum. Est communis, & paret ex Scoto cit. qui hanc dicit affinitatem non propriè, & strictè, sed extensive, quia ad propriam requiritur carnalis conjunctio.

Prob. 1. p. ex Concil. Trid. & Constit. cit. Pii V. ubi decernitur hoc impedimentum ex nudis sponsalibus non excedere primum gradum.

Probat. 2. p. ex eadem Constit. Pii V. qui declarans mentem Concilii dicit, *Decretum huiusmodi Concilii omninò intelligendum esse, & procedere de sponsalibus de futuro dumtaxat* (sc. quoad 1. gradum) *non autem in matrimonio contracto* (per verba de presenti) *sed in eo durare adhuc impedimentum in omnibus, & gradibus, quibus de jure veteri ante prædictum decretum Concilii introductum erat, &c.* Sed introductum erat usque ad 4. gradum; ergo &c.

Prob. 2. Nam istud matrimonium est verum sacramentum matrimonii, licet desit consummatio per copulam; ideo non dicitur parere affinitatem propriam, quæ oritur ex copula carnali, per quam vir, & uxor fiunt una caro; ergo &c.

Confir. ex praxi Ecclesiæ, quæ sic se gerit erga eos, qui sic conjuncti sunt.

CONCLUSIO III.

Ex sponsalibus invalidis, aut fictis non oritur hoc impedimentum. Est etiam communis.

Prob. 1. ex Concil. Trident. cit. *Iustitiæ publicæ honestatis impedimentum, ubi sponsalia quacumque ratione valida non erunt, S. Synodus prorsus tollit.* Nota (quacumque ratione, &c.) quia olim oriebatur ex spon-

sponsalibus etiam invalidis, excepto defectu consensus: & ita docere videtur Scotus, [1] qui longè ante hoc Concilium scribebat, dicens, *De ista etiam publicæ honestatis justitia multa haberentur*, extr. de consanguin. l. 6. quod ex sponsalibus, quæ ipso jure sunt nulla, vel qualitercumque, dummodo non sint nulla ex defectu consensus, oritur istud impedimentum, &c. ergo post Concil. Trident. ex sponsalibus invalidis, undecumque petatur invaliditas, non venit hoc impedimentum. Si tamen causa invaliditatis sit occulta, non valebit pro foro externo, in quo non judicatur de occultis, & præsumitur validitas, & bona fides. Sed in foro interno non adesset, sicut nec verus consensus, cujus defectu non fiunt sponsalia.

Certum est autem, quòd nascitur hoc impedimentum ex sponsalibus validis, licet ex mutuo sponсорum consensu fuerint soluta: nam hæc solutio non impedit, quin fuerint valida, sicut nec si alter moriatur ante contractum matrimonii.

Quæres 1. *Quid si Petrus post sponsalia cum Berta, ineat cum Anna, utrum ex his secundis sponsalibus oriatur hoc impedimentum.*

Respond. negativè. Quia hæc secunda non invalidant priora, sed ipsa sunt invalida, ideo non inducunt impedimentum. Id patet ex capit. *Ex sponsalibus*.

Quæres 2. *An oriatur ex sponsalibus conditionatis.*

Resp. Non oriri pendente conditione, benè verò impleta conditione: nam pendente conditione non ligantur sponsi, benè verò postea, unde si ante impletam conditionem separentur, ut possunt, non incurrunt impedimentum hoc, quia talia sponsalia nunquam valuerunt.

QUÆSTIO XIII.

De impedimento cognationis spiritualis.

SCOTUS describit hanc cognationem, *vinculum quoddam contractum ex dispensatione sacramentorum, specialiter baptismi, & confirmationis, quia per illa sacramenta homo spiritualiter generatur ad vitam gratiæ primam, aut secundam. Hæc cognatio est multiplex. 1. qua quis generatur ad fidem per conversionem, & prædicationem, sic Paulus scribit Corinthiis, per Evangelium ego vos genui. 2. Cum ex peccato originali venit infans ad gratiam per baptismum. Quasi modo geniti infantes, lac concupiscite. 3. cum quis à peccato mortali resuscitat ad gratiam justificantem per absolutionem. Tales vocat Apostolus filios, quos iterum parturio. Dicuntur enim filii spirituales. 4. cum quis alicui datur erudiendus in fide, & scientia morum, ut in catechismo; hic enim generat nos verbo veritatis. De cognatione legali dicemus infra. Tamen principales cognationes sunt, quæ oriuntur ex baptismo, confirmatione, & catechismo.*

Rursum hæc cognatio dicitur, 1. *Compaternitas*, quæ est inter patrem carnalem, & spiritualement baptizati. 2. *Paternitas*, quæ est inter baptizatum, & patrinum, seu inter susipientem, & susceptum. 3. *Fraternitas*, quæ est inter filium carnalem, & spiritualement.

Quæritur ergo, an, & quæ cognatio spiritualis, aut legalis impediat, vel dirimat matrimonium, & in quo gradu.

CONCLUSIO. I.

VERè nascitur impedimentum dirimens ex sacramento baptismi, 1. inter baptizantem, & baptizatum. 2. inter baptizantem, & patrem, ac matrem baptizati. 3. inter patrinum, & baptizatum, 4. inter patrem, ac matrem baptizati, & patrinum, & matrinam ejusdem. Est communis quoad omnes partes.

Prob. 1. ex Scoto cit. dicit enim, cognationem spiritualement oriri specialiter ex baptismo, & cit. cap. Quamvis.

Prob.

Prob. 2. ex Concil. Trid. quod totam conclusionem sic definit, & statuit, ut unus tantum sive vir, sive mulier ... vel ad summum unus, & una baptizatum de baptismo suscipiant, inter quos, & baptizatum ipsum, & illius patrem, et matrem (ecce 3. & 2. p.) necnon inter baptizatum, et baptizantem (ecce 1. p.) baptizati- que patrem; et matrem tantum (ecce pro 2. p.) cognatio spiritalis contrahatur... Parochus autem doceat eos, quam cognationem contraxerint, ne ignorantia ulla excusari valeant. Quod si alii ultra designatos baptizatum tetigerint, cognationem spiritualem nullo pacto contrahant.

Idem patet ex aliis antiquioribus Conciliis, & Canonibus, quos citat Cardin. noster Brancatus: nobis verò sufficiat Tridentinum, quod est novissimum, & in quo clarissimè id definitum habetur.

Colliges autem 1. quod inter baptizantem, & patrilinos non oritur hoc impedimentum, sed tantum inter eos, & baptizatum, & patrem, ac matrem eius.

2. Quod nec hodie oritur inter conjuges eundem baptizatum suscipientes, quia per Concilium tollitur, licet aliàs fortè oriretur inter patrilinos.

3. Nec etiam inter patrem, & matrem, si alter eorum susciperet baptizatum, ut colligitur ex cap. ad Limina, ubi Joannes VIII. statuit, ut non separaretur ab uxore, qui necessitatis causa filium suum baptizavit. Et cap. Si vir, ubi Alex. III. statuit, quod compaternitas scienter, vel ignoranter superveniens inter conjuges, conjugium non dissolvit, nec alter alteri debitum subtrahere, nisi ad continentiam servandam possint induci.

4. Idem impedimentum contrahi tam ex baptismo privato, quam solemni, quia utrobique est idem sacramentum, & fructus ejus, ut patet ex cap. Super, Unde si postea solemnizetur, non contrahitur nova cognatio, quia non est amplius sacramentum regenerans.

CONCLUSIO II.

ETiam ex confirmationis sacramento nascitur cognatio spiritualis inter easdem personas, inter quas nascitur ex baptismo, Est communis.

Prob. ex Scoto cit. Docet enim, eam nasci ex dispensatione sacramentorum, præcipue baptismi, et confirmationis. ... Ex confirmatione spiritualis cognatio eisdem modis contrahitur matrimonium simpliciter impediens, et dirimens contractum.

Prob. 2. ex Concil. Trid. cit. Ea quoque cognatio, quæ ex confirmatione contrahitur, confirmantem, et confirmatum, illiusque patrem, et matrem, ac tenentem non egrediatur. Et ex cap. cit. ubi Bonifac. VIII. dicit, ex confirmatione quoque ... spiritualis cognatio eisdem modis contrahitur, & cap. Quamvis, De confirmatione quoque, quantum ad hoc idem iudicium est ferendum, &c.

Objic. Pius V. agens de cognatione spirituali ex baptismo, nihil dicit de confirmatione: ergo non putat inde nasci hoc impedimentum.

Resp. neg. conf. quia non debuit respondere, nec decernere, nisi supra quæstionem sibi propositam, quæ erat de sola cognatione orta ex baptismo; de confirmatione autem nihil innovat contra decisionem Concilii.

CONCLUSIO III.

EX Catechismo non oritur cognatio spiritualis dirimens matrimonium, sed solum impediens. Est communis.

Prob. 1. ex Scoto. Per catechismum, qui præcedit baptismum, oritur cognatio spiritualis, per quam contrahendum matrimonium impeditur, per istam tamen cognationem post contractum minime separatur; ergo est impedimentum impediens, non dirimens ex Scoto.

Prob. 2. ex Conc. Trid. & Pio. V. [1] nam impedimentum cognationis spiritualis ad eam solum reducit, quæ ex baptismo, & confirmatione oritur, & ex

cap.

[1] de cognat.

cap. *Contracto*, quod est Clem III. & cap. *Catechismus*, ubi Bonifacius VIII. confirmat decretum Clementis, & utramque partem conclusionis statuit dicens, *per catechismum, qui præcedit baptismum... cognatio spiritualis contrahitur, per quam matrimonium contrahendum impeditur, ut ex prædecessoris nostri Clementis.... colligitur evidenter... per illam tamen cognitionem, matrimonium post illam contractum minimè separatur; ergo illa cognatio non est impedimentum simpliciter, & dirimens, sed secundum quid est pure impediens.*

2. p. magis patebit ex dicendis de impedimentis non dirimentibus.

Confir. nam hæc impedimenta statuuntur à jure Ecclesiastico; ergo nec plus, nec minus extendi debent, quàm jubeant leges Ecclesiæ.

Objic. 1. Eadem est ratio de catechismo, ac de Baptismo; ergo & eadem dispositio. Prob. ant. in scriptura fideles tam dicuntur filii, & geniti ex catechistis, à quibus erudiuntur in fide, quàm ex ministris, à quibus baptizantur, & regenerantur ad vitam gratiæ; ergo &c.

Prob. ant. nam Paulus vocat Corinthios, quos docuerat, *per Evangelium genitos*, & de Onesimo, quem in carcere instruxerat, dicit; *quem genui in vinculis*, & S. Petrus, *quasi modò genitos infantes* dicit, quos baptizaverat; ergo &c.

Resp. neg. 1. ant. & 2. conf. nam generatio per baptismum longè est efficacior, & magis effectiva, quàm per doctrinam. Ideo Ecclesia non putavit idem statuendum esse pro cognitione, quæ nascitur ex hoc capite, quod pro alia, quæ est ex baptismo.

Catechismus, autem, seu *catechesis*, est vox Græca significans instructionem in rebus sacris, & catechista est ille doctor, qui huic instructioni tradendæ incumbit. Ideo dicitur pater spiritualis eorum, quos instruit, & hinc contrahit cognitionem spirituales cum discipulis, quæ impedit quidem, ne licitè cum istis nubat; sed non dirimit nuptias contractas.

CONCLUSIO IV.

EX Sacramento pœnitentię oritur quædam cognatio spiritualis, sed hæc non est dirimens, nec impediens.

Prob. ex Scoto [1] dicente, quod pro datione aliorum sacramentorum supra à baptismo, & confirmatione, cognatio spiritualis nequaquam oritur, quæ matrimonium impediat, aut dissolvat; ergo non negat oriri aliquam cognationem, sed tantum negat, quod illa sit impedimentum matrimonii.

Prop. 1. p. ex cap. omnes, ubi Symmachus dicit, omnes, quos in pœnitentia suscipimus, ita nostri sunt spirituales filii, ut & ipsi, quos vel nobis suscipientibus, vel trine mersionis vocabulo mergentibus unda baptismatis regeneravit. Sylvester quoque docens admonet unumquemque Sacerdotem, ut nullus causa fornicationis ad suam pœnitentialem accedat. Idem docet Cœlestinus cap. si quis, & cap. non debes. Ergo ex Sacramento pœnitentię oritur quædam cognatio inter confessarium, & pœnitentem.

Prob. 2. p. ex Conciliis, & Decretis cit. quæ cognationem impediens restringunt ad prædicta, & non ulterius extendunt.

Objic. 1. Si ex collatione Sacramenti pœnitentię oriretur quædam paternitas, & filiatio spiritualis, peccatum confessarii cum pœnitente esset incestus, in confessione explicandus; sed conf. est falsum, & contra omnes; ergo &c. Prob. min. nam nullibi hoc legitur statutum in Scriptura, vel Conciliis, aut Canonibus.

Resp. neg. min. & ant. nam Canones citati ex Symmacho, & Cœlestino id aperte docent; nec ego dubito, quin hæc circumstantia dicenda sit in confessione; & Episcopi hoc peccatum sibi reservant absolvendum, & merito.

QUÆSTIO XIV.

De impedimento cognationis legalis.

COgnatio legalis est vinculum quoddam inter personas contractum ex adoptione unius ab alia, adoptio autem est *assumptio personæ extraneæ in filium*, vel dicunt iuristæ, est *actus legitimus, per quem fit filius, aut nepos, qui non est*. Ex tali actu nascitur quædam cognatio inter adoptantem, & adoptatum, inter filios, vel uxores adoptati, & adoptantis: & quæritur, an adoptatio illa pariat aliquod impedimentum inter illas personas.

Igitur hæc cognatio contrahitur per actum, quo quis assumit personam extraneam in filium, aut nepotem cum jure succedendi in hæreditate. Ille actus duplex esse potest. 1. *Arrogatio*, qua quis assumit sibi personam extraneam autoritate Principis, aut Reip. quæ erat sui juris, & fit sub arrogantis potestate: & *Adoptio*, qua quis assumit sibi personam extraneam in filium autoritate superioris, aut magistratus, sed ita ut adoptatus non transeat in potestatem adoptantis, sed remaneat sui dominus. Hæc dicitur imperfecta respectu prioris.

Arrogatio, seu adoptio perfecta differt ab imperfecta 1. quia arrogatio fit ex suprema autoritate Principis, aut Reip. adoptio verò imperfecta fit autoritate cujusvis judicis, aut magistratus. 2. quia arrogatus, ante assumptionem, erat sui juris, & per arrogationem transit sub potestatem arrogantis, & sic in ista nullius jus læditur. 3. quia arrogatus acquirit jus in hæreditatem arrogantis, ita ut ille succedat isti ab intestato, vel saltem iste non possit ei per testamentum denegare. 4. partem bonorum suorum. 4. arrogatio requirit consensum arrogati, & arrogantis coram Principe; adoptio verò non requirit talem formam verborum. 5. quia arrogans debet satis dare in ordine ad restituenda bona arrogati illis, ad quos deberent advenire, si non fuisset arrogatus, quod non ita requiritur in simplici adoptione. His præmissis pro intelligentia materiæ.

CONCLUSIO.

Cognatio legalis est impedimentum dirimens in linea recta descendantium usque ad 4. gradum, & inter adoptantem, & adoptati uxorem, & vicissim inter adoptatum, & uxorem adoptantis, & inter filium carnalem, & filium adoptatum. Est etiam communis.

Prob. 1. ex Scoto. [1] Cognatio legalis impedit etiam matrimonium, &c... tam adoptati, quam adoptati dicuntur filii adoptivi, & inter fratres adoptivos, & naturales impeditur matrimonium, quamdiu durat adoptio, &c. ergo &c.

Prob. 2. ex cap. Ita diligere; ubi Nicol. 1. dicit, nec inter eos, qui natura sunt, & eos, qui adoptione filii sunt, venerandæ Romanæ leges matrimonia contrahi permittunt... si ergo inter eos non contrahitur matrimonium, quos adoptio jungit, quanto à carnali, &c. & cap. per adoptionem, ubi Paschalis II. decernit fraternitatem ortam ex adoptione, impedire nuptias, donec manet adoptio, & cap. si qua, Nicol. 1. decernit, si qua mihi per adoptionem soror esse cæperit, quamdiu durat adoptio inter me, & ipsam, nuptiæ consistere non possunt; ergo ex SS. Canonibus cognatio legalis inter filios naturales, & adoptivos, quamdiu manet, adoptio dirimit matrimonium.

Quantum ad descendentes, sic loquitur glossa ejusdem Canonis, Sed inter ascendentes, & descendentes, id. inter adoptantem, & adoptatum, semper impeditur matrimonium, licet solvatur adoptio, ff. de ritu nupt. c. adoptivus, sed hoc scias, quod inter laterales, & inter fratrem naturalem, & sororem adoptivam non impeditur matrimonium, nisi quamdiu durat adoptio.

Prob. 3. ex præxi totius Ecclesiæ, quæ talia matrimonia non permittit fieri, nec patitur facta subsistere; ergo &c.

Idem est de cognatione inter uxorem adoptati, & adoptantem, & vicissim; nam Nicol. 1. cit. remittit hoc ad leges civiles, seu Romanas: sed istæ leges prohibent hæc matrimonia, nec illa patiuntur facta; ergo nec Ecclesiasticæ, quæ illis conformantur.

Nam,

Nam in digestis dicitur, *Adoptivus filius, si emancipetur, eam, quæ patris adoptivæ uxor fuit, ducere non potest, quia novercæ locum habet. Item si quis filium adoptaverit, uxorem ejus, quæ nurus loco est, ne quidem post emancipationem filii, ducere poterit: quoniam aliquando ei nurus fuit; ergo etiam, secundum leges Canonicas, hæc cognatio, quæ & affinitas legalis dici potest, est impedimentum dirimens, & quidem per petuo, quia leges Canonicæ in hoc conformantur civilibus.*

Quæres 1. *an inter filium adoptivum, & filiam legitimam, & vicissim, inter filiam adoptivam, & spurium valeat matrimonium.*

Resp. cum Cardin. Brancato, probabiliter non valere. Nam lex Canonica, & civilis dicunt absolute, quod non valet inter filios carnalem, & adoptivum, nec distinguunt de legitimis, aut illegitimis; ergo nec nos distinguere debemus.

Quæres 2. *An teneat hoc impedimentum inter ipsos adoptivos, ita ut dirimat matrimonium filii adoptivi cum filia etiam adoptiva sub eodem adoptante.*

Resp. non impedire, quia hoc nulla lege decernitur. Cum enim hoc impedimentum per Ecclesiæ leges statuatur, non debet aliter extendi, quam ipsæ dixerint. Sic docet glossa in cap. cit. *Si qua*. Nam, quærens, numquid filii adoptivi possint contrahere inter se, respondet, *Dici potest, quod sic, quia non invenitur prohibitum; ergo &c.*

Quæres 3. *an cognatio hæc extendatur ad alios parentes adoptati.*

Resp. negative, quia id nulla lege statuitur.

Quæres 4. *an hoc impedimentum sit ubique perpetuum.*

Resp. esse perpetuum in linea descendantium, & inter adoptantem, & uxorem adoptati, & vicissim inter adoptatum, & uxorem adoptantis. Quia leges civiles, & Doctores loquuntur absolute. Ecclesia autem in hoc approbat, & conformatur legibus civilibus, ut dicebamus ex Nicol. 1. *Dicunt enim leges civiles circumstantiæ; per adoptionem quæsitæ fraternitas, eò usque impedit nuptias, donec durat adoptio.*

Resp. 2. quod inter filios carnales, & adoptivos, non durat impedimentum, nisi quamdiu adoptio du-

684 *De impedimentis matrimonii*

tat; ergo soluta adoptione per mortem, aut manumissionem, vel aliter, solvitur & cognatio dirimens inter istos.

Quæres 5. Quenam requirantur ad validam adoptionem.

Resp. Requiri communiter, 1. ut adoptans sit sui juris, 2. ut sit major 25. annis, 3. ut sit masculini sexus, nam fœminæ possunt quidem adoptari, sed non adoptare nisi ex privilegio, 4. ut adoptans habeat generandi potentiam, nisi eam amiserit ex infirmitate, aut ex accidenti, 5. ut adoptans superet ætatem adoptantis annis 18. denique 6. debet fieri inter præsentēs, non autem per procuratores, neque per litteras.

Q U Æ S T I O X V.

De impedimento Ordinis, & voti.

IN tr. de Ordine sacro diximus illi annexum esse cœlibatum, & sic pauca restant dicenda de hoc impedimento, & hoc reducitur ad votum continentiae, quod in susceptione ordinis sacri includitur. Est autem votum hoc deliberata promissio facta Deo servandi continentiam cum intentione ad hoc se obligandi.

Hoc votum duplex est. 1. *Solemne*, quod emittitur in susceptione ordinis sacri, vel in professione Religiosa. 2. *Simplex*, quod fit privatim ad libitum cuiusque.

Porro in eo differunt illa duo vota, quod per *simplex* non censetur vovens renuntiare dominio sui corporis, nec illud transferre, saltem perfectè, quia non est, qui acceptet ex parte Dei, vel Religionis: in *solemni* autem fit perfecta traditio, cum acceptatione ex parte Dei, vel Religionis, & sic dominium rei promissæ ponitur in potestate Dei, per acceptationem. 2. in solemoni voto, ut valeat, requiruntur solemnitates aliæ, quæ præscribuntur in regulis. His suppositis.

CONCLUSIO.

Votum solemne sacerdotii, aut Religionis est impedimentum dirimens matrimonium, & quidem jure Ecclesiastico. Simplex autem impedit, & prohibet faciendum, sed non dirimit factum. Est de fide quoad 1. p.

Probat 1. ex Scoto. [1] *Votum simplex non impedit simpliciter licet enim impediatur matrimonium contrahendum, non tamen dirimit jam contractum ... votum autem solemne simpliciter impedit ... quia per votum solemne dat aliquis illi, cui vovet jus sui ad actum sequentem illud votum, & per consequens, vovens solemniter continentiam dat illi, in cujus manu vovet, jus sui ad faciendum illud observari; ergo non potest dare jus sui ad actum oppositum, qualis est actus conjugalis. Quia jam non habet illud. Hanc rationem dicit probabilem.*

Prob. 2. ex eodem. [2] *Nam Ecclesia illegitimavit simpliciter ad matrimonium validè contrahendum habentes votum solemne, non autem habentes votum simplex castitatis: & hoc fuit rationabile, quia ipse se posuit in potestate Ecclesiæ quantum ad oppositum ejus, quod est contractus matrimonii. Voventem autem privatè non illegitimavit; quia non sic se posuit in ejus potestate.*

Probat 3. ex SS. Decretis, quos fusè citat Cardin. Brancatus, Concil. Rom. sub Innoc. 1. *statuimus quatenus Episcopi, Presbyteri, Diaconi, Subdiaconi, Regulares, Canonici, Monachi, atque conversi professi, qui sanctum transgredientes propositum uxores sibi copulare præsumperint, separentur. Et Later. III. sub Alex. III. Si quispiam se Religioni devovit, & habitu suscepto professionem fecit, postmodum aliquā sibi copulaverit cogendus est ab ea discedere, & ad Ecclesiam, cui se cōtulerat, debet sine contradictione transire Et ca. eos, qui Clemens V. declarat excommunicatos Religiosos, & Moniales, & Clericos, in sacris ordinibus constitutos matrimonia contrahentes. Et Trid. decernit, si quis dixerit Clericos in SS. ordinibus constitutos, vel Regulares solemniter professos, posse matrimonium contrahere, contractum validum*

[1] d. 38. c. 4. [2] *ibid.* D. 6.

lidum esse, non obstante lege Ecclesiastica, vel voto: anath. sit.

Prob. 2. p. Quia non satis constat de alio jure, quo statuatur hoc impedimentum, quàm de Ecclesiastico, ergo votum hoc non dirimit nisi jure Ecclesiastico. Prob. ant. 1. solutione objectionum, quibus aliqui nituntur probare hoc esse de jure divino, vel naturali. 2. Quia siquid hoc probaret, maximè natura voti, quod est *promissio libera facta Deo de meliori bono*; & habetur in Scriptura, *vovete, & reddite Domino Deo vestro*; sed hæc ratio non valet; ergo &c. Prob. min. nam id torum reperitur in voto simplici æquè, ac in solemni: sed votum simplex non dirimit; ergo quod solemne dirimat, non venit ex natura voti præcisè.

Confirmatur. Nam voti solemnitas, ratione cujus dirimit, non petitur ex jure naturali, aut divino, sed Ecclesiastico, per quod inducitur ratio illa solemnitatis; ergo si ratione solemnitatis dirimit, hoc venit ex jure Ecclesiastico. Prob. min. cap. *Quod votum*, ubi Bonifac. VIII. declarat, quod *voti solemnitas ex sola institutione Ecclesiæ est inventa, matrimonii autem vinculum, ab ipso Ecclesiæ capite, rerum omnium conditore, indissolubilitatem acceperit*. Idèò declarat; *illud solum votum dici debere solemne, quantum ad post contractum matrimonium dirimendum, quod solemnizatum fuerit per susceptionem sacri ordinis, aut per professionem expressam, vel tacitam*.

Confirm. 2. Nam ab initio Ecclesiæ ante tempora Cœlestini III. & Alexandri III. non legitur de tali impedimento; ergo non est ex jure naturali, nec Divino; sed tantum Ecclesiastico.

Prob. 3. Nam per professionem, & sacerdotium, vovens intendit dare se religioni, aut Ecclesiæ quoad obsequia per regulas præscripta; sed hoc non impedit, quin posset ex natura rei etiam tradere corpus suum uxori ad onera matrimonialia; ergo præcisè ratio voti sollemnis non est incompatibilis ex jure naturæ cum statu conjugii. Maj. patet; nam qui se tradit domino per servitutem, retinet jus ad matrimonium, ut probatum est; ergo ita esse posset de profitente Religioso, & de Sacerdote in Ecclesia.

Probatur 4. Nam votum est essentialiter promissio.

fitio non datio, saltem in rigore; sed quod promittitur uni, adhuc validè datur alteri, & donatio, licet illicita, tenet, ergo ita esset de voto, ex natura sua, & seclusa lege Ecclesiastica, quæ irritat actum contrarium voto solemnì, non autem simplici.

Confr. Si hoc impedimentum esset de jure divino, vel naturali, Papa in nullo casu posset in eo dispensare relaxativè: sed conf. est falsum, & contra praxim Ecclesiæ, quæ sæpè in eo dispensat, ut suppono, & maxime in votis simplicibus, castitatis perpetuæ, ergo &c.

Probatum 3. p. de voto simplici; ex Decretis cit. quæ hoc impedimentum limitant ad votum solemnè, & sacerdotium; ergo non ita est de voto simplici.

Confirm. Ex cap. *quod votum*, ubi Bonifac. VIII. post allata verba subdit, *Reliqua verò vota, & si aliquando impediunt contrahendum... non tamen rescindere possunt matrimonia post contracta*.

Objicies 1. con. 1. p. Eadem est essentia voti simplicis, & solemnìs: sed, per nos, votum simplex non est impedimentum dirimens; ergo nec solemnè. Prob. maj. ex cap. *Rursus* ubi Cœlestin. III. dicit, quòd, *Simplex votum apud Deum non minùs obligat, quàm solemnè*; & certè utrumque est promissio facta Deo de bono meliori.

Resp. dist. conf. Nec solemnè, ex ratione generica voti, & præcisa lege Ecclesiæ; con. ex ratione specifica, & formaliter ex statuto Ecclesiæ; neg. conf. nam Ecclesia rationabiliter, & attentis circumstantiis voti solemnìs illegitimavit habentes tale votum ad matrimonia contrahenda; non verò habentes votum simplex castitatis.

Inst. Ubi est eadem ratio, debet esse eadem juris dispositio; sed est eadem ratio de voto simplici, ac de solemnì, quia sunt ejusdem speciei; ergo debuit eodem modo statuere de utrisque.

Respondeo neg. min. nam, ut docet Scotus cit. *vovens solemniter, posuit se sub potestatem Ecclesiæ, quantum ad oppositum ejus, ad quod est contractus matrimonii*, sc. ad servandam castitatem; quod non fecit *vovens privatim*; ideo Ecclesia non illegitimavit istum. Adderem, quòd *vovens in Religione, & Sacerdotio* additur

adstringit se regulis, & statutis illorum statuum, quæ matrimonium excludunt.

Objicies con. 2. p. Fidelitas in promissis est de jure naturali, & divino, Deus jubet, ut servantur vota. *Vovete, & reddite, &c.* Et, *si quid vovisti Deo, ne moreris reddere; displicet enim ei infidelis, & stulta promissio: sed quodcumque voveris, redde;* ergo qui vovit continentiam, tenetur non nubere, & hoc de jure divino.

Resp. dist. ant. De jure divino, & naturali quoad obligationem implendi promissum, con. quoad irrationem eorum, quæ fiunt in contrarium, neg. ant. transgressores votorum etiam simplicium peccant contra fidelitatem Deo debitam; sed non ideo ea, quæ fiunt in contrarium, sunt irrita. Habens votum continentiae simplex, peccat mortaliter, si nubat; sed lex naturalis, nec Divina non irritant nuptias ejus; sicut leges Ecclesiæ irritant factas post votum solemne.

Inst. Si est peccatum mortale nubere post votum simplex castitatis; ergo etiam debuit eis prohiberi nubere sub pœna nullitatis æquæ, ac post votum solemne.

Respondeo neg. conf. Nam, inquit Doctor; *non omnia mala punit Ecclesia, nec sic ea prohibet, ut propter ea pœnas injungat; & fortè majus malum sequeretur ex illegitimatione voventium voto simplici... quia sequeretur frequentior culpa, propter fragilitatem carnis.* Et quia maxima pars sic voventium, id non faciunt satis deliberatè sicut Religiosi, & Sacerdotes: ideo Ecclesia est severior erga istos, quàm illos.

Objicies 2. ex cap. *Si quis Sacro*, ubi Concil. Aurelian. & Siricius præcipiunt, feminae, quæ post velamen, & consecrationem nubunt, *verbo Domini, & Canonica auctoritate separentur.* Et cap. *Hac verò*; ex eodem Concilio dicitur de iisdem, *Si enim inter homines solet bonæ fidei contractus nulla ratione dissolvi, quanto magis ista pollicitatio, quam cum Deo pepigit, solvi sine vindicta non debet.* Et cap. seq. quæ Christo dicitur virginem per professionem nupsisse, seu velamen &c. sc. professio est quoddam matrimonium spirituale, sed indissolubilitas matrimonii est de jure divi-

divino, & naturali, & obligatio voti; & hoc impedimentum.

Resp. dist. maj. instar matrimonii quoad aliqua, con. simpliciter, & absolute, neg. maj. & conf. nam ex his textibus sequitur quidem, quod voventes tenentur implere vota jure aliquo divino, & naturali; non autem, quod invalide fiant contraria voto; ergo nec eisdem juribus invalida sunt matrimonia præcisè à legibus Ecclesiæ.

Objicies 3. De jure naturæ, quod uni donatum est, non potest alteri donari, sed per votum solemne castitatis, vovens donavit Deo corpus suum ad perpetuam castitatem; ergo ex eodem jure non potest donare dominium ejusdem corporis ad usum matrimonii.

Respondeo 1. retorquendo contra adversarios, qui tenent matrimonium non dirimi per votum simplex; quia per istud non minus fit donatio, quàm per solemne.

Respondeo 2. dist. maj. Si donatio sit utrimque sensibiliter acceptata, con. si non sit acceptata sensibiliter, neg. maj. & conf. Nam donatio per professionem, & votum solemne acceptatur à Deo per Ecclesiam, seu per Religionem, & ex ejus institutione, ac regulis excluditur matrimonium à statu Religioso, & Sacerdotali.

Quæres 1. *In quo præcisè consistat differentia voti simplicis, & solemnis.*

Resp. In eo principaliter consistere, quòd ex statu Ecclesiæ, vovens solemniter, præter promissionem, & traditionem sui Deo per votum, se specialiter subijcit Ecclesiæ, ac Religioni in ordine ad executionem eorum, quæ promittit, v. g. ad continendum ab omni actu venereo, & contractu conjugali, & ad observandas alias regulas talis status, & ideo Ecclesia urens jure illo sibi concessio per voventem, impedit, ne possit unquam contrahere valide; & hoc ut satisfaciatur Deo, cui se dedit per votum illud. Hæc autem non adsunt in voto privato, seu simplici, per quod nec testes, nec executores advocat suæ donationis, nec acceptantes nomine, & vice Dei, cui se donat quoad abstinentiam à venereis; nec regulis ullis se subijcit.

Quæ-

690 De impedimentis matrimonii

Quæres 2. *An idem impedimentum contrahatur per professionem tacitam.*

Professio *tacita* ex Scoto, [1] est votum præsumptum; quando sc. quis, post novitiatum sumit habitum professorum, ubi est distinctus ab habitu novitiorum; & moratur ultra annum in monasterio, absque protestatione de non profitendo. Hoc supposito,

Respondeo affirmativè; nam id habetur expressè, cap. *Quod votum*; ubi Bonifac. VIII. decernit, *Illud votum dici solemne quantum ad post contractum matrimonium dirimendum, quod solemnizatum fuerit per susceptionem sacri ordinis, aut per professionem expressam, vel tacitam*; ergo professio tacita causat hoc impedimentum.

De impedimento ordinis nihil restat addendum his, quæ diximus de cœlibatu Sacerdotum. Et præterea id constat ex Canonibus citatis pro voto, nam de utrisque loquuntur.

Q U Æ S T I O XVI.

De impedimento disparis cultus.

PER *disparitatem cultus* intelligitur diversitas Religionis, & fidei, qualis est inter fidelem, & infidelem, seu, baptizatum, & non baptizatum, seu paganum, & quæritur, an hæc diversitas sit impedimentum dirimens matrimonium; ita ut si fidelis nuberet cum infideli, non valeret matrimonium. Idem quæri potest de Catholico fideli cum hæretico, v. g. cum Calvinista, aut Lutherano.

Porro agitur de matrimonio contrahendo; nam de contracto inter hæreticos, aut paganos, quorum unus convertitur ad fidem alio manente in hæresi, vel infidelitate, vel si unus incidat in hæresim, vel apostasiam à fide, diximus supra, ubi de insolubilitate.

CON.

[1] *ibid.* B. 3.

CONCLUSIO I.

Disparitas cultus inter baptizatum, & non baptizatum est impedimentum dirimens, & hoc jure Ecclesiastico, saltem consuetudinario.

Prob. 1. ex Scoto, dicente, [1] quod matrimonium potest fieri inter fidelem, & infidelem, quantum est ex jure divino, quia ex illo jure, non habetur, quod contractus sit nullus magis, quam quod obligatio ex priori contractu sit nulla ... sed de jure positivo Ecclesiastico non potest; quia Ecclesia illegitimavit fidelem, non simpliciter, sed respectu infidelis, & dat rationes hujus statuti Ecclesiastici.

Prob. 2. ex cap. non oportet, ex Concilio Agathensi. Non oportet: cum hominibus hæreticis miscere connubia, & vel filios, vel filias dare, sed potius accipere, si tamen se profiteantur Christianos esse futuros, & Catholicos. Idem colligitur ex Conciliis Arvernensi, & Aurelian. II. apud Gratianum. Nomine autem hæretici intellige quemcumque alienæ fidei; alioquin non diceret, si profiteantur se Christianos futuros. Nam hæretici sunt Christiani. Item cap. ubi dicitur; cave Christiane gentili, aut Judæo filiam tuam tradere. Idem colligitur ex Concil. Chalced. Fateor tamen his, & similibus prohiberi matrimonia fieri, sed non sub pœna nullitatis. Idem est de Scriptura, qua dicitur, Nolite jugum ducere cum infidelibus. Quæ enim participatio lucis ad tenebras?

Prob. 3. melius ex praxi Ecclesiæ, quæ agnoscit hoc impedimentum, ut dirimens, ut notant omnes Theologi, nam in nullo Canone habetur hoc explicitè quoad effectum dirimendi, ac pœnam nullitatis. Omnia quidem, & ipsa Scriptura prohibent hæc matrimonia, sed non dicunt illa esse nulla, si fiant. Imo Pyrrhus Corradus dicit, quod Papa in hoc non solet dispensare. Ideo

Dixi, saltem consuetudinario, jure Ecclesiastico, quia potius videtur stabilitum ex praxi, quam ex ullo Decreto positivo, & absoluto. Consuetudo autem Ecclesiæ Romanæ habet vim legis, & observanda est.

Con-

[1] d. 39. D. 5.

692 De impedimentis matrimonii

Confir. ex Scoto, nam Ecclesia irritat hæc matrimonia. 1. Quia non est honestum fidelem contrahere cum aliquo, apud quem deficiat bonum prolis, quæ sic non posset educari ad cultum veri Dei. 2. Quia illud matrimonium non esset Sacramentum, quia non posset fidelis dare Sacramentum fœminæ non baptizatae, nec ista daret illud sponso fidei; ergo ibi non esset bonum Sacramenti. 3. Quia ibi esset periculum perversiõis; ergo meritò hæc matrimonia irritantur.

Objic. 1. Deus prohibet matrimonium fidelibus cum infidelibus; ergo hoc impedimentum est ex jure divino. **Prob. ant.** ex Apost. cit. *Nolite jugum ducere cum infidelibus;* ergo &c.

Respond. neg. 1. anteced. & 2. conseq. nam prohibentur quidem hæc conjugia fieri, sed non irritantur facta.

Objic. 2. Deus prohibet per Moysen nuptias cum infidelibus Cananæis. *Non inibis cum eis fœdus.... Neque sociabis cum eis conjugia. Filiam tuam non dabis filio ejus &c. Quia seducet filiam tuam, ne sequatur me.* Et lib. Esdræ queritur Propheta de Judæis, quia tulerant sibi uxores de filiabus Hetæi, & Jebusæi, & aliorum infidelium; ergo à fortiori hoc prohiberi debet in lege Evangelica, quæ sanctior est.

Resp. dist. conf. ita ut gravius peccent Christiani nubentes cum paganis, con. ita ut illa prohibitio sit irritans illa conjugia, neg. conf. Nam neque tunc illa conjugia irritaverat; ut patet de Esther, quæ nupsit Assuero, de Sampson cum Dalila Philistæa, de Salomone cum Moabitibus concubinis ejus, & cum aliis gentilibus, & Idololatriis, in quo dicitur quidem peccasse graviter, sed non quod matrimonia illa fuerint nulla.

Objic. 3. Sanctissimæ fœminæ viris paganis nupsērunt, nec id eis imputatur in peccatum; ergo disparitas cultus non dirimit. S. Monica duxerat ethnicum, sc. patrem S. Augustini, Clotildis duxerat Clodoveum adhuc infidelem, &c. ergo nequidem illicita sunt hæc matrimonia in disparitate cultus.

Resp. (quidquid sit de ant. an sc. illæ fœminæ peccaverint sic nubendo) neg. conseq. quia, in primis illis temporibus nascentis Ecclesiæ tolerabantur illa con-

jugia; & sic piæ illæ feminae potuerunt non peccasse sic nubendo, maximè, ex desiderio, & spe convertendi maritos.

Objic. 4. Eo jure matrimonium irritatur, quo elevatur ad esse Sacramenti, sed istud fit jure divino; ergo & illud. Prob. min. nam initus cum infideli degradatur à ratione sacramenti, ad quam elevatus est à Christo Deo.

Resp. neg. maj. nam aliud est, quod matrimonium valeat in ratione sacramenti, & aliud, quod valeat in ratione contractus; istud habet à Deo, qui instituit illud in lege naturæ; sed utrumque nunc habet dependēter à lege Ecclesiastica, quæ illegitimat filios suos ad illa matrimonia in ratione contractus, & Sacramenti, pro jure, & potestate sibi data à Christo.

CONCLUSIO II.

Disparitas fidei, & cultus inter fidelem, & hæreticum baptizatum facit, ut matrimonium sit illicitum, sed non dirimit factum.

Prob. 1. ex Scoto citante Canones, quibus præcipitur, ut non nisi ejusdem fidei, & Religionis maneant copulata conjugia. Non tamen aperte loquitur de infideli cum hæretico.

Probat. 1. ex Conciliis; nam in Chalcedon. dicitur, quod non debet copulari nuptura hæretico, nec Judæo, vel Pagano, nisi forte promittat Orthodoxam fidem. Et in Laodic. an. 314. quod non oporteat indifferenter sedere nuptiarum hæreticis filios suos, filiasque conjungere. Et in Synodo Illiberit. Hæreticis, si se transferre noluerint ad Ecclesiam Catholicam, nec ipsis Catholicas dandas puellas; sed neque Judæis, neque hæreticis, neque schismaticis dari placuit. . . . si secus fecerint (parentes) abstinere per quinquennium places. Idem statuit Carthaginen. III. Et Agath. Vides, quod nulla ibi mentio de nullitate, sed de pura prohibitione.

Confir. ex SS. Patribus; nam cum Apostolus dicit; nubat tantum in Domino: præscribit ne, qui fidelis est, ethnicum matrimonium contrahat, inquit Tertull. & S. Hieron. Qui secundas, tertiasque nuptias concedit in Domino; hoc est, ut sine suspitione turpi-

audinis nubat, & religionis suæ viro nubat. Hoc est in domino nubere, ait Ambros. Tantum in domino, hoc est (inquit Theodoret.) fidei, pio, modesto, & honesto.

Confir. 2. ex Decretis Apostolicis, & praxi Ecclesiæ, quæ tam graviter prohibet Catholicis communicationem cum hæreticis, quos excommunicatos declarat; ergo à fortiori prohibet matrimonium, per quod tanta inducitur communicatio.

Prob. 3. nam eadem rationes urgent ad prohibendas nuptias cum hæreticis, & cum infidelibus: nam hæreticus non magis conferet Sacramentum, quod non agnoscit, quàm infidelis, nec illud recipiet à conjugē fidei, defectu fidei, & intentionis, nec religiosè educari permittet prolem. Denique imminet periculum perversionis, si enim colloquia cum hæreticis corrumpunt bonos mores, quanto magis communicationes conjugales? ergo &c.

Prob. 2. p. nam in his debet attendi lex, & praxis Ecclesiæ, sed illa non illégitimat fideles ad nubendum cum hæreticis, licet id prohibeat inter istos, ergo disparitas cultus non est dirimens. Prob. min. nam potius Ecclesia cum Apostolo præcipit, ut si infidelis hæreticus vult converti, maneat simul, & non separentur; ergo sic docet matrimonium illorum valere.

Confir. Iterum ex praxi, nam in Galliis talia matrimonia sæpè fiunt inter Catholicos, & Calvinistas, & inter principes, cum quibus facile dispensatur, ut patuit nuper in duobus ultimis Regibus Angliæ.

Objic. 1. con. 2. p. ex Synodo VI. matrimonia fidei cum hæreticis irritantur; ergo &c.

Resp. neg. ant. nam ut narrant historici, VI. Synodus nullos Canones edidit, sed qui illi tribuuntur, ab aliquot Episcopis in conciliabulo Trullano ficta sunt, & ideo Syricius Papa illos reprobavit.

Objic. 2. Canones eodem modo vetant connubia cum hæreticis, & cum infidelibus, sed cum istis sunt irrita (per nos,) ergo & cum illis. Prob. maj. ex cap. *Cave*, cit. & ex Concil. Chalcedo. *neque copulari debet nuptui cum hæretico*, & quia est eadem ratio de utrisque; ergo &c.

Resp.

Resp. neg. maj. nam licet in illis Decretis videantur eodem modo vetari hæc connubia, tamen ex alijs infertur magna differentia prohibitionum, ut vidimus. Idem patet ex praxi Ecclesiæ, quæ inita cum paganis irritat; non autem ita cum hæreticis, sed in eis dispensat. Falsum est etiam, quòd sit eadem ratio de utrisque, nam longè major est disparitas cultus inter fidelem, & Turcam, quam inter Catholicos, & Lutheranos, aut Calvinistas, & hoc sufficiebat Ecclesiæ ad irritanda illa, non ista, quæ voluit solum prohibere.

QUÆSTIO XVII.

De impedimento criminis.

CRimen, aliud est *impediens*, aliud *dirimens*, & de hoc 2. hic agimus: & ut notat Doctor, crimina, quæ difficultatem faciunt circa matrimonium, sunt 1. contractus cum persona conjugata, 2. adulterium, 3. machinatio mortis in conjugem legitimum, 4. fidei datio ipsi adulteræ, vel contractus cum ea; vel promissio cum juramento. Quæritur ergo, an adulterium sit impedimentum dirimens inter adulteros, si nubant mortuo conjugellegitimo? An 2. si adulterium contigerit cum promissione nubendi. 3. An si contraxerint vivente altero conjugel. 4. An si ex intentione nubendi conspirarint in mortem, ejus? Hæc sunt præcipua dubia hujus quæstionis.

CONCLUSIO I.

Adulterium sine machinatione in mortem conjugis, et sine promissione matrimonii contrahendi, non est crimen dirimens, sed tantum prohibens.

Prob. 1. ex Scoto [1] De his tribus dico, quòd ultimum, per se, non impedit matrimonium contrahendum post mortem viri, &c. Illud autem ultimum erat; de promissione cum juramento, matrimonii contrahendi. Et in Reportatis, Dico, quòd adulterium solum, vel actus adulterandi non impedit matrimonium contrahendum.

[1] d. 35. B. 3.

hendum, cum qua adulteratus est prius vivente marito, si nullum aliorum (criminum) adsit &c.

Prob. 2. ex cap. significasti, ubi Innoc. III. de homine, qui legitima uxore vivente, *cuidam meretrici adhæsit* (& mortua uxore prædicta) *meretricem, cui adhæserat, desponsavit*; respondet, quod nisi alter eorum in mortem uxoris defunctæ fuerit machinatus, vel ea vivente sibi fidem dederit de matrimonio contrahendo, *legitimum iudices matrimonium supradictum*. Et cap. *Si qui vivente*, Concilium Meldense decernit de homine, qui foeminam, vivente viro ejus cognoverat, & eam post mortem dicti viri duxerat, quod, post poenitentiam, retineat eam; nisi forte vir, *an mulier virum, qui mortus fuerat, occidisse noverit*; ergo adulterium sine machinatione, aut promissione contrahendi, non impedit simpliciter matrimonium contrahendum mortuo viro legitimo.

Prob. 2. p. ex cap. *Nullus*, ubi Leo statuit, quod *nullus ducat in matrimonium, quam prius polluit adulterio*. Et cap. *illud* decernitur, *ut si quis cum uxore alterius eo vivente fornicatus fuerit, moriente marito, Synodali iudicio aditus ei claudatur illicitus, ne ulterius ei conjugatur matrimonio, quam prius polluit adulterio*. Idem patet ex cap. *Si quis fuerit*, ex Concil. Eliberit. ergo matrimonium cum adultera est illicitum.

Objic. 1. cap. *Relatum*, tale connubium non solum prohibetur, sed etiam *anathematizatur*; ergo matrimonium inter adulteros irritatur.

Resp. neg. conf. nam in casu Canonis, præter adulterium aderat promissio, & pactum cum juramento de illa foemina ducenda mortuo viro; ideo jure irritatur conjugium illud.

Inst. in casu capitis, *illud vero*, solum adulterium aderat, & tamen adultero præcluditur aditus ad matrimonium cum foemina illa; ergo sufficit adulterium ad nullitatem.

Resp. dist. ant. præcluditur; ut illicitum, con. ut irritum, neg. ant. nam dicit: *aditus ei præcludatur illicitus*, sc. prohibetur matrimonium, ut sciendum, non ut factum.

CONCLUSIO II.

Adulterium cum machinatione in mortem conjugis est impedimentum dirimens subsequens matrimonium inter adulteros machinatores secuta morte ejus ex utriusque consensu.

Prob. 1. ex Scoto cit. [1] qui cum dixisset, tria sunt crimina, quæ conjuncta, vel separata faciunt difficultatem circa matrimonium contrahendum, sc. adulterium, machinatio in mortem conjugis legitimi, & fidei datio ipsi adulteræ, vel contractus de facto, vel promissio cum iuramento, quia hæc tria ultima pro eodem reputantur Dico, quod si ve primum concurrat cum secundo, si ve tertio, & impedit, & dirimit. Et id probat ex SS. Decretis. In Reportatis autem clarius loquitur. Si machinatio alterius conjugum, & fidei datio de contrahendo post mortem mariti ejus simul concurrant cum adulterio, ambo cum 3. vel unum cum 3. vel unum cum alio, tunc dirimit, &c. ex statuto Ecclesiæ &c. ex cit. cap. Relatum.

Addit rationem; Hoc rationabiliter statuit Ecclesia, quia aliter statim cum odiosæ essent mulieres viris, vel viri mulieribus, propter alium magis dilectum machinarentur mortem alterius. Tum ponit conditiones, & circumstantias necessarias pro hoc impedimento.

Prob. 2. ex SS. Canonibus citatis. Nam inquit Conc. III. cap. Laudabilem, Hac Concilii Triburiensis Regula contenti sumus asserentis, quod si in mortem ipsorum fuerint machinata, licet earum studio ad fidem accesserint, tamen nec eis adherere debent, nec sunt, si eis adhæserint, etiam tolerandi. Et cap. si quis vivente, quod quidam eidem Concilio tribuunt, alii verò Meldensi, non dirimitur, nisi forè vir, aut mulier, virum, qui mortuus fuerat, occidisse noletur: tunc enim absolutè separandi sunt. Et cap. significasti, Innoc. III. respondet, quod, nisi alter eorum in mortem uxoris defunctæ fuerit machinatus ... legitimum iudices matrimonium, & sic de aliis.

Prob. 3. ratione Scoti; nam si talia matrimonia tollerarentur, homicidæ caperent emolumenta ex suo

Tom. VIII.

GG

fcc

[1] ibid. A. 2. E. 7.

scelere, & conjuges in suo conjugio non essent securi de vita sua, quoties jurgia quædam haberent inter se, aut amarent alios; ergo Ecclesia debuit illegitimare tales subditos suos ad nubendum inter se.

CONCLUSIO III.

Adulterium cum promissione matrimonii post mortem legitimi conjugis est crimen dirimens matrimonium, etiam sine machinatione.

Prob. 1. ex Scoto cit. ut patet ex utroque textu alato.

Prob. 2. ex iisdem Canonibus. Nam cap. *Relatum*, dicitur quemdam alterius uxorem stupro sedasse, & in super, *mæchæ*, vivente viro suo, juramentum dedisse, ut post legitimi mariti mortem, si supervixisset, duceret uxorem: quod & factum est. Tale connubium prohibemus, & anathematizamus. Vides 1. ibi nullam machinationem. 2. prohibet non faciendum, sed factum; & ideo dirimit. Concil. Triburiense dicit, *Audivimus rem execrabilem, & catholicis auribus detestandam, quemdam nefario fornicationis opere, alicujus uxorem, eo vivente, commaculasse, & in augmentum iniquitatis, juramento confirmasse, si ejus legitimum supervixissent ambo maritum, ut ille fornicator illam adulteram, adulterio pollutam sibi associaret toro, & legitimo matrimonio, si hoc matrimonium dici potest.* Ibi nihil de machinatione, sed de solo adulterio cum promissione nubendi. Idem patet ex aliis decretis Ecclesiæ, ut c. *si quis uxore vivente*, ex Greg. IX. & c. *veniens*, ex Inn. III. & c. *cum haberet*, ex Clem. III. &c.

Prob. 3. ratione; nam pax familiarum, charitas, & incolumitas conjugum exigebat, ut Ecclesia adimeret spem conjugii illis, qui sic pacificebantur, ne sic peccarent cum tali spe. Imò hinc timendæ essent violentiæ, venena, & mortes conjugum inter se. Requiritur autem 1. ut machinatio in mortem conjugis fiat de consensu, vel scientia amborum adulterorum. 2. ad finem nuptiarum. 3. cum effectu, ita ut de facto sequatur mors legitimi conjugis, nec sufficit rati habitio unius, qui non consenserat, credo tamen hoc impedimentum incurti ab eo, qui cum hac intentione influxit.

QUÆSTIO XVIII.

De impedimento Raptus.

HOc impedimentum habet aliquid de violentia ; quæ opponitur libertati essentiali matrimonio. Raptus autem, prout de illo hic agitur, est *abductio violenta personæ de loco ad locum ad explendam libidinem, aut matrimonium contrahendum*; & ut diximus ab initio, iste raptus, qui fit intuitu matrimonii contrahendi, ex Concilio Trident. ponitur inter impedimenta dirimentia ejus.

CONCLUSIO I.

Raptus, seu violenta abductio personæ de loco suo intuitu matrimonii contrahendi cum ipsa est impedimentum dirimens matrimonium, si contrahatur, quamdiu rapta manet in potestate raptoris.

Prob. breviter, ex Concil. Trid. Decreto ab omnibus recepto. Decernit S. Synodus inter raptorem, & raptā, quamdiu ipsa in potestate raptoris manserit, nullum posse consistere matrimonium. Quod si rapta, a rapto-
re separata, & in loco tuto, & libero constituta, illum in virum habere co-
senserit, eam raptor habeat in uxorem.

Addit tamen alias pœnas, sc. excommunicationem; infamiam perpetuam, & omnium dignitatum incapacitatem contra raptorem, & fautores, & degradationem in clericos, si operati, vel cooperati fuerint, & quod teneatur raptor dotare sceminam raptam.

Plures alii Canones possent adduci; sed præterquam quod videantur statuere impedimentum merè prohibens cum quibusdam pœnis, istud decretum nobis sufficiat.

Dixi *violenta abductio*, nam si persona consentiat, ut sæpè contingit in puellis, quæ sic prætendunt excusare se de inobedientia in parentes, contra quorum voluntatem volunt nubere cum raptoribus tunc, inquam, non est propriè raptus secundum leges Ecclesiasticas, benè verò, & fortè secundum civiles, quæ

700 *De impedimentis matrimonii*

non permittunt filios nubere in vitis parentibus. Ideò dicitur respectu puellæ, *fuga* potius, quàm *raptus*. Nec puto in hoc casu, raptorem incurrere poenas illas Ecclesiasticas, nec raptum illum esse impedimentum dirimens; quia Ecclesia in hoc studuit providere libertati contrahentium, & matrimonii, non autem parentum.

Dixi 2. *Abductio de loco*; nam si fiat violentia in propria domo ad contrahendum, hoc pertinebit ad impedimentum, quod dicitur *violentia*.

Dixi 3. *Intuitu matrimonii*; nam si fiat ad explendam libidinem, erit *oppressio*, & *stuprum*, non autem impedimentum raptus, saltem propriè, & in rigore Concilii, quod hìc non considerat violentiam illam, nisi in ordine ad matrimonium, ut consulat libertati puellæ. Erit tamen crimen enormissimum, & graviter puniendum.

Quæres, *An iste raptus, et hoc impedimentum incuratur, quando fit post sponsalia, aut post matrimonium ratum non consummatum*; v.g. si sponsus per vim abducatur sponsam, aut uxorem, quæ vellet deliberare de ingressu Religionis ante consummationem.

Resp. 1. Non incurri post matrimonium ratum, quia tunc vinculum totum matrimonii existit cum sua indissolubilitate, licet fiat injuria uxori volenti deliberare.

Resp. 2. incurri post sponsalia: quia tunc lèditur libertas sponsæ, aut sponsi.

Quæres 2. *An hoc impedimentum incuratur ex parte feminae, si virum in vicum rapiat ad contrahendum.*

Resp. affirmativè, & probabiliter. Nam licet magis ordinariè violentia hæc fieri soleat fœminis potius, quàm viris, tamen si aliqua fœmina potens ita rapiat virum per suos, ut cogat eum ad nubendum cum ipsa, non video, cur ista lex Canonica non suffragetur viro illi æquè, ac fœminæ. Quia, ut dicebam, Ecclesia sic voluit consulere libertati Matrimonii, quæ tam necessaria est ex parte viri, quàm fœminæ. Nec in his diutius immorandum.

DISPUTATIO V.

De dispensationibus impedimentorum matrimonii.

Quid sit dispensatio, diximus in tr. de Legibus, & quam requirantur, ut quis dispensare possit. Dicemus autem hic præcisè de dispensationibus in impedimentis, maximè dirimentibus. Nam de merè prohibitivis non est tanta difficultas.

QUÆSTIO I.

An in impedimentis matrimonii detur, vel dari possit aliqua dispensatio.

Dispensatio propriè, ut diximus aliàs, est juris relaxatio facta ab habente potestatem legitimam: impropriè verò est juris interpretatio, seu, declaratio. Unde patet, quòd inferior non potest propriè dispensare in lege superioris: benè verò impropriè per interpretationem, qua judicat, quòd in certis casibus lex non obligat, nec superioris intentio fuit, ut tunc obligaret. Nam Doctores legum sic eas interpretantur. Propria autem spectat ad solum ipsum legislatorem, aut ejus delegatum cum plenitudine potestatis.

Diximus etiam, quòd ad justam, & legitimam dispensationem requiritur causa rationabilis: alioqui dispensans sine rationabili causa peccat; quamvis fortè valere posset dispensatio. Quærimus ergo, an in Ecclesia sit aliqua facultas dispensandi in impedimentis dirimentibus matrimonii.

Suppono autem ex disputatione præcedenti, quòd impedimenta hæc reducuntur ad tres classes juxta jura, quibus statuuntur. 1. alia sunt juris purè naturalis, 2. alia juris Divini, 3. alia humani Ecclesiastici, quædam verò ex pluribus, vel omnibus illis juribus participant. His positis

CONCLUSIO I.

Nulla potestas creata dispensare potest propriè in impedimentis, quæ sunt de jure naturali, aut Divino.

Prob. 1. ex Scoto, qui, ut diximus tr. de Legibus, vix putat Deum dispensare posse in *jure naturæ*, saltem primario; ergo multo minus id poterit potestas creata.

Prob. 2. in eo, qui dispensat in aliquo jure, requiritur superioritas, & potestas ordinaria, vel delegata, ut dictum est tr. de legibus, sed nulla pura creatura est superior, nec habet potestatem ordinariam, vel delegatam supra jura divina, vel naturalia; ergo &c.

Prob. 3. v. g. in impedimento erroris, aut violentiæ. Nam essentialè est matrimonio, sicut & omni contractui humano, ut sit liberè volitum; nec potest in hoc dispensari, quia essentialiter rerum sunt immutabiles; sed in casu erroris, & violentiæ non est volitio, nec libertas; ergo per nullam potestatem creatam potest validari matrimonium factum ex errore, aut violentia. Prob. min. nihil enim volitum, quin præcognitum, & violentia excludit formaliter voluntarium; ergo &c.

Confir. ex dictis supra de illis impedimentis: nam inde patet, quanta sit necessitas libertatis ad essentialitatem, & valorem matrimonii.

CONCLUSIO II.

In aliquibus impedimentis, quæ sunt de jure naturali secundario, vel divino positivo, Papa potest dispensare impropriè, seu declarativè.

Prob. 1. nam impedimenta conditionis, consanguinitatis, & impotentiae, sunt de jure naturæ, ut patet ex dictis: sed in istis potest Papa dispensare declarando casus, in quibus non impediunt: ergo &c. Prob. min. 1. de conditionibus cap. *si conditiones*, ubi Greg. IX. statuit, quòd si conditiones appositæ contractui matrimonii sunt turpes, vel impossibiles, non impediunt, & censentur non appositæ, & quòd, quæ contrariæ sunt substantiæ matrimonii, invalidant illud: sed conditiones appositæ in contractibus sunt illis essentialiter, & de jure naturæ: Papa declarat, & dispen-

dispensat in hoc impedimento; sc. declarat, quando conditiones non impediunt, vel impediunt.

Prob. eadem min. de consanguinitate, nam ut notat S. August. cap. *Cum igitur*, & ut diximus, post creationem fiebant matrimonia in 1. gradu lineæ transversæ, sc. inter fratres, & sorores ob inopiam personarum. *Viri sorores suas acceperunt uxores, quod profecto, quanto est antiquius, cogente necessitate, tanto postea factum est damnabilius, Religione prohibente*; ergo aliquando in gradibus prohibitis consanguinitatis contingit dispensatio, & si unquam adesset similis necessitas, similis dari posset dispensatio.

Confir. ex dictis, nam olim impedimentum consanguinitatis extendebatur ad plures gradus, quam nunc, & Ecclesia declaravit, in quibus gradibus dirimebat, ut in Concilio Neocæsar. declaravit, & prohibuit matrimonium ejusdem viri cum duabus sororibus, aut ejusdem fœminæ cum duobus fratribus. Gregor. Mag. dispensavit cum Anglis, ut ultra 3. aut 4. gradum consanguinitatis, vel affinitatis possent nubere, (nam tunc istud impedimentum longius extendebatur.) *Ne gens, quæ nuper ad fidem venerat, à bono, quod caperat, metuendo austeriora recederet, & intra 2. & 1. omnino prohibuit.* Gregor. II. circa an. 721. idem concessit Germanis post 4. gradum, *quia temperantia magis, & præsertim in tam barbara gente, plus placet, quam strictio censura.* Tunc etiam longius extendebatur hoc impedimentum. Denique hodie intra 3. & 4. gradum aliquando dispensatur; ergo &c.

Prob. 3. p. ejusdem min. de impotentia. Nam, de facto Nicol. 1. cap. *ubi non est*, permittit impuberes, qui ex ætate sunt impotentés, nubere: *si aliqua urgentissima necessitas interveniat; utpote, pro bono pacis, talis conjunctio toleretur.* Et Gregor. 1. cap. *Requisti*, de quodam impotente decernit, *iste si non potest ea nisi pro uxore, habeat eam quasi sororem.* Quod si resinatum conjugale voluerint rescindere, maneant innupti; ergo permittit matrimonium cum impotente. Et cap. *consultationi*, de fœmina clausa respondet Lucius III. quod licet incredibile sit, quod aliquis cum talibus contrahas matrimonium, Romana tamen Ecclesia consuevit in similibus judicare, & quas tamquam uxores habere non possunt, habeant ut sorores. Ergo Papa potest

declarare, quod in aliquibus impotentia non dicimat,
& illis permittere conjugium.

CONCLUSIO III.

P*apa potest dispensare in omnibus impedimentis di-
rimentibus ex lege positiva Canonica, & aliquan-
do Episcopi.*

Prob. 1. p. quia ex regulis juris; *Omnes res per quas-
cumque causas nascitur, per easdem dissolvitur*; ergo
Ecclesia potest dispensare in omnibus impedimentis
per illam statutis, sed tota potestas Ecclesiæ est in
Papa ejus capite; ergo &c.

Prob. 2. ex Concil. nam in Lateran. IV. dicitur,
quod *non debet reprehensibile judicari, si secundum
varietatem temporum statuta quandoque varientur*.
Ideo tollit impedimentum in 2. & 3. gradu affinita-
tis, & inter filium 2. matrimonii cum cognatione
prioris viri, & inter consanguineos ultra 4. gradum,
quia *in ulterioribus gradibus, jam non potest absque
gravi dispendio talis prohibitio generaliter observari*.
Item ex Trid. in quo anathematizantur dicentes, *non
posse Ecclesiam in ullis gradibus dispensare, aut consti-
tuere, ut impediunt, vel dirimant*; ergo &c. vide alios
Canones, & probationes apud Brancatum nostrum.

Prob. 2. p. 1. communiter docent Theologi, & Ca-
nonistæ, quod Episcopus dispensare potest in impedi-
mentis occultis, & casibus necessitatis, maxime pro
miserabilibus personis, quæ non possunt facile recur-
rere ad Papam, & quando ex bona fide contraxerunt,
& non possunt sine scandalo separari, aut imminet de-
trimentum gravissimum, aut periculum sit in mora.

Prob. 2. Nam ut docet idem Brancatus, præsumi-
tur Papam nolle tam stricto vinculo ligare fideles, ut
in his casibus debeant separari, donec obtinuerint dis-
pensationem, maxime pro remotioribus locis; ergo
Papa ipse præsumitur relinquere Episcopis dispensa-
tionem in illis casibus.

Confir. nam alioqui pro illis personis jugū Christi,
& leges Ecclesiæ non essent suavia, sed dura, & mora-
liter impossibilia; aliqui cogèrentur detegere pro-
prium turpitudinem, alii exponerentur gravibus da-
mnis vitæ, inimiciæ capitalis, mutilationis, &c.
quan-

quando sc. parentes, & alii viderent matrimonia non perfici, aut consummari; ergo &c.

Confir. 2. Nam in casibus reservatis, urgente necessitate pro iis, qui non possunt recurrere, solet Papa permittere, ut Ordinarii absolvant; ergo & ut in iisdem casibus dispensent ab aliquibus impedimentis.

Confirm. denique ex praxi: nam de facto Episcopi in Gallia dispensant non solum in 4. sed etiam in 3. gradu affinitatis, & consanguinitatis, non ubique id faciunt.

Dixi, *in occultis*; non enim puto id fieri posse in publicis; nam inferior non potest dispensare in legibus superiorum; sed ista impedimenta sunt leges superiorum; sc. Papæ, & Conciliorum, quorum potestas est superior potestati ordinariæ Episcopi: alioqui potestas ejus esset æqualis Papali; ergo &c.

Igitur 1. si post celebrata sponsalia, & in dicto die nuptiarum detegeret quis impedimentum affinitatis contractum ex copula fornicaria unius sponсорum cum alterius consanguineo in 2. vel 3. gradu, nec possit adiri Papa, nec differri nuptiæ sine scandalo gravi, vel periculo gravis infamiæ, aut aliorum malorum, aut detectionis impedimenti cum infamia, valde probabile puto Episcopum posse cum illis dispensare.

2. Idem est de crimine dirimente, si post contractum, & designationem diei nuptiarum adverterent sponsi adesse tale aliquod crimen occultum, nec posset differri celebratio sine gravi scandalo, vel periculo gravis infamiæ, aut alterius mali etiam gravis, posset Episcopus in foro conscientiæ dispensare.

3. Idem est de similibus casibus, nec puto SS. Pontificem, aut Ecclesiam, quæ piissima est mater, hanc facultatem Episcopis denegasse.

Objic. Hæ rationes valerent etiam pro impedimentis publicis, sed nemo diceret Episcopum dispensare posse in publicis; ergo nec in occultis.

Respondeo neg. maj. nam in publicis non urget timor ullius ex illis periculis, quia jam periit bona fama ex publicitate criminis, ex quo veniret impedimentum.

Hæc autem puto vera non solum in matrimoniis bona fide contractis, sc. ante notitiam, vel advertentiam talium impedimentorum, sed etiam in matri-

monii contrahendis ; quia pro utrisque valent rationes illæ in illis , & similibus casibus.

Porro hæc fusiùs discutienda relinquo Canonistis , ad quos præcipuè spectat hujus materiæ discussio. Placet tamen specialiter inquirere de impedimento voti solemnisi.

Q U Æ S T I O II.

An Papa dispensare possit in impedimento voti solemnisi cum Religioso professore.

HÆc difficultas solet acriùs controversi inter Theologos , & ideo juvabit eam discutere pro complemento hujus tractatus.

C O N C L U S I O.

Summus Pontifex dispensare potest in impedimento voti solemnisi in Religione approbata , ita ut matrimonium talis Religiosi valeat supposita dispensatione Apostolica. Est communissima contra Thomistas , non quidem omnes , nec contra D. Thomam nam P. Bancel. To. 7. p. 534^o asserit , quod potest etiam ex mente S. Thomæ summus Pontifex in voto solemnii Religionis dispensare , propter communem Ecclesiæ utilitatem , vel aliam similem rationabilem causam , & id probat ex textibus S. Doctoris.

Prob. 1. ex Scoto , qui totam vim hujus impedimenti petit ex lege Ecclesiæ , quæ *illegitimavit sic voventem* : nam Papa potest dispensare in legibus positivis Ecclesiasticis , habet enim plenitudinem potestatis in Ecclesia ; ergo &c.

Prob. 2. Quia ratio nulla probat potestatem Papæ in hoc esse limitatam ; ut patebit solutione objectionum ; ergo in hoc potest dispensare. Prob. conf. Debemus agnoscere in capite Ecclesiæ omnem potestatem , quæ illi convenire potest sine absurdo , & pro recto ejus regimine , & fidelium bono : sed quod habeat potestatem dispensandi in voto illo , nihil est absurdi , & utile potest esse bono fidelium , & regimini recto Ecclesiæ ; ergo &c.

Confirmatur ex Script. nam in Evangelio Christus dat Petro , ut capiti Ecclesiæ plenissimam potestatem , & claves regni cælorum sine restrictione , dicens :
Quod

*Quodcumque solveris super terram, erit solutum & in
ealis; ergo &c.*

Prob. 3. Si quid probaret hanc impotentiam, & indis-
pensabilitatem, maximè connexio necessaria hujus
voti cum celibatu ex jure naturali, aut Divino: sed
hæc ratio nulla est; ergo &c. maj. continet principa-
le fundamentum adversariorum; neque ex alio capi-
te prætendi potest. Prob. min. 1. quia probatum est
supra hoc impedimentum non venire ex jure natura-
li primario, neque ex Divino. 2. Quia ab initio, &
per quinque prima sæcula publicati Evangelii nihil
constabat de tali impedimento; & tamen tunc, & ab
omni ævo viguit jus naturale, & jus omne Divinum;
ergo &c. Prob. ant. Nam tempore Innoc. I. qui sedebat
initio 5. sæculi, mulier, quæ nupserat post votum
solemne castitatis, non jubetur separari à viro suo,
nec cogi ad pœnitentiam vivente viro, ne pœnitentia
cedat in injuriam conjugii, quo uti non poterant pœ-
nitentes. *Quæ Christo spiritualiter nupserunt, si postea,
vel publice nupserint . . . non eas admittendas esse ad
pœnitentiam agendam, nisi is, cui se junxerat, de sæ-
culo decesserit.* Idem colligitur ex Leone Magno. *Qui
relicta singularitatis professione, ad militiam, vel ad
nuptias devolutus est, publicæ pœnitentiæ satisfactione
purgandus est (perpende rationem) quia; & si inno-
cens sit militia, et honestum potest esse conjugium, ele-
ctionem tamen meliorem deseruisse, transgressio est.* Non
dicit irritum, & invalidum, sed irrationabile.

Idem patet ex Concil. Chalcedon. an. 451. *Si quæ
virgo se dedicavit Deo, similiter Monachus non licere eis
jungi nuptiis. Si verò inventi fuerint hoc facientes, ma-
neant excommunicati.* Non ergo jubet eos separari, nec
censet matrimonium irritum esse, sed purè illicitum.
Fateor, quòd paulò post talia matrimonia cœperunt
irritari, ut constat ex Gregorio Magno, qui sedebat;
an. 590. & ex Concil. Tolet. IV. circa an. 533.

Prob. denique ex facto. Nam Ecclesia non semel in
hoc voto dispensasse legitur, ut cum Nicolao Justi-
niano Monacho, cum Rege Aragoniæ, cum Constan-
tia filia Rogerii Siciliæ Regis, quæ Henrico VI. nupsit
&c. Certe casus accidere potest, ut tales dispensationes
sint necessariæ pro ingenti bono totius Reip. Christia-
næ, vel totius regni tranquillitate; nec probabile est

Christum sponsæ suæ negasse hanc facultatem in tam urgentibus casibus.

Objicies 1. cap. *ad Monasterium*, ubi Innoc. III. dæcernit, quod *abdicatio paupertatis, & custodia castitatis adeo est annexa regulæ Monachali, ut contra eam nec summus Pontifex possit licentiam indulgere*; ergo ex Decretali declaratione ipsius Papæ, non potest dispensare in hoc impedimento.

Resp. neg. conf. Nam Papa intelligit, quod Monachus manens Monachus non potest dispensari in paupertate, vel castitate, quia (inquit glossa, & ipse Papa) *hæc sunt adeo connexæ Regulæ Monachali, &c.* Sed non dicit se non posse dispensare hominem à Monachatu. Unde quando Monachi, seu Religiosi fiunt Episcopi, dicuntur dispensari ab observantiis regularibus, & ab ipsa paupertate, & obedientia.

Inst. ex Glossa, in tantum posset Papa dispensare in votis illis, in quantum posset illa commutare in melius: sed nullum invenitur majus, vel æquale bonum, in quod possit commutatio fieri; ergo &c. Prob. min. quia sola castitas potest cum fiducia præsentare Deo animas, sed nullum bonum est isto melius, vel æquale, quam enim homo dabit commutationem pro anima sua? ergo &c.

Respond. 1. Idem argumentum probaturum, quod non possit dispensari, ne quidem in voto simplici castitatis, quia non habetur majus bonum, in quod illa possit commutari; sed hoc est falsum, & contra adversarios, qui non negant Papæ hanc potestatem in voto simplici.

Respondeo 2. neg. maj. Nec enim commutatio est idem cum dispensatione, nec tanta requiritur potestas ad commutandum, quanta ad dispensandum, quidquid dicat Glossa.

Resp. 3. negari posse min. nam casus, in quibus supponimus posse dispensari, faciunt, ut custodia castitatis sit minus bonum, quam matrimonium, & Deus ipse in illis circumstantiis non tanti facit eam, quam illud. Dico, in illis circumstantiis, nam, absolute, status castitatis longè præstat matrimoniali, ex se, & ex objecto suo.

Objic. 2. Papa, per nos, non potest dispensare in jure naturali, & Divino, sed votum solumne Religionis approbatæ est de jure naturali, & Divino; ergo &c.
Prob.

Prob. min. Quod est essentialiter statui instituto à Christo, est de jure Divino, & naturali; sed castitas est essentialiter statui religioso, qualis institutus est à Christo Deo; ergo &c.

Resp. 1. dist. maj. non potest dispensare absolute, & simpliciter, tollendo obligationem totam, conc. secundum quid, & declaratorie, & ex speciali delegatione, neg. maj. & conf. nam in his dispensationibus Papa declarat non fuisse intentionem voventis obligandi se in talibus circumstantiis: nec Deum per Ecclesiam intendisse acceptare illa vota, & professionem, & sic hanc non obligare, sed esse nullam.

Resp. 2. neg. min. nam, ut volunt adversarii, quod indispensabilitas veniat ex solemnitate, ita venit ex instituto Ecclesiæ, sicut & ipsa solemnitas votorum, & professionis; ergo & incompatibilitas ejus cum matrimonio, quantum ad hoc, & præcisè.

Inst. Sed illa incompatibilitas est de jure naturæ; ergo & indispensabilitas. Prob. subf. nam illa castitas, sicut & paupertas, & obedientia sunt de essentia status Religiosi; ergo sunt incompatibilia essentialiter, & naturaliter cum matrimonio.

Resp. dist. sub. Incompatibilitas in sensu composito obligationis voti, conc. in sensu diviso, neg. subf. nam per dispensationem tollitur obligatio religionis, & votorum ejus, cum quibus viget quidem illa incompatibilitas, & essentialitas status illius; sed per dispensationem mutatur status religionis, à quo per illam extrahitur, & tollitur illegitimitas ad matrimonium.

Objic. 3. Vota Religionis dirimunt matrimonium jure naturali, & divino; ergo impedimentum hoc est indispensabile utroque jure. Prob. ant. Eodem jure vota religionis dirimunt, quo unum matrimonium dirimit aliud; sed unum matrimonium dirimit aliud ex utroque jure; ergo &c. Prob. maj. Ideo unum matrimonium dirimit aliud, quia per primum unus conjugum tradidit corpus suum alteri, quo vivente ille non est sui juris, nec potest amplius tradere corpus alteri, sed hoc ita est de religioso; iste per professionem tradidit se Deo, & religioni, ita ut non sit amplius dominus sui; ergo eodem modo, & jure professio religiosa impedit, & dirimit matrimonium, scilicet jure naturali, & divino.

Resp.

Resp. neg. ant. & 1. maj. & dist. 2. perfectè tradidit ex natura talis contractus, con. ex alio titulo extrinsecò, & positivo; neg. maj. & min. Non enim ita est de professione religiosa. Nam illa traditio non est talis ex natura professionis, sed ex statuto Ecclesiæ. Nec enim à parte rei implicat hominem tradere se Deo, & religioni ad observantiam aliquot regularum approbarum ab Ecclesia, & quod se sibi reservet ad aliquos usus licitos, aut saltem ad resiliendum in aliquibus casibus, & maximè quando id necessarium, vel expediens videbitur Ecclesiæ; hæc autem reservatio, & conditio virtualiter continetur in omni professione religiosa tam ex parte voventis, quàm religionis, & Ecclesiæ statuentis hoc impedimentum, & acceptantis pro Deo vota illa. In quo non video majorem difficultatem in solemnibus votis, quàm in privatis, & simplicibus.

Objic. 4. Concil. Trid. anathematizat, *Si quis dixerit in sacris ordinibus constitutos, vel regulares solemniter professos posse matrimonium contrahere valide, non obstante lege Ecclesiastica, vel voto*; ergo non solum ex lege Ecclesiastica, sed etiam naturali, & divina, & ex natura voti hoc impedimentum est indispensabile.

Resp. neg. conf. Imò Concilium apertè tribuit hoc impedimentum legi Ecclesiasticæ, quæ si non obstarèt cum ratione voti, cessaret hoc impedimentum.

Id colligitur ex illa clausula, *non obstante lege Ecclesiastica, vel voto*: nam neutrum est indispensabile, sc. nec votum, nec ipsa lex, ut patet ex dictis.

Objic. 5. Papa non potest facere, ut calix consecratus non sit consecratus; ergo neque ut homo professus non sit professus; sed status professionis est absolute incompatibilis cum statu conjugali; ergo &c. Probat. conf. Consecratio non magis adhæret calici, quàm professio, seu obligatio professionis adhæret religioso.

Resp. 1. retorquendo. Consecratio calicis tolli potest à calice per aliquam mutationem prophanantem; ergo & obligatio professionis.

Resp. 2. dist. 1. ant. In sensu composito consecratio- nis, seu stantè consecratione, cont. in sensu diviso, & sublata consecratione, quæ est possibilissima, neg.

ant.

ant. ad 2. ant. dico consecrationem per professionem longè magis adhærere, quàm consecratio adhæreat calici, nec tam facilè Papam in votis illis dispensare, quam potest tollere consecrationem, sed tamen illa est dispensabilis, & auferibilis in casibus necessitatis.

Suppono igitur, quod talis dispensatio non datur sine urgentissima ratione, & necessitate pro bono uniùs regni, aut Ecclesiæ, qui casus rarissimi sunt, & de illis paucissima sunt exempla.

Q U Æ S T I O III.

De dispensatione impedimentorum non dtrimentum.

Diximus impedimenta secundum quid, & merè prohibitiva esse illa, quæ non irritant matrimonio, si fiat cum uno illorum, sed solum faciunt, ut illicitè contrahatur, ut sùt *interdictum, catechismus, votum simplex, crimen, & sponsalia*, cum his enim contrahi non licet, nec contrahitur sine gravi peccato. Quærimus, quis possit in his dispensare.

C O N C L U S I O.

Dispensatio istorum impedimentorum regulariter, & de jure communi spectat ad solum Papam. Aliquando verò, & in casibus necessitatis possunt Episcopi in his dispensare. Videtur communis quoad utramque partem.

Prob. 1. ex Conc. Later. III. & habetur c. *Veniens*, ubi Alex. III. dispensat cum muliere, quæ voverat continentiam in manibus Eremitæ, Mandans Episcopo, quatenus, si plus non processerit, nec vestem, aut locum mutavit, aut professionem fecit, dictæ mulieræ de fide mentita (fide data promiserat se nupturam alteri viro) & voto violato, congruam satisfactionem indicas, & ei, cui vult, nubendi in Domino tribuere non postponas; ergo Episcopus non præsumit dispensare in voto simplici, sed ad Papam recurrit. Et c. *Est si Dominici*, ubi Xystus IV. sibi reservat inter alia castitatis, & religionis vota, nisi ex speciali licentia, & certa scientia nostra (& quidem in scriptis authentica)

ticis) *commutare attentaverint, absolutio, & commutatio nullius sint roboris.*

Prob. 2. ex praxi Ecclesiæ: nam in his impedimentis recurritur ad SS. Pontificem, nisi casus aliquis necessitatis impediatur. Unde

Prob. 3. Nam hæc impedimenta sunt statuta auctoritate SS. Pontificum, aut Conciliorum generalium, ac totius Ecclesiæ, quorum auctoritas est superior omnibus Episcopis; sed inferior non potest dispensare in legibus superiorum: nam dispensatio est actus jurisdictionis superioris, c. *Inferior*, & cap. *ne Romani*, ubi Clem. V. in Concilio Viennensi decernit, quod *lex superioris per inferiorem tolli non potest*, &c.

Addit Cabassutius, quod *aliqui affirmant posse Ordinarios in Regno Gallia absolute dispensare ad matrimonium in 4. aut etiam in 3. cognationis, vel affinitatis gradu. Utrum id ita consuetudine invaluerit, ut jus faciat, certum affirmare non ausim.* Hoc facit pro 1. p.

Prob. 2. p. 1. ex dictis supra: nam si in casibus gravioris necessitatis, aut difficultatis, vel impossibilitatis moralis recurrendi ad Papam, & maxime in impedimentis occultis dirimentibus liceat Episcopis dispensare, saltem ex consensu interpretativo Papæ, vel Ecclesiæ, à fortiori hoc eis licebit in istis, quæ non sunt tanti momenti.

Confir. ex Theologis, & Canonistis, quos citat, & sequitur Rossignolius hic.

Confir. 2. ex Decreto Concil. Trid. quo tribuitur Episcopis facultas in sua diocesi absolvere, & dispensare in multis, *etiam Apostolicæ sedis reservatis*: nam eadem est ratio de his casibus.

Ideo ait Cabassut. cit. ex rationabili causa possunt Ordinarii dispensare circa impedimenta non dirimentia, etiam ad contrahendum matrimonium, exceptis votis simplicibus, & absolutis perpetuæ castitatis, & Religionis, pro quo citat S. Antoninum, & alios. Item docet, quod possunt dispensare circa impedimenta, quæ superveniunt inter conjuges quoad debiri conjugalis petitionem, & usum, v. g. ex affinitate per baptismum, aut incestum contracta.

Dixi, *in casibus necessitatis, & extraordinariis*: nam cum impedimenta hæc statuta sint ab Ecclesiâ,

sc. SS. Pontificibus, & Conciliis, quorum autoritas est superior Episcopali, certum est, quod in talibus non possunt Episcopi dispensare ordinaria potestate, quia inferior dispensare non potest in legibus superiorum.

Porro Concil. Trid. docet, quod *in contrahendis matrimoniis vel nulla omninò datur dispensatio, vel rarò, idque ex causa, et gratis concedatur. In 2. gradu numquam nisi inter magnos Principes dispensetur; vel ob publicam causam.*

Denique monuerim cum S. Bernardo, quod duæ sunt causæ inculpabilis dispensationis, necessitas, & notabilis utilitas. *Ubi necessitas urget, excusabilis est dispensatio, ubi utilitas provocat. Nam, cum nihil horum est, non planè fidelis dispensatio, sed crudelis dissipatio est.*

Causas particulares dispensandi tam in dirimentibus, quàm in istis habes apud Casuistas, & apud Cardinalem nostrum Brancatum.

His addi posset disputatio de obligationibus conjugum, & debito conjugali, & usu ejus; sed hæc obvia sunt apud Casuistas, nec junioribus Theologis, qui audiendis confessionibus non incumbunt, necessaria sunt, ideo his supersedebimus.

Hæc autem de Matrimonio, & Sacramentis, imò & de universa Theologia Scholastica sufficiant studentibus nostris ad laudem, & gloriam omnipotentis Dei, ac Sanctissimæ Virginis Deiparæ, & Seraphici Patriarchæ, & Sanctissimi Patroni Sebastiani, totiusque curiæ cælestis, sub censura S. Matris Ecclesiæ, dicta sufficiant. Die 22. Septemb. an. 1697.

F I N I S.

1 12 4

005670803

